



BIBLIOTECA NAZ.  
Vittorio Emanuele III

XXIII

G

30

NAPOLI







# INSTITUTIONES PHILOSOPHICÆ


quas alumnis suis proponebat

F. THOMAS AQUINAS A NATIVITATE

CARMELITA EXCALCEATUS VENETUS.

VOLUMEN TERTIUM.

PHYSICAM PRIOREM COMPLECTENS.



V E N E T I I S  
A P U D S I M O N E M O G G R I.

---

MDCCLXII.  
SUPERIORIBUS ANNUENTIBUS.

1. The first part of the paper discusses the importance of maintaining accurate records of all transactions. It emphasizes that proper record-keeping is essential for the success of any business or organization. The author provides several examples of how poor record-keeping can lead to financial loss and legal complications.

2. The second part of the paper focuses on the role of technology in improving record-keeping. It discusses various software solutions and digital tools that can help businesses manage their records more efficiently. The author argues that while technology can be a powerful aid, it must be used correctly to avoid errors and data loss.

3. The third part of the paper addresses the challenges of record-keeping in a globalized world. It explores how different legal systems and cultural practices can affect the way records are maintained. The author suggests that businesses operating internationally must be aware of these differences and adapt their record-keeping practices accordingly.

4. The final part of the paper provides practical advice for businesses on how to implement effective record-keeping systems. It includes a checklist of key steps and a list of recommended resources. The author concludes by emphasizing that while record-keeping may seem like a tedious task, it is a critical component of any successful business strategy.

100

100

# I N D E X

## CAPITUM, ET PARAGRAPHORUM.

**I** Sagae ad Physicam priorem. Pag. 1.

### CAPUT I.

*Symptis hystoria Scriptorum Physices.*  
ibid.

### CAPUT II.

*De scriptis physicis Aristotelis.* 14

#### PARAGR. I.

*Recensentur scripta physica Aristotelis.* 15

#### PARAGR. II.

*Probatur scripta Aristotelis physica non esse inutilia.* 17

#### PARAGR. III.

*Evertitur opposita sententia.* 18

#### PARAGR. IV.

*Enumerantur Aristotelis errores.* 20

### CAPUT III.

*De Physices usu.* 22

#### PARAGR. I.

*Nomen Physices explicatur, objectum & praefidia.* ibid.

#### PARAGR. II.

*Probatur auxiliari Physicen Theologia.*  
23

#### PARAGR. III.

*Infirmantur rationes adversa.* 24

#### PARAGR. IV.

*Expenduntur leges ad Physices usum pertinentes.* 27

#### PARAGR. V.

*Afferitur Physices divisio.* 31

### PARS I. PHYSICÆ PRIORIS.

*De corporum principiis.*

### CAPUT I.

*De principiis corporum Aristotelicis.* 32

#### PARAGR. I.

*Explicantur principia corporum Aristotelica.* ibid.

### PARAGR. II.

*Probatur principia corporum Aristotelica non esse omnia vera.* 34

### PARAGR. III.

*Evertuntur argumenta Aristotelicorum.*  
35

### CAPUT II.

*De principiis corporum Gassendianis.* 39

#### PARAGR. I.

*Exponuntur principia Gassendi.* ibid.

#### PARAGR. II.

*Demonstratur atomas non esse corporum principia.* 41

#### PARAGR. III.

*Profigantur rationes Gassendianorum.* 42

### CAPUT III.

*De principiis corporum Cartesianis.* 45

#### PARAGR. I.

*Aperiuntur principia Cartesii.* ibid.

#### PARAGR. II.

*Ostenditur Cartesii principia esse simulata.* 47

#### PARAGR. III.

*Proferuntur argumenta Cartesianorum.*  
49

### CAPUT IV.

*De principiis corporum Paracelsianis.*

53

#### PARAGR. I.

*Exponuntur principia Paracelsi.* ibid.

#### PARAGR. II.

*Demonstratur chymica principia non esse prima.* 55

#### PARAGR. III.

*Eliduntur argumenta Paracelsianorum.*

57

### CAPUT V.

*De principiis corporum Leibnitianis.* 61

#### PARAGR. I.

*Explicantur principia Leibnitii.* ibid.  
a 2 PA-

IV INDEX CAP. ET PARAGR.

PARAGR. II.

*Ostenditur principia Leibnitiana dissolvere  
minus aliis a veritate.* 63

PARAGR. III.

*Infirmantur rationes Antileibnitianorum.* 64

PARS II. PHYSICÆ PRIORIS.

*De affectionibus corporum insensibilibus.*

CAPUT I.

*De discrimine affectionum a corporum substantia.* 69

PARAGR. I.

*Afferuntur nonnullæ animadversiones.* ib.

PARAGR. II.

*Probatur a Fide non præcipi differre affectiones a corporum substantia.* 72

PARAGR. III.

*Infirmatur adversa opinio.* 73

CAPUT II.

*De corporum extensione.* 77

PARAGR. I.

*Philosophorum opiniones afferuntur de corporum essentia.* ibid.

PARAGR. II.

*Decernitur corporum essentiam esse extensionem.* 79

PARAGR. III.

*Evertuntur opposita rationes.* 81

CAPUT III.

*De corporum divisibilitate.* 86

PARAGR. I.

*Describitur ratio quâ attenditur res continua.* ibid.

PARAGR. II.

*Probatur infinitam non esse corporum divisibilitatem.* 91

PARAGR. III.

*Diluantur opposita argumenta.* 92

PARAGR. IV.

*Narratur exiguitas corpusculorum.* 98

CAPUT IV.

*De corporum adtractione.* 101

PARAGR. I.

*Idea explicatur virium adtrahentium.* ib.

PARAGR. II.

*Ostenditur repudiandam non esse corporum adtractionem.* 103

PARAGR. III.

*Eliduntur opposita rationes.* 105

CAPUT V.

*De corporum gravitate.* 111

PARAGR. I.

*Afferuntur nonnullæ de gravitate observationes.* ibid.

PARAGR. II.

*Describuntur multa de causa gravitatis hypotheses.* 114

PARAGR. III.

*Demonstratur gravitatis causam esse adtractionem.* 116

PARAGR. IV.

*Diluantur opposita momenta.* 117

CAPUT VI.

*De corporum inertia.* 120

PARAGR. I.

*Nonnullæ de vi inertia memorantur hypotheses.* ibid.

PARAGR. II.

*Ostenditur inertia vim non differre a gravitate.* 123

PARAGR. III.

*Diruitur adversa opinio.* 124

CAPUT VII.

*De corporum densitate.* 129

PARAGR. I.

*Nonnullæ animadvertuntur.* ibid.

PARAGR. II.

*Evincitur ducendam densitatem esse a numero spatiorum.* 130

PARAGR. III.

*Infirmantur opposita argumenta.* 131

PARAGR. IV.

*Differitur de corporum potis.* 136

CAPUT VIII.

<i>De corporum electricitate.</i>	137
PARAGR. I.	
<i>Afferuntur praeipue de electricitate ob-</i>	
<i>servationes.</i>	ibid.
PARAGR. II.	
<i>Probatur electricitatem ab igne proveni-</i>	
<i>re qui effluit a corporibus.</i>	140
PARAGR. III.	
<i>Disjiciuntur opposita rationes.</i>	141
PARAGR. IV.	
<i>Alia exponuntur phenomena electricita-</i>	
<i>tis.</i>	151

PARS III. PHYSICÆ PRIORIS.

<i>De affectionibus corporum sensibilibus.</i>	
--	--

CAPUT I.

<i>De corporum coherencia.</i>	154
PARAGR. I.	
<i>Corporum durities exponitur &amp; molli-</i>	
<i>ties.</i>	155
PARAGR. II.	
<i>Demonstratur corporum cohesionem pro-</i>	
<i>gredi a vi attractante.</i>	157
PARAGR. III.	
<i>Diluuntur exceptiones.</i>	158
PARAGR. IV.	
<i>Agitur de corporum elasticitate.</i>	169

CAPUT II.

<i>De corporum fluiditate.</i>	172
PARAGR. I.	
<i>Afferuntur nonnulla de corporum fluidi-</i>	
<i>tate opiniones.</i>	ibid.
PARAGR. II.	
<i>Demonstratur provenire corporum fluidi-</i>	
<i>tatem a vi repellente.</i>	176
PARAGR. III.	
<i>Convelluntur opposita rationes.</i>	ibid.
PARAGR. IV.	
<i>Differitur de intestino corporum fluidi-</i>	
<i>tum motu.</i>	181

CAPUT III.

<i>De saporibus.</i>	183
----------------------	-----

PARAGR. I.

<i>Describitur organum gustus.</i>	ibid.
------------------------------------	-------

PARAGR. II.

<i>Nonnulla afferuntur de saporibus obser-</i>	
<i>vationes.</i>	185

PARAGR. III.

<i>Probatur positos saporos esse in figuris</i>	
<i>particularum.</i>	186

PARAGR. IV.

<i>Adversa labefactatur opinio.</i>	187
-------------------------------------	-----

PARAGR. V.

<i>De multis agitur generibus saporum.</i>	190
--	-----

CAPUT IV.

<i>De odoribus.</i>	191
---------------------	-----

PARAGR. I.

<i>Exponitur organum odoratus.</i>	ibid.
------------------------------------	-------

PARAGR. II.

<i>Proponuntur aliqua de odoribus obser-</i>	
<i>vationes.</i>	192

PARAGR. III.

<i>Ostenditur collocandos odores esse in par-</i>	
<i>ticulis.</i>	194

PARAGR. IV.

<i>Diruitur opposita sententia.</i>	195
-------------------------------------	-----

PARAGR. V.

<i>Attinguntur discrimina odorum.</i>	199
---------------------------------------	-----

CAPUT V.

<i>De sonis.</i>	199
------------------	-----

PARAGR. I.

<i>Delineatur organum auditus.</i>	ibid.
------------------------------------	-------

PARAGR. II.

<i>Nonnulla afferuntur de sonis observatio-</i>	
<i>nes.</i>	202

PARAGR. III.

<i>Demonstratur sonum esse aeris tremo-</i>	
<i>rem.</i>	204

PARAGR. IV.

<i>Propulsantur rationes adversæ.</i>	205
---------------------------------------	-----

PARAGR. V.

<i>Enumerantur species sonorum.</i>	210
-------------------------------------	-----

PARAGR. VI.

<i>Differitur de sonorum reflexione.</i>	212
--	-----

CAPUT VI.

<i>De lucis natura.</i>	215
-------------------------	-----

PARAGR. I.

<i>Describitur organum visus.</i>	ibid.
-----------------------------------	-------

PA-

<u>PARAGR. II.</u>	
<u>Exponuntur multa de luce observationes.</u>	219
<u>PARAGR. III.</u>	

<u>Ostenditur generari lucem a lucidi corporis oscillatione.</u>	223
--	-----

<u>PARAGR. IV.</u>	
<u>Infirmantur oppositæ rationes.</u>	224

<u>PARAGR. V.</u>	
<u>Disputatur de corporum opacitate.</u>	229

## CAPUT VII.

<u>De luce directa.</u>	232
-------------------------	-----

<u>PARAGR. I.</u>	
<u>Aliqua proferuntur animadversiones. ibid.</u>	

<u>PARAGR. II.</u>	
<u>Demonstratur visum non esse experientiam.</u>	235

<u>PARAGR. III.</u>	
<u>Profigantur opposita argumenta.</u>	236

<u>PARAGR. IV.</u>	
<u>Explicatur visio linearum.</u>	243

<u>PARAGR. V.</u>	
<u>Visio aperitur superficialium.</u>	245

<u>PARAGR. VI.</u>	
<u>Exponitur corporum visio.</u>	249

## CAPUT VIII.

<u>De luce reflexa.</u>	250
-------------------------	-----

<u>PARAGR. I.</u>	
<u>Aliqua afferuntur observationes.</u>	251

<u>PARAGR. II.</u>	
<u>Ostenditur lucis reflexionem fieri in corporum superficie.</u>	253

<u>PARAGR. III.</u>	
<u>Eliduntur rationes adversæ.</u>	254

<u>PARAGR. IV.</u>	
<u>Agitur de speculis planis.</u>	259

<u>PARAGR. V.</u>	
<u>Phænomena exponuntur speculorum convexorum.</u>	262

<u>PARAGR. VI.</u>	
<u>Differitur de speculis concavis.</u>	264

<u>PARAGR. VII.</u>	
<u>De aliis disputatur generibus speculorum.</u>	267

## CAPUT IX.

<u>De luce refracta.</u>	268
--------------------------	-----

## PARAGR. I.

<u>Ostenditur lucem refrangi.</u>	269
-----------------------------------	-----

## PARAGR. II.

<u>Lucis refractionem conjicitur progredi ab adtractione.</u>	271
---	-----

## PARAGR. III.

<u>Disjiciuntur exceptiones.</u>	272
----------------------------------	-----

## PARAGR. IV.

<u>Agitur de vitris planis.</u>	277
---------------------------------	-----

## PARAGR. V.

<u>Phænomena explicantur vitrorum convexorum.</u>	279
---	-----

## PARAGR. VI.

<u>Differitur de vitris concavis.</u>	282
---------------------------------------	-----

## PARAGR. VII.

<u>Structura exponitur microscopiorum.</u>	284
--	-----

## PARAGR. VIII.

<u>Explicatur forma telescopiorum.</u>	287
--	-----

## PARAGR. IX.

<u>Alia explicantur inventa catadioptrica.</u>	290
--	-----

## CAPUT X.

<u>De coloribus.</u>	292
----------------------	-----

## PARAGR. I.

<u>Nonnulla afferuntur observationes. ibid.</u>	
---	--

## PARAGR. II.

<u>Memorantur hypothese Philosophorum.</u>	294
--	-----

## PARAGR. III.

<u>Probatur colores esse moleculas lucis sumptæ naturæ coloratas.</u>	298
---	-----

## PARAGR. IV.

<u>Diluantur opposita exceptiones.</u>	299
--	-----

## PARS IV. PHYSICÆ PRIORIS.

<u>De affectionibus corporum mechanicis.</u>	
--	--

## CAPUT I.

<u>De motus natura.</u>	308
-------------------------	-----

## PARAGR. I.

<u>Nonnulla afferuntur animadversiones.</u>	309
---	-----

## PARAGR. II.

<u>Demonstratur reapse motum existere.</u>	310
--	-----

## PARAGR. III.

<u>Labefaciuntur oppositæ rationes.</u>	311
---	-----

## PARAGR. IV.

<u>Differitur de natura motus &amp; quietis.</u>	315
--	-----

CAPUT II.

*De motu uniformi & accelerato.* 318

PARAGR. I.

*Natura exponitur celeritatis.* ibid.

PARAGR. II.

*Explicantur leges motus uniformis.* 320

PARAGR. III.

*Leges aperiantur motus accelerati.* 322

PARAGR. IV.

*Agitur de resistentia mediorum.* 324

CAPUT III.

*De motus communicatione.* 327

PARAGR. I.

*Nonnulla observantur de motu.* ibid.

PARAGR. II.

*De directa collisione agitur corporum inertium.* 331

PARAGR. III.

*Directus explicatur impactus corporum elasticorum.* 334

PARAGR. IV.

*Exponitur impulsio corporum obliqua.* 339

CAPUT IV.

*De motus compositione.* 341

PARAGR. I.

*Natura exponitur motus compositi.* ibid.

PARAGR. II.

*De motu agitur composito rectilineo.* 343

PARAGR. III.

*Aperitur motus projectorius.* 345

PARAGR. IV.

*Exponuntur vires centrales.* 351

PARAGR. V.

*Explicatur motus pendulorum.* 360

CAPUT V.

*De virium affirmatione.* 364

PARAGR. I.

*Aliqua proponuntur animadversiones.* ib.

PARAGR. II.

*Ostenditur vires ut productum esse mas-  
sa in celeritatem.* 366

PARAGR. III.

*Propulsantur variationes Leibnitianorum.* 368

CAPUT VI.

*De motu mechanico corporum solidorum.* 381

PARAGR. I.

*De centrīs agitur magnitudinis, gravi-  
tatis, & motus.* 382

PARAGR. II.

*De vecte.* 385

PARAGR. III.

*De libra & statera.* 390

PARAGR. IV.

*De axe in peritrochio.* 392.

PARAGR. V.

*De trochleis.* 394

PARAGR. VI.

*De rotis dentatis.* 397

PARAGR. VII.

*De plano inclinato.* 399

PARAGR. VIII.

*De cochlea.* 402

PARAGR. IX.

*De cuneo.* 404

PARAGR. X.

*De usu differitur omnium machina-  
rum.* 406

CAPUT VII.

*De nisu corporum fluidorum.* 408

PARAGR. I.

*Unica offertur observatio.* ibid.

PARAGR. II.

*Exponuntur pressiones fluidorum.* 410

PARAGR. III.

*De fluidorum agitur aequilibrio.* 414

PARAGR. IV.

*Immersio exponitur corporum solidorum.* 419

PARAGR. V.

*Differitur de fluxu liquorum.* 425

PARAGR. VI.

*Explicatur fluminum cursus.* 431

J. ✠ M.

F. PHILIPPUS A S. FRANCISCO

*Præpositus Generalis Carmelitarum Excalceatorum Congregationis S. Eliæ Ordinis B. Mariæ de Monte Carmelo, ac ejusdem S. Montis Prior.*

CUM opus, cujus titulus: *Institutiones Philosophicae &c. Volumen tertium, Physicam Priorem complectens*, a R. P. Thoma Aquinate a Nativitate Provinciae nostrae Venetæ Sacerdote Professo compositum duo Theologi ex nostris, quibus id commisimus, recognoverint, & in lucem edi posse probaverint, quantum ad Nos attinet, facultatem concedimus, ut typis mandetur: in quorum fidem præsentem dedimus proprio nomine subscriptas, ac Sigillo nostro munitas.

Romæ in Conventa nostro SS. Teresæ ac Joannis a Cruce, die 20. Martii 1761.

*F. Philippus a S. Francisco Præp. Gen.*

L. S.

*F. Joseph a S. Paulo Sec.*

## NOI RIFORMATORI

dello Studio di Padova.

AVendo veduto per la fede di revisione, ed approvazione del P. F. *Serafino M. Maccarinelli* Inquisitore del Santo Officio di Venezia nel Libro intitolato: *Institutiones Physicae, quas Alumnis suis proponebat F. Thomas Aquinas a Nativitate Carmelita Excalceatus. Volumen tertium Physicam Priorem complectens*: non v' esser cos' alcuna contro la Santa Fede Cattolica, e parimente per attestato del Secretario nostro niente contro Principi, e buoni costumi; concediamo licenza a *Simone Occhi* Stampatore di Venezia, che possi esser stampato, osservando gli ordini in materia di stampe, e presentando le solite Copie alle pubbliche Librerie di Venezia, e di Padova.

Dat. li 31. Marzo 1762.

[ Marco Foscarini Kav. P. Rif.  
[ Alvise Mocenigo 4. Kav. Proc. Rif.  
[ Polo Renier Rif.

Registrato in Libro a carte 126. al num. 566.

*Giacomo Zuccato Segret.*



# I S A G O G E AD PHYSICAM PRIOREM.

## CAPUT PRIMUM.

### *Synopsis Historiæ Scriptorum Physices.*

**P**ERBREVEM Scriptorum Physices historiam ornaturi monemus, memorandos hic non esse universos. Mentionem tantum facturi virorum sumus qui Physicam speciatim excoluere, ut singularem propterea sibi compararint nominis celebritatem. Ut rite id fiat, servandam esse ducimus temporum seriem: exploratum enim est Barbaros, & Græcos fecisse Physicæ originem, corruptam deinde fuisse ab Arabibus, sæculoque demum quartodecimo fuisse restitutam. Negligendum præterea non est, postremis hisce temporibus majorem Physicæ factam accesssionem fuisse, quam tota præeuntium sæculorum ætate. Inductis enim Matheseos præscriptionibus incredibile dictu est, quantum illa succreverit; uberioresque adhuc fructus edidit ubi adscitus in præsidium fuit usus experimentorum. Exordium itaque est a vetustioribus.

#### DE SCRIPTORIBUS ORIENTALIBUS.

2. Populos apud orientales initium Physicæ habuit post diluvium. Ante aquarum enim exundationem commodis vitæ potius homines vacabant quam rerum naturalium contemplationi. Qui siti ad orientem erant, Physicamque versabant, extiterunt populi sex; horumque nomina si postules, Hebræos fuisse intelliges, Chaldæos, Persas, Indos, Arabes, & Phænices. Inter Hebræos, qui antiquitate ceteris præstabant, creditum Physicam eximium fuisse, narrant, Noachum, Abrahamum, Isaacum, Moysen, & alios: illud contra Bruckerum (1), & fortassis non nequicquam, ostendunt Buddeus (2), Hornius (3), & Dickinsonus (4). Chaldæi, qui Ægyptiis dicuntur vetustiores extitisse, syderum motibus dabant operam, & Astrologiæ: affirmant propterea Cicero (5), & Strabo (6), colluisse illos Astronomiam. Persarum Physicæ obscurissima est, Metaphysicamque præterea complectitur, & Theologiam. Ubi vero quis physico-metaphysica collustare Zoroastri theoremata velit, se conferat ad Bruckerum (7). Indi, ad quos putat Heurnius (8)

*Tom. III. Physicæ.*

A

dedu-

(1) Hist. crit. philos. vol. 1. lib. 2. cap. 1. (2) Hist. philos. Hebr. paragr. 11.  
(3) Histor. philos. lib. 2. (4) Phys. vet. & nov. cap. 19. & 20. (5) De divin. lib. 2. (6) Lib. 6. (7) Hist. crit. phil. vol. 1. lib. 2. cap. 3. par. 13. (8) Antiqu. philos. barb. lib. 2. cap. 2.

deductam Philosophiam a Persis fuisse, multa comminiscabantur de animantibus, & de elementis. Horum præcipua Philostratus recenset (1), & Clemens Alexandrinus Indos vocat syderum observatores (2). Arabum scientia, quæ in naturam spectabat, ad solam ferme redigebatur astrorum indagacionem; credendumque est, profluxisse hinc effatum, quo sydera deos nuncupabant; sed consuleret de illis Porokius (3). Phænices denique, Plinii testimonio (4), stellarum exploratores habebantur, auctoresque naturalium artium, & bellicarum; adjicit vero Cudworthus (5), inventum a Moseho Phænicio fuisse atomisticum systema. Qui de Phæniciis plura exoptet, adeat Heumannum (6).

#### DE AUSTRALIBUS.

3. Qui ad austrum positi Physicæ amplificaverunt, existeret Ægyptii, & Æthiopes. Philosophiæ laude Ægyptios inclaruisset testatur Moyses, cui competam, ratum est, scientiam omnem fuisse Ægyptiorum (7). Ante Conringium (8) illud vocavit nemo in dubitationem: Plato enim (9), & Herodotus (10) scripserant, Geometria, & Astronomia eos excelluisse, usuque, & arte medicaminum. De spherica mundi forma præcipiebant multa, deque temperata rerum omnium commixtione; eo tamen non pertingebant, Strabonis judicio (11), ut scirent causas quibus Nilus exundabat. Æthiopum Philosophia anceps omnino fuit, & obscura; quod ipsi pro more Ægyptiis quoque peculiari ad res efferendas figuris uterentur, & emblematis. Profitetur Lucianus (12), in Astronomiam operam eos præsertim contulisse: mundi namque plagam incolebant ob perpetuam aeris serenitatem astronomicis observationibus opportunam. Immo subdit, ad Ægyptios scientiam illam hinc devenisse, qui adjungere divinationem; hac tamen de re Vossius ambigit (13), antiquitatem, ratus, aliter judicasse. De Æthiopibus legatur Jobus Ludolphus (14).

#### DE OCCIDENTALIBUS.

4. Occidentalium populorum præcipui erant Celtæ, Britanni, Germani, & veteres Romani. Celtarum genti accensendos Britannos, & Germanos esse jubet Menagius (15); quod propterea de Celtarum Physicæ traditur, ceteris quoque est adjudicandum. Habet Julius Cæsar (16), de syderibus, eorumque motibus Celtas disputasse, de mundi

---

(1) De vit. Apollonii lib. 3. cap. 34. (2) Strom. lib. 3. pag. 451. (3) Specim. hist. Arab. (4) Hist. natur. lib. 5. cap. 32. (5) Syst. intel. cap. 1. parag. 9. (6) Act. philos. vol. 2. pag. 188. (7) Astr. cap. 7. (8) De Hermet. Ægypt. medicina. (9) In Epinomide. (10) Lib. 2. (11) Lib. 17. (12) De astr. t. 3. (13) De scient. mathem. cap. 30. par. 25. (14) Comm. ad histor. Æthiop. (15) Ad Laertii lib. 1. sess. 3. (16) Comment. lib. 6. cap. 14.

di magnitudine, deque concretionum omnium natura; ait vero Pomponius Mela (1), differuisse voce demissa illos, ne res ad vulgi aures pervenirent. Medicaminum artem excultam ab eis fuisse auctor est Plinius (2); Clericus tamen sentit (3), superstitionem extitisse illam, magicisque praeigiis contaminatam. Romani autem veteres, qui Etrusci etiam nuncupabantur, Diodori sententia (4), rerum naturalium vacabant disquisitioni; verum cum nihil praeterca addat, de superstitione loqui potius suspicamur, quam de physica contemplatione. Et quidem Dempsterus scribit (5), celebres Etruscos fuisse ob auguria, quae ad Romanos recentiores commigrarunt; idque in causa esse potuit, ut Etruriam Arnobius dixerit matrem superstitionum (6). Corripendus tamen Bruckerus est, qui Physicam pene omnem eripit antiquitati (7).

#### DE BOREALIBUS.

5. Qui ad boream porrigebantur, Scythae erant, Thracae, & Getae. Scytharum tamen nomine indicant universos: ignorandum enim non est, bello, & venationi potius Scythas veteres studuisse, quam philosophico examini. Recentiorum vero Scytharum multos, qui Graecorum tempore vixere, Physices laude novimus floruisse; hi potissimum fuerunt Anacharsis, Toxaris, & Dicensus. Scribit sane Plutarchus (8), de Scytharum medicina Anacharsim differuisse; Laertiusque proficitur (9), exaratos ab eo libros de re bellica fuisse, & de vitae frugalitate. Afferit praeterea Lucianus (10), relatum ab Athenienfibus Toxarim fuisse inter heroes Aesculapianos; nec Jornandes negat (11), explanatam popularibus a Dicenso fuisse Philosophiam, artemque syderalem. Zamolxis demum, quem Philosophiae conditorem apud Scythas, & Thracas Laetius dicit (12), Metaphysice potius indulsit quam scientiae naturali. Memorat hunc pariter Vossius (13).

#### DE GRÆCIS.

6. A populis quos Graeci barbaros nuncupabant, descendit Physice in Graeciam. Cecrops, & Danaus, qui Graecorum principes extitere, erant Aegyptii; Cadmus vero coloniam ex Phoenicia duxit, & Orpheus, Diodori auctoritate (14), patriam habuit Thraciam. Principio tradita a Graecis scita philosophia fuisse subobscura, & allegorice; eoque pacto mythologicae Philosophiae dicuntur originem fecisse, hoc est fabulosa.

A 2

lofæ.

(1) Lib. 3. cap. 2. (2) Hist. natur. lib. 30. cap. 1. (3) Hist. medic. lib. 2. cap. 9. (4) Lib. 5. (5) Ad Rosini antiqu. Rom. lib. 3. cap. 8. p. 11. (6) Adv. gent. lib. 2. (7) Hist. crit. phil. vol. 1. lib. 2. cap. 8. p. 10. (8) Conv. sept. Sapient. vol. 1. pag. 301. 302. (9) Lib. 1. seff. 101. (10) In Scythia. (11) D. reb. Getic. lib. 2. pag. 16. (12) Lib. 1. seff. 1. (13) De seff. philos. cap. 3. parag. 1. (14) Lib. 4. cap. 15.

loſæ. Sæculis tamen inſequentibus, cum ingenioli viri caput erigerent, poſitæ multæ fuere præceptiones; quæ ſuccrevæ in certa capita revocatæ, ut parent ſyſtemata. Omnium primus anno ante Chriſtum natum 638. a Cicerone (1) dicitur, & a Plutarcho (2) Thales excitiſſe: is enim, cum jeciſſet dogmatum fundamenta, ſectam Jonicam extruxit, a qua Accademicam ſerunt proveniſſe, Cyrenaicam, Eriſticam, Peripatericam, Cynicam, & Stoicam. Alter ſectarum princeps perhibetur Pythagoras fuiſſe, qui Jamblico teſte (3), ſectam excitavit Pythagoricam; ab hac vero Eleaticam profluxiſſe narrant, Heraclitæam Epicuræam, & Pyrrhonicam. De ſectis hiſce nihil addimus, quod expoſuerimus illas loco alio; prætereundum dumtaxat non eſt, in rebus non modo phyſicis clariſſe, ſed in ethicis, & in metaphyſicis. Qui his ſatur non ſit, ſe conferat ad Bruckerum (4).

#### DE ARABIBUS.

7. Secundam Phyſices ætatem, quam a ſæculo ſecundo ducunt ante Chriſtum, Arabes obtinuerunt. Exploratum omnino eſt, a Græcis accepiſſe illos phyſicas inſtitutiones: magiſtrum enim ſequabantur Ariſtotelem, quem tamen, ratum æque eſt, fuiſſe ab illis depravatum. Siagiſtriæ nempe ſanctionibus conſentiebant, quum qualitates primas, affirmabant, quatuor eſſe, trique eſſe principia generationum; *materiam* nimirum, *formam*, & *privationem*. Reſertiſſimi præceptionum harum ſunt Averrois, Avempace, & Algaſelis libri; univerſas tamen complectitur, narratque prolixè Tophaili opus, quod in Latinam linguam vertit Pocokius (5). Reticendum non eſt, Arabes, ut multa ſcripſere, magnum ita præendiſſe Scriptorum numerum; horum elenchum Hottingerus exhibet (6), quem ſatetur ab Arabibus ipsis ſibi proveniſſe. Potestas ampliſicandi litteras facta illis fuit a victoriis, quibus per Aſiam deſerebantur, Aphricam, & Europam.

#### DE SCHOLASTICIS.

8. Ex Arabibus deportata Ariſtotelis Phyſicæ ſæculo decimo ſecundo fuit ad Scholaſticos. Rem perſequitur ſuſe, & diligenter Patriſius (7); faciẽmque Arabicoſcholaſticæ Philoſophiæ accurate deſcribit Viveſius (8). Scholaſticorum nomine ii donabantur, qui docendi munus publice obibant; appellatio deinde iſam commeaſit, ut Scholaſtica nuncuparetur tum Philoſophia, cum Theologia. Hi Arabum

---

(1) De nat. deor. lib. 1. cap. 10. (2) De plac. philoſ. lib. 1. cap. 3.  
 (3) De vit. Pythag. cap. 5. num. 20. (4) Hiſt. crit. philoſ. vol. 1. par. 2. lib. 1. & 2. (5) Oxonii. ann. 1700. (6) Biblioth. oriental. pag. 219. (7) Diſcuſſ. peripatet. vol. 1. lib. 12. (8) De cauſſ. corrupt. ant. lib. 5.

bum sectatores deridentur a Morhofio (1), quod effuderint res ineptissimas; formas nempe occultas admiserint, sphaeras caelestes dixerint rerum omnium causas, & de elementis multa confinxerint. Verum nostra non refert, peccasse multum Scholasticos; animo tantum decrevimus, indicare Physices sata, & qua ratione pervenerit ad nos, breviter commonstrare. Qui uberiores de Scholasticis narrationem postulet, se conferat ad Tribbecovium (2); quem tamen dolemus, actum bile nimia fuisse in Orthodoxos. Suppetit etiam Eumannus (3).

## DE TOMEIO, POMPONATIO, ET NIPHO.

9. Tertiam Physices aetatem, cujus exordium saeculo quarto decimo commendant, Tomeus occupavit, Pomponatius, & Niphus. Cum Manuel Chrysoloras anno 1387. linguae Graecae usum apud Italos invexisset, cupido animis incescit Graecos Philosophos interpretandi. Barbarie hinc excussa, proposita viris doctioribus fuit scientiarum emendatio; nec postrema Physice fuit quae periculum faceret de novarum artium utilitate. Tomeus videlicet, qui Venetiis ortum habuerat anno 1457. Aristotelis Physicen restituit: ut Graecae enim linguae callentissimus erat, commentarios scripsit, Gesneri testimonio (4), in illius librum *de parvis naturalibus*. Pomponatius pariter, quem Mantuae natum fuerunt anno 1462. Aristotelis Physicen vindicavit ab Arabum corruptione; eamque Patavii, & Bononiae professus publicae est, ut auditores praclarissimos adiecerit. Legendus de illo est Olearius (5). Niphus postremo, quem Jopoli, vel Sinuessae genuit, hostis fuit Pomponatii. Librum, quem *de animalibus* inscripserat, Paulo tertio nuncupavit Pontifici summo; Boeclerique iudicio (6), in universa fere Aristotelis volumina edidit elucubrationes. Multa de viro hoc congeffit Naudaeus (7).

## DE PICCOLOMINEO, ET BARBARO.

10. Iis qui Aristotelem repurgarunt, adjiciendi Piccolomineus sunt, & Barbarus. Franciscus editus ex Piccolomineorum familia Senis fuit anno 1520. cumque Aristotelem Arabem non sequeretur, sed Graecum, Perusiae publice explanavit, & Patavii. Vires suas contulit praefertim, ut cum Aristotele Platonem conciliaret; tum commentarios edidit in Aristotelis libros *de Caelo*, & naturae scientiam volumine explicavit. Memorae complura de illo prodidere Imperialis (8), & Thomassinus (9); idemque de Alexandro Piccolomineo praestitere, celebri peri-

(1) Polyhist. vol. 2. lib. 1. cap. 13. (2) De Doct. Scholast. Jenae. ann. 1710.  
(3) De orig. appell. & nat. schol. philos. (4) Biblioth. pag. 521. (5) Dissert. de Pomponat. Jenae. ann. 1703. (6) Bibliogr. crit. pag. 60. (7) Judic. de Nipho op. pr. mar. praef. (8) Musci pag. 114. (9) Elog. par. 1. pag. 208.

peripatetico, qui praeiverat Francisco. Daniel vero Barbarus, qui Veneris lucem adspexit anno 1529. complexus pariter fuit emendarum Aristotelem; tantaque benevolentia eum coluit, ut assereret, Thuani testimonio (1), se, nisi Christianus esset, in illius verba esse omnino juraturum. Antequam conaretur quidpiam in res physicas, Mathesi totus incubuit, Vossii sententia (2); accessitque subinde Aristotelicarum praescriptionum interpretationi, quam feliciter expedit. Mentionem de Barbaro fecere Miræus (3), atque Teissierius (4).

#### DE TELESIO, CARDANO, ET BRUNO.

11. Cum tædium multos cepisset Aristotelicæ Philosophiæ, adiecerunt animum ut novam inducerent. Telesius, qui patriam anno 1508. Cosentiam habuit, primus extitisse dicitur alterius Physices auctor: abjecto enim Aristotelis vexillo transfugit ad Parmenidem, cujus naturales institutiones edisseruit. Libros duos de *verum natura* edidit, quam revocavit in tria principia: horum duo calor, & frigus erant, tertium vero materia. Disciplinam, laudesque Telesii habes in Lotterio (5). Cardanus etiam, quem anno 1508. Ticinum genuit, contendit impensius Physicæ *exornare*; nec diffidendum est, inter summos viros esse illum confessurum, nisi magna animi levitate laborasset, & inconstantia sanctorum. Adversus Aristotelem leges innumeras tulit libris de *varietate*, & *subtilitate rerum* effusas; scriptaque alia emisit de naturæ ingenio, quorum syllogem Naudæus exhibuit (6). De Cardano multa prostant in Baylio (7), & in Ghilino (8). Bruno deum, quem Nolanum faciunt, nomen dedisse, ajunt, familiæ Dominicanorum; quo autem sua aperiret animi sensa, Copernicum, asseruit, duobus in capitibus plus sapuisse quam Aristotelem in tota sua rerum naturalium disquisitione (9). Eum nominat Gentzkius (10) Philosophiæ Democriticæ instauratorem: atomos enim, & vortices induxit, physicasque alias meditationes inseruit libris quos Vogtius recensuit (11). Cum Romana ab Ecclesia ad Lutherum defecisset, combustus Romæ fuit anno 1600. Complura de illo memorant Tolanus (12), & Laeroizeus (13).

#### DE BACCONO, ET CAMPANELLA.

12. Qui Physicæ accuratius expolierint, Baccanus extitit, & Campanella.

(1) Lib. 46. pag. 942. (2) De scient. mathem. cap. 61. & 71. (3) De script. sac. dec. sex. cap. 88. (4) Elog. vol. 2. pag. 326. (5) De vit. & philos. Telesii. Lipsiæ. an. 1733. (6) Judic. de Cardano. (7) Diction. crit. art. Cardanus.

(8) Theatr. par. 1. pag. 115. (9) Ast. philos. vol. 2. pag. 425. (10) Hist. philos. f. 3. cap. 2. (11) Catal. libr. rarior. pag. 139. (12) Opuſc. posthum. vol. 1. (13) Serm. de reb. histor. pag. 287.

panella. Baconum a Verulamio, de quo consulendus Freherus est (1), & Wittius (2), Anglia peperit anno 1571. In libris *de augmento scientiarum*, & *novi organi* emendare annulus fuit scientias universas; organum tamen, ubi multa mundi phenomena descripsit, visas speciatim fuit devovisse naturali Philosophiæ. De ventorum etiam historia disseruit, de motu, de cæli themate, de fluxu marino, de Parmenidis Philosophia, de historia naturali, & de aliis. Verulamii scriptorum syllogen Batavi (3) dedere, Germani (4), & Britanni (5). Campanella vero iisdem ferme temporibus, quibus Baconus in Anglia, apud Italos restituit Philosophiam; ejus in lucem apud Calabros editi, additque cœtui Dominicanorum Cyprianus vitam conscripsit (6). Telesianorum operum voluptate captus in castra concessit Telesii; librumque excudit, quo ut Aristotelem expugnaret, tuitus scita Telesiana fuit, & pro Platone dimicavit. Ob sententiarum novitatem licet fuerit carceri additus, in vulgus alias emisit physicas elucubrationes; dissertationem præsertim *de rerum natura & usu* posuit, qua offendit animadversiones multorum. Scriptorum Campanellæ catalogum invenies apud Echardum (7).

## DE GALILÆO, ET KEPLERO.

13. In iis quæ ad Astronomiam spectant, ceteris præstiterit Galilæus, & Keplerus. Galilæus, ejus elogium Heumannus dedit (8), & Popeblouncius (9), diem primum Pisif numeravit anno 1564. Post accuratum Mathematum usum studuit rerum novarum inventioni: thermometrum enim detexit, tubos opticos, microscopia, & longitudinem fortassis marinam. Asperitates præterea in Luna novit, maculas in Sole, & in Jove satellites; regulasque multas invenit de corporum motu, quas Pisif, & Patavii coram explanavit. Libeorum quos prodidit, censum exhibent Allaxius (10) & Vveidlerus (11). Keplerus autem, qui Tychonis Braheï socius extitit, vitæ primordia Vvix habuit anno 1581. Motuum periodicorum, quibus cientur planetæ, ex Geometria rationem dedit; vulgavitque librum, quem nuncupavit *mysterium cosmographicum*. Leibnitius proficitur, Keplerianas syderum leges usurpatas fuisse a Cartesio; reprehenditur tamen, quod animata putaverit esse illa, fibrasque gerere ita comparatas, ut a semetipsis orbitas percurrerent. De Keplero multa Vveidlerus tradit (12), & Baylius (13).

De

(1) Theatr. pag. 773. (2) Memor. philos. dec. 2. pag. 150. (3) Amstelod. ann. 1662. (4) Lipsiæ. ann. 1694. (5) Londini. ann. 1740. (6) Vir. Campanellæ ann. 1705. (7) Script. Ordin. Prædicat. vol. 2. (8) Ast. philos. vol. 3. pag. 261. & 400. (9) Cons. celebr. Auctor. pag. 897. (10) Apes urban. pag. 118. (11) Hist. astron. cap. 15. (12) Hist. astron. cap. 15. par. 1. (13) Dict. crit. art. Keplerus.

## DE GASSENDO.

14. Campotercierium agri Dinienfis oppidum vitam Gassendo conculit anno 1592. Postquam Peripateticas Patritii discussiones attente volutaverat, scribit Simonius, in Aristotelem arma tulisse. Edidit iccirco juventute omnino prima *exercitationes paradoxicas*; ubi pensitavit Aristotelis principia, novasque opiniones induxit. Ob facinus hoc simultates subijt Peripateticorum; præsertimque illum subagitarunt Vvatsonus (1), Offelmannus (2), & Engellius (3). Hæc tamen non profecere ne ad explicandam publice Mathesin accerferetur Parisios; exciperetur vero ea expectatione, ut incredibile dictu sit, quanta juvenum manus ad audiendum illum conflueret. Quod ad scientiam naturalem attinet, Epicurzam statuit Philosophiam; quam digessit libris compluribus, ut multorum invidiam rursus offenderet. Scripta Gassendi omnia Sotbierius vulgavit (4); vitam vero & laudes dedit Buge-relus (5).

## DE BERNIERIO, ET NEVREO.

15. Horum præceptor extitit Gassendus. Ille ætus Bernierius, quem Gallia prodidit, fuit adeo Gassendi Philosophia, ut illi, quem secutus Diniam, Parisiosque fuerat, morienti oculos occluserit. Atomistica Bernierii disciplina Valesium perculit existimantem, dogmatibus illis perditum iri panis conversionem in Eucharistia; semetipsum tamen vindicavit, & Gassendum apologia, quam Baylius emisit (6). Cudit præterea Philosophiæ Gassendianæ compendium, cujus Buddæus meminit (7), & Morhofius (8). Nevreus autem, quem Julioduni natum fuisse tradunt, gratissimus Gassendo extitit ob Philosophiæ cultum, & Astronomiæ. Nomen Nevrei adscitum esse, testatur Huetius (9), & commentitium; nuncupabatur enim Laurentius Mesmes, nec triginta annorum intervallo aliter audiverat. Adscriptus familiæ fuit Cartusianorum apud Burdigalenses; verum cum institutionis pœnititudine tangeretur, abiecit cucullum, & nomen immutavit. Scribit Sorbierius (10), magistri sui mores imitatum neminem fuisse vividius Nevreo.

## DE CHARLETONO, ET SENGUERDO.

16. Inter Gassendi ætceles referendi ii omnes non sunt qui systema atomisticum admiserunt. Nonnulli enim, licet atomos adamaverint, dis-

---

(1) Apolog. pro Aristot. (2) Orat. advers. Gassend. (3) Dissert. edit. Roskochii. ann. 1698. (4) Lugduni. ann. 1688. (5) Vit. Gassend. Parisiis. ann. 1737. (6) Coll. novul. script. ann. 1684. (7) Hist. phil. pag. 376. (8) Polyh. vol. 1. p. 273. (9) Comm. de reb. ad eum pertin. lib. 3. pag. 70. (10) De vit. & morib. Gassendi.



diffensere tamen in aliis a Gassendo; quod præstiterè potissimum Cudworthus, Lamius, Digbius, & alii, quorum meminit Majus (1). Duos tantum in medium hic afferimus, qui Gassendo impentius adhæserè, & pedè, ut ajunt, pressori: horum alter Charletonus fuit, alter Senguerdus. Ille videlicet, quem Anglia protulit, *Physiologiam* typis mandavit (2), *Epicuro-Gassendo-Charletonianam*; qua nempe Physice Epicurzam exhibuit a Gassendo restitutam. Senguerdus autem Philosophiam proposuit naturalem atomisticam (3); quam digessit ex Gassendi præceptionibus, multisque animadversionibus locupletavit. Gassendianis accensent aliqui Stairium; sed medius incessit Gassendum inter & Cartesium.

## DE CARTESIO.

17. Renatus Des Cartes viæ exordia duxit Hayæ Turonum anno 1596. Juventute prima miles effectus per Germaniam arma detulit, & Pannoniam; hinc Philosophiæ amore Egmontium concessit in Batavia, commoratusque ibi fuit annos quindecim. Contendit deinde Holmiam, ut Christianam Svecorum Reginam imbueret præscriptionibus Philosophiæ; exactoque brevi temporis spatio occubuit eum ingenti Galliæ mænore, quæ apud se illum advocaverat. Invenit Cartesius Physiceen penitus novam, quam edisseruit voluminibus non paucis; horumque in præcipuo, quod de *principiis* nuncupavit, inventa sua proposuit, & causas inventorum. Operæ pretium non est universos recensere hostes quos obvios habuit recentium gratia opinionum; dicique vix potest, quanta animi alacritate sese defenderit, & quos viros sibi adjunxerit in præsidium. Plura de Cartesio apud Tepellum extant (4), Borellum (5), & Bailletum (6).

## DE ANDALA, ET ROHAULTIO.

18. Quos sumus memoraturi, extitere Cartesii adstipulatores. Ruardus Andala orium Burgverdiæ in Frisia habuit anno 1665. scientiarumque addiscendarum causa scholam-Ultrajectinam collustravit, Lugdunensem, & Dordracenam. Franequeram accitus deinde fuit, ut doceret publice Philosophiam; ibique a Leibnitianorum adfultibus vindicavit theorematà Cartesii. Pro Physice Cartesiana libros etiam nonnullos edidit, quos *apologiam* sanioris Philosophiæ nominavit (7), *exercitationes* in Philosophiam naturalem (8), & *physicas questiones* (9). De Andala exhibet multa Musæum Bremeuse (10). Rohaultius autem, patria

Tom. III. *Physicæ*. B Am.

(1) Phys. vet. novit. adorn. &c. (2) Londini. ann. 1654. (3) Lugd. Batavor. ann. 1681. (4) De vit. & philos. Cart. (5) Compend. vit. Cart. (6) Hist. Cart. Parisiis. ann. 1691. (7) Ann. 1718. (8) Ann. 1708. (9) Ann. 1720. (10) Vol. I. pag. 173.

Ambianensis, ab Huetio dicitur (1) magnum cum Clericlerio fuisse columnen sectæ Cartesianæ. A Regisio quoque fertur (2) pertrastasse multa fufe Rohaultius, quæ Cartesius attigerat levi manu; quodque præcipuum est, hypotheses confirmasse usu experimentorum. Physicas institutiones adornavit (3), quas scholiis illustrarunt Clarkius, & Le-grandius.

#### DE REGISIO, ET LEGRANDIO.

19. Sylvanus Regisius inter Aginnenfes lucem adspexit anno 1632. A Rohaultio didicit Castesii Philosophiam; eamque Tolosæ docuit auctus publico stipendio. A Vardefio Aquas mortuas adductus, & Montempeffulanum, concivit synodos multas; ubi cum de Castesii scitis strenue disputaret, omnium in se vertit admirationem; idemque præstitit Parisiis. Physices præsertim systēma emisit ad principia Castesii; a quo nonnullis tamen in rebus discessit, aliasque amplificavit. Illius mentionem non præteriere Fontenellius (4), & Stollus (5). Legrandius vero Medicus exitit, & Philosophus Duacensis; cumque primum Stoicos adamaret, concessit subinde in partes Castesii. Philosophiam iccirco attexuit ex Castesii mente (6); eamque digessit in morem Scholasticorum, quem continenter servavit. Docuit luculenter, bruta esse automata, jurisque publici fecit institutiones philosophicas Cartesio non dissentaneas. *Historiam naturalem* pariter scripsit (7), cujus non obliviscitur Morhofius (8).

#### DE LEIBNITIO.

20. Prima vitæ munera Lipsiæ obiit Leibnitiuss anno 1646. Systēmatum multorum varia in rerum genera spectantium auctor exitit, nimirum rationalis, metaphysici, & physici, quod hic versamus speciatim. Cudit videlicet novam hypothesim, qua phænomena naturalia aperuit ex motu telluris; eam vero Societati Britannicæ inscriptam recudit Kortholtus (9). Mechanica etiam multa, & chymica posuit; hisque accensenda nova phosphori ratio est, quam acceperat a Brandio. Prætereundum non est *specimen dynamicum* (10); ubi leges motuum a Cartesio latas infirmavit, sanctionesque alias proposuit de viribus substantiarum. Cum de naturarum potestate exortum dissidium fuisset Schellhamerum inter, & Sturmium, scriptis favit priori; ibique dinamica principia sua in loco tuto posuit, expeditivque Sturmianas exceptiones

---

(1) Comm. de reb. ad eum pertin. lib. 6. (2) Hist. philos. pag. 203. (3) Ann. 1671. (4) Hist. renov. acad. reg. ann. 1699. (5) Hist. litter. par. 2. cap. 1. (6) Londini. ann. 1691. (7) Londini. ann. 1693. (8) Polyhist. vol. 2. lib. 1. cap. 15. par. 9. (9) Epistol. vol. 4. pag. 279. (10) Aft. erudit. ann. 1695. pag. 145.

nes (1). De Leibnitio multa enarrarunt Ludovicius (2), & Neufvillius (3).

#### DE VVOLFIO, ET HANSCHIO.

21. Hi, quos procreavit Germania, consuetudinem iniere cum Leibnitio. Hanschius sententias omnes, quas a Leibnitio per litteras accepit, misit in vulgus; hic tamen mentionem tantum facimus physicarum. Opus praeipuum nuncupavit *principia Philosophiae* (4); ubi Leibnitii meditationes referavit omnino, & scholiis exornavit. De Hanschio audiendus est Kortholtus (5). Vvolfius pariter usus Leibnitianis hypothesebus fuit in systemate a se inducto; multa tamen repudiavit, quibus parum obsequi credidit veritati; ea praesertim quae ejurata fuisse noverat ab ipso Leibnitio. Propterea Leibnitiano-Vvolfianum systema potius statuisse dicitur quam Leibnitianum; in eo autem diserte proficitur, se a veteribus multa accepisse, & speciatim a Scholasticis (6). Philosophiae Vvolfianae synopsis Thummigius dedit (7); & de Vvolfio non pauca tradidere Ludovicius (8), & Bruckerus (9).

#### DE NEVVTONO.

22. Isaacus Nevvtonus Cantabrigiae in lucem prodiiit anno 1642. Publicus Mathematicarum praeceptor renunciatus fuit Cantabrigiae; cumque sibi accessit Accademia Parisiensis; Londinensis vero praesidem cooptavit. Cum Gassendi, Cartesiique Physice insuavis ei esset, alia statuit principia Philosophiae (10); res enim praeter ceteras ope attractionis aliorum motus exposuit, effectusque pene universos causarum naturalium. Tractionem praeterea publicam fecit de Optice; ubi experimentorum praesidio lucis phaenomena enucleavit, refractionem inaequalitatem, incidentiam radiorum, & colorum firmitatem. Quae a Nevvtono prodire, eximia plane omnia esse creduntur, admirabilia, & ferme singularia. Qui plura expetit, Fontenellium consulat (11), & Kahlilium (12).

#### DE COTESIO, ET GRAVESANDIO.

23. Extiterunt hi Nevvtoni sectatores. Rogerius Cotes, quem Anglia genuit, Astronomiam, & Philosophiam experimentalem docuit in Accademia Cantabrigensi. Quod de linearum curvarum quadratura Nevvtonus recluserat, investigavit methodo alia; opuscula tamen quae exaraverat, post intempestivam illius mortem evulgavit Robertus Smithus

B 2

thus

(1) Ibid. ann. 1698. (2) Philos. Leibnit. Lipsiae. ann. 1737. (3) Vit. Leibnit. (4) Lipsiae. ann. 1718. (5) Epistol. vol. 3. pag. 64. (6) Praefat. Metaph. Germ. (7) Instit. philos. Vvolf. (8) Hist. philos. Vvolf. (9) Pinacoth. Script. illust. Decad. 1. (10) Londini. ann. 1687. (11) Elogior. vol. 3. (12) Compend. philos. Nevvt. & Leibnit.

thus (1). Ad Physicam quod attinet, dedit operam Cotelius ut Nevvtoni *principia* diligentius recuderentur, & emendatius, adhibita optima præfatione. Illius elogium dedit Bentlejus (2). Grævesandius vero, quem Batavia peperit, Mathesim professus publice fuit Lugduni Batavorum. Prælo *elementa Physices* submitit experimentis confirmata; ea-que ad Nevvtoni mentem adeo conformavit, ut Isagogen vocaret ad Nevvtonianam Philosophiam (3). Eo in opere Nevvtoni demonstrationes paratiores effecit, & æquiores; legi tamen utiliter non potest, nisi perspecta omnino sint arcana Geometriæ. Præter Grævesandium Nevvtono ex Anglia adhærescens Keilius (4), & Vvithonus (5).

#### DE DUMCKIO, & GEHRINGIO.

24. Quos hic non negligimus, tulit Germania. Dumckius, ut juventuti, quam latebat sublimior Geometria, prospiceret, *Philosophiam mathematicam* exhibuit, & Nevvtonianam. In ea præhabitis, quo demonstrationes innotescerent, scitis nonnullis, definitiones motuum exposuit, theoriæ adtractionis, mundique coagmentationem. Gehringius pariter, quem Nevvtono, si quis alius, additissimum fuisse narrat, typis commendavit *sebediasma* de Nevvtoniana Philosophia (6). Meditationes elidere præsertim studuit Hartsockeri, qui vires omnes contulerat ad infirmandum systēma Nevvtoni (7). Sed audiendus est ipse Bruckerus (8).

#### DE PHYSICIS ALIIS SCRIPTORIBUS.

25. Ne prolixiores simus, Scriptores ceteros nominamus confertim, ex Anglia nimirum, Germania, Gallia, & Italia. Anglia videlicet Boyleum tulit, Deflagulerium, Jurinum, Halesium, Hauckabeum, Hallejum, & alios. Guerichium, Sturmium, Hugenium peperit Germania, Bernoullios, Hermannum, Muffchenbroeckium, aliosque. Gallia Mariottum, Merfennum, Mayranum, Amontosium genuit, Peraultium, Varignonium, & alios. Galilæum denique, Borellum, Grimaldum Italia edidit, Montanarium, Torricellium, Sanctorium, Rizzetum, aliosque. Viventes prætermittimus, ne cuiuspiam subeamus invidiam.

#### DE ACCADEMIA FLORENTINA.

26. Negligendi cæus multi non sunt, qui conatū optima fuere in-  
na-

(1) Cantabrigiæ. ann. 1722. (2) Suppl. nov. litter. Lipsi. vol. 4. pag. 808.

(3) Ann. 1720. (4) Introd. ad ver. phys. (5) Prælect. astron. Cantabrig. ann. 167. (6) Lipsiæ. ann. 1722. (7) Coll. script. nonnull. physicor. (8) Hist. crit. philos. vol. 5. pag. 644.

naturalem Philosophiam. Cosentinam post Accademiam a Telefio institutam excitata fuit Florentina, quæ Galilæi ætate exordium habuit, auspiciemque sibi vindicavit Leupoldum Etruriæ Ducem. Physicas causas exploratura sese contulit ad experimenta; eorumque seriem, & enatas inde consecutiones fecit juris publici, quo omnium utilitati prospiceret (1). Ea sane de causa nuncupata fuit *Accademia del cimento*, quod experimentum sonat, seu tentamen de rebus occultis. Recusum opus latine fuit cum scholiis Muffchenbroeckii (2).

#### DE SOCIETATE LONDINENSIS.

27. Londinensis primordia Societatis ducenda sunt ab anno 1663. Illius, quæ sub Carolo secundo Angliæ Rege edita in lucem fuit, historiam dedit Thomas Spratius (3). Acta Societatis typis subdidit Oldenburgius; ubi res præter mathematicas innumera extabant ad Physicam pertinentia. Quod stylo fusiori Oldenburgius scripserat, in compendium redegere Angli nonnulli, Lovvthorpius nimirum (4), Motius (5), Reidius, & Grayus (6). Bremondus vero, ut Angliæ linguæ, quæ comperta satis non erat, incommodum auferret, volumina Oldenburgii multa transtulit in Gallicam, versurus quoque cetera, si passa mors fuisset. Prætereundum non est, Societatis opuscula nuncupari *philosophicas transactiones*.

#### DE ACCADEMIA PARISIENSIS.

28. Accademia regia, quam *scientiarum* nuncupant, initium sortita Parisiis fuit anno 1666. Cum a celebritate prima nonnihil excidisset, restituta, & commendata legibus accuratioribus fuit anno 1699. Volumen quotannis prælo submittitur, quod Accademix completitur elucubrationes; caractere majori Parisiis cuditur, sed apud Batavos minori (7). Præter alia eximias res continet ad Physicam pertinentes: præclarissima enim scita profert de Astronomia, de Mechanice, deque scientiis aliis quas vocant Physico-mathematicas. A secretis Accademix vir egregius extitit Fontenellius.

#### DE ACCADEMIA BEROLINENSIS.

29. Berolinensis Accademia extructa anno 1700. fuit consilio Leibnitii. Acta quæ eduntur, nuncupantur *Miscellanea Berolinensia*; quod nimirum Berolini prodeant, complectanturque promiscue res multas.

In

(1) Spec. natur. experim. Florentiæ. ann. 1666. (2) Lugd. Batav. ann. 1731.

(3) Ann. 1663. angl. & ann. 1667. gall. (4) Utiq. ad ann. 1700. (5) Utiq. ad ann. 1710. (6) Utiq. ad ann. 1731. (7) Memor. Accad. reg. scient. &c.

14 ISAGOGES AD PHYSICAM PRIOREM CAP. I. & II.

In tres partes distribuuntur; quarum prima labores philologicos habet, secunda physicos, & medicos, tertia mathematicos. De illis nonnulla memorat Volfius (1).

30. Anno 1723. Petropolitana Accademia sub Petro primo cœpit Moscorum Imperatore. Procusa Petropoli fuere ab anno 1728. volumina complura Accademicorum nifus proponentia; dicuntur *Commentarii* Accademiæ Petropolitanz, & tres in partes dividuntur, Prima nimirum mathematicas præceptiones porrigit, ceteræ vero duæ physicas, & historicas. Ex quidem præstantes adeo sunt ut conatibus non cedant gentium cultiorum.

DE ACCADEMIA BONONIENSI.

31. Qui Accademiæ Bononiensis exordia postulet, adeat Zanottum (2). Asta, quæ anno 1731. edi cœpere, multa ad historiam naturalem spectantia afferunt, Chymicæ, Astronomiæ, Mechanicæ, & scientiis alias. Inscriptio est *Commentarii de Bononiensi Instituto*.



I S A G O G E S

AD PHYSICAM PRIOREM

C A P U T II.

*De scriptis physicis Aristotelis.*

1. **F**ERT quæstio potest, quæ potissimum de causâ examini præ ceteris proponatur Physicæ Aristotelis. Non inficiamur, Platoniam potius subijci oculis posse, Epicuræam, aut aliam, quæ in scriptis veterum extant, viamque aperuere inventis recentium Philosophorum. Aliis tamen Aristotelicam anteferimus, quod fusiorem esse illis intelligamus, minus obscuram, quodque præcipuum est, ideis, quas in Logice, & in Metaphysice versavimus, multo conformiorem. De Aristotelis itaque Physicæ disputaturi laborem distribuimus in partes quatuor. Prima recenset scripta physica Aristotelis; probat secunda, non esse illa prorsus inutilia; tertia evertit oppositam sententiam; memorat quarta errores Aristotelis.

PA.

(1.) Elem. math. vol. 5. cap. 1. par. 38. (2.) Comm. de Bonon. Institut. vol. 1. pag. 32.

## PARAGR. I.

*Recensentur scripta physica Aristotelis.*

2. INDICAMUS tantum scripta Aristotelis præcipua. Tractatio quæ sese primo offert, est *physica auscultationis*; libros octo complectitur, diciturque auditio, quia cum obscura sit, magistri vocem expostulat. Horum primus de principiis differit, secundus de natura, fortuna, & casu; reliqui vero affectiones corporum enarrant, ingeniumque motuum, & circumstantias. Eos impugnasse dicitur Justinus Martyr (1). Photius quidem asserit (2), infirmatos ab eo fuisse tantum duos; subdit tamen Græbius (3), exemplar Justiniani minus integrum Photio adstitisse. De libris hinc nonnulla perhibet Fabricius (4).

3. Succedunt volumina duo, quorum alterum *de Cælo* est, alterum *de Mundo*. Exhibet illud libros quatuor, quorum primus de corporibus circulari motu præditiis disputat, secundus de sphaeris cælestibus, tertius de quatuor elementis, & quartus de gravitate, & levitate. Hosce de mundo potius, quam de cælo inferibi putavit Aphrodisius; ejus commentarium a Simplicio memoratum (5), ajunt, intereidisse, quemadmodum sublatum fuit alter Ammonii. Opus vero alterum, quod de mundo nuncupatur, Aristotelis epistolam porrigit ad magnum Alexandrum datam, ubi de rerum universitate præcipit, & de mundi eoagulatione. Ambigunt eruditi viri, an isthæc elucidatio ad Aristotelem pertineat; ei namque Heinsius, Cossius, & Menagius adjudicant, sed adjudicant Elmenhorstius, Pfeifferus, & Langius. Hos, aliosque nominat Fabricius (6).

4. Scripta *de meteoris* subinde occurrunt, & *de generatione, & corruptione*. Quod meteororum est, asserit libros quatuor; cumque Aristoteli ademerint nonnulli, eos asseruit Olympiodorus (7). Statuit Casaubonus (8), eam meteororum partem quæ in praxim spectat, tributam a veteribus fuisse Astrologiæ; Aristoteles tamen de astris ibi non agit, sed de effectibus naturalibus quæ contingunt sub Luna. Libri vero duo qui de generatione, & corruptione nuncupantur, rationes explicant quibus abeunt, & adveniunt formæ omnium concretionum. Proficitur quidem Vossius (9), in bibliotheca Cæsarea synopsis illorum extare a Psello elaboratam; sed Lambecius, a quo prodiit elenchus bibliothecæ, mentionem omnem præterit. Fabricius propterea suspicatur (10), deceptum Vossium a Verderio fuisse, vel a Spachio.

5. Su-

(1) Eversf. dogmat. Aristotel. (2) Cod. 125. (3) Spicil. Patr. vol. 1. pag. 152.  
(4) Biblioth. græc. vol. 3. pag. 124. (5) Comment. in lib. de cælo. (6) Loc. sup. memor. (7) De meteor. (8) Ad lib. 1. Strabon. p. 7. (9) De Philos. p. 29.  
(10) Loc. sup. memor.

5. Subeunt volumina *de parvis naturalibus, & de audibilibus*. Quod parvorum naturalium est, continet libros undecim. Horum quoque de sensu, & de memoria verba faciunt, de somno, de infomnis, & de divinationibus per somnum; sex vero ceteri de motionum animalium causis differunt, de longitudine vitæ, de juventute, & senectute, de respiratione, & de spiritu animali. Aliud autem quod audibile est, eorum indolem aperit quæ subsunt auditui; illudque a Porphyrio servatum extare ajunt apud Vallisium (1). Testatur Gabriel Sinaita (2), lectum quadragies ab Abulpharajo fuisse, adjectosque illi characteres, quibus dicebatur, *vellem iterum legere*. Qui morem hunc tueretur, paucos omnino legeret libros Aristotelis.

6. Negligenda præterea non est *animalium historia*. Concludit illa libros decem; horumque priores quatuor de partibus sermonem habent, sensu, & memoria animantium; tres alii de illorum ortu multa jubent; octavus & nonus de vita; postremus de sterilitate. Plinius scribit, a magno Alexandro decreta Aristoteli fuisse multa hominum milia, qui venatione, aucupio, & piscatione animalia suppeditarent ad naturales disquisitiones. Opus etiam *de partibus animalium* dispescitur in libros quatuor; ubi, eorum artubus accurate enumeratis, causam singulorum explanat, usum, & rationem. Libri quinque postremo extant *de animalium generatione*; quos compertum est vindicatos ab Averroë fuisse adversus Galenum. De animantibus Aristoteles diligentius scripsit quam de rebus aliis.

7. Alias denique Aristoteles dedit physicas exercitationes. Eas potissimum *de coloribus* inscripsit, *de plantis*, *de Xenophane*, *de physiognomia*, & *de problematibus*. Liber qui colores explicat, conscriptus fuit eruditione singulari; sed Theophrasto Mercurialis (3) eum tribuit, & Conringius (4) Stratonem Lampsaeceno. Commentarium de plantis divisit Aristoteles in libros duos, quos testatur (5) fuisse a se exaratos; ii tamen qui hodie extant, adjudicantur alteri, quod Aphrodisius asserat (6), nullum ætate sua extitisse scriptum de plantis. Volumen de Xenophane libellos tres oculis subjicit, ubi Xenophanis dogmata convelluntur, Zenonis, & Gorgiæ; quod vero de physiognomia dicitur, seu de examine naturæ, multorum industriam exercuit, qui recensentur a Lipenio (7). Problematum opus quæstiones continet generum omnium; distribuitur enim in 38. sectiones, quæ res physicas proponunt, medicas, mathematicas, & alias. Adjunguntur vero singulis eodationes, appositæ plerumque & acutæ.

PA-

(1) Oper. vol. 3. (2) De urbib. & mor. Orient. cap. 2. (3) Variar. lectio. lib. 3. cap. 13. (4) Epist. ad Rachelium. (5) Histor. animal. lib. 5. sub init. (6) De sens. & sensil. cap. 4. (7) Biblioth. philosoph. pag. 1166.



## PARAGR. II.

*Probatur, scripta physica Aristotelis non esse prorsus inutilia.*

8. REDARGUENDUS est qui Aristotelis Physicam esse putat inutilem.

RAT. I. Methodus quam Aristoteles servat, optima est, & veritatem erundæ satis accommodata. Sita enim in paucorum non est effectuum examine; qui obnoxii conversionibus perpetuis sunt, & scientiam non pariunt. In causas potius universales annitur, quæ certius aperiunt, & exploratius rerum naturas, ut propterea menti, non sensibus, cognitionem firmam afferant; & Philosopho non indignam. Animadversionem hanc, quæ verissima est, fule, & eleganter confirmat Bressanius (1); Galileumque perstringit, qui physica Aristotelis scita præceptionibus acceperat inanibus, & exsuccis. Igitur utilitate omni non carent Aristotelis præscriptiones.

9. RAT. II. Inutilis esset Physice Aristotelis, quia occultas causas induceret. Qui tamen veritatem non despiciat, contemptui habebit hanc criminationem: novum enim non est latere funditus causas, effectusque tantum proflare. Laudem scilicet promeretur qui ridiculis, confictisque pro arbitrio, abstinet ab hypothesebus; sapientius quippe est præterire causam, quam falsam pro vera venditare. Aristotelem propterea imitari viri summi fuere ex cœtorecentiorum: Newtonus namque, Leibnitius, & alii invexere causas multas, quarum naturæ erant abditæ prorsus, & occultæ. Hujusmodi potissimum attractio erant, vis inertie, plastica virtus, & energiz aliz, quæ obscuritate minime cedebant causis Aristotelicis. Igitur eripienda Aristoteli non est omnis utilitas.

10. RAT. III. Dant operam multi ut Aristotelis iussa conciliant cum sententiis juniorum Philosophorum. Existimant videlicet, posita ab his fuisse dogmata innumera quæ ab Aristotele non dissentiant, speciatimque decreta nominant Gassendi, atque Cartesii. Verum si inutilia tantum edidisset, discreparet a viris illis omnino; quos ratum est non laborasse dicacitate mera, nec vacuis, levibusque sanctionibus tempus omne concessisse. Nimirum ut res optimas cum malis permiscere, ita ambigendum non est Aristotelem, quem cum illis in fœdus vocant, tradidisse multa prorsus utilia. Igitur Aristotelis Physice omni non destituitur emolumento.

## PARAGR. III.

*Evertitur opposita sententia.*

11. PAUCI non sunt qui Aristotelis Physicæ accensent inanibus disciplinis.

ARG. 1. Methodus quam in rebus physicis Aristoteles servat, realis non est, sed idealis. Rerum scilicet principia non posuit, qualia constituit natura, sed quæ humanis ideis continentur, proveniuntque ab imaginatione. Porro idealis methodus, ut homini logico prodest, de idearum claritate, & ordine tantum sollicito, ita physicum dedecet, qui naturam ipsam persequitur, contemnitque artem omnem phantasiæ. Igitur expectandum nihil boni est a Physicæ Aristotelis.

12. RESP. Admissam ab Aristotele fuisse methodum utramque. Nonnullas videlicet physicas ad elucubrations methodum idealem adhibuit, & ad alias realem; qui tamen e nucleo didicit nucleum eruere, non minimam ex utraque capere potest utilitatem. Idearum methodum secutus plerumque fuit in libris *physicorum*; in *parvis naturalibus* nonnihil tenuit; & servavit omnino in libris *de physico auditu*. In his sane probabilitati potius adhæsit quam certitudini; & ratiociniorum vero similium ope pro naturalibus causis ideas induxit. Methodum autem realem tuitus continenter, & accurate fuit in libris quos *de animalibus* inscripsit, *de generatione, de problematis, & de meteoris*. Repudiatis enim ibi quæ progredi a mente poterant, observationes exposuit, & experimenta a viris solertissimis instituta; quorum prædico corporum naturam aperuit, verasque proprietates illorum. Hæc qui serio expendat, comperiat necesse est, utilia esse posse scripta omnia Aristotelis: ad probabilia enim uti ideali poterit, & ad exploratoria methodo reali. Nec diffidendum est, imitatos Aristotelem fuisse Philosophos præstantiores: ad effectus enim demonstrationes, seu res ipsas admiscere, sed ad causas inducere hypotheses, hoc est ideas. Igitur benemereri valde potest Physicæ Aristotelis.

13. ARG. 11. Inepta sunt Aristotelis ratiocinia. Præ ceteris positam tellurem fuisse existimat in centro systematis mundani; illudque ostendere nititur ex corporum gravitate, qua feruntur ad ipsam tellurem (1). Putat nimirum, corpora omnia in universi centrum gravitare; cumque decidere illa observet ad telluris centrum, infert, hoc cum systematis centro congruere (2). Nemini autem inexplorata est infirmitas argumentationis: ubi namque neges, quod ille non probat, contendere corpora ad centrum systematis totius, proclive erit

---

(1) De celo lib. 2. cap. 13. & 14. (2) Ap. Gravium, hist. philos. lib. 4. cap. 16.

erit differre hoc a centro telluris. Igitur nihil utilitatis provenit a Physice Aristotelis.

14. RESP. Aristotelem, quum telluris locum definiit, temere non pronuntiasse, & imperite. Ita quidem sentiunt qui Philosophum observant ad veritatem illam eruendam experientia cetera attulisse, usumque præterea fuisse vera, solidaque ratiocinatione. Scilicet compererat evidenti ex observatione delabi corpus omne in centrum telluris, ibique conquiscescere, ut subinde nullum opinaretur extare corpus posse quod se illuc non conferret. Inferebat propterea „ punctum „ in quod corpora confluant, esse centrum omnibus commune, hoc est centrum universi: ubi enim punctum aliud extaret, non peterent corpora cuncta centrum telluris. Non profitemur quidem, affectum Aristotelem fuisse penitus veritatem: novimus enim reponi posse, rem non esse prorsus indubiam, ferri universa corpora ad tellurem. Ipsi enim vel rudioribus Philosophiæ alumnis compertum est, a Copernicanis, qui telluris motum inducunt, responderi, extare corpora multa posse quæ in centra systematum aliorum decident, vel in nullum. Contendimus tantum, ratiocinium Aristotelis ridiculum, ut dicere amant, non esse, & ineptum: si namque vera esset inductio ab experimentis accepta, corpora nempe omnia in tellurem gravitare, germana esset conclusio. Nec in promptu esse confidimus argumentationes multas Aristotelicas, quas conviciis excipiant, & risu: litteris enim injuriæ esse non credimus, si dicamus, acutiorum sæpe numero Aristotelem fuisse assertoribus nonnullis recentioris Philosophiæ. Igitur inservire Aristoteles potest publico bono.

15. ARG. III. Aristotelis Physicæ mutila omnino est, & detruncata. De marium enim fluxu non differit, non de magnetismo, non de variis legibus motuum: nec de chronologiæ principiis sermonem habet, de explanatione iridis, de astronomicis supputationibus, deque aliis sexcentis. Quod si horum quippiam interdum memorat, avare illud præstat, & jejune, ut qui recte judicant, satius fuisse dicant ea præteruisse. Igitur Aristotelis scriptis nulla subest utilitas.

16. RESP. Exploratum esse, indicata tantum ab Aristotele nonnulla fuisse, multa vero funditus prætermissa. Vizio vertendum illud est priscorum sæculorum ingenio; ubi scientiæ erant prorsus definitæ, & homines vividiorum luminum, quæ prærent, inopia pedes vix intulerant liminibus Philosophiæ. Facendum pariter est, labem illam, si de scriptore unico sermo sit, hanc pariter ad ætatem fuisse deductam: nullum enim invenies, quantavis cruditione valuisse statuas, qui de rebus universis fusc scripserit, atque copiose. Verum utilitatem non proponimus scriptorum quæ Aristoteles non edidit, sed aliorum potius quæ superius memoravimus, quibusque nos non latet res bonas inesse, succique plenas, & uberratis. Obversantur speciatim volumina quibus animantium partes referavit, naturam, & mores; sique ab illis multa in

libros horum temporum defluxisse dixeris, noxam fortasse non inferes veritati. Non inficiamur, singulari nostrorum diligentia factam accessionem fuisse magnam Anatome; fateantur tamen necesse est, explorandi studium, nisi res ipsas velint, ab Aristotele potius descendisse quam a veterum alio. Igitur non falluntur qui utilitatem præstolantur ab Aristotele.

17. ARG. IV. Aristotelis præscriptiones sordent multis sphalmatibus. Docuit enim, elementum ignis inter Lunæ cælum porrigi, & aerem, a corde nervos progredi, & cometas congeries esse terrestrium halituum. Quod si in rebus adeo apertis, & in medio positis turpiter cæcutiit, adhibenda illi fides non est circa additiores: oculus enim, cui corpora cominus extantia inconspicua sunt, ignorabit æquius sita eminus, & remota. Igitur utilis esse non potest Physice Aristotelis.

18. RESP. Scriptorem nullum esse profuturum, si errata adimant illi omnem fidem. Gassendum, & Cartesium sollicitè percurrant, Leibnitium, & Nevvtonum; in singulis offendit quippiam cui veritas consentanea non est, interdumque adversatur omnino. Id non profiteamur, quo invidiam confitemus viris laudem omnem promeritis; indicamus potius errandi necessitatem, cui paret quisque, & Aristotelem excusamus. Ut pronum est desipuisse illum nonnunquam, ita est in proclivi sæpe numero sapuisse; nec agere liberaliter illum reputabimus qui sapienter ab eo dicta oblivioni tradat, memoret vero oscitanter fusa, & incogitanter. Quo fraudibus calumniisque via præcludatur, recensebimus inferius Aristotelis errores; fateri tamen cogimur, redigi in censum non posse innumeras, quas passim exhibuit, optimas sanctiones. Argumento illud sit sedulis alumnis, ne paucas ob maculas Philosophum ornatissimum despiciant: magistrorum enim præsidio, quos Græcæ linguæ, veterumque sententiarum ignaros esse non volumus, admirabilia, & plane singularia reperient in Aristotele. Igitur proficere quisque potest ex naturali Aristotelis Philosophia.

#### PARAGR. IV.

### *Enumerantur errores Aristotelis.*

19. ABERRATIONES Aristotelis sumus tantum designaturi quæ spectant ad Physicam. Ne quod Aristotelis non est, aut esse penitus non constat, cum aliis commisceatur, opiniones illius rediguntur ad tria genera. Primum eas complectitur quæ cum falsæ sint, affectu perperam fuisse ipsi Aristoteli. Alterum continet illas quæ, licet Aristotelis sint, ambigitur tamen, an sint veræ, vel falsæ. Tertium denique eas exhibet quæ falsæ omnino sunt, extantque reapse apud Aristotelem. Errata Stagyritæ omnia narrat Burnetius (1).

20. Er-

(1) Archæolog. lib. 1. cap. 13.

20. Errores qui Aristoteli falso adscribuntur, sunt duo; minutiores enim prætermittimus. Primus est, planetas esse lucidos suapte natura; quasi a Sole non accipiant lumen, nullamque phasim exhibeant. Si quid tamen recte cernimus, Aristotelem putamus aliter sensitse, definiit enim dumtaxat, præter lucem, quam a Sole mutantur, obtinere a semetipsis aliam dilutiorem. Alter vero est, corporum rarefactionem fieri aëstione, seu incremento extensionis; quasi corpori intumescenti accedat quantitas nova, quæ ponderosius illud efficiat. Ubi tamen obsequendum veritati sit, indicat tantum, corporis. quod rarefit, dimensiones expandi, ut sub eadem quantitate, & consequenter pondere, majus evadat corporis volumen. Par esset textus asserre, sed vagantur illi latissime.

21. Opiniones Aristotelis, quarum de veritate dubitant, sunt tres. Prima est, materiem qua cæli constantur, esse immutabilem, hoc est corruptionem omnem evadere, & dissolutionem. Sed licet Cartesiani contendunt, verci posse illam in planetas, negant alii, qui fluidam esse volunt; vicissitudinis tamen omnis esse ajunt experient. Secunda est, immobilem esse tellurem, & in universi centro subsidere, ut Sol peragat circa illam conversiones suas instar planetarum. Verum neminem præterit, Philosophis universis placuisse eam hypothesein ante Copernicum; post illum vero extitisse innumeros, & fore deinceps extituros quibus non probabitur motus telluris. Tertia est, extare formas substantiales, quæ viventes non modo substantias incolunt, verum etiam inanimes. Tamen eæ formæ naturalibus principiis non sunt adeo insensæ, ut amatores sibi non adsciverint; præsertim si de hominibus disputatio sit, & de brutis, quæ a semetipsis motum assequuntur. Itaque hæ non sunt veræ hallucinationes.

22. Sphalmata demum Aristotelis certa, & explorata sunt septem. Statuit enim cælos esse solidos; eieri illos motibus oppositis; lucem corpus non esse, & ignem protendi sub Luna. Præterea docuit, lacteam viam acervum esse exhalationum; cometas halitus esse in acre concretos; & nervos omnes a corde provenire. Hæc ex oscitantia posuit, quæ dedecebat Philosophum summum: sæculorum enim obscuritas in causa esse non poterat ut turpiter adeo erraret, & imprudenter. Alii quidem extabant veteres, qui saxis iisdem impegant; verum pauci erant, nec ea valebant auctoritate ut Aristoteli fucum facerent, eumque raperent in sædas, immanesque aberrationes. Tyronibus igitur motus sint, ne velint in omnibus esse Aristotelicos.

# I S A G O G E S AD PHYSICAM PRIOREM

## CAPUT III.

### *De Physices usu.*

1. **A**RISTOTELICAM Physicem, pronuntiavimus, non esse proflus supervacaneam. Auctores tamen nemini esse possumus ut illius sepeis tantum concludantur, despiciantque ceterorum, quæ ubique prostant, & optimæ sunt, sanctiones Philosopherum. Quæ præsertim ad rerum causas pertinent, innumeris sunt nodis implicata; rectum propterea Physices usum si diligas, veritatem quæras oportet ubi sit illa. Hanc itaque expedituri disputationem complectimur partibus quinque. Prima Physices nomen explicat, objectum, & præsidia; probat secunda, prodesse Physicem Theologiæ; tertia infirmat rationes adversas; proponit quarta, regulas ad Physices usum pernecessarias; quinta affert Physices divisionem.

#### PARAGR. I.

### *Nomen Physices explicatur, objectum, & præsidia.*

1. A voce Græca nomen *Physice* capit, quæ significat naturam. Nuncupatur propterea scientia naturæ, cujus causas perscrutatur, & effecta; tamen negent immerito multi, scientiam esse, quia res potius conjicit quam noscat omnino. Qui germanam esse scientiam volunt, collocant illam inter theoreticas: ad actionem enim, ajunt, non impendi, sed ad contemplationem, seu veritatis assecutionem. Hæc, & his affinia, quæ momenti magni non sunt, extant apud Gassendum (1).

3. Objectum Physices sunt universæ corporum motiones. Nimirum insunt corpori cuique certæ dimensiones; præter illas vero adsunt mutationes innumeræ, quarum nonnullæ ab attributis intus extrantibus proveniunt, aliæ autem a motibus externis. Corporum dimensiones versat, calculisque subdit Mathesis. Physice tamen conversiones omnes investigat, quæ voce paullo latiori dicuntur generatim motiones. Scilicet motuum omnium principia reseat, describit effectus, vires enuntiat, statuit durationem, finesque prodiit abditissimos. Ea de causa objectum illius, præcipiunt, esse *corpus mobile*.

4. Prz.

---

(1) In præemia Physicæ.

4. Præidia Physices præcipua duo sunt, nimirum Arithmetica, & Geometria. Versatur Arithmetica circa numeros, & circa lineas Geometria; exploratum vero est motus omnes a partium numero pendere, & a lineis figurarum. Scilicet motus dum corporibus erogantur, distribuuntur pro quantitate molecularum; viribusque decretis agunt, in certo spatio, & tempore definito. Hinc pernecessaria Arithmetica est, quæ rationum, seu proportionum numeros dedat supputationi: absque illa enim nihil de Dynamica statues, de Statica nihil, nihil de Astronomia. Motus præterea inæqualiter peraguntur pro varia corporum figura, & dispositione; radii namque lucis modo eodem in planam superficiem non cadunt ac in convexam. Geometriz iccirco regulis opus est, quæ linearum figurarum parientium naturam exponant, & proprietates; ex namque si desint, Opticæ arcana non recludes, nec Mechanicæ. Ea propter qui in Physicam annititur, Geometra oportet sit, & Arithmeticus.

5. Quo denique extollant Physices usum, multi multa commemorant. Illius præstantiam coruscare nitidius non posse credimus, quam si perspectum fuerit prodesse Theologiæ. In hoc sumus eoixe allaboraturi, quia tyrones alloquimur properaturos in Theologiam.

## PARAGR. II.

*Probat, auxiliari Physicam Theologiæ.*

6. EMOLUMENTO est Physica Theologiæ.

RAT. I. Ex rerum naturalium meditatione in cognitionem adducimur existentie, & attributorum Dei. Porro dat operam Physice ut causas naturales explanet, quemadmodum ad Theologiam spectat proponere, & ostendere Dei perfectiones. Gravissimis propterea a Philosophis demonstratus perpetuo Deus fuit ex ipsa natura. Derhamus enim ex cælestium orbium consonantia illum in medio posuit (1), ex insectis Lesserus (2), Murrayus ex voce animalium (3), & alii ex aliis. Igitur juvat non parum Physica Theologiam.

7. RAT. II. Apud veteres ortum a rebus physicis duxere Theogniz. Deorum videlicet progenies, præfecturæ, & cultus solis regebantur præceptionibus naturæ, ut quo nobiliora effecta essent, eo numina quæ illis prærant, potentiora haberentur, & præstantiora. Qui propterea stellarum motus contemplabantur, astris singulis jubebant numen adesse; fontibusque, & lacubus deos peculiare alligabant, qui servarent ingenium, & æstum aquarum. Immo non differebant Philosophi a Sacerdotibus numinum curæ destinatis; qui apud Hebræos Rabbini, Ma-

gi

(1) Theol. astronom. (2) Insect. Theologia. (3) Demonst. Dei ex voc. animal.

gi apud Perlas nuncupabantur, apud Assyrios Chaldei, Brachmanes apud Indos, Druidæ apud Gallos, & apud Itales Hetrusci. Igitur aperta consensio Physices est cum Theologia.

8. RAT. III. Voces multas a Physice accipit Theologia. Verum distinctionibus non modo illius utitur, sed integra adoptat systemata, ut quæ Physice ad naturam refert, ad res transferat Theologia supra naturam sitas. Admittit videlicet formam quam obire munus essentia existimat, peculiareque asserre secum proprietates; eam *gratiam habitualement* vocat, & attributa nuncupat *spem*, *caritatem*, & alia, quæ putat esse motiones. Rerum harum exemplar obtinet prorsus a Physice, quæ corporum naturam essentiam dicit, fontemque rerum esse facultatum, ut ab ea petat motus omnes phycos, & in certa genera distribuât. Theologia præterea de qualitatum in anima extantium *intensione*, & *remissione* disputat, quemadmodum differit Physice de calore, siccitate, soliditate, & id genus aliis. Lumini etiam divino tribuit quod Physice adjudicat luci naturali, ut hæc hominum oculos afficiat, illud vero tangat, & illustret mentem hominum beatorum. Igitur amica est Physice Theologiæ.

9. RAT. IV. Intellectum Physica conformat, aptioremque efficit meditationibus Theologiæ. Incredibile dictu est, quam facile mentem a fraudibus tueatur ulos Arithmeticae, & Geometriæ: cum præceptiones enim solidas suppeditent, eam admonent ne arti cedat cavillationum. Physice propterea, cui scientiarum illarum perpetua est consuetudo, optulatur intellectui, ut ideas claras elargiendo, revellendoque falsas, vindicet ab insidiis. Quantum dolorum, & astuum detectio Theologiæ proffit, noverint qui intelligunt, corruptam hostium a sophismatibus illam fuisse, & ab imperitia adfertorum. Igitur præsidio Physica est Theologiæ.

10. RAT. V. Theologia præ rebus ceteris eget Chronologia. Scilicet absque Ecclesiæ historia jacet omnino Theologia; pronum autem est chronologicas leges in historiam spectare, ut lapides in ædem. Verum quæ ad temporum supputationem pertinent, versantur a Physice; astorum quippe conversiones, seu tempora explorat, & principia speciatim tradit epocharum, atque periodorum. Igitur sapiunt qui Physicem ajunt valere ad Theologiam.

### PARAGR. III.

#### *Infirmantur rationes adversæ.*

11. NON desunt qui non conferre opinantur Physicem Theologiæ.

ARG. I. Physice non placet Ecclesiæ; res autem aliter esset, si opem ferret Theologiæ. Concilium nempe Toletanum primum hominem



nem anathemate ferit (1) qui fidem adhibet Mathesi; rejicitque propterea Physicen ipsam, quæ eum Mathesi init familiaritatem. Zacharias deinde, Pontifex summus, multari ecclesiastico ordine jubet Virginium (2), qui Antipodas admittebat; homines vero illos extare saneiunt physicæ præscriptiones. Igitur inutilis est Physicæ Theologiæ.

12. RESP. Ratione hæc evinci summam potius Theologiæ, & Physicæ cognationem. Ubi nimirum affinitas nulla intercederet, omnis superflueret Ecclesiæ definitio: Physicæ enim, vera esset vel falsa, pernecient nullam asserret Theologiæ. Ecclesia itaque sive Mathesim improbet, sive Physicen, exitiosum dumtaxat carpit ulum illarum; quo decepti valedixere multi sanctioribus decretis, opesque supra divinas naturam extulere. Toletanum scilicet Concilium Mathesin damnat quæ stultam patit, & fovet Astrologiam; eam videlicet quam *judiciariam* nominant, & quæ astris hominum voluntatem subjeicit, evertitque libertatem. Zacharias vero Virginium corripit sententiæ novæ, multisque insensæ adstipulatorem: ea namque ætate tellus nesciebat esse rotunda, putabaturque propterea, Antipodum, seu aliorum hominum, opinio adversari Scripturæ. Comptius idcirco, quam vocari in dubitationem possit, est proscriptam ab Ecclesia non fuisse Physicæ veram; non nesciebat enim sapientissima Fidelium parens, ab illa mentem illustrari, quo utilius ageret, & voluisset dogmata Theologiæ. Igitur proficere potest Physicæ ad Theologiam.

13. ARG. II. De frigore, & de calore Physicæ agit, de magnetismo, de elasticitate, & de aliis. Verum nemo, licet acutissimus sit, assequi cogitando poterit quam habeant illa consensionem cum Trinitate, Gratia, Sacramentis, aliisque scitis Theologiæ. Scilicet quæ Physicæ sunt, in corpora spectant, & quæ a Theologia evolvuntur, collineant in spiritus; ea vero omnino discrepant, præsertim si spiritus veniant, non qua substantiæ naturales sunt, sed qua reguntur afflatu Dei. Igitur adjuvare Physicæ non potest Theologiam.

14. RESP. Quæ corporibus insunt, explanationi deferre affectionum ad spiritus pertinentium. Animæ nimirum humanæ, licet non calefiant, nec elastice sint, lapidæ, vel odoræ, præceptionibus tamen physicis indigent ad munus divinarum, quibus exornantur, interpretationem. Theologia enim nomina ferme universa a Physicæ mutuatur, quæ sunt *substantiæ, accidentis, qualitatibus, visionis, luminis*, & aliorum; ut proinde ubi hæc ab illa disjungatur, elinguis evadat Theologus vocum inopia. Corporum deinde qualitates, licet diversæ indolis sint, augentur tamen, vel minuuntur instar spiritualium; leges propterea, quas Physicæ de illis fert, pernecessariæ oportet sint, & perutiles Theologiæ. Mathesis demum, cuius favore Physicæ utitur, idonea summopere est

Tom. III. Physicæ.

D

Theo-

(1) Canon. 15. (2) Epist. ad Bonifac. Moguntin.

Theologiæ: offensum namque superius fuit, repurgari ab illa ingenium, ut vere, solideque pronuntiet. Monendum iterum iterumque est, situm in ea esse fructum præcipuum quem a Physice capit Theologia: Mathesis enim Theologum ab aere ad tellurem advocat, evellet anticipatio- nes, sophismata diffat, germanamque evidentiam indigitat, vel saltem certitudinem. Igitur salutem sequuntur qui Physicæ asserunt non conducere Theologiæ.

15. ARG. III. Physicæ obfirmatius æquo adhærescit demonstrationi- bus. Quidquid nimirum demonstratione non communitur, vacuis ac- censetur hypothesebus, veræque Physicæ laude destituitur. Quæ insolens sane consuetudo permeavit ad res alias: ubi namque evidentia, & firma certitudine careant, repudiantur omnino. Quantum vero Theologiæ illud obsit, norunt, quos natura non latet rerum theologicarum: licet enim veræ sint, certæ tamen omnino non sunt, & evidentes. Idque in causa fuisse creditur, qua scelesti homines compleverint omnia dubitatione: effata enim multa cum ostendere explorare non possent, ambegere de illis, & Religionem concussere. Igitur non consu- lit Physicæ Theologiæ.

16. RESP. Physicæ, & Theologiæ esse æquam optionem. Scilicet quod apud Physicos demonstratio efficit, præstat fides apud Theologos; differuntque tantum, quod certitudinem & evidentiam illa pariat, hæc autem cum de obscuris sit, creet firmam dumtaxat certitudinem. Ex- ploratum omnino est, ope demonstrationum aperiri effectus naturales, ut nulla subsit dubitatio; verum ubi investigandæ physicæ causæ sint, certitudo & evidentia abit, solaque probabilitas suppetit, & conjectu- ra. Ratione haud dissimili fides, quæ a Dei testimonio progreditur, mysteria certe statuit & indubie, omnemque surripit locum ambagi- bus; in res tamen alias, quæ dogmata fidei non sunt, leges plerum- que probabiles rogat Theologia, & validæ certitudinis expertes. Quem- admodum propterea deciperetur maxime qui evidentiam effectuum ad naturales causas exposceret, ita subieiendus ferulæ est qui theologico- rum principiorum firmitatem postulet singulas ad propositiones. Id sa- ne si animadvertissent Religionis obrectatores, invidiam non conflassent Theologiæ: ex ipso enim Physicæ ingenio comperiissent, demonstrari omnia non posse, sed regi pleraque consilio & probabilitate. Igitur in- ficiandum non est, opem a Physicæ ferri Theologiæ.

17. ARG. IV. Scriptores qui de Physicæ disseruere, nihil edidere de Theologia. Vicissim vero qui theologicas illustrarunt, a tractatione omni abstinere rerum physicarum. Argumento illud est nullam esse Theologiæ cum Physicæ cognationem; immo dicere quis poterit, esse invicem adeo insensas, ut componi nulla ratione valeant eodem in ce- rebro. Igitur prospicere nequit Physicæ Theologiæ.

18. RESP. Definiri immerito, Scriptorem nullum de Physicæ dispu- tasse, & de Theologia. Ne omnium censum exhibeamus, memoramus  
tan-

tantum Petavium; quem inficiari verebuntur Mathematicum vindicem fuisse (1), & Theologiæ (2). Non negamus tamen eorum numerum esse penitus exiguum; quod scientiarum illarum oppositioni, vel dissimilitudini tribuendum non esse credimus, sed satis potius Scriptorum. Scilicet qui Theologiæ operam navant, nomen plerumque dedere ordini sanctiori; cuius in rem esse minus existimant impensioem, & accuratorem rerum naturalium indagacionem. Fit propterea ut theologica intra claustra sese contineant, physicarumque disquisitionum curam eis sinant quos liberior vitæ ratio imparatos efficit altiori contemplationi. Ceterum Theologiæ non esse Physicæ inimicam ex ipsa liquet adolescentum institutione: antequam enim Theologiæ sacris initientur, orbem percurrunt rerum physicarum. Igitur ratum est utilem esse Physicæ Theologiæ.

PARAGR. IV.

*Expenduntur leges ad Physicæ usum pernecessariæ.*

19. NE a recta veritatis via aberrarent Philosophi, leges nonnullas sibi proposuere. Perpetuis scilicet, accuratisque ex observationibus aliqua comperere naturæ principia, quæ ad causarum inventionem præsto sibi esse opinabantur, & ad explanationem effectuum. Ea potissimum septem sunt, & nuncupantur *rationis sufficientis*, *identitatis indiscernibilium*, *continuitatis*, *conservationis motuum*, *durationis virium*, *minimæ actionis*, & *experimentorum*. Singula expendimus, ut perspectum fiat quantum ab illis præstolari quisque sibi possit ad physicas meditationes.

20. Lex *rationis sufficientis* posita fuit a Leibnitio (3). Universi quidem ante illum Philosophi, si Epicuræos excipias, inducebant ad effectus rationem aliquam, ut sine illa existere nihil posse dicerent, nec fieri hoc potius pacto quam alio. Leibnitius tamen, cum ad res præsertim metaphysicas usus solertissime ea fuerit, censetur extitisse auctor illius; Leibnitiani vero latius protenderunt. Dogmatis huiusce præsidio mundum definiebant esse alio quovis perfectiorem, falsam corporum attractionem esse, & esse atomos impossibiles. Nullam enim extare rationem, aiebant, qua mundo præstantiori anteferreret Deus ignobiliorum; rationem non suppetere ad corporum attractionem; nec atomis, quæ extensæ forent, rationem inesse extensionis. Non negamus, ad res quippiam postulari quod determinet existentiam illarum; veremur tamen ne Leibnitii scitum adeo certum sit, & perspicuum ut referendis naturæ aditibus sit opportunum. *Primo* namque dissidium extitit Clarkium inter ipsumque Leibnitium (4), an polceatur ratio sufficiens

D 2 ad

(1) De doct. tempor. (2) De theol. dogmat. (3) Ap. act. Erudit. vol. 7. suppl. 5. p. 223. 300. & ap. *Manuscriptum princip. philos. geometr. demonstr.* (4) *Collect. varior. scriptor. &c.* vol. 1.

ad causas quoque liberas; rebatur enim Clarkius, Deum ulla sine ratione creare pro arbitrio posse quem vellet effectum. *Secundo* tametsi ad omnia ratio quæpiam conduceret, lateret plerumque tenebris obducta: a mentis enim hebetudine illud progrediatur, vel a rerum obscuritate, constans est rationem veram sæpe numero non attingi. Itaque cum nulla hypothesium, vel falsissimarum, rationem suam non jactaret, sciendum est, principium illud nimis vagum esse, & incertum.

21. *Identitatis indiffernibilium* lex proficiscitur a ratione sufficiente. Hac, quam Leibniti (1) pariter induxit post Stoicos (2) & Brunnium (3), statuebatur, res duas esse non posse omnino similes. Ubi enim duæ syderis, & arboris partes similitudine convenirent, eadem res essent, quia non differrent ullatenus; nullaque etiam ratio extaret qua syderi alia inesset, & alia plantæ. Ope sanctionis hujusce spatium nullum inferebant esse, nullumque tempus; & concludebant monadum, seu substantiarum simplicium, vique peculiari præditarum existentiam. Tempus enim, & spatium si extarent, conflarentur paribus prorsus similibus; deesset eapropter ratio qua dexteram plagam alia peterent, alia sinistram; idemque contingeret in partium temporis successione. Monades vero eadem de causa opinabantur esse funditus dissimiles: admitta enim virium æqualitate in locum unum omnes coirent, nec esset cur apte distribuarentur ad corporum concretionem. Dissimulandum tamen non est, hoc naturæ decretum Leibnitianis minus profuisse, quam ipsi putarent, & posceret causarum inventio. *Primo* ostendendum erat, impossibile Deo esse rerum duarum per similitudinem efformationem; probatio enim, quam a ratione sufficiente petebant, suspicioni obnoxia erat, & incertitudini. *Secundo* evitenda solidius esset universæ antiquitatis opinio; quæ res inter duas diversitatem tantum *numericam* adituebat, nec reputabat unicam fieri, si constaret utraque formis æqualibus. *Tertio* in corporibus *homogeneis*, cujusmodi fluida sunt, partes congenere, & per similes occupant loca sua; sique velint discrepare illas, non dissidebunt adeo, ut oppositas omnino ad plagas conferre sedebeant, dexteram, vel levam, superiorem, vel inferiorem. Igitur expectandum parum utilitatis est a præscriptione rerum dissimilium.

22. *Lex continuitatis*. progenies pariter est rationis sufficientis: Eam ad naturales causas recludendas idoneam esse alacer Leibniti ad stipulator existimavit Bernoullius (4). Sitam potissimum esse in canone agebat, quo corpus a statu quopiam transire non potest ad alium, quin omnes percurrat gradus medios possibiles: ubi enim aliquos negligeret, ferreturque saltu, nulla esset ratio qua illos prætermitteret.

Evin-

(1) Ap. Ciceron. qu. acad. lib. 2. (2) De minimo pag. 71. (3) Ap. Hanfch. loc. memor. theor. 19. & collect. &c. pag. 50. 24. 418. (4) De legib. communicat. mor.

Evincere propterea illius opera iudicabat, nullum existere corpus omnino durum, seu non elasticum: quippe si extaret, & offenderet, dum moveretur, corpus immobile, puta parietem, celeritatem momento amitteret, & redigeretur subito ad quietem. Verum habendam tanti non esse suspicamur eam præceptionem, ut collocari merito possit certa inter principia. *Primo* afferri ratio potest qua corpus a statu quietis ad statum reducatur definitæ celeritatis: ea enim repetenda a corpore impellente est, quod, cum impetum eertum habeat, ictu eundem unico valet alteri conferre. *Secundo* gradus singulos celeritatis certos esse statuitur, & determinatos; incertas tamen & indefinitas volunt multi esse tum rei continuæ partes, eum successivæ. Itaque continuorum regula incertitudine laborat, & obscuritate.

23. *Conservationis motus* lex prodiit a Cartesio. Is edocuit (1), quantitatem motus, quam Deus olim condidit, servari eandem omnino, ut licet a corpore in corpus transferatur, non augeatur ullatenus, nec extenuetur. Arbitratus nimirum fuit, quantitatem motus esse productum massæ in celeritatem; corporum vero in collisione summam motuum æqualem esse statuit ante, & post ictum. Hinc peculiare eorum canones posuit, sive dura corpora sint, sive sint elastica; cumque effecta omnia a motu pendeant, patuisse sibi credidit latebras omnes naturæ. Dissidentium tamen non est, hallucinatum maxime fuisse virum ceteroquin eximium. *Primo* enim perspectum accuratissimis virium exploratoribus fuit, sexcentas esse hypotheses, ubi motuum quantitas post corporum occursum eadem non est, sed interit, deperditurque pars illius non exigua. *Secundo* manifestum oculis ipsis sit, congruere ita posse corpora mollia, vel dura, ut impetus omnis perimatur, & redigatur utrumque ad quietem. Igitur Cartesii effato sufficiens aliud universalis est, conformiusque veritati.

24. *Lex durationis virium* post Leibnitium amplificata omnino fuit a Leibnitianis (2). Videlicet cum animadverterent, collapsurum penitus fore inventum Cartesii, motum sanxere quidem minui, sed vires continenter persistere. Has scilicet, quas *vires* appellabant, productumque massæ in quadratum celeritatis esse putabant, dixere, ita distribui inter corpora se collidentia, ut eadem supersit quantitas illarum. Rationibus autem rigide subductis comperere, verissimam in corporibus elasticis iussionem esse, sed minime in duris; proptereaque, ne quod perdit deperibat, abjicerent, elastica decrevere esse corpora univërfa. Neminem latere confidimus, quam infirma ad naturales causas sit ea supputatio. *Primo* ad arbitrium penitus, & in rem funditus suam statuunt, vires esse ut quadrata celeritatum: nihil enim confi-

(1) Princip. par. 2. num. 36. (2) Ap. Joann. Bernoulli. oper. vol. 3. num. 145. paragr. 3.

conticiens afferunt, quo a familiari digrediendam sit, & pervulgata motuum mensura. *Secundo* confidentius adhuc, & paullo audacius a natura abigunt corpora dura: ratum enim est prima omnino corporum elementa, cum dividi saltem naturaliter nequeant, omni carere elasticitate. Itaque cum Leibnitianorum principium contrarius alio Cartesii sit, impar est Physices usui.

25. *Minima actionis* legem sibi adjudicavit Maupertuisius (1). Factus videlicet fuerat cettior, motuum non modo interire, verum etiam virium quantitatem: ubi enim rationes alie decissent, constabat, in hominibus, & in brutis, quæ sponte moventur, novas nasci vires, itemque restringi. Induxit propterea principium aliud, quo edixit, in corporum congressu actionem a natura impendi omnium possibilem minimam; illudque consentaneum verum præceptis erat, viam nempe quam natura servat, esse alia quaque breviorē. Actionis vero quantitatem exæquare statuit productum massæ in celeritatem, & in spatium (2); ostenditque demum, motuum canones, in quos consenserant Philosophi omnes, exquisitè consonare suæ præscriptioni. Dubitamus tamen, an simplicitatis, & brevitatis studium, quod naturæ illie elargitur, sit magnæ utilitatis. *Primo* namque ex insigni animantium, plantarum, rerumque ceterarum copia, & varietate luculenter constat, anteposita parcitati, & inopiæ sæpe numero fuisse dispendium, & largitatem. *Secundo* tametsi actio minima effectibus singulis adhiberetur, lateret adhuc ratio qua posset illa innoscere: præsidia enim ad retegendas corporum affectiones si desint, nulla est via ad quantitatem actionum. Igitur cogitandum serio fuit de dogmate quod usui esset accommodatius.

26. *Lex experimentorum* debetur præsertim Nevvtono. Constans omnino, ut diximus, erat laborare decreta cetera vitis suis: præ cæteris enim spectabant pleraque physicos, seu *locales* tantum in motus, nec de *mutationibus* aliis quippiam indicabant. Philosophi tamen est eaussas etiam explorare, abditasque corporum proprietates; cui sane disquisitioni operam nemo prudenter dabit qui diligentiam negligat experimentorum. Quo utilia sint, delectus machinarum habendus est, postulaturque sensuum cura, & acies ingenii. Instrumenta scilicet, quæ machinas nuncupant, tentaminibus idonea, ab artifice oportet sint minime imperito, ut eo pacto observationum certitudini prospiciant. Sensus præterea morbo quopiam impediti adhibendi non sunt; quodque semel perceptum rite fuit, adeatur iterum, ne locum habeant, quæ viris vel accuratissimis usuveniunt, error, & deceptio. Ingenium denique excitandum est, ut loci, temporis, ceterorumque circumstantium indolem observet, expendat accurate, rectasque inde eruat conse-

cu-

---

(1) Specim. cosmolog. pag. 21. & 22. (2) Loc. eod. pag. 41.

cutiones. Sumptis ea ratione experimentis ad Physices usum necessariæ sunt tres regulæ Nevvtoni (1).

27. Prima regula est: *admittenda tantum sunt causæ quæ vera esse demonstrantur, aptæque præterea explicandis phænomenis*. Dogmatis hujus ope causæ possibiles discernuntur a veris, & eliminantur hypotheses quæ ulla sine ratione consistæ Physicen perturbarunt. Ostendendum videlicet est, effectuum naturalium causam reapse hanc esse, non aliam; nec ad caelestes motus angelorum impulsio asserenda temere est pro viribus a natura syderi olim erogatis. Demonstrandum est etiam, causam quæ assertur, facere originem posse cunctis phænomenis: ubi enim res aliter se habeat, ineptiet illa, nec quidquam conferet veritati. Si horum alterutrum desit, continendum est omne de causis judicium.

28. Regula secunda est: *effectuum ejusdem generis causæ sunt eadem*. Qui hanc diligenter servant, ab inutili abstinent numero causarum: parit enim natura supervacaneis, simplicique gressu progredi plerumque cernitur ad effectus. Ubi iidem penitus sint, diversis non prodeunt a causis; illarum nempe altera vera non esset, exciperetque propterea regulam primam. Ineptissime plane faceret qui lucis solaris causam materiæ pressionem esse diceret; affirmaret vero, lumen Sirii, seu caniculæ, effluvium esse exilium molecularum. Causarum copia ut decere Rhetorem potest, ita dedecet Philosophum.

29. Tertia regula est: *proprietas, quæ intendi non possunt, nec remitti, si corporibus quæ adsunt, conveniant, insunt corporibus universis*. In cognitionem hoc pacto ducimur rerum abditarum, affectionesque noscimus corporum, quæ sensus effugiunt. Scilicet conspicamur quasdam corporum ob oculos positorem proprietates aëtionis, & decretionis expertes: hæ sanæ, cum a loco, & a tempore non pendeant, quia sunt immutabiles, præsto sint necesse est corporibus cunctis, vel remotissimis. In metallis nimirum, plantis, ceterisque concretionibus extensionem constanter, & sine mutatione deprehendimus, gravitatem, mobilitatem, & alia. Ignavissimus propterea esset qui corporibus ea denegaret procul sitis, aut delitescantibus in tellure. De calore vero, de siccitate, & de aliis, quæ alterationem subeunt, definiendum est aliter. Possunt quippe, ut partim, ita deesse prorsus compluribus.

#### PARAGR. V.

#### *Afferitur Physices divisio.*

30. MULTÆ sunt, quæ a Philosophis porriguntur, Physicæ divisiones. Ueberiori tyronum profectui consulturi secamus illam in duas partes; quarum alia Physicen priorem complectitur, alia posteriorem. Quæ prior dici-

(1) Princip. philos. lib. 3. sub init.

dicitur, nuncupaturque ab aliis *generalis*, distribuitur adhuc in partes quatuor: harum prima de corporum principiis disputat, secunda de insensibilibus eorum proprietatibus, tertia de sensibilibus, quarta de mechanis. *Posterior* vero, quæ ab aliis vocatur *particularis*, alioque volumine exhibebitur, conficitur partibus sex; quarum prima de cælis differit, secunda de igne, tertia de aere, quarta de aqua, quinta de tellure, sexta demum de viventibus. Hoc sane pacto naturæ opes in summa genera rediguntur accuratius, quam fieri possit, & ornatus.

# PHYSICÆ PRIORIS

## P A R S P R I M A

### DE CORPORUM PRINCIPIIS.

#### C A P U T I.

#### *De principiis corporum Aristotelicis.*

1. **S**ENTENTIA Philosophorum omnium fuit, latentem penitus esse spirituum naturam. Corporum tamen principia illis minime cecidit occurrere: hætenus enim caput non extulit ingeniosus vir qui corporum coagmentationem recluderet omnino. Et quidem eadem utrinque dubitationis ratio esse videtur, & ignorantis; ut spiritus quippe sensuum aciem eludunt, contrahantur ita manibus nequeunt corporum elementa, nec oculis collustrari. Ne tamen quod in nos recepimus, prætereamus, hanc de principiis corporum disputationem complectimur partibus tribus. Prima exponit principia corporum Aristotelica; probat secunda, ea non esse omnino vera; tertia evertit argumenta Aristotelicorum.

#### PARAGR. I.

#### *Explicantur principia corporum Aristotelica.*

2. **P**RINCIPIORUM corporum definitionem referimus acceptam Aristoteli. Affirmat (1), *principia* esse quæ ex semetipsis mutuo non fiunt, nec ex aliis, sed præstant potius ut cetera omnia prodeant ex illis. Recenseri vix possunt Philosophorum inventa, quibus pro sua quique disputandi ratione corporibus destinabant principia peculiariora.

Me-

---

(1) Phys. lib. 1. cap. 1.



Melissus, & Parmenides unicum, aiebant (1), esse rerum omnium principium; quod infinitum a Melisso nuncupabatur, a Parmenide vero finitum. Præcipiebat Empedocles, corporum principia ignem esse, aerem, terram, & aquam (2); Heraclitus tamen ignem tantum memorabat, terram Hesiodus, & Thales aquam. Pythagoras ad naturæ principia materiam inducebat, & numeros (3); materiam nimirum conformabat numeris proportionum, ut certum genus assequeretur, motumque definitum. Principia corporum in materia Plato collocabat, & in ideis (4); quod ad corporum efformationem usum, existimaret, Deum fuisse ideis, & materia. Hæc tamen principia, cum a viris illis gravissimis universe nimis usurparentur, & generatim, quodque iniquius erat, efferrentur verbis paucissimis, & perobscuris, habita fuere prorsus contentui. Quæ vero integras Philosophorum sectas invicem, & perpetuo commisere, existerunt alia longe celebriora: quinque potissimum erant, dicebanturque principia Aristotelis, Gassendi, Cartesii, Paracelsi, & Leibnitii. Exploraturi hic sumus Aristotelica.

3. Corporum primordia quæ Aristoteles inexit, tria erant, nimirum *materia*, *forma*, & *privatio*. *Materie* nomine *subiectum* designabat, quod formas reciperet universas; statuebat enim (5) fieri res omnes ex illa, & in illam demum reverti. Progrediebatur illud ab opinione universis ferme veteribus peculiari; qua ex nihilo, edicebant, nihil fieri, nec posse quidquam in nihilum redire. Materiam Aristoteles suam, quæ mutationibus innumeris erat obnoxia, multabat forma omni, dicebatque esse tantum potentiam; suoque ingenio saxum non esse illam, affirmabat, non plantam, non brutum, non aliud, sed quippiam esse omnibus accommodatum. Quo animum suum luculentius patefaceret, marmor comparabat, & æri ad artis opificia; hæc namque figuram nullam a semetipsis afferunt, sed prona æque sunt ad Cæsaris simulacrum, vel ad statuam Mercurii. Prætereundum non est, affecta complura alia ab Arabibus fuisse materię Aristotelicę; discernenda tamen sensa præclarissimi Philosophi sunt a lufibus, ineptisque imperitorum. Quæ atculimus, perspecta omnino sunt, & illius menti consentanea.

4. Alterum corporum elementum erat Aristoteli *forma*. Voce hac actum, seu perfectionem indicabat (6), quæ materię adjungeretur, efficeretque eum illa substantiam integram, & absolutam. Nimirum cum materiam rei cuique communem diceret, conferenda illi erat aliqua determinatio, ejus præsidio figeretur, & in metallum potius evaderet quam in plantam. Id muneris obire formam jubebat, quam alii

Tom. III. *Physic.*

E

nuncu-

(1) Ap. Aristotel. loc. eod. (2) Ap. Clem. Alexandr. Stromat. lib. 6. (3) Ap. Jamblicum comment. ad introduct. Nicomachi pag. 11. & ap. Empiric. advers. Math. lib. 7. & 9. (4) In Timæo, & ap. Brucker. histor. crit. philos. vol. 1. par. 2. lib. 2. cap. 6. sect. 1. (5) *Physic.* lib. 1. cap. 7. & ult. (6) De anim. lib. 2. cap. 1. & *physic.* lib. 1. cap. 7.

nuncupantur *substantialem*; ab hac propterea genus, & differentiam materię tribui putabat, omnesque progredi corporum proprietates. Multa de forma hac Arabes comminiscabantur, quæ Peripateticorum scholis se immisere, & truculenta diffidia peperere, rixasque perpetuas. Despicenda tamen inscitia est interpretum ignavorum.

5. Tertium corporum principium, quod Aristoteli non displicebat, erat *privatio* (1). Explanare videlicet rerum efformationem non poterat, nisi materię fieret formarum accessio; hæc autem advenire nequibant, nisi in materia præxisteret illarum negantia, seu privatio. Ad rem explicandam uti exemplo poterat stipitis qui comburitur; hunc enim ignis forma non pervadit, quin ea caruerit ipsa materia. Ea de causa privationem opinabatur esse verum, rigidumque principium: ut enim materia, vel forma si deessent, auferretur omnis generatio, ita productionem omnem eripi judicabat, dempta formæ privatione. Hoc pacto narrabat Aristoteles corporum effectionem.

## PARAGR. II.

*Probatur, principia corporum Aristotelica non esse omnino vera.*

6. ARISTOTELIS principia consentiunt parum veritati.

RAT. I. Aristotelis materia continua est, nec conflatur moleculis. Exploratum vero est, particulis, seu corpusculis coalescere omnem materiam; quia si corpora igne dissolvantur, ingentem effluviolum vim emittunt, quibus loca replent amplissima. Nec reponendum est, materiam, quæ suapte natura est una, in partes dividi ab igne; ratio enim in ignem recidit, qui exilissimis nisi constaret elementis, pervadere corpora non posset, eaque dissolvere. Igitur falsitate laborant Aristotelis principia.

7. RAT. II. Materia, quam Aristoteles posuit, res est omnino indefinita. Ait enim, potentiam ad omnia illam esse, primumque omnium subiectum; quod formas excipit universas, & cum illis genera, speciesque constituit. Illud vero convenire Epicuri atomis exquisitè potest, & cuique alteri materię; determinantur enim omnes ratione aliqua a formis suis, ut essentias corporum peculiaries conficiant. Liqueat propterea, Aristotelis materiam vagam nimis esse, communem, & ut dici assolet, metaphysicam; nec esse principium posse, quod certum esse debet, physicum, & definitum. Igitur Aristotelis principia non sunt omnibus veriora.

8. RAT. III. Forma Aristotelica principium non est rerum universalium. Inficiandum quidem non est, exordium eam esse corporum quæ

quæ moventur a semetipsis; in brutis enim, & in omnibus extrare quippiam debet quod motum non capiat extrinsecus. In metallis tamen, lapidibus, & aliis id genus concretionibus necessaria non est forma substantialis; facis namque satis certa partium textura, qua quodque ab aliis differat, offeratque naturam peculiarem. Determinatæ nimirum partium complexioni definita respondent corporum attributa; quæ cum plexui alteri repugnent, coagmentationem quamque in specie statuatur singulari. Igitur a veritate absunt Aristotelis principia.

9. RAT. IV. Aristotelis forma cum natura pugnat principiorum. Scilicet contineri illa creditur in materia, ex qua certo tempore educatur a causis effectricibus. Verum forma, quam sinu suo materia dicitur complecti, differt ab illa, vel non differt: utrumlibet Aristoteles eligat, scopulo infigitur præcuto. Ubi a materia forma discriminetur, de medio tollitur simplicitas materiæ; hæc namque, si existimetur materiam concludere, coalescit e re duplici, ætusque cum potentia copulatur. Sed si forma ab illa non discrepet, desinit esse principium; quia materia, & forma, quæ in idem recidunt, nequeunt esse duo principia. Igitur Aristotelis principia consentanea non sunt veritati.

10. RAT. V. Privatio nequit esse corporum principium. Videlicet elementum omne ad corporis effecttionem affirmans est & *positivum*, ne ex nihilo oriri quidpiam doceatur, & abire rursus in nihilum. Formæ tamen privatio, cum negantia sit, est nihil; proptereaque impar est conflando solido effectui, cujusmodi formæ nexus est cum materia. Innumera præsertim rerum principia essent, & ferme infinita: cunctæ enim formarum aliarum privationes essent in causa quare quæpiam accederet. Scilicet cum formæ plures afficere materiam unicam non possint, negantia, quæ ceteras removerent, locum pararent formæ peculiari. Igitur veritate destituuntur Aristotelis principia.

## PARAGR. III.

*Evertuntur argumenta Aristotelicorum.*

11. AD principiorum Aristotelis defensionem multa afferunt Peripatetici.

ARG. I. Errant omnino qui Aristotelis principia esse putant materiam, formam, & privationem. Logica potius hæc sunt, vel metaphysica; pro physicis vero principiis quatuor elementa posuit, ignem nimirum, aerem, terram, & aquam. Perspicuis enim, conceptisque verbis affirmavit (1), corpora omnia mixta coalescere ex simplicibus;

E 2

nemo

(1) De generat. & corrupt. lib. 1. cap. 8.

nemo autem nescit, corporum simplicium nomine indicari ab Aristotele consuevisse elementa. Edocuit deinde (1), lapides, qui in tellure generantur, conrescere, & obdurari siccitate; hanc autem proprietatem existimabat esse ignis, & terræ. Denique sanxit (2), calore, & humiditate plantas gigni, & animantia; compertum autem est ea quoque, Aristotelis iudicio, esse attributa elementorum. Igitur nisi depraverunt, vera sunt Aristotelis principia.

12. RESP. Principia corporum prima commiseri hic turpiter cum secundis. Extra dubitationem est, opinatum Aristotelem fuisse, conficere omnia ex quatuor elementis; eoque nomine universis fere a Philosophis non dissenfit, qui quovis in corpore ignem reperere, aerem, terram, & aquam. Negandum tamen obfirmate est, fuisse hæc Aristoteli prima principia; composita enim cum essent, redigi in alia poterant, quæ materia erant, forma, & privatio. Hunc Aristotelis animum extitisse, a textibus liquet innumeris; quorum sententiam eruere quisque potest sine furo ullo, malarumque artium præsidio. *Primo* Aristoteles luculenter decernit (3), elementa esse non posse prima corporum principia; affectiones enim invicem oppositas cum habeant, conficere nequeunt rem unam. Statuit diserte etiam (4), elementa pugnare mutuo, ut eorum alterum veretur in alterum; ratum verum est, materiam corporum generationis expertem esse, & corruptionis. *Secundo* definit Aristoteles (5), materiam quid non esse, non quale, non quantum, non eorum quidpiam a quibus suas corpora capiunt determinaciones. Elementa tamen integræ substantiæ sunt, qualitatesque deferunt, seu proprietates; tum quantitatem, seu extensionem admittunt, ejus accidentia sunt modi peculiare. *Tertio* solemne Aristoteli est (6) in generatione quavis novum aliquid produci, nec sitam, quod Epicuro placebat, eam esse in nova tantum particularum complexione. Verum elementa, si rem quamque primo componerent, locum non haberent veræ productioni; moleculæ enim, quibus, licet purissima essent, constarent, texturam aliam admittrent, fieretque alia dumtaxat illarum translatio. Depromi adhuc ab Aristotele multa possent, quibus apertius innotesceret, quid senserit de corporum principiis; sed ut hæc pronoviro, & obloquenti sufficiunt, ita irrita omnia essent pugnaci, & obstinati. Igitur ostenditur inepte, vera esse Aristotelis principia.

13. ARG. II. Nequit corporum materia particulis atteri. Aristotelis ideo materia, cum non conficiatur moleculis, sed continua sit, est corporum principium. Singulæ nimirum particule sunt substantiæ, quæ donantur figura peculiari; corpus propterea, quod ex illis farci-

reut

---

(1) Meteoror. lib. 3. cap. 6. (2) De generat. animal. lib. 3. cap. 11. (3) Physic. lib. 7. cap. 3. (4) De generat. & corrupt. lib. 2. cap. 4. (5) Metaphys. lib. 2. cap. 6. (6) De generat. & corrupt. lib. 1. cap. 3.

retur, substantia unica non esset, sed congeries substantiarum. Scilicet lapis, vel metallum ab acervo non differret pulveris minutioris; utrinque enim granula adderentur granulis, totaque corporis natura in fortuita degeret, & contingenti cœtu corpusculorum. Igitur contemnenda non sunt Aristotelis principia.

14. RESP. Materiam continuam inficetum esse idolum imaginationis. Res universæ a natura sint, vel ab arte, additione partium sunt, vel subtractione; ante illarum propterea sarcimen extent necesse est particulæ invicem discrete. Quod si ratio hæc, quæ infirma sane non est, minimi habeatur; consulatur experientia: in corporum enim dissolutione moleculæ, quæ mutuo adhaerebant, fecernuntur omnino. Hinc tamen conclamandum potulanter non est, actum jam esse de corporum natura; licet enim corpusculis consentur, veræ adhuc sunt, absoluteque substantiæ. Imperitorum videlicet hominum sermo est, futura corpora esse cumulum pulvisculi; hic enim temere prodit, & casu, intercadum eximiis illa legibus construuntur, diligenti cura, & consilio singulari. Granula pulveris aliis accedunt imprudenter, ullo sine delectu, & sine compage; verum ad corporum coagmentationem particulas certas natura seligit, quas admirabili plane nexu devincit, & glutine inconspicuo. Ea de causa convicia non evadent, si nuncupare corpora pergant fortuitas concreciones; quod enim partes gerit arctissimo plexu invicem contextas, substantia vera est, una, prædita proprietatibus, & a pulvere penitus alia. Igitur Aristotelis materia, quæ moleculas nescit, esse non potest corporum principium.

15. ARG. III. Forma Aristotelis pernecessaria est rerum productioni. Scilicet cum materia ad omnia proelivis æque sit, determinanda est, ut corpus inde effectum ad speciem redigatur peculiarem. Ubi vero a forma munus illud non obiretur, nulla esset nova species; & generatio, seu rei effectio cum alteratione corporum confunderetur, seu levi mutatione. Utraque enim solo conficeretur particularum contextu; & a vehementi illarum motu generatio progredi crederetur, a leni autem alteratio. Igitur consona veritati sunt Aristotelis principia.

16. RESP. Aristotelis formam esse plerumque supervacaneam. Non ambigimus, ad homines illam, ut diximus, postulari, ad bruta, & fortassis ad plantas; complexionibus tamen ceteris adeo superfluit, ut ea tantum delectentur studiosi rerum inanum. Monstrum, quod sibi statuunt, sine forma nimirum interire species, & generationem eodem redire ac alterationem, expugnatur facile, & in fugam conjicitur sola particularum textura. Videlicet nova illarum coagmentatio efficit ut rationem aliam materia subeat, aliamque spectet ad speciem; quia, ne a paradigmate illis familiari discedamus, est in causa qua lignum in ignem transeat, differatque a rebus universis. Non negamus, generationem ab alteratione discriminari; quia illius gratia stipes fit ignis, calefit vero dumtaxat hujus causa; sed quidquid ei accidit, ab ipsis  
explo-

exploratum est proficisci motionibus particularum. Scilicet ubi textura mutetur omnino, generatio ignis aderit, accedetque essentia nova, seu alia complexio; ubi vero nonnihil perturbetur, erit alteratio, puta calor, essentiamque suam corpus retinebit. Rem ita se habere, compertissimum fit ex ipsa trunci inflammatione; a perniciosissimo enim particularum ignearum motu expectari nihil potest præter dissolutionem, seu mutationem compagis. Cumque nova, quæ supervenit, proprietates afferat igni consensaneas, recte dicitur mutari corporis essentia, & in speciem aliam commigrare. Igitur collocanda forma Aristotelis non est inter principia.

17. ARG. IV. Proprietates, quæ corpori cuique insunt, gignuntur a causa aliqua. Hæc quidem esse non potest partium structura; nihil enim efficacitatis, & energię continet, quo originem faciat variis adeo, & præstantibus adtributis. Advocanda propterea est forma Aristotelis; quæ cum substantia sit, viresque ad agendum aptas afferat, radix esse potest facultatum corporearum. Igitur conficta penitus non sunt Aristotelis principia.

18. RESP. Universas corporum affectiones provenire quopiam a principio. Illud tamen forma Aristotelica non est, sed parium potius conerctio; ut pro textuum varietate proprietatibus hisce corpora gaudeant, vel aliis. Et quidem si differendum absque sectarum studio sit, ipsi neque Peripatetici putant, effici facultates a forma; licet enim vim, & actum esse illam dicant, negant tamen agere, & parere quidpiam a semetipsa. Scilicet affirmant esse proprietatum causam, non quia generat, sed quia eas poscit, adigique efficientem causam, ut simulacra a materia formam eduxerit, eruat a re tota etiam affectiones. Altera vero ex parte aperiri commode, & sine ambagibus potest, quo pacto prodeant qualitates a plexu molecularum; hujus enim ope malum citrinum esse flavum liquet, lapidum, & odorum. Particulæ nimirum, quæ superficiem attexant, ad oculos regerunt flavos lucis radiolos; aliæ vero, quæ ad oris papillas feruntur, saporem excitant, & quæ ad nares, odorem. Elasticitatem præterea corporum, calorem, opacitatem, & alia si diligenter expendaris, universa comperies a sola progressu corpusculorum figura, motu, & congressione. Igitur vera non sunt quæ de principiis tradidit Aristoteles.

19. ARG. V. Privatio esse potest corporum principium. Scilicet impar esset ad illud, quia locum haberet inter negantias; verum licet causa eo pacto esse non possit, non obstat tamen esse principium. Differunt ea videlicet, quod causa, cum reapse agat, & pariat effectum, sita est in re, ut ajunt, positiva, & affirmante. Principium vero, cum actione omni careat, & impedimenta tantum amoveat, potest negans esse, solamque complecti privationem. Igitur repudianda non sunt Aristotelis principia.

20. RESP. Forma privationem esse non posse principium. Quod formam

nam negat, eodem redit ac nihil; nihil autem inesse corpori nequit velut illius principium. Discrimen quo a causa differre principium statuunt, mera captiuncula est ad hebetiores homines irretiendos comparata. Quovis enim pacto res se habeant, principium esse nequeunt, nisi quidpiam efficiant; præstare autem illud non possunt, quin solidæ sint, & affirmantes. Scilicet impedimentorum ablatio, quam privationi tribuunt, exsuperat vires illius; facultas namque omnis, qua vincitur resistens, actionem indicat, nec esse potest mera negatio. Fulcrum nimirum corpori admotum, quo vetatur ne gravitate sua deorsum ruat, revelli tantum a vi potest quæ non modo affirmans sit, sed valida etiam, & potentior obstaculo. Nescimus quidem, cur auferri velint obices a formæ privatione; quidquid tamen adstruant, laborabunt nequicquam, nisi a nihilo eam transferant ad aliquid. Igitur retinenda non sunt Aristotelis principia.

## C A P U T II.

### *De principiis corporum Gassendianis.*

I. **Q**UOD sumus enucleaturi, indicat aperte, quam insolitiæ, rationique parum consentaneæ interdum sint hominum opiniones. Ad corporum principia materiam unicam Aristoteles invexerat, continuam, & divisibilem; putabant vero alii, multigenerem illam esse, discretam, & divisionis ignaram. Quod discreparent Philosophi, nulla suboritur admiratio; peculiare tamen ignorationis indicium esse credimus quod eum præceptiones omnino adversas ponerent, attigisse cuncti crederent veritatem. Paullo æquius disputaturi laborem dividimus in tres partes. Prima exponit principia Gassendi; demonstrat secundæ, atomos non esse corporum principia; tertia rationes profligat Gassendianorum.

#### PARAGR. I.

### *Exponuntur principia Gassendi.*

2. **ATOMISTARUM** decreta, quæ sumus explanaturi, nitide & fuscè descripsit carmine Lucretius (1). Primos atomorum vindices, putant universi ferme Philosophi, Leucippum extitisse, Democritum, & Epicurum; quibus consensisse multi existimant Pythagoram, Platonem, Em-

---

(1) De rer. natura.

Empedoclem, & Aristotelem. Non defunt tamen qui celeberrimum, profuerunt, de atomis inventum fuisse vetustius. Possidonius enim Mo-  
 licho Phœnicio tribuit (1), qui ante annos belli Trojani floruit, Stra-  
 bonis testimonio (2). Verum cum Gassendus a vitiis multis illud re-  
 purgaverit, Deique providentiæ conformius effecerit, & Philosophiæ (3),  
 hinc pater nominatur, & altor atomorum. Ad systema illud duo præ-  
 fertim repositur, videlicet *vacuum*, & *atomi*.

3. *Vacuum*, quod a veteribus *inane* dicebatur, est spatium nullo cor-  
 pore repletum. Spatiola hæc, quæ *diffeminata* nuncupantur, interferi  
 Gassendus opinatur corporibus univertis; eorumque præsidio motum ex-  
 plicat, rarefactionem, fluiditatem, atque complura. Arbitratur ta-  
 men, non esse corporum principium (4): fieri enim non posse ait  
 ut quod mera inanitas, & vacuitas est, rem solidam, quale est cor-  
 pus, conflet & farciat. Affirmat quidem, Tullium, Clementem, &  
 alios censuisse, duo Epicureorum principia esse, nimirum *plenum*, &  
*inane*. Deceptos tamen fuisse illos, subdit, obscura vocum significatio-  
 ne: veteres enim, quum sancivere, vacuum esse corporis partem, lo-  
 cum potius designasse, asserit, quam principium. Rem demum confir-  
 mat ex Aristotele, & ex Plutarcho.

4. *Atomi*, quæ principium corporum esse creduntur, sunt molecule  
 perexiguæ. Has, quas Epicurus æternas, & infinitas fecerat, creatas  
 a Deo fuisse Gassendus docet, & numero definitas; eisque tria adjudi-  
 cat, nimirum *figuram*, *motum*, & *soliditatem*. Quod ad *figuram* spectat,  
 donari illas formis innumeris censet; sphericas nempe esse jubet,  
 cubicas, pyramidales, cylindricas, uncinatas, & prismaticas (5). *Mo-  
 tum* assecutus a semetipsis non fuisse ait, sed a Deo; cujus impetus  
 gratia profliliunt, impingunt, regrediuntur, apprehendunt, & dimittunt,  
 eoque pacto corpora atroxunt, & solvunt pro viribus causarum effe-  
 ctivum (6). Quod ad *soliditatem* demum attinet, obnoxias non esse  
 statuit divisioni; non quod partibus careant, sed quod compactæ adeo,  
 rigidæque sint, ut vacuum non contineant, & omnem naturalem caus-  
 sam imparem reddant sectioni (7). Eapropter *atomos* nuncupant, hoc  
 est infestiles.

5. Qui Atomistarum systema aliter exponunt, complectuntur illud  
 duobus carminibus. Ea nimirum habent:

*Mens, mensura, quies, motus, positura, figura,*

*Sunt cum materia cuncliarum exordia rerum.*

*Mens* ideam, qua res fiunt, indicat; *mensura* atomorum volumen; *motus*,  
 & *quies* delationem; *positura* situm; & *figura* significat formam. Atomistis  
 tamen non modo hæc placent, verum etiam aliis Philosophis, iis nimi-  
 rum, qui substantiales formas expulere, corporumque naturam colloca-  
 runt

(1) Ap. Sext. Empiric. adv. mathemat. Lib. 8. (2) Lib. 16. (3) Phys. sect. 1.  
 lib. 3. cap. 5. 6. 7. 8. (4) Loc. eod. cap. 8. (5) Loc. eod. cap. 6. (6) Loc. eod.  
 cap. 8. (7) Loc. eod. cap. 5.



runt in sola partium complexione. Pleraque horum nequeunt esse corporum principium; nemo enim qui rite disputer, affirmabit, *ideam*, *motum*, & *quietem* esse veras corporum partes. Sed exploranda demum est veritas atomorum.

## PARAGR. II.

*Demonstratur, atomos non esse corporum principia.*

6. AB atomis non petunt suum corpora principium.

RAT. I. Principium simplex est, nec redigi potest in alia. Atomum tamen cum figuram, & propterea partes habeant, simplicitate carent, possuntque revocari in alia principia. Pyramis scilicet, quæ ter, quatuorve angulos ad basim gerit, & ad verticem unum, ex his componitur, resolvique potest in sex saltem latera. Igitur non coagmentantur corpora ex atomis.

7. RAT. II. Cum primis substantiæ ideis pugnat atomorum natura. Moleculæ videlicet illæ congeneres esse dicuntur, vel degeneres: cuius parti manum admoveas, impares esse noveris ad rem institutam. Scilicet ubi genus diverforum esse statuas, docebis impossibilia: ex figurarum enim discrimine non prodeunt varix naturæ; comparanturque cupri fragmentis, quorum aliud cubicum, & aliud sit pyramidale. Quod si naturam generis ejusdem illis eroges, non erit cur donentur diversis penitus figuris; essentiis enim similibus similes respondent proprietates, nec plantæ forma affinitatem habet ullam cum metalli forma, vel animalantis. Igitur nequeunt atomi esse corporum principia.

8. RAT. III. Atomorum exiguitas est impedimento ne corpus inde proveniat. Exilitate nimirum sua obnoxia essent facillimæ dissipationi; flante enim zephyro vel lepidissimo, distraherentur alio, corpusque dissolverent. Reponi quidem assolet, conflari e moleculis prima corpuscula, ex his secunda, tertia ex secundis, & ita porro: quo fit, pondere instrui, & firmitate, ut motionibus obstant, efformentque corpora compactiora. Verum ingeniose regeruntur potius hæc quam apposite, & vere: ignorandum enim non est, corpuscula omnia in atomos demum abire, quæ levitate sua cederent vi cuique. Igitur ineptæ atomi sunt ad corporum concretionem.

9. RAT. IV. Motus qui atomis tribuitur, adversatur legibus naturæ. Scilicet restingui, vel persistere idem creditur ad extremum mundi diem: pars vero utraque imis mergitur vorticibus. Motum enim si extenuari asserant, demumque interire, moleculæ sese collidentes vim amittent omnino; ea autem dispereunte, nulla atomorum congressio erit, nullaque corporum constructio; motusque propterea primo collatus esset inutilis. Quod si motum perseverare sentiant, ut putant re vera, augebitur ille quam maxime: momentis enim singulis substantiæ quæ moveatur a semetipsis, vires novas exerunt, quibus fiet motibus accessio; isthoc au-

Tom. III. Physic.

F

tem

tem dissentit experientiæ. Igitur ad corporum effectiorem atomis non utitur natura.

10. RAT. V. Soliditas atomorum omnem de medio tollit rerum generationem. Videlicet alius atomorum plexus obtineri non potest, nisi qui præerat, dissolvatur omnino; ubi tamen durissimæ atomi sint, & divisionem nesciant, disjungi nequit ulla compages. Moleculæ enim aduncæ, quæ aliis firmiter adhærescunt, expediri ab illis non possunt, quin uncus flexiles habeant, aut obnoxios disfractioni. Si tamen firmissimæ sint, impotes erunt rei utrique; pergent propterea corpus atterere, locumque omnem adiment novo contextui. Igitur querendæ atomi non sunt in corporum texturis.

### PARAGR. III.

#### *Profligantur rationes Gassendianorum.*

11. IN rem suam multa congerunt Atomistæ.

ARG. 1. A re quavis particulæ excernuntur innumeræ. Caloris nimirum ope corpora vel compactiora dilabuntur in moleculas exilissimas, quæ dissipantur insensibili, ut ajunt, perspiratione. Porro præditæ sunt aliqua figura: ut spiritibus enim illa obstat, ita concedenda ultro est omni materię. Divisionis etiam oportet sint expertes; in alias namque secari si possent, locus infinitati esset, quam oderunt perpetuo Philosophi solertiores. Igitur nullum est corpus ab atomis immune.

12. RESP. A corporum effluviis perperam evincit veritatem atomorum. Exploratus est quam adduci in suspitionem possit, corpora omnia alteri in corpuscula; summa tamen rei est, an hæc in atomos tandem evadant, vel in aliud. Qui ad corporum principia substantias ab atomis discrepantes invenire, rationes non supputarunt sine ratione; quod enim acute excogitarunt, aperuere luculenter, sapienterque demonstrarunt. Atomorum opinio eos tantum allicit qui oculos sibi eruant, occluduntque aures, ne videant quæ vera sunt, nec exaudiant; ubi quippe magnis ex corporibus judicare de minimis vellent, ad atomos non confugerent. Ut saxum prægrande eterogeneis partibus non facitur, sed cogitur omogeneis; intelligendum ita illis demum esset, ex innumeris dissimilium figurarum moleculis confici non posse umquam corpusculum. Ne multa memoremus, intendant, obsecramus, animum corporum cohesioni; hæc enim uncinatas tantum, hamatasque atomos adesse ostenderet, & ceteras, cujusque ingenii essent, repudiaret omnino. Scilicet nisi unco uncus hæreret, non compingeretur corpusculum; nec corpusculum corpusculo alligaretur, nisi uncus ferret utrumque; corpusque propterea uncorum esset, uncorumque uncus. Ubi vero positum in uncis corpus esset, illis est expediendum, quo pacto diduci partes possent, & amittere cohesionem: unci enim, qui solidissimi essent,

essent, obstitere porro ne ab aliis distraherentur aliæ portiones. Ferant propterea Charleonus, Jenguerdus, & Maignanus cum Atomistis ceteris, hæc præ aliis se tangi animadversione; & ut viri sunt ingeniosi, pro certo habeant, se in atomos parum feliciter allaborasse. Igitur commendandus atomis non est corporum nexus.

13. ARG. II. Genus corporum quodque peculiari constat genere particularum. Sal enim marinum moleculas cubicas affert, pyramidales sal petreæ, alumen octoedricas, & salia cetera alias. Sique iterum iterumque comminuantur, figuras servant easdem, nec quæ facibus octo concludebatur, in pyramidalem vertitur, vel in cubicam. Illud autem argumento est, corpuscula quoque prima particulis certa figura præditis confici, ipsis nimirum atomis. Igitur ex atomis coalescunt corpora omnia.

14. RESP. Parum præditi invenire atomos iis in observationibus. Extant salia nonnulla quæ non adstruuntur congeneribus ex partibus; sique universe salibus inliat, deficient omnino aliis corporibus. Hæc tamen, etiam si concreverent eo pacto, atomis adhuc non faverent: principia enim secunda, seu corpuscula grandiora, a primis differunt, nec ab illis deduci ad hæc potest ratio, & analogia. Videlicet ubi partibus similibus corpora consisterent, nihil perspicuitatis inde proveniret in principia: illa namque conformari a causis possunt quarum vim eludunt hæc, & declinant exilitate sua. Immo si qua proflueret consecutio, universo exitiosa esset gregi Atomistarum: fieret enim diversas figura atomos corpori unico non inesse, sed compingi illud uno tantum ex genere atomorum. Scilicet atomis dumtaxat hamatis planta effingeretur, cylindricis saxum, & metallum prismaticis; corpuscula namque atomis nonnisi ex affinis possent assurgere, & ex corpusculis efformarentur corpora majora. Hæc vero quantum veritati consonent, philosophicæque gravitati, asseret qui judicare non detrectaverit, an ex solis, & persimilibus arenæ granulis fieri possit ulla concretio. Sed quod leporis plenum est, & urbanitatis, ab exaggerata provenit varietate atomorum; quarum singulæ, ut corporibus originem facerent, fecerendæ manu accuratissima essent a ceteris, quas motus commiscuisset. Putamus certe, tantum temporis, otiique naturæ non superesse, artificii ceteroquin maxime operoso; cujus fata non ambigimus fore omnium luctuosissima, si ad mundi opificium ferendæ leges fuissent ab Atomistis. Igitur atomi absunt a corporibus.

15. ARG. III. Figura atomorum, & motu universa expediuntur opera naturæ. Atomorum videlicet incessu, & recessu explicantur commode omnes mutationes; earumque plexibus colores corporum aperiantur, densitas, fluiditas, gravitas, asperitas, aliaque adtributa. Confirmari res potest exemplo litterarum, quæ cum figuris differant, statuque locis multis possint, sunt exordia, & elementa vocum innu-

merarum . Igitur mendacia non tuentur qui atomos affirmant esse corporum principia .

16. RESP. Afferri hoc pacto atomos, sed non demonstrari . Si quidpiam conficeretur, ostenderetur tantum, esse atomos possibiles ; nihil tamen afferretur quod ab illis persuaderet impleri corpora reapse . Exempla , ut impervium nemini est, si apposita sint, non probant, sed expliant dumtaxat ; quod tamen a litteris capitur, cum ad rem non sit, omni præterea caret ad explanandum utilitate . Scilicet voces a litteris componuntur, quod peculiarem significationem hæc obtineant ex hominum consuetudine ; quæ tamen collata fuisse atomis dicuntur, nihil conducunt, sed adversantur potius corporum complexui . Luculentius nempe quam vocari in dubitationem possit, definitivimus, atomorum exiguitatem, motum, & duritiem esse in causa cur corpora non conformentur, nec dilabantur cito . Altera vero ex parte memoratum hæc genus nihil fuit quod ratam faceret atomorum saltem probabilitatem : omnia enim invita sunt, quæ sita aliunde, gratisque consista, ut mirari subeat viros gravissimos adeo ineptuisse . Igitur non invenere Atomistæ corporum principia .

17. ARG. IV. Extant corpora aliis multo compactiora . Plumbum enim concretius marmore est, & aurum argento . Verum atomis corpora si non attexerentur, ejusdem essent densitatis ; materia namque continua æque porrigitur, nec æquali sub volumine spissior evadit, & ponderosior . Construendæ propterea atomis res sunt, quæ inter se colligentur inæqualiter ; aduncæ nimirum arctius hæreant quam sphaericæ, vel polyedricæ . Igitur præter atomos nullum est corporum principium .

18. RESP. Ex inæquali corporum densitate non evinci hypothesein atomorum . Major sane compactio ab atomis una devinctis si proveniret, responderet illa cohesioni ; experimenta autem admonent, partium firmitatem non augeri pro ratione densitatum . Videlicet chalybs, etiam si spissior, & gravior marmore sit, frangitur tamen facilius ; & hydrargyrum, quod concretius ebore est, fluore suo solvitur haud ægre . Corpuscula propterea, quibus coalescunt corpora, necesse non est confici ex atomis ; emergere enim possunt ratione alia, ut ex spatiosis interpolatis, aliisque ex momentis materiæ prodeat inæqualis partium contactus . Nimirum ex diversis corporum ponderibus primum est moliri nihil naturam potuisse sine vacuo disseminato ; de primis tamen principiis nihil suppetit, quia quæcumque illa essent, distare inter se possent inæqualiter . Omnis idcirco primordiorum hypothesis faceret satis propositæ densitati ; modo Aristotelem, & Cartesium excipias, quos corripuit, & perculit nimium horror vacuitatum . Igitur accensendæ atomi non sunt numero principiorum .

19. ARG. V. Quod ob oculos ponitur, vocari non potest in suspicio-

cionem. Profitetur autem Regnaultius (1), visas a nonnullis ope anglici microscopii fuisse atomos Epicuri. Igitur redarguendi non sunt qui eas adhibent corporum coagmentationi.

20. RESP. Carere eos mente qui oculos advocant in testimonium atomorum. Insigni eo microscopio adspectos quoque dicebant fuisse astrorum influxus; quod quidem, Regnaultii iudicio, venustum adeo, & festivum est ut risum lepidissimum excutiat. Admiramur sane Anglorum peritiam, quos arte plane singulari, novimus, vitra elaborasse; sed a scomatibus, conviciisque non absolvimus aliorum inscitiam, qui ineptiunculis hujusmodi fidem adhibuere. Nescimus, an referendus inter hos sit quispiam Gassendianus; tamen si adsit, laceessimus explicare, quo pacto atomos, quæ cernuntur, dicat esse insensibiles. Omnis nempe color, quo res conspicuæ fiunt, a luminis oritur reflexione; cumque lux atomorum farcimen sit, existimet necesse est in conspectum venire atomos per atomos. Desinant propterea cum nugis, fabellisque tempus commutare; fateantur vero, abditas adeo, & latentes esse naturæ artes, ut microscopiorum omnium consilium eludant. Igitur alia ab atomis sunt corporum principia.

## C A P U T III.

### *De principiis corporum Cartesians.*

1. **I**NTER Aristotelem, & Gassendum medius incescit Cartesius. Materiam unicam Aristoteles posuerat, multiplicem Gassendus; Cartesius vero voluit esse triplicem. Ratio tamen qua illius genesim exposuit, decidit e loco medio; ad extrema namque fuit imaginationis æstu deductus, ut Poetam potius egerit quam Philosophum. Illius scita descripturi laborem dividimus in tres partes. Prima aperit Cartesii principia; ostendit secunda, tria illius elementa esse simulata; tertia prosternt momenta Cartesianorum.

#### PARAGR. I.

### *Aperiuntur principia Cartesii.*

2. Ut principiis suis viam sternat Cartesius, corporis essentiam decernit esse extensionem (2). Evincit inde, non posse vacuum existere; quippe donaretur extensione, proindeque corpus esset, non spatium

(1) Dialog. phys. vol. 3. dial. 10. (2) Princ. par. 3. num. 45. & seqq. & de lumine cap. 6. & seqq.

ium corpore omni destitutum. Præterea affirmat, finitam, vel infinitam materiam non esse, sed esse potius indefinitam; extra mundum enim porrigi spatia putat, terminorum expertia, quæ cum extensa sint, corpus sunt, seu materia. Sed quod infinitam esse nolit, nullam affert rationem.

3. His propositis originem explicat principiorum. Primo opinatur (1), divisam a Deo materiam fuisse in partes æquales; quarum facies, cum sese prorsus contingerent, omnem prohibebant vacuitatem. Partibus illis, subdit, collatum fuisse impetum, quo circa centra sua moverentur, & circa centrum commune; ortumque inde vortices duxisse eum ad modum quo si valis aqua baculo circumagatur, paleæ circa semetipsas convertuntur, & circa gurgitis centrum. Demum statuit, particulas, congregantibus ex motu illo invicem angulis, attritas fuisse, versasque in triplex elementum, seu rerum principium; quorum primum materiam *subtilem* nominat, alterum *ætheream*, tertium *striatam*. Existimant quidem nonnulli, eam materiam in partes divisionem Cartesio esse tantum hypothesim; illiusque texum advocant, ubi ait (2). Solem, Lunam, & rerum semina confecta fuisse ab initio. Verum per breve temporis intervallum faciebat satis ut res quæque ab initio fieret, sed post motum particularum; sique velint emerisse omnia simulatque prodiit materia, excusare Cartesium non poterunt levitatis, & inconstantie. Moleculas enim cum admitteret, cur non diceret cum Gassendo, a motu eas non provenisse, sed fuisse constatas a Deo?

4. Elementum primum, quod *subtilis* materia dicitur, est Cartesio pulvis omnino tenuis (3). Ex partium attritu abraditur, & circulari motu angulorum; cumque pernaciter feratur, comminuitur adhuc ex occurso corporum crassiorum. Tenuitate deinde sua spatiolis cunctis se ingerit, omnemque replet inanitatem; nullius enim figuræ tenax est, sed pronus æque est ad universas. Ex eo demum stellæ compinguntur, ignis, & corpora alia coruscantia; in vortice enim quovis subtiliores particule centrum occupant, gravioreque abeunt ad circumferentiam. Materiam subtilem hoc pacto explicat Cartesius.

5. Secundum elementum, quod materiam *ætheream* vocant, sphaericis constat particulis. Ob mutuam nimirum partium collisionem deediuntur, Cartesii iudicio, anguli prominentes (4); his autem relictis globulosæ evadunt, vel globulis non multum absimiles. Materia autem isthæc motu potitur, quo pervadere tamen non potest angustiores corporum metus; figurarum propterea rotundarum causa spatiola admittit innumera, quæ repleti dumtaxat possunt materia subtili. Ex ea postremo aer coalescit, tractusque omnis cælorum; nec fallitur qui nuncupa-

(1) Princ. par. 3. num. 46. (2) Loc. eod. num. 45. (3) Loc. eod. num. 49.

(4) Loc. eod. num. 48.

cupatam iccirco fuisse iudicat ætheream. Sed apud tellurem etiam, ait Cartesius, assurgere ex illa multas concretiones.

6. Tertium elementum, quod materiam *striatam*, seu striis persimilem dicunt, partibus concernitur dissimilibus. Ex primarum enim molecularum rotatione, & congressu diffrangi sancitum fuit angulos omnes; ramenea autem quæ collabuntur, figuras multas afferunt, oblongas, ramosas, ovals, prismaticas, & ita porro. Colluviem hanc jubet Cartesius (1) motu omni destitui; partes enim magnitudine, & deformitate sua impetui aliarum obstitunt, & cum quietem servant, omnem evadunt divisionem. Tellus denique ex ea coagmentatur, planetæ, & corpora opaca; quæ tamen verri in alia possunt, ut ex variis trium elementorum incurSIONIBUS planeta in stellam abeat, & stella in planetam. Sed ferendum est iudicium de Cartesio.

## PARAGR. II.

### *Ostenditur, Cartesii principia esse simulata.*

7. CARTESII principia opus sunt imaginationis.

RAT. I. Motu partium primarum confici nequeunt tria corporum principia. Scilicet particulæ, quo angulos amitterent, & sphericæ evaderent, donandæ essent vi omnes æquali; hypothesis tamen ostendit, inæqualibus potiri viribus, seu inæqualem illis inesse motus quantitatem. Etiam si enim æqualis motus sit, quo converruntur singulæ circa sua centra, ab æqualitate tamen alter recedit, quo agitantur circa centrum vorticis totius. Quo nempe a centro motus remotiores sunt, eo sunt velociores; æqua enim celeritate si gauderent, describere non possent circulos aliis ampliores. Inæqualibus propterea motibus cum instruantur, non rotundantur æqualiter; sed quæ tardiores sunt, obstitunt validius, & inæqualem ferunt decussationem. Igitur reperiri Cartesii principia nequeunt apud naturam.

8. RAT. II. Præcipuæ Cartesii leges laborant antilogia. Vacuitatem scilicet omnem exulare jubet, ipsiusque etiam possibilitatem; verum a moleculis excindi anguli non possunt sine inani. Quamvis ante motum illæ sese contingant exquisitè, nullumque interstitium admittant, eo tamen suborto anguli congregi cum aliis nequeunt, quin innumeris locum parent vacuitatibus. Sique occupari ea locula existimet a materia subtili, cogiret necesse est, constari illam quonque moleculis figura non destitutis; granula enim pulveris, vel minutissima, sunt corpuscula terminis suis circumscripta. Scobem propterea ad exiliorem confugiet, quo

---

(1) Loc. eod. num. 52. & seq.

quo finis repleantur subtilis materiæ ; eoque pacto seriem infinitam amplexabitur in sui nominis contumeliam , perniciemque Philosophiæ . Igitur corporibus defunt Cartesii principia .

9. RAT. III. Primum Cartesii elementum facere originem non potest corpori ulli . Si quæ proveniret concretio , essent præsertim stellæ fixæ , & Solibus non discrepantes reapse ; paullo tamen accuratius materiam fuitilem qui exploret , prodire illas non posse intelliget eo pacto . Videlicet a particulis primis illa eum exeat , diffundaturque per universum mundi systema , locis suis subsidere dicitur , vel abire in vorticeis centrum . Qui dimoveri illam non judicet , sed complere putet extantes undique inanitates , stellam non admittet in centro vorticeis efformatam . Quod si a gurgitis motu abreptam sentiat in centrum deduci , affirmet , nisi effugia quærat , necesse est , vacua superesse loca quæ occupaverat , naturamque odio non prosequi inane . Igitur Cartesii principia sunt lusus phantasiæ .

10. RAT. IV. Materia ætherea inepta est aeri confarciendo . Ea namque globulis constat , seu particulis in sphaeram conformatis ; intereadum ramosæ aeris moleculæ sunt , cuspidum , odororumque præsidio invicem contextæ . Aeris hæc esse coagmentationem , liquet ab insigni , qua valet , elasticitate ; nisi enim eas formas gereret , plieri , inflectique non posset , & loco primo restitui . Reponi quidem assolet aliud ætheris ingenium esse , illius nimirum substantiæ cui innatant planetæ , quæ cum elastica non sit , compingi merito potest particulis rotundis . Verum quidquid de æthere ad arbitrium faveant , definit Cartesius , ex materia ætherea , non striata , aerem coalescere , & lucem , quæ perperam traducitur esse illius pressio . Igitur principia sua confinxit prorsus Cartesius .

11. RAT. V. Tertium Cartesii elementum nequit esse corporum exordium . Striata nempe materia atrexi creduntur corpora opaca ; quorum alia fluore prædita sunt , ut hydrargyrum , alia vero , ut lapis , donantur soliditate . In eadem tamen a centro motus distantia assequi mente non poteris , qua lege illud eveniat , quæve ratione : fieri namque non potest ut ex congeneribus materiæ ejusdem particulis eurgant nec adeo dissimiles . Quod si secernantur particule , ut aliæ fluidis inserviant , & aliæ solidis corporibus , statuendæ peculiare erunt regulæ , quibus a motu circulari , & intelligentiæ omnis experte , obtineatur ea discretio . Angularum enim , qui ex attritu divelluntur , commiscunturque aliis cum particulis , potiusquam minuantur , augeatur maxime perturbatio . Igitur Cartesii corpora elaborantur vi sola imaginandi .

12. Rationes aliæ suppetunt ad infirmandas Cartesii præscriptiones . Derivantur præsertim a vorticeis , quorum motus creduntur consentire parum naturæ . Eas prætermittimus , quia motus indolem adhuc non expeditimus , nec iis quæ attulimus , deest quidpiam ad perstringendum



dum Cartesium. Qui collustrare illas cupiat, ad Danielelem se conferat, virum ad nugas hæc evertendas, si quis alius, comparatum (1).

## PARAGR. III.

*Prosternuntur momenta Cartesianorum.*

13. CARTESII Adstilpatores demonstrare non diffidentur, vera esse illius principia.

ARG. 1. Quod ideam claram exhibet, consentaneum est veritati. Ambigi autem non potest, a triplici Cartesii elemento perspicuam ideam offerri, si eorum omnium diversitas rite exploretur, & coagmentatio. Scilicet triplex ad genus universa corpora rediguntur, lucidorum nempe, diaphanorum, & opacorum: lucida enim, cujusmodi sunt stellæ, emittunt lumen; transmittunt diaphana, ut est aer; opaca vero, nempe lapis, remittunt omnino. Recta propterea percipiendi ratio, & rem quamque revocandi in illius causas postulat triplex principium; quorum primum lucidas concreciones attexat, diaphanas alterum, tertium opacas. Igitur quæ Cartesius induxit, sunt vera corporum principia.

14. RESP. Ideæ claræ præceptionem, quam Cartesius posuit, fucum secisse imperitiis. Qui evidentiam veram secernere a falsa norunt, rident hæc ineptiunculas; proficuntur enim, ideas quæ in conspectum veniunt, & accensentur perspicuis, esse falsas plerumque. Inficiandum tamen est, claras esse quas ad eorum confirmationem inexit Cartesius: quippe licet elementa nihil negotii facessant, ratio tamen qua proudeunt, & corpora farciunt, obscura est, & prorsus impervia. Ne singula quæ diximus, percurramus iterum, motus particularum qui peragitur sine vacuo, impeditus adeo est, rationeque dissensans, ut qui mentem vix admoveat, pugnantia doceri sentiat, & impossibilia. Compertissimum quidem est lucida corpora esse, diaphana, vel opaca; non est tamen exploratum, an ad illorum plexum reposcantur Cartesiani principia. Nulla est Philosophorum hypothesis quæ luminis refractioni non satisfecerit, & reflexioni, & sane accommodatiores ceteris sunt atomi Gassendi, quæ figuris suis aperiant lumini viam, vel intercludant. Nescimus præterea, an ad lucem transmittendam elementum globulosum æque proficiat, ætherea nempe materia. Lamina enim vitrea, quæ diaphana est, si alteri imponatur, fit opaca; sique marmor, quod opacitate gaudet, secetur in laminas, diaphanum evadit. Verum ubi a moleculis sphaericis transparentia corpora essent, non adesset locus huic vicissitudini; res enim quæque pro majori particula-

Tom. III, Physic.

G

rum

(1) Iter per mund. Cartes. par. 4. pag. 193. & seqq.

rum illarum numero fulgentior fieret potius, & nitidior. Igitur recte definiunt qui Cartesii principia ponunt tantum in phantasmatis.

15. ARG. II. Cartesiana de corporum principiis hypothesis est quavis alia præstantior. Scilicet quæ in rem hanc circumferuntur opinioniones sunt tres præcipuæ; prima monadum est, materiæ continuæ altera, tertia atomorum. Quæ de monadum, seu substantiarum simplicium, & divisionis expertium indole traduntur, sordent vitiis bene multis. Ubi cetera deessent, maximum esset confici extensas res a non extensis. Materia quoque continua impar est explicandis, quos causæ pariunt, effectibus; viribus enim inexploratis abundat, quibus potius divinatur quam recludatur corporum compages. Quæ postremo de atomis præcipiuntur, ridicula sunt, & male consultata; nec levius est extensas illas esse, omnemque tamen repudiare divisionem. Verum nihil horum effutiit Cartesius; illius enim elementa extensa sunt, rem quamque expedite, & mechanice referant, frangique possunt in partes minutiores. Igitur Cartesii principia naturæ inserviunt, non imaginationi.

16. RESP. Operam perdere Cartesii affectas, dum illius scita probant, & vindicant ex sphalmatis aliorum. De monadibus nihil asserimus; fieri namque poterit ut quum explicata loco suo fuerint Leibnizii decreta, censeantur a Philosophiæ legibus minus discrepare. Nihil subijcimus præterea de Aristotelis materia, & de atomis; ex iis enim quæ superius edisseruimus suse & accurate, ratum est labe multa inhi, eliminarique propterea a scriptis veræ sapientiæ. Profiteri tantum non veremur, eos qui Philosophis aliis Cartesium anteferebant, ludere pueriliter, & hominem imitari qui præstare asserat cacabum lebeti. Ita quidem edicimus, ne magno viro dicamur æquo insensiores; ostendere enim fortasse non esset arduum, Cartesii errata exiitisse aliis longè graviora. Elementa quæ proposuit, sunt mehercule extensa, & divisionem admittunt; sed illorum genesis, quæ a pugnantium vorticum structura provenit, & circuitione, menda omnia forte vincit syntagmarum ceterorum. Tempus non suppetit, nec utilitas, quo accuratam instituamus, singularemque omnium collationem; hoc tantum animadvertimus, ne fidant sibi nimium, defensandique causa Cartesii aliorum nomini invident. Igitur derivanda a Cartesii principiis non est corporum coalitio.

17. ARG. III. Trium elementorum ope phænomena explicantur hætenus inexplorata. Scilicet nondum constiterat, qui fieri posset ut novæ stellæ accenderentur, restingerentur autem vetustæ; sed nodum solvit Cartesius, ut de admirabili hoc naturæ opificio sublata fuerit omnis dubitatio. Apparent enim stellæ quæ in conspectum antea non venerant, quia striata materia primum subtili adhærescit, tum expeditur ab illa, copiamque facit liberæ conuscationis. Eadem de causa disparent quæ lucebant nitore fulgentissimo; materia enim luminis obduci.

ducitur alia crassiori, incrustaturque adeo ut stellam eripiat. Igitur non deest veritas principii Cartesii.

18. RESP. Beatissimos fore Cartesii vindices, si quæ jactant, obscuritate non laborarent, & incertitudine. Asseri omnino vere posset, Deum, qui conficit stellas, & dissipat, locutum clam illis fuisse, & semotis arbitris; ubi compertam habuissent rationem, qua præstantissima causa opes suas explicat, & complicitat vicissim. Oculis stellas se subducere, & offerre se iterum, certum est quam quod maxime; rem tamen Cartesianorum præsidio elementorum confici, est indubium quam quod minime. Inter certiores hypotheseis illam non collocabunt Peripatetici; qui ut inepte, ita pertinaciter, volunt surripi stellas, vel restitui, quod densior cæli solidi pars procurrat sub illis, & visum impediatur. Certam non appellabunt Newtoniani; qui cum stellas, planetasque existiment magnæ innatare vacuitati, nullum materię ludum admittunt, cui causam tribuant adspectuum illorum. Nec certam ipsæmet reputabunt, modo pacato animo expendant, & sine partium amore; perspectum enim habebunt, subtili matetie admoventi striatam non posse, nec removeri ulla ratione. Scilicet materiam ubi subtilem in gurgitis centrum conjiciant, protrudantque striatam ad circumferentiam, ut media inter utramque sit ætherea, imprudenter statuunt, & impetite, a striata protegi, & reteggi subtilem. Nos non præterit, confingere illos posse ad motum, quo immanis fiat elementorum omnium perturbatio; verum cum motus prior perseveret, proclive est sistere singula locis suis, nec in aliorum fines irrumpere. Igitur cortices, & crustæ non servant Cartesium.

19. ARG. IV. Ubi de ceteris ambigatur, explorata omnino est materia subtilis. Ex nonnullis videlicet rerum affectionibus quidpiam extare constat exilissimis moleculis confertum, quod poris corporum intercluditur, motuque suo parit phænomena complura. Illud evidenter demonstrant electricitas, gravitas, calor, & alia; effluvia enim electrica, & calor, præter particulas motu præditas nihil sunt, & pondus a causa eadem proficiscitur corpus deorsum compellente. Igitur inter inania referenda non sunt Cartesii principia.

20. RESP. Obtinere a semetipsis Cartesianos non potuisse ut prudenter differrent, & acute. Dubitatum quidem nonnisi a paucis fuit existere materiam levem, & tenuem; eam tamen esse non credidere qualem Cartesius auspiciatur, nec qui temere obruduntur, gignere effectus. Ignis nimirum, in quo sita illa potissimum est, pulvisculus non est a grandioribus moleculis excussus; nec circulari motu fertur, ut pro varia vorticum magnitudine, & vi densetur inæqualiter, vel rarefiat. Corporum præsertim gravitas aliunde proficiscitur quam a corpuseculis hujusmodi; plerique enim qui de illa disputarunt, adtractioni potius, vel propensionis adjudicarunt quam impulsioni. Enimvero si materia subtilis constitisset, nutaret adhuc secundum elementum, & tertium;

quippe ignoramus, an ullum suppetat experimentum, quo suboriri aliqua possit vel levissima de illis conjectura. Nos non latet, perinde triumphari, ac si demonstrata luculenter illa fuerint, prodieritque systema numericis omnibus absolutum; qui tamen jocularibus non oblectantur, confecta nugis fuisse asserunt, nihilque emeruisse præter fabellas, & dicacitatem. Igitur adhibenda fides non est principiis Cartesii.

21. ARG. V. Qui Cartesii fama perspecta habeat, laudibus extollat necesse est illius principia. Eximium enim præter ingenium, laboreque perpetuos, Desipere sese commendavit (1), ut viam sibi aperiret ad philosophicam veritatem; quod argumento est illustratum fuisse illum divinitus. Recenseri deinde elogia vix possunt quibus honestatæ ubique fuisse Cartesii præceptiones; Gallia enim, Batavia, & Britannia, dum viveret, loco summo habuere, agminique prætulere veterum Philosophorum. Vita denique functo vir nullus præclarus exiit, nullaque celebris Accademia quæ Cartesio nomen non daret, vel non suspiceret saltem illum, primitique sublellis non adscriberet. Igitur invidi sunt qui Cartesium nominant artificem fabularum.

22. RESP. Pecudes esse qui adimi quidpiam velint Cartesianæ celebritati. Ultro concedimus, superatam ab eo sapientiam veterum fuisse, vel exæquatam; eo tamen non peringimus ut ceu numen colamus, putemusque fuisse nescium erroris. Quod ad philosophicas meditationes opem Divorum advocaverit, probamus omnino; pietatis tamen indicium fuisse potius remur quam securitatis pignus, & asphalæ. Obsecramus nimirum ne adigamur propterea ad absona, & insiceta; ambigi enim adhuc potest an exauditz precatiunculæ fuerint, vel in res potius metaphysicas spectaverint quam in physica principia. Non inficiamur præterea, Cartesium, antequam vita excederet, magni nominis viros sibi addixisse in Batavia; Ultrajectinæ tamen, & Lugdunenses turbæ admonent, expertum alios fuisse sibi insensissimos. Quæ apud Anglos contigere, pauca sunt, nec omnium animos indicant fuisse in illum proclives; sique Galli impensius exornarunt, concedendum benevolentiz erat, qua prosequi eos par erat contribulem suum, atque popularem. Fato demum postquam obiit, mirum non est ad ipsius Philosophiam viros convolasse, & Accademias; odium enim in veteres perstabat, deferbuerat autem invidia, quæ viventem subagitaverat. Exploratus tamen quam reticere possit, est collapsam Cartesii famam fuisse, ubi Leibnitius, & Newtonus evexere mentem ad altiora, & solidiora rerum principia detexere. Qui magistri loco confederat, deductus continuo fuit ad causas Philosophorum, ut pronuntiari merito possit, Cartesium, qui inveniendi arte impar antiquioribus extiterat, fuisse parem casu inventorum. Igitur anteferenda ceteris non sunt principia Cartesii.

CA.

(1) Ap. Bruckerum histor. crit. philos. vol. 5. pag. 210.

## CAPUT IV.

*De principiis corporum Paracelsianis.*

1. QUÆ in hypothefibus nequidquam conquiescant, reperire Philosophi putarunt ipsis in corporibus. Scilicet cum animadvertissent, aliorum principia esse a sensibus immunia, pertentaverunt, an ex eorum analysi eorum quodpiam oculis emergeret. Dissolutis propterea ignis favore concretionibus multis, conspiciari arbitrati sunt quinque substantias, quibus omnium tribuerent complexionem. Hoc itaque quod sumus exploraturi, secamus perspicuitatis gratia in tres partes. Prima exponit principia corporum a Paracelso inducta; demonstrat secunda, non esse illa prima; tertia elidit argumenta Paracelsianorum.

## PARAGR. I.

*Exponuntur principia Paracelsi.*

2. TRIA esse corporum principia, credidit Paracellus (1), eaque nuncupavit *mercurium*, *sulphur*, & *sal*. Alia duo chymici alii adjungere, nimirum *aquam*, & *terram*, ut tria priora *activa* dicerent, posteriora vero duo appellarent principia corporum *passiva*. Opinabantur videlicet, hæc in substantias corpus omne revocari; remque demonstrabant vini resolutione, quæ in hunc modum procuratur ignis præsidio. Si merum alembico inclusum igni imponatur, subiectum in vas liquor diaphanus decidit, & inflammabilis, quem *mercurium* vocant, seu *spiritum* vini. Perstante ignis calore humor insipidus extillatur aquæ multum non absimilis; huncque *phlegmatis* nomine designant. Delata in retortam substantia crassa, & pingui, quæ in vase superfluerat, excernitur, ignis ope validioris, liquor fetidus, & glutinosus, quem *sulphur* nominant, vel *oleum*. *Materiæ* quæ reliqua fuit, e retorta in vas luteum traductæ, exsiccataque ab igne adhuc vehementiore, affunditur aqua fervens; quæ per chartam bibulam si trajiciatur, dissolvaturque nonnihil in vapores, substantiam in vasis fundo exhibet *sal* nuncupatam. Quod vero e cineribus remanet, *terra* dicitur, seu *caput mortuum*; quia corpus est qualitibus universis destitutum, usuique proinde omni funditus ineptum. Sed de his dicendum quidpiam est singillatim.

3. *Mercurius*, hoc est *spiritus*, substantia maxime vivida est, mobilis, & subtilis. A spiritibus, qui ad motum omnem sunt expediti,  
cor-

(1) Ap. Morhofium polyhist. vol. 2. lib. 2. par. 1. cap. 16. & ap. Conringium, de Paracelsiana, & Herm. Medicina.

corporum perfectio exoritur, & incoheritas. Cum celerissimi sint, emittanturque alio avolare, alligantur particulis crassioribus; quo fit ut ab inertibus, quibus morum afferunt, contineantur in officio. Plexus hujusce causæ originem ebullitioni faciunt, seu fermentationi; unde plantarum vegetatio promoveretur, frustulque properant ad maturitatem. Animantium quoque vasculis conclusi vim erogant fibris, & nervos percellunt; quo peraguntur haud ægre musculorum motiones, universæque sensationes rite consiciuntur. Insigni propterea spirituum copia, & energia, viret omnis concretio; macescit vero, ut denique jaceat, si dissipentur illi, aut alacritatis multum amittant. Ubi tamen nimium vigeant, afferre motu suo corpus possunt in dissolutionem.

4. *Sulphur*, nempe *oleum*, substantia est pinguis, & concretior. In sulphuris sinu, quod abundat igne, spiritus delitescit; licet autem huic subtilitate illud cedat, effrene tamen magis est, ferox, & quietis impatiens. Corporum habitudo, sive temperies, pendet præsertim a sulphure; ab eo enim formositas oritur, & deformitas, odorum varietas, & discrimen colorum. Sulphuris particulæ leniter motæ digestionem adjuvant, & maturitatem; validius percitæ calorem, & ebullitionem afferunt; sed pulsæ vehementius patiatione inflammationem. A sulphure enim provenit pulvis pyrii conflagratio.

5. *Sal* est substantia maxime sapida. Causa idcirco esse creditur omnium saporum; sique immittatur aquæ, solvitur omnino in particulas exiliores. Concretius spiritus, & sulphure sal cum sit, firmitatem corporibus impertit, & duritiem; putredini nimirum valide obstitit, omneque areet vitium corruptionis. Illud præstat potissimum volatiles spiritus, & sulphuris igniculos coercendo; lapides propterea, & metalla, quæ sunt salibus repleta, inflammationem nesciunt, perstantque diutissime. A salibus demum, quorum alia *acida* sunt, & alia *alkalica*, oriri potest fermentatio.

6. *Aqua*, seu *phlegma*, substantia est humida, & tum odore, cum sapore destituta. Hujus gratia spiritus, & sulphur una copulantur, & adjunguntur salibus; sine aqua enim rigerent illa, nec possent invicem coagmentari. Nimirum ubi aqua deesset, congregarentur mutuo tria *activa* principia; cumque viribus omnino valeant, sese absumerent invicem, corpusque dissolverent. Quod si aqua nimium abundaret, immineret adhuc corpori exitium; duo namque principia *passiva* obtinerent admodum, auctaque partium inertia corpus putresceret. Aquæ propterea servanda cum ceteris est aqua proportio.

7. *Terra* denique, hoc est *caput mortuum*, substantia est arida, insipida, omnisque expertis virtutis. Deprehendi potest in cineribus, qui post salium eductionem supersunt; creditur vero spatiosa corporum præcludere, relictasque a principiiis aliis vacuitates. Particulas ceteras prohibet ne eertent invicem, & se mutuo collidant; quia cum fixa sit, devincit volatiles, molemque, & figuram corpori elargitur. Quo major

terra

terræ portio est, eo virium minus corpus obiectet, plusque habet longævitatē; metalla propterea diu supersunt, minus vivunt arbores, & animantia cito dilabuntur. In his ossa, quibus terræ multum inest, partes ceteras vincunt duratione.

8. Quæ de chymicis corporum principiis attulimus, accepimus a Villisio (1). Non negamus, hæc, quæ Chymicis *hypostatica*, seu substantialia dicuntur, erui posse a corporibus; ambigendum tamen est, an principia omnino sint, vel redigantur ad alia. Ne omnia chymicorum promptuaria collustremus, rem expendimus breviter, sed accurate.

## PARAGR. II.

*Demonstratur, chymica principia non esse prima.*

9. CHYMICORUM principia, tametsi extent, non sunt omnino prima.

RAT. I. Quæ Chymici inducunt, non insunt corporibus universis. *Aurum* enim, *argentum*, *hydrargyrum*, *talcum venetum*, *arena virginea*, & alia non reddunt salia, & sulphura, quamvis artem adhibeas (2). Verum ubi principia corporum essent, extrahi possent ratione aliqua; textura namque omnis cedit, laxaturque demum ab igne vehementiore. Igitur quæ Chymici memorant, non sunt corporum principia.

10. RAT. II. Ignis a corporibus non separat, sed conficit principia Chymicorum. Videlicet qui chymicam artem impensius excoluere, rationem callent qua igne adhibito salium genera omnium elaborentur, sulphurum, & spiritum (3). Et sane, ubi indoles corporum sita in particularum nexu potissimum sit, nihil obest quin motu suo ignis complexionem eorum solvat, novamque inducat principiis chymicis per similem. Licet evidens illud non sit, insigni tamen donatur probabilitate: par enim credere non est, ab igne, qui totum corporis pleum disjungit, non lædi partium texturam, ut eas secernat potius quam efficiat. Igitur vocanda in suspensionem sunt principia Chymicorum.

11. RAT. III. Principia rerum verti invicem non possunt, quia omnem repudiant corruptionem. Compertissimis tamen experimentis liquet, indui ab aqua naturam salis, sulphuris, & aliorum. *Pepones* nimirum, *mentha*, *melissa*, *salicis truncus*, & alia, quæ facile succrescunt, aqua tantummodo si enutrientur, ad insignem perveniunt magnitudinem (4). Pisces deinde vase, quod oblongo, angustoque collo instruantur, conclusi, & saturs aqua dumtaxat effecti, augentur adeo

ut

(1) De fermentat. cap. 6. (2) Ap. Boyleum Chym. scept. par. 3. pag. 48. 49.

(3) Ap. eundem de producibilitate chym. princip. par. 1. 2. 3. 4. 5. & 6.

(4) Ap. eundem Chym. scept. par. 2. pag. 30. 31. 32.

ut educi nequeant, & corporis volumine vincant valis amplitudinem (1). Aqua demum, quæ permixta nonnihil sic *vite spiritui*, vertitur in terram; hæc autem nonnullis originem facit animantibus, plantis, & mineralibus (2). Porro cum quæ vegetant, soli confari omnia dicantur, spiritui, & aliis, exploratum est commutari chymica principia, ut fiat alterum ex alterius corruptione. Igitur non innoscunt Chymicis vera corporum principia.

12. RAT. IV. Substantiæ quas Chymici admittunt, non sunt omnino puræ. Nullus autem non intelligit, adversari illud juribus principiorum; quæ cum prima sint, admixtionem respuunt, lædusque ceterorum. *Lignum* scilicet *ustum* in cineres redigitur, & in fumum, qui unum esse creditur principiorum componentium, fuligo tamen, quæ a fumo gignitur, si igni admoveatur, resolvitur in quinque substantias (3). Salia præterea, quæ e *cornu cervi*, *sanguine*, & aliis eruantur, dicunturque esse simplicia, insignem edunt odorem (4); cumque a sulphure odoris proveniant, perspectum est mixta esse illa, & impura. Spiritus denique *tartari*, & *buxi*, ut olea complura acuto donantur sapore (5); oportet idcirco adjungi illa salibus, quibus potissimum sapor tribuitur. Igitur non coalescunt primo corpora ex Chymicorum principis.

13. RAT. V. Si adhibenda fides Chymicis esset, principia corporum essent innumera. Quæ a corporibus extrahuntur, licet genus ad idem referantur, sunt prout diffimilia, ut pro vario illorum ingenio substantia quæque ab aliis reple differat, statuaturque speciem peculiarem. Salia videlicet plantarum *fixa* a *volatilibus* animalium discrepant, ut sal *tartari* a salis *cornu cervi*, ipsique in *volatilibus*, cujusmodi salia *urine* sunt, *cranis humani*, & *succini*, discrimen extare indicat diversitas figurarum (6). Sulphura deinde invicem non conveniunt, olea enim *cinnamomi*, *caryophylorum*, & *nucum myristicarum* habitudinem rerum unde egrediuntur, servant accurate. Immo quæ *nucum* sunt, innatant aquæ, demerguntur vero quæ *cinnamomo* insunt, & *caryophylli* (7). Spiritus etiam differre ab odore liquet, sapore, ceterisque proprietatibus, quibus *tartari* spiritus in sensus aliter agit ab alio *querus*, & *buxi* (8). Nec ambigendum est de aquarum disparitate; phlegma namque *vini* ultionibus medetur, corallia solvit phlegma *aceti*, alia aliis facultatibus valent, iisque plane discrepantibus (9). Terra denique una non est cunctis in corporibus; quia *lignorum* cineres, *offium*, & *cornuum cervi* sunt invicem absimiles, nec *calci* consonant, & *salco veneto* (10). Igitur Chymicorum principiis adjudicanda non est prima corporum complexio.

PA-

(1) Ibid. par. 6. pag. 712. (2) Ibid. par. 2. pag. 34. (3) Ibid. par. 4. pag. 61.  
(4) Ibid. pag. 64. (5) Ibid. pag. 68. (6) Ibid. pag. 69. (7) Ibid. pag. 71.  
(8) Ibid. pag. 75. (9) Ibid. pag. 77. (10) Ibidem.



## PARAGR. III.

*Eliduntur argumenta Paracelsianorum.*

14. PRINCIPIA sua putant Chymici esse evidētia.

ARG. I. Quod sensibus ipsis subest, vocari nequit in dubitationem. Porro compertum sensibus fit, compingi corpora spiritu, sulphure, sali, aqua, & terra. Viride namque lignum si comburas, fumus egreditur, nimirum spiritus; phlegmatis vero, seu aquæ partes excernuntur cum bullulis, & dispereunt; oleosa deinde substantia, hoc est sulphur, a flammis absumitur, & sal superest in cineribus; qui, si a salibus eluantur, corpus iners exhibent, nempe terram. Igitur constantur reapse corpora quinque principiis.

15. RESP. Impares omnino esse huic disputationi qui ad eam expediendam utuntur sensuum testimonio. Oculi, ceteræque facultates admonere quidem possunt, exprimi a corporibus posse alias substantias; has tamen esse vera corporum principia ad sapientiores iudicem spectat, ipsam nempe rationem. Scilicet asseverant Chymici, fumum, qui a stipite secernitur, esse spiritum; præter fluiditatem tamen, quæ concretionibus aliis pariter adeß, nihil affert peculiare cujus gratia nuncupetur ita, naturamque induat principii. Phlegma evaporari ajunt, conspicuumque fieri ope bullularum; sed sumus ancipites, an humor qui exilit, aqua pluvialis potius, vel succus enutriens sit quam principium. Ubi sulphur in flammis abire statuant, definire nihil possunt de illius essentia; inexploratum enim est, ad sulphur pertinere tantum inflammationem, ut accensendum propterea sit numero principiorum. Sal denique, & terra, quæ degere in cineribus prædicantur, suspitione eadem laborant, & obscuritate; latet namque, an secreta ab aliis sint penitus, ut solemne est cuique principio. Quod si substantias hæc exquisitè dignoscere, certioresque de illarum puritate essent, vocare adhuc non possent prima principia: secunda essent potius, quæ a primis omnem sensuum vim eludentibus suam caperent coalitionem. Videlicet corpus quodque omogeneum, cujusmodi essent illæ, materia continua farcitur, vel particulis una contextis; cumque odio illam habeant, ad has confugiant necesse est, negentque propterea, hypostasies suas esse prima principia. Igitur corpora aliter efformentur quam ex principiis Chymicorum.

16. ARG. II. Corpus quodque constare nonnisi quinque potest principiis. Concedendum quidem est, erui a nonnullis illa non posse, & præcipue a mineralibus; fallunt tamen qui putant propterea corporibus non inesse. Scilicet res omnis subiecto, & forma constructur, nexuque utrumque copulante, ut horum alterum si desit, farcimen nullum extet, nullaque coagmentatio. Terra autem subiectum est,

Tom. III. *Physis.*

H

aqua

aqua vinculum, spiritus cum sulphure, & salī est forma; quia in terræ fundo, veluti in sinu, colligantur tria illa aquæ præsidio, universalisque pariunt corporum affectiones. Igitur præter chymica nullum est corporum principium.

17. RESP. Nihil incertius esse principiis Chymicorum. Ea non repudiamus, quia educti sæpe numero nequeant a corporibus; novimus enim, devinciri adeo arte posse moleculas ut arte nulla valeant avelli: quod compertum luculenter fit in spiritu acido quem cum salī tartari commisceas; cuspides enim acidi vaginis alkalicis alte figuntur, ut separari nequeant ignis ope vel validioris (1). Eliminamus potius, quia firmæ adigunt rationes; nec quæ a subiecto, forma, & nexu subtiliter petuntur, viam præcludunt ambagibus. Formam nempe, subiectum, & quidquid ad illorum gluten poscitur, non rejicimus omnino; profitemur tantum, sita in quinque substantiis non esse, quarum aliquas corporibus deesse, ostendunt experimenta. Scilicet vitrum, quod ab arte conficitur, constat ex cineribus; hos autem salibus dumtaxat, & terra constitui, non nesciunt exploratores (2). Quod si quidpiam naturaliter elaboratum postulent, aurum sciant effodi interdum, argentum, & plumbum; quæ cum perfecta a semetipsis sint, & omnino pura, non expectari a natura, indicant, sal, sulphur, & alia ad eorum efformationem (3). Verum quod caput rei est, in ipsa reperitur essentia principiorum; licet enim spiritus, & alia, corporum forma essent, carerent adhuc jure principiorum, quia redigi possent in alia. Igitur accipienda a Chymicis non sunt corporum principia.

18. ARG. III. Repudiantur chymica principia, quia corporibus non inesse creduntur, sed confici ab igne. Verum exploratius est quam ullo egeat Philosophorum testimonio, ab igne non procreari, sed fecerni ab aliis, quibus adjunguntur, corporum primordiis. Oleum enim nucum, olearum, & amygdalorum exprimitur absque igne; gummaque sola plantarum sectione profluunt, & animantium adeps nihil est præter solidum sulphur. Ignis autem, dum corpora dissolvit, nova non extruit, sed laxat solummodo compagem illorum; quo fit ut salia, sulphura, & spiritus a degeneribus moleculis se expediant, convolentque ad congeneres. Eaque potissimum ratione substantias multas obtineri ab igne, testatur Boyleus (4); quem ratum est impeditam hanc disputationem accuratissime voluisse, & definiisse ancipiti animo, & meticulofo. Igitur utitur reapse natura principiis Chymicorum.

19. RESP. Nihil extare in quinque corporum substantiis quod vim ignis exsuperet. Quæ in illis degunt, pendent universa a plexu molecularum; cumque motu suo ignis agitet illas, & verset, ægre demonstrabitur, provenire ab eo non posse novas texturas. Extra omnem dubi-

(1) Ap. Lavagnolum de usu Chym. cap. 11. (2) Ap. Boyleum Chym. scept. par. 5, pag. 83. (3) Ibid. par. 6, pag. 99. 100. (4) Ibid. par. 1, pag. 24.

dubitandi causam est, erui a corporibus posse olea sine igne; ea tamen aliis commiscetur, nec evincunt, carere ignem viribus & facultate complexiones novas elaborandi. Innumera præter ignem suppetunt, quæ si invicem congregiantur, novas pariunt concreciones; & ne de aquis foribus mentio fiat, est in promptu *alkabestum*, seu *menstruum* Helmontii ad conspersiones plane admirabiles comparatum (1). Solvi propterea corporum tantum fibras, nec quidpiam præstans edi, impar est virtuti ignis re quaque potentioris; & ad illud confirmandum summopere non prodest auctoritas Boylei. Invidiam sane viro eximio non conlasmus, quem cæteris præstare docuit summa de chymicis præscriptionibus peritia; ubi enim alius esset animus, in elucubrationem hanc complura ab eo non traduxissemus. Dolemus tantum, neglectam ab illo methodum fuisse, admissamque sceptici hominis personam; quo contigit perturbata pleraque prodidisse, positumque nihil fuisse extra formidinis, & dubietatem. In textu quem memorarunt, videtur quidem existimasse, separationes potius ab igne fieri quam novas coalitiones; ridendum tamen est, particulas diltrahi, quin alia suboriantur illarum complexio. Aliis autem in locis diserte jussit, & aperte, parem esse ignem ad novas structuras; *saponem* enim, qui ex oleo constat, aqua, & sal, air, igni admodum in substantias verti ab illis prorsus dissimiles (2); alibique idem decrevit (3). Nonnulli propterea Boyleum putant voce tantum egisse hominem scepticum; quæ namque adversus Chymicos urget, solida ajunt omnino esse, & conscientia, ut dogmatici instar vere definiat, viamque omnem eripiat ad evasiones. Igitur quæ Chymici suppeditant, non sunt prima principia.

20. ARG. IV. Universæ corporum proprietates progrediuntur a quinque Chymicorum principiis. Scilicet qui enumerare præcipuas vellent, *saporem* diceret, *odorem*, *solutionem*, *cohesionem*, *inflammationem*, *gravitatem*, & *evaporationem*. *Evaporatio*, seu particularum volitatio, a spiritu proficiscitur, *odor* & *inflammatio* a sulphure, a sal *sapor* & *solutio*, *graviitas* a terra, & ab aqua *cohesio*. Quæ enim in tota corporis substantia confertim sentiuntur; perspecta divisim sunt in ipsa cujusque principii secretionem. Igitur a corporibus non exulant principia Chymicorum.

21. RESP. Quæ hic dicuntur, præter rem esse, parumque proficere ad disputationem. Non inficiamur, plerisque in corporibus, præsertimque plantarum, & animantium, spiritum latitare, sulphur, & alia; modo nominibus istis facultas peculiaris non subit, sed promiscue substantias indicent omogeneas. Negamus tamen principia esse, ubi renuant esse secunda; nec ad consentiendum adduci a corporum affectionibus possumus quæ ab illis proveniant. Tamen si derivandæ essent, rationem ad-

H 2.

huc

(1) Ibid. pag. 21. (2) Ibid. par. 2. pag. 36. (3) Ibid. par. 6. pag. 106. & de producibil. chymic. princ. par. 1. a. &c.

huc illis non afferrent principiorum primorum ; sed exploratum omnino est , cauſis aliis originem ſuam debere corporum proprietates . Ignoramus quomobrem *coheſionem* aquæ adjudicent , & terræ *gravitatem* ; ſalia enim coherencia ſunt , & ſulphura , quæ terra carent , ſunt ponderoſa . *Saporem* ſalibus tribui , & ſulphuri *odorem* , præceptiones ſunt certitudine deſtitutæ ; principia enim ſingula , ratum eſt , moleculis fortasſe confici , quæ percellere aquæ valent linguæ papillas , & narium . *Eſſuvia* , ſeu volitantium particularum excreſiones ſpiritibus etiam donantur ſine conſilio ; licet enim ſint leviores , illud tamen peculiare non habent , ſed cetera quoque decidi queunt a corporibus , & avolare . Abſonum propterea eſt ex corporum adtributis opinionem adſtruere quinque principiorum ; nec magis peccaret qui eadem de cauſa atomos induceret , vel elementa Cartelii . Igitur ubi de principiis agatur , audienda non ſunt decreta Chymicorum .

22. ARG. V. Efformata corporum ſemina fuere in ipſo rerum omnium exordio . Ineptiunt enim qui minus philoſophice ajunt , genitam primo fuiſſe vim magnam molecularum ; eaſque deinde in corpuscula coaliuiſſe , quæ compingerent corpora grandiora . Poro ubi ſemina primo conſtitierint , proclive eſt in quatuor elementis poſita illa fuiſſe , vel in ſubſtantiis Chymicorum ; nihil enim ſuppedit præterea . *Aer* tamen , *ignis* , *aqua* , & *terra* eſſe non potuerunt rerum principia , eorum namque ex nonnullis ſalia educuntur , & ſulphura cum aliis . Igitur prima corporum momenta ſunt quinque ſubſtantiæ Chymicorum .

23. RESP. Principiorum ingenium tum elementis repugnare , cum chymicis ſubſtantiis . Perſcrutari nolumus , quid prodierit primum in mundani ſyſtematis opificio ; ſapiens enim ſummæ artiſciis conſilium particulas effecerit , vel effinxerit ſemina ipſa , perinde eſt ad naturam principiorum . Quovis nimirum tempore exiguæ corporum partes emerſerint , indubium eſt ſarciri illas ex minimis , ut elementa non modo venire in cenſum principiorum nequeant , verum etiam nec hypotheſes Chymicorum . Ubi ſane propoſita de principiis ſecundis fuiſſet diſquiſicio , non moraremur chymicis potius conſentire quam elementariis ; quæ enim de elementis ad munus illud accitis memorantur , levis omnino ſunt , & Philoſopho indecora . Scilicet conjiciunt , trunci , qui coocrematur , fumum eſſe *aerem* ; *ignem* in flamma collocant ; *aquam* humori tribuunt inde exeunti ; & *terram* cineres appellant . Sed qui naturales cauſas ex oculis , vel naribus non judicant , infulſas rident huiusmodi ſanctiones ; præ ceteris namque ludicrum penitus eſſe exiſtimate , in vaporibus *aerem* ſtatui , & *terram* in cineribus . Videlicet abſonum eſt , & amentitiæ nonnihil affine , elementa , quæ apud illos ſunt corpora ſimplicia , fumo , cineribuſque commendari , ſubſtantiis nimirum incredibili diſſimilium corpusculorum labe depravatis . Nihil addimus præterea , quod Boyleus fuſe & proluxe expla-

explanaverit quatuor elementorum inanitatem (1). Constantiorem idcirco, rationique minus diffidentiam credimus esse hypothesim Chymicorum; qui ab experimentis plurima capiunt, apudque inde erunt consecutiones, ut, nisi primæ, dici secundæ possint eorum substantiæ. Igitur Chymicis non debeat prima corporum principia.

## C A P U T V.

### *De principiis corporum Leibnitianis.*

1. **A**D regenda corporum principia ingressus viam aliam fuit Leibnitius. Exploratum cum habuisset, Gassendo, & Cartesio imaginationem parum profuisse, & sensus Paracelso, se contulit, quod Aristoteles fecerat, ad intellectum. Rationem nimirum consuluit, a veterum tamen præjudiciis emendatam; & rerum primordia excogitavit, quæ nisi verissima essent, a præcipuis tamen vacarent hypothesium ceterarum vitiiis. Ea sedulo versaturi laborem distribuimus in tres partes. Prima exponit principia corporum Leibnitii; ostendit secunda, distare illa minus aliis a veritate; tertia rationes infirmat Antileibnitianorum.

#### PARAGR. I.

### *Explicantur principia corporum Leibnitii.*

2. **LEIBNITIANA** corporum principia exponuntur ab auctore suo paullo contractius (2); sed Wolfius fusius edisserit, & confirmat exemplis (3); licet autem Leibnitio interdum dissentiat, consentit tamen in præcipuis. Ad corporum itaque principia atomum duplicem Wolfius inducit, quarum aliam *naturalem* vocat, & aliam *materialem* (4). *Naturæ* atomum, quam Leibnitius *monadem* nuncupabat, ait Wolfius, esse indivisibilem; atomum vero *materiæ* divisibilem facit, licet causa naturalis non suppetat ad divisionem. Priorem elementum corporum esse statuit, primum nempe principium; secunda vero ad principia, quæ ex primis coalescunt, ablegat atomum posteriorem. Explicanda itaque sunt ipsa elementa.

3. Elementa corporum substantiæ omnino simplices sunt, comparanturque punctis Zenonicis. Hujus indolis oportet illa esse, quo originem

(1) Chym. script. per tot. disputat. (2) Ap. act. Eruditior. ann. 1717.

(3) Ontolog. & Cosmolog. (4) Cosmolog. num. 186.

nem corporibus faciunt (1); hæc namque composita cum sint, nonnisi in re simplici invenire rationem possunt suæ compositionis. Proclive inde est carcere elementa partibus, figura, & spatio; quod enim simplex est, partes nescit; & propterea spatium odit, & figuram, quæ nonnisi partium locus sunt, & conformatio (2). Nec *intestino* motu sunt prædita, qui corporibus creditur esse familiaris; partes quippe, ubi intrinsecus desint, impossibilis est earum commotio. Atomis vero *materiæ* conveniunt opposita (3).

4. Substantiæ præterea Leibnitii sunt inter se prorsus dissimiles. Singulæ nimirum essentia donantur peculiari, & a ceteris diversa; quod cum partes non possulet, repugnare nequit rei inextensæ (4). Ubi videlicet persimiles essent, earum aliqua accipi posset pro alia; in corpore enim quovis suffici alteri posset, quin mutationem status illud admitteret. Porro adversatur istud Achilli Leibnitianorum, rationi nimirum sufficienti, qua postulat quodque causam certam, ut sine illa non fiat, nec abeunte illa, vertatur in aliud. Ab elementis itaque exulare præcipitur diversitas *numerica*.

5. Elementa potiuntur etiam vi quadam *activa*. Agere corpora, exploratum motibus sit quibus se invicem collidunt; cumque ratio omnium quæ corporibus insunt, reperiatur in principiis illorum, vim habeant necesse est ipsa elementa (5). Eam autem vim putant esse substantiam; quia in elementis perseverat, & pro sui modo celeritatem habet; quæ duo potissimum sunt munera substantiæ (6). Sed causa non modo actionum elementa sunt, verum etiam passionum (7), seu resistentiarum.

6. Leibnitiana deinde elementa, ut corpora consent, ordinem servant peculiarem. Ex iis videlicet tria corpusculorum genera compinguntur, quæ *primitiva* nominantur, *derivativa*, & *organica* (8). Quæ *primitiva* sunt, constant sine re media ipsis elementis; modus autem quo hæc innectuntur, mechanicus non est, quia exprimi numeris non potest, nec lineis; sed physicus est, & menti prorsus impervius. *Derivativa* corpuscula ex *primitivis* assurgunt, abeuntque in ordines multos; secunda enim ex primis coalescunt, ex secundis tertia, quarta ex tertiis, & ita porro ad corpora usque ingentiora. Quæ *organica* dicuntur, idonea sunt ad operationes præstantiores; ex *derivativis* sunt singulari arte, consilioque plane eximio distributis (9). Corpuscula vero *primitiva*, quæ solvi naturaliter nequeunt, sunt atomi *materiæ* (10).

7. Hæc sunt quæ prostant de principiis corporum Leibnitianis. Præterendum non est, memorari alia posse, quibus hypothesis latius recluditur, quæ tamen in compendium misimus, præcipua sunt, & selectio-

(1) Ap. Wolfium ibid. num. 182. (2) Ibid. num. 183. (3) Ibid. num. 188.

(4) Ibid. num. 195. (5) Ibid. num. 196. (6) Ibid. num. 199. (7) Ibid. num. 194.

(8) Ibid. num. 218. 219. 274. (9) Ibid. num. 231. 274. (10) Ibid. num. 232.

Stiora. Ut universa Leibnitii seita expendere, multoque minus vindicare cordi non est, ita examini tantum subijcimus simplices illius substantias. De ceteris dimicent qui otio abundant, perditæque amant Leibnitium.

## PARAGR. II.

*Ostenditur, principia corporum Leibnitiana distare minus aliis a veritate.*

8. LEIBNITII principia veritati sunt ceteris proximiora.

RAT. I. Quod compositum est, redigitur ad simplex, cujusmodi sunt substantiæ Leibnitii. Scilicet corpora, quæ elementis fareiuntur, sunt composita: quod autem hujusmodi est, suæ causam compositionis invenire non potest nisi in re simplici. Reddenda enim ratio est, quæ compositum potius illud sit quam simplex; nec vera affertur, si compositum esse dicatur, quia constat ex compositis; eadem namque rediret disquisitio. Eapropter corpus ad corpora Aristotelici non revocarunt, sed ad formam, & ad materiam; & Atomistæ ad atomos indivisibiles confugere, & ad texturam; quæ composita esse volebant, sed simplicia. Igitur absolum non est coagmentari corpora ex substantiis Leibnitii.

9. RAT. II. Corporum principia carere debent omni figura. Quæque nimirum conformatio adversatur simplicitati; conus enim ex basi construitur, apice, lateribusque hic inde distributis. Figura deinde viam parat divisioni; partes quippe, licet secari naturaliter non possint, queunt tamen divinitus. Varietas demum figurarum nihil proficit ad corporum plexum: omogeneis enim, ut sunt metalla, illæ non profunt, quia sunt diversæ; nec juvant corpora eterogenea, puta plantas, quia componuntur hæ ex minoribus omogeneis. Igitur Leibnitii substantiæ cum figura careant, utiles sunt corporum complexioni.

10. RAT. III. Elementa Leibnitii dissimilia sunt, ut postulat indoles principiorum. Discrimina nimirum omnia quæ corporum naturis insunt, petenda sunt a principiis; ab his enim derivanda ratio est quæ aurum a plumbo differt, & saxum ab adamante. Ipse videlicet contextus, cui rerum differentiam plerique adjudicant, pendet ab elementis; sine horum namque diversitate non esset cur hoc pacto corpora potius conflarentur quam alio. Ubi scilicet momenta essentis non discrepant, aut saltem viribus, nexus corporum unicus esset, unaque propterea esset species illorum; quia causas nihil determinaret ad rerum dissimilium concretionem. Igitur negandum omnino non est, substantias simplices esse corporum principia.

11. RAT. IV. Vocari in dubitationem non possunt corporum actiones. Ignis enim metalla liquefacit, solvuntur ab aqua salis, & fermenta quædam disjungunt, laxantque res compactiores. Vis vero omnis, quæ

quæ actionem parit, progredi non potest nisi a principiis; ubi namque essent inertia, licet coirent, nullam afferrent rationem qua corpus ageret. Substantias propterea *activas* induxit Leibnitius; quæ vires suas complexioni toti suppeditarent, paremque efficerent ad agendum. Igitur veritati invisæ non sunt illius principia.

12. RAT. V. Corporum extensio obtineri facile potest principiis Leibnitii. Ad rem continuam duo postulantur, elementum nempe quodque esse extra elementum, & alterum alteri adhærescere; hæc autem cadunt egregie in simplices substantias. Scilicet extra alias invicem sunt, quia discrepant omnino; hæreere etiam possunt non mechanice, sed physice. Sique tribuendum conjecturis quidpiam sit, nexus physicus fortasse est adtractio; cujus præsidio elementum aliquod peculiarem ad aliud rationem habeat, eique potius accedat quam alteri. Igitur nisi certa, affinia saltem certitudini sunt principia Leibnitii.

### PARAGR. III.

#### *Infirmantur rationes Antileibnitianorum.*

13. QUI Leibnitio non favent, mentem acuunt ad subtilitates.

ARG. I. Substantiæ Leibnitii, quo componerent omnia, deberent invicem differre. Nulla tamen extag ratio qua evincatur discrepare essentia, & viribus. Essentiz nempe singularum, cum simplices sint, discriminantur numero tantum; animasque humanas imitantur, quæ naturæ differentiam nesciunt, & constituunt unicam speciem. Quod si elementorum essentiz reapse conveniunt, dissentire invicem non possunt vires ipsarum; proprietates enim cum sint, rationem suam inveniunt in naturis, ut ubi hæc consonent, dissonare illæ nequeant omnino. Igitur Leibnitii principia pugnant aperte cum veritate.

14. RESP. Affirmari tuto posse, differre invicem simplices substantias. Qui impudens non sit, profitebitur quidem, confici non posse in illud demonstrationem; sed ubi de hypothese sermo sit, quam tueri quis modestè potest & veracundè, constabit ei non deesse probabilitatem. Ad expeditam scilicet corporum coagmentationem discrepare elementa possunt essentia; quia cum rationem sui habeat hæc in rei possibilitate, seu in negatione repugnantiz, nihil suppetit quo differre essentiz nequeant reapse. Exploratum omnino est humanas animas in speciem unicam convenire, & alias invicem esse sola multitudine; illarum tamen quæque sejuncta ab altera est, nec adhibendæ sunt ad rei unius, & extensæ complexionem. Ubi autem dissimiles sint elementorum essentiz, proclive est diversas quoque proprietates esse, seu vires illarum; scitorum licet Leibnitianorum omnium tenaces adeo non sumus, ut peti virium diversitatem velimus a dissimilitudine essentiarum. Videlicet cum virium discrepantia sita in gradibus sit, opinamur, duabus



bus essentiis quæ numero dumtaxat differant, inesse posse vires inæquales; sique de hoc ambigas, conspiciare humanas animas, quarum aliæ sunt aliis acutiores. Minutiora hæc persequimur, ne fallacibus, ineptisque fidere videamur nimium conjecturis; quæ enim in rem nostram esse credimus, sine aperta complectimur veritatis offensione, & cetera prætermittimus. Igitur falsa penitus non sunt principia Leibnitii.

15. ARG. II. Vis *activa* elementorum Leibnitii est supervacanea. Adstruitur scilicet illius necessitas ex corporum actionibus; comperit tamen est agere corpora posse sine vi elementorum. *Primo* enim innumeræ corporum actiones ab elementis non pendent, sed a partium contextu, & figura; aqua nempe, si in glaciem obdurescat, cetera dimovet soliditate sua; & sagitta, dum præacuta cuspidē instruitur, trajicit laminas duriores. *Secundo* actiones corporum progredi nonnisi a vi possent ad motum comparata; elementorum autem vis ad attexendam rem continuam est accommodata, non ad motum. *Tertio* corporum actiones peculiari donantur ad plagam aliquam directione; nulla tamen certa directio elementis inesset quæ ferri promiscue petcrent ad plagas omnes. Igitur elementa Leibnitii locum non obtinent inter probabilia.

16. RESP. Quæ confertim memorantur, elementorum probabilitatem non impetere, sed certitudinem. Actionum corporum affinitas cum viribus elementorum, licet oculis non incurrat, iis tamen fulcitur rationum testimoniis, ut qui admittat, censendus hebes non sit, & hostis veritatis. Quod *primo* dicebatur, sibi supponit, congeneres omnino esse universas corporum actiones; degeneres tamen cum sint, a textura, & a figura aliæ proficiuntur, aliæ ab elementis. Hos inter numerantur potissimum *elasticitas, gravitas, electricitas*, & aliæ; quæ, vim omnem elementis si adimas, formidandum erit ne dilabantur prorsus, & intercidant. Inertia videlicet ubi elementa sint, a plexu, vel a conformatione non obtinebunt corpora, partes in elasticis restitui, ferri deorsum ponderosa, & in electricis moleculas adtrahi. Nec fato meliore utitur quod adstruebatur *secundo*; ex obscura enim elementorum idea factum fuit, imparem haberi illorum vim ad corporum actiones. Ignorandum tamen non est, duplex inesse singulis virium genus; quorum aliud ad extensionem ea accommodat, aliud ad motum, seu ad actionem; tamen si alio quam virium nomine Leibnitius illud alterum non designaverit. Viribus propterea quæ præter alias ad nexum datas elementis adsunt, tribuenda sunt corporum acta, eaque de causa *activas* nuncupavit Leibnitius. Quod *tertio* afferebatur, promptæ paret enodationi; decepta namque imaginatio vim elementorum in conatu posuit vago & incerto ad motum. Verum emendanda illa est, consultiusque decernendum, inesse elemento cuique nisum peculiarem; cui subinde, nisi impediatur, directio unica respondet, seu definita ad eam plagam delatio. Ex universis autem quibus elementa singula po-

tuntur, sit unica directio; quæ cum composita sit, corpus illuc impellit quo poscit virium omnium determinatio. Ita quidem actiones corporum edisserimus pro ea, quam veram esse suspicamur, elementorum hypothesi; sique supersit quidpiam adhuc impeditum, animadvertant, actionum quæ mentis sunt, principium non esse corporeis exploratus. Igitur elementa Leibnitii, nisi veritatem, afferunt saltem vero similitudinem.

17. ARG. III. Corpora quæ a momentis Leibnitii conficiuntur, non sunt vere substantiæ. Ita nuncupantur potissimum quæ ex partibus, ut dici assolet, incompletis constant, & peculiaribus, quibus illæ carent, subjiciuntur proprietatibus. Verum Leibnitii corpora conglobantur momentis integris, affectionesque omnes quas obtinent, acceptas referunt illis, ut substantiarum congeries dici potius debeant quam substantiæ. Id proficetur palam Leibnitius; quodque lepidius est, dum corpora negat substantias esse, substantiam vocat vim *activam*; quam nemo nescit qualitatem esse rei alteri, ceu substantiæ, adiunctam. Igitur cum absque omnino sint, veritati adversantur principia Leibnitii.

18. RESP. Tametsi momentis simplicibus construantur, esse corpora veras substantias. Id sibi facile persuadebit qui, quantum ad rem hanc attinet, nihil docuisse Leibnitium intelliget ab aliorum hypothesibus dissentaneum. Duo scilicet sunt quorum gratia nolunt corpora esse substantiæ: primum est, ex substantiis integris ea confici, proprietatesque ab iisdem progredi, est alterum. Verum atomis, quæ completæ, ut dicere amant, substantiæ sunt, sarsi corpora, Gassendus pariter docuit, & Cartesius. Discreparunt enim dumtaxat a Leibnitio, quod in atomis pedem illi fixerint, nec fuerint ultro progressi; hic vero corpuscula, quæ atomi *materiæ* nuncupantur, respondentque atomis illorum, redegerit ad momenta. Affectiones deinde corporum a principiis, quibus illa componuntur, derivavit etiam Aristoteles: formam enim, quam omnes norunt fuisse ab eo positam inter principia, radicem nominat, causamque facultatum corporearum. Ubi ceteri propterea qui ita sentire, substantiæ nomen corpori indiderint, non suppetit cur substantia non sit corpus Leibnitianum; sique negasse eos velis esse substantiam, culpandus Leibnitius non est, quia idem edocuerit. Quo tamen res conficiatur, definiendum serio est, concretionem omnem quæ ex momentis coalescit, esse reapse substantiam; alteri enim, quod accidentium est, non adhærescit, ipsaque potius fulcrum est proprietatum. Corpora hoc pacto elaborata, intelligent, substantias esse, si in homines oculos conjiciant, animantia, & plantas; præter momentorum enim plexum concedenda forma quæpiam illis est, quæ omnia artius devinciatur, fonsque sit actionum præcipuarum. Quod si Leibnitium inficiatum afferant fuisse, corpus esse substantiam, placuisse respondebimus illud potius Leibnitianis: Wolfius quippe adstruxisse dicitur, nullam esse

esse substantiam, nisi simplicem, uti sunt momenta (1). Aliis tamen in locis, ubi Leibnitii mentem aperit, propriasque evolvit cogitationes, memorat nonnulla, quæ indicant, substantias etiam compositas extare, nempe corpora. At enim (2), substantiæ characterem, quo ab accidentibus differt, apud Leibnitium esse vim agendi; fateaturque præterea (3), substantiam subjectum esse *perdurabile*, & *modificabile*. Quapropter eum corpora donentur revera vi agendi, diutissime persistent, & modos suscipiant, hoc est proprietates, insigniri merito possunt nomine substantiarum. Hæc sane pauca, & levia non sunt, ne quis dum Leibnitio fidem adhibet, vocari debeat in criminationem; menti scilicet nihil offerunt quod rationi non sit consentaneum, nosque præcipuos non expediat. Igitur recedendum a Leibnitii principiis non est, nisi excogitentur meliora.

19. ARG. IV. Universa quæ extant, aliquam habent sui causam. In hanc, quam Leibnitius rationem sufficientem nominat, conveniunt quotquot labra admoverunt laticibus Philosophiæ. Inductis tamen Leibnitianis principiis quidpiam causam omni destitutum corpora asserunt, ipsam *nimirum extensionem*. Nemo enim cui recte consecutionis non displiceat, in principiis extensionis expertibus rationem inveniet, cur extensa corpora sint, potianturque effectu illis prorsus adverso. Igitur qui Leibnitii principiis consentit, judicet sine consilio.

20. RESP. Absque fine non egredi ullum effectum. Tametsi ignoretur sæpe numero, quæ ratio causam impulerit ad quidpiam conchiendum, adesse tamen debet, ne inconsulto illa agat, & sine determinatione. Sed extensionis corporum ratio non modo ipsis in principiis degit, verum etiam degere comperitur, ut adduci merito non possit in suspensionem. Scilicet corpora extenduntur, quia principiis componuntur inextensis; donantur quippe hæc vi non mechanica, quæ una componit, originemque faciunt extensioni. Hanc fusius non expendimus, nec referamus prolixius, quia præstituri alibi sumus, ubi de rei continuæ ingenio disputabimus, & de corporum divisibilitate. Quod ad intricatum attinet, observasse sufficiat, de corporum nexu conatos nihil felicius fuisse ceteros Philosophos; quæ namque de atomorum una textorum cohesione, & glutine excogitarunt, mendacii referta sunt, & divinationis. Non diffitemur, objici multa posse in occultas hæc vires Leibnitii; ab actu tamen, & a fallendi cupiditate comperies non prodiisse, si seram immanem perimi illis intelliges, hoc est infinitam materiæ divisionem. Videlicet ubi a principiis certo numero definitis, & inextensis, velis prima corpuscula atteri, & ex his secunda, & ita porro, perveniendum tandem ad postremum divisionis terminum erit, ad ipsa nempe principia. Quod si corpora aliter compingas, statuasque ex atomis extensis illa coalescere, vel ex materia continua, nullus dividen-

(1) Ontolog. num. 792. 793. (2) Ibid. num. 771. in not. (3) Ibid. num. 708.

videndi finis crit, brevique omnino a corpusculo numerum partium e-ruas sine numero. Igitur cum a veritate hæc abhorreant, anteferenda aliis sunt Leibnitii principia.

21. ARG. V. Nescitur penitus cujus naturæ sint elementa Leibni-tii. Corpus namque non sunt, nec sunt spiritus; ut cum ad nullum rerum genus pertineant, adstruantur in corporibus nequidquam. Scili-cet esse corpus nequeunt, quia extensione carent; nec dici spiritus pos-sunt, quia vacua sunt intellectu. Igitur falsitati Leibnitius indulgit, dum sententiam tulit de corporum principiis.

22. RESP. Disputare hoc pacto qui comparati ad fallacias sunt, & ad cavillationes. Elementa quæ Leibnitius advexit, corpus non sunt, nec sunt spiritus; quidpiam tamen reapse sunt, quia spiritum inter, & corpus extat corporis principium. Rem scilicet inter extensam, & inex-tensam quæ intelligit, reperire est tantum inextensam; eam nimirum quæ coire cum aliis postulat, & licet corpus non sit, dici potest cor-porea. Ignoramus vero, quæ de causa rem adeo perspicuam, & in me-dio positam, obscuram nuncupent, & inexploratam; cum latere eos nequeat, admissa ab ingenti Philosophorum turba fuisse Zenonis pun-cta elementis hæc persimilia. Scilicet quæ Leibnitius posuit, differunt a Zenonianis, quod illa polleant, hæc vero careant vi cum aliis con-grediendi; perviderat enim Leibnitius, impares sine viribus substantias simplices esse ad corporum efformationem. Ut illis propterea non in-vident, ita nobis non succenseant Leibnitianorum causa elementorum; præsertim cum omnia non adoptaverimus quæ de monadibus suis ma-gnifice fudit Leibnitius. Non credimus videlicet, tribuendas illis esse omnes corporum proprietates; nec representationem in singulis contine-ri rerum quæ in mundo contingunt universalium; aliaque complura negligimus quæ deprædicant Leibnitiani. Illud tantum urgemus, ele-menta rerum inextensa esse, & idoneitatem asserre ad coeundum; nec certa omnino esse, & evidentia, hæc dicimus, sed probabilia tantum, & veritati multum affinia. Igitur corripiendus non est qui corporum principia in elementis statuit Leibnitii.

# PHYSICÆ PRIORIS

## PARS SECUNDA

### DE AFFECTIIONIBUS CORPORUM INSENSIBILIBUS.

#### CAPUT PRIMUM

##### *De discrimine affectionum a corporum substantia.*

1. **C**ORPORA, quorum principia investigamus, multis prædita sunt affectionibus. Explorandæ primo sunt insensibiles; eæ videlicet quæ ut a sensibus percipiantur, aliarum opera indigent, nempe sensibilibus. Soliditatis nimirum præsidio pondus corporum innotescit, & ex colore perspecta magnitudo illorum fit, motus, & attractio. Universas tamen nunc conferimus cum ipsa corporis substantia: quod ut rite fiat, disputationem complectimur partibus tribus. Prima nonnullas offert animadversiones; probat secunda, a fide non præcipi differre affectiones a corporis substantia; tertia infirmat adversam opinionem.

#### PARAGR. I.

##### *Asseruntur nonnullæ animadversiones.*

2. RES quæque duplici constat genere formarum. Harum aliæ cum firmæ omnino sint, nec percipi sine re ipsa possint, dicuntur *essentiæ*; aliæ vero, quæ dilabuntur, aut quæunt saltem sine rei interitu mente secerni, nuncupantur *affectiones*. Priores ab Aristotelicis *formæ substantiales* vocantur, & posteriores *accidentia absoluta*; hæc autem entitates ab illis penitus diversæ esse creduntur quæ absolute existant, & superinducantur substantiis. Qui tamen Peripateticis adversantur, Atomistæ, & alii, rem aliter edisserunt; admittunt enim substantias, sed affectiones discriminari negant ab illis, propterea quod modi tantum sint substantiarum. Qualitatem scilicet omnem in sola collocant dispositione particularum.

3. QUI ab Aristotele sunt, accidentium existentiam probant quinque rationibus. *Prima* est, corpora quæ affectione aliqua convenirent, eandem habitura esse partium texturam; albedo enim, qua exempli causa consonarent, sita in eadem esset molecularum complexione; saccharumque propterea non discreparet a nive. *Secunda* est, explicari solo corpusculorum ordine non posse cur placeant quædam nonnullis, ceteris vero displiceant; sensuum namque organa in omnibus perfamilia sunt,

functio, ut ab eodem motu progredi nonnisi eadem debeat sensatio. *Tertia* est, unico in corpore multiplicem, ut ad qualitates postularetur, extare situm non posse, & motum particularum; eorum enim alter alteri adversaretur, fierique idcirco insignis qualitatum omnium perturbatio. *Quarta* est, metalla, quum funduntur, novam capessere partium concretionem; quas tamen gestabant, easdem omnino retinent proprietates. *Quinta* est, in Eucharistia affectiones superesse sine panis substantia; quod fieri nullatenus posset, si quidpiam non esset a subiecto, cui adhærescunt, prorsus diversum. Hoc autem momentum putant esse aliis validius.

4. Adversus accidentia adhibent Atomistæ quinque pariter rationes. *Prima* est, ex nervorum structura comperiri, perceptiones qualitatum fieri sola percussione; hæc autem physicum quidpiam, & absoluteum non poscit, sed particulas tantum, & motum. *Secunda* est, affectiones, si a re ipsa differrent, ad corporum genus non spectare, nec spirituum; quæ namque ad alterutrum pertinent, debent esse substantiæ. *Tertia* est, gaudere illas saltem divinitus posse existentia peculiari; quæ autem a subiecto separantur, donanturque existentia a semetipsis, afferunt quoque essentiam, & sunt substantiæ. *Quarta* est, sine materiæ motu obtineri facultatem *intensionem* non posse, nec *remissionem*; exponit quippe hæc non possunt, nisi particulis dicantur addi, aut demi aliarum particulæ. *Quinta* est, spicam in triticum verti, triticum in farinam, farinam in panem, panem in chylum, & chylum demum in sanguinem; hæc autem, quæ colores varios exhibent, & sapes, sola gignuntur molecularum translatione. His obstrui penitus existimant ora Peripateticorum.

5. Accidentium tamen vindices confidunt se causâ non excidisse. Triumphant præsertim, quod expeditum hæctenus momentum non fuerit petiitum ab Eucharistia, panis nempe affectiones ex Ecclesiæ præceptione existere sine substantia. Qui ex adverso stant, contendunt viribus omnibus ut rem aperiant, modum videlicet indicent, quo in conspectum illæ veniant, tametsi nulla sit panis essentia. Cartesius enim superficiem affirmavit (1) panis exteinam superesse, quæ molecula quæque circumscribitur, ipsam vero panis extensionem, seu substantiam, abire in extensionem corporis Christi. Qualitates propterea sensibiles, purâ figuram, colorem, & alias, esse decrevit funditus easdem; quia eadem sunt superfices, in quibus illæ creantur ex molecularum appulsu. Sensit Gabezius (2), in pane eucharistico quamdam fieri *assumptionem hypostaticam*, ut illius substantia a Christi anima, & Divinitate informetur, evadatque in corpus Christi. Extensio propterea, partiumque dispositio cum perseverent, continendam admirationem esse credidit, si eadem in sensibus efficiantur coloris, saporisque

(1) Resp. ad quart. object. pag. 118. (2) Philosoph. Eucharist.

risque perceptiones. Moralschius denum asseruit (1), Eucharistiæ atomos sumi *physice* posse, & *representative*; qua physicæ sunt, carnem constituunt, & sanguinem Christi; qua vero representant, schema exhibent, seu formam panis, & vini. Ut rem confirmaret, inveniri tale quiddam ait in glacie, & in nive; quorum particulae, licet aquam reapse consticiant, alias tamen apparentias oculis obijciunt. Verum alia suppetunt rei sorte aecommodatiora.

6. Conclamabatur nimirum, evasiones quas exposuimus, esse valde impeditas. Si quæ adversus accidentia in Sacramento posita conficeret, dicebant, esse Cartesianam; non quam Cartesius edidit perspicuitatis expertem, sed quam ornavit Rohaultius (2). Definivit enim, a Christi corpore texturam eandem, eademque obtineri pororum interstitia quæ panis erant; fieri proinde ut figuram Christus suscipiat, colorem, modosque omnes qui ad panem pertinebant. Observare tamen non pigcat, nullam esse, si verà hæc sint, panis in corpus Christi conversionem; Rohaultius namque, cum corporum essentiam velit in partium complexione esse, indicat, verti Christum potius in panem. Maignanus propterea acutius ceteris creditur disputasse, & opportunius; edixit enim (3), accidentia panis consecrati immutationes esse phantasie a Deo effectas; affectuales habuit Bernierium (4), & Sagenium (5). Negavit nimirum, albedinem, figuram, duritiem, & alia quæ sacramento insunt, veras esse affectiones; affirmavitque a Deo potius affici ex Christi præsentia imaginationem, ut colorem cernere homines putent, & tangere rem solidam. Existimandum tamen non est, compositas, sedatasque hoc pacto rixas fuisse; in Bernierium namque, & in omnes quibus accidentia non probabantur, calamus alii distinxere, & præsertim Aloisius Delavilleus (6), hoc est Valesius. Nonnullorum, quæ huc spectabant, scriptorum syllogen dedit Baylius (7).

7. Disquirendum itaque est, qua in re adeo gravi imbuendus sit animus sententia. Ex rationibus quas utrinque exposuimus, exploratum sit, versari ultro citroque illam posse sine spe certitudinis: tametsi reticendum non sit, ad partem utramque vocatam in præsidium fuisse nimiam subtilitatem. Ubi sensibilibus tantum de qualitatibus sermo esset, definiiri fortasse posset, a substantia illas non differre: motu enim particularum expediri videntur commode posse *color*, *sonus*, *asperitas*, *odor*, & *sapor*. Verum si ad proprietates alias disputatio veniat, inducenda sunt accidentia: ad molecularum enim motiones redigi a viro solerti non possunt *inertia*, *adversatio*, *gravitas*, & *vires* ad motum. Prætermisso propterea rationum naturalium examine

inve-

(1) Metaph. sect. 4. cap. 3. (2) Exercitat. de philosoph. pag. 53. 57. & seq.

(3) Philosoph. ent. sacr. (4) Lib. de qualitat. (5) Accident. prodig.

(6) Opposit. princ. Cartes. cum fide &c. (7) Collect. nonnull. script. curios. &c.

investigandum est quidpiam præstantius; videlicet an præcipiat Ecclesia ut credantur accidentia formæ esse absolutæ, & discrepare a substantia. Hanc putamus esse rei summam, quam qui teneat, tempus non arretet in re inutili.

## PARAGR. II.

*Probatur, a Fide non præcipi differre affectiones  
a corporum substantia.*

8. NON definit Ecclesia, inesse Eucharistiæ accidentia absoluta.

RAT. I. Quæ fides statuit, a Conciliis indicantur, & a Patribus. Nullum vero Conciliorum, vel Patrum testimonium suppetit, quo decernatur, Eucharistiæ affectiones esse accidentia. Concilium videlicet Tridentinum quæ in pane sacro sensibus occurrunt, nuncupat *species* (1); testaturque Pallavicinus (2), ab accidentium voce illud abstinuisse, ne animos obstringeret ad opinionem Peripatericorum. E. Patribus vero Cyrillus Hierosolymitanus *species* vocat (3), Augustinus *species*, & *formas* (4), *similitudines* Ambrosius (5), & Bernardus *apparentias* (6). Igitur non præcipitur ab Ecclesia accidentium absolutorum existentia.

9. RAT. II. Multa proponuntur a Fide; modus tamen quo obvenire, non determinatur ullatenus; nec animus adigitur ut credat, confecta ratione hac potius fuisse quam alia. Scriptura scilicet enarrat, rubrum conflagramente Moyse apparuisse (7); ignem, qui sanctum Spiritum referebat, descendisse ad Apostolos (8); & Christum locutum sub agricolæ forma cum Magdalena fuisse (9). Integrum tamen cuique est de portentis illis judicare, quid fuerint reapse; adeoque tribus phantasiæ pariter possunt quæ credenda statuuntur de affectionibus Eucharistiæ. Igitur fidem non evertit qui ambigit de accidentibus absolutis.

10. RAT. III. Sancit Ecclesia, veram in Eucharistia fieri conversionem. Ab illa nempe præsertim decernitur, panis substantiam funditus abire, & accedere substantiam corporis Christi; eaque de causa nuncupatur *transubstantiatio*. Ad rem tamen hanc nihil conferunt, quæ superint, accidentia; absque illis enim mutatio adhuc esset præstantior quavis alia, & absolutior. In iis videlicet quæ naturæ opera dissolvuntur, reliqua est materia; semen quippe verti in plantam non potest, nisi illius materia admitrat hujus texturam. Panis tamen conversio

---

(1) Sess. 13. can. 2. (2) Hist. Concil. Trident. lib. 12. cap. 1. (3) Catech. myst. 4. (4) De Trinit. lib. 3. (5) De Sacram. lib. 6. cap. 1.  
(6) Serm. de Discip. eunt. in Emmaus. (7) Exod. cap. 3. (8) Act. cap. 1.  
(9) Joann. cap. 20.



versio nullam perflare patitur materiam; quæ prius enim extabat, in nihilum divinitus redigitur, apponiturque alia, qua Christi corpus conficitur. Igitur accendenda Ecclesiæ dogmatibus non est accidentium opinio.

11. RAT. IV. Quæ Eucharistiæ insunt, imperat Fides adorari. Nihil tamen animadvertere in accidentibus panis ratio potest, cui cultus debeat peculiari; omnia enim naturalia sunt, nec capere premium valent a divinis. Proprietates scilicet corporis Christi, quæ cum natura humana, & Divinitate rem unicam efficiunt, humillimam reponunt hominum observantiam; aliter tamen sentiendum de panis affectionibus est, quæ videntur Christo esse prorsus extraneæ. Quod si reponas colendas eas esse, quia ex miraculo supersunt; respondere non detrectabimus, venerationem hoc pacto promereri a valetudine quam quis ex Dei ope subito recipiat. Igitur ad fidem non pertinet hypothesis accidentium.

12. RAT. V. Ecclesia nihil docet quod viris eterodoxis ansam præbeat cavillandi. Causam autem perpetuas ad contentiones suppeditaret, si aperte statueret affectionum absolutarum existentiam. Illorum nempe plerique sentiunt cum Atomistis, accidentia a substantia non discedere, comitari illam perpetuo, nec posse ullatenus seungi. In Eucharistia propterea si accidentia extarent ex Ecclesiæ lege, perflare dicerent ipsam quoque panis substantiam; pani videlicet Christum superstrui assererent, viamque pararent turpissimæ, ut Lutherani vocant, *impanationi*. Igitur collocanda inter ecclesiasticas non est accidentium præscriptio.

### PARAGR. III.

#### *Infirmatur adversa opinio.*

13. JACTITANT nonnulli, confirmata accidentia fuisse ab Ecclesia.

ARG. 1. Concilium Constantiense vera accidentia induxit ad Eucharistiam: propositionem scilicet Wicleffi, & Hussii proscripsit (1), affirmantium, panis & vini accidentia non superesse sine subiecto. Exploratum ideo fit, censuisse Concilium, remanere accidentia absque substantia, ut existentiam illorum suo calculo comprobaret. Igitur accidentium veritas firmatur Ecclesiæ auctoritate.

14. RESP. De accidentium indole definitum nihil fuisse a Concilio Constantiensi. Quo Wicleffianorum, & Hussitarum impudentiam comprimeret, legem quidem tulit de panis substantia; fatum tamen accidentium integrum dimisit, remisitque potius ad sepra Peripateticorum. Scilicet deprædicabant eterodoxi homines, panis substantiam in Eucha-

Tom. III. *Physicæ.*

K

rística

(1) Sess. 8. & 15.

ristia permanere, adjungi corpori Christi, nullamque propterea pati conversionem. Id ut ratum facerent, contendebant, accidentia esse non posse sine subiecto; annitebantur videlicet, panis affectiones modos esse qui funditus intercidunt, ubi separentur a substantia. Ne mendacium proveheretur impune, iussit Concilium, panis substantiam loco cedere, & advenire corpus Christi; de accidentibus vero rogamam ab eo sententiam non fuisse, intelligit qui primus admiserit Dialecticæ præceptiones. Propositio nempe Ecclesiæ hostium erat, *accidentia non persistere sine substantia*, & illi opposita, videlicet *accidentia non persistere cum substantia*, erat Concilii propositio; hæc autem verissima est, tamen si accidentia sint imagines phantasie. Addendum est, quod viri acutissimi non prætereunt, dubitari ea ætate non consuevisse de accidentium natura: Aristotelicorum enim dogmata cum obtinerent ubique, res erat in medio posita, absolutum quidpiam esse, & differre prius a substantia. Nullam propterea extitisse causam, seu rationem, dicunt, qua de accidentium ingenio canonem attexeret Concilium; eoque pacto constare putant, quæ definita docte, sapienterque fuisse, in solam spectasse panis substantiam. Scilicet extundi quidpiam hinc posse negant ad tuendam opinionem Atomistarum; asserunt tamen, vindicias a verbis Concilii parare sibi non posse nec Peripateticos. Igitur Ecclesiæ non dissentiant qui admittere renuunt formas absolutas.

15. ARG. II. Multa de Eucharistia tradidit Concilium Tridentinum, quæ veris dumtaxat accidentibus conveniunt. Ait enim (1), panis species, quæ post conversionem supersunt, dividi posse, sumi, assevari in loco sacro, & ubi postulet pietas, circumferri. Phantasticis autem imaginibus congruere hæc nequeunt ullatenus; præsertim quia affectiones quæ remanent, ante verba consecrantia non erant Atomistarum etiam iudicio idola imaginationis. Igitur fidem contemnit qui accidentia vocat in dubitationem.

16. RESP. Nihil proflare eo in Concilio quod aperte faveat accidentium functioni. Qui mentis acie non laborant, delecta pervident a Tridentinis Patribus accurate, & solerter verba fuisse, ne viderentur partem in alterutram ferre suffragium. Quæ sunt in Eucharistia, si dividantur, circumferantur, sumanturque, nihil conferunt ad hypotheses; ei namque vicissitudini accidentia non modo obnoxia esse possunt, verum etiam icones phantasie. Reponere scilicet Maignanus potest, deferri species, & in partes distribui; quia pro locorum, temporum, rerumque aliarum circumstantium varietate Deus sibi legem imposuit efficiendi in homine eas perceptiones. Inficiari quidem non posset, non fieri immutationes dum Christus concluditur theca argentea; ibi tamen extare determinationem diceret, cujus gratia, si educatur,

---

(1) Sess. 13. cap. 5. & 6.

eatur, pariat Deus iterum schemata; eoque pacto perseverare accidentia perpetuo in Eucharistia. Quod si permanere Concilium ea afferat quæ præcedebant conversioni, quorumque natura non erat phantastica; respondebitur, imagunculas perstare, minime vero causas illarum. Quavis nimirum in perceptione particulæ quæ a corporibus proveniunt, nervos percellunt, ut motione ad cerebrum delata coloris, vel saporis forma cudatur in phantasia. Quod lux, aliorumque generum moleculæ in capite hominis efficiebant, post panis interitum præstat rei virtus; cumque vis ictuum æqualis omnino sit, eandem, consequitur, non quidem causâ, sed re esse sensationes. Causæ nimirum diversæ sunt, quia distat Deus prorsus a materia; sed eadem cum sint immutationum leges, eadem dicuntur species superesse. Id non affirmamus, quod complectamur penitus sensu Maignani; perspectam tantum facimus animi sententiam, qua disputari de re hac posse credimus sine fidei discrimine. Igitur a fide non aberrant qui absoluta respuunt accidentia.

17. ARG. III. Fidei dogmata ab Accademiis exponuntur, a Jure canonico, & a Catechesibus Ecclesiæ. Horum autem testimonia, quæ toto ferme terrarum orbe distribuuntur, perspicue, & luculenter confirmant accidentium existentiam. Parisiensis enim Accademia propositionem improbavit (1) quæ accidentia eliminabat ab Eucharistia; idemque judicium tulit Lovaniensis (2). Canones præterea complures, ipsæque ecclesiasticæ, quibus pueri instituuntur, præscriptiones eucharisticas qualitates nuncupant accidentia. Igitur qui ex verbis mentem Ecclesiæ judicat, repudiare non potest formas absolutas.

18. RESP. Ab Accademiis non statui, sed explicari dogmata Fidei. Compertum est, pollicitem illis Christum non fuisse asphaliæ: quæ nempe sanciant, licet auctoritatem levem non afferant, destituuntur tamen firma certitudine. Parisiensis nimirum Cœtus, & Lovaniensis Theologis quidem summis gloriabantur, & ad gravissima quæque comparatis; scitis tamen Peripateticorum cum adhærescerent, ambigendum erat, an rite proscripserint opinionem accidentibus adversam. Eorum sane judicium in suspensionem adducitur a nostrorum temporum Theologis, quibus Accademiæ illæ coalescunt, & aliæ æque præclaræ: sine ullo enim veritatis detrimento collocari panis affectiones posse in phantasia docent, aut in re alia minime absoluta. Quod si afferatur, eos huc non devenisse, negari saltem non poterit, disputationem ab illis perinde versari, ac si ad fidem non pertineat; nihil enim ratum, & constans insonuisse ab Ecclesia ajunt, cui officiat discrepantia sententiarum. A Jure vero, & a Catechesibus, quæ accidentia ad Eucharistiam sæpe numero memorant, expectabitur parum prædicii, si animad.

K. 2.

mad.

madversatur, quæ voci huic vis subit, atque potestas. *Accidentium* namque dictio rem sonat quæ substantiæ accedit, receditque sine interitu illius; hoc autem formis absolutis peculiare non est, sed aliis convenire æque potest hypothesebus Atomistarum. Nec quidpiam præterea puerorum poscitur, hominumque agrestium institutioni: modo enim sciant, superesse in Eucharistia aliquid a Christi substantia penitus diversum, sunt orthodoxi. Igitur fidem non labefactat qui existere negat absolutas qualitates.

19. ARG. IV. Edicit Fides, a Deo neminem falli. Deciperentur vero ab illo homines, si quæ in Eucharistia sunt, umbræ essent, & apparentiæ. Testatur nimirum Deus, colorem panis perslare, saporem, & figuram; ubi autem putarentur existere quæ non extarent reapse, fictitius sapor esset, & forma imaginaria. Propterea Deus imitaretur phantasmata pro re solida exhibentem; quippe ut infusatur ille mendacii, ita falsitatis declinare Deus non posset eriminationem. Igitur ad Fidem vere pertinent accidentia.

20. RESP. Mendacem Deum non esse, si quæ loquitur, expenduntur accurate. Non proficitur enim, superesse post panis conversionem res absolutas; sed affectiones permanere ait, quæ comitabantur panis substantiam; hanc vero penitus auferri. Reponunt autem Atomistæ, perseverare quidem illas, tamen causam aliam admittant; coloris namque sensatio, quæ a luce excitabatur, producit eadem a Deo; nec aliter disputant de aliis. Insignem propterea esse sustinent Dei a circulatorum spectra, & simulacra conficiente dissimilitudinem; hic enim res solidas pollicetur, intercadum vacuas exhibet, positæque in sola sensuum deceptione. Deum videlicet, observant, data opera, & ex instituto proposuisse nihil quod in sententiam peculiarem animos conjiceret; lis ideo inter Philosophos suborta sistenda ibi, nec traducenda inepte erat ad Theologiam. Ea de causa adhibitas ab Ecclesia promiscue fuisse afferunt *specierum* voces, & *accidentium*, ne scholarum subtilitatibus mens christiana distineretur, sed necessarias tantum versaret fidei præceptiones. Igitur integrum, cuique est differere de accidentium natura.

21. ARG. V. Jubet Fides, sacramentum Eucharistiæ esse rem sensibilem. Sensibile autem non esset, si panis affectiones, quarum causa potissimum sensibus subjicitur, essent imaginationes. Forma nempe sensibilis quidpiam complectitur quod percillit, & vellicat ipsum sensum; ablata enim hac potestate eodem redit sensibile cum ideali, & ad sacramentum non pertinet. Porro panis affectiones, si perceptiones essent, nihil afferrent quod aggrer in sensus; degerent enim tantum in phantasia, quæ a re externa motionem nullam acciperet. Igitur accidentia sunt consona Fidei.

22. RESP. Negari a nemine posse, sacramentum esse sensibile. Inficiandum tamen non est, sensibiles esse panis proprietates, quod  
sunt.

sint immutationes phantasiæ. Quo nimirum sensibus obnoxia sit quæpiam substantia, necesse est ea præsentē sensus convelli; ex causâ naturali illud fiat, sive ex alia fiat supra naturam constituta. Exploratum hinc sit, sensibilem reapse esse Eucharistiam; licet enim a luce cerebrum non concutiat, a Deo tamen contingitur ad Christi præsentiam, ut albedinem percipiat. De soliditate idem sentias, de sapore, & de attributis aliis, quæ dicuntur persisterē; pensantur enim naturales causæ, & suppleantur a Deo, ut sensaciones omnino eadem inde proveniant. Verum si quæ de imaginatione Maignanus conatur, parum arideant, via patet ad Cartesium, & ad alios. Fides quippe cum non labore, liberum cuique est adoptare opiniones alias, aliaque ratione sensibus panem sacrum subicere. Eam sane ceteris opportuniorem esse ducit Fortunatus (1), quem Gussio non audito (2), ad rem hanc commendarem maxime, nisi prolixitas, qua utitur, prohiberet, & libido minuziora quæque persequendi. Igitur satis habet qui accidentia non recentiori noverit inter fidei iussiones.

## C A P U T II.

### *De corporum extensione.*

1. PAUCÆ omnino res sunt quarum proprietates accipi possint pro essentia. Natura licet multa oculis surripiat, indicat tamen plerumque, alteri quid adhæreat, & proprietas sit, quidve illud sustineat, & sit essentia. De corporis tamen essentia dubitatum perpetuo fuit vel ab acutioribus; quæ enim illud exornant, complicantur adeo ut lateat quid inter ea sit præcipuum. Nodum hunc soluturi disputationem partimur in tria membra. Primum Philosophorum afferunt opiniones de corporum essentia; decernit secundum, corporum essentiam esse extensionem; tertium evertit oppositas rationes.

#### PARAGR. I.

### *Philosophorum opiniones afferuntur de corporum essentia.*

2. SINGULIS corporibus insunt modi complures. Qui universa perpetuo afficiunt, *proprietates* dicuntur; qui vero nonnullis tantum ad-

sunt.

(1) De qualitat. corpor. sensibilib. (2) Confut. Theol. Philos. neoter. par. 2. c. 6.

sunt, & non perpetuo, appellantur *qualitates*. Proprietatibus accensentur *extensio*, *impenetrabilitas*, *mobilitas*, *inertia*, *divisibilitas*, & alia quæ corporibus adimi non possunt a causa naturali. Adjudicantur vero qualitibus *fluiditas*, *opacitas*, *color*, *asperitas*, *sapor*, *sonus*, *calor*, & alia quæ corporibus defunt, aut auferri queunt naturaliter. In qualitibus annis nemo fuit essentiam corporum collocare; hæc enim firma omnino cum sit, res fluxas non patitur, & obnoxias interitui. Disputatum potius fuit de aliqua proprietatum.

3. Ut a veteribus exordiamur, essentiam corporum statuiffe in *divisibilitate* creditur Aristoteles. Affirmavit scilicet (1), corpus omni ex parte esse divisibile, & differre propterea a linea, & a superficie; quarum illa secari ad longitudinem tantum potest, hæc vero ad longitudinem, & ad latitudinem. Pacius, cui nullum Aristotelis scitum invisum unquam fuit, commendat eam opinionem (2); nec diffitetur, anteferendam aliis esse quas in corpora tulit Gassendus, & Cartesius. Suspiciamus tamen ne præcipuam corporum proprietatem eo in loco Aristoteles potius definierit quam essentiam: voces namque accipites adhibuit, & obscuras.

4. Corporum essentiam Gassendus dedit *impenetrabilitati* (3). Affectionis hujusce gratia partes corporum extra alias sunt, ut a loco sese invicem exturbent, & esse nequeant intra alias. Eam propterea resistendi vim nuncupavit Gassendus soliditatem; quæ tamen fluiditati non opponitur, sed rei alteri, quam quis diceret *penetrationem*. Corporum autem essentiam in illa posuit, ut differrent ab inani, seu spatio, quod una cum atomis rerum omnium existimabat esse principium. Cum spatium videlicet extensum esset, penetrarique illud posse crederet, hinc atomorum essentiam largitus extensioni non fuit, sed soliditati. In idem aliter recidisset corpus, & spatium.

5. Essentiam corporum sitam in *extensione*, hoc est in ipsis partibus, esse docuit Cartesius (4). Ante ipsum Pythagoras, & Epicurus indicaverant, testimonio Laertii (5), in triplici dimensione illam reperiri, longitudine nempe, latitudine, & profunditate. Cum rem apertius Cartesius enuntiaverit, & vindicaverit ab hostium impetu, nemo propterea ambigit debere illi laudem hujusce opinionis. Scholastici tamen, qui non consentiebant omnino, extensionem duplicem invexere; harum aliam *formalem* dicebant, aliam *virtualem* (6). Priorem in partibus ponebant, quæ referuntur ad locum; partibus vero, quæ ad se tantum diriguntur, consignabant posteriorem. Illa, quam *ordinem* vocabant partium ad locum, effici putabant ut pars corporis. quæque in aliqua

(1) De cæl. lib. 1. cap. 1. (2) Physic. Aristot. par. 1. tract. 2. cap. 1.

(3) Physic. sect. 1. lib. 3. cap. 6. (4) Princip. par. 2. num. 4. & 11.

(5) Lib. 7. seq. 135. (6) Ap. Ferrarium Philof. Peripatet. volum. 2. disput. 3. quæst. 1.

aliqua loci parte esset, & totum corpus in loco toto; hæc vero, quam appellabant *ordinem* partium ad se, fieri aiebant ut corpus totum toto in loco esset, totumque in quavis illius parte. Corporum autem essentia destinarunt extensionem virtualem (1).

6. Corporum essentiam rebus pluribus adscripsere Leibnitiani. Essentia nimirum omnis materia constat, & forma. Wolfius autem materiam *extensionem* & *vim inertie* esse dixit (2), sed de forma præcepit obfcurare. Verum loquuta disertius fuit Duchastelletia (3); affirmavit enim, essentiam corporum *extensionem* esse, *vim inertie*, & *vim activam*. Quid extensio, & vis activa sit, compertius est quam prolixiori egeat explanatione; vis vero inertie resistentiam significat, & perpetuam certi status conservationem. Incertum omnino est an hypothesim hanc a Leibnitio acceperint Leibnitiani; licet enim extensionem, & vires in corporibus ille admiserit, ambigi potest, an spectare crediderit ad essentiam. Confundi nempe essentia assolet cum proprietate.

7. In facultate demum, qua petunt esse impenetrabilia, essentiam corporum invenit Fortunatus (4). Eam nuncupavit *exigentiam* occupandi locum sine penetratione; putavitque primam in corporibus esse, originemque facere affectionibus universis. Delapsus vero hanc in sententiam fuit animo satis ancipiti, & impedito; Peripateticis enim, quos olim adamaverat, & oderat deinde, assentiri cum nollet, rem adstruxit Peripatetica quavis deformiore. Sed explorandum est, quis Philosophorum attigerit veritatem.

## PARAGR. II.

*Decernitur, corporum essentiam esse extensionem.*

8. NIHIL præter extensionem est corporum essentia.

RAT. I. Rei cuiuspiam essentia est, qua percepta intelligitur res ipsa. Ex triplici autem dimensione assequimur mente corpus, ut cetera quæ insunt illi, penitus superfluant. Corpori videlicet *color*; *durities*, *gravitas*, & alia si desint, cogitare adhuc possumus de illo; sublata vero dimensionum aliqua, dilabitur funditus, ut omnem eludat perceptionem. Profunditatem enim ubi auferas, remanet superficies, quæ differt a corpore; superficiæ vero latitudinem ubi eripias, superest longitudo, seu linea, quæ a corpore est discrepantior. Igitur triplex dimensio est corporum essentia.

9. RAT. II. Extensio quam *virtualem* nominant, inepta est constituendæ corporum essentia. Eam videlicet in partium ad semetipsas ordine statuunt, non in ordine ad locum; hæc tamen partium distributio,

(1) Ibid. quæst. 1. & 2. (2) Cosmolog. num. 141. (3) Institut. physie. n. 147. (4) Philos. sens. mechan. vol. 1. dissert. 1. sect. 2.

tio, quæ a *formali* extensione differat, commentum est deceptæ imaginationis. Verus nempe locus superficies corporis aliud ambientis non est, sed distantia potius est a punctis mundi immobilibus; fieri namque potest ut corpus, a quo aliud circumscribitur, removeatur, ipsum vero subsideat loco suo. Absolum autem est servare partes inter se ordinem & positionem, quin diversas a mundi punctis habeant distantias; quæ enim dextrorsum jacent, plagam orientalem spectant, & quæ sinistrorsum, occidentalem. Nec verum diceretur, si reponeretur, corpus totum in quavis loci parte esse posse, seu quavis in distantia; quia partibus, quæ ordine sibi invicem succedunt, & propterea sunt extensæ, distantiam unicam respondere, est antilogia. Igitur ad corporum essentiam inducenda tantum est triplex dimensio.

10. RAT. III. Ab extensione non differt *impenetrabilitas*. Ea videlicet penetrationem nesciunt quorum partes invicem diversæ sunt, ut alia intra aliam esse non possit, sed expellat illam a loco. Porro partes gestare extra partes, munus est extensionis; constari enim nonnisi partibus, seu elementis potest, quorum aliud extra aliud sit, hæreasque illi vi non mechanica. Exploratum propterea fit, extensum, & impenetrabile rem unicam esse, & discriminari vocibus tantum, quas nonnulli invexere idearum inopia perspicuarum. Igitur qui penetrationis odium ad corporum essentiam inducunt, consentiunt in extensionem.

11. RAT. IV. Corporum essentiam sibi non vendicat *exigentia impenetrabilitatis*. *Exigentia* enim omnis, *jus*, & *appetitio* eodem redit ac potentia; substantiarum vero essentia sitæ in potentiis non sunt, sed in substantiis. Aptitudo nimirum corporis ad evitandam penetrationem, cum accidens sit, cuius inest substantiæ; sed quum substantiam dicunt, indicant essentiam; hæc propterea omni præit aptitudini. Reponunt quidem, ignis essentiam in calore non extare, sed in potestate ad calefaciendum, & ratiocinium essentiam hominis non esse, sed potentiam ad ratiocinandum; indeque rem conficiunt. Negandum tamen est, ignis, hominisque essentias in potentiis existere; motus enim, qui ad calorem potentia est, non est ignis essentia, nec essentia hominis est, intellectus, sed proprietas; quia contingens esse non potest essentia substantiarum. Igitur essentiam suam inveniunt corpora tantum in extensione.

12. RAT. V. Cetera, quibus essentia corporum traditur, imparia sunt penitus ad illam. *Divisibilitas* enim partes sibi supponit, quæ positæ sint extra alias; essentia tamen omnino prima est, ut affectiones aliæ profluere dicantur ab illa. Exploratum deinde non est adesse corporibus *vim inertie*; de ipsa propterea multi cum ambigant, essentiam illorum statuere periclitantur in re vacua. *Vis* activa denique modus est, non substantia; corpora proinde substantias esse nisi neges, alia erit eorum essentia. Igitur ad corporum essentiam in promtu est dumtaxat extensio.



## PARAGR. III.

*Evertuntur oppositæ rationes.*

13. PAUCI & imperiti non sunt qui essentiz jura adimunt extensioni.

ARG. 1. Corporum essentia degit in extensione, quia rem ita effe-  
mens judicat. Scilicet illud definitur, quia separari a corpore extensio  
non posse creditur instar proprietatum; sed rerum essentiz ab ideis  
non pendent, quæ falsæ plerumque sunt, vel obscuræ. Ad judicium ri-  
te ferendum compertæ esse deberent universæ corporum affectiones; ha-  
rum tamen complures delitescunt, quia *adstrationem*, & alias quas re-  
teximus, ignorabant veteres, ignoramusque ipsi quas nepotes erunt  
resecturi. Scilicet quæ sensibus incurrunt, aperiuntque corporum pro-  
prietates, ab eorum superficie proveniunt; quæ autem interius extant,  
aeceduntque centro penitiori, manuum, oculorumque aciem effugiunt.  
Quod si ita esset omnes pervadere, nesciretur adhuc, quam haberent  
ad essentiam rationem; lateret enim, an communes corporibus essent,  
vel cuipiam peculiares. Et quidem *gravitatem*, quam universis ipsi  
tribuimus, dabant veteres alteri tantum generi illorum; quia alia ab-  
solute gravia esse distabant, & alia levia. Igitur extensio, cum ob-  
scure percipiatur, dici non potest corporum essentia.

14. RESP. Ansam hoc pacto eripi omni disputationi. De corporum  
essentia quum proponitur, sentiendum quid sit, eliminandæ non sunt  
humanæ ideæ; his enim rejectis via omnis ad judicandum præcluditur,  
nisi cogitare hominem velint sine cogitatione. Repurgandæ quidem ideæ  
ab iis sunt, quæ depravare sensuum officia solent, hallucinationibus; si  
tamen respuat omnino Musschenbroekius, cui evasio illa potissimum de-  
betur (1), sapientiam quærere dicendus erit extra rationem. Citra du-  
bitationem est, nonnullas corporum affectiones eclatas a natura olim  
fuisse, & fortasse reticere alias; quæ tamen prostant, ostendunt aperte,  
essentiz palmam tribuendam esse extensioni. Falsum videlicet est, ac-  
cipi illas a corporum dumtaxat superficie, cujus moleculæ sensus affi-  
ciant; aurum enim, & alia, si medullitis recludantur, *extensionem*,  
*duritiem*, & *gravitatem* exhibebunt, quæ inerant superficiæ. Ubi pro-  
perea animadvertat mens, abeuntibus ceteris corpus superesse, dilabi  
autem, si desit extensio; doctæ & rite pronuntiat, donandam huic esse,  
quæ numquam interit, corporum essentiam. Si procurrente tempore  
qualitates aliæ patefiant, conferendæ sedulo erunt cum extensione; fir-  
mitatem enim ea majorem ubi præferant, quod putamus ægre fore

Tom. III. Physicæ.

L

even-

(1) Specim. phys. num. 16.

eventurum, essentiaē munus illis adjudicabimus. Formidandum nec est, fecerni communes non posse a peculiaribus; tam namque observationum diligenter, & crebro institutarum vim collegimus, ut judiciis subesse error non possit, vel perturbatio. Experimentorum inopia *gravitatem* plerisque corporibus veteres dedere, & ademere aliis; accuratore tamen examine comperimus, inesse illam omnibus, ut nullum reapse sit leve: idemque de proprietatibus aliis expectandum ab usu est, atque experientia. Igitur quoad nova emergant, neganda corporum essentia non est extensioni.

15. ARG. II. Ubi consulenda ratio sit, reperiri corporum essentia non potest in extensione. Universa scilicet principia, quæ præsidio esse possunt ad recte differendum, sitam illam esse edocent in *extensione*, *vi inertiae*, & *vi activa*. Quovis enim in corpore tria suppetunt, mutationum videlicet indefinitarum possibilitas, possibilitas definitarum, & harum existentia. Mutationum quæ indefinitæ sunt, possibilitas rationem habet in *extensione*; hæc enim cum partes habeat ad situm omnem aequè proclives, viam sternit omni mutationi. Possibilitas mutationum definitarum invenit sui rationem in *vi inertiae*; quæ cum diversimode resistat, efficit ut hæc advenire potius mutationes possint quam alia. Mutationum denique harum existentia rationem reperit in *vi activa*; mutatio enim omnis, hoc est particularum translatio, sit ipsomet motu, qui a vi tantum progreditur. Eaque de causa componi corpus recte dicitur materia & forma. Materia namque, cum rationem contineat possibilitatis indefinitarum, definitarumque mutationum, est *extensio*, & *vis inertiae*; forma vero, quæ rationem complectitur existentiaē mutationum determinatarum, est *vis activa*. Igitur repetenda corporum essentia non est dumtaxat ab extensione.

16. RESP. Reponi nihil posse, si species potius conquireretur, quam soliditas ratiociniorum. Qui Leibnitianorum Dialecticem in deliciis habeat, devinciri fortasse poterit elaborato illo nexu propositionum, evadet tamen insidias qui accuratis meditationibus assueverit, artemque diffociare noverit a natura. Non inficiamur, mutationibus corpus subesse, & constitui illud forma, & materia; admiramur tamen erogandam propterea esse illius essentiam *extensioni*, *vi inertiae*, & *vi activæ*. Quæ de mutationum possibilitate, & existentia memorantur, sunt nimium quæsitæ; non alia enim de causa videntur huc inducitur quam ut sucum faciant, thalamumque parent hypothesi singulari. Ne de possibilitate verba speciatim fiant, eoque pacto inutili deserviat proluxurati, ostendere tantum erit, afferri a Leibnitianis nihil quod proficiat ad corporum essentiam. *Extensionem* videlicet in portionem essentiaē advocant, quia suscipere potest mutationes; verum dum hæc fantur, oscitant omnino, quia se nescire indicant, priorem esse essentiam potentia. Ignorant scilicet essentiarum substantialium genus a genere discrepare actionum, & potentialium; mutationesque propterea, quæ eodem redeunt

reducunt ac actiones, conferre parum nesciunt corporum essentia. *Vim* deinde *inertiae* comminiscuntur, quam in tuto adhuc non posuere a motionibus hostium innumerorum; eam tamen neglexissent, si concertationem hanc, animadvertissent, in proprietates corporum spectare exploratas, & indubias. Quod si posita extra dubitationem esset, ad rem adhuc non faceret omnino; vis enim quæquæ inter substantias non sederet, sed inter modos, qui ineptissimi sunt ad essentiam substantiarum. *Vim* denique *activam* nominant, quia inducit reapse mutationes; pauci tamen illis consentient, minusque aliis Cartesiani, qui motum omnem repetunt a solo Deo. Nolumus adjicere, hanc pariter, quæ cum grege accidentium incederet, imparem esse corporum essentia; Leibnitianos enim adeo hebetes esse non credimus ut quæ compertissima sunt, velint centies inculcari. Aliorum ideo, quos tanti non facimus, summam dicimus esse dementiam; qui neglectis, quæ in medio sunt, corporum affectionibus, excogitant dubias, obscuras, & quod præcipuum est, rei propositæ minus consentaneas. Igitur ad corporum essentiam sola prodest extensio.

17. ARG. III. Egredi ab essentia debent omnia attributa. In extensione tamen rationem, qua progrediantur corporum affectiones, non invenimus. Partium videlicet distributio causam non complectitur *inertia*, *gravitatis*, *mobilitatis*, formarumque ceterarum quæ insunt corporibus. Extensa enim esse hæc possent, quin aliorum ictibus obstitere, peterent telluris centrum, & ad motum essent proclivia. Igitur querenda corporum essentia non est in extensione.

18. RESP. Congrediendum hic esse cum Leibnitio, & Muschenbroekio. Ipse quidem Leibnitius se, quum junior esset, corporum naturam affirmat (1) posuisse cum Cartesio in extensione; descendisse vero in opinionem aliam, quod proficisci ab illa intelligeret non posse corporum motiones. Muschenbroekius autem licet quæ corporum essentia sit, profiteatur palam (2) ignorare, statuit tamen, nullam proprietatem corporis cognitionem cum extensione esse, & necessitudinem. Ut exceptioni huic satisfaciant, qui paullo audaciores sunt, a corporum essentia ajunt facultates veras profluere, minime vero alias ad arbitrium confectas, politasque in voce sola proprietatum. Afferunt enim, corporum *inertiam* nihil esse, *gravitatem* progredi ab impulsu extrinsecus adveniente, & *mobilitatem* negationem repugnantia tantum esse ad motum. Ne tamen viris summis, quos latuisse hæc putarentur, simus injurii, viam aliam ingredimur, dicimusque, affectionum corporearum alias ab essentia provenire, & alias a Deo. Opinamur videlicet, *divisibilitatem*, *mensurabilitatem*, *texturam*, & fortasse alias *dimanare* a corporum essentia, nempe extensione; quod enim extensum

L. 2.

est, ra-

(1) Ap. Ast. erudit. Lips. ann. 1695. specim. dynam. (2) Specim. phys. num. 16.

est, rationem continet divisionis, mensuræ, partiumque conformationis. *Inertiam* vero, *gravitatem*, *mobilitatem*, & alias proficisci credimus a Deo; in finibus nimirum quos ad orbis incolumitatem Deus sibi proposuit, ratio extat illarum. Veritati esse consentaneum hœ proprietatum discrimen, comperiet qui a corpore noverit auferri priores non posse, quin illud dispereat, adimi autem posse sine corporis noxa posteriores. Igitur tametsi ab extensione affectiones omnes non prosuuant, esse illa potest corporum essentia.

19. ARG. IV. Corporum essentia in viribus collocanda non esset, quia spectant illæ ad accidentia. Negari tamen non potest, accidens esse ipsam quoque extensionem; modus enim est, nec novum est accenseri modos accidentibus. Extensio nimirum nihil est præter substantiarum simplicium unionem; nexus autem omnis est modus, quo partes, quæ secretæ erant, colligantur, & coeunt in rem unicam. Tale quidpiam habes in textura quæ originem facit variis corporum generibus; modus enim est quo corpuscula certi ordinis aliis agglutinantur ratione peculiari. Igitur alia ab extensione est corporum essentia.

20. RESP. Extensionem modum esse, sed *substantialem*. Appellari hoc pacto eam volumus, quia reapse conficit substantiam; ipsa enim iuxta causâ potissimum est qua corpus a semetipso extet, fulciasque proprietates. Rem ita se habere, innotescit a discrimine quod extensionem inter extare diximus, & vires tum inertes, cum activas, ceterasque facultates, quæ pariter sunt modi. Proprietates nimirum hæc dubiæ sunt, in actiones collineant, quæ ab essentiarum ingenio penitus distant, & ubi corpori eripiantur, secum non afferunt illius dissolutionem. Verum triplex dimensio certa est, ut adduci in suspensionem non possit, ad agendum non dirigitur, & separari a corpore nequit, nisi dispareat illud omnia. Culpandi propterea non sunt qui ad essentiam munus illam evehunt; ad corporum enim naturam nihil eorum quæ in conspectum veniunt, conducit velut extensio. Nec si rei confirmationem postulent, deesse existimamus in peculiari ipsa, quam memorant, corporum textura; quippe uti corpusculorum invicem coeuntium prælidio argenti essentiam differre ajunt ab auro, ita corpus a spiritu discrepare *substantialiter* jubet nexus elementorum. Igitur reticendum, vel tribuenda essentia corporum est extensioni.

21. ARG. V. Existere res nulla potest sine sua essentia. Corpus tamen aliquod extat sine extensione; quod naturæ opera fieri posse non dicimus, sed Dei. Christi videlicet corpus degit reapse in Eucharistia; Concilium enim Tridentinum Christum integrum esse ait (1) sub speciebus panis, vini. Existimandum tamen non est, donari illud triplici dimensione; quia ridiculum esset corpus procerum, quale in cælo Chri-

(1) Sess. 13. cap. 3.

Christus obinet, coextendi posse minimè etiam particula. Igitur verari corporum essentia nequit in extensione.

22. RESP. Ad veritatem illustrandam prodesse parum rem obscurissimam. Tantum abest peti a Christi corpore rationes posse ad eruendam corporum essentiam, ut affirmaverit Ecclesia (1), verba ad arcanum illud referendum idonea præsto non esse, nec ideas, sed fidem solam suppeterè. Ipsi præsertim Peripatetici, qui hypothefim suam inde protegent, experientur, si accurate cogitent, nodi asperitatem; pervidebunt enim, extensionem *virtualem* parum convenire integro corpori, quod fert Christus in Eucharistia. Deprehendent sane capiti pectus, pectori ventrem, ventri non posse pedes succedere, quin *formalem* corpus habeat extensionem; & quæ de loco memorant, eo tantum intendi, ut disputare obstinacius pergant, imponantque facilius aliorum credulitati. Animadverti nimirum volumus, parem ad hypothefes omnes offerri a Christi corpore difficultatem; nec peculiarem pugnam indici triplici dimensioni. Id, ut luculentius evadat, afferri in medium possent nonnullæ Cartesianorum, aliorumque evasiones; affirmant enim fieri a Deo posse impossibilia, vel corporis partes penetrari, vel illas esse insensibiles. Ab enodationum harum aliqua non ambigimus ostendi rei possibilitatem; cum satisfaciendum tamen iis sit qui ansam ad cavillandum querunt, suppeditandæ aliæ sunt æquiores fortasse, & paratiores. Scilicet qui cum Malpighio, Vallisnerio, & aliis corporum involucria admittunt, Christum sub panis orbiculo extare totum facile posse tenent cum triplici, quæ illi debetur, dimensione. Involucrum enim absolutam, perfectamque partium omnium distributionem completitur, & exiguitate sua par esse creditur ad occupandas, replendæque particulas vel exiliores. Si hæc non placeant, respondent alii, elementa quibus Christi corpus compingitur, fieri invicem proximiora; remque a plumbo, vel ab auro confirmant, quæ æquali sub volumine compactiora sunt ebore & ligno. Illud propterea servato membrorum ordine contractus cum evadat, figi posse sanciant loco cuique, ut si ex specierum divisione minor hic fiat, major obveniat elementorum, seu principiorum componentium approximatior. Alii, impervia ubi hæc sint, statuunt, ad Christi corpus nihil desiderari præter animam, Divinitatem, nonnullasque materiæ partes; ex his namque nihil prodire posse sentiunt nisi Christum. Materia idcirco corporis cum parva omnino sit, locari potest ubique; & quidem observant, molecularum quæ adulto corpori insunt, nullam adfuisse tempore efformationis. Utilia esse hæc arbitramur ad explicandam Christi corporis extensionem; in ea tamen pronis adeo animis non ferimur, ut reamur esse demonstrationes. Quod si rationum numero quis nec accenseat, non redarguimus ullatenus; hortamur tantum

(1) Sess. 3. cap. 1.

tum ut, hisce a disputationibus absteat, nec cum fidei discrimine exploret corporum essentiam. Auctores scilicet ei sumus, ut si Ecclesiæ præceptiones conciliare cum extensione nesciat, abigat hanc potius, & quidquid libuerit, definiat. Igitur recte pronuntiat qui corporum essentiam adjudicat extensioni.

23. Alia, in promptu, essent, quæ a spatio petuntur, argumenta. Affirmatur enim, corpora, si extensa necessario essent, confundi cum spatio, extensione quippe potiri hoc quoque cernitur, & admittitur, illorum instar, mensuram. Omnia, tamen, missa facimus; alibi namque demonstravimus, nullum extare spatium, & extensionem a corpore diversam, esse ludum corruptæ Philosophiæ. Has, aliasque adversus extensionem subtilitates, qui anxie quærat, Ferrarium, adeat aucupem, muscarum (1).

### C A P U T III.

#### *De corporum divisibilitate.*

1. **C**ORPORUM *divisibilitas*, si quæ res alia, evidenter ostenditur humanæ mentis infirmitatem. Elaborari utrinque assolent demonstrationes a Geometria petitæ, quibus æque conficitur, finitam illam esse, & infinitam. Capiunt inde Sceptici argumentum, quo certitudinem omnem eripiant; falli tamen intelligent, ubi resciant, infuscarî mentem, quod in omnibus non evenit, a præjudiciis phantasiæ. Exploratum id, ut fiat, disputationem complectimur partibus quatuor. Prima, rationem exponit, qua attexitur res continua; probat secunda, infinitam non esse corporum divisibilitatem; tertia diluit opposita argumenta; describit quarta exiguitatem particularum.

#### PARAGR. I.

#### *Describitur ratio qua attexitur res continua.*

2. **D**IVIDI corpus, non potest, nisi sit extensum. Eodem autem redit extensio, & *continuitas*; ubi propterea lateat, quo pacto continuum sit, ignoratur etiam, quam subeat corpus divisionem. *Continua* itaque sunt quorum partes proximæ quopiam devinciuntur nexu; lamina idcirco continua est, cubus, & alia, quorum moleculæ colligantur in corpus unicum. *Contigua* vero sunt quorum proximæ partes non copu-

(1) Philos. Peripat. vol. 2. disp. 3. quest. 1. & 2.

copulantur nexu ullo; hujusque generis conus tabulæ impositus est, & manus calamo admota; quæ corpora sunt invicem sejuncta. Grandioribus de corporibus dubitatum minime fuit, quæ ratione essent continua; longitudinem enim, & profunditatem decem, vel centum pedum cum obtineant, proclive erat compingi illa partibus una agglutinatis. Ad corpuscula potius quæ sunt omnino prima, quibusque alia contextuntur, redigebatur omnis disputatio; constari enim ea punctis aliqui existimabant, partibus alii, & alii partibus, & punctis. Expendenda igitur triplex opinio est singillatim.

3. *Primo* judicant multi, coalescere ex punctis continuum. Inextensa licet esse omnes velint, discrepant tamen in explananda illorum compage, ut præcipuè inter ceteras hypotheses tres sint, Zenonis nimirum, Wolfii, & Boscovichii. Opinantur Zeno, & Stoici (1), puncta tum partibus destitui, tum alia quavis affectione; cumque per similia sint, rem continuam efficiunt solo contactu. Wolfius vero post Leibnitium ait (2), corporum elementa, seu puncta, viribus donari ad coeundum accommodatis; & cum sint dissimilia, alterum extra alterum est, ut se contingant, eoque pacto substantiam pariant continuam. Putat denique Boscovichius (3), puncta viribus instrui, quibus aliud alteri accedit, ut extrinsecum continuum; illarum tamen gratia se non contingunt, sed quodpiam per intervallum sunt invicem disjuncta; idque luculentius explicat Benvenutus (4). De punctis, quæ inextensa sunt, & indivisibilia, docte disputarunt Svedenborgius (5) Monantholius (6), & Mullerus (7).

4. Ad evincendam punctorum quæ mathematica nuncupantur, existentiam quinque adhibent rationes. *Prima* est, puncta quæ extensione careant, innotescere ipsis ferme sensibus; vertex enim coni planam superficiem, cui imponitur, tangit in puncto. *Secunda* est, ab unitatibus, quæ divisioni non subsunt, quantitatem discretam confici, seu multitudinem; eademque propterea de causa prodire continua quantitas poterit a punctis quæ divisionem nesciant. *Tertia* est, ingentem cuborum exiguorum, & se invicem contingentium, numerum penetrari momento posse, ut redigantur singuli in sua centra; puncta autem illa, si vi aliqua colligentur, licet distent, exhibebunt substantiam extensam. *Quarta* est, in corpore quovis, tamen si conspicui non sint, extare poros innumeros; haud aliter distare in corpusculis primis puncta invicem poterunt, quin interrumpatur continuas. *Quinta* est, punctis auferri infinitam, quæ respuenda omnino est, corporum divisibilitatem; ubi enim certus illorum numerus sit, divisio quæque termino potitur, nec

(1) Ap. Stanslejum vol. 2. de doctr. Stoic. par. 3. cap. 2. (2) Cosmol. num. 220. 221. 222. & seq. (3) Dissert. de lumine edit. ann. 1748. (4) Synops. phys. general. edit. ann. 1754. (5) Princ. rer. natural. (6) De punct. geometr. (7) De corpor. composit.

nec abire potest ad infinita . Hæc autem ratio ceteris validior est , & urgentior .

5. Memorari tamen adversus puncta possunt septem argumenta . *Primum* , & præcipuum est , ad continui efformationem postulari ut clementum quodque sit extra alia ; verum cum puncta se contingant , alterum oportet sit intra alterum , & constare nequeant extensionem . Confirmatur vero cuborum duorum exemplo , qui subeant penetrationem ; eorum enim partes , cum se omnes tangerent , volumen non adauget cubi unius . *Secundum* est , inutiles esse facies , quas unico puncto tribuunt , tangique jubent a punctis aliis ; ubi namque adpectus plures illud admittat , inextensum non erit , declinare nec poterit divisionem . *Tertium* est , vim coexistendi , quæ punctis inesset , imparem esse ad extensionem ; quippe apud Americanos alterum , & alterum extare apud Aphros eodem tempore potest , quin corpus attexerent . *Quartum* est , continuitatem apparentem esse , & corporum existentiam esse imaginariam ; puncta enim , si , ut volunt alii , distarent invicem , & interstitia admitterent , veram , & continuam non efficerent extensionem . *Quintum* est , distantias , quibus puncta sejungerentur , certas non esse , & definitas ; quippe spatium , a quo non differunt illæ , cum nihil sit , nullam subire potest determinationem . *Sexum* est , humanis ab animalibus compingi eo pacto continuum posse , & convenire propterea illas cum materia ; inextensæ namque instar punctorum cum sint , donati viribus possent quibus corpus efficerent . *Septimum* denique est , inesse corporibus posse facultatem cogitandi ; quia puncta quibus farcirentur , nihil advertum afferrent cogitationi . Gravia quidem hæc sunt , sed rem non conficiunt .

6. A punctorum tamen vindicibus diluuntur septem exceptiones . *Primæ* , quam aliis impeditiorem esse non nesciunt , respondent , punctum , si aliud contingeret , esse adhuc posse extra illud ; non ostenditur enim , intra illud esse , novumque locum non occupare , propterea quod nihil mediet inter utrumque . Scilicet discrimen esse putant inter rei modum , & substantiam alteri adjunctam . Figura namque , seu substantiæ modus , tangit adeo , quam perficit , materiam , ut loco eodem consideant ; substantia tamen , ejusmodi punctum est , porrigitur extra substantiam . Et quidem observant , duarum laminarum superficies , quæ læves sint , & expoliæ , se contingere sine re media , quin earum altera alteram ingrediatur , & congruat cum illa . Nec quidquam proficies , si a cubo , qui trajiciat , & pervadat alium , non fieri auctiorem dixeris extensionem ; ajunt namque , penetrari cubos non posse , aut , si illud eveniat , ingeri eorum partes spatiis alterius , ut eundem cum eo locum obtineat . Adjiciunt tamen ad corpus ita compingendum æque ac alia non valere puncta Zenonica ; quippe viribus , quibus ad alia referantur , cum careant , incompertum est quo pacto contingere se possint , & coire in rem continuam . *Secunda* repo-

nunt ,



aunt, tributas puncto unico, quod alia tangat, facies multas fuisse ex lusu imaginationis; quas quidem si admitteret, extenderetur corporum instar, dividique posset in partes. Relationes potius ad puncta alia continet, & in extremis mundi locis constituta; quo fit ut inter hæc punctumque in medio positum statui alia ad plagam dexteram vel sinistram possint, superiorem vel inferiorem. *Tertia* satisfaciunt, quam dicunt, rationem coexistentiæ, quam Wolfius decrevit, occultatque esse affirmavit, imparem non esse ad continuum; puncta namque illius præsidio ita adsunt ut sint invicem proxima. Existimandum videlicet non est, nexu omni illa destitui, a viribus enim, quibus agunt mutuo, & reagent, ad contactum sistuntur, vel exiguum ad distantiam. *Quarta* occurrunt profitendo, continuum quod ex punctis inter se distantibus concernitur, phenomenon quidem esse, sed rem non esse imaginariam; nempe sentiunt, aliter esse illud, ac proponitur sensibus, sed opificium negant esse phantasie. Puncta nimirum, dum confluunt undique, & attexuntur, efformant rem solidam; quæ affectionum complurium, & reapse existentium fulcrum, & columnen est, motus nempe, coloris, elasticitatis, & aliorum. Scilicet cum puncta ab aliis immediate non tangantur, sed distent, ut probabilius est, parvis spatiolis, hinc phenomenon esse pronuntiant; hoc est, in conspectum perinde venire ea statuunt ac si nihil intercedat, obineatque continuas absoluta. *Quinta* subjiciunt, distantias, quæ punctis interjacent, determinari ab eorum positione; quod nimirum condita hic potius puncta fuerint quam alibi, certam consequitur esse eorum distantiam. Sique ulteriores obijcias, quæ de causa statuuntur loco peculiari, a quantitate virium, respondebunt, illud provenire; quarum gratia plus minusve accedunt, compactioremque propterea, vel rariorem efficiunt extensionem. *Sexta* opponunt, destitui animas conatu, quo congregiantur, & confluunt rem unicam; an vero erogari a Deo illis possit, ad quæstiones vacuas abigunt, & insicetas. *Septima* postremo reddunt, eam esse punctorum naturam ut impos sit cogitationis; nec addi vis cogitandi eis potest, quin aliam omnino abeant in substantiam; extensionis enim defectio puncta non accommodat ad omnia. Profligata igitur, & desperata non est causa punctorum.

7. *Secundo* alii existimant, conformari rem continuam ex partibus. Eorum qui puncta eliminarunt, advexeruntque partes extensas, triplex præsertim sententia est, Aristotelis videlicet, Gassendi, & Scarellii. Docet Aristoteles (1), extensum quodque ex partibus coalescere finium, limitumque prorsus expertibus; nec reticet Plutarchus (2), Thaletem, & Pythagoram Aristoteli præluxisse. Corporum propterea divisionem statuit esse infinitam (3); partes enim singulæ cum alias

Tom. III. *Physicæ*.

M

com.

(1) *Physicæ* lib. 6. cap. 1. & 2. (2) De placit. Philosoph. lib. 2. cap. 16.

(3) De cal. lib. 2. cap. 1.

complectantur, & hæc alias, pronum est abscindi perpetuo aliquas posse, quin ullus sit terminus sectioni. Gassendus vero ad continui structuram atomos post Epicurum induxit; particulas nimirum extensas prædictæque figura, cujus ope alligantur una, volumenque corporis latum, & profundum efficiunt (1). Præcipit tamen finitam esse omnem partitionem; quia moleculas carere partibus contendit, proindeque duras esse adeo, & solidas, ut divini etiam cultri aciem eludant. Denique Scarellius alios secutus (2) corpuscula quædam ad continuum accersit extensa, & dura; quorum alia aliis densiora sunt, & puncta, lineas, & superficies, quasi partes non continent, sed ut limites (3). Ea deinde subesse *virtualiter* affirmat infinitæ divisioni; non quod secari infinitis possunt, sed quod producti a Deo alia aliis minora queant ullo sine termino, ut si colligantur, extensionem æquent grandiorum. Partes autem continui appellantur, ut a mathematicis punctis differant *minima physica*.

8. Quinque tamen momenta, quæ pretii minimi esse non creduntur, obiectantur partibus continui. *Primum* est, infinitas fore extituras partes corporis vel perexigui; quæque enim alias concluderet, in quas scindi posset percommode; numerus autem infinitus pugnat omnino. *Secundum* est, effugium partium, quæ infinitæ *actû* non sunt, sed *potentia*, non mederi incommodis hypotheseos; nam sectione quidem separantur, ante illam tamen oportet sint invicem distinctæ. *Tertium* est, partibus, quasque adstruant, obesse limitem omnem; ubi nempe terminum obtineant, & circumscribantur, partes non sunt, sed tota sunt integra, & absoluta. *Quantum* est, extare in partibus non posse puncta, & lineas, quæ limites potius sint quam partes illarum; partium enim nomine id designatur quod cum aliis efficit rem unicam. *Quintum* est, revocandam ad partes, vel ad puncta quæstionem non esse, sed ad nexum potius illorum: summa namque rei est investigare, non quæ coeant, sed qua ratione coeant in continuum. Ita quidem convelli assolent partium assertores.

9. *Tertio* rentur alii, assurgere continuum ex partibus, & ex punctis. Qui ita sentiunt, memorare non refert speciatim: dici omnino vero potest, in opinionem hanc universos ferme Peripateticos consensisse. Persuadere videlicet sibi nequeunt, contingi partes a partibus, quin pervadant se, & rem non adaugeant; inserunt propterea illis puncta, quorum alia *copulativa* dicunt, & alia *terminativa*. Nec incomptas esse, ajunt, voces hujusmodi, si animadvertatur, a punctis plerisque partes copulari, ne penetrationem admittant, a ceteris vero superficiem ipsam, ubi desunt partes, terminari. An vero coagmentetur hoc pacto continuum, evidentius est quam adduci possit in suspicionem: ubi enim defi-

(1) Physic. sect. 1. lib. 3. cap. 6. (2) Ap. Gassium Philos. scholast. vol. 3. n. 913.  
(3) Phys. gener. vol. 1. parag. 18. 21. 51.

definitum rite fuerit, partes esse ad illud ineptas, consequetur, elaborari corpus non posse ex utrisque. Ex iis quæ hætenus enarravimus, constare fortasse credimus, in puncta nos propendere; animi quidem sensa aperte non reclusimus, sed ostendimus, nihil adesse punctis ejus gratia imparia sint ad continuum. Quid rectius nobis sit, perspectum ex ipsa fiet, quam sedulo versamus, corporum divisibilitate.

## PARAGR. II.

*Probatur, infinitam non esse corporum divisibilitatem.*

10. QUI a simulatis decipi non patitur rerum adspectibus, corpora, ait, non dividi infinite.

RAT. 1. Cum ratione pugnat numerus infinitus. Numerus enim quicquæ ex unitatibus conficitur, quibus adjici aliæ possunt sine termino. Multitudini autem infinitæ addi non potest, nec adimi unitas ulla, evaderet namque finita. Porro si infinite secari corpora possent, existeret multitudo partium infinita; abscindi enim aliæ ab aliis non possent, nisi corpori ineffent, differrentque invicem reapse. Antequam scilicet divisionem subirent, designari singulæ possent manu saltem divina; tangi autem hanc, non attacta alia, eodem redit, ac dividi, quia necessaria ad utrumque est diversitas illarum. Igitur finita omnino est corporum divisio.

11. RAT. II. Exigua corporis particula locum occupat exiguum. Verum si nullus esset divisioni terminus, molecula quævis materiem complecteretur quæ porrigi spatiis immensis posset, & peragratu impossibilibus. Arenæ quippe ex granulo, vel ex culicis ala, erui dividendo possent tot partes quot extruendis mille mundorum systematibus pares essent, superficiemque propterea, qua continerentur, peterent idea omni expansiorem. Non inficiamur, postulari ad rem illam tempus quo sectiones fierent, infinitum; quod cum successivum sit, nec esse una queat, videri ineptum poterit educendæ vi tantæ corpusculorum. Unico tamen sæculo si celebraretur tantum divisio, eaque in partes non modo caderet, verum etiam in partium partes, exaggerata adhuc prodiret materia, quam amplissimus nonnisi locus circumferberet. Igitur limitibus non destituitur corporum divisio.

12. RAT. III. Non esset continuum, si dividi corpus posset infinite. Continua nimirum extensio ab elementis oritur, quorum alterum alteri adjacet, nec interjici patitur magnam distantiam. Infinitam vero divisionem ubi corpus admitteret, principia quibus compingeretur, servarent rationem aliam, maximisque distarent intervallis. Pars enim quæque vel minutor, cujus præsidio innectuntur duæ aliæ, partibus constaret innumeris; quæ cum reapse extenderentur, locumque sibi respon-

dentem obtinerent, determinari alias facerent quam maxime. Igitur expectanda a corpore non est infinita divisio.

13. RAT. IV. Penetratio quæ naturaliter obveniat, est impossibilis. Suapte vero natura profueret partium penetratio, si locus esset infinitæ divisioni. Scilicet perageretur divisio, quia confusæ invicem partes essent, complicatæ, & convolutæ; illius enim opera explicarentur sensim, evolverentur, certamque assequerentur ad loca positionem. Ea autem complexio partium, & conglobatio esse aliud non posset nisi penetratio; quia partes intra partes esse eodem redit ac pervadi illas, seu penetrari, juxta vocem Philosophis non insuetam. Igitur nulla est ignara finium divisio.

14. RAT. V. Anteferenda alteri est opinio quæ sensibus minus dissentanea est, atque rationi. Affirmari videlicet posset, impeditam æque divisionem finitam esse, ac infinitam; demonstrationes enim suppetunt a Geometria; quibus utraque videtur luculenter ostendi. Extra dubitationem tamen est, sensus, & rationem favere potius partibus definitis; infinitum quippe concludi in re finita paradoxum est, quod assequi mens nullo modo potest, sensusque refugiunt omnino. Igitur consultius faciunt qui infinitam respuunt corporum divisionem.

#### PARAGR. III.

### *Diluuntur opposita argumenta.*

15. Univerſus fere Geometrarum grex corpora secari vult infinite.

ARG. I. Quavis in linea extant partes infinitæ. Cumque ex lineis superficies constituantur, & corpora ex superficiebus, dispertiri ea poterunt sine termino. Dcernatur videlicet latus  $AB$  \* quadrati  $ABCD$  constare certo numero punctorum; punctisque etiam definitis compingi statuatur diagonalis  $AD$ . Si a singulis lateris  $AB$  punctis, quæ sint 16. lineæ rectæ  $EE$   $FF$   $GG$  parallelæ, & lateri  $CD$  perpendiculares, ducantur, secabunt singulæ diagonalem  $AD$ . Hanc propterea punctis tantum 16. componi ostenditur, & æqualem esse lateri  $AB$ ; quo Geometriæ leges funditus evertuntur, præcipientes, diagonalem quadrati esse lateribus longiorem. Igitur lineæ, cum partes habeant, infinitam admittunt divisionem.

16. RESP. Geometricum corpus differre penitus a physico. Ut corporis magnitudinem Geometrix desiderant, coagmentari illud sanevere punctis; lineis, & superficiebus; quæ arte omnino singulari excogitata licet fuerint, veritati tamen sunt minus consentanea. Commentum videlicet

---

\* Tab. 1. fig. 1.

licet sunt, ex punctis contiguis, & in directum politis lineam proterrī, superficiem ex lineis parallelis, & ex superficiebus, quarum altera imponeretur alteri, corpus efformari. Lineis propterea longitudinem concessere, latitudinem, & longitudinem superficiebus, & corporibus utramque cum profunditate; ubi enim harum alteram dimensionum in duas alias duerent, accuratam exhibebant corporum supputationem. Ratione tamen prorsus dissimili se comparavit natura ad corporum concretionem; quæ incomperta ne sit, indicandus est ordo quo puncta, seu simplices substantiæ, conspirare creduntur in rem extensam. Linea scilicet, quam geometricam non appellamus, sed physicam, ex punctis non constat quæ se recta consequantur, nec segregentur ullo interitio; mechanica nimirum esset ea punctorum complexio, cui naturæ simplicitas obstat omnino. Cum punctum quodvis vi polleat admirabili, qua ad varias mundi plagas aliis devineatur, consequitur distribui cetera circa illud distantis inæqualibus, lineasque continuas, & rectas non atteri, sed sinuosas, & interruptas. Ex lineis vero hunc in modum conformatis assurgere superficies non potest, nec corpus ex superficiebus; omnia enim physica sint oportet, ut superficies exquisita plana non extet, neque corpus cui inest densitas absoluta. Nisi verissima, consona saltem veritati ubi hæc sint, perspectum sit, audientos Geometras non esse in disputatione quæ ad calculos non spectat, sed versatur tota in naturali corporum facultate ad divisionem. Animadvertenda itaque fallacia est, quæ delitescit in lineis quadrati  $ABCD$ ; ubi enim latus  $AB$ , & diagonalis  $AD$  punctis coalescant distantibus, & obliquis, nescimus, quæ rectæ  $EEFFGG$  secare æqualiter possint lineam utramque. Ex singulis sane punctis, quæ certa numero sunt, deduci a latere  $AB$  possunt parallele; supersunt tamen illius spatia; incertumque præterea est an dum occurrunt in hæc diagonali  $AD$ , in punctum cadant, vel in spatium punctis interjectum. Quod si res ita se habeat, proelive est infinitis sine partibus longiorem latere esse posse diagonalem, quia hæc vincere illud punctorum copia non modo potest, verum etiam longitudine distantiarum. Igitur qui serio cogitant, rejiciunt infinitam corporum divisionem.

17. ARG. II. Partes infinitæ existunt reapse in triangulis. Ex figuris autem planis, cujusmodi triangula sunt, constantur corpora, ut proinde subdantur infinitæ divisioni. Ad lineas videlicet \* parallelas  $AB$  &  $CD$  excitetur perpendicularis  $EF$ ; in puncto vero  $L$  lineæ  $CD$  collocetur corpusculum. Si ab oculo  $O$  per lineam  $EF$  linea visualis  $OL$  deducatur, conficietur triangulum  $NOT$ ; delatoque corpusculo in  $M$  &  $D$ , triangula describentur  $NON$ , &  $DOC$ . Cum linea  $CD$  produci ad arbitrium possit, nova loca suppetent corpusculo; minusque inde generabitur

\* Tab. I. fig. 2.

bitur triangulum sine termino, quia  $OD$  congruere numquam poterit cum  $AB$ . Exploratum propterea fit, triangulum  $HOI$  constare minoribus aliis innumeris; quod eodem redit ac coalescere illud partibus infinitis. Igitur sibiis caret corporum divisio.

18. RESP. Hujusmodi ratiocinia vocari paralogismos. Ea sane adhibent qui extensionem veram abijciunt, ut complectantur idealem; physicas nimirum corporum dimensiones prætereunt, quo vacuæ dent operam idearum contemplationi. Angulus  $O$  trianguli  $HOI$  physicus est, non geometricus; lineæ enim  $OH$  &  $OI$ , quibus concluditur, rectæ non sunt, sed anfractibus abundant, inclinanturque invicem flexu non accurato. Triangulum propterea totum  $HOI$  deficiat necesse est a legibus Geometriæ, ut affirmari non possit farciri illud aliis innumeris, quæ minora sint, ortumque obtineant a productione lineæ  $CD$ . Scilicet ubi linea  $CD$  proferatur, & promoveatur corpusculum  $D$ , linea visualis  $OD$ , quam digredi a parallela  $AB$  volunt, cadet in illam, viamque intercludet novæ triangulorum efformationi. Quæ videlicet de duabus lineis a puncto unico abeuntibus, & continentibus perpetuo angulum dicuntur, vera sunt ubi sint rectæ; asperæ tamen, & inæquales ubi sint, congruere exquisitè invicem nequeunt, nec divergere possunt ratione certa, & obliquitatis experie. Si puncta propterea quæ lineæ utriusque  $OD$  &  $AB$  insunt, permisceantur invicem ex illarum accessu, de medio tollitur triangulorum series quæ properet ad infinitum. Addendum præterea est, triangulum  $HOI$ , licet rectis lineis comprehenderetur, non exiturum adhuc fore planam figuram; puncta enim, quibus conficitur, eodem in plano non sunt, sed sine modo errant, & disperguntur, ut deduci per illa nequeat vera superficies. Quod affirmavimus, usurpamus iterum, placitura nempe hæc iis non esse qui ut ex fluxu puncti gigni lineas putant, ita ex ductu lineæ superficies parant, & corpus ex motu superficiei. Alii tamen non displicebunt, qui ex regulæ, & circini legibus suspicantur, puncta non congruere, sed ex altiori summi artificis consilio. Inexplorata quidem via est qua confluant illa ad continuum; satis tamen habet qui triangulum  $HOI$  asserit superficiem non esse, nec prodire iccirco ex infinito numero triangulorum. Igitur terminis non destituitur corporum sectio.

19. ARG. III. In solidis extant partes infinitæ. Portionibus vero solidis coagmentantur corpora, ut proinde limitem omnem divisionis repudiant. Scilicet a centro  $F$  circulus  $ACD$  describitur, eumque tangat linea  $AB$ , a punctis autem  $G$  &  $H$  lineæ  $AI$  ducantur circuli  $ADM$  &  $AEN$ . Apud Geometras angulus mixtus  $CAB$ , qui ex recta  $AB$ , & ex circulari  $AC$  conficitur, dividi potest infinite; secatur enim a circulis  $ADM$ ,  $AEN$ , & ab aliis, qui ex producta  $AI$  delineari perpetuo possunt, quin ullus.

ullus cadat in tangentem  $AB$ . Quod si  $ACB$  circa  $BR$ , quasi axem revolvatur, exhibebitur segmentum solidum tot partibus confectum, quos sunt partes anguli  $CAB$ , nempe infinitis. Igitur paria corpora sunt ad infinitam divisionem.

20. RESP. Nihil hic cudi quod non fuerit planissime expeditum. Negandum omnino est, solidum quod ex conversione plani  $ACB$  circa lineam  $BR$  generaretur, absolvi partibus infinitis; planum enim ipsum, quod lineis  $AC$ ,  $AB$ ,  $BR$  &  $RE$  concluditur, est penitus definitum. Hallucinationis scilicet imaginationis est, angulum  $CAB$  dispartiri infinite posse a circulis  $ADM$ ,  $AEN$ , & ceteris; segmenta enim circulorum reapse non sunt, sed lineæ sunt potius, partim curvæ, partimque rectæ quæ nodis sordent, & obliquitate. Ubi propterea a centrīs in producta linea  $AT$  positīs alii post alios deducantur, congerentur tandem, & implicabuntur invicem; sique divisiones aliquas accurate peragant, turbabunt tamen ceteras, & in tangentem  $AB$  demum abibunt. Certo certius est, aperte hæc fore constituta, si avelli radicitus posset causa anticipatorium; non ambigimus enim, eliminandas a solido illo, ceterisque a corporibus, lineas geometricas fore, omnemque mechanicam texturam, si perfectior evaderet physica punctorum coalitio. Ab acutissimis quidem viris accepimus imperviam adeo esse illam, ut animus desit, tametsi impiger sit, & strenuus; ubi tamen conandum quidpiam nostro periculo sit, non sine metu dicimus, ad rem hanc prodesse forsitan adtractionem. Fieri nimirum potest ut sese adtrahant puncta viribus mutuis; inæquales enim cum sint, imprudentiæ non culpabimur, si varias illis adjudicemus distantias punctorum. Nos non præterit, a distantis hisce in perturbationem conjici animos nonnullorum; ubi enim possibilia ad continuum puncta sint, distribui saltem a Deo posse judicant, ut se invicem tangent. Inficiendum sane, si quid sapimus, non est, statui puncta plura a Deo posse in directum; verum quidquid de existentia alterius sit extra alterum, lineam non efficient, nisi sejungantur certis distantis. Extent videlicet tria puncta  $A$ ,  $B$ ,  $C$ , quorum duo  $A$  &  $C$  extrema sint, &  $B$  sit medium; ubi vero ab  $A$  &  $C$  tangatur omnino  $B$ , contingant se penitus oportet etiam  $A$  &  $C$ . Quæ namque rei tertiæ eadem sunt, evadunt eadem inter se; nec ubi constet, puncta  $A$  &  $C$ , quæ extrema sunt, carentque partibus, se contingere, & esse indistantia, affirmari poterit, lineam produci. Quo linearum propterea longitudine obineant, nec revocatas videant ad punctum unicum, admittant necesse est distantias punctorum; sique postulent, an collocari illis in spatiolis puncta alia a Deo possint, respondebimus humerorum erectione. Scilicet rei, sibi quæ parum prospicit qui metiri hoc pacto sagittæ Dei potentiam; modo tamen puncta distantis interponenda finita sint, adjici poterunt fortasse; idque decernimus, ne via pateat infinitæ divisioni. Ceterum ad peculiarem Dei vim exigenda disputatio non est, sed ad leges in medio positas, & naturales; quæ cum puncta distare

invicem

invicem jubeant, & ratione aliqua colligari, sola videntur peragi adtractione. Quod si hæc, quam sumus alibi exploraturi, minus opportuna sit, nitidiora quidem non erunt, nec paratiora quæ inducta ab aliis fuere ad corporum contextum. Igitur cum definita corporis elementa sint, secari illud nequit infinite.

21. ARG. IV. Dividi infinites corpora posse constat a motu. Spatium nimirum peragrari inæquali celeritate non potest, nisi partes contineat infinitas. Sphæris enim duabus æqualibus motus conferatur, ut altera duplam altera habeat velocitatem; eveniet propterea, ab ea quæ duplo celerior est, spatium duplum confici tempore eodem. Uluvenire tamen illud non posset, ubi construeretur spatium punctis definitis; momentis enim singulis, quæ indivisibilia sunt, unicum tantum percurreretur spatii punctum a sphæra utraque. Absoluto proinde tempore æqualem punctorum numerum collustrassent, seu spatium æquale; nec ad tuendam duplam spatiorum rationem quidpiam suppetit præter involutam, confusamque partium infinitatem. Igitur consentanea sensibus ipsis est infinita corporum divisio.

22. RESP. Infirmitus alio quovis esse hoc genus argumentationum. Petitur enim primo a motus ingenio, quem nemo ignorat crucem fixisse Philosophis universis; compertumque inde sit ad rem illustrandam non induci, sed ad eripiendam potius, densioribusque tenebris obducendam. Sibi supponunt deinde, tempus quo sphære moventur, differre a corporum motu, momentisque componi indivisibilibus; quæ sane incerta sunt, & a modo pendent quo attexi statuatur ipsum continuum; nondumque idcirco solvunt ante illius enodationem. Inutilia denique docent, quum ad spatium duplum utuntur partium infinitate; quippe infinitæ essent utrinque, & infinitatum ratio ad tempus eadem penitus esset, ac ratio spatiorum. Verum ne dum medemur aliorum morbis, nostrorum obliviscamur, morulis, quæ adesse in motu quovis creduntur, exponi causa potest qua sphære inæqualiter celeres tempore æquali percurrunt spatia inæqualia. Scilicet ut in quantitate *permanente*, cujusmodi corpus est, puncta se non contingunt, sed admittunt distantias, ita in motu, qui quantitas *successiva* esse dicitur, interjacent moræ; quantum gratia corpus quiescit omnino. Si res ita se habeat quod affirmant nonnulli, nec adversatur palam veritati, pronum est describi spatium duplum a sphæra velociore, quod alia tardior immoretur distans tempore eodem, patiaturque aliam festinare. Reponunt quidem, magna & intolerabilia esse hujusce hypothesis vitia; verum ut ea alibi extenuabimus, ita confidenter edicimus, extrema omnia esse nos potius perpeffuros, quam consenciamus in partes infinitas. Immo bilem movere pergit incredibilis, & prope inaudita Philosophorum vel clarissimorum oscitantia; qui posthabitis evidentibus, quos natura paraverat, & ars, monitis infinitam deprædicare non cessant divisibilitatem. Cum obscuritatis nonnihil, & incertitudinis in punctis offendant, al-

lidi



Aitii malunt scopulo præruptiori; infinitum nempe extra Deum querunt, illud stulte collocant in molecula perexigua, & eoque pacto opinionem alunt quam quis merito nuncuparet monstrum Philosophiæ. Igitur qui sapienter sentiunt, determinent necesse est corporum divisionem.

23. ARG. V. Infinita corporum divisio extra dubitationem ponitur a celebri *infinitesimorum* theoria. Calculi enim *differentialis*, qui per varios elementorum infinities exiguum ordinem evolvitur, præsidio res miras aperuerunt, & demonstrarunt Vallisius (1), Fontenellius (2), Bernoullius (3), Eulerus (4), Grandius (5) & alii. Series nimirum, quæ per infinitas fractiones decrescunt, supputant, retexere curvarum præstantiorum ingenium, viresque astrorum describere, quin deflitterent a veritate. Kieri autem illud non potuisset, ubi certis punctis omnia consisterent, nec infinitam reapse admitterent copiam particularum. Igitur impossibilis non est infinita corporum partitio.

24. RESP. Commenta Geometrarum hæc esse, quorum non eget corporum effectio. Innúmera sunt quæ ad supputationes suas gratis adsumunt, statuantque sine demonstratione; præ ceteris enim perfectas, accurateque elaboratas volunt esse corporum figuras, horumque densitatem omogeneam esse, & æqualem. Qui tamen cuncta ad rationem exigunt, absolutam nullam esse sphaeram existimant, cubumque nullum, densitatem quoque inæqualem esse putant, ut eodem in corpore pars sit alia compactior, viresque propterea æque non distribuatur. Partes propterea *infinitesimas* Geometriæ inducunt, quarum aliæ aliis infinite minores sint, constituantque genera infinita. Hoc enim pacto accedere veritati propius quam fieri possit calculum opinantur, ut differentia quæ post illum superest, minor quantitate omni finita sit, negligique possit impune. Non inficiamur, ad curvarum præsertim, quæ impervix omnino erant, indolem recludendam sapienter fuisse illud excogitatum; infinitarum tamen partium existentiam qui inde eruat, in umbra quæret soliditatem. Scilicet falsa stabiliunt, ut vera conijciant; ex regula enim, quam *falsæ positionis* vocant, sanciunt ante supputationem, quod post illam si auferatur, non officit proportionum, quæ in veris degunt, ac in falsis, veritati. Ex condito nempe ubi velis numerum omnem esse sui duplum, 4. & 6. erunt 8. & 12.; sique 8. & 12. invicem dicas, prodibit numerus 96. quem si bis per 2. divides, supererit 24. qualem dedissent numeri 4. & 6. Adhiberi autem reapse falsitatem intelliget, qui relationes paullo diligentius verset earum particularum; quæ namque sunt, si cum majoribus conferantur, infinite exiguæ, magnæ infinite esse dicuntur, si referantur ad minores. Verum cum fieri non possit moleculam eandem infinite magnam esse, & parvam infinite;

Physic. Tom. III.

N

con-

(1) De arithmet. infinit. (2) Elem. geometr. infinit. (3) De scrieb. infinit. (4) Introd. ad concl. infinit. (5) De infin. parv. ordin.

constans est, quæ ab eximiis calculorum patronis adstruuntur, revera non extare in tota corporum universitate. Igitur absolvenda demum est omnis corporum divisio.

## PARAGR. IV.

*Narratur exiguitas corpusculorum.*

25. DIVIDI infinite licet corpora non possint, queunt tamen disper-  
tiri in corpuscula maxime exilia. Existimandum non est, redigi illa  
posse ad puncta indivisibilia. Analyti par fortasse esset ignis, sed desunt  
experimenta quæ illam enuntient. Moleculas vero perexiguas a cor-  
poribus solvi, rubris ex globulis constat sanguinis humani; quorum  
singuli in sex serofos coloris flavi globulos dispescuntur, hi vero in sex  
alios (1). Parvitatem corpusculorum, quæ admirabilis plane est, de-  
scribunt Philosophi rerum quinque præsidio; quæ potissimum sunt *ode-  
res, dissolutiones, lux, microscopia, & expansiones*. Singula exponimus,  
quo naturæ latebras tyrones inspiciant, & assuescant arithmeticæ sup-  
putationi.

26. Ab *odoribus* itaque ducimus exordium. Nonnullis a corporibus  
raturum est emitti quoquoersus odorem posse ad 10. pedum distantiam;  
unicam vero moleculam extendi æque volumus ac eubicam lineam.  
Cum pollices, seu uncie 120. a 10. pedibus prodeant, atmosphæræ  
totius, quæ circa corpus conficitur, diameter erit pollicum 240. qui si  
ad lineas, quarum 12. efficiunt pollicem redigantur, diametrum exhi-  
bebunt linearum 2880. Diameter vero ad circumferentiam est, ut 100.  
ad 314. si fiat propterea  $100. 314. = 2880. \vee$ , circumferentia circuli  
maximi, nempe  $\vee$ , erit linearum 904320. Hæc in diametrum 2880.  
ducta atmosphæræ superficiem parit 2604. 441600. quæ si in tertiam  
diametri 2880. partem, nempe 960. multiplicetur, atmosphæram totam  
offeret 2. 500283. 936000. Tot proinde moleculæ sunt quæ egredi a  
corpore possunt perexiguo; modo vi non eareat illas eiaculandi ad 10.  
pedum distantiam. Quod si ad majorem projiciat, minoresque sint li-  
nea cubica, numerus particularum erit exaggeratior. Sed in rem hanc  
adeundus est Boyleus (2).

27. Particulæ deinde occurrunt, quæ secernuntur *dissolutione*. Gra-  
num scilicet *cupri in salis ammoniaci spiritu* solutum si granis 28534.  
*aquæ* immittatur, colore cæruleo eam inficit omnino. Comperitum est  
ab unico aquæ grano locum occupari  $\frac{37}{10000}$  pollicis cubici æqualem;  
institutæque iccirco proportionē  $1 : \frac{37}{10000} = 28534. \vee$  volumen omnium  
aquæ

(1) Ap. Musschenbroekium *specim. phys.* num. 42. (2) De atmosph. corpor. & de subtil. effluviis.

aquæ granorum, seu  $\gamma$  erit  $\frac{1055758}{10000}$  hoc est  $105 + \frac{5758}{10000}$  pollicis cubici. Cum color universam per aquam diffundatur, granum quoque cupri dispergitur totidem in partes, ut ubi in pollicis unius longitudine particulæ coloris 100. statuuntur, in pollice quadrato extituræ sint 10000, & 1000000 in cubico. Quod si tota aquæ summa  $105 + \frac{5758}{10000}$  in 1000000 ducatur, prodibunt omnes coloris particulæ, pollices enim 105. cubici particulas 105. 000000. reddunt, &  $\frac{5758}{10000}$  alias 575800. quæ si colligantur, numerum afferent particularum cupri 105. 175800. Tot reapse iis sunt qui particulas 100. collocant in pollicis longitudine; constatque propterea auctiorem multo evasuram fore congeriem, si eo in spatio distribuerentur particulæ 600. Has revera pollicis tribuit Musschenbroekius (1).

28. Subdendæ præterea examini sunt *lucis* moleculæ. Si penetrare, quod conclusum probe fuerit, per foramen admittat luminis radium, montes in adverso pariete describuntur, saltus, & prata, quibus externa protegitur agri planities. A lucis moleculis illud proficiscitur, quæ corporum eminens politorum superficiei cum irruant, regeruntur in partem alteram; subeuntes vero forulum appellant obstatulo, cui varias, elegantisque formas inscribunt. Porro innumere nisi essent, & perexiguæ, ineptirent penitus ad rem adeo singularem; ab universis enim remitti punctis non possent, quibus objecta latissime porrigitur, nec cogi unatenus ad foraminis angustias. In speculo deinde, quod *hystorium* nominant, moleculæ lucis confluunt omnes in focum, ubi ligna urunt, fundunt metalla, & corpora compactiora adducunt in calcinationem. Focus autem speculi brevissimus est, & puncto ferme non ab- similis, in quo disfranguntur radii omnes; congeri propterea ibi non possent, nec calorem gignere, si moleculæ quibus constantur, insigni, & prope incredibili destituerentur exiguitate. Radius denique tenuis illustrare magnum conclave potest, quod fieri nequit maxima sine parvitate molecularum.

29. In conspectum etiam veniunt particulæ ope *microscopiorum*. In aqua enim quam *piper* infecit, cernere est animalia trium magnitudinum; quorum minimis concedi diameter 1. potest, mediis 10. & maximis 50. grano autem arenæ dandus est diameter 1000. Inito calculo comperitur, animal minimum ad arenæ granum esse, ut 1. ad 1000. 000000. quia sphaeræ ut cubi diametrorum sunt, & cubi numerorum 1. & 1000. sunt 1. & 1000. 000000. Definitur etiam volumen animalculorum esse  $\frac{1000}{1\ 000000\ 000000}$  pollicis cubici; abstinendum tamen a

N 2

sup-

(1) Element. phys. num. 28.

supputatione est, quod a regulis Opticæ illa pendeat hæcenus non exploratis. Magnitudo quoque evincitur globuli sanguinei, qui excurrit per venas illorum; subductis namque rationibus, æqualis esse dicitur

8000

1 000000 000000 000000 000000 000000 partibus pollicis cubici. Progreditur inde, immanem esse particularum numerum, si tota colligatur massa sanguinea; eumque longe adhuc fore succreturum, ubi arteriæ ipsæ supputentur, fibræ, viscera, & universa animalculi supplex. Qui fidem his non adhibeat, consulat Keillium (1).

30. A metallorum demum *dutibilitate* perspecta sit exiguitas molecularum. Uncia auri, ubi malleo subigatur, redigi ad folia 3460. quadrata potest, quorum singula, cum latus linearum 34. gerant, lineas quadratas exhibent 1156. Qui lineas 1156. in foliorum 3460. numerum ducat, ad foliorum omnium extensionem obtinebit quadratas lineas 6. 311760. Ubi lineæ unius longitudinem in partes 10. dividat, eidem quadratæ tribuet quadratas particulas 100., & si 100. per 6. 311760. multiplicet, superficiem aureæ unciz totam comperiet esse particularum 632. 176000. Cylindrum præterea argenteum, cujus pondus librarum 10. sit, & pedum 3. longitudo, obregas uncia auri dimidia; tum per ferreæ laminæ foramina traducas ut extenuetur, redigaturque ad filum teres, & procerum. Experimenta ostendunt, argentei fili, quod pedibus 150. producit, pondus esse granorum 36. libras vero 10. si revoces in grana, quorum 6912. libram unam efficiunt, totius pondus cylindri constabit granis 69120. Institutura in hunc modum proportionem 36. 150. = 69120. v. perspectum habebis, totam fili longitudinem, nempe v, esse pedum 288000. hisque in lineas, quarum 144. pedum unum efficiunt, redactis colliges lineas 41. 472000. Singulas demum in particulas 10. ubi distribuas, numerum evinces particularum 414. 720000: in quas distributa per cylindrum fuit uncia auri dimidia. Vim hanc molecularum fert supputatio, si calculum referas ad solam fili longitudinem; multo tamen maiorem prodire intelliges, quum dimensus totam fueris fili argentei superficiem. Sed, proferenda. latius non est corporum divisio.

CA.

(1) Lectio. phys. lect. 5.

## CAPUT IV.

*De corporum adtractione.*

1. **S**APIENTER veteres edixere locupletiores esse naturam quam posset quisque sibi persuadere. Opes quibus comperitur affluere, in eximio tantum rerum ordine, copia, & varietate non emicant, sed in substantiis ipsis nitent vel inertioribus. Materia scilicet, quam non nescimus visa omni destitui, iis instrui viribus potest quibus præter passionum leges admittat alias, & quidem præstantiores, actionum. Id sumus investigaturi; & ne suboriatur perturbatio, disputationem solvimus in tres partes. Prima ideam explicat virium adtrahentium; ostendit secunda, inesse corporibus vires quibus sese adtrahunt; tertia elidit oppositas rationes.

## PARAGR. I.

*Idea explicatur virium adtrahentium.*

2. *Adtractionis* idem differunt, & *impulsionis*. A corpore corpus quum impellitur, se contingunt omnino; quod vero movet, consequitur, & præit quod accipit motionem. Adtrahuntur tamen corpora, quum sunt etiam disjuncta; quod vero trahit, quiescit, aut si moveatur, præit, & consequitur quod est adtractum. Existimant viri gravissimi, inexploratam fuisse adtractionem universæ ferme antiquitati; putabatur enim, ad motuum omnium enodationem idonea esse satis impulsio. Incredibile nimirum veteribus erat, abripi corpus vi eminus posita, quæ medium per ærem non deduceretur, nec eeteras imitaretur, quæ materiæ insunt, affectiones. Sentit tamen David Gregorius (1), compertam adtractionem fuisse sectis Ionicæ, & Italicæ.

3. Philosophos inter recentiores suspicati adtractionem fuisse Verulamius (2), Keplerus (3), & Galileus (4). Verum cum aperte docuerit, illustraveritque demonstrationibus Newtonus (5), hinc pater speciatim dicitur, & aktor adtractionis. In distantibus tamen corporum majoribus adtractionem putat verti in *repulsionem* (6); quam ex lucis reflexione probat, ex vaporum a corpore, unde exeunt, recedentium motu, & ex aliis. Orlandius quidem existimat (7), nihil repulsionem esse minorem præter adtractionem; aquæ enim particulæ, ubi fortius se

(1) Prefat. a1 Astronom. (2) Nov. scient. organ. (3) De motib. & el. mart.

(4) De imantib. aquæ. (5) Princip. philos. col. 1. (6) Optic. lib. 3. qu. 31.

(7) In elem. physic. Muschenbroekii num. 55.

se adtrahant quam olei particulas, oleum necesse est repellatur ab aqua. Prætereundum tamen non est, aliquos molecularum a moleculis recessus peragi interdum, qui repeti ab adtractionis impetu non possunt, sed vim sibi vendicant peculiarem. Hujusmodi saltem sunt ignis corpuscula.

4. De adtractione definivit aliter Boscovichius (1). Quo universa corporum phænomena expediret, adtrahi multoties easdem particulas voluit, & repelli; curvamque propterea lineam descripsit, qua oculis subjeccerentur omnes motuum illorum vicissitudines: Afferuit videlicet, minimas ad distantias se infinite repellere duas particulas, ad medias se adtrahere, & repellere alternatim, ad maximas demum se adtrahere inverse, ut quadrata distantiarum. Hisce tamen in præscriptionibus obsecutus ingenio potius suo fuit quam veritati. In distantibus enim minimis vim repellentem, & quidem infinitam posuit, quo velocitas corporum se impellentium extingueretur sensim ante contactum, eoque pacto saltus declinaretur, servareturque lex continuitatis. Neminem vero præterit, ineertam penitus, eximisque etiam viris insensam esse continuitatis legem; qui corpora deduci a motu ad quietem posse momento temporis existimant, spernuntque gradus auctos ordine, vel imminutos celeritatum. Mediis deinde in distantibus adtractiones alternas statuit, & repulsionem, quo corporum rarefactiones, & condensationes exponeret; eorum enim particulae, licet inæqualiter distent inter se, non separantur, sed suam, quæ ab adtractione provenit, ferventem cohesionem. Aliæ tamen viæ suppetunt quibus sine viribus ad status oppositos temere, & sine causa transcurrentibus obtineantur ii effectus; condensari enim, vel rarefieri corpora possunt ex ingressu alterius vel egressu, quo amplificentur, vel contrahantur illorum dimensiones. Maximis denique in distantibus adtractionem particularum perpetuam fixit, quo consentiret Newtono; legi nimirum obtemperaret quæ ille pronuntiaverat, planetas, eorumque satellites, trahi in ratione inversa quadratorum distantiarum. Non redarguimus, quod in re adeo explorata fidem adhibuerit viro summo; opinamur tantum facturum fuisse rectius, si illi paruisset omnino, nec in aliis sibi auctulasset. Tredecim quidem annos, quos dedisse theoriæ suæ asserit, ut ingeniosus erat, exegisset utilius.

5. Adtractionem præterea, & repulsionem variis corporum particulis alii dederunt, non iidem. Iis qui opinati in hunc modum sunt, accensendus esset Scarellius (2), nisi ex inutili penetrationis metu docuisset, vim adtrahentem ejusdem particulae in contactu alterius verè in repellentem. Universas illi corporum moleculas in duo genera discrete, quorum aliud adtractione valeat, aliud repulsionem. Particulis,

(1) Philoſ. natural. theoria. (2) Phys. gener. lib. 2. part. 2. sect. 1. cap. 2.

lis quæ se adtrahunt, compingi dixere corpora omnia, si ignem excipias; ignis vero particulas sancivere invicem repelli, calque, dum corporibus se ingerunt, causam esse omnium repulsionum. Et sane ut, ad mutuam adtractionem experimenta insignia non deerant, ita in promptu erat caloris expansio, & rarefactio corporum, quarum rerum gratia negare igni non poterant vim repellentem. Adjiciendum est, ea oppositarum virium, quæ diversis corporum particulis adsint, commixtione exponi haud ægre occultiora posse, quæ mentem hominis territant, corporum adtributa. Præterire nec possumus, hac ab hypothese summam prætexi, quæ habenda maximi est, simplicitatem; duplex enim præter principium, quod experientia non destituitur, nihil nimis quæsitum adsumitur, restatque a ratione paullo remotius. Utinam soliditas eadem ceteris inesset scitis Philosophorum.

6. Proponimus itaque, an adtractio concedenda reapse corporibus sit, & repulsio. Vocibus hisce eam subesse potestatem non volumus ut vim significant a particulis emissam, quæ diffusarum poros subeat, adducatque illas, vel reducat modo plane singulari. Obscurissima cum hæc sint, proclives æque sumus ad naturalem quamdam potius particularum propensionem, ejus gratia alias motu sibi insito petant, vel fugiant ab illis pro ingenio singularum. Nominanda vis utraque ubi esset, nuncupari non inepte posset *synpeta*, & *apofuga*: hisce namque distinctionibus indicatur accedere invicem particulas, & recedere, quia designetur eausdem motionum. Disputationem quidem aggredimur de vi tantum *synpeta*; verum quæ in illam conferentur, vi *apofuga* non erunt inutilia, ut qui recte cogitet, pervideat manifeste, an tribuere eam possit igneis particulis. Ne duces desint, monemus, Keillium (1), Freindium (2), & Senacum (3) suffragatos adtractioni fuisse, refragatos vero Eulerum (4), Castellum (5), & Gerdilium (6). Præsto essent alii, sed hi plane sufficiunt.

## PARAGR. II.

*Ostenditur, repudiandam non esse corporum adtractionem.*

7. NUGAS non querit qui in corporibus adstruit vim *synpetam*.

RAT. 1. Fluida corpora motu celeri se conferunt ad fluida. Ovis namque albumen ad acidum *salis marini* spiritum festinat, ad succum *cataputiae lac*, & sanguis ad oleum *vitrioli*. Aer præterea, cui levitatis causa

(1) Epist. ad Coekburnum. (2) Lect. chymic. (3) Chem. secund. princ. Newtoni, & Stahlis. (4) Inquis. in caus. flux. mar. (5) Ver. syst. phys.

(6) De repugn. adtract. cum phenom. &c.

caussa tanatandum corporibus universis esset, spirituum, oleorum, & aquarum poros ingreditur, ut exprimi inde nequeat sine vehemēti ignis actione. *Aqua* demum alkalinis salibus referta, dum acidis adjungitur, parit fermentationem; ebullitionem vero, & flammam, si commisceantur, generant spiritus *nitri* fumans, & oleum *cinnamomi*. Igitur docent experimenta, degere in corporibus vim synpeta.

8. RAT. II. Fluida corpora contendunt ad solida. *Sanguis* enim humanus ad *limum* properat, ad *lignum aqua*, & ad *lateres*, & *mercurius* ad *vitrum*. *Menstrua* deinde, dum solida solvunt, se ingerunt partibus illorum; eoque pacto *salia* ab *aqua* dissolvuntur, *nitrum ammoniacum* a spiritu *vini*, & a *mercurio plumbum, stannum, & aurum*. Iisdem postremo viribus tribuenda est corporum *precipitatio*; *argentum* enim in *aqua forti* solutum ad vasis fundum cadit ex lamellarum *cuprearum* adjectione, quia cupro validius adhærescit illa quam argento. Igitur ipsos in oculos irruunt corporum accessus.

9. RAT. III. Solida quoque appropinquant solidis corporibus. *Magnes* nimirum adjungi ferro expetit, *succinum paleis*, substantiisque aliis *electricis*. *Lamina* præterea duæ si læves sint, & expolitz, agglutinantur adeo, ut nonnisi magna separari vi possint hominum, & equorum. Gravitas tandem, quæ deneganda corpori nulli est, pergere illa impetu perpetuo facit in centrum telluris. Igitur concedendus materię est nifus ad congregiendum.

10. RAT. IV. Substantiis simplicibus, quibus corpora attexuntur, adest vis coeundi. Decrevimus videlicet, nexum, cujus gratia puncta continuum efficiunt, situm in facultate esse qua mutuo accedunt, & devinciuntur in rem unicam. Porro quæ elementorum sunt, ad particulas transeunt, & ex his ad corpora; nihil enim in corpore extat quod rationem sui non capiat a principiis. Cumque ab his odium penetrationis, inertię vis, & leges motuum proveniant, descendat pariter necesse est studium conveniendi. Igitur veritate non carent corporum occurfus.

11. RAT. V. Vis synpeta prodest maxime corporum incolunitati. In universis videlicet naturæ promptuariis nihil suppetere accommodatius poterat quo variz rerum concretiones emergerent, obrinerentque tempore diuturno. Concedendus tamen locus cum esset novis etiam coagmentationibus, inducenda vis alia fuit, nempe apofuga; cujus præsidio moleculæ a moleculis recederent, abirentque corpora in dissolutionem. Igitur inepta corpora non sunt ad conveniendum.



## PARAGR. III.

*Eliduntur oppositæ rationes.*

12. Vim syncretam infectati acriter fuere multi Philosophi.

ARG. 1. Suboriri suspicio potest rediisse tempora Aristotelica. A Peripateticorum compedibus dilapsi vix fuimus, laqueis irretitumur denuo qualitatum occultatum. Scilicet quæ de adtractione Newtonus comminiscitur, latentia penitus sunt, obscuramque indolem æmulantur tricarum antiquarum. Pro vera enim effectuum causa confingitur vox significationis experta, quæ cum asylum ignorantis sit, valere tamen ubique creditur, & referre arcana omnia Philosophiæ. Solertis sensa Philosophi hæc non sunt, sed vaticinia potius, & divinationes; quibus fucus indoctioribus sit, virisque doctioribus ansa præbetur ad conviciandum. Igitur repudianda omnino est corporum adtractio.

15. RESP. Parcendum dieteriis esse, ubi perspecta sit idea adtractionis. Newtoni enim testimonio (1) indicatur vis tantum qua corpora se petunt, nec quidpiam de accessuum causa definitur, quæ impulsio esse possit, vel propensio. Exploratum itaque est vacuum sensus non esse vocem adtractionis; licet namque congressionum causa ab ea non designetur, commonstrantur tamen ipsæ congressiones. Constat sane, nihil doceri a Newtono qualitativis Peripateticorum affine; evidentiam quippe effectuum dumtaxat proposuit, intereandem effectuum evidentium indigebant illi causas occultas. Latere nimirum non potest, Newtonum, quo acutior incertum est an caput apud Anglos alter crexerit, principio novo operam non dedisse, sed amplificasse vetus, quod obtinere multis in corporibus certeprehenderat. Animadvertenter quidem non paucas corporum coalitiones, quarum nonnullas memoravimus, compluresque alias congeffit Musschenbroekius (2); atque ex iis deductus in spem fuit dignoscendi, an vires illæ essent ampliores. Animum præsertim admovit planetarum contemplationi; cumque centralium virium præter experimenta altiores adhibuisset præceptiones Geometriæ, comperiit, ellipticis in orbitis moveri planetas non posse, nisi traherentur ad Solem. Idem ad principium gravitatem corporum redegit, quæ properare conspiebatur ad tellurem; factumque inde fuit ut adtractionis legem, quam nonnullis tantum naturæ fartis imposuerat, proferret ad universa. Quod feliciter invenerat, rerum aplice explanationi; eximiaque cum voluptate sensit, adtractionem, cujus causam præterierat, esse reapse causam effectuum ferme universorum. In occultis tamen Peripateticorum qualitativis nihil invenitur

Tom. III. *Physicæ.*

O

quod

(1) Princ. philos. vol. 1. ad defin. 8. & Opt. lib. 3. quæst. 31.

(2) Specim. phys. cap. 18.

quod præclarum oleat inventum Newtoni ; compertum enim est adhibitas observationes ab illis non fuisse, non experimenta, non Geometriam, sed temere, cæcoque impetu ad occultas causas confugisse. Sciscitatus nimirum eos ubi fueris quo pacto arbores enutrantur, cohesionem marmora admittant, dissolutionemque subeant salia, & fermentationem, modum non explicant; sed confici omnia ajunt, quia ad conficiendum collatæ corporibus suere qualitates occultæ. Igitur Peripati vitia non æmulatur Newtonianorum adtractio.

14. ARG. II. Innumeræ sunt leges quibus accedunt corpora corporibus. Verum si ex adtractioe corpora confluerent, servaret natura legem unicam, vel paucas, easque propagaret ad universa. Statuitur scilicet a nonnullis, respondere vim illam quantitati materiæ, & in ratione quadratorum distantie inversa decrescere; alii vero sentiunt decrescere in ratione, quam quæ quadratorum sit, aliquanto majori. *Magnetis* præterea adtractio massæ rationem non sequitur, nec rationem quadratorum; corporum aliqua ad se valide adducit, minus multa, plurima nihil; eodemque in magnete augetur vis, remittitur, & dissipatur ex mallei percussione. Variæ demum sunt viæ, quibus gravitas exeritur; ascendunt enim fluida in tubos *capillares*; guttæ *olei* in *vitreas* laminas reptant contiguas, & inelinas; *luminis*que refractiones diversimode sunt, & reflexiones. Igitur ne incertitudine natura fluat, abigenda est corporum adtractio.

15. RESP. Objici hæc solere a viris dogmaticis. Ut Scepticorum est de re quaque dubitare, ita recludi omnia sibi volunt dogmatici, & non modo causas, verum etiam causarum leges sibi referari. Quas virium synpectarum præscriptiones natura in planetis adoptaverat, liquet evidenter ab experimentis; evicit enim luculenter Newtonus, materiæ densitati illas respondere, & ea ratione minui qua augentur quadrata distantiarum. Compertum scilicet habuir, majorem esse adtractionem, quo major particularum planetam constantium numerus est; & in distantis 1. 2. 3. 4. 5. &c. quas, dum se alliciunt, servant planetæ, esse illam  $\frac{1}{1} \frac{1}{4} \frac{1}{9} \frac{1}{16} \frac{1}{25}$ , & ita porro. Ceteris tamen in concretionibus, quæ planetarium extra systema degunt in tellure, ambiguum viris quibus veritas cordi est, merito potest, an ii duo canones obineant. Adesse equidem possunt, tamen in conspectum non veniant; perturbari enim queunt multis a causis, quæ potissimum sunt corporum situs, figura, superficies, densitas, & textura. A situ confundi virium præceptiones apertius est quam vocari possit in dubitationem; pyramis enim quæ corpori cuipiam obvertat basim, trahit fortius quam si verticem objiciat. Pro figurarum etiam diversitate sunt occurfus inæquales; duæ quippæ spheræ quarum partes inter se plus distant partibus cuborum, infirmiores cubis sunt ad congregiendum. Nec a superficie immutari renuunt jussu adtractionis; quæ namque pla-

planior altera, & lævigatior est, aptior ob molecularum contactum evadit coalitioni. Densitas pariter, seu major sub volumine eodem particularum copia, auget propensionem; quo plura scilicet elementa sunt nisibus instructa, validior est impetus corporis totius. A texturarum demum discrimine pendet conatus incessum; ubi enim multum igneæ materię, cui inest vis aposuga, in corpore extet, minuitur vis synpeta, momentumque gressuum extennatur. His nitide ostenditur, geminam Newtoni legem universis fortasse convenire corporibus, sed diversimode remperari; ejus quidem rei exempla si postules, non deficient omnino. Incertum videlicet non est terrestrem succum adscendere plantarum omnium ad enutritionem; infinita tamen oportet sint illius directiones, seu compositiones earum, ut variis se accommodet partium dissimilium flexibus, formasque pœculiæ admittat. Quæ in mechanicis etiam obversantur, a sola progredi creduntur partium, quæ recta promoventur, impulsione; hæc tamen multiplicibus nisi distractionum regulis inflectatur, impar omnino erit operum adeo admirabilium effectioni. Ratione haud dissimili certæ adtractionis leges construi possunt in modos varios; quæ vero sint illæ, quique illi sint, testatum non facimus ob summam animi dubietatem. Ut certiores reddimus, appropinquare corpora invicem, accessusque illos prodesse rerum naturalium explanationi; ita rationem qua conveniunt, prætermitimus, ne nosmetipsos, ceterosque implicemus inanibus logomachiis. Igitur a veritate non distat qui fidem adhibet corporum adtractioni.

16. ARG. III. Quælibet sic lex, evaderet major adtractio, quo minor fieret corporum distantia. Ad ipsum propterea contactum, ubi nulla est distantia, esset infinita; quippe adtractiones, quæ certis in distantiiis emergerent, finitæ essent omnes, & illa minores. Fieri tamen non potest infinitam esse superficierum se tangentium adtractionem; infinitum enim omne eum veritate pugnat, nec infinitam constare afferri a partibus posse resistantiam. Avelli scilicet ictu, vel adjectione ponderis queunt partes corporum solidiorum; quæ obsterent omnino, si vî firma, & infinita adhærescerent. Igitur nulla est corporum ad conveniendum propensio.

17. RESP. Finitam esse omnem corporum adtractionem. In eorum quidem contactu infinitam esse illam demonstravit post Keillium (1) Orlandius (2); evicit nimirum a theoremate, quo sibi supposuit, deerescere inverse adtractionem in ratione plusquam duplicata distantiarum. Sublestat fidei ne veniamus in suspensionem, faciendum est, infinitam absolute nuncupatam ab eo non fuisse, sed relative, quatenus adtractio quæ certis in distantiiis obtinet, si conferatur eum illa,

O 2

peni-

(1) Epiſt. ad Cockburnum. (2) In Elem. phys. Musſchenbr. num. 551.

penitus dispareat, & fiat nihil. Indubia tamen res est, hæc in præceptione peccari trifariam; falsum enim principium adsumitur; tum quod finitum est, dicitur infinitum; & demum nihilo adscribitur quod certam complectitur virium quantitatem. Fieri quidem poterit, ut metaphorica hæc loquendi, supputandique ratio utilitatis quidpiam creet ad res alias; verum ubi delegendæ gravissima, eaque physica causa sic, utendum esse credimus animo accuratiore. De præstantium hominum vitiis sentiendum quidquid sit, æquo certius est, infinitam nullo pacto esse adtractionem; in contactu namque firmissima licet sit, definitur tamen terminis suis. Ubi nimirum ceteræ quæ ad distantias quasque excitantur, sint illa minores, consequetur dumtaxat esse quæ in contactu exoritur, omnibus validiorem; vinci tamen a vi alia poterit, vehementi nimirum a succussione, quæ cum particularum cohesionem auferat, ostendit esse finitam. Reponere quidem cavillatos quispiam potest, distantiam, quæ adtractionum regula est, in contactu esse nihil; quemadmodum idcirco distantia quæque finita ipsum nihil excedit infinities, ita infinita ad alias erit contactus adtractio. Hujusmodi tamen a captiunculis repurgari cerebrum cujusque volumus, & præcipue tyronum; chymæra namque conficitur, quum dicitur, nihil contineri infiniti in distantia finita; quia nihil est nihil, nullamque idoneitatem gerit ad proportionem. Igitur infinitatem non admittit, qui statuit corporum adtractionem.

18. ARG. IV. Sensus aperte admonent, innumera esse corpora adtractionis expertia. Oculis ipsis deprehendimus, lignum ligno non adhærere, nec saxo saxum; sed præcipuum est, plumam quæ pone parietem decadat, illi non adnecti, sed recta pergere ad tellurem. Respondet quidem assolet, adtractionem telluris esse alia quavis potentiorē; corpus enim ingens cum sit, vim relinquit corporum ceterorum, & omnia adducit ad semetipsam. Verum ineptissime hæc usarpari, duarum laminarum se contingentium probat experimentum; majori enim vi, si expolitz sint, invicem agglutinantur, quam alliciantur a tellure. Igitur evidentia ipsi adversatur corporum adtractio.

19. RESP. Vim synpeticam non esse plerumque sensibus obnoxiam. In tellurem, cujus vis alias interimit, consensit ipse Newtonus (1); ab eo vero non dissentiant quotquot ferme exiit vindices adtractionis. Affirmant propterea, laminas planas, & lævigatas fortius rapi quam a tellure, quod puncta quibus se tangunt, multo plura iis sine quæ osculantur telluris superficiem. Non inficiantur videlicet, a maximo telluris volumine vinci laminas numero partium; sed cum hæ maxime dissent, vim tenuem exerere ajunt in massam laminarum. Tantum nobis non tribuimus ut quod toti propemodum sectæ perpla-

(1) Princ. Philos. lib. 3. prop. 7. coroll. 1.

placet, improbemus omnino; dolemus tantum progredi enodationem a legibus adtractionis, quas dum ignorant, putant esse sibi funditus perspectas. Enuntiari scilicet non potest, corporum adtractionem a tellure inturbari, non vero a causa alia, quin calculorum præsidio explorata diligenter fuerit, molecularum, quibus corpus quodque conerescit, textura, inertia, & adtractio. Annisi quidem nonnulli fuere ut ex sphaerarum ad arbitrium constructarum supputatione recluderent ea mysteria; profutendum tamen est, nihil ad illa prodesse numeros, ablatarique verbis hominem cui persuadeatur, naturæ vias Arithmeticam esse, & Analysim. Ita est: ad occultas corporum rationes subducendas basis omnis deficit, & suppositio; incertum enim est, an puncta se trahant æqualiter, corpora reapse omogenea an sint, an lynpeta vis æquet, vel superet apofugam. Divinare propterea iterum eos dicimus qui a tellure sanciant plerasque opprimi corporum adtractiones; extare enim causæ aliz queunt, & sane non paucæ, quarum præsentia adtractio intereat, vel sit sensibus obscura. Igitur quin modus decernatur, assentiendum est corporum adtractioni.

20. ARG. V. Universis corporum in particulis adtractio si vigeret, existeret unicum corpus. Ut a remotioribus exordium ducatur, planetæ confluerent in massam unicam; a vi enim adtrahente invicem admoventur, & conjicerentur in Solem. Sique affirmetur evenire illud non posse, quod a projectionis motu abigantur alio; reponendum erit, stellas saltem fixas fore congressuras, quæ carent vi centrifuga. Major tamen perturbatio corporibus inesset quæ sunt apud tellurem; aer enim ex vi illa addensaretur, eodemque redigerentur fluida, & solida, ut una omnium densitas esset, unaque complexio. Igitur insensa rerum saluti est corporum adtractio.

21. RESP. Mundi incolumitati prodesse potius adtractionem. In causis quidem est ut multigeneres prodeant, diuque persistent particularum coactiones; efficere tamen non potest ut unicam in substantiam coeant, intereantque propterea bruta, homines, & plantæ. De planetarum commixtione nihil peculiare memorant qui tventur adtractionem; concedunt enim ex projectione obfistere illos vi centripetæ, eoque pacto in orbitis detineri. Stellas, subdunt, esse Soles qui in centro commorantur systematum peculiarium; eumque adtractionem quoquoersus exerceant, trahanturque vicissim, firmæ consistunt, aut moventur parum in locis suis. Fluida non obdurescere, nec adhærere solida asseverant solidis aliis, quia corporum principia æquis viribus non gaudent, sed pro discrimine illarum validius agunt, vel infirmius, hisque ut accedant recedunt ab aliis. Adjici rectius potest figurarum, quæ particulas conformant, dissimilitudo; sit namque ut earum superficies congruente ratione eadem nequeant, rariorque aer aqua sit, aqua mercurio, mercurius auro. Quod dubietatem fere omnem animo eximit, est demum vis apofuga; ignis enim, cui illa tribuitur, pervadit corpora omnia,

vimque illorum synpeta ad inæquales densitates temperat, & comparat innumeros ad effectus. Quod hic tantum innuimus, prostackt aperitur; virium nempe synpeta, & apofugæ præfidio foluturi deinceps erimus nodos implicatiorcs. Igitur accenfenda naturæ artibus cft corporum adtractio.

22. ARG. VI. Contentio ad motum reperitur tantum in fubftantiis vita præditiis. Homines fcilicet, & bruta principium motus a fcmctipfis afferunt, quo ad utilia meditato fe conferant, & ab iis redeant quæ inutilia cffe intelligunt & noxia. Subftantiæ tamen ceteræ inanimæ, cujufmodi metalla, & lapides funt, carent cognitione, imparesque funt ad fe movendum ex fine; accessio propterea omnia a vi illis infita non pendet, fed ab externa aliorum corporum impulfione. Et quidem ubi expenditur res accuratius, progredi ab impulfione nofeitur, quod tribuitur vulgo adtractioni; eurus enim non trahitur, fed lora, quæ apprimuntur equorum pectori, impelluntur, fecumque deferunt plaustrum adjunctum. Igitur adverfus rationem difputat qui advocat corporum adtractionem.

23. RESP. Explicari vim synpeta adtractione æque poffe, ac impulfione. Corpus pellatur in aliud, vel ab eo trahatur, perinde cft ad accessum utriusque: adtractione quidem, ut eurus probat, perfector cft impulfio; fed ambigi adhuc poteft, an interna hæc fit, vel externa. Ubi a corpore exterius agente impulfio omnis proveniret, adfcendendum efferet ad primum impellens; quod ne infinitam feriem induceret, demandandum vi infita foret ad impellendum.

Ne motus itaque a fubftantia tantum vitæ compote incipiat, munia- tur materia inanimis necesse cft viribus ad movendum; hæ autem ab iis non differunt quibus corpora fe conferre ad alia jam observavimus. Definiendum propterea cft, collatum a Deo fuiffe simplicibus fubftantiis impetum a mundi exordio; ex his vero particulas conatu eodem præditas conftitiffe, a quibus farcirentur corpora omnia. Extra materiam tamen arbitramur nullam exare adtractionem; fententiamque ridemus vere lepidam Delatourrii (1), qui adtrahi præter corpora ideas voluit, propofitiones, angelos, formas fupra naturam politas, & Deum ipsum. Nec admiſſa in rebus animæ expertibus adtractione difcrimen furripitur illarum ab animatis; ipſi enim qui ex adverfo ſtant, licet animam plantis adimant, interuim tamen motus principium illis donant, nempe nutritionem. Corpora fcilicet univerſa vires obtrinuere quibus motus peragant fuzmetipſorum indoli conſentaneos; bruta, & homines exere re multas poſſunt, vel continere qui nuncupantur *ſpontanei*; lapidum vero, & metallorum dicuntur omnes *neceſſarii*. Igitur rationi non reſragatur corporum adtractio.

CA-

(1) De vi adtrah. idearum in præfat.

## C A P U T V.

*De corporum gravitate.*

1. **A**BDITIORA inter summi artificis consilia reposita a Philosophis fuit causa gravitatis. Obduci illam tenebris existimarunt ad munda incolumitatem; ubi enim resciretur, gravitatem aiebant posse rebus adimi, omniaque rapi in perturbationem. Quod nonnullas videlicet gravitatis leges perspectas homines habeant, immania corporum pondera minuunt ex mechanicis præceptionibus; timendum propterea esset, ne auferrent omnino, ubi certiores essent de illius origine. Causam itaque gravitatis conquisituri laborem distribuimus in quatuor partes. Prima nonnullas affert observationes; edisserit secunda multas de causa gravitatis hypotheses; tertia demonstrat, gravitatis causam esse telluris adtractionem; diluit quarta opposita momenta.

## PARAGR. I.

*Afferuntur nonnullæ de gravitate observationes.*

2. *Gravitas* est vis qua corpora apud nos sita in centrum properant telluris. Ubi corpus a re nulla detineatur, cadit in illam; cohibitum vero si fuerit, amittit motum, sed nisum asservat. Nimirum si filo suspendatur, penduloque sit perlimile, filum distendit; aut ubi plano imponatur, nequeatque deprimi profundius, in illud exerit suam gravitatem. Prætereundum tamen ad rectum vocum usum non est, differre a *pondere* gravitatem; hæc enim absolutum quidpiam est, nec referatur ad corporis massam; pondus vero est productum massæ in gravitatem. Sed quinque circumferuntur de gravitate observationes.

3. Prima est, gravitatem esse corporum omnium affectionem. Opinatum aliter fuisse Aristotelem dicunt, & affirmasse corpora aliqua esse levia absolute: decrevit enim (1), superiorem locum ab aliis peti, ab aliis inferiorem. Ubi de absoluta levitate illud usurpaverit, non de relativa, excusari ægre potest ab errore; Vallisus namque (2), Borelius (3), & Clarkius (4) ostendunt diserte, nullam esse reapse levitatem. Experimentis nimirum evincunt, gravia absolute esse corpora omnia, ut si eorum quodpiam locum altiore occupet, a levitate non proveniat, sed a minori gravitate. Truncus enim qui in aere pos-

tus

---

(1) Physic. lib. 8. cap. 4. (2) Oper. vol. 2. de gravit. pag. 707. (3) De mot. nat. a gravit. pendent. cap. 4. (4) Not. in physic. Rohault. par. 1. cap. 16.

tus deorsum ruit, erigitur si demittatur in aquam; quo conjiendum non est, levem esse aerem, sed aquam esse trunco graviores. Fumus præterea, qui statui levia inter corpora præsertim posset, cadit in machina aere destituta (1); quo compertum fit, extra machinæ excipulum ferri eum sursum, quia urgetur ab aere graviore. Ignis tantum est fortasse levis absolute.

4. Secunda est, gravitatem ubique non esse æqualem. In variis apud æquatorem circulis eam gravitatis inæqualitatem observant Richerius, Hallejus, Deshayesius, Varynus, Feuilleus, & alii (2); animadvertunt enim, tardiores ibi esse penduli oscillationes. Iis dumtaxat qui primas nesciunt Mechanicæ præceptiones, exploratum non est, oscillationum tarditatem posse ab aucta penduli longitudine provenire, vel a gravitate ponderis imminuta. Affirmari quidem non potest, ex calore, qui apud æquatorem insignis est, evadere pendulum longius. Picartus enim, & Delahireus virga ferrea igni exposita, comperere, longitudinis incrementum esse exiguum, & impar ad eam penduli eunectationem (3); idemque deprehendit Mayranus (4). Superest propterea moras, quas apud æquatorem pendula trahunt, adjudicandas decremento gravitatis esse, quo globi virgis apppositi leviores ibi sint, quam aliis in locis. Bradleyus itaque concinnavit tabulam (5), qua gravitatis defectiones innotescerent a polis ad æquatorem; aliamque descripsit Newtonus, qua pendulorum longitudines ad quamlibet terræ latitudinem definiit (6). Tabulas ad illud comparatas edidit etiam Maupertuis (7).

5. Tertia est, proportionem gravitatem respondere corporum densitati. Scilicet quo densius corpus est, eo majore ponitur gravitate, ut si ad quantitatem 1. deprimentam gravitas 1. postuletur, reposcatur gravitas 2. ad quantitatem 2. Quod si densitatum inæqualium corpora, nempe lignum, & aurum, spectentur inæquali tempore descendere, tribuendum illud erit aeris resistentiæ; quia dum inæquales superficies deferunt, cum inæqualibus pugnant aeris voluminibus. Et quidem in excipulo machinæ quod aere destituatur, tempore eodem, ostendit post Newtonum Gravesandius (8), decidere plumam, & plumbum. Sublato enim aeris repagulo gravitas ita distribuitur ut plures materiæ partes, sive in corpus unicum coeant, sive sint invicem sejunctæ, ruant impetu æquali. Suspicari sane suere non pauci, ne ob descensus celeritatem percipi rite posset temporum inæqualitas; metum tamen omnem ut eximeret, & experimentum confirmaret, rationem aliam iniit Newtonus (9). Diametrorum scilicet æqualium sphaeras, quæ ligneæ essent, & conca-

væ,

(1) Vid. Muffchenbr. comm. in tent. Florent. par. 1. pag. 84. & Nollet. leß. 6. fæ. 1. exper. 1. (2) Ap. Newton. princp. lib. 3. propof. 20. (3) Ibid.

(4) Ibid. in not. (5) Transact. philosoph. num. 432. (6) Princp. lib. 3. prop. 20.

(7) De figur. tellur. (8) Elem. phys. lib. 4. cap. 5. exper. 28. (9) Princp. lib. 3. prop. 6.



væ, filis suspendit longitudinum æqualium; earum vero cavitates auro complevit, ligno, vitro, rebusque ceteris, quarum pondera erant æqualia. Pendulis hisce cum motum contulisset, tempore æquali, agnovit, a cunctis peragi oscillationes; singulisque idcirco sphaeris, quarum æqualia erant volumina, aer cum æque resisteret, gravitatem evicit esse quantitati reapse proportionalem. Constat itaque, amoto aere, casura corpora universa fore æquielociter in tellurem.

6. Quarta est, corporibus a gravitate imprimi motum acceleratum. Galilæus omnium primus demonstravit (1), motum quo deorsum corpora feruntur, fieri perpetuo celeriores. Regulam videlicet ligneam sibi comparavit nonnihil latam, cui alveolum insculpsit; ad orizzontem autem illam cum inclinasset, ne motus perpendicularis, & propterea velocior, surripere observationem, glandem plumbeam demisit. Ex numeris, quos regulæ limbo apposuerat, globulum adspexit primo temporis momento percurrisse unicum spatium, tria secundo, tertio quinque, septem quarto, & ita porro; quo factus certior fuit de motus acceleratione. Ricciolus vero, ut Galilæanæ theoriæ calculum suum adderet, experimentum cepit in turri Bononiensi (2); cujus altitudinem, quæ pedum 280. erat, in partes divisit extantibus in platea viris plane conspicuis. A turris vertice globum cretaceum deposuit, & ex penduli oscillationibus, quæ casuum tempora designabant, comperiit peragratas pedes 10. primo tempore fuisse, 40. secundo, tertio 90. & deinceps, accuratam omnino juxta monitum Galilæi. Quibus tamen legibus motus corporum acceleretur, demonstrabimus alio in loco.

7. Quinta est; motum acceleratum quem gravitas impertit, fieri dum uniformem. Frenicleus primus extitit Duhamelli testimonio (3), qui redigi motum acceleratum dixerit ad æquabilem, nec reticendum est, congesta in rem hanc experimenta nonnulla fuisse a Newtono (4). Ab aeris resistentia illud progredi, extra omnem est dubitationem; ipsius enim cohesio velocitatis incrementum minuit, omnemque postremo adimit accelerationem. Extenuari ab aere corporum velocitatem, tametsi æqualia etiam illorum volumina sint, eximii coram viris De-fagulieri decrevit (5), Newtono, Hallejo, Foulchesio, & Jurino. Vescicas enim, vitreos globos, sphaerasque chartaceas quorum omnium diametri erant æquales, & pondera inæqualia, a Londnensi turri cum deiecisset, quæ erant leviora, observavit, tardius descendere. Ratum hinc est ab eadem aeris resistentia plus celeritatis corpori admi quo minus habet illud gravitatis; & ab aucta proinde ex diuturno corporis casu aeris oppositione æquari, quod momentis singulis advenit, incrementum celeritatis. Ubi autem æqualia ea duo sint, nemo non videt,

Tom. III. *Physicæ*.

P

reslin-

(1) Oper. vol. 3. dialog. 3. (2) Almag. nov. par. 1. (3) Hist. Acad. reg. lib. 1. sect. 5. cap. 3. (4) Princip. lib. 1. propos. 40. (5) Transact. philosoph. num. 364.

restingui velocitatis auſtionem, ut descendere corpus incipiat uniformiter, & tempore æquali æqualia spatia percurrere. Huc fortasse guttulæ pluviæ spectant, & grandinis.

## PARAGR. II.

*Describuntur multæ de causſa gravitatis hypotheſes.*

8. IN gravitatis leges Philoſophi plerumque conſentiunt, ſed diſputant de cauſa illius. Expoſitis Ariſtoteles veterum opinionibus gravitatem eſſe proprietatem exiſtimat, quæ non profluat ab ipſa corporum natura (1); ſuoſpte nempe ingenio motui, & quieti ſe illa committant, & potiantur idcirco anima. Subdit propterea, gravitatem corporum a cauſa externa proficiſci, ſeu ab illorum, ut dicere amat, *generante*; quod intelligi nulla ratione poteſt, niſi conatum in telluris centrum admitrat, quem obtinuerint a cauſa effectrice. Videntur tale quippiam præcepiſſe Gaſatus (2), & Rudigerus (3); rati videlicet, gravia eſſe corpora, quod niſum a natura acceperint locum extra quem ſunt, adeundi. An veritatem aſſecutus Ariſtoteles fuerit, conſtabit inferius.

9. Gaſſendus gravitatis cauſam explanaturus (4) ducem habuit Gulielmum Gilbertum (5). Opinatus videlicet fuit, ingentem molecularum aduncarum vim a tellure erumpere, quæ corpus in aere penſile cum offendant, rapiunt, & deducunt ad tellurem. Hypotheſis tamen hæc duplici evertitur de cauſa. *Prima* eſt, a particulis quas tellus ejaculatur, poros corporum trajici, aut allidi eas partibus illorum; poros ubi ſubeant, tranſgredientur ulterius; corpus vero altius protrudent, ubi inveniant partium reſiſtentiam. *Secunda* eſt, in promptu nihil eſſe cujus gratia moleculæ egreſſæ poſtquam fuerint, regrediantur ad tellurem; directiones enim illarum oppoſitæ cum ſint, cauſas poſcunt adverſas, unde proveniant. Gaſſendus itaque non diſſeruit appoſitæ de gravitate.

10. Carteſius gravitatis cauſam repetit a vortice (6). Putat nimirum, corpora demitti a vorticis cujuſdam materia, qui terram complectitur. Vorticis enim particulæ quæ donantur vi centrifuga, petere locum annituntur a telluris centro remotiorem; cumque degenti in aere corpori occurrant, viribusque deſtituto, illud deturbant, & abigunt inferius. Adverſus tamen Carteſium duæ præſertim ſeſe erigunt animadverſiones. *Prima* eſt, a corporibus quæ a materia fluente deſicerentur, curvam lineam fore deſcribendam, non perpendicularem; circularis enim in vortice motus eſt, componiturque directione duplici, quarum alia

(1) Phyſ. lib. 8. cap. 4. (2) Diſſertat. hydroſtat. edit. ann. 1695. (3) Phyſic. div. edit. ann. 1716. (4) Phyſ. lib. 5. ſect. 2. cap. 2. (5) Philoſ. nov. de magnet-telluris. (6) Princip. par. 4. num. 23.

alia a polo ad polum est, alia a centro ad circumferentiam. *Secunda* est, ad axem casura corpora fore, non ad centrum telluris; quippe circuli, per quos a vi centrifuga agi vorticis materia dicitur, centrum habent in axe, ut propterea illuc collineent. Nos non præterit, repocita ad tuendum Cartesium multa fuisse a viris præclarissimis; quorum nomina qui velit, Bulfingerum (1) audiet, Mallebranchium (2), Bernoullium (3), Papinum (4), Hartsoekerum (5), & alios. Ad servandas tamen vorticis præscriptiones motus innumeros adstruxere, & motuum compositiones; quæ quantum a naturæ scitis abhorreant, is profitebitur cui familiaris sit rerum naturalium contemplatio. Igitur condidisse altius Cartesius creditur quam eduxisse causam gravitatis.

11. Leibnitius expedit ratione alia causam gravitatis (6). Materiam induxit a telluris centro ad partes omnes propulsatam; quam circulariter ferri non jussit, sed pergere recta, eoque pacto depellere corpus in tellurem. Qui hujusmodi inventum adoptarunt, communiere legibus hydrostaticis; quemadmodum enim a fluidi nisu, qui a circumferentia ad centrum sit, corpus evehitur, ita deprimatut a conatu opposito necesse est, qui a centro sit ad circumferentiam. Non deest tamen duplex responsio. *Prima* est, materiam illam, ne sine causa adstruantur subtiles plures substantiæ, a luce non differre; lux autem Solis a centro telluris ad circumferentiam non abit, sed cadit potius in tellurem. *Secunda* est, perpetuum esse non posse particularum exitum a tellure; ubi enim exaggerata illarum vis eruperit, non suppetit novum effluviolum genus, quo instauretur. Comperta itaque non fuit gravitas Leibnitio.

12. Varignonius gravitatis causam aeri tribuit tellurem ambienti (7). Corpora videlicet urgeri deorsum existimat, & premi ab aere subtiliore; externam enim contendit gravitatis originem esse, nec aliam suppetere posse aere accommodatiorem. Aeris tamen, siue ætheris pressio adduci in suspensionem solet duplici exceptione. *Prima* est, non exhiberi causam gravitatis; fieri enim non potest ab aere corpora pessumdari, quin gravitatem ille ingenitam obtineat, seu contentionem in tellurem. *Secunda* est, efferenda ab aere corpora sursum fore, non pelenda deorsum; fluidi namque gravioris ingenium est, corpus levius attollere, ut lignum innatet aquæ. Igitur parum feliciter Varignonio eessit gravitatis inquisitio.

13. Newtonus denique posuisse causam gravitatis videtur in adtractione telluris. Ne veritatem censeamur callide occultare, reticendum non est, memorari ab eo fluidum maxime elasticum, quod a telluris centro latissime proferatur, & corpora urgeat in locum depressiorem (8).

P 2

Vc.

(1) Monum. Accad. reg. scient. ann. 1728. (2) De inquir. verit. vol. 4.

(3) De gravit. æther. aët. Lipsi. ann. 1683. (4) De gravit. caus. aët. Lipsi. ann. 1689.

(5) Phys. lib. 1. cap. 3. artic. 3. (6) Aët. Lipsi. ann. 1690. (7) Conject. de gravit.

(8) Optic. lib. 3. quæst. 21.

Verum cum illud dumtaxat innuat, nec data opera demonstret, & ex instituto, aliis autem in locis adtractionem commendat, & illa utatur ad phænomena præstantiora, magnopere non peccant qui conceditam adtractioni fuisse a Newtono, ajunt, etiam gravitatem. Sed excutienda, dimisso auctore, est ipsa opinio.

## PARAGR. III.

*Demonstratur, gravitatis causfam esse adtractionem.*

14. Gravia sunt corpora, quia suapte natura feruntur in tellurem.

RAT. I. Inductio prævalidum est ad eruendam veritatem ratiocinium. Demonstratum vero inductione fuit, ex vi synpeta corpora invicem accedere, vel, ut volunt alii, ex adtractione. Igitur ex impetu naturali appropinquant corpora telluri.

15. RAT. II. Adtractio motum acceleratum imprimis pro varietate distantiarum. Motus vero, qui a gravitate progreditur, augetur perpetuo, ut quo distantiz minores sunt, eo sit ille celerior. Igitur sua gravitatis causa est in contentione ad tellurem.

16. RAT. III. Gravitatis respondet corporum densitati. Verum si interna non esset, densitatis rationem non sequeretur, sed superficiei. Causa enim externa agit tantum in superficiem, pertingere nec potest ad intimiores, quibus corpus constituitur, recessus. Igitur gravitas est proclivitas in tellurem.

17. RAT. IV. Inæqualis est corporum gravitas. Ad æquatorem quippe deducta partem ponderis amittunt, quod obtinebant aliis in locis. Ubi tamen gravitatem impulsio pareret, æqualis esset ubique; fluidum enim, quod a telluris centro ad circumferentiam protenderetur, urgeret corpora æqualiter. Igitur casus corporum in tellurem proficiscitur a pronitate naturali.

18. RAT. V. Impulsio omnis quæ circularis non sit, interit omnino. Recte nimirum cum promoveatur, offendit terminum, ubi in partem oppositam regeatur, vel redigatur ad quietem. Descensus propterea corporum, si ab impellente materia procederet, cessaret quantocius; præsto enim nihil esset quod illius vires restitueret, aptamque redderet ad impetus perpetuitatem. Quod si rectius affirmet a summa causa, respondebitur, brevius dici, & rectius, ab illa sine substantiæ alterius præsidio collatam semel corporibus fuisse cadendi determinationem. Igitur nulla est gravitas sine adtractione.

## PARAGR. IV.

*Diluuntur opposita momenta.*

19. Adtractionis hostibus alia omnino est causa gravitatis.

ARG. 1. Quod adtrahitur, prout æque est ad omnes directiones. Scilicet conatum affert, quo pro corporum sibi præsentium ingenio huc se conferat, vel illuc. Gravitatem tamen nulum impertit ad unicam directionem; præter telluris namque centrum nullam habet metam in quam spectet. Igitur non oritur gravitas ab adtractione.

20. RESP. Quo corpora congregiantur, necessariam eis potestatem esse ad quamque directionem. Usuenit nimirum ferri illa in partem aliquam, vel immota prorsus consistere ex trahentium æquilibrio; quod peragere pro conatum inæqualitate non posses, ubi facultate careant ad omnem motionem. Profitendum est, arma illud præsertim ministrasse osoribus virium synpetarum; impossibile enim esse ducebant, corpus vitæ vacuum deduci a semetipso posse ad loca omnia. Nec inficiamus, multum negotii nobis quoque facessere, nisi contenti effemus re nonnihil impedita; diceremus videlicet, ipsi a viventibus capi analogiam posse ad motus corporum non viventium. Absolum, nisi fallimur, non esse credimus, latam a summo artifice legem fuisse, qua, sicut bruta in res se conferunt quæ adsunt eorum imaginationi, ita ab externa corporum præsentia determinentur metalla ad coeundum cum illis. Constans hinc est, errare illos qui gravitatem negant esse adtractionem; eadem enim prorsus de causa qua in tellurem corpus prolabitur, adtrahi dicitur, vel rapi a vi synpetæ. Ante corporis namque alterius præsentiam inest cuique propensio ad plagas omnes; corpus vero, cuiusmodi tellus est, ubi adsit, peculiaris excutitur directio, quam nuncupes gravitatem. Igitur præter vim insitam nulla est causa gravitatis.

21. ARG. II. Gravitatem corporum dicitur esse omnino constans. Nullam videlicet subire illa creditur mutationem; & quidem corpus in montis vertice situm ponderosum æque est, ac si deferatur ad superficiem telluris. Ab adtractione tamen gravitas si esset, momenta vitium rationem sequerentur duplicatam distantiarum, ut in distantis 5. 4. 3. 2. 1., quæ ab adtracto corpore servantur, pondus foret  $\frac{1}{25}$ .  $\frac{1}{16}$ .  $\frac{1}{9}$ .  $\frac{1}{4}$ .  $\frac{1}{1}$ . Quod si corporibus pone tellurem positis lex hæc non imponatur, sed tantum planetis, aliqua tamen futura adhuc erit ponderum differentia; fieri enim non potest distantias imminui, quin dominetur fortius impetus telluris. Igitur non adtrahuntur corpora a tellure.

22. RESP.

22. **RESP.** Constantem, & varietatis nesciam esse corporum gravitatem. Ubi res aliter se haberet, collaberetur funditus theoria de casu gravium Galilæana; ejus veritatem tuebimur, quum indolem impensius explorabimus motus accelerati. Affirmandum interim est, eam virium firmitatem non officere causæ gravitatis; pondus enim corporum, tametsi ad inæquales a tellure distantias æquale sit, progredi adhuc potest ab adtractione. Quod de quadratis distantiarum dicitur, pertinet tantum ad distantias maximas; demonstratur enim a planetis dumtaxat, eorumque satellitibus, qui a Sole plurimum distant, adoptari eam proportionem. Ostendit quidem Newtonus (1) dissimilem Lunæ gravitatem non esse a pondere corporum terrestrium; arbitratus tamen est, distantiarum legi ea tantum obtemperare, ubi transferantur longissime a tellure. Perspecta hinc sit causa qua corpora præaltis, sive in montibus extent, sive deportentur ad tellurem, sint æque ponderosa; montium enim altitudo, si cum telluris semidiametro conferatur, nihil est, & disparet omnino. Scilicet distantiz quæ supra telluris superficiem se erigunt, sunt ferme insensibiles; corpora propterea omnia perinde sunt, ac si insisterent ipsi superfici, æqualemque præter propter experiuntur vim adtractionis. Igitur conveniunt penitus gravitas, & adtractio.

23. **ARG.** III. Motus quem a gravitate corpus obtinet, evadit demum uniformis. Ab aeris resistentia proficisci illud dicitur, qui cum corpori decurrenti se objiciat, velocitatis incrementum perimit, a quo prodit acceleratio. Verum ubi originem gravitati faceret adtractio, aer non obstitere; ad tellurem enim traheretur ipse pariter, nisi quæ descensui corporis adversum non prætexeret, sed consentaneum. Igitur non debetur corporum gravitas adtractioni.

24. **RESP.** Cudi hæc ex ignorance accelerationis. Quodvis gravitatis principium extet, augenda perpetuo est corporum celeritas; auctio tamen restringenda est ab aere, ubi certam ad relucendum vim acquisierit. Corporum celeritas incrementum capiat a pulsibus subtilis materiz, quæ momentis singulis ea sollicitat, vel succrescat ex constanti pronitatis ad tellurem stimulo, insensa est aeri subjecto. Indubia sane res est aerem quoque suapte natura dejici, nisi quæ assequi alteri ruentis corporis non absumilem; verum cum minus ponderet, cadatque serius, disturbetur a loco suo, necesse est, & eam ob causam resistat. Nos non latet obscuram nonnullis esse causam qua corporis celeritas adeo extenuatur, vel augetur aeris obstaculum, ut acceleratio omnis abeat, accedatque motus uniformitas. Scilicet qui in re quaque describenda diligentissimi exstiter, parciores ad hanc fuere Philosophi; arbitramur vero, si recte quidpiam aggredimur, ab aeris volumine

---

(1) Princip. lib. 3. propos. 4.

lumine illud progredi, & ab elasticitate. Quod ad primum pertinet, constat, a corpore, quod vi gravitatis defertur, loco pelli æquale aeris volumen; cumque reactio actioni æqualis sit, amittenda illi est pars celeritatis. Descensus vero dum progreditur, ex motus acceleratione percurruntur eodem tempore spatia majora; quo fit majorem voluminum aeris numerum abigi, deperdiq[ue] propterea majorem partem celeritatis. Quod attinet ad alterum, nemo ignorat, obstare fluida validius, quo vividior est eorum elasticitas; cumque elasticus summopere aer sit, subeunda corpori quod cadit, est celeritatis iactura. Procedente autem casu ex velocitatum accessione impetus crescit, urgeturque ac potentius; reagat idcirco vehementius oportet, & celeritatem quæ corpori advenerat, altius detruncet quam antea. Hunc in modum explicare rationem quis poterit qua acceleratus motus redigitur ad uniformem; ex voluminum enim aeris depulsione, & ex elasticitate par demum resistantia evadit incremento celeritatis, ut hoc, dum advenit, subito præfoetet ab illa. Perstante autem celeritate veteri, & nova minime inducta, movetur corpus sine acceleratione; quod enim tempore æquali inæqualia spatia conficiebat, subinde peragrat æqualia. Igitur ad gravitatem opportuna est adtractio.

25. ARG. IV. Corporum gravitas ubique non est æqualis. Sphæra enim metallica, ut ostensum ex pendulis fuit, minus ponderis sub polis obtinet quam sub æquatore. Adtractionis tamen opus ubi gravitas esset, vigeret undique æqualiter; telluris enim densitas cum eadem omnibus in locis sit, corpora alliceret viribus æquis. Igitur adjudicanda causæ alteri gravitas est præter adtractionem.

26. RESP. Unicam tantum in promptu non esse enodationem. Qui telluris affectiones prolixius a nobis alibi referendas investigarunt, tres explanationes adhibent ab illius textura, motu, & figura derivatas. *Primo* ajunt, telluris densitatem non esse penitus æqualem; sicut enim stratis dissimilibus illa construitur, quorum alia aliis sunt compactiora, ita sub polis quam sub æquatore potest esse densior. Res hoc pacto ubi se habeat, ambigendum non est, ponderosius quovis alio esse corpus polare; a concretionem enim materia cum trahatur, impetu rapitur validiore. Affirmant *secundo*, moveri tellurem circa suum axem; sub æquatore propterea, ubi circulus maximus percurritur, oportet motus velocior sit quam sub polis, ubi circulus est nullus. Vis itaque centrifuga, cujus gratia motus ille perficitur, viget fortius sub æquatore; cumque centripetæ illa opponatur, seu gravitati, consequitur infirmiore hanc quam alibi esse sub æquatore. *Tertio* dicunt, telluris figuram illi quam cæpe refert, esse persimilem, ut sub polorum utroque demissior sit, erectior sub æquatore. Distantia idcirco quam corpus sub æquatore situm a centro telluris servat, major est alia; quo conficitur minorem, quam quæ ad polos est, esse ad descendendum illius proclivitatem. Qui his non subscribit, tueri non confidat propterea

petere caussam meliorem; ubi enim ad gravitatem materiem externam advocet, hæretic prorsus scopulo eidem. Vorticem quovis pacto contorqueat, vel ejaculetur fluidum subtile, pendebit animo, quum proposita ad explicandum ei fuerint discrimina gravitatis. Igitur ratione abutuntur qui petere gravitatem renuunt ab adtractione.

27. Objici alia ab iis assolent qui impotenti laborant studio rixarum. Præ ceteris est, casura ab eadem altitudine fore corpora tardius in aquam ac in mercurium; hujus enim materiæ quantitas, cum major alia sit, corpus adduceret ad se validius. Respondendum ubi his esset, discrimina descensuum, diceremus, nulla esse ob spatii brevitatem; quippe licet in mercurium promptius quam in aquam corpora caderent, impares essent oculi ad judicandum. In re itaque explorata nolumus esse prolixiores; subjicimusque potius pervulgatam ponderum divisionem quæ potest usui esse opportuna. Ponderus scilicet omne libris absolvitur; libra vero uncias 12. complectitur, quarum quæque conficit drachmas 8. In scrupulos 3. drachma distribuitur, singulique scrupuli in grana 20. ut libra, quæ ad medicaminum artem potissimum usurpatur, granis constet 5760. Animadvertas tamen, unam locorum omnium non esse rationem dividendi.

## C A P U T VI.

### *De corporum inertia.*

1. **D**E inertia corporum nullum apud veteres exstitit dissidium. Cum voci huic potestatem longe aliam subjicerent, putarentque, stuporem potius ab ea significari, & virium inopiam, hinc consentiebant omnes in existentiam illius. Sæculis tamen postremis, quibus resistantiam inertia designabat, via patuit ad disputationes; dubitatum enim perpetuo fuit, an corporibus vera facultas inesset, & vis solida ad reagendum. Elucubrationem itaque distribuimus in tres partes. Prima nonnullas de vi inertiz memorat hypotheses; ostendit secunda, non differre illam a corporum gravitate; tertia diruit adversam opinionem.

#### PARAGR. I.

### *Nonnullæ de vi inertiz memorantur hypotheses.*

2. Resistentia, quam tum motui, cum quieti corpora obijciunt, videtur indubia. Sphæra eburnea, & quæta, quæ a filo pendeat, vel planæ insitât superficiæ, si ab eburnea alia, & æquali percutiatur, motum dimidium accipit, restinguitque in alia dimidium; totum



totum autem admitteret, & perimeret nullum, si non resisteret. Ubi præterea imprimenda major celeritas eidem sit, ut eodem tempore spatium majus percurrat, postulatur fortior impulsio; & augenda adhuc vis impellentis est, ubi major evadat massa, seu densitas sphaeræ impulsæ. Quod si non quiescat illa, sed moveatur, extenuat quoque vires sphaeræ alterius quæ ipsam percutiat, cogatque ire velocius; motus vero decrementum quod impingenti obvenit, majus est, quo auctior est massa, vel densitas impactæ. Immo ad quietem redigenda illa ubi sit, impetum occurrentis absorbit omnino; quæ quidem contingere nulla ratione possent, ubi proclivis ad motum æque ac ad quietem sphaera esset, nec refragaretur utrique. Exploratum propterea fit, corporibus cunctis inesse studium quo refugiant omnem mutationem; cumque respondere constat ponderi illorum, ne elephantis, & mulcæ æqualis sit resistentia, abiganturque montes unico oris statu. Verum suam materiæ quantitatem fluida cum afferant, pugnent necesse est instar solidorum.

3. Contentionem hanc nuncupant *vim inertie*. Rati nonnulli sunt, proprietatem materiæ illam esse a ceteris omnibus dissimilem; quæ lanxit Deus confidere corpora locis suis, certisque legibus motum distribui. Vim scilicet inertie, decrevere, extensionem non esse, non gravitatem, non duritiem, non aliud; sed facultatem speciatim collatam esse dixere, quæ statum in quo sunt, corpora servant, ut dum quiescunt, motum avertentur, & repudient quietem, dum moventur. Diffidendum non est, in sententiam hanc viros summos contempsisse; deprehendisse enim existimabant peculiare inertie canones quibus attributa cetera quæ in corporibus versantur, essent prorsus dissentanea, vel parum affinia. Integrum tamen cuique est observare, ad novas, easque satis singulares, naturæ vires inducendas, conjiciendi artem non satisfacere, sed solidum, rigidumque postulari usum, ratiociniorum. An hæc eos juverint, liquebit inferius.

4. In re prorsus negante alii collocant inertiam. Decertare scilicet corpora non opinantur ex proprietate affirmante, & ut ajunt, *positiva*; sed ab indifferentia ad motum, & ad quietem, pugnam explicant, seu a negatione proclivitatis ad utrumque. Etenim dum quiescunt, nequeunt corpora ob indifferentiam se motui determinare; indulgent quieti propterea, quod corpus aliud motum illis impertiat. Ubi vero moveantur, nequeunt indifferentiæ causâ quieti se restituere; motum persequuntur ideo, quoad corpus aliud eorum impetum delect omnino. Ex massarum autem incremento majus virium momentum expostitur eadem de causâ; partes enim quæ ad motum, & ad quietem non sunt pronæ, sed *passivæ* esse dicuntur, quo plures sunt, eo validiore egent determinatione. Rationes suas ita supputant, sed parum accurate; inertie quippe effecta diligentius si excutiant, negantiam comperient non proficere, sed vim affirmantem peti vividam, & *activam*.

Tom. III. Physicæ.

Q

Pro-

Propensionis nimirum defectus esse in causa fortasse posset, quo ad motum elargiendum adhibenda esset vis aliqua; verum in corpore a quo motus confertur, ut hæc minuatur, necessaria lucta est, seu nilus affirmans. Reponi paullo imperitius poterit, ex concertatione vim non extenuari, sed ex motus distributione; vera tamen sine contentione non explicabitur, eum quod quiescit, & propterea motum cum alio non dividit, impetum perimat corporis moti. Corporum itaque certamini impar est indifferentia.

3. Arbitrantur alii, non deferre inertiam a corporum soliditate. Dimicandi videlicet cupiditatem a duritie repetunt, qua materię particulę oderunt penetrationem; extra alias enim alię cum sint, nec ingredi eas velint, obstitunt corpori impellenti. Hoc sane quod impetu delatum quo progredi annuitur, urget, ut locum sibi paret, moleculas proximiores; quę ne alias pervadant, regeruntur ex adverso, partemque motus extinguunt. Fit proinde majorem impetus portionem amitti, quo densius est corpus impactum; major enim corpusculorum copia in eo extat, quorum singula in alia reagent vi peculiari. Verum qui hæc ratione disputant, non assequuntur rem propolitam. Penetrationis sane odium, quod soliditatem vocant, cum motu non decertat, nec cum quiete; moveri enim, & quiescere corpora præclare possent, quin earum particulę sese conjicerent in alias. Ubi a corpore videlicet aliud percuteretur, sustolli universę possent sine aliarum detrimento; deficiente namque inertia sibi mutuo non obstitent, nec remitterentur in partem adversam. Pugnæ saltem momentum evaderet minus iis in corporibus quę fluoris gratia cedunt facile loco; exploratum tamen est dimicare æque omnia, sive fluida sint, sive sint solida. Igitur præter duritiem alia est causa resistentiæ.

6. Sitam in mediis, per quę deferuntur, decernunt alii esse corporum inertiam. Animo nimirum reputant, protrudi sine virium dispendio sphaeram non posse, quia aer, cujus a superficie circumdatur, eam adigit ad quietem. Cumque diametri longioris sphaera majus aeris volumen depellat, augeatur obstaculum ex corporis accretione, ut sive ad motum determinatio sit, sive ad quietem, servetur proportio densitatum. Quod si aliqua excogitaretur ratio qua medium eriperetur, cessaturam illico fore putant resistentiam; fieri tamen illud non potest quod subtilis materia loca omnia permeet, trajiciatque corpora universa. Sed quam adoptant, ineptissima est origo inertię. Explanandum potissimum esset, quamobrem potissima resiliant; hæc namque rei summa est, quam si infectam dimittant, ambigendum de aeris inertia erit, aut dedisse illos conelamabitur voculam pro causa. Nec prætereundum est, interiturum esse, quam natura mordicus tenet, rationem densitatum; bellum enim quantitatis materię quę inesset corpori impacto, non responderet, sed quæ medio. Definiendum propterea aliter est de corporum inertia.

## 7. Vim

7. Vim denique inertię adjudicant alii corporum gravitati. Cum gravitas directionem corporibus erogat peculiarem, adversari hanc aliis existimant, ut quidquid mutationi status opponitur, a nisu progrediatur in centrum telluris. Hanc in rem nervos omnes contendimus, dolemusque consentire viris ex Anglorum, Batavorum, Gallorumque gente præclaris non posse; Newtono (1), Musschenbroekio (2), atque Nolletto (3). Ut obsecuti sæpe numero eis fuimus, erimusque subinde obsecuturi; ita veniam non demerebimur, si rectiorem cogitandi methodum secuti minus movebimur eorum auctoritate. An veritati autem mos geratur, perspectum faciet ipsa disputatio.

## PARAGR. II.

*Offenditur, inertię vim non differre a gravitate.*

8. Inertię vis non discriminatur a corporum gravitate.

RAT. 1. Ea de causa motibus aliis corpora obstant, quæ ad motum certam obtinent determinationem. In locum scilicet quempiam ubi collineant, repugnent necesse est aliis motionibus, quæ cum directiones alias afferant, dissentiunt ei determinationi. Citra omnem vero dubitationem est ad motum peculiarem figi corpora a gravitate; definitam enim directionem ab ea accipiunt, quæ feruntur in tellurem. Igitur nullum discrimen est inertię a gravitate.

9. RAT. II. Fieri nulla ratione potest ut pendeat corpus in aere. Verum a gravitate si differret inertia, corpus maxime ponderosum esset in aere pensile sine motu. Gravitatis nimirum gratia descensum ex peteret in tellurem; quietem vero posceret inertię causa, quæ mutationem status refugeret. Enimvero altera alteri adversaretur, & servaret utraque densitatis rationem, proindeque esset æqualis; vires idcirco se invicem corrumperent, corpusque sisteret loco suo. Igitur alia non est inertia a gravitate.

10. RAT. III. Expediri sine gravitate nequit quo pacto respuatur motus, & quies. Ad contrarias quidem affectiones inesse corporibus potest indifferentia; eaque de causa accedere diverso tempore eis affolet calor, & frigus, siccitas, & humiditas. Vim tamen unicam qua motus, & quies repellantur, obtinere nequeunt ullatenus; in illa quippe vigeret tempore eodem oppositio quæ reperitur motum inter & quietem. Gravitatis tamen præsidio de medio tollitur omnis contradictio; quæ namque motui, & quieti oblectatur, facultas unica non est, sed duplex. Cum motu scilicet pugnat gravitas corporis quieti, & impulsu; eum quiete vero dimicat impetus, qui eidem inest, potestque a corpore.

Q 2. alio

(1) Princip. lib. 1. definit. 3. (2) Specim. phys. cap. 2. (3) Lect. phys. exper. lect. 3. sect. 1.

alio extingui ope gravitatis. Igitur quæ ab inertia sunt, exponuntur sola gravitate.

11. RAT. IV. Monent experimenta, esse inertiam a gravitate. Quum corpus verticaliter erigitur, resistentia perferuntur, quæ respondet densitati; ad attollendum enim pondus, ejus quantitas materiæ sit 4. vis 4. desideratur, & vis 3. ad pondus 8. Certius tamen quam ambigi ullatenus possit, est, postulandum nifum 16. fore, ubi præter gravitatem adesset corporibus vis inertiz. Utraque enim densitatem corporis sequeretur, offerretque propterea resistentiam in ratione duplicata densitatis 4. hoc est quadrato 16. æqualem; gravitas nempe adversaretur ei motui, quia verticalis esset, & inertia, quia adimeret quietem. Igitur a gravitate proficiscitur omnis inertia.

12. RAT. V. Peccatur sæpe, quum sine ratione invehitur nova causa. Singularis adeo, & eximia est hujusmodi præceptio, ut collocanda in ea potissimum sint Philosophorum decus, & salus Philosophiæ. Ostensum vero, & quidem sine fallaciarum præsidio, fuit, ab indifferentiæ inertiam distare, a soliditate, & a mediis; nihilque in corporibus aliud suppetit præter gravitatem. Igitur temere non tribuitur vis inertiz gravitati.

#### PARAGR. III.

#### *Diruitur adversa opinio.*

13. NEGANT viri minime indocti confundi inertiam cum gravitate.

ARG. 1. Corpus dum quiescit, resistere motui non potest ex gravitate. Directio videlicet quam illi gravitas impertit, est perpendicularis, cui si quæ alia obstitit, est verticalis. Verum motui horizontali corpus etiam reluctatur, aliisque compluribus, quos accipere promiscue potest ad plagas innumeras. Igitur inertiz causa non reperitur in gravitate.

14. RESP. Nifum gravitatis esse in corpore quiescente originem inertiz. Impetus in tellurem, quem a gravitate sumit, directioni non modo verticali opponitur, sed universis; elevari propterea verticaliter corpus non potest, nec promoveri horizontaliter, aut alio quovis pacto deduci. Comparari clavo ferreo gravitas potest qui pro corporum diversitate longior, vel brevior sit, crassior, vel exilior; eo namque figuntur adeo, ut magna nonnisi contentione avelli inde possint, insigneque propterea cum virium jactura. Clavi nimirum resistentiam augeri constat pro ratione densitatum, ut materiem quo compactiorem corpus complectitur, eo altius cuspis deprimatur, adigaturque illud hæere firmitus telluri. Nec spes subest evadendi potentiam gravitatis, ubi alia a verticali tribuatur corpori determinatio; quemvis enim in locum dirigatur, abigendus clavus est, fortis scilicet adhesio, qua puncto agglutinatur corpus terrestris superfici ei. Inficiandum quidem non.

non est, forcipem præsto esse posse, hoc est rationem aliam qua revellatur elavus facilius; in promptu nimirum aliæ queunt esse directiones, quibus adverteretur parcius, lentiusque renitatur vis gravitatis. Hanc tamen submovendam esse, iterum dicimus cum virium dispendio; quo fit, pertinaciæ insimulandos non esse, & impudentiæ qui ad gravitatem referunt omnem inertiam. Igitur nulla est inertia extra gravitatem.

15. ARG. II. Inertia, si a gravitate esset, resistantiam afferret illi prorsus æqualem. Compertum tamen experiundo fit, pugnam corporis, quod a quiete in motum compellitur, non respondere gravitati. Sphæra enim, si filo suspendatur, quiescit in situ verticali; ubi autem digito attollatur, pro altitudine ad quam effertur, luctam auget, sed minorem sua gravitate; nec æqualem affert, nisi erigatur ad situm horizontalem. Gravitatis propterea, cum a suspensionis puncto absumatur, nec par sit repugnantia, sitam in re alia esse ostendit vim inertia. Igitur parens inertia non est gravitas.

16. RESP. Parum proficere qui adversus gravitatem rationem poscunt a pendulis. Affirmari sine veritatis discrimine potest, apta esse ea potius ad demonstrandum, nullam inertiae causam extare præter gravitatem. Sphæra nimirum resistantia, quæ ad altitudines varias sensim attollitur, esset continenter æqualis; a peculiari namque inertia vi progrediretur, quæ non minueretur a re alia, sed refragaretur constanter impulsui. Inæqualis tamen esse deprehenditur ex nisu gravitatis inæquali; hic enim inter suspensionis punctum distribuitur, & sphæram, quæ ubi ad situm horizontalem pervenerit, vindicat sibi totum. Ratum scilicet est gravitatem omnem deesse sphæra in loco verticali; exierit quippe in suspensionis punctum, quod in causa potissimum est ne ruat illa in tellurem. Verum accedente motu, cum a loco suo sphæra dimoveatur, nec sustineatur omnino, partem recipit gravitatis; quod autem reliquum est, in punctum suspensionis exonerat ad locum usque horizonti parallelum. Arduum non est hinc expedire resistantiarum inæqualitatem; pro gravitatis enim portione quam sphæra nanciscitur, cujusque gratia in tellurem nititur, augetur inertia. Nec quidpiam sibi peculiare postulat penduli experimentum; inertiae namque, siue a filo corpus pendeat, siue planæ incumbat superficiei, eadem penitus est theoria. Gravitatem videlicet quam suspensio aufert, adimit corpori ipsa planities; insiciendum tamen non est, repugnantiam quam eo loco positum exhibet, proficisci a gravitate. Usuenit interdum corpus, quod elevari minime posset, trahi nisu satis exiguo; superficies præsertim ubi expolita sit, & complanata, nullamque asperitate sua moram injiciat. Id autem argumento ipsis vel hebetioribus est, a vi inertiae pugnam non progredi, sed a gravitate; cujus æctio, cum in corpus dividatur, & in planum, minorem ac aliter fieret creat resistantiam. Igitur in idem recidit gravitas, & inertia.

17. ARG.

17. ARG. III. Inertiam corporum a gravitate non prodire liquet evidenter in fluidis. Corpus nimirum quietum, si per fluida deducatur, resistantiam experitur eorum densitatibus æqualem; mercurius enim, qui densior est, obstitit aqua, validius, aqua oleo, & oleum aere. A gravitate tamen repeti discrimen non potest oppositionum; quippe citra dubitationem est fluida in locis suis posita omni carere gravitate. Igitur nihil confert gravitas ad inertiam.

18. RESP. Quod de fluidis memoratur, ab ingenio non differre corporum ceterorum. Dum immota consistunt, præliantur cum aliis, ne motum accipiant; concertatio tamen a vi quam natura speciatim instituerit, non provenit, sed a gravitate. Constans est fluidorum molecularis locis suis conceditur gravitatem non exerere, sed librari cum aliis; verum ubi dimoveantur, sublato æquilibrio, gravitatis partem recipiunt, ejusque opera dimicant juxta leges inertie. Ea sane de causa fortius pugnant, quo sunt ceteris densiores; mercurii namque particule, quæ ponderosiores sunt aqueis, majorem gravitatis portionem capessunt, quæ remorantur impensius pendulorum in eis positorum oscillationes. Imprudenter non dicimus, restitui illis partem dumtaxat gravitatis; pondus enim quod superest, pertinetque reapse ad speciem illarum, aliis a particulis fulcitur, inhiheturque ne impetum faciat in corpus immissum. Resistentia idcirco minor persentitur quam si volumen penitus idem a fluido separaretur, & alio deportaretur humeris, vel manu; quia licet plus aqua mercurius obstat, obstitit tamen minus semetipso a tota massa secreto. Ubi vera sint hæc, ut esse non ambigimus, innotescit funditus valor gravitatis; inertia namque si causas alias sibi adscisceret, secundum integram, naturalemque certaret fluidorum densitatem. Igitur quæ inertie tribuuntur, ea sunt gravitatis.

19. ARG. IV. In corporibus quæ moventur, inertia est aliud a gravitate. Ubi sphaeræ quæ horizontaliter deferatur, augenda celeritas sit, resistit omnino; partem enim novi impetus tantum admittit, & partem motus elidit in corpore impellente. Hæc tamen peraguntur sine gravitate; horizontalis quippe sphaeræ motus nifum perpendicularem, qui ad gravitatem spectat, absumit, nec agere illum patitur in sphaeram. Afferunt propterea ingeniosi naturæ exploratores, motum futurum esse perpetuum, ubi mediorum, & planorum deesset resistantia; nihil enim suppleret quod motui vim inferret, redigeretque corpus ad quietem. Igitur quærenda corporum inertia alibi est quam in gravitate.

20. RESP. Nihil hic confici adversus gravitatem. Certo quidem certius est sphaeram quæ per horizontem decurrit, obstitere incremento celeritatis; idem nempe præstat ac si quiete potiretur, consociendaque primo esset in motum. Erratur tamen, quum gravitas vocari negatur in partes resistantiæ; iis enim viribus instruitur ut motus non modo primordia temperet, verum etiam moderetur, & regat incrementa. Affermatum sane, sed non ostenditur, nifum sphaeræ in tellurem opprimi, & per-

& perdi a motu horizontali: qui pronuntiatis iecirco fidem temere, & incaute non adhibent, perstare illum asserunt, momentisque singulis sphæram detrudere. Probationem sumunt a gravitatis lege, quam Philosophorum omnium iudicio sphæra servaret, si descenderet perpendiculariter; sollicitari namque ea diceretur perpetuo, ut assequeretur ea de causa motum acceleratum. Non nesciunt quidem, sphæram quæ plano insistat, destitui motu perpendiculari; quod tamen ad conatum spectat, parem esse conditionem dicunt, premixæ æqualiter illam utrinque. Negant propterea, quin verecundiam abjiciant, demtis planorum, mediorumque resistentiis, donandum motum fore perpetuitate; huic namque æternitati locum patere tantum existimant, ubi orbaretur sphæra etiam gravitate. Verum quoad contentionem in tellurem illa retineat, insidias continenter sibi sentiunt motui horizontali, ut momentis singulis adimatur illius portio, & sphæra tandem conquiescat. Reponi profecto potest, planetarum orbes, quibus nihil occurrit, esse perpetuos; eos vero sphære instar ferri vi duplici, quarum alia ad Solem tendit, alia dirigitur ad tangentem. Hinc tamcu profuit potius rei confirmatio; quemadmodum enim centrifugam præter vim obtemperant planetæ vi centripetæ, ita horizontalis impetus gratia non evadit sphæra conatum telluris. Ubi itaque gravitas superfit, præsto est causa qua adversetur sphæra motui celeriori; quod enim primo præstitisset, persequi non detrectat, tuereturque hoc pacto decretas a Deo leges Dynamicæ. Videlicet motui incipienti resistentiam gravitas objeisset quæ densitati sphære respondisset, & celeritati; motu propterea perseverante, eadem cum permaneat, inertiam parit, quæ rationem sequitur celeritatis auctæ, & densitatis. Igitur causam aliam sibi non vendicat inertia præter gravitatem.

21. ARG. V. Motus sphære perpendiculariter decidentis si augeatur, non pendet a gravitate. Eburnæ scilicet, æqualesque duæ sphære cera agglutinentur, & aliquâ ex altitudine cadant invicem junctæ; in descensu vero illarum altera malleolo perecutiatur, ut sejungatur ab altera, ruatque imperu majori. Resistentia quam celeritatis auctio extræ infert, ut sphæram separet ab alia, accersiri nequit a gravitate; hæc enim motui perpendiculari non adversatur, quem ipsa creat, & sategit ad exitum perferre. Igitur ducenda inertia non est a gravitate.

22. RESP. Experimentum hoc apud inertie vindicæ esse Achilleum. Rem videlicet rationi prorsus dissentaneam esse judicant, si gravitas, quæ perpendicularem in motum conspirat, triumphatque de illius incremento, causa dicatur esse, radixque resistentiæ. Admirationem tamen continebunt, adversamque fortasse venient in persuasionem, ubi gravitatis directionem differre intelligant a certa illius determinatione. Ipsos in oculos ineurrit, gravitatis directionem, qua in tellurem collineat, consentire penitus motui perpendiculari; celeritatis tamen additioni refragatur peculiaris virium præscriptio. Jubet nimirum gravitas,

certo

certo tempore collustrari a sphaera spatium definitum; ubi propterea majus ex aucta celeritate sit illi percurrendum, dissentiat sphaera non percussa necesse est, & obliuiscitur, quoad assequatur impetum vehementiorem. Observandum itaque est, an malleoli sphaeram percutientis ictus cohaesione ceræ validior sit, vel infirmior; vi namque si cedat, hærebunt invicem sphaeræ, & decident una; altera vero alteri præbit, si percussio momentum vincat cohaesione. Quodvis tamen obveniat, repetendum erit a gravitate; minima enim sit, vel maxima ceræ concertatio, gravitas est quæ, cum certam vim conferat, vetat ne pareat corpus vi validiori. Vocabimur fortasse in audaciæ criminationem, quasi vero per fas nefasque tueri jura gravitatis velimus, & exceptionibus perspicuis enodationis obscuras adhibere, veritatisque non omnino contentaneas. Exculationem tamen promerebimur, ubi verosimilia potius decreverimus quam vera: nova namque materię proprietates ne inducatur, peccabitur minus, si plus æquo indulgeatur gravitati. Igitur nullam inertiam volumus præter gravitatem.

23. ARG. VI. Inanis saltem gravitas est, ubi rediguntur corpora ad quietem. Omne scilicet extra dissidium est resistentiam offerri etiam a corpore cujus impetus sistatur ex occurso validioris, eamque pro densitate succrescere, & pro quantitate celeritatis. Pars tamen illius vel perexigua spectare non dignoscitur ad gravitatem; hæc enim quieti non opponitur, immo eam tuetur, quum advenerit post motus exitium. Igitur non prodest gravitas ad omnem inertiam.

24. RESP. Amovendas demum hallucinationes esse, & præconceptiones. Quod in causam inertię Philosophi omnes non consenserint, nonnullis a vocibus forte proficiscitur, vocumque explanationibus, quæ elaram inertię ideam cum eripiant, imparem reddunt utili meditationi. Ambigendum non est, an resistent corpora universa; amota quippe omni repugnantia, urbes culicis ictu transferrentur, figuramque nullam servarent plantæ, homines, & bruta. Verbis tamen quibus illa definitur, potestas vaga subditur, & insolens significatio; nihil enim esse dicitur quo statum suum retinere corpora satagunt, motuique propterea renituntur, & quieti. Cum quies, & motus res sint invicem oppositæ, conatus ad utramque physicus non est, sed poeticus; nec quieti, quæ negantia motus est, & propterea nihil, quæ objiei reapse vis possit intelligitur, quæve contentio. Qui cuncta diligenter versant, decipique renuunt a sonis inanibus, ideas emendant; & cum certamen omne ad motum dumtaxat redigant, ineptam ad vires corporum extenuandas statuunt esse quietem. Via hoc pacto complanatur ad inertiam corporis nitidius ostendendam, quod in quietem conjicitur ab occurrente potentiore; cum quiete enim non congreditur, quæ mera consecutio, & negatio est, sed cum impetu corporis obviæ procurentis. Ubi rationi hoc non dissentiat, inertiam quoque hanc liquet pendere a gravitate; quippe corpus quod alterius motum interimit, resistere sine illius



illius damno posset, nisi detineretur a sua gravitate. Nec rei deerit confirmatio, si animadvertatur, illud a quo alterum sistitur, quietum esse posse, puta parietem; in quo nemo qui recte cogitet, inficiabitur pendendum omne obstaculum esse a gravitate. Igitur a gravitate sola vires obtinet inertia.

## C A P U T VII.

### *De corporum densitate.*

I. **Q**UOD examini proponitur, videbitur forte esse supervacaneum. Definivimus scilicet cum fuerit, continua reapse non esse corpora, sed ex moleculis confici, quarum elementa invicem distant, ambigendum non esset de illorum densitate. Corporum tamen mutationes qui inexploratas non habeat, ex densitate comperiet nonnullas progredi, quæ cum implexæ satis sint, declinare nequeunt disputationem. Rem propterea absolvimus partibus quatuor. Harum prima animadversiones affert de densitate; evincit secunda, ducendam eam esse a numero spatiorum; tertia infirmat opposita argumenta; differit quarta de corporum poris.

#### PARAGR. I.

### *Nonnulla animadvertuntur.*

2. **EXPLANANDUM** primo est, quid sit corporis volumen. Spatium scilicet volumen est, quod a corpore occupatur, contineturque sub illius superficie. Ratum idcirco est, a massa illud differre; volumen enim dimensiones significat, ea vero materiæ quantitatem a dimensionibus comprehensam. Massa videlicet ponderosis ex particulis libræ impositis innotescit arithmetice; ex longitudine autem, latitudine, & profunditate volumen prodit, quæ supputantur geometricæ. Fieri propterea potest, volumine non mutato, massam immutari, & vicissim; quod accidit, ubi eidem corporis superficiiei nova materies adveniat, vel materiei penitus eidem accedat nova superficies. Nuncupari etiam volumen assolet magnitudo.

3. A voluminis autem elueubratione explorata fit corporum *densitas*. Proprietas nimirum est qua certo sub volumine determinatam materiæ copiam res complectitur, seu massam definitam. Evincitur vero, adtributum absolutum densitatem non esse, sed relativum; corpus enim quod plus materiæ corpore quopiam habet, obtinere minus alio potest

æquali sub magnitudine. Aer videlicet, qui ad ignem densus est, evadit rarus ad aquam; iisdem namque finibus, seu terminis altiolem igne molecularum numerum claudit, aqua minorem. Quemadmodum itaque volumen est tantum relatio, quia passerulus ad muscam magnus est, parvus ad anserem; ita massa, seu densitas nequit insignis adeo esse ut non admittat præstantiorem. Raritas propterea nihil est, sed eodem redit ac densitas minor.

4. Ad densitatis postremo causam inducuntur a multis spatiola. Ne scilicet hæreant, ubi interrogentur; quo augeri pacto densitas possit, & minui, ad loca particulis interposita confugiunt, quæ vocant *vacuum disseminatum*. Planum sane est differre vacuitates illas a poris; hos enim materia tenuis replet, & extranea, dum corpore omni eæ destituuntur, meramque afferunt inanitatem. De pororum scilicet veritate, quæ oculis incurrit, nullum est dissidium; dimicatur vero pro spatiis, quorum existentia certa non est, nec indubia est opportunitas ad densitatem. In id contendimus impense.

#### PARAGR. II.

*Evincitur, ducendam densitatem esse a numero  
spatiorum.*

5. DENSITAS corporum in idem recidit ac paucitas vacuitatum.

RAT. I. Corpora quæ volumine conveniunt, differunt densitate. Sphæra nempe plumbea densior eburnea est, quam æquat magnitudine; potioremq; idcirco præ illa continet multitudinem particularum. Falsum tamen illud esset, ubi substantia utraque suis careret interstitiis; molecularum enim, quæ plenæ sint, & continuæ, æqualis oportet numerus sit sub volumine æquali. Ex materia idcirco farcienda corpora sunt, & ex inanitatibus, ut pro illorum discrepantia accedant particularæ inæqualiter, & densitates varias efficiant. Igitur densitatis gratia dispersitur vacuum in corporibus.

6. RAT. II. Ipsa corporum textura admonet, assurgere e finibus vacuis densitatem. Corpuscula nimirum, quibus res quæque coagmentatur, multis sunt prædita figuris; iis propterea adiaceant meatus necesse est, materiæ omnis expertes. Mederi nec incommodo fluidum subtilius potest, quod exiguos compleat anfractus; e particulis enim dissimilibus ipsum quoque coalesceret, quibus non deessent forula inania. Summa tamen rei est, ipsas intra moleculas delitescere intervalla, substantiæ quippe simplices, quibus corpora attexuntur, diffisæ invicem sunt pro inæqualitate adtractionum. Igitur a spatiorum inopia proficiscitur densitas.

7. RAT. III. Fluida, quo densiora sunt, obstant validius corpori  
per

per illa deducto. Globus scilicet ligneus per mercurium ægrius quam per aquam trahitur, & per hanc iniquius vehitur quam per acrem. Ubi tamen a corpore vacuum exularet, eadem esset omnium decertatio; quantitas enim materiæ cui inertia respondet, æqualis in aqua foret, ac in mercurio. Evadere quidem scopulum existimant per molecularum exiguitatem; ajunt namque, mercuriales particulas esse grandiores aqueis, hæ autem aereis, & ideo forius cñiri. Hisce tamen verbis nulla reapse subest sententia; deturbari quippe a globo ubique constat æquale fluidi volumen, cui eodem manente pondere perinde est moleculis parvis coeat, vel magnis. Igitur densitas rationem sequitur spatiorum.

8. RAT. IV. Si ab inani non esset densitas, motus omnis interceideret. Ex universi scilicet plenitudine promoveri corpus non posset, nisi cetera, quæ stipata omnino forent, defererent locum, & in alium concederent. Verum cum nullus ex defectu vacuitatum suppeteret, progredi motus non posset; regressoque proinde impetu sisteretur corpus a quo incepit, & conquiesceret. Reponi quidem affolet, acrem, qui a corpore depellitur, & fluidus est, regredi ad illius terga, & circum percurrere, ut motus non cohibeatur ullatenus. Qui tamen hæc obloquuntur, immemores enascentium inde sunt consecutionum; non pervident enim, disputari potissimum, an sine vacuo motus aeris intreat, & si vis, etiam fluiditas. Aerem præterea qui a corpore moto celeritatem acciperet, facerent, quod absolum est, eovelociorem; tempore namque eodem quo conficeret corpus rectam lineam, aer circum describeret. Igitur æquius est derivare a spatiis densitatem.

9. RAT. V. Vacui a recessibus accersenda saltem est densitas ignis. Hic autem poris universorum corporum cum se injiciat, spatiis obtemperare jubet concretionem illorum. Ignis videlicet, cujus densitas omnium minima est, particulis compingitur vel mutuo repellentibus, quæ cogi tamen in locum arctiorem possunt pro viribus compressionum. Abundare propterea illum rimis inanibus necesse est, quo repulsioni moleculæ satisfaciant, nec se tangant omnino, tamen a partibus urgantur corporum compactorum. Igitur profunt cavitates densitati.

## PARAGR. III.

*Infirmantur opposita argumenta.*

10. A vacuo causam densitatis amovent qui insensum habent Epicurum.

ARG. I. Compleri omnia possunt a corpore tenui. Illud tamen non est quale exhibuit Cartesius; ex pulvisculo enim, qui abraditur eu-

bicis a moleculis si conficeretur, admitteret inanitates. Substantia potius est continua, fluida, & omogenea, quæ subtilitate sua cunctis idonea motibus est, subitque adeo poros corporum, ut se illis prorsus accommodet. Ubi res ita se habeat, obtineri densitas valet sine vacuitatibus; quo majorem namque materię hujusce copiam corpora excipiant, minus densa erunt, seu rariora. Igitur posita densitatis causa non est apud inane.

11. RESP. Continuum corpus, & fluidum prodiisse ab imaginatione Delanissij (1). A partibus Cartesij cum non esset, nec abire in castra vellet Epicuri, viam aliam tenuit, substantiamque a moleculis immunem induxit, & spatiis destitutam. Rationes tamen suas minus recte supputavit ex ignoratione forsitan continuitatis; animadvertere enim prætermisit, continuum, & fluidum esse corpus non posse neque divinitus. Quod scilicet continuate gaudet, potitur etiam duritie; moleculę quippe ei desunt quę flecti ullatenus possunt, vel dividi; durities autem infectatur odio acerbissimo fluiditatem. Ad aperiorem rei demonstrationem peti multa possent a fluiditatis ingenio; verum ad tempus aliud cum pertineant, contenti erimus attingisse labilis summis. A rotunditate nimirum particularum, vel a motu fluiditas proveniat, vel, ut fanciunt alij, ab ignis moleculas distrahentis æquilibrio; planum est continuitatem abjici, advocarique potius textum corpusculorum. Commenticia idcirco materies est, quæ fluiditate corpora pervadat, eisque impertiat continuitatem; nec aberit persuasio, ubi Delanissij meditationes innotescant ad illud inventum. Profitetur sane, eo se contulisse, quod nullum aqua porum oculis objiceret, sed esse videretur corpus continuum; menti propterea recte imaginanti consonam esse statuit ideam substantię fluidę, & continuę. Quanti vero habenda momenta hujusmodi sint, non ignorabit qui ex errore sensuum novexit falsas perceptiones progredi, judicia falsa, & quod præcipuum est, falsa ratioecinia. Postquam scilicet intuitus perspicillis fuit, si explorasset aquam intellectu, inspergi potis pervidisset, & didicisset, abscondi doceri, & pugnancia, ubi conciliari vera continuitas velis cum fluiditate. Igitur consultius est tribuere spatiis densitatem.

12. ARG. 11. Explicari spatiis non possunt densitatum proportionēs. Existant nimirum tres æquales circuli A, B, C,\* quorum diameter sit 2. alique tres minores extent E, F, G, qui afferant diametrum 1. Spatia M & N, quę utrisque interjacent, sequuntur ex geometricis præceptionibus rationem circularum; ut cum circuli A & E sint 4 & 1. seu suorum æquent quadrata diametrorum, numeros 4 & 1 referant quoque vacuitates M & N. Volumen majorum propterea, cum  
spa-

(1) Magist. nat. & ast. vol. 2. lib. 8. cap. 2. prop. 31.

\* Tab. 1. Fig. 4. & 4.

spatium  $\mathfrak{M}$ , seu 4, & densitates  $\mathfrak{A}$ ,  $\mathfrak{B}$ ,  $\mathfrak{C}$ , hoc est 12, contineat, erit ferme 16; minorum vero volumen, quod densitates  $\mathfrak{E}$ ,  $\mathfrak{F}$ ,  $\mathfrak{G}$ , hoc est 3, & spatium  $\mathfrak{N}$ , seu 1, complectitur, erit prope 4. Ut æqualitati volumina accedant, minoribus alii 6 circuli æquales addantur, densitates nempe 6, & spatia 6; eorumque a volumine, quod 16. erit, fere æquabitur volumen majorum ob spatiorum exiguitatem, & parvitatem molecularum. Comptum hinc fit, æquali sub volumine inæquales densitates concludi, & spatia inæqualia; quia circularum minorum densitas est 9, & majorum 12; spatium vero illorum 7. est, & horum 4. Discrimen tamen spatiorum 7. & 4. impar omnino est gignendæ densitatum, quæ in corporibus observantur, inæqualitati; nec par propterea evadet, ubi pro circularum diametris 1 & 2, breviores alii adhibeantur, vel longiores. Ex ratione scilicet, quæ inter 7 & 4 reperitur, & est ferme dupla, referari causa non potest qua eadem sub magnitudine aqua densior aere sit vicibus 1000, & mercurius 14000. Igitur ad densitatem sunt irrita intervalla.

13. RESP. Id genus probationum apud Scarellium (1) profutare, & Fortunatum (2). Nonnullis sane hypothesibus, quibus suspicamur no veritas affulgeat, superstruxere acuta ratiocinia; quorum summam argumentum exhibet, præteritque rigidam demonstrandi formam, aliaque circumstantia. Inepta videlicet ad densitatum differentias spatia esse putabant, quod peculiarem sibi confingerent magnitudinem, & figuram particularum; majores enim, decreverant, moleculas densiorum corporum esse, donarique universas rotunditate. Ubi consiendia hoc pacto corpora fuissent, non inficiamur, spatia multo minora ex calculis esse quam excessus postulent densitatum; natura tamen canonum occultorum vindex aliud inire consilium, quod subesse noluit iussis Geometrarum. Quod ad magnitudinem propterea spectat, falsum fortassis est grandescere particulas quæ extrant in corpore densiore; Reaumurius enim affirmat (3), aeris, qui rarior aqua est, moleculas esse crassiores, ut aqueas multas comprehendant. Nec definiri aliter potest, ubi a præconceptionum colluvie libera sit ratio; particulæ enim quo longiorem diametrum obtinent, latioribus parant aditum vacuitatibus, & densitatem extenuant. Quod vero attinet ad figuram, ridiculum est sphericas corporum moleculas esse, aut similes ellipsoïdi; circini namque conversiones despiciit, nec ad dissimilium plexum substantiarum iisdem præscriptionibus utitur natura. Particularum aliz rotunditate curvantur, angulis eminent, & apicibus aliz, aliz flectuntur in cavitatem; conformationum vero istarum gratia sternitur via hiatus, qui materiam omnem repudiant, & discrimen generant densitatum. Igitur spatiis obsequitur corporum densitas.

## 14. ARG.

(1) Phys. gener. lib. 3. par. 1. cap. 2. art. 3. (2) Philos. sens. vol. 1. diff. 4. sect. 2. art. 2. prop. 4. (3) Vid. Musschenbr. Spec. phys. num. 80.

14. ARG. III. Corporum compressiones ostendunt, non gigni densitatem a spatiis. Aqua videlicet, quæ auro rarior novemdecies est, redigi ad minus volumen posset, si ferret interstitia; tantum vero abest eam. adeo cogi, ut deprimi vix. valeat ab immani, quod illi imponatur, pondere saxorum. Sapiencius idcirco dimissis vacuis advehitur alia ratio; aquæ nimirum, & auri densitati rectius prospicitur, ubi coalescere particulis ea dicantur inæqualibus densitate. Absurdum videlicet non esse aliquas moleculas a primo rerum exordio concretiores aliis esse, & compactiores; nihil enim suppetit quod summo artifice ad rem illam refragetur, adverseturque systematum incolumitati. Inæqualem propterea materię quantitatem corpuscula prima ubi contineant; proclive est ex eorum tantum complexibus, non ex meatibus, ponderosius aqua esse aurum, licet volumine consentiant. Igitur ad densitatem negligenda sunt spatia.

15. RESP. Particulas densitate dissimiles dogma non esse temporum vetustiorum (1). Ad corporum densitatem enucleandam eas esse opportunas, nemo affirmabit qui morigerus sit veritati; densitatis enim causa a densitate ipsa peteretur, & pro re ipsa vendicaretur vecula, & simulacrum. Ne abeat longius, repugnantia ab iis proditur quæ enarrata prolixè fuere explanationem continuitatis; obscure enim non constitit, corpuscula reapse continua non extare, sed coagmentari omnia alio artificio. Præter eas vero quibus continuitas alliditur, aliæ syrtēs occurrunt ex inæqualitate densitatum sub volumine æquali; quam sane ubi sine spatiis expediant, desidiā Peripateticorum æmulabuntur qualitates absolutas ubique prædicantium. Non ignoramus, ea in opinione obfirmari illos ab inæquali motuum celeritate: quemadmodum enim motus, seu quantitatis discretæ portio esse velocior alia potest; ita continuæ quantitatis, nempe corporis, moleculas putant esse posse aliis densiores. Verum dum hæc cogitant, illud turpiter patiuntur a simulatis rerum imaginibus; motuum namque natura est inexplorata; reponique etiam affolet, intercipi celeritatem a morulis, quæ evincunt propterea, ubi collatio valeat, existentiam vacuitatum. Excusationem etiam sibi parant a corporum compressione; ubi tamen rem diligentius versent, posse aquam intelligent ex spatiis esse auro multo rariorem, tamen nequeat a pondere condensari. A particulis scilicet se contingentibus, rigidis, & in fornacem convolutis, derivant illud non pauci; quæ dum pressionibus obstant, foveolas non excludunt corporis omnis expertes. Quod si enodatio parum indulgeat, nervos tendant, conquirantque accommodatorem; quam nisi invenerint, carebunt quidem laude, sed scemata etiam delinabunt, quibus rite lædatur inæqualis densitas particularum. Igitur non mentitur qui densitatem capit a spatiis.

16. ARG.

(1) Vid. Scarell. loc. sup. memor. cap. 3.

16. ARG. IV. Ab aere attollitur in tubis mercurius certam ad altitudinem. Verum vacuis a foraminibus si densitas proficisceretur, evehi corpus adeo ponderosum non posset a levi. Aeræ nimirum particulæ, quæ prementis columnæ basi insunt, distarent invicem spatiis innumeris; cum paucis propterea mercurii moleculis congregerentur, ceteræque dimitterent sine pugna. Hæ autem alias, quibuscum cohærent, detinerent obstinatus; fieretque propterea stare singulas locis suis, nec altius efferri. Igitur non augetur, nec minuitur densitas pro ratione inanitatum.

17. RESP. Dicitur penitus vere, mercuriales particulas cum aereis eundem non dimicare. Spissior aere mercurius cum sit, basim objicit altera concretionem; moleculæ idcirco multæ, quæ aereis spatiis respondent, luctam evitant, & otiantur omnino. Mora tamen hinc non injicitur mercurii in tubos adscensionis; exteræ enim quæ aeri subsunt, compelluntur ea vi, ut alias, quibus impetum conferunt pro fluidorum se ubique prementium more, rapiant, eriganturque universe. A spatiis videlicet quæ particulis aeris interferuntur, non minui pressionis momentum dignoverit, cui perspecta cylindrorum inæqualitas sit, mercurialis hinc, illinc aerei. Ea namque proportio, quæ utramque inter densitatem, seu gravitatem reperitur, spectat inverse ad altitudines columnarum; proutque est, ab aerea in supremam aeris partem definente sustineri mercurialem posse ad pollices 28. Immo hoc e certamine luculentius evincitur vacuum utilitas ad densitatem; ubi enim densetur aer, ut eodem sub volumine spatiola recedant, accedatque nova materię quantitas, desertur altius mercurius. Igitur quærenda in spatiis est origo densitatis.

18. ARG. V. Densitas proprietas est quæ coalescere nequit e substantiis. In spatiorum tamen numero ubi collocaretur, ex substantiis constaretur, veluti ex partibus. Vacuitas nimirum omnis, cum extensa foret, esset substantia; quod enim extenditur, subiectum accidentium est, seu affectionum ad substantiam pertinentium. Igitur cognitionem nullam habet densitas cum spatiis.

19. RESP. Pervulgatam Philosophorum omnium legem esse, differre proprietatem a substantia. Inepte propterea dicitur confici densitas e substantiis; ad has enim inane non spectat, quod reapse caret extensione. Quæ de *conseruato* vacuo decreta uberrime in metaphysicis fuisse, consonant quoque in *diffeminatum*; quovis enim pacto sumant, reapse non extenditur, sed mera capacitas est, inopia materię, corporis defectio, uno verbo, nihil. Inferre tamen non liceat, sitam in nihilo esse corporum densitatem; a rei namque solidæ negantia variæ oriuntur molecularum distantię, quas consequitur ponderum inæqualitas. Aer videlicet si nullus esset, hiarent ubique corpora inanitatibus; evidens propterea foret densiora ea esse quibus minor ineffet forulorum multitudo. Ex aeris autem ingressu referenda densitas non est in causam

sam

sam aliam; vacuis namque recessibus is etiam abundat, quorum ex dila-  
tatione, vel contractione rarior fieri comperitur, vel confertior.  
Definitum itaque apposite fuit, densitatem inverſe eſſe ut copiam  
vacuitatum; quia ubi veniendum ad rei caput ſit, eo plus denſificatis  
corpus obtinet, quo minus continet ſpatiorum. Igitur a vacuo provenit  
lex omnis denſitatum.

## PARAGR. IV.

*Differitur de corporum poris.*

10. PORI exigua ſpatia ſunt partibus corporum interpoſita. Cellulas  
haſce, quæ complentur corpore ſubtiliore, extare aperte monent micro-  
ſcopia; quorum præſidio ſi lamellæ a metallis, lapidibus, vel plantis  
deciſæ lumini objiciantur, in conſpectum veniunt parvi meatus. Alia  
tamen præſto ſunt, quorum gratia exploratum perſpicue ſit, ductibus  
illis corpora funditus omnia terebrari, ſive ſolida ſint, ſive ſint fluida.  
Quo ad ſolida certum omnino eſt pervadi a mercurio *aurum*, *argen-  
tum*, & alia, *marmor* albo, & duriffimo colores injici; lignaque  
uni-verſa trajici ab aqua. Aditus tamen corporibus ad alia non pateret  
ſine foraminibus; penetrationem namque omnem particulæ refugiant,  
cujus cauſſa aliæ ingrediantur in alias. Ad fluida vero quod ſpectat,  
non latet *vini* ſpiritum *aquæ* permixtum ad minus volumen redigi,  
idemque decrementum ab *aqua* ſerri, & a *vitrioli* oleo, ſi una copu-  
lentur. Enaſcitur ſane illud a ſorulorum numero corporibus interjecto-  
rum; particulæ enim oculis aliarum ſe immittunt, ut æqualis mate-  
riæ quantitas ſuperſit, ſed jaſturam patiatur ſumma voluminum.  
Hæc, & alia ex Fajo, Reaumurio, Hookio, Hauksbejo, & Petitio  
memorat Muſſchenbroeckius (1).

21. Poris licet reſertiſſima corpora ſint, ii tamen differunt magnitu-  
dine. Eodem in corpore credendum non eſt, poros æqualiter extendi;  
particulæ enim omogeneæ penitus cum non ſint, invicem ſeparantur  
distantiis non æqualibus. Quid ſi ſolidum corpus cum ſolido alio  
comparetur, major erit diſſimilitudo; degeneribus quippe moleculis  
confarciuntur, quibus interjacent ſpatia inæqualia. Ad fluidum poſtremo  
corpus ſi ſolidum referatur, maxima erit pororum diſcrepancia; ex  
corpufculorum namque diverſitate diſſident, & ex plexuum varietate.  
Ulla nec ratio in promptu eſt qua innotefcat pororum amplitudo;  
arbitrandum enim non eſt, ab illis, quo grandiores ſunt, facilius ad-  
mitti, ut in cribris uſuvenit, particulas exiliores. *Aquæ* nempe mole-  
culæ poris *pannorum* minus expanduntur, & *lucis* particulæ ſunt *papyri*  
mea-

(1) Specim. phyſic. num. 38.



meatibus breviores; a luce tamen papyrus tenuis non transfoditur, nec quoddam vestimenti genus transverberatur ab aqua. Putant vero nonnulli, a repulsione hæc progredi, vel ab infirmitate adtractionis.

2. Magnitudine non modo pori discriminantur, verum etiam numero. Nulla suborietur admiratio, ubi conspiciantur oculi in singulas corporum complexiones; pro molecularum enim parvitate, & figura, inæqualis adveniat necesse est copia foraminum. Evinci sane posset pororum multitudo, ubi corpus quoddam extaret omnino expers illorum: ex pondere nempe quod æquali sub volumine corpori alteri inesset, res afferretur in medium. Globo nimirum plumbeo pori si deessent, descendendum a libra foret pondus globi æqualis eburnei; quod enim gravitati hujus deficeret, adjudicandum esset turbæ pororum. Sed cum plumbum, ut cetera omnia, meatibus non careat, via præcluditur supputationi.

## C A P U T VIII.

### De corporum electricitate.

1. **C**ORPORA multa donari electricitate, dogma fuit temporum vetustiorum. Non constabat tamen electricam esse omnem naturam; prodigiorum enim evulgatio recentioris ætatem præstolabatur, quæ veterem superaret inveniendi studio, & arte experiundi. Innumera quidem, & plane admirabilia electricitatis effecta innovare; sed delituere adhuc illorum principia, ut caussarum ignoratio contaminaret non parum præstantiam inventorum. Rem itaque perdifficilem, quam sumus enucleaturi, absolvimus partibus quatuor. Prima præcipuas affert de electricitate observationes; statuit secunda, efficit illam a materia ignea ex corporibus fluente; tertia disjicit oppositas rationes; exponit quarta phænomena alia electricitatis.

#### PARAGR. I.

#### Afferuntur præcipue de electricitate observationes.

2. **V**IS est electricitas qua adhaerunt corpora, & repelluntur. Sumtum id nominis ab electricis fuit, quæ paleas ad se adducunt, & corpuscula alia minutiora. Excitari ratione duplici ea assolet, nimirum frictione, & communicatione; quæ vero a frictione oritur, primitiva dicitur, & quæ a communicatione, nuncupatur derivata. Corpora quæ primo sunt electrica, seu electricitatem primitivam obtinent, sunt vitrum,

*pix, sulphur, alba cera, gumma, cera hispanica*, aliaque complura. Derivatam vero electricitatem admittunt, seu electrica secundo sunt *animantia, plantæ, metalla, fluida, marmora*, & alia non pauca. Sed exponendum speciatim est, quo pacto frictio peragatur, & communicatio.

3. Ratione potissimum hac *frictio* instituitur. Tubus vitreus in medium afferatur ex Bohemica, vel Anglica chrystallo; hujusque longitudo pedum 3. sit, diameter pollicis 1. & 1. lineæ crassities. Parum refert, an apertus utrinque sit, vel ad partem alteram claudatur hermetice; modo aerem libere excipiat, expersque sit omnis humiditatis. Admota extremorum alteri manu cohibeatur firmiter, & altera, quæ nuda sit, leniter perfricetur, sed non lente; sique humiditatem manus hauserit, adhibeatur charta, qua per totam decurratur tubi longitudinem. Electricitas ex *frictione* tubo sic accedit; obtinetur vero alium in modum *communicatio*. Sphæra elaboretur A vitrea. \* & vacua, cujus diameter pedis 1. sit, & crassities sit 2. saltem linearum; utrinque autem cuspidibus innitatur sive polis, fulcro firmissimo conceditis, ut circa illas volutari commode possit. Verticaliter erigatur rota lignea B C D fune ad circumferentiam instructa, quæ si in gyrum agatur, convertat sphæram; hæc autem motum simulatque conceperit, fricetur manu exsiccata F. Pone sphæram æquatorem horizontaliter collocetur, quin illum tangat, virga ferrea E H, a funiculis M & N pendula e serico confectis; corpus enim omne quod electricum communicatione sit, pici, vel sulphuri insitit necesse est, alterive substantiæ innitatur primo electricæ. Post nonnullas sphæram conversiones electricitatem virga nanciscitur, parque evadit ad effectus quos sumus descripturi. Sed accuratum machinæ hujusce schema exhibet Nolletus (1).

4. A frictione pendeat, vel a communicatione, eadem est electricitas. Tubi nimirum, & virgæ particulæ, quæ excitantur, agunt æque in corpora subjecta; proprietates tamen quæ prætexuntur a virga, vividius ceteris fulgent, & persistant diutius. De his propterea differetur præcipue. Quinque autem sunt, nimirum *adtractio, repulsio, flamma, crepitus, & concussio*. Quo ab *adtractione* ducatur exordium, ignorandum non est, *bracteas aureas, aris ramenta, plumas exiliores, vitri fragmenta*, & alia, si lanci imponantur, & admoveantur virgæ electricæ, attolli, ut interdum illam contingant. Crateres præterea *atramento*, vel *aqua* referti, virgæ electricitatem asscuræ si porrigantur, quin eam tangent, in superficie exhibent convexitatem; quod argumento est, fluida poculis immissa erigi ex adtractione. Quo validior autem electricitas est, eo graviora trahuntur corpora, & impetu celeriore.

5. Parit electricitas etiam *repulsionem*. Credendum videlicet non est, *folia aurea*, quæ adducuntur a virga, ei firmiter adhærere; regeruntur enim

\* Tab. I. fig. 5. & 5. (1) Specim. de electric. par. 1.

enim alternis vicibus in partem adversam, ut vibrationis motum obtineant. Idem uluvenit, si *tanis sericis* a bacillo quem serici funiculi sustineant, pendentibus appropinquet virga electrica; accedunt enim illæ, & recedunt, videnturque æmulari quamdam trepidationem. Repulsionem vero pro electricarum virium incremento confirmantur, infirmanturque pro decremento, ut omnino deficient, absunta simulatque fuerit electricitas. Ex hujus quoque ratione augenda, vel minuenda est adtrahendorum corporum distantia.

6. Ab electricitate deinde provenit *inflammatio*. In electricæ scilicet virgæ angulis penicillus apparet radiis exilibus confectus; qui, si manu excipiantur, sensationem in cute efficiunt tenui vento persimilem. Homo præterea sulphuri impositus, si alteri manum admoveat aureis, vel *argenteis* vestibus induto, scintillas excitat, quæ afferunt dolorem; incenditque etiam *vini spiritum*, si eo digitum inducat. Enimvero existimandum non est, exoriri tantum igniculos prope corpus electricum; virgæ namque si catena 40. vel 100. pedes longa, quæ a filis sericis pendeat, & desinat in cuspidem, adjiciatur, in altero sui extremo flammam emittet. Multa sunt, & plane singularia electrici ignis portenta.

7. *Crepitus* pariter consequitur electricitatem. Ubi virgæ, cujus valida electricitas sit, corpus quodpiam accedat, exauditur strepitus flammæ conjunctus. Sonum huic persimilem scintillæ pariunt quæ erumpunt e stipite ardenti; in egressu enim aerem, quem occurrere sibi sentiunt, repellunt, & crepitare faciunt ex collisione. Ad flammam conspiciendam licet necessaria loci obscuritas sit, sonitus tamen ipsius auribus excipitur, quæ ad audiendum sunt naturaliter expeditæ. Analogiæ causa vocari a multis solet *fulmen electricum*.

8. Electricitati postremo debetur *concussio*. Homo phialæ vitreæ aqua ferme repletæ, cui immittatur filum ferreum a virga pendens, manum si supponat, & manu altera virgam contingat, concussionem experitur brachiis interdum, & interdum pectori maxime insensam. Commotionis nempe hujus momentum, ubi insignis sit virgæ electricitas, validum est adeo, & vehemens, ut qui illud pertulerit, multum doleat, & nonnisi invitus tegredi velit ad faciendum rursus periculum. Nec is tantum concutitur qui phialam tenet materia electrica cumulatam; verum si manum alteri porrigat, ut catena attexatur hominum amplissima, de illata vi conqueruntur omnes, ubi postremus virgam attigerit. Interfectus hunc in modum aviculæ, & mures fuere, quorum cerebrum ictus affecerat; detractaque capitis cute observata sanguinis concretio fuit, quam induxerat percussio. Ab urbe, ubi sumtum apud Batavos experimentum fuit, nuncupatur *Lugdunense*.

9. Recensitis, quæ electricitati præsertim insunt, affectionibus, inquirendum est in causam illius. Dicendo indicari vix potest, quanta animi contentione utrinque steterint viri doctiores; experimenta enim, in quibus situm præcipuum est veritatis præsidium, incerta nonnumquam

esse dicuntur, vel consecutionibus adversis æque consentanea. Electricitatem quidem progredi omnes volunt subtili quadam a materia quæ corpora pervadat; dissidia tamen in directionem spectant, qua donanda illa esset ad rerum adeo præstantium effectiorem. Symbolam sumus collaturi, sed verecundia gratia iis quibus nostra non probabuntur, edicimus, ut viros ad celebriores se conferant, nempe Windlerum (1), Watsonum (2), Frekeum (3), Grayum (4), Dufayum (5), Martinum (6), Krantzensteinum (7), Bozeum (8), Waitzum (9), Jallabertum (10) Franklinum (11), & alios. Utilius tamen ceteris scripsere Nolletus (12), & Beccaria (13).

## PARAGR. II.

*Probatur, electricitatem ab igne provenire qui effluit a corporibus.*

10. Absolum non est electricitatem ignem esse e corporibus erumpentem.

RAT. I. Indubia res est, repleti corpora substantia ignea, quæ diligit expansionem. A virga autem electrica egredi conpiciuntur penicilli lucidi, & divergentes, qui manui materiem obijciunt araneorum telis, aut vento leni persimilem. Odor etiam emittitur ad distantiam non exiguum, qui insuavem phosphori urinacci putorem imitatur, & fetorem fatis injucundum aliorum. Igitur sita in igne esse potest electricitas.

II. RAT. II. Substantia ignea quæ a corpore exiliat, creare adtractiones potest, & repulsionem. Ubi scilicet exeat, aerem abigit virgæ, & bracteis interpositum; sit propterea ut qui sub corpusculis degit, amoto æquilibrio illa conjiciat in virgam, & obveniat adtractio. Verum bracteolæ, dum virgæ accedunt, impetum subeunt prodeuntium penicillorum: in oppositam idcirco partem remittantur necesse est, & suboriatu repulsio. Cumque recurat iterum aer, iterumque exturbetur, adtrahi visissim videntur corpora, & repelli, ut alterni accessus sint, atque recessus. Adtractiones propterea, & repulsionem ab aere confici suadent experimenta; in excipulo enim Boyllano pendulum chartaceum, quod prope electricum corpus statuatur, parum movetur aere educto;

eo au-

(1) Tentam. de causis electricit. (2) Addit. experim. & observat. electric.

(3) De causis electricit. (4) Transact. philosoph. num. 366. 417. 422. & alibi.

(5) Memor. Acad. reg. ann. 1733. & seq. (6) Specim. de electric. sec. theor. Nevvt. (7) Theor. electricit. (8) Inquis. de causis etc. & tentam. de electric.

(9) Comment. de effect. & causis electric. (10) Experim. de electric.

(11) Experim. & observat. de electric. (12) Specim. de electricit. & inquis. de causis electric. & epistol. de electric. (13) De electric. animis & natur. & epistol. de electric.

eo autem restituto crebras, vividasque celebrationes (1). Igitur materię effluenti tribui merito potest electricitas.

12. RAT. III. Absque igne nulla est corporum inflammatio. Exploratum vero est, a substantia quę ab electrica virga exit, *vini spiritum* incendi, & in flammam conjici *pulverem pyrium*. Substantia videlicet effluens, ubi rara omnino sit, nullumque offendant corpus, a quo detineatur, dissipatur in aerem. Obvium tamen corpus si habeat, atteritur, colligiturque, & ignis evadit ad combustionem omnem expeditus. Igitur ignea a materia suam capiunt corpora electricitatem.

13. RAT. IV. Igneus effluxus perspectus a crepitu sit corporum electricorum. Virga nimirum electrica, vel tabus, quum tangitur, congregiuntur corpora duo; quorum alterum atmosphęra corporis electrici est, alterum est corpus non electricum. Ex illorum vero conflictu aer, qui utrique interjicitur, & depellitur, impetum confert proximiori, ut undarum aerearum propagatio deferatur ad aures, & sonum efficiat. Igitur a substantia quę egreditur, accersenda est electricitas.

14. RAT. V. Ignis eruptio originem facit electricę concussioni. Homo videlicet qui phialam electricam manu teneat, & contingat altera virgam, duplici subditur impetui, quorum alter a subtili phialę substantia proficiscitur, alter a tenui virgę materia. Scilicet vim utraq; facit moleculis quę in homine reperiuntur, & dilaberentur in aerem; ex propterea in partem aliam reverteruntur, adigunturque regredi ad corporis intimiora. Cumque oppositas utrinque determinationes subeant, veniantque ex adverso, se invicem collidunt; vim idcirco suam exonerant in partes proximiores, ut dolor inde proveniat, anhelitus, & lassitudo. Igitur igneis ab effluviis ortum ducit corporum electricitas.

## PARAGR. III.

*Disjiciuntur oppositę rationes.*

15. INEPTIRE multi existimant ignem ad electricitatem.

ARG. 1. Quę materię igneę conveniunt, defunt electricitati. *Primo* pervadit ignis corpora universa, ut nullum vel compactius illius subtilitatem eludat; *vitrum* nihilominus substantię electricę poros objicit obstructos, & impervios. Aditum videlicet illi ubi patesceret, experimentum excederet phialę Lugdunensis; electrica quippe substantia non colligeretur, sed ad manum per vitrum commearet, & dissiparetur in atmospheram telluris. *Secundo* fieri non potest seungi ignem a calore; multa tamen, & quidem præcipua sine calore obveniunt effecta electricitatis. Absque æstu nimirum ullo fundi corpora queunt concretio-

(1) Ap. Beccar. de electr. epist. 3. num. 81, 82, 83.

tiora ; quia auri solum vitris electricis interpositum , ubi scintilla educatur , liquatur adeo , figiturque poris laminarum , ut erui inde non possit *aqua regiae* neque praesidio . *Tertio* tubus qui nimium calefiat , nullam admittit electricitatem ; constat vero aptiorem potius fore ad illam evasurum , si ab igne fierent corpora electrica . Igitur derivanda electricitas non est ab ignis egressu .

16. RESP. Nullam suppetere materiem ad electricitatis portenta igne opportuniorem . Facienda iterum mentio non est de *pulveris* , & aliorum combustione ; ceteras namque ignis , & electricitatis leges qui diligenter expendit , pertinere omnes intelligit ad rem eandem . Nisi excutitur , ignis non emicat , attrituque solo flammam admittunt *sulphura* , *spiritus* , & *phosphori* ; frictione quoque electricitas expergitur , vel communicatione , cujus tamen causa est una vitri conficatio . Ferventior ignis est , quo degit in corpore duriore , ut *ferrum* , quum lima expolitur , sit plumbo calidius ; *cera* pariter , quæ mollior est , electricitate *sulphuri* cedit , & *vitra* . Per corpus metallicum ignis promptius excurrit quam per alia , quia *cuprum* , ejus exitumque calefiat , ad manum defert citius *ebore* calorem ; virga etiam metallica expeditius ignea confert rei alteri electricitatem . Ignis validior est , quo major est corporum oppositio : *pulvis* enim in aerem dissatur , sed ingentes globos explodit tormentis inclusus ; electricitas haud aliter quæ in excipulo aeris experte reperitur , nullamque invenit resistenciam , edic crepitum nullum . Lux , quæ ab igne reapse non differt , latissimas ad distantias profertur minuti unius intervallo ; per annulorum quoque in catena extantium seriem electricitas celerrime propagatur ad insignem longitudinem . Adversa igni , qui ab ea restinguitur , est humiditas ; nullum autem sui indicium exhibet electricitas , ubi tempestate humida tubus , vel sphaera proponatur ad experiendum . Exploratum itaque sit , initum scelus ab igne fuisse cum electricitate , quo admonemur , sumendos animos esse , nodosque dissolvendos trium exceptionum . *Prime* reponendum est , materiam electricam , quemadmodum igni , recludi viam ad corpora omnia : qui enim periculum fecere , testati viri clarissimi sunt , trajici ab illa *vitrum* , & alia ( 1 ) . In vase nimium vitreo hermetice clauso *pluma* si suspendatur , erutoque aere agitur super illud tubus electricus , ea oscillat adtractionis motu , & repulsionis ; quo innotescit , commeasse per vasis latera vim electricam . Vas etiam vitreum , ejus collum ablato aere , obsignetur hermetice , tuboque , aut ferrea virga inferatur , & donetur , ope globi vitrei , electricitate , flammam intus admittit ; fieri autem illud non potest , quin occlusam colli partem subeat a tubo ignea substantia . Phialæ demum Lugdunensis fundus non cohibet penitus ignem ab electrica virga defluen-

( 1 ) . Ap. Nollet epist. 3. & 4. de electricis.

fluentem; eum namque ad manum, quam homo supponit, partim transmittit, partimque retinet ad tuendam electricitatem. Illud sane est in causa qua phiala diu electrica sit, pergatque crepitum edere, & scintillas; in aquam tamen nisi a virga ignis rursus proveniat, actum erit de vi electrica; quod ostendit, a vitro non coerceri ignem omnino. *Secunda* reddendum est, ab igne qui rarus sit, & tenuis, nullam expectari posse caloris sensationem; raturum vero est levis, subtilisque plerumque esse electricitatis igniculos. Quod si liquidum ab electricitate fuisse aurum memorent sine calore, censendum erit redactum illud fuisse potius in pulverem; verum si negent, & obstinatius tueantur auri solutionem, fluxisse audient ope caloris. Nec quidquam proficiet, si attactas manu fuisse affirmant laminas vitreas, nullamque caloris notam inuisse; rescient enim, agere ignem citissime, & dilabi facile calorem. Latere etiam illos non poterit, scintillas, quæ a silice excutuntur, globulos esse calybis fusi; ubi tamen charta eos colligant, contingantque, nullum experientur sensum caloris. Ad rem opportunitior fulminum virtus esset, quæ summam cum electricitate cognationem habent, & gladium fundere prædicantur quin vaginam laxant, nummosque solvere quin urant marsupium. Hisce tamen narrationibus fidem sero adhibent Philosophi minime imperiti; sique veræ sint, marsupium, & vaginam superesse ex fulminum frigore non constabit, sed ex resistentiæ inopia, vel ex copia humiditatis. *Tertia* respondendum est, virgam quæ nimium incalecat, ineptam esse ad electricitatem, quia caloris particulae dissipantur facile, & in aerem abeuntis alimentum surripiunt electricæ atmosphæræ. Adjicietiam potest, a motu qui concitatiores sit, perturbari electrica filamenta, ut progredi recta nequeant, & penicillorum instar impetum facere in corpora objecta. Comperta hæc sient, ubi differre quodammodo animadvertatur ignis ab ignea materia; hæc enim, dum corporibus inest, tenuis est ignis, integram vero assequitur ignis vim, ubi illinc expectatur. Igitur in igne latent semina electricitatis.

17. ARG. II. Ab ignea substantia aufertur discrimen electricitatum. Scilicet ab ea si penderent, dividi corpora non possent in *primo* electrica, & in electrica *secundo*; complentur enim omnia ingenti ignis copia, quæ expandi perpetuo nititur, & per poros diffluere. Supervacaneum propterea esset suspendi corpora, quibus conferenda electricitas sit, sericis vitæ, vel sulphuri imponi; communicare namque cum aliis quodque illorum posset, quin moram ullam ferret ignis ad erumpendum. Igitur redigenda electricitas non est igneam ad materiam.

18. RESP. Adeo latentia non esse munera electricitatis, ut revocari demum non possint in causam unicam. Non diffidimus igneæ substantiæ fore illa adjudicanda, ubi perspecta ratio sit qua generantur, servanturque electricæ corporum atmosphæræ. Rem sane arduam aggredditur qui integrum, & absolutum construere posse putet harum systema;

stema ; ad impossibile tamen non contendit , ubi conjecturas ponere tantum satagat , rationi , & experimentis non dissentaneas . Omnem itaque citra dubitationem est , repleti corpora cuncta igneis moleculis ; quæ licet repulsionis vi cogantur invicem recedere , & propterea egredi , desinentur tamen ab ipsa corporum textura . Quo electricitatem acquirant , compellendæ in motum sunt igneæ particule ; hæ vero dum exeunt , aerisque resistensiam quoquoeverlus offendunt , listunt , & atmosphæram conficiunt pro distantiarum inæqualitate densitates varias obtinentem . Corpora idcirco omnia , quum electrica evadunt , assequuntur atmosphæram ; pro concretionum tamen discrepantiæ duæ suboriuntur præsertim electricitates . A structura nimirum , qua moleculæ adeo devinciuntur ut solvi sola frictione possint , corpora proveniunt *primo* electrica ; quorum atmosphæra motum aliis impercit , & perstat diutius . Corpora vero electrica *secundo* a complexione prodeunt , quæ moleculas cohibet parum , & dimoveri patitur levi impulsione ; sitque propterea derivatam ab aliis esse horum atmosphæram , & citius dissolvi . Hanc potissimum ob causam *vitrum* , *pix* , & *sulphur* differre electricitate dicuntur a *metallis* , *plantis* , & *animantibus* ; quia ob diversam partium compagem moleculæ illorum frictione exasperantur , horum vero excitantur pulsu , seu communicatione . Nec a re alia profuit , *metallum* , quo electricitatem adoptet , sulciendum esse sericis funiculis ; hi namque cum moleculas intus afferant colligatas penitus , & impeditas , atmosphære obstitunt corporis electrici . Alteri nimirum corpori virga electrica si adhæresceret , illius particulas impelleret ad motum paratiores ; amitteret propterea suum , & omnem abjiceret electricitatem . Sapienter idcirco faciunt qui aerem accensent corporibus *primo* electricis ; quovis enim pacto moleculas suas ipse cohibeat , exploratum est alias repellere , quæ manant a virga , ut non patiatur illarum motum extinguui . Fieri quidem potest a vitis omnibus immunem non esse hanc atmosphærarum descriptionem ; probabilitati tamen quantum erogari assolet , non ambigimus id totum in eam consentire . Igitur non pugnat ab ignea substantia prodire electricitatem .

19. ARG. III. Virga electrica , si corpore non electrico tangatur , jacturam fert electricitatis . A materia tamen ignea , quæ atmosphæram efficeret , si prodiret electricitas , fieri non posset amitti illam a virga quam corpus non electricum contingeret , homo nempe insitens telluri . Electricæ videlicet atmosphære æque adversaretur vitta serica , ac homo non electricus ; particulas enim ad motum minime comparatas illa opponeret , sicut homo objiceret innumeras , quæ per totam diffunduntur massam telluris . Quemadmodum propterea a serico non impediretur , sed promoveretur potius virgæ atmosphæra ; ita eam non perturbaret , multoque minus deleteret corpus non electricum . Igitur ad materiem igneam non pertinet electricitas .

20. RESP. A non electrico reapte destrui atmosphæram corporis electrici .



Strici. Illud sane non obvenit, ubi semel virga tangatur, & secundo; insignem namque electricitatem nacta si fuerit, complures edit crepitus, & scintillas, antequam coerceat igniculos, & contineat. Hoc tamen virium exitium eruptioni materię igneę non officit, nec atmosphęrarum efformationi; causa enim qua a serico non exturbantur illę, disperduntur vero ab homine non electrico, accersenda ab ingenio est concretionum corporearum. Moleculis scilicet quę a virga egrediuntur, tum sericum refragatur, cum homo qui hæreat pedibus telluri; illud quidem ex particularum, quas firmiter retinet, immobilitate obstitit, hic vero ex multitudine illarum. Verum maximum est discrimen oppositionum; sericum enim, sulphur, & alia motui molecularum valide obducuntur, & texturę caussa non accipiunt, sed rejiciunt illum ab sese; homo vero pugnatur alia ratione. In motum videlicet adigi non sinit universam, quam cum tellure affert, ignis quantitatem; sed cum vehiculum materię igneę sit, impetum suscipit, qui exinguitur, dum distribuitur per totam massam. Pronum hinc sit a serico electricam virgę atmosphęram non dissipari, corrumpi autem ab homine non electrico; hic enim ignis a virga erumpentis vim, quam excipit, perimit omnino, intereadum illud abjicit, & remittit in partem aliam. Veritatem hic negligi non opinabitur qui cogitet inter hominem sulphuri imminentem, & inter sericum rem mediam esse corpus insidens telluri: serica nimirum tænia, quę virgam sustinet, non accipit, nec exerit impetum electricum; accipit, sed non exerit homo hærens telluri; corpus vero quod ab ea sejungitur, accipit, & exerit tempore definito. Eaque de caussa homo sulphuri inmixtus, & virgę adjunctus atmosphęram hujus non eripit, sed servat, sicque ipse etiam electricus; ubi tamen aliis eum corporibus communicet, impetumque propterea referat, quin experiatur motum, eam sistit, & præfocat omnino. Quę hic præcipimus, intelligi *relative* volumus, non *absolute*; a serico enim totus virgę impetus non repellitur, nec ab homine qui tangat pedibus tellurem, totus absorbitur. A corpore *primo* electrico, cujusmodi sericum, & vitrum est, non repudiari eum penitus, patet ex phiala vitrea, quę si electricę virgę apponatur, acquirit electricitatem. Homo etiam qui phialę manum subijcit, non vetat fieri illam electricam; quod argumento est, a corpore *secundo* electrico, ut homo est, totam non adimere electricam facultatem. Electrici itaque impetus exclusio temperanda proportionem est, ut a corporum natura non modo pendeat, verum etiam a volumine; sericum enim obstitit fortius vitro, & phiala crassior, vel vitrę lanci impoſita, validius pugnat subtiliore. Alias nec leges sibi vendicat earumdem virium admissio; metalla enim liberius animantibus viam illis parant, sed ægrius, quo massa eorum est auctior. Qui electricitatis arcana ita edisserat, & regat potissimum comparatione, nisi omnes, complures saltem nodos expediet; per devia aliter deducetur, nihil-

Tom. III. Physic.

T

que

que affert præter obscuritatem, & inconstantiam. Igitur mendacius non faret qui ab igne omnem derivat electricitatem.

21. ARG. IV. Res est ferme evidens non dependere ignis egressum a corporum textura. Corpora nimirum quæ electricitate conveniunt, dissimilem affertunt partium complexionem; & persimilem partium nexum obtinent quæ dissentiunt electricitate. *Sericum* videlicet, & *vitrum* impertiuntur electricitate *primitiva*, quæ a frictione progreditur; hoc tamen ad mineralia pertinet, illud ad animantia. *Homo* vero, & *sericum* electricitate differunt, ut *derivatam*, quæ est a communicatione, ille assequatur, hoc *primitivam*; ad animantia tamen spectat utrumque. Addendum est, *aquam*, & *humiditatem* non discriminari partium complexionem; nihil enim esse humorem constat præter aquam paullo diluioiorem. *Humiditas* tamen insensa est electricitati, intereadum *aqua* illam admittit, & defert ad phialam; funisque *aqua* perfusus ad electricitatem est arido accommodatior. Igitur non comparatur electricitas ignis eruptione.

22. RESP. A partium dispositione proficisci posse geminam electricitatem. Pro vario videlicet molecularum contextu materia electrica lentius expeditur a corpore, vel promptius; quo fit electricitatum aliam frictione excitari, aliam communicatione. Inficiandum quidem non est, *sericum*, & *vitrum* in diversa omnino genera spectare, in idem vero *hominem*, & *sericum*; non obstat tamen, quæ dissentanea genere sunt, convenire structura, dissidere autem quæ sunt consentanea. *Saxa*, & *testacea* mineralium classibus accensentur, & animantium; testarum tamen forma & indoles si expendatur, sequi omnino liquebit lapidum habitudinem. *Homines* vicissim, & *testacea* eidem subijciuntur ordini animantium; sed arbitrabitur nemo cui oculi ad cernendum non desint, congenerem esse, & affinem eorum figuram. Prætereundum deinde non est, partes quæ decisæ a corpore olim fuerint, perturbationi subesse, & vicissitudini, ut aliam coagmentationem admittant, atque temperiem. Quod præclare cadit in *sericum*; licet enim ad bombycem attinuerit, locupletarique propterea regnum, ut ajunt, animale, exsiccatum tamen probe fuit, subactumque modis innumeris, ut in rem aliam evaserit. Edicendum denique est, compagem quam ad electricitatem reposcimus, non esse corpusculorum tantum distributionem, sed syntaxim eorundem esse elasticitati, aliisque corporum facultatibus adjunctam. Neminem autem vel imperitiorum præterit; corpora quæ consonant textura, vel dissonant, consentire posse, vel dissentire, aliarum gratia proprietatum; elasticitas enim sibi præsertim statuit causam peculiarem. Quod de *aqua* adiciebatur, & de *humiditate*, non est ceteris opportunius; ostendi namque vix poterit, eandem esse rei utriusque constructionem. *Aqua* electricitatem admittit, quia refertos ignea materia poros habet ad motum accommodata; *humiditas* tamen cohibet, quia corporum exspiratio potius est, & pinguedine sua  
gum.

*gummarum* indolem imitatur, *sulphurum*, & *resinarum*. Quod si ab *aqua* nolint illam differre, observare non detrectabunt, a corpore quod nactum nimiam fuerit partium exiguitatem, obstrui poros aliorum, vetarique propterea ne ignis exiliat. Igitur ab igne exordium ducit omnis electricitas.

23. ARG. V. Adtractione explicari cuncta possunt phænomena electricitatis. Corpora videlicet virgæ accedunt electricitatem consecutæ, quod levia cum sint, obfistere nequeunt illius adtractioni. A virga autem recedunt ex effluviis, quæ a tabula cui insunt, exeunt perpetuo; hæc enim adtractionis vi *bractæas* ad se adducunt, & reducunt consequenter a virga. A particulis etiam quæ a corporibus prodeunt, & a virga valide adtrahuntur, oritur inflammatio; earum enim attritus, & congressio scintillam parit, crepitum, & concussionem. Igitur igneam extra materiem inveniri potest electricitas.

24. RESP. Tributam electricitatem adtractioni fuisse post Martinum Anglum a Bina (1). Diffidendum non est, ad plerasque rerum naturalium elucubrationes utilissimam esse adtractionem; ad electricitatem tamen quod attinet, sibi nullatenus constat, & ineptit omnino. Impervium menti est, a virga *bractæas*, *plumasque* adtrahi, & corpora minora; antequam enim electricitatem admittat, motum nullum excitat iis in substantiis. Electrica vero postquam evaserit, radii, quorum egressus causam adtractio non affert, trahere ad virgam nequeunt *plumas*, & alia; adtractionis quippe vi illis potius adhærescerent, figerentque in tabulam subjectam. Nec exponuntur facilius, si ratio confutatur, repulsionis; moleculas enim a tabula effluentes virga ubi adtrahat, non est cur hæc *plumas* sibi adjungant, & removeant a virga. Dam autem præcipuis electricitatis effectibus adtractio non prodest, superfluit penitus ad alios, ut sine illius opera expediri commode possint inflammatio, crepitus, & concussio. Adtractionis idcirco, seu vis synaptæ loco advocanda potius est, quam alibi descripsimus, vis apofuga; ea nimirum, cujus gratia ignis cunctis in corporibus delitescens expandi nititur, & in libertatem asseri a corporum recessibus. Electricitati hanc esse pernecessariam, ratum præcipue fit in substantiis quæ evadunt electricæ frictione; ignis enim tubo vitreo constrictus, laxatus simulatque fuerint claustra pororum, quoquoque exeritur nisi suæ repulsionis. In virga autem ferrea, quæ electricitatem adipiscitur communicatione, juvatur aliter vis ignis repellens; corporis namque latera sibi parum obfistere cum sentiat, augeri tantum postulat ex incursum materię a vitrea sphaera profluentis. Equiorem propterea causam electricitati ponere qui velit, repulsionem inducat, non adtractionem; ostendimus enim, impulsione motum, qui ab igne proficiscitur, ad ra-

(1) Effect. electric. explic.

diorum emissionem, & adractiones corpusculorum parem esse, ad flammam, crepium, & concussionem. Igitur merito decernitur, provenire ab igne electricitatem.

25. ARG. VI. Ignea substantia non satisfacit electricitati. Effluentem præter materiem, cujusmodi est ignis, admittenda alia est, quæ corpori electrico accedat, & sit affluens. A corpore nimirum quod electricum fiat, egredi radii cernuntur diuturno temporis intervallo; hi vero insigni donantur velocitate, & disperguntur latiores in penicillos. Copiosa autem materia fluere tamdiu, & ideo celeriter non posset, nisi reficeretur ab alia, quæ proximis a corporibus efflueret, opemque ad ferendam poros subiret corporis electrici. Igitur præter ignem alia est causa electricitatis.

26. RESP. Probatam de materia duplici opinionem fuisse Nolletto (1). Quasi vero præstantiæ parum, & celebritatis a tanto viro foret acceptura, vindices etiam habuit quos supra memoravimus, Bozeum, & Watsonum. Prætereundum silentio non est, displicuisse eam aliis non paucis, quod a materia effluente existimarent affluentem prohiberi, ne irruat in corpus electricum. Rationi huic qui stant ex adverso, respondent, non egredi ignem a poris corporum universis; alios præterea hiantes suppetere, & vacuos, quibus se ingerat, injiciatque affluens materia. Objici etiam potest, ab affluente non instaurari effluentem; ea enim nequit a re ulla motum accipere, quo a corpore electrico post ingressum exeat, & servet eo pacto electricitatem. Rationem tamen hanc alteram carere non putant pariter evasione; afferunt namque, affluenti ab effluente materia impetum conferri, vel a fibris corporis electrici, quæ fuerint frictione, vel communicatione in motum conjunctæ. Quodvis de enodationibus hæc feratur judicium, consentaneum veritati est, post ignis exitum repleti corpus nova materie; ad hoc potissimum a natura ignis adducimur, & ab effectuum electricorum copia, & duratione. Vas scilicet ligneum foraminibus instructum liquori si immittatur, & educitur hic anthrax præsidio, partes fluidæ quæ ad valis latera extans, ingrediuntur omnino ex legibus pressionum. Eadem de causa a corporum poris electrica materia ubi exiliat, insiliat aliaccesse est; ignis enim, quo turgent corpora omnia, fertur fluiditate sua in locum ab igne alio destitutum. Hinc tamen nihil profluit iis, quæ hæcenus edocuimus, adversum; quippe licet ignis effluens, & affluens admittatur, ab eo tamen qui effluit, ducenda reapse est omnis electricitas. Cum ab affluente lux, adtractio, & alia tantum proveniant, nihil ignis affluens est nisi alterius restitutio; qui propterea electricitatis causam esse hunc diceret, cibum affirmaret esse sudoris causam, & perspirationis. Non nescimus, effluentis, & affluentis ignis incursibus

---

(1) Specim. de electricit.

bus explicari flammam fortasse posse, crepitum, & concussionem; sed cum affluens impetu magno careat, adjudicanda æquius esse illa credimus effluenti. Igitur ignis egressui debetur electricitas.

27. Ratione alia electricitatem enasci Franklinus censuit; illiusque sensa exposuit, & vindicavit Beccaria (1). Horum itaque iudicio progreditur electricitas a substantia quæ per corpora omnia inæqualiter diffunditur, & querit expansionem; electricum tamen esse corpus potest, quin substantiam ullam emittat. Duplex nempe electricitas est, *negativa*, & *positiva*; quarum illa defectum electricæ materiæ corpori cuique debite significat, hæc excessum. Ubi videlicet confricat manus tubum, vel globum vitreum, ab illa ad hunc transit vapor electricus; verum electrica sit res utraque, quia ad restituendum æquilibrium a corpore cui plus materiæ inest, venit hæc ad aliud cui minus, eoque pacto flamma obtinetur, crepitus, & concussio. Electricitatem ira peragiti constans esse dicitur septem experimentis. *Primum* est, a stylo ferreo virgæ appposito, cujus cuspis in globi æquatore spectet, stellulam edi, emitti vero penicillum a stylo alio, cujus cuspis tendat in machinam; *perspectum* autem expertis est a stellula materiam ingredientem designari, & egredientem indicari a penicillo. Hæc sane significant, ex globi vitrei frictione substantiam electricam a machina in virgam confluere, ut styli ad globum conversi cuspidem subeat; & exire a stylo alio aliam substantiam ad machinam instaurandam. Patet propterea virgam excessu electricam fieri, & machinam defectu. *Secundum* est, phialam aqua plenam, quæ si electricæ virgæ suspendatur, acquirit electricitatem, eam prorsus amittere, si a virga ad machinam sulphuri insistentem transferatur, & ab ea pendeat tempore æquali. Ratum hinc fit electricam materiem a globo per virgam decurrere in phialam, a phiala autem, quum transfertur, recurrere in machinam, ut locum quem obtinebat antea, recipiat: quo concluditur, additione electricam virgam evadere, & machinam subtractione. *Tertium* est, scintillam cerni, & percipi concussionem ab homine sulphuri imposito, qui duas phialas a virga, & a machina piec, & serico suffultis, pendulas sustineat utraque manu, uncosque illarum admoveat usque ad contactum. Utramque tamen phialam virgæ electricæ si suspendat, vel affingat machinæ, scintillam nullam, ubi contingantur, edent, nec concussionem, ut innotescat, partem ab illis non fuisse electricitatem. Apertius idcirco quam ut vocari in suspensionem possit, est ad electricitatem corpus duplex postulari, quorum aliud materia electrica abundet, deficiat vero aliud non parum. *Quartum* est, nullam adesse electricitatem, si virgæ eate-na adjungatur, deturque opera ut aliqua hujus pars cum machina communicet, efficiantque simul ambitum quemdam, & circulum. His enim

ita

(1) De electric. artif. & natur. & epist. de electricit.

ita dispositis, secretisque a contactu corporum aliorum, circuit jugiter electrica materia; cumque electricum negatione alterum non sit, nec alterum affirmatione, sed viribus æquis valeant, conticeat necesse est omnis electricitas. *Quintum* est, electricæ substantiæ copiam, quæ a sphaera virgæ confertur, respondere hominum numero pici insidentium, seque manu contingentium, ut ubi dupletur ille, vel tripletur, sit ea dupla, vel tripla. Res autem esset alia, nisi singula hominum corpora exuerentur materia quam poris continent, eamque in sphaeram conjicerent, & illius præsidio demitterent ad virgam. *Sextum* est, homines duos a tellure sepositos, quorum alius tubum a se confricatum alteri porrigat, fieri simul electricos & scintillas emittere, ubi invicem se tangant, vel contingantur a corpore non electrico. Provenit sane illud ab homine qui tubum confricat, habetque propterea minus electricæ substantiæ; hæc enim ab altero qui plus habet, restituitur, vel redditur a corpore non electrico, cui naturaliter inest plus materiæ. *Septimum* est, electricitatem vitream opponi penitus alteri quam dicunt *resinosam*; corpora namque a *resinis*, & a *sulphuribus* adtrahuntur, quæ repelluntur a *vitris*. Est quidem globi vitrei loco si adhibeatur sulphureus, munus machinæ a virga obitur, & a machina munus virgæ; ex stylorum enim appositione compertum fit, a *vitro* materiem electricam virgæ impetiri, hauriri autem a *sulphure*. Hæc tamen oppositio explanationem nullam admitteret; ubi electrica modo eodem fierent *sulphur*, & *vitrum*; constatque propterea, particularum adjunctione electricitatem obtineri a corporibus æque posse ac ablatione illarum. Rationes suas ita supputant, & instituunt Frankliniani; nec ad repudiandam, quæ in Pensilvania apud Americanos ortum duxerat, sententiam via alia suppetit præter illam quam sequi doctiores renuunt negandi impudenter experimenta. Res indubia est, ad utiliter periclitandum postulari judicium acre, pronamque ad vera, non ad singularia, voluntatem; certiores tamen reddimur, Anglis, Gallis, & Italis, qui contulere huc operam suam, eademque comperere, nihil horum defuisse. Ne Nolletum, qui aliter sensit (1), negligamus, observare tantum liceat, non liquere aperte de vitrearum superficierum discrimine, quod mirifice exsollunt, & inter præcipuas collocant sui systematis præscriptiones. Invidis non modo probationibus Frankliniani non demonstrant, sed nec probabiliter conficiunt, internam phialæ superficiem affirmatione electricam fieri, & internam negatione, ea enim dum pendet a virga, fieri electrica potest, quin ullo cum corpore communicet (2); probavimusque trajici etiam vitrum ab electrica substantia. Addendum quoque est, parum feliciter eos allaborare, ut facerentur (3), in causam qua *vitrum* additione electricum fiat, & *sulphur* ablatione; electricum enim

(1) Epist. 4. & 5. de electric. (2) Ap. Nollet. epist. 9. (3) Ap. Beccar. epist. 2. num. 41. & seqq.

enim primo utrumque cum sit, oriri differentia non potest a partium textura. Ceterum cum gravia penitus hæc non sint, ubi substantiam quam materiem electricam nominant, vel vaporem electricum, nuncupent Frankliniani ignem, non detrectabimus illis consentire, tuerique junctis viribus jura electricitatis. Emittant videlicet corpora quæ electrica sunt, ignem, vel non emittant, ab egressu ignis erit omnis electricitas; a machina enim, dum electrica negative est, scintillæ eduntur ex igne, qui a corpore affirmative electrico exit, & eam subit; vel egreditur, ut ipsi volunt, a non electrico. Definendum itaque est, absque igne nullam esse corporum electricitatem.

## PARAGR. IV.

*Alia exponuntur phaenomena electricitatis.*

28. SUPERSUNT alia, quæ momenti minimi non sunt, electricitatis effecta. Ad ea dignoscenda grandioris machinæ molimen qui refugiat, simpliciorē construatur a Bina excogitata, atque descriptam (1). Laminam nempe crystallinam vitreis poculis, quæ tabulæ pice agglutinentur, aut columellis vitreis, imponat, eamque marmoreo parallelepipedo confricat æris sonantis tunica involuto. Ferream præterea regulam, quæ laminæ accedat, quin contingat, funiculis sericis suffulciat, vel aliis crateribus; huic vero catenulam ferream adjiciat, & si placet, phialam vitream; quarum utraque pendeat a serico. Quo experimenta optime cedant, cavendum, ut monuimus, illi est a calore nimio, & ab humiditate. Vitrum enim cui lamina candens proxima sit, licet perfricetur impensius, nullam experitur electricitatem; hanc vero paulatim nanciscitur, ut corpuscula adtrahat, ubi deservescere lamina ceperit, primæque reddi frigiditati. Gladem huic persimilem electricitati inserit corporum humiditas; tempestate namque pluvia, humectatoque ex corporum vaporibus conclavi, vitrum frictione electricum non sit absque ope prunarum. Omnibus vero rite comparatis, septem post alia deprehenduntur officia electricitatis; eaque sunt corporum trajectio, velocitas excursuum, densitatum præ superficiebus electio, studium figurarum, substantiarum diminutio, depulsio morborum, & fulminum efformatio. Evolvimus omnia singillatim.

29. Primum electricitatis opus est corporum trajectio. Extra omnem dubitationem est penetrari ab electrica substantia corpora omnia; quæ tamen secundo electrica sunt, pervaduntur aliis facilius. *Bractæola* nimirum aureæ in fundo vasis si collocentur, operiaturque illud circulo metallico, vel ligneo, ex tubi electrici accessu folia subsultant, conficiunt, que

---

(1) Effect. electric. explic. pag. 100.

que alternas motiones. Verum vitrea lamina vās si obiegatur, vel sulphurea, sistant auri frustula, nullumque motum admittunt ex celeri tubi electrici hac illae diductione. A corporum contextu proficisci illud diximus, quo reguntur, cohibenturque igneæ opereulorum particulæ; motum enim aliquæ excipiunt, eumque proximioribus, ut abeat interiorius, conferunt, aliquæ vero abijciunt omnino. Auſta tamen electricitate ostendit speciatim Berthierius (1), transmitti ignem electricum etiam per vitra.

30. Alterum quod electricitati obvenit, est *velocitas excursuum*. Funiculo 1200. pedes longo, qui pendeat a vittis sericis, tubum electricum si admoveas, universis illius partibus conferes citissime electricitatem. In altero nimirum funis extremo, quod tubo opponitur, conspiciaberis flammam electricam; & quavis parte illum tanges, scintillam exprimes crepitui, ut fieri assolet, adjunctam. Arbitrandum tamen non est, materiem quæ a tubo egreditur, per totam deportari funis longitudinem, & ad extremum aliud pervenire; operosum nimis illud esset, nec adigenda natura est ad negotiosa, & supervacanea. Ratione prorsus alia peragi creditur admirabilis ea propagatio; substantia enim quæ a funis exordio motum accipit, eum elargiri creditur proximiori, hæc alii, ut deducatur vis electrica ad finem. Confici eo pacto noveris luminis diffusionem.

31. Electricitati etiam convenit *densitatum præ superficiebus electio*. Perspectum nempe sit rationem densitatum ab electricitate servari, non superficialium; retenta namque densitate si augeatur corporis superficies, nihil autionis capis electricitas. Corpori nimirum electrico tubus adplicetur, & virga quadrangularis, quorum æquales superficies sint, sed pondera sint inæqualia; a virga egredietur flamma vivida, & crepitans, sed nihil obtinebitur a tubo. Eidem vero corpori cubus ferreus, & capsula clavis referta suspendantur, quorum pondera æqualia sint, sed inæquales sint superficies; electricitate exigua clavi donabuntur intereas ardebit cubus, & concussionem minitabitur. Qui rationem quærat, non nesciet, dependere ab ignis copia electricitatem; ignem autem in abditiore corporum sinibus colligi promptius intelliget quam in superficie. Eadem de causa metallum candens quod crassum sit, friget tardius laxiore.

32. Inest deinde electricitati *studium figurarum*. Corpora scilicet universa, quo pluribus angulis abundant, eo insigniore valent electricitate; ab angulis enim flamma multo lucidior exit quam a locis complanatis. Appositis propterea virgæ electricæ ferreis laminis, & æqualibus, quarum alia complicata sit, & alia explicata, hæc nitidius illa fulget, crepitumque reddit sonantiorē. Progredi autem discrimen potest ab ignea-

(1) Ap. Nollet. epist. 7. de electric.



igneorum particularum conspiratione; ubi namque eminent anguli, illic confluit ignis a latere omni, eumque atmosphæra densior evadat, agit validius. His qui non plaudunt, afferant opportuniore.

33. Tribuenda præterea electricitati est *corporum diminutio*. Ut horum extenuatio, quam parit electricitas, explorata fiat, imponenda statera exquisita arte elaborata *fluida multa sunt, vegetabilia, & animalia*. Collatis, quæ electricitatem antecedunt, eamque consequuntur, ponderibus dignoscuntur decreta: quarum qui tabulam atrexerit, solertiam imitaretur, diligentiamque Nolleti (1). Ad rem explanandam animadvertere est, ab igne avolante secerni, atque deferri subtiliores corporum moleculas; ratum enim illud est ab odore, qui quum excitatur electricitas, late profertur. Abeuntibus vero jugiter particulis necesse est corpora minui; quod qua copia, & tempore fiat, a cuiusque concretionem pender, & ab aeris siccitate. Confundenda tamen secretio electrica non est eum perspiratione.

34. Electricitatem comitatur quoque *morborum depulso*. Fertur enim hominem paralytici impeditum reddidisse Jallabertus incolumitati; eandemque ad morbos opem reperisse in electricitate dicuntur Blanchius, Pivatus, & Sauvageus. Nolletus tamen curationes hæc, quas memorat, vocat in suspitionem (2); proficitur enim, se cum Morando, & Dolasoneo laborasse nequidquam in salutem hominum paralyticorum. Novis tamen a tentaminibus, subdit, se præpropere abstinuisse, quod incommodam ægris dignosceret esse electricitatem; nec comperiisse, an sanitatem forent illi recepturi, ubi instituta diutius fuissent experimenta. Credendum propterea est, constitutam Nolletum, quemadmodum aliis, fore electricitatis utilitatem, si formidinem omnem abiecerit, morbi-que pertinaciam frangere perrexisset constantia medicaminis. Multa enim ab electricitate proveniunt, quibus augeri fluidorum impetus potest, vizque nervorum obstructæ referari; præcipua vero est concussio, quæ cum spiritus commoveat, solvere concretos humores valet, & paralytici dissipare. Qui multa in rem hanc postulet, adeat Veratum (3).

35. Postremo ad electricitatem pertinet *fulminum effectio*. Ignea nimirum substantia non modo tellurem replet, verum etiam aere diffunditur extremam usque ad altitudinem; ubi propterea colligitur; tonitrua creare & fulmina potest, sicut electrica virga erepitem parit, & flammam. Et sane Dalibardus, Delorius, Monnierius, & alii (4) virgas cuspidate instructas, & secretas a tellure picis præsidio, eum exposuissent, observarunt imminente procella ab illis flammam exire. Opinari propterea nonnulli sunt; virgarum opera exhauriri fulmina posse, ut cladem nullam afferrent; demitteretur nempe ignea eorum materia

Tom. III. Physic.

V

per

(1) Inquis. de causis electric. serm. 4. (2) Loc. cod. serm. 5. (3) Observ. phys. medic. de electricit. (4) Ap. Nollet. epist. 1.

per virgæ longitudinem, telluremque subiret sine noxa. Locis idcirco quæ decernebant a fulminum ictibus vindicare, imponebant virgas metallicas; & Blanchinium memorabant affirmantem (1), in quoddam Dalmatiæ oppidum, ubi duæ lanceæ ardebant, die procelloso fulmen nunquam descendisse. Ridicula tamen hæc sunt, & avertendæ formidini quam fulmina incutiunt, satis imparia; intelligi namque vix potest eam esse virgæ amplitudinem, ut absorbere, & deglutire citissime valeat immanem, qua nubes turgent, ignis quantitatem. Ceterum ab electricitate quo pacto accersenda fulminum genesis sit, excursus, & dissolutio, prolixè Beccaria edisserit, diligenter, & acute (2). Arbitratur enim, ab iis terræ locis, ubi densa nimium est, egredi electricam materiem; deferri autem quodam velut orbe per aerem, & in loca, ubi illa deest, cadere sub fulminum forma; quod consonat hypothefi Franklinianæ. Eadem a caussa, nimirum electrica a substantia, efformationem pluviarum petit, grandinum, ventorum, nivium, omniumque meteororum (3). Veremur tamen ne indulgeat nimium vir præclarus imaginationi.

# PHYSICÆ PRIORIS

## PARS TERTIA

### DE AFFECTIONIBUS CORPORUM SENSIBILIBUS.

#### CAPUT PRIMUM

##### *De corporum coærentia.*

1. **I**NSENSIBILES post corporum affectiones proponendum examen est sensibilibus. Falsitati non obsequeretur qui ab his vinei alias diceret nobilitate; ceteræ enim incertitudine dum plerumque laborant, hæ certæ non modo sunt, verum etiam evidentes. Addendum est, extractas illarum gratia fuisse præstantissimas quinque sensuum machinulas, quarum ope hominibus proveniunt utilissima quæque ad vitam, artes, scientiasque præsidia. Sensibiles itaque proprietates enucleaturi disputamus primò de corporum coæensione; & ne obscuritas obtineat, disquisitionem solvimus in quatuor partes. Prima duritiem corporum exponit,

(1) Observat. de electric. cælest. (2) Epist. 11. 12. 13. 14. (3) Epist. 15.

ponit, & mollietatem; probat secunda, cohesionem nasci a vi adtrahente; tertia exceptiones diluit; agit quarta de corporum elasticitate.

## PARAGR. I.

*Corporum durities exponitur, & mollietates.*

2. *CORPORUM cohesio* differt a *fluiditate*. Cohærentia corpora sunt quæ figuram capiunt a semetipsis; hujusque generis sunt *metalla*, *marmora*, *planta*, & *animantia*. Fluida sunt quæ figuram obtinent a rebus aliis; horumque in censum veniunt *aqua*, *olea*, *spiritus*, & alia. De corporibus fluidis mentio alibi facienda cum sit, differitur modo de cohesentibus; quorum genera tria sunt, *durorum* videlicet, *mollium*, & *elasticorum*. Nulli dura cedunt compressioni; cedunt, & non restituntur corpora mollia; elastica vero cedunt, sed primæ redduntur conformationi. Disputandum de elasticis speciatim erit inferius; sed aperienda hic est durorum indoles, & mollium.

3. *Durities* est proprietas qua obstitunt corpora pressioni. Corpus videlicet durum partibus caret quæ si externa vi comprimantur, demittantur, & fiant aliis proximiores; horumque exemplum ab *adaman-te* qui peteret, non distaret a veritate. Quod si vis succrescat, nequeatque corpus reniti, partes separantur omnino; eaque de causa durorum corporum alia nuncupantur *fragilia*, & alia *fissilia*. *Fragile* est quod malleo vincitur, & in fragmenta abit minutiora; *gypsum* vero promptius *vitro* comminuitur, & *vitrum chalybe*, quem ignis obduraverit. *Fissile* est quod securis acie dividitur, secaturque in fibras, seu laminas longiores; *ligna* quæquæ hoc pacto caduntur, *talcum*, & *ossa*. Findi pariter potest aliquod lapidum genus.

4. Corporum *mollietates* est affectio qua indulgent facile pressioni. Mollè scilicet corpus partes affert quæ pondere imposito dejiciuntur, acceduntque aliis subjectis; hujus vero generis sunt *sebum*, *balsamum*, & *argilla*. Pro varia deinde particularum complexionem dicuntur mollia corpora differre, ut alia *flexilia* sint, & alia sint *tenacia*. *Flexile* corpus est quod obstitit parum vi extrinsecus admotæ; ad illud autem pertinent virga *stannea*, *olea* ramus, & alia. Corpus *tenax* est quod obluatur valde partium diductioni; hujusque exempla in *pice* extant, *visco*, *glutine*, & in aliis. Quod *malleabile* vocant, cujusmodi est *plumbum*, redigi potest ad *tenacia*.

5. Corpora itaque universa, sive dura sint, sive sint mollia, donantur cohesione. Vis tamen qua divulsioni adversantur, est inæqualis præsertim in duris; filamentis enim atroxuntur, seu fibris, quarum aliquæ *longitudinales* nuncupantur, & aliquæ *transversales*. Fibrarum cohesio *transversarum* conspicua *metallicis* in cylindris fit, vel *lignis*, quibus verticaliter suspensis adjiciuntur pondera ad partium separationem. Ob-

servatum videlicet fuit, filum *plumbeum*, cujus crassities  $\frac{1}{10}$  pollicis Rhenani erat, disruptum a pondere librarum 29. fuisse, *stanneum* a libris 49. *cupreum* a 299. *aneum* a 360. *argenteum* a 370. *ferreum* a 450. *aureum* denique a 100. (1). Fibrarum vero quæ per corporis longitudinem excurrunt, minor est cohesio; ea autem comperitur, si parallelipedum *lignum*, vel *metallicum* parieti horizontaliter infigatur, appendaturque pondus alteri extremo. Ex gravitatis momento, quod ad confringendum illud postulat, perspecta fit cohesio, quam pro variis partium contextibus fibræ oblongæ *lignorum* objiciunt, vel *metallorum*. Firmitatem quæ ad *ligna* pertinent, tabulam dedit Musschenbroeckius (2).

6. Præter hanc, qua singula valent, extat alia corporum cohesio. Ex videlicet duo inter corpora reperitur, quorum superficiebus accurate complanatis interponitur corpus fluidum ad eorum agglutinationem. Incredibile ferme est, quæ ad cylindros *vitros* sejungendos necessaria vis sit, *metallicos*, vel *marmoreos*, ubi illorum bases *raparum* oleo illiniantur, *cera*, aut *sebo*, imponanturque alter alteri, ut pendeant ab uno. In aqua ebulliente calorem postquam admiserint, & *sebo* delibuti tulerint refrigerationem, separati *vitrei* cylindri, quorum diametri 2. sepe pollicium erat, fuere a pondere librarum 130. *stannei* vero ponderi librarum 100. cessere, *eburnei* libris 108. *argentei* 125. *cuprei* 150. *anei* 200. *chalibeï* 225. *marmorei* 230. *plumbei* 275. & *ferrei* demum 300. (3) Quod si aqua ebulliente serventius caleant, auctionem capiet cylindrorum cohesio: *argentei* namque a massa librarum 250. quæ appensa inferiori fuerat, distracti fuerunt, *vitrei* a libris 300. *marmorei* a 600. *cuprei* ab 800. *anei* a 850. & *ferrei* postremo a 950 (4). Cylindros vero *cupreos*, quos probe calefactos Musschenbroeckius *pice* copulaverat, vix secrevit pondus librarum 1400. (5).

7. Investiganda hisce ex observationibus est causa cohesionis. Arduum est illam invenire ob solidorum corporum cum fluidis affinitatem; negari enim non potest, relativum quippiam ponus cohesionem esse quam absolutum. Fluida nimirum quæque a solidis differunt, quod figuram ab aliis ea sumant, hæc vero a semetipsis; utraque tamen congmentationem partium aliquam reapse afferunt, qua devinciuntur plus minusve. Retegenda propterea causa est quæ oppositis rebus satisfaciat; hancque pro viribus statuimus, probabilem tantum, non certam conaturi. Qui præstantiora postulet, Galileum adeat (6), Marquetum (7), Varignonium (8), Leibnitium (9), Mariottum (10), & Ber-

(1) Ap. Musschenbroeck. Specim. phys. num. 671. (2) Loc. eod. num. 676.  
(3) Loc. eod. num. 656. (4) Loc. eod. num. 657. (5) Introd. ad corpor. firmor. coherent. pag. 434. & seqq. (6) De duab. nov. scient. die 2. (7) De reñt. solidor. (8) Mon. Acad. reg. scient. ann. 1702. (9) Act. Lips. ann. 1684. (10) De mot. aquar. pag. 5.

Bernoullium (1). Omnium tamen diligentiam vicit Musschenbroekius (2).

## PARAGR. II.

*Demonstratur, corporum cohesionem progredi a vi adtrahente.*

8. FABULIS non assentiuntur qui ab adtractione petunt corporum coheretiam.

RAT. I. Corporum firmitas a plexu pendet, & unione particularum. Vinculum vero omne quo colligari illæ possent, debilius est, & ad rem ineptius adtractione. Coagmentari enim nequeunt ex figura, vel ex inertia; quia cum rationem massarum ex sequantur, nihil profunt ob exiguitatem molecularum. Adtractio vero progreditur ratione alia; maxima namque licet sit, erogari probe potest particulæ vel exiliori. Igitur corporum coheretia causam sui invenit in adtractione.

9. RAT. II. Explicari adtractione potest præcipuum phenomenon cohesionis. Potissimum est discrimen solidorum corporum a fluidis; illud vero, si adtractio inducatur & repulsio, facile expeditur, poniturque extra disputationem. Ex vi nimirum synpeta, & aposuga, quæ igneis particulis, & aliis conveniunt, explorata sit ratio qua consistent corpora, vel effluant pro varietate concretionum. Deficiente enim ignea substantia, quæ moleculas distinet, accedunt ex invicem ex adtractione; quod contingere nemo intelliget quin duritie corpus doneatur, & soliditate. Ignis vero copia ubi adsit, removentur invicem particulæ ex repulsione; cumque ad motum omnem sint comparatæ, inconstantiam corpori impertiunt, & fluiditatem. Igitur ab adtractione est corporum cohesio.

10. RAT. III. Corporum partes separantur ex ponderum appositione. Inferiori nimirum cylindri portioni saxum si appendatur, pugna oritur, & conflictus; quod partes ab aliis distrahere pondus enitatur, ipsæ vero reluctantur impense. Vis autem qua in illas agitur, est tantum adtractio; aliud enim in saxo non suppetit cui tribuenda merito sit ea contentio. Pronum idcirco est adtractionem quoque esse in causa qua conspirent partes ut locum suum servent, omnemque refugiant distractionem. Igitur coherens corpora ex adtractione.

11. RAT. IV. Adhærescunt cylindri, quorum bases sint expolitæ. Succrescit vero cohesio, si basi utrique corpus aliud interjiciatur, quod ex calore primum diffuset, & acquirat subinde firmitatem. Aucto demum calore incrementum capit partium consistentia, ut ad illas ab aliis

(1) Mon. Acad. reg. scient. ann. 1705. (2) Introd. ad coherens corp. firmor.

aliis disjungendas adplicanda sine pondera ingentiora. His quidem ostenditur, oriri coherrentiam ab adtractione; basium enim lævigatarum, moleculæ ulla sine distantia cum se tangant, adtrahuntur vehementius. Ex calore autem corpus basibus interpositum dissolvitur, porosque ingreditur adjunctarum superficierum; quo fit ut amplior particularum contactus succedat, & augeatur adtractio. Huic vero non deest rursus intensio, ubi fit calor validior; exquisitior enim corporis liquario conficitur, quam pressior consequitur accessio molecularum. Igitur coherrentiam mutantur corpora ab adtractione.

13. RAT. V. Quid cohesio sit, indicat, si recte percipiatur, experimentum. *Marmoreos* scilicet inter cylindros, quo plus *sebi* supponitur, eo minus adhibendum ponderis est ad utriusque divulsionem; ab unico enim *sebi* strato pondus librarum 1150 expoleitur a duplici 800. & a triplici 300. (1) Adtractioni tribuendum illud esse constat a corporum ingeatō, quorum aliud adtrahitur fortius alio; a *sebo* enim *marmor* cum validius trahatur quam *sebum* ipsum, minor est cylindrorum cohesio ex *sebi* additione. Alia namque a causa discrimen illud non profuit, puta ab aeris, vel ætheris pressione; pororum quippe magnitudo *sebacorum* eadem cum sit, idem ad separationem postulare pondus momentum. Igitur corporum partes devincit tantum adtractio.

#### PARAGR. III.

### *Diluantur exceptiones.*

13. CONTENDUNT multi, duecnam coherrentiam non esse ab adtractione.

ARG. 1. Derivari corporum durities potest a quiete particularum. Quin adtractio viris paucis accepta, & fortasse commentitia invchatur, definiendum sine audacia est, coherere corpora ex vi inertiae, qua moleculæ dum quiescunt, obstitunt motui cuique. Confirmari ratio potest ex planis particularum superficibus; quemadmodum enim sphericæ, vel rotunda pronitatem ad motum confert, ita consistentiam clarigitur, & firmitatem plana figura. Igitur non creatur cohesio ab adtractione.

14. RESP. Quieti molecularum adjudicatam a Cartesio fuisse corporum soliditatem (2). Quod tamen alter extruxerat, disjecit Bernoullius (3); prævalidis enim rationibus evicit, quietem, ejus natura sita in motus negantia est, imparcem esse ad resistendum. Nec quod de inertia adjungitur, rem statuit loco tutiore; ostensum namque, nisi nostra nos fallunt, luculenter fuisse, non differre inertiam a gravitate; hanc

(1) Ap. Müsschenbr. introd. ad corp. coher. pag. 443. (2) Princip. par. 4. (3) De gravit. æther. pag. 67. & seq.

hanc autem ineptire penitus credimus ad cohæſionem. Demonstratū ſcilicet facile non eſt, eam corpulculis perexiguīs gravitatem ineſſe ut ad divellenda pondus librarum 300. admovendum interdum ſit, nonnunquam 800. & ſi viſ, etiam 1400. Non ambigimus, figuram planam motui validius refragari ſphærica, vel rotunda; ubi tamen in molecula quam maxime minima reperiatur, eo redire opinamur ac ſi deſit omnino. Qui res a cortice judicant, reponere continuo poſſent, penſari exilitatem particularum a numero; ſecum videlicet reputarent magnam eſſe copiam illarum, ut ex ſingulis pro virili parte annitentibus fiat maxima dimicatio. Verum ſe decipi intelligent, ubi a corpore animadvertant æqualem undique obijci cohæſionem; partes enim quæ ſuperficiem primam, vel ſecundam excipiunt, dimoverentur facile, ſi hærerent, nec gravitate. Perſpectum ſcilicet eſt motu vel minimo diſtrahi primas a ſecundis poſſe, & ex his alias ad totius corporis diſſolutionem; quia paucae cum eſſent, & ob voluminum parvitatem leviſſimæ, nullam ſerme reſiſtentiam afferrent. Igitur ſapientius decernunt quī cohæſionem tradunt adtractioni.

15. ARQ. II. Ubi quies non arrideat, explicanda cohæſio eſt a partium contextu. Ne in præſidium videlicet adtractioni veniar, conformius rationi eſt compingi corpora ex moleculis uncinatis; quæ firmiter cum adnectantur, nec frangi ullatenus queant, compressionem omnem refugiunt, & divuſionem. Confirmari res poteſt tatenularum faſce, quarum annuli invicem implicantur, ferreamque exhibent concretionem; vi enim magna ſi diducantur, ſeungi non ſinunt, quin diſrumpantur in fruſta minutiora. Igitur ad corporum cohærentiam non attingit adtractionis.

16. RESP. Particularum uncis commendatam corporum duritiem fuiſſe a Lueretio (1). Nec contenta eo fuit, ſed ad viros alios commovit hypotheſis; Bernierium nempe adiit (2), Fabryum (3), Délanium (4), & alios. Recedendum tamen ab adtractione non eſſe, admonent quinque rationes, quibus conſicitur, ad rem propoſitam parum conferre hamos, & arpagones. *Prima* eſt, molecularum partes, quæ figuram uncinatam referunt, carere omni firmitate; nulla enim indigitatur cauſa quæ cohærere eas faciat, & in peculiarem, duramque formam concreſcere. Quamlibet nimirum coagmentationem adſtruant, pendere affirmabunt ab uncis, ut congeries molecularum aliarum ſingulæ ſint, infinitamque ſerme complectantur ſeriem uncorum. *Secunda* eſt nullam eſſe futuram partium quibus *metalla*, & *ligna* faciuntur, ſeparationem; particularum enim cuspides, vel curvirates reſiſtentiam objicerent vi quaque potentioſiorem. Duriffimæ ſcilicet cum eſſent, nullam ferre poſſent, ut alibi obſervavimus, diſruptionem; nec poſſent

(1) De nat. rer. lib. 2. (2) Compend. philoſ. Gaſſend. vol. 2. (3) Phyſ. tract. lib. 5. (4) Magiſt. nat. & art. lib. 11. cap. 3.

possent eadem de causa inflecti, quo alias dimitterent sibi arctissime devinctas. *Tertia* est, puram molecularum complexionem impotem esse ad corporum unionem; postulatur namque vis recens vivida, & erecta, quæ aliud firmiter apprehendar, & deducat aliud. Exploratum hoc in *magnete ferrum* sibi rapiente fit, & in aliis: idem enim licet perseveret particularum, quibus *magnes* constituitur, plexus, *ferrum* tamen ad se adducit certam tantum ad distantiam. *Quarta* est, adhærescere fortius cylindros, quo lævigatiores sunt superficies illorum; res tamen aliter evaderet, ubi progredieretur cohæsiō a textura molecularum. Arctius videlicet obstringerentur invicem, quo bases essent asperiores; particulæ enim quæ prominere, infererentur aliis, & pertiniaciis obstitissent. *Quinta* est, ex olei interpositione agglutinari firmissime *vitreas* laminae, vel *marmoreas*; olei vero molecule, si habenda microscopiis fides sit, sunt penitus rotundæ. Comperius vero quam ostendi prolixè debeat, est, nullam rotundis a particulis fieri posse complexionem; eam nempe dicimus quæ adversus viribus minime cedat, & fatiget pondera graviora. Quæ in hamos itaque contorquentur, pauca non sunt, nec infirma; ubi autem validiora efflagitent, habeant pro certo, ad veritatem pernoscendam se non esse comparatos. Igitur inutilis ad firmitatem corporum non est adtractio.

17. ARG. III. Ex pressione aeris obdurescere corpora rectius possunt quam ex adtractione. Corpus videlicet, cui ob angustias pororum non insit aer internus, ponderi subditur externi; qui illud cum oblideat, partes partibus apprimat, firmasque efficit, & insensas divulsioni. Quod si poris corpus abundaret, aerem iatus admitteret, qui cum externo servaret æquilibrium; partesque propterea a partibus solverentur, ut mollitie inducta sterneretur via compressioni. Ab ingruente fluido corpora onerari, liquet ex cylindrorum experimento, quorum alter *suberinus*, & instructus ad basim lamina *cuprea* sit, & alter sit *cupreus*. Qui videlicet constat ex *subere*; & levior æquali aquæ volumine est, si oleo inungatur, *cupreoque* impositus demittatur in aquam, fundo vasis hæret, nec ascendit minoris causa gravitatis. Erigitur vero, & a *cupreo* separatur, si olei loco humectentur cylindri aqua, vel liquore alio; quod argumento est, ab aqua imminente, qua oleum basibus affusum levius est, *suberinum* onerari, & deprimi omnino. Igitur cohærentia corpora ex pressione sunt, quin advocanda sit adtractio.

18. RESP. Aeris pressionem extitisse effugium, hostium Newtoni. Eliminare scilicet adtractionem cum vellent, anniterenturque illius inopias ad rem quamque demonstrare, convolarunt ad aerem, cujus a pondere acceptam referrent corporum soliditatem. Eorum tamen nonnulli, qui definitam prorsus esse aeris gravitatem persenserant, imparioremque propterea ad pariendas corporum cohæsiōnes quæ saxis vel prægrandibus reniterentur, iniere aliud consilium. Fluidum videlicet invexere aere multo subtilius, quod ad maximam attolleretur munda-



ni systematis altitudinem; columnarum enim longitudine pensari tenuitatem coniciebant, ut corpora quibus ingrueret, assererentur in duritiam. Hanc in sententiam Gerdileus venit (1), edixitque præluxisse sibi Boyleum, Hugenium, & Mairanum. Qui ab auctoritate tamen non ducuntur, cohesioni famulari aerem negant, substantiamve aliam eo tenuiorem. Disputandum fufius de aeris pressione non esse arbitramur; cerebrum namque oportet emotum habeant qui cum a pondere cylindris *pie* coherentibus appenso noverint disruptos, quin separarentur, fuisse uncus ferreos, ad aerem confugiant (2). Fluidi vero alterius, quod nuncupant ætherem, columnas tametsi altissimas perfluere, rationes multæ conluadent, eæque prævalidæ, & cuique cogitationis expertis modo non sit, satis apertæ. Substantiam enim fluidam sine particulis non adoptabunt, quarum singulæ textum habeant, & figuram; ad hæc autem firmitas postulabitur, durities, & consistentia. Ubi vero a fluido incumbente soliditas profluat, non coherebunt ipsæ moleculæ æthereæ; advehenda namque esset materies exilior, qua illæ durefcerent, aditusque proinde pararetur infinitati. Quod si duras esse, respondent, suapte ingenio, nec indigere causâ alia, parum proficiunt; perexiguæ enim adhuc essent, minoresque particulis aeris, quibus inspergerentur ad corporum usque superficiem. Eam autem ob exiguitatem fieret poros corporum facile pervadi, & trajici omnino; quo impetus nullus exereretur solidas in moleculas, nec adigerentur ad cohesionem. Reposi demum poterit, minimas quidem esse ætheris particulas, sed compactam esse adeo corporum materiem, ut admitti intrinsecus illæ nequeant, aliarumque propterea extrinsecus sitarum vigeat pondus in superficiem. Locus tamen evasioni præcluditur, si ab ignea asseratur non differre ætheream substantiam; igni vero vis synpeta, qua partes cocant, non inest, sed aposuga, qua invicem diducuntur, rapiunturque in secretionem. Profitendum itaque est, ratione quæ ab aere accersebatur, vel ab æthere, nihil confici omnino; quod enim de pressione sanciebatur, & de æquilibrio, in utrumque fluidum non convenit, nec esse utile potest corporum duriciei. Experimentum vero quod Nolletus ætheris vindex instituit (3), admoet tantum, corpora quæ aquæ, vel fluido alteri immerguntur, præmi quoquoque; quod ipsi inficiati numquam fuimus, ne sanctiores violaremus leges Hydrostaticæ. Non evincit tamen, cylindri *suberini* coherentiam a pressione progredi aquæ circumfusæ; oleo namque deliniatur, vel re alia, aquæ immittatur, vel collocetur in aere, eandem servabit partium concretionem. Igitur petenda aliunde cohesio non est quam ab adtractione.

19. ARG. IV. Adtractioni dandam cohesionem corporum non esse docent duo hemisphæria. Guerichius scilicet hemisphæria duo *ænea*,

Tom. III. Physicæ.

X

quo-

(1) De caus. cohæ. hemisph. pag. 370. & seq. (2) Ap. Musschenbr. introd. al corp. cohærent. pag. 434. & seqq. (3) Lect. Phys. exper. lect. 8. artic. 2. exper. 1.

quorum diameter æquabat  $\frac{3}{4}$  pedis Magdeburgici, *cera* cum deliniisset, adjunxisset una, & evacuasset aere, separari tantum posse deprehendit equorum 8 vi utrinque adpositorum (1). Hanc vero resistenciam ab adtractione non proficisci liquet eodem ab experimento; ubi enim in hemisphæriorum cavitatem aer rursus admittatur, distrahuntur nullo ferme negotio. Duo præterea hemisphæriorum paria, quorum diametri sint inæquales, circulis *ancis* latis, & æqualibus ad peripheriam si communiantur, & uniantur *cera* præsidio, dividuntur, educto aere, a ponderibus inæqualibus. Æqualia autem pondera ad secretionem flagitantur, si cohesionis causa esset adtractio; quia cum superficies limborum æquales sint, æqualis utrinque esset partium contactus. Hemisphærio demum *metallico* si *vitreum cera* agglutinetur, & eadem quæ prius, sint fasciæ circulares, post aeris egressum a vi inæquali fit utriusque disjunctio. Eadem tamen est prorsus adtractio; ubi enim vitæ, quæ se contingunt, lævigatæ æque sint, & latæ, nihil confert an quod in hemisphærio est, *vitreum* sit, vel *metallicum*. Igitur affinitatem cum cohesione non habet adtractio.

20. RESP. Magdeburgensibus ab hemisphæriis nihil præcipi noxium adtractioni. Ne quæ sumus in rem hanc edituri, obfcuritate laborent, decernendum sine contentione est, eorum coherenciam tum ab adtractione dimanare, cum ab aeris pressione. Certius videlicet quam ambigi unquam possit, est, gravitare aerem in corpora subiecta: in illud omnia consentiunt quæ a veteribus tribuebantur formidini *vacui*, quorumque integram ad tempus aliud ablegamus disquisitionem. Cohercant idcirco hemisphæria necesse est ex aere in eorum superficies gravitatem suam exerente; interius quippe vacua cum sint, regere externum impetum nequeunt corporum instar ceterorum. Firmitas tamen omnis, quæ vinci pluribus tantum ab equis potest, non provenit ab aere; qui naturam enim vix salutarunt, non nesciunt, æquam a columna aerea ad 32. pedum altitudinem dumtaxat evehi, & ad 28 pollicum altitudinem mercurium efferti. Incunda propterea supputatio est, & ex tota hemisphæriorum resistentia subducendum est pondus aereum; quod enim superest, adtractioni concedatur oportet, metallicarum, seu coronarum, quibus ea apprimuntur, contactui. His in hunc modum definitis, in promptu est ratio qua si hemisphæriis omnino vacuis, & firmiter adductis aer restituatur, reducantur invicem, & sejungantur ulla sine contentione. Aer enim dum ingreditur, vim sustinet externam, cumque pressio deficiat, qua hemisphæriorum fasciæ obstringebantur ad contactum arctiorem, minuat adtractio necesse est, auferaturque omnis cohesio. Eandem ob causam laminæ *marmoreæ*, & complanatæ, si machinæ excipulo concludantur, minus hærent quam antea; nullam quippe aeris gravitationem experiuntur, qua earum superficies ac-

ce-

(1) De spat. vac. lib. 3. cap. 3.

cedant propius, & fortius se adtrahant. Quod si diametri hemisphaeriorum inæquales sint, & æquales circuli *anai*, observatum recte fuit, distrahi a ponderibus inæqualibus; adtractio enim qua junguntur, est inæqualis, ut fortior esse debeat in hemisphaëris diametri majoris. Scilicet quo diameter est productior, eo latior incumbens aeris columna est, & validior compressio; æquales propterea in fimbriis intimior partium accessus fit, & adtractio vividior. Ubi demum *metallico* hemisphaerio *vitreum* aptetur, vires pariter inæquales, licet æquales sint limbi, ad divulsionem poscuntur ex inæquali adtractione. Pori namque corporum inæqualem aerei viam aperiunt, ut *vitrum* trajiciatur promptius *metallo*; idque si contigerit, minor oportet externa aeris pressio sit, infirmetur approximatio zonarum, & extenuetur adtractio. Qui omnem animo dubitationem adhuc non exemerit, conquieturum fore confidimus, si ut evidentem dixerit esse corporum duritiem, ita non negaverit, ad illam totam progignendam esse aerem imbecillum. Igitur præcipua cohesionis causa est adtractio.

21. ARG. V. A cylindris inepte evincitur causa duritiei. Quum *oleo* illi invicem adnectuntur, separari nequeunt motu verticali; facile tamen diducuntur, si motu impellantur ad horizontem parallelo. Ubi propterea ab adtractione esset cohesio, corporum partes quæ a manu verticaliter traherentur, valide obstarent; vincerentur vero commode quæ promoverentur ductu horizontali. Verum æqualis ad directiones omnes objeitur a corporum partibus resistentia; aliæ enim non excurrunt super alias, sive ad horizontem parallelus impetus fit, sive sit illi perpendicularis. Igitur non debetur cohesio adtractioni.

22. RESP. A directionum varietate expectari nihil posse ad cohesionis causam opportunum. Ab adtractione nimirum durities profuat, vel aliter obveniat, ratum est, motui qui cum horizonte conspiret, cylindros obsequi, refragari autem partes corporum solidorum. Molecularum potius ex forma, & situ expediendam rem esse, indicat corporum compages; quæ namque cylindrorum bases compingunt, sunt læves, & exæquæ; ceteræ vero asperæ sunt, & invicem contextæ. Extremæ videlicet cylindrorum superficies dilabuntur citò, quia obstaculum nullum offendunt; particularum tamen nexus quo corpora dominantur, adeo certat, ut ad dimotiones alias impendendam esse constet vim maximam. Rem ita se habere non ignorabit qui accurate expendere corporum texturam; deprehendit nimirum, coagmentari illa moleculis, ejusmodi sunt A, B, C, D, E, F, G, H, posse peculiari arte colligatis \*. Particulæ scilicet A & B deduci probe possent super C & D, nisi a quatuor E, F, G, H, coercerentur adpositis utrinque; rursusque C & D firmiter reluctantur, ac B super G & H deferatur, & A super E & F. Hac quidem ex pugna integrum est ve-

\* Tab. I. fig. 6.

ram cohesionis causam referare; licet enim implicarentur, dimoverentur tamen expedite, nisi vigeret adtractio. Ob insignem nempe parvitatem qua prædictæ moleculæ sunt, perturbarentur vi perexigua; loco tamen cedere eum non possint, nisi removeantur ab aliis, divisionem vero omnem refugiat adtractio, hinc dimicatio suboritur, & lucta. Hoc in schemate lineis sane parallelis eas continuimus, donavimusque angulis, quibus acutissime congruunt; conformationem tamen eam obtineant, vel stipentur ratione alia, periinde est, quia divulsionem omnem æque repudiat adtractio. Ceterum quod corporum in complexione occurrit, deest omnino expolitis basibus cylindrorum; non extant enim ibi particule angulares, quæ distrahendæ, quum feruntur horizontaliter, a ceteris sint, novoque textu sint impetendæ. Loca sua tuentur universæ, nec aliud ferunt præter novam moleculis similibus, & proximis, quæ æqualiter trahunt, adplicationem; nec huic plane statui, quo certæ illarum distantie non immutantur, repugnare potest adtractio. Sanciendum idcirco est, ipsa quoque directionum discrimina revocari demum in adtractionem; ea namque potissimum est in causa cur particule motui omni resistant, eo autem in situ, ubi aliis tantum imponuntur, & distantias suas servant, obtemperent horizontali. Igitur qui adtractionem respuit, inexploratam habet corporum cohesionem.

23. ARG. VI. Cohæsiō, si ab adtractione proveniret, augetetur pro corporum densitate. Quo videlicet compactius corpus esset, eo majori valeret partium soliditate; moleculæ enim proximiores invicem essent, & proinde ad trahendum accommodatiores. Experimentis tamen habenda fides ubi sit, definiendum erit in partem alteram; quia fila contorta, seu *funes*, infirmiora ad pondus sustinendum sunt iisdem in fasciculum collectis. Observatum nempe fuit, duo fila in spiras convoluta disrupta a 16 librarum pondere fuisse, intereadum massa librarum 20 a filis iisdem ferebatur evolutis, & parallelis. Igitur cognata adtractio non est corporum cohesioni.

24. RESP. Extendi a *funibus* nihil posse ad rem institutam. Apiores cohesioni non esse illos censuere viri summi; sed rationibus freti suis aliter decrevere Bellinius (1), & Fabryus (2). Ferendum ubi iudicium esset, propenderemus in fila dissoluta; eo namque experimenta nos adigerent, quæ extare (3) novimus apud Reaumurium, & Muschenbroeckium. Quod si dicant, contorquenda in funes fila non fore, si vires amitterent, ita comparari respondebimus. ob partium inæqualitatem; quæ enim subtiles sunt, adiunguntur crassioribus, ut fila eo pacto evadant ad laborem potentiora. De funibus tamen ut res sit, negan-

(1) De mot. eord. cap. 2. (2) Phys. tract. 2. lib. 5. prop. 13. (3) Vid. Turrius scient. natur. par. 2. sect. 5. cap. 1.

negandum est, pendere a densitate corporum cohesione; concretionemque *ligno mercurius* est, licet exigua, & ferme nullam afferat partium firmitatem. Soliditas quæ duris corporibus inest, ducenda a molecularum numero, qui in densioribus abundat, non est, sed ab illarum contactu, & a primorum natura elementorum. Ubi videlicet se tangant, ut nihil medium sit, latæque sint earum superficies, cohærent quam maxime, adtractio enim quæ tactuum rationem sequitur, obrinet omnino. Sucrescit ea etiam, ubi substantiæ simplices, quibus particulæ constantur, vim magnam tulerint a natura; sancitum namque fuit, æqualem momentorum omnium nisum non esse, sed adtrahere alia aliis validius. Eadem sane de causa fluidum quod cylindris interponitur, licet conferrius alio interdum sit, agit tamen debilius; *aqua* enim, quæ gravior ceteris est, cohesione ponderi unciarum 12 æqualem inducit, oleum *raparum* 18. & *terebinthina* unciarum 24. Ex *coloponia* autem, quæ levior illis est, vi librarum 850 cylindri hærent, & ex *sebo*, cui gravitas minor adest, vi 800 (1); quod aliter contingeret, si molecularæ se latius non tangerent, vel earum primordia, seu elementa non pollerent adtractione peculiari. Igitur deferenda adtractioni est corporum cohesio.

25. ARG. VII. Corporum firmitatem adtractioni auferunt *Batavice gutta*, & *ampulla Bononienses*. *Gutta* videlicet ex Batavia A, \* quam *lacrymam* quoque vocant, conficitur ex vitro fuso, quod frigida aquæ dum immergitur, altera ex parte rotundum caput, & crassum obtinet, ex altera oblongam caudam, & sinuosam. Ubi malleo, & quidem valide caput percutiatur, renititur illud, nullamque patitur distractionem; in minutiores tamen particulas continuo diffilit, ubi digito rumpatur extrema caudæ cuspis. Bononiensis autem *ampulla* B \*\* vas vitreum est, quod collo producto instruitur, & fundo ad tres interterum pollices denso, ærique frigido committitur, ut quum incaluerit, ferat sensum refrigerationem. Parieti strenue allidatur, vel ferro tundatur enixe, suam servat incolumitatem; rimas tamen agit, & dirumpitur subito, vel paulo serius, si illius fundo corpusculum quodpiam immittatur. Singulares plane sunt contractionis circumstantiæ, eædem namque non esse comperiuntur pro varia corporum quæ injiciuntur, indole, figura, illorum istum vi, ampullarum forma, & gradu caloris. *Virri* nempe *frustula*, & *silicis*, simul atque fundum attingunt, ampullam disjiciunt, itemque *adamas*, *achates*, *carniola*; & *smaragdus*; hebescent vero, nec frangunt, nisi grandiora sint, vel projiciantur iterum, *oricbaleum*, *argentum*, *aureum*, *chalybs*, & alia. Decidentium figura corpusculorum conferre parum cernitur bono eventui; super-

(1) Ap. Musschenbr. spec. phys. num. 658.

\* Tab. I. fig. 7. \*\* Tab. I. fig. 8.

superficies enim illorum acutæ, & asperæ sint, vel rotundæ sint, & lævigatæ, ferme idem sumitur experimentum. Ictus, seu percussio ad vasis exitium necessarius non est, sed satisfacit admissi corporis pressio; obtinetur namque illud ex *corniola*, *unco ferreo*, & ex *gladii cuspidæ*, quæ appressa fundo fuerint manu nonnihil ponderosiore. Quod ad ampullæ formam attinet, non refert, convexum, planum, vel concavum fundum afferat, modo sit crassior; ad subtilitatem quippe si cote redigatur, deponaturque in illum *silex*, rimas paucas exhibet, nec solvitur cum fragore. Calorem etiam spectare huc constat ex ampulla, quæ cum candeat, fert *lapidis* ictum sine noxa; refrigerata vero citissime ubi fuerit, diffrangitur ex *sileo*, sed in fragmenta aliis majora. Quæ demum enarrata fuere hætenus, significant, non coherere corpora ex adtractione; explicari namque vix potest, quamobrem levi ex impetu amittat illa vires suas, patiaturque rapi corpora in dissolutionem. Igitur alia ab adtractione est causa cohesionis.

26. RESP. Quæ candentibus in vitris, & frigesactis usuveniunt, peragi adtractione. Temperanda tamen illa viribus ex aliis est quæ insunt corpori cuique; idque præstitum quum fuerit, nihil omnino superest quod crucem figat Philosophis. Soliditas, qua vitra gravium ictibus malleorum resistunt, prodit ab adtractione; multa enim, & plane conficiencia verant ne in causam aliam redigatur illa cohesio. Dubitatio omnis in rem potius aliam contendit, nempe in rationem qua, postquam continenter hædere, distrahantur subito vitrorum partes, & eum strepitu abeant in diffractionem. Legibus iidem Batavica *gusta* subditur quibus parat *ampulla* Bononiensis, ut diversos nodos non præferant; quæ propterea memoraturi de hac sumus, appositæ erunt, & utilia pariter ad illam. Bononiensis phialæ fata expediturus statuit Belgradus (1), ex frigore partes corporum contrahi, expandi autem ex calore; extimæ idcirco vitri candentis fibræ minus in volumen complicantur necesse est, & explicentur intimæ in majus. Quæ scilicet convexa in superficie vasis degunt, cohererent iuvicem arctius, minimoque nexu colligantur quæ extant in concava, ut impetui repellendo aptæ illæ sint, hæ sint ineptæ. Eaque de causa externas fibras a malleo non disjici ait, frangi tamen internas; in his enim tremores excitantur, & oscillationes, quibus cum dissentæ illæ sint, & male confusæ, cedunt omnino. Ferenda ubi sententia sit, ingeniosam potius Belgradi hypothesein esse dicas quam veram; incredibile quippe est, corpore ab exiguo agitari adeo concutique fundum concrenorem, ut in frustra dissiliat. Observatum præterea fuit, post tria a sileicis casu prima minuta contigisse interdum phialæ disruptionem, nemo autem non videt, perseverare tamdiu trepidationes non posse, & vibra-

(1) Aetna. de phialis vitreis.

vibrationes. Reticendum denique non est, istum, quo ciceretur motus, esse supervacaneum; phiala enim discinditur, ubi fundus tantum prematur, vel obfignetur paullo validius cuspe gladii. Inventum propterea aliud eduxit Casalius (1); vitri namque interitum aeri adjudicavit illius poros pervadenti. Exstimavit nimirum internum phialæ candentis, & subinde frigefcentis, aerem esse rariorem externo; ex calore enim cum intumuerit, nec fuerit vim frigoris totam expertus, raritatem suam servat, & expansionem. Fit propterea ut descendente in ampullam silice, eamque nonnihil findente, ingredietur aer ex pondere suo; a poris vero in poros deductus partium compagem solvat, creet rimulas, vasque in frustra conjiciat. Casalium tamen veritati minus inservivisse admonet experimentum quod sumtum de phiala fuit in excipulo machinæ constituta. Deprehenderunt scilicet viri non obscuri, comminui illam ex injectione lapilli, postquam aer exiverat; nullumque proinde dignoscere aerem extare, qui cum densior esset, irrumperet vitri sulcis fatageret, illudque diffingere. Adigimur itaque aliud quiddam excogitare, quo præceptiones superius positæ constant, simulque arcanum retegatur viris multis adhuc impervium. Eum sane aberrare a probabilitatis semita non opinamur qui ad ignem confugiat, nullam enim præter hunc adesse substantiam accepimus cui concedi merito possint effecta pervulgatis legibus adeo dissidentanea. Decernendum nempe esse ducimus, a frigore ejus a rigore phiala candens corripitur, densari illius superficiem; igneas vero particulas in abditiore sinus aufugere, ibique constrictis a poris cogi in locum breviorum. Ubi autem vitri frustulum, vel silicis demittatur, ab acutis angulis, quibus pleramque instruitur, rima insculpitur, seu vestigium; ejus e labiis egredi ignis incipit, viamque sternit insequenti, qua se expediat. A meatu tamen angustis præcludi sibi aditum cum sentiat, impetum exonerat in partes phialæ, illarum plexum disjungit, & non sine acris sonitu abigit in plagas multas. Quod si exile adeo signum sit, ut dilabi ignis non possit, differtur clades paulisper; interea namque fit ad hiatus margines pugna, ut iis referatis pateat limen ad egressum. Opinioni hujusce præsidio explanari rite possunt quæ eo de vase, ut argumentum testatur, comperere (2) Balbus, & Laghius. A silice nimirum, & ab adamante ampulla præclare dirumpitur, contra quam argentum, vel aurum præstet, quia rima ab illis rectius inscribitur; & apud omnes convenit, ad vitra diffidenda adamantem esse rebus ceteris accommodatorem. Figura corporum vix prodest an rotunda sit, plana, vel mixta; fissioni quippe majorum dispositio partium non deservit, sed textura potius, & complexio molecularum tenuiorum. Eodem

(1) Comm. Accad. Bonon. vol. 3. pag. 406. (2) Comm. Accad. Bonon. vol. 2. pag. 321. & 328.

dem recit, fundus lapide percutiatur, vel prematur illo vividius; distrahi enim percussione possunt particulæ, ut insisto vulnere exæquetur semita igneæ eruptioni. Formæ quoque omnes quibus construuntur phialæ, phenomenon non perturbant; sulcatæ nempe sint, vel complanatæ, fauciarum ab immisso corpore queunt, & ad excidium comparari. Calor postremo, quo phiala candens impertitur, isti jure obstat, prohibetque merito partium divulsionem; ad intimos enim recessus cum ignis nondum abierit, per disiectum fundum exire nequit cum imperio. Enimvero prætereundum non est; diffractam interdum phialam fuisse a silice, tamen si prunis ea insisteret; immo obtentam contractionem fuisse narrant ferventis etiam aquæ injectione (1). Hujusmodi experimenta, quæ aliis adversantur, vocari quidem solent in suspicionem; vera tamen ubi sint, ampullam, reponendum est, constituisse ex vitro impuriore, cui, dum fervet, impulsio quævis, a lapide sit, vel ab aqua, officit omnino. Semel tantum non contigit, a semetipsa, dum incalesceret, dissilisse phialam, quin impactio ulla intercederet; igneæ namque particulæ motu celeri feruntur, & vehementi, quo perverti corporum textus potest penitus, & confestim. In vitrum tamen disputatio præfertim spectat ex frigore concretum, quod exterius vincit, & vincitur interius; cui luce aliqua perfundendo locatam confidimus operam fuisse prorsus non inutilem. Exploratum saltem est, quæ fuere in Bononienses ampullas observata, æque consentire in guttas Batavicas; subprimi tantum dubitatio potest, cur illas ad frangendas contactus levis sufficiat, ad has vero postuletur apicis, seu caudæ disruptio. In guttis videlicet, quum frigida ab aqua undique obsidentur, a superficie transit ignis ad centrum; scindenda propterea cauda illis est, quo substantia ignea detegatur, ostiumque inveniat ad erumpendum. Ignis tamen phialarum ad centrum se non recipit, sed a superficie convexa defluit in concavam; hanc proinde vulneret lapillus necesse est, ut qua datur porta ruat ille incunctanter. Addendum nihil est, quo eorum indoles vitrum fiat exploratio; usurpare tantum iterum juvat, non fore idcirco adtractionem eliminandam, ubi quæ proposuimus, laborarent falsitate. Quævis scilicet sit causa, cujus vi, & contentione vitra perduntur, sospes est adtractio; persistat enim externarum adhuc durities superficialium, quam qui a re alia petat, ratione utetur sine ratione. Itaque gignitur cohesio ab adtractione.

(1) Ap. Belgradum loc. memor. pag. 20.



## PARAGR. IV.

*Agitur de corporum elasticitate.*

27. AFFECTIO corporum est *elasticitas*, qua si comprimantur, se restituant formæ priori. Corporum elasticorum fluida alia sunt, & alia sunt dura; cumque auctior numerus sit, differitur de istis impensius. Elasticitate valent *ossa, lapides, ungues, metalla, vitrum*, & alia; quorum ingenium exponere qui studeat, præmittat necesse est quinque observationes. *Prima* est, siccitatem conferre maxime elasticitati; virga enim *lignea*, quæ exsiccata probe fuerit, regreditur, si flectatur, promptius virent. *Secunda* est, a corporibus nonnullis diu servari, amitti vero ab aliis elasticitatem; *aer* nempe, qui per multos annos comprimitur, perstat elasticus, sed *metallicum* clastrum laxatur censum diutius. *Tertia* est, ex frigore evadere corpus elasticum; *aqua* enim, quæ deprimi nulla ratione potest, demittitur & redit, ubi vertatur in glaciem. *Quarta* est, promoveri elasticitatem a densitate; *cuprum* quippe si valde tundatur vires accipit, ubi convolvatur, ad se evolvendum. *Quinta* est, a calore qui frigori præit, fieri corpus magis elasticum; *ferrum* namque postquam canduit, si mergatur aquæ frigidæ, celerius revertitur in formam quam amittit ex inflexione. Aliæ fortassis animadversiones suppetent, sed hæ sunt præcipuæ.

28. Ad elasticitatis causam inducit Cartesius materiem subtilem externam (1). Opinatur videlicet corpus illud subtilissimum adesse poris omnium concrecionum; eos autem obstructos si inveniat, vim facere, nitiq; ad reserandum. Virga nempe *chalybea*, dum inflectitur, meatus qui convexæ superficiei insunt, aperit, & claudit quos in adversa gerit, hoc est in cava, superficie. *Æther* propterea, quo aditum sibi recludat, partes urget magna contentione, easque in priorem, cujus jacturam tulerant, conjicit restitundum. Quod tamen Cartesio probatur, vcremur ne improbetur ab aliis; æthereæ namque substantia ad stipulatores paucos habet, eos nimirum quos regit causarum ignoratio. Plenum dcinde æthere esset corpus *chalybeum*; nescitur propterea, quomobrem irrumpere in illius poros valcat qui porrigitur exterius. Directione tandem certa oporteret ætherem impertiri, qua ab aere ad tellurem veniret, vel a tellure ad aerem; ubi autem curvarentur situ inverso duæ virgæ ut circulum efficerent, dceffet illi locus ad alterutram. Definendum itaque aliter est de elasticitate.

29. Materię quæ ipsis in corporibus degit, commendat Mazierius elasticitatem (2). Partes scilicet corporum contingere se in punctis existimat,

Tom. III. Physic.

Y

stimat,

(1) Princip. par. 4. (2) Collee. scrip. quæ retul. præm. &c. vol. 1.

stimat, ut supersint spacia omnino vacua; hæc vero a vorticebus replentur tenuis substantiæ, quæ pernici motu fertur, & circulari. In locis autem qui vorticebus, & partibus interponuntur, extant vortices alii minores; quibus interstitia alia adjacent a minimis vorticibus aliis saturanda; & ita porro. Quum virga flectitur, vorticibus obvenit mutatio figurarum, circulares enim in ellipticos vertuntur, & de medio aufertur virium æquilibrium. Simulatque tamen manus amoveatur, redit prior vorticibus conformatio; hujusque gratia attolluntur extremæ corporis elastici partes, locumque veterem recipiunt. Denegandam non esse volumus laudem Mazierio, cujus effatum Parisiensi ab Accademia præmium tulit anno 1726. sed inter veriora illud non referimus. Nihil de vorticibus motu dicimus, quem certis definire legibus qui exoptet, in re penitus fluxa constantiam quæret, & in substantia inanissimi intellectum. Illud urgemus tantum, utiles esse vorticulos non posse elasticitati; a corpore enim ejus extrema adducuntur, exeant, vel commorentur, superfluunt omnino. Ubi nimirum exprimi materiam velit, & vortices egredi, actum erit de elaterio; quod nempe partibus deest, propellere eas nequit, situique primo restituere. Sique decernatur, persistere vortices in virga, invicem turbabuntur nullo negotio; sublata enim virium æqualitate particulæ per poros dilapsæ alias invaderent, perderentque motuum analogiam. Igitur investiganda alibi est radix elasticitatis.

30. Adtractioni elasticitatem dedit Orlandus (1). Edixit nimirum, particulas corporum, quæ ab iis quas tangebant, dimoveantur, & alias contingant, non reverti ad priores, sed formam amittere. Verum ubi moleculæ ab iis quas contingebant, diducantur, nec tangant alias, regredi ad priores nituntur, locumque primum inveniunt. A contactu nempe adtractio pendet, & ab hac corporum conformatio; sique propterea, molle corpus ex adtractione mutari, subire autem mutationem non posse corpus elasticum. Adtractioni licet non adversetur, censemus tamen advocari huc sine profectu; sique irrita omnino non sit, liquet saltem, causam non esse præcipuam elaterii. Corporum sane partes quæ sint multum elasticæ, dum compressæ a terminis recedunt, appropinquant aliis; adhærescerent idcirco istis ex adtractione, nec redirent ad illas contra leges elasticitatis. Nonnullorum etiam quæ diuturna pressione fatigantur, attenuatur vis elastica; eadem tamen esse pergeret, ubi adtractio, quæ perpetua est, partes redideret primæ positioni. Rei itaque alteri concedenda est corporum elasticitas.

31. Explianda demum elasticitas ubi rite sit, præsto est ignis in corporum poris delitescens. Qui videlicet per corpus totum dispertiebatur, nifum-

---

(1) Ad elem. Muffchenbr. vol. 2. num. 552. theor. 7.

nifumque objiciebat a solidis moleculis superandum, ex compressione confluit in locum unicum; ibique opportunitatem præstatur qua se exeret, & naturalem raritatem obtineat. Ablata idcirco vi, qua corpus deprimebatur, expanditur magno conatu; partiumque firmitatem cum offendat, illas urget, disjicitque, & contedere eo cogit unde discesserant. Pororum nimirum latera, quæ ignem antea coercebant, imparia sunt post auctam illius densitatem; hæc enim in triplicata, ut Geometræ præcipiunt, diametrorum ratione succrescit, & in duplicata superficies; cedant proinde necesse est illa, & resiliant. Aliam profecto non esse elaterii originem denuntiant observationes, quæ expositæ superius cum fuerint, consentiunt mirifice in igneam substantiam. *Primo* elasticitatem siccitas adjuvat, quia promptior ignis evadit ad secedendum; aqueis enim particulis ubi non irretiatur, colligitur uberius, dum corpus premitur, in sinus abditiores, a quibus exiliat. *Secundo* corpora nonnulla elaterium retinent, dimittunt vero alia ex ignis quantitate; pro textuum namque diversitate aufugit ille, atque dilabitur, vel detinetur in anfractibus. *Tertio* absque igne corpora ex frigore non essent elastica; hoc enim, dum poros constringit, cohibet illum interioris positum, ne dissipetur, & abeat. *Quarto* corporum contusiones, quibus partes stipantur, & contrahuntur, elasticitati favent eadem de causa; densitas enim vim ignis moderatur, vetatque ne diffuset materia adeo tenuis in aerem. *Quinto* calor quem frigus excipiat, elaterio prospicit ob ignem adauctum; corpori quippe ex calore magna fit ignis accessio, quem frigus continet, comparatque ad vim validiorem. Redarguendus igitur non est qui ab igne ducit causam elasticitatis.

32. Ignem repudiant nonnulli, ut elasticitatem petant ab aere. Horum speciatim non meminimus, quod præter verba nihil omnino afferant dirimendæ liti accommodatum; eosque jam perculit Lamonofo-vius (1). Opinantur scilicet, elastica esse corpora ex aere quem complectuntur; ipsum vero a ramosis particulis, quibus constat, donari elaterio ajunt, vel a lamellis in cochlearum morem convolutis. Ab aere tamen qui in poris corporum subsidet, elasticitatem non progredi, perspicitur in aqua; hæc enim, licet elastica non sit, nec ferat compressionem, aeris bullas emittit, si quum tepida est, includatur excipulo machinæ aere destitutæ. Contortis autem a moleculis esse aerem elasticum, eodem redit ac elaterium fieri ab elaterio; cochleolas namque, ubi compressæ fuerint, nisi explicet facultas aliqua, manebunt æternum complicatæ. Veremur ne ignem averfentur, quod opponi corpora mollia credant elasticis; consensura autem ea fore dicant, si attractio duris impendatur, & elasticis adhibeatur ignis repulsio. Verum suspensionem abjicient, ubi ea inter corpora nullam reapse extare sciant

Y 2.

oppe-

(1) Tentam. theor. de vi aer. elast. ap. comm. nov. Accad. Petropol. vol. 1.

oppositionem; quæ enim mollia nuncupantur, & elastica, diversa potius invicem sunt quam adversa. Mollitici quidem gratia ad priorem formam corpora non regrediuntur, sed revertuntur causa elasticitatis; utrisque vero ignis auxiliatur, sed ratione plane dissimili. Mollium nempe textura efficit ut loculis suis consideant igneæ moleculæ; recedente idcirco compressione non protruduntur partes, ut primam dispositionem recipiant. Plexus autem elasticorum præstat, a loco in locum deduci ignem, cogique copiosius alicubi; quo fit ut pondere quo premebatur, amoto contendat expandi, partesque pellat in situm eundem. His prorsus acquiescet qui durorum corporum, mollium, & elasticorum discrimen pendere demum intelligat a temperie, seu permixtione adtractionis & repulsionis. Duris nimirum in corporibus adtractio dominatur perpetuo, nullaque est ferme repulsio; a repulsione in mollibus temperatur semper adtractio; in elasticis vero adtractio plerumque viget, sed interdum obtinet repulsio. Duplici itaque ignis, & materiz vi perficitur quæque corporum cohesio.



## C A P U T II.

### *De corporum fluiditate.*

1. **P**OST eohærentiam elucubranda speciatim est corporum fluiditas. Dici omnino vere potest, nullam fortasse in universo rerum physicarum orbe extare disputationem. quæ harum instar certas rationes respuat, admitratque tantum conjectationes. Inanem laudem aucupari ne videamur, enuntiamus palam, proposita nobis hic quoque suis se vero similia; modo enim commenta, & antilogias, quibus delirarunt non pauci, declinemus, ad præstantiora non contendimus. Dissidium itaque componimus partibus quatuor. Harum prima nonnullas affert de corporum fluiditate opiniones; demonstrat secunda, provenire illam a vi repellente; tertia convellit oppositas rationes, differis quarta de intestino fluidorum corporum motu.

#### PARAGR. I.

### *Afferuntur nonnullæ de corporum fluiditate opiniones.*

2. **CORPORUM** proprietates *fluiditas* est, qua figuram assequuntur aliis a corporibus. Aqua videlicet texturam a semetipsa affert, sed formam capit a loco; pro valorum enim in quibus continetur, discriminibus cylindrica est, conica, vel cubica. Dum vero sunt fluidorum corporum  
affec-

affectiones. Prima est, eorum partes divelli vi minima a ceteris posse; easdem autem se quoquoque invicem premere, est altera. Et quidem metallorum, & lapidum, ut maxima est ad divisionem omnem resistentia, ita aquæ, aerisque moleculæ ab aliis distrahantur levi contactu. Ab aquæ deinde particulis nism in alias exeri ad plagas omnes æqualem, exploratum fit a pressione, quam in vasis latera æque explerant, ac in basim. Facultates alias fluiditati alii adjudicant, sed hæc ambiunt universas.

3. Molecularum indoli fluiditatem adtribuit Musschenbroekius (1). Corpora nimirum fluere ex particulis ait quæ parvæ funditus sint, sphericæ, & dissolutæ. Exiguas esse statuit, quo differant a pulveris acervo; hunc enim fluidum non esse putat, quia grandiora sunt illius corpuscula, & oculis ipsis conspiciua. Decernit sphericas esse, vel rotundas, propterea quod ad motum quemque sint expeditæ; eaque figura, si microscopio spectentur, donari observat, *lactis* particulas, *sanguinis*, *olei*, *mercurii*, & *vaporum*. Solutas demum esse jubet, ut separari ab aliis possint vi parva; quippe ubi cohererent, obluantur disjunctioni, paremque fluidorum corporum conditionem facerent ac solidorum. Hæc Musschenbroekius sancit, sed suspicamur ne satis apposite. Corporum scilicet fluiditas a parvitate non pendet molecularum; pulvis enim fluidus non est ob inopiam potius æqualis ubique compressionis. Ad sensus nec pertinet corporibus fluiditatem tradere, quam obtinent a natura; *sanguis* quippe, quem esse fluidum nemo inficiabitur, si vitro inspicatur, globulos exhibet non admodum exiles. Sphæricas præterea, vel rotundas, esse fluidorum particulas, si sermo de nonnullis sit, consentit in veritatem; decipitur tamen qui inesse universis putet, & perneccessarias faciat fluiditati. *Sal* nempe, quod oblongis compingitur moleculis, si aquæ mergatur, solvitur, & effluit cum illa; quod non contingeret, ubi a planitie accersenda soliditas esset, & fluiditas a rotunditate. Pugnancia postremo docentur, quum moleculæ dicuntur esse nexu nullo colligatæ; adtractionem namque ubique cum adhibeat, parum sibi constat Musschenbroekius dum illis asserit in libertatem. Addendum est, pulveris cumulo fieri aquam hoc pacto persimilem; nulla quippe vi potiretur qua partes devincerentur, & liberarentur in planam superficiem pro more fluidorum. De fluiditate idcirco aliter est præcipiendum.

4. Fluiditatem collocat Fromondus in re continua, atque flexibili (2). Duras nimirum moleculas, quibus fluida corpora constantur, rejicit, & materie construi illa existimat continuitatem, & mollitiem affecta. Quo demonstret esse continua, affirmat, duas aquæ guttas, ubi se contingant, in unicam coalescere; eumque discretio omnis, qua distinguuntur invi-

(1) Specim. phys. cap. 20. (2) De fluidit. corpor.

invicem possent, disparet, perspectum sit donari illas continuitate. Congeries deinde corpusculorum, puta granorum *sabuli*, tamen diu permisceatur, non vertitur in corpus continuum; vicissim vero *aleum*, quod fluidum est, licet agitetur, ad moleculas non redigitur invicem sejunctas. *Glacies* denique, ubi minutas in particulas atteratur, definit esse diaphana; pellucida idcirco non esset *aqua*, si minimis corpusculis coagmentaretur, & careret continuitate. Fluidorum autem materiem mollem esse, & flexibilem, probat a pressione, quam æqualiter proferunt in partes omnes; duritiæ namque eorum particulae si pollerent, vasis fundum, cui insunt perpendiculariter, fortius premerent quam latera. Tantum præterea abest esse eas duras, ut soliditas ipsa pendeat a mollitie; *sacchari* namque, & *sulphuris* moleculæ durescere in placentam non possunt, nisi corpore fluido devinciantur, atque flexibili. *Aqua* demum, si vitreo in mortario probe tundatur, abit in pulverem; ubi tamen solidis, quæ frangi non possent, particulis attexeretur, suam servaret fluiditatem; sique comminui eas velis, evadet aqua fluidior. Verum quæ a Fromondocensiter præscribuntur, jacent apud alios; ærunt enim nihil liberior, audaciusque confingere de formis absolutis potuisse ipsum Aristotelem. Quod continuum ad materiem attinet, dux *aquæ* guttulæ cœunt quidem in unicam; sed definiendum adhuc erit, an congruant, quia continuæ sunt, vel quia particulis constant una colligatis. *Arene* corpuscula quæ multum versentur, continuum non acquirunt fluiditatem, quia invicem non hærent; & eum nectantur mutuo *olei* moleculæ, non amittunt, si fusæque volutentur, fluidam continuitatem. *Glacies* attrita non est transparent, quia accuratam non servat pororum directionem, *aqua* tamen particulae, eam eam obtineant, lumenque propterea transmittant, sunt diaphanæ. Quod spectat deinde ad flexibilem materiem, erratur, quum dicitur, explicari duris moleculis non posse pressionum æqualitas; unica enim via non suppetit quæ viri gravissimi illam demonstrant nonnullarum legum præsidio. Afferi licet possit; *saccharum*, ut obdureseat, egere mollitiæ, nihil conficitur solidas contra particulas; flexibile enim corpus, quod interjicitur, solidatur pariter, ostenditque idcirco, se coagmentari duris ex moleculis. *Aquam*, si verberetur vitreo pistillo, in pulverem concedere, adductum a nonnullis fuit in dubitationem; ubi explorata tamen res sit, reponi poterit, absami nexum particularum, ipsasque disjungi. Igitur conquiendum ad fluiditatem est quidpiam congruentius.

5. A corporum vorticibus fluiditatem derivat Scarellius (1). Hypothesim quam extruit, pronum non est luculenter exponere; putant enim, cum verborum perspicuitate conjunctam ab eo fuisse obfcuritatem sensorum. Ne quæ præcipua sunt, negligentur omnino, fluidorum mole.

(1) Phys. gener. vol. 3. lib. 3. part. 2. cap. 2. art. 3.

moleculas statuit gravitate donari, & motu inextinguibili; cumque premantur deorsum ab illa, ab hoc vero ad latera projiciantur, describunt curvam, qua utrique impetui satisfaciunt. A lineis curvis, quas molecula quæque percurrit, prodeunt vortices circulares; quorum diametri æquales non sunt, sed ex gravitate prementium eo sunt minores, quo a summa magis distant fluidi superficie. Vis centrifuga, qua quisque vortex instruitur, est inversæ ut diameter illius; directam propterea columnarum rationem sequitur, ut vividior sit, quo major numerus est vorticem incumbentium. Ratum hinc est, duorum vorticum qui æqualibus a columnis comprimantur, nisus esse æquales; universisque particulis æqualem liquet inesse contentionem, qua tuentur æquilibrium. Proprietas quoque progreditur, qua se pellunt ad omnes plagas; eujusque gratia a quovis valorum foramine exeunt, & se attollunt æqualem ad altitudinem. Hunc in modum acute disputat Scarellius, sed jam decoxit vorticum theoria. Negotium vis centrifuga non facessit, non gravitas, non vorticum figura; deterret tantum ea motuum compositio, quæ perpetua sit, legibusque obtemperet exquisitis adeo, & accuratis. Corpora nonnulla quæ durecebant, sunt fluida, & quæ fluebant, durilem admittunt; præsto autem nihil esse potest quod certam vorticibus motionem conferat, vel auferat omnino. Alia extant quæ nullam experiuntur compressionem; in his vero vorticum inferiorum diametri decrescere ex gravitate ingruentium non possunt, nec propterea niti in expansionem. Incredibile ferme est quo armorum apparatu expugnari tuto queat vorticum præceptio; abjicienda tamen ea sunt, ut verecundiz mos geratur, & singulari, qua de perdocto viro præclare sentimus, existimationi. Edisserenda itaque fluiditatis causa est alia ratione.

6. Ab irritis aliorum conatibus in medio ponitur rei difficultas. Quæ de corporum coherencia definivimus, illustrare hanc nonnihil valent exercitationem; fluidorum enim corpuscula invicem agglutinantur pacto aliquo, ut non repudient omnem adtractionem. Verum cum proprietas alias obtineant ab adtrahente vi prorsus immunes, hinc ad movendum meditationi animus est, serioque cogitandum, an fluiditati conferat potissimum repulsio. Suspiciari scilicet possumus, librari sulda ex vis utriusque temperatione.

## PARAGR. II.

*Demonstratur, provenire corporum fluiditatem  
a vi repellente.*

7. AB ignis repulsione impetrant corpora fluiditatem.

RAT. I. Proprietas fluidorum est particulas gerere quæ divelli ab aliis possint vi perexigua. Hoc autem, quo a solidis præsertim differunt, explicari igne valet, cujus moleculæ corpusculis illorum se interponant, & removeant a contactu. Ut adtractio videlicet particulas fluidorum jungit, & cohibet, ita distrahit ignis repulsio, & ad motum proclives facit, ipsamque propterea ad separationem. Igitur originem ab igne capit corporum fluiditas.

8. RAT. II. Altera fluidorum affectio est, urgeri quoquoque versus particulas illorum. Abscissa autem non præscribit qui ab ignis vi illam repetit per corporum poros copiose, & æqualiter distributi. Expandi namque cum contendat, & offendat resistentiam stipatarum undique molecularum, eas aliis appropinquat, & contentione impertit ad omnem directionem. Impedimentum idcirco, quod a valorum lateribus obijcitur, si amoveatur, necesse est effluant particule eo sane impetu qui columnæ imminenti respondet altitudini. Igitur corporum fluiditatem parit ignis repulsio.

9. RAT. III. Experimenta multa admonent, fluere corpora ab ignis repulsione. *Metalla* nimirum, *adeps*, *pix*, & alia, quæ solida sunt, nascuntur, ubi igni proponantur, fluiditatem. Hujus vero jacturam ferunt, prioremque firmitatem acquirunt, si ab igne seposita aditum patient refrigerationi. Peragi sane hæc nequeunt sine ignis vi repellente; ab igne scilicet; dum corporibus ingeritur, credendum est moleculas solvi, adtrahi vero eas rursum, ubi exeat, & dissipetur in aerem. Eaque de causa *vini spiritus*, quemadmodum tenues aliæ substantiæ a frigore vel acutiore ferre non potest congelationem; igne namque cum abundet, particulis conficitur ad soliditatem omnem imparibus. Igitur exordium ab igne ducit corporum fluiditas.

## PARAGR. III.

*Convelluntur oppositæ rationes.*

10. QUI adtractionem oderunt, fluiditatis causam nolunt esse ignis repulsionem.

ARG. I. Solo particularum motu dura corpora fluida evadunt, & fluida fiunt dura. *Aurum* enim quod mensium sex intervallo in mortario



tario porphyretico pinsetur, vertitur in aquam; universaque etiam metalla, si cum aqua diutius molantur, rediguntur in illam. *Mercurius* vicissim qui ampulla concludus agiteretur mensium sex spatio, revocatur in pulverem nigricantem; & *aqua*, si per plantarum vasa deferatur, obdurefcit, formamque acquirit trunci, & ramorum. Porro motus, qui conversionibus hisce originem facit, fluiditatem indicat pendere a forma molecularum; dum enim corpora contunduntur, comminuuntur illæ, & superficies novas obtinent, proprietatibus aliis consentaneas. Igitur non actinet fluiditas ad ignis repulsionem.

II. RESP. Motum conferre aliter ac sibi persuadent, fluiditati. Concedendum ultro est, corpora solida fluere interdum ex motu, & fluida solidari; horum tamen, quæ Mussehenbroekius memorat (1), evincenda mutatio est præsertim ab igne. *Aurum* ceteris cum metallis aquæ naturam adoptat post ictus perpetuos; verum in promptu sunt corpora dura quibus fluiditas sine motu obvenit ex sola ignis accessione. *Salia* nempe nonnulla, si cum tertia laterum attritorum parte commisceantur, exponanturque valido igni, liquorem exhibent acidum, & subtilem; *sulphur* vero, sal *ammoniacum*, & *calx*, quæ ad æquale pondus una adjungantur, distillationis ope spiritum afferunt tenuem, & rubrum. *Alimenta* præterea ex ventriculi calore in chylum abeunt, sanguinem, & lympham; *glaciesque* pariter ab igne in aquam rediguntur, & *ligna* quæque valibus inclusa prunis si imponantur, in spiritus conformantur, phlegmata, & olea. Exploratum ideo est a vi ignis repellente præcipuas progredi corporum vicissitudines, ut motus ipse, cujus gratia ex firmitate in fluorem concedunt, inservire dicendus sit ignis virtuti. A diuturnis videlicet percussionibus confertur duris corporibus fluiditas, quod eorum particule fiant attritione minores; eo enim pacto eum removeantur invicem, & adtrahantur infirmius, ferunt æquius ignis repulsionem. A figura tamen sola, quæ constanti ex verberare illis contingit, pares non evadunt ad fluxum; angulares quippe cum sint, nullamque rotunditatem obtineant, directioni cuique sunt minus idoneæ. Quid duris de corporibus in fluidum properantibus dicitur, fluidis etiam convenit in durum corpus deductis. Alia nimirum exstant quæ sine motu, & ab ignis tantum negantia suam capiunt duritiem; *aqua* enim ex frigore, quod igni opponitur, in glaciem conjicitur, & *olea* addacuntur eodem pacto in soliditatem; *lac* ex alterius corporis adjectione cogitur, & *sanguis*, ubi non commoveatur, assequitur concretionem; liquor vero, qui ex *bombycum*, & *araneorum* visceribus excernitur, ubi aerem frigidum perferat, densatur in fila tenuiora. Aperte hæc significant, conversionum causam motum non esse, sed ignis potius evaporatio-

Tom. III. Physic.

Z

nem;

(1) Specim. phys. num. 694. 695.

nem; qui cum abscedat, adtrahi moleculas sinit, & ex fluiditate in duriciem contendere. Quod si ex concussione *mercurius* figitur, & *aqua* dum circuit, transit in plantam, debentur hæc ignis defectioni: motu namque corpuscula ignea, quæ vi ceteris præstabant, abiguntur, ut repulsionē sublata valeat adtractio. Arbitrandum nempe non est, ipsas particularum superficies, quæ gigni a motu possent, aptas esse consistentiæ; adtractione quippe nili devincirentur, demonstratum superius fuit nullam esse illarum cohesionem. Igitur fluiditatem corporum efficit ignis repulsio.

12. ARG. II. Indubia omnino res est fluere corpora inæqualiter. Oleo enim *aqua* fluiditate præstat, *aqua vini* spiritus, spiritui *vini aer*, & *aeri lux*. Discrimina tamen hæc enasci nequeunt ab ignis repulsionē; in *aere* namque præsertim, & in *aqua* nihil deprehenditur quo fluere ex illo indicent ratione adeo dissimili. Alias idcirco ad causas confugiendum est igne opportuniore; cujusmodi sunt molecularum parvitas, pondus, adtractio, figura, & superficies. Igitur extra ignem est origo fluiditatis.

13. RESP. Quæ igni famulantur, inepte nuncupari causas fluiditatis. Evidentius quam subjici disquisitioni possit, est liquorem esse alio fluidiorem; quod tamen discrepare specialim eos jubet, major est minorve ignis repulsio. Molecularum scilicet exiguitas, figura, pondus, & alia igni favent, quo commodius explicet vim suam; exploratum enim est distrahi promptius corporum particulas, quo major illarum tenuitas sit, & figura motui accommodatio. Ceterum errant qui abjecto igne fluiditatem omnem revocant in ipsas; accedere enim corpori illam diximus, quin ulla occurrat molecularum conversio. Ne multis a corporibus postuletur rei confirmatio, adeunda tantum est indoles metallorum: firmitatem enim dimittunt, & admittunt fluiditatem absque nova particularum, quibus farsciuntur, figura. Nullus videlicet cui mentis acies non delit, reperire causam poterit qua *aeris* igni admoti moleculæ in rotundas abeant, redeantque extemplo in planas, ubi prunas reliquerint. Conformius sane rectæ disputandi methodo erit, liquefcere illud ex ignis adventu; duris enim concretionibus ut adtractio imperat, ita tribuendum fluidorum regimen est repulsioni. *Aquam* propterea, & *aerem*, quæ fluiditate tantopere discriminantur, despicendum quoque erit obtemperare ipsimet igni, ut pro hujus copia, & peculiari ad partes singulas applicatione fluxu gaudeant inæquali. Ipsa *aeris* elasticitas, cujus gratia ab *aqua* impensius differt, expeditur solo igne; ex compressione quippe secedere creditur in poros aliquos, unde aeræ particulas pellit in locum priorem. Æquiore itaque pacto exponi igne poterit major *aeris* fluiditas; ob corpusculorum enim quibus attextitur, raritatem completi maximam illius vim valet, qua ad motum sit *aqua* paratior. Igitur ab igne manat corporum fluiditas.

14. ARG. III. Mollia corpora, dum igni immittuntur, fiunt solida. *Argilla* enim qua lateres conficiuntur, fornaci ingesta durum in corpus compellitur, omnemque refugit compressionem. Fluiditatis tamen causa posita in igne ubi esset, fluere celerius quam durescerent corpora argillacea. Adhausta quippe ignis, a quo mollicies provenit, copia, excelleret repulsio, particulæque fortius diducerentur, & fluctuarent nisu enixiore. Igitur reperiri in igne non potest ratio fluiditatis.

15. RESP. Conspicuas non esse, ut nonnulli sibi statuunt, effectuum naturalium causas. Investigandæ scilicet ex diligentur sunt, & quum emerferint, sedulo expendendæ; fieri enim potest ut examine prætermisso iisdem diversæ statuatur, & diversis eadem. Comperta res est laterum incoctorum molliciem ab igne proficisci; hujus namque repulsio nisi componeretur cum adtractione molecularum, dura esset, non mollis, *argilla*. Clibano tamen industi firmitatem sibi comparant ob rationem peculiarem; quia ignis, dum meatus illorum ingreditur, aquam dispellit, cui alligabantur igneæ particulæ. Hac autem, qua molles erant, absumpta, necesse est obdurescant lateres omnino; ipsorum enim moleculæ, cum ab igne, quem aqua continet, non removeantur, validiori subduntur adtractioni. Ignis vero alius, cujus ab ingressu major fluiditas expectabatur, non trahit in lateribus moras diuturniores; eam quippe offendit pororum distributionem, qua coerceri non possit, sed avolare sinatur, & dilabi. Eodem a partium contextu intelligitur, cur, quum illi merguntur aquæ, molliciem iterum non adoptent; contra quam *panis* usuvenit, nonnullisque aliis corporibus, in quibus alterna durities est, atque mollicies. Minima videlicet laterum corpuscula, dum aquam non admittunt, respuunt quoque ignem, cujus a repulsione molles evaderent; *panis* vero moleculæ aquam exsugunt igni permixtam, molliciemque propterea, quæ crudæ inerat placente, denuo recipiunt. Igitur ab igne parantur corpora ad fluiditatem.

16. ARG. IV. Dura corpora, & fluida eandem retinent gravitatem. In corpore videlicet quod duritiem amittat, & obtineat fluiditatem, si imponatur libræ, pondus idem deprehenditur. Ab igne tamen ubi fluiditas prodiret, cederet res aliter; sine incremento enim gravitatis, vel decremento, discedere durities non posset, & affectio opposita adventare. Ignis nempe repulsio cum perpendiculari ponderis directione conspiraret, vel illi adversaretur omnino; consentanea vero si esset, augetur gravitas, vel extenuaretur, si esset dissentanea. Igitur alia ab igne est causa fluiditatis.

17. RESP. Corporum quæ liquecebant, & subinde solidantur, eandem præter propter esse gravitatem. Definiendum ita esse credimus ne in scirpo videamur nodum conquirere; qui enim gravem esse ignem judicant, ex ingressu illius, vel egressu mutari nonnihil sentiunt corporum pondus. Illius tamen æqualitati obesse ignis repulsio non potest,

est, quavis ratione agat in corporum particulas; harum quippe gravitati nec obsequitur, nec obstitit, sed congregitur tantum cum adtractione. Non impedit nimirum ignis, nec promovet eam quæ a gravitatione est molecularum pressionem in fundum; universum namque per fluidum cum disperciatur, deprimit æque illas, & attollit, ut exeri in basim sinat pondus universum. Dimicat potius cum vi altera, qua particulae se petunt, annitunturque in cohesionem peculiarem; quoquoaversum enim illas cum urgeat, obstringi mutuo vetat, conformataque ad omnes directiones. Mendacii nec inculabimur, si hoc præsertim nomine dicamus ostendi ad fluida ignis opportunitatem; ignoramus namque, an præter hunc extet aliud cujus præsidio manus fluidi immissa pondus non perentiat, experiatur vero, si vasi supponatur. Vis scilicet ignea moleculas, quas repellit, sustinet, & prohibet ne gravitent in manum; in fundo autem, cum nulla sit, non obest ponderi, sed insistere manui æque illud patitur, ac ante corporis liquationem. Igitur egreditur fluiditas ab ignis repulsionem.

18. ARG. V. Accensendus ignis est fluidis corporibus. Ab igne propterea fluiditas si procederet, ejus inter moleculas extarent igneæ alia, quarum gratia illæ diffunderent. Cumque solidum corpus non conficerent, in igne ignis delitesceret, viaque sterneretur turbæ ignium. Infinitæ. Igitur eruenda ab igne non est corporum fluiditas.

14. RESP. Corporum fluiditati facere satis unicum ignem. Hic sane dura inter corpora collocari cum nequeat, fluidus est reapse; alio tamen igne non indiget, sed suapte natura positur fluiditate. Cetera nimirum fluida molecularum texturam afferunt cum nisu ad recedendum conjunctam; quorum alterum ab adtractione consequuntur, alterum ab igne. Ignis quoque particulae aliquatenus coeunt, & contendunt præterea in dissolutionem; concretionem nempe aliquam a moleculis corporum, a quibus coercentur, obtinent, & conatum oppositum capiunt ab insita vi repellente. Constat hinc inesse igni proprietates fluidorum, quin infinitam seriem expostulet: quemadmodum enim a semetipso non cogitur, sed a corpore cui inspergitur; ita a semetipso, & non a re alia suam accersit expansionem. Qui propterea fluidorum synthesium velit attexere, non peccabit fortasse, si primo ignem statuatur, a quo aer evadat fluidus, aquam vero fluere dicat ab aere, argillam ab aqua; & ita porro. Ubi certa hæc corporum permixtionum ardeat, non morabimur ullatenus; modo enim fluiditas ab igne reposcatur, solliciti esse nolumus de accuratiore fluidorum corporum theoria. Igitur igne dispereunte omnis interit corporum fluiditas.

20. Prætereundum denique non est, igni a nonnullis fluiditatem adimi ex sensuum testimonio. Opinantur videlicet, ex igne corpora non fluere, quod calor in aqua non percipiatur, nec in aere, ubi ob fluiditatem nimiam esset insignis. Dum ita differunt, obscurum sibi esse indicant sensuum, affectionumque naturalium ingenium; nescire nempe

nempe profitentur, calorem qui humanis artubus adest, esse in causa ne qui degit extrinsecus, pernoscat. In re ceteroquin explorata non immoramur, ne præceptiones antevertamur paullo remotiores; ubi enim de igne disputabimus, ratum erit quid de hac decernendum sit caloris inertia. Memorare tantum proderat quæ spectabant in fluiditatem.

## PARAGR. IV.

*Differitur de intestino corporum fluidorum motu.*

21. AN motu *intestino* fluida ciantur, ambigunt Philosophi præclari. Qui inductis sine utilitate motibus fidem non adhibent, conquiescere corpora sentiunt quinque de causis. *Prima* est, comprimi a pondere *aquam* posse ut nullum, in quo se moveat, supersit interstitium; nec propterea jacturam subit fluiditatis. *Secunda* est, nullum in *lacte*, vel in *sanguine* motum oculis innotescere, tamen si exquisita microscopia adhibeantur, nec desit diligentia singularis. *Tertia* est, fluidorum particulas invicem adtrahi, ut guttulæ demonstrant in globulos se conformantes; ab adtractione autem quies progreditur, nisi impellatur corpus a causa externa. *Quarta* est, *limum*, *arenam*, & *pulverem aquæ motæ* innatare, petere autem eadi fundum, si restituatur illa quieti; quod carere fluida indicat omni partium fluctuatione. *Quinta* est, motum fore brevi desitutum; fluidorum enim moleculæ cum æqualem ad loca omnia pronitatem habeant, complanentur tandem necesse est, & redigantur ad æquilibrium. Ita definit Musschenbroekius (1).

22. Contra alii existimant volucari fluida motu perpetuo. Ab eo scilicet fluiditatem petunt, quod explicare aliter non valeant æqualem undique pressionem; oppositasque idcirco rationes infirmant. *Prima* nimis satisfaciunt dicendo, aquam compressam, licet spatium non admitrat, agitari posse motu interiore; hic enim rectus non est ob locorum in quæ moleculæ abeunt, inopiam, sed est circularis. Rem ex *aqua* confirmant, quæ in sphaera vitrea concludatur, & repleatur granulis arenaceis; etsi enim inanitate omni careat, tamen, ubi succuriatur, abripi circulariter non vetat scobem minutiolem. *Secunda* reponunt, existimas esse *lactis*, vel *sanguinis* particulas, quæ moventur continenter; nihil propterea evinci rite potest, si conspicuus motus non sit vitris vel accuratioribus. Metalla etiam, quum funduntur, & caloris moleculæ, quibus non deest celerrima delatio, ubi lentibus inspiciantur, stare penitus videntur, nulloque a motu versari. *Tertia* occurrunt statuendo, fluidorum adtractionem jungi repulsioni; virium autem harum

cx

(1) Spec. phys. num. 701.

ex compositione curvæ describuntur, ferunturque particulae spherico impetu, vel elliptico. Quod scilicet planetis uluvenit a centripeta vi, & a centrifuga in orbem delatis, idem contingere fluidorum molecularis potest utroque nisu non destituta. *Quarta* respondent, ab *aqua*, si commoveatur, sustineri *linum*, & *pulverem*, quia motui interno externa concussio adjicitur, vinciturque gravitas corpusculorum. *Aqua* tamen quiescente, ubi intestinus tantum motus superfit, subsideant oportet, & decident particulae limosæ; gravitate enim sua præstant nilui ceterarum. *Quinta* refragantur affirmando, fluidorum motum fore cessaturum, si rectus esset, & a viribus profluere, quæ ex occurso corporum minuerentur, & restingerentur omnino. Circularis vero cum sit, adjuvatur potius quam perdat a conspectu molecularum; ab adtractione etiam oritur ille, & a repulsione, quarum contentionem servat natura. Pro fluidorum motu certat hoc pacto Scarellius (1).

23. In hac animorum dubietate ingruere malum sibi non nescit qui enitatur litem dirimere. Auctoritati concedendum ubi esset, vinceret fortasse motus fluidorum; Cartesius namque (2), & Boyleus (3), quorum nomina contemtui habenda non sunt, aliter non definire. Ad di etiam posset, nonnullis in corporibus ipsum oculis incurere æstum molecularum; *aqua* enim fervens, & *candens* metallum, perpetuum exhibent ebullitionem. Dissimulandum denique non esset, *sal*, & *saccharum* dissolvi, cuprumque in aqua regia, & fluida multa invicem commisceri; fieri autem hæc nequeunt, nisi præsidio motus se ingerant particulæ poris corporum, eaque disperiant. Indubium est momentis hisce fidem omnem non deesse; profiteri tamen veritas adigit, cumulatissima non esse, & plane conficientia ad motus perennitatem. Eum induxit Cartesius, quia duritiem corporum posuerat in quiete particularum; ne pugnantia idcirco statueret, sitam in motu esse iussit corporum fluiditatem. Nullus dubitat, *metallum*, & *aquam*, dum ebulliunt, exilire motu intestino; *aquam* tamen, ubi a *præmi* removeatur, vimque externam patiatur nullam, non desinit esse fluida. *Salium* denique, & compactiorum corporum solutiones provenire a causa alia queunt præter motionem particulatum; pauci enim non sunt qui a fluidi pressione illud derivant, vel ab adtractione; *aquam* vero, si non agitur, *vino* immisceri negat ex Beccario Fortunatus (4). Ubi pronuntiandum itaque sit, perocessarium esse non opinamur motum fluiditatis; quod enim adsumitur, cuiusque causa valeret ea præcepto, explanari probe potest alia ratione. Motus nimirum ille, ut diximus, advehitur, quo exponantur pressiones fluidorum; hanc tamen ad rem motus superfluit, facitque satis conatus ad motum. Si nempe fluidorum. molecularas. lanciantur con-

ten-

(1) Phys. gener. vol. 3. lib. 3. par. 2. cap. 1. arti. 2. 3. 4. 5.. (2) Princ. par. 3. num. 54.

(3) De fluid. sect. 14. (4) Phys. gener. par. 1. disert. 4. arti. 2. propos. 5.

tendere ex igne, ut alias decurrunt, constans sit apprimi illas æqualiter, omnemque pelli, si resistentia desit, ad altitudinem. Ita fert regula eximia qua inducendum nihil esse injungitur absque necessitate.

## C A P U T III.

*De saporibus.*

1. **Q**UÆ de coherrentia, & de fluiditate corporum explanavimus, pertinent ad contactum. Evolvendæ cum sint qualitates ceteræ sensibiles, locus conceditur hic saporibus, quibus potissimum percipiendis elaboravit sensum gustus natura. Quærendum sane non est, ut plerique faciunt, quæ facultas exællat, tangendi ne, vel gustandi; utraque enim substantiarum vita præditarum incolumitati pernecessaria est, æqualemque idcirco præstantiam sibi vendicat. Investiganda utilius est indoles saporum, ut perspicuitatis gratia absolvatur examen partibus quinque. Describit harum prima organum gustus; secunda nonnullas affert de saporibus observationes; probat tertia, sitos eos esse in figura particularum; quarta adversam opinionem labefactat; agit quinta de generibus saporum.

## PARAGR. I.

*Describitur organum gustus.*

2. Exponi rite nequit *gustuum* sedes, nisi generatim quædam expendiantur de sensuum discriminibus. Ea nimirum præsidia quæ ad rerum externarum perceptionem adjuncta hominibus, & brutis fuere, quinque sunt, dicunturque *tactus*, *gustus*, *odoratus*, *auditus*, & *visus*. Conveniunt quidem nonnihil, ut unica videantur ad corpus quodque dignoscendum uti ratione; quia tactione sola sensatio omnis perficitur, hoc est constanti particularum extrinsecus advenientium appulsu. Dissentiunt tamen ex modo quo contingunt; *tactum* enim, & *gustum* ipsa corpora afficiunt; *odoratum* vellicant eorum particulæ; *auditum* vero, & *visum* alia convellunt a corporibus, quæ sentiuntur, funditus diversa. Tangitur scilicet *malum punicum*, & degustatur; moleculæ olentes emittuntur a *thure*; aer denique, non *buccina*, auribus excipitur, & *purpura* oculis non ferit, sed *lux*. At dicendum quippiam est speciatim de *tactu*.

3. Positus *tactus* a natura artifice fuit in cute. Arteriis atroxitur, nervis, fibris, vasibusque limphaticis; & quo perfectior sit, distribui in tres:

tres partes affolet, *corpus* nimirum *reticulare*, *vasculosum rete*, & *epidermidem*. Quod *reticulare corpus* nuncupant, ex duræ matris ramulis conficitur nervos obvolvuntibus; ipsi autem nervi vaginas suas cum deposuerint, in papillas eriguntur rotundas, & exiguas. *Rete vasculosum* ex arteriis, venis, tubulisque lymphæ compingitur una colligatis; locis autem definitis capicula nervorum prominent, & deducuntur ad cutis superficiem. *Epidermidem* vocant cuticulam, quæ papillas obteggit, & est progenies omnium valorum; a potis undique trajicitur, quo ludor a glandulis excretus prodeat, locusque pareatur aëri subtiliori. Ambigendum non est, sensum tactus ipsis inesse nervorum germinibus; ex spiritibus enim, quos continent, & a cerebro accipiunt, concreditam illis fuisse liquet duritiei, asperitatis, & caloris sensationem. Planior hinc erit *gustatus* descriptio.

4. Instrumentum quo saporum differentias viventia explorant, est *gustus*. Peculiarem hanc judicandi potestatem linguæ multi tribuunt, palato, œsophago, & ventriculo (1); in lingua tamen vigere præsertim cum consistet, delineanda fufius est illius conformatio. Accuratè saporum discretioni motus linguæ deservit, textura, & humectatio; trium idcirco partium aperienda singillatim forma est, muscutorum nempe, membranarum, & glandularum. Musculi sunt fibrarum fasciculi varios in modos contextarum; quæ autem linguam communiunt, quadruplicis generis sunt, dicunturque *rectæ*, *transversæ*, *obliquæ*, & *perpendiculares*. *Rectas* seu *longitudinales* vocant quæ a basi excurrunt ad cuspidem linguæ; eum vero in usum sunt comparatæ ut apicem admoveant alteri extremo. A linguæ latere ad aliud *transversa* ducuntur, prioresque dividunt ad angulos rectos; earumque munus est planam linguam efficere, vel rotundam. *Obliquæ* ceteras omnes ad inæquales angulos secant, & linguam flectunt ad partem utramque; eam autem cum verticaliter insistant, attollunt, & demittunt *perpendiculares*. His sane motibus, quibus susdeque protruditur, ultro citroque, accommodatur lingua saporum perceptioni; eo enim pacto eibus atteritur, & succus qui exprimitur, admittitur æquius in sinus abditiores. Corpora tamen ad solidiora in promptu sunt dentes, & mandibulæ.

5. Membranz quibus lingua protegitur, tres sunt, *intima* nimirum, *media*, & *extima*. Qui cutis plexum expenderit, non ignorabit horum structuram; *intima* enim ex nervis adfuitur, ex sanguineorum, & lymphaticorum vasuum propaginibus coalescit *media*, & *extima* est cuticula. In tres quidem dividitur, sed rectius efflet unica membrana; quæ namque ad illius concretionem pertinent, devinciuntur adeo ut separari invicem nequeant sine labore. Nervæ quoque papillæ ei insunt a cuticula obvelatæ; magnitudine tamen, & pororum numero eas vincunt quas cus

disper-

(1) Vid. Le Cat. tract. de sensib. pag. 18.



disperfit per corpus univcrsum. In his autem nervorum capitibus peragi creduntur sensationes saporum.

6. Glandulas postremo lingua confert in rem suam. Harum complures adjacent præteritum basi illius; a ceteris vero palatum instruitur, ut symbolam afferat in sapiditatem. Utilitas glandularum sita in humore est, seu mucro, qui, dum ab illis egreditur, irrorat, & madefacit linguae superficiem. Salibus nimirum suis *menstruum* saliva exhibet, diluendis, attenuandisque cibis opportunum; linguæque etiam contextum laxat, quo via referetur, nervique pungantur a moleculis saporum. Uberior autem est, quo fortius lingua vibratur, & diutius.

## PARAGR. II.

*Nonnullæ afferuntur de saporibus observationes.*

7. PROPRIETAS corporum est *sapor*, quæ ad peculiarem sentiendi facultatem spectat, nempe ad gustum. Substantiis omnibus non inest, sed a nonnullis distat omnino; *aqua* enim, & *terra*, quamvis in ore diu volucentur, nullum edunt saporcm. Existimantur propterea, in corporibus, ubi delitescunt, esse vehicula potius saporum; comparanturque umbræ, cui, si luci commisceatur, multiplex dehetur imaginum efformatio. Umbra nimirum, licet oculos non percellat, magnam tamen creare valet turbam colorum; ratione autem non dissimili, dum gustum non afficiunt, prodesse saporibus creduntur, ubi adiungantur aliis aqua, & terra. Putant aliqui, saporcm pariter *oleo* deesse, seu sulphuri.

8. In *salibus* reperitur exordium saporum. Corpus videlicet, quo majore salium copia farcitur, eo est sapidius; ut insulsus omnino est, & infœctum, quod salibus destituitur. Experimenta nempe admonent; a substantiis, quæ sapiunt, erui magnam vim salium; & impertiri eas sapore, ubi salibus perficuntur, vel supponantur illis diutius. Salium vero nomine non indicatur tantum commune; quippe *saccharum*, licet falsedinem nullam exhibeat, subit tamen censum eundem. Complura demum alia in corporibus degunt genera salium.

9. Saporibus confert multum humiditas. Ubi corpora arescant, nulla obitur saporum perceptio; mandendus propterea cibus est, persundendusque succo glandularum. Compertum in *metallis* illud fit, ceterisque duris in corporibus; quæ comminui dentibus cum nequeant, & humectari, desipiunt omnino. Immodicus tamen liquor verat æque sapidam sensationem; hebescent enim obsonia, ubi madida nimium lingua sit, vel diffuant illa iusculo dilutiore. Qui de saporibus idcirco leges ferunt, temperandam humiditatem esse jubent siccitate, ut siccitatis gratia rite illi consistant, subigantur vero facile causa humiditatis. Pervulgatum jam est solvi salia ab humore.

10. Calore saporcs gignuntur, aut evadunt vividiores. Quæ frigida

Tom. III. Physic.

A a

sunt,

sunt, non sapiunt ullatenus; idemque usuvenit, si lingua frigescat, im-  
parque ex stupore sit ictibus molecularum. Eam ob causam, antequam  
apponantur, commendantur epulæ igni; crudæ enim saporem abiciunt,  
quem admittunt assæ, vel elixæ. Corpora quidem multa ex frigore  
concreta censentur præstare calidis sapore; illud vero a peculiari salium  
subtilitate provenit, quæ, si prunas experiantur, dissipantur omnino.  
Ceteris tamen corporum particulis ubi firmiter hæreant, calore sunt  
salia potentiora; ab igne namque expediuntur, quin absumentur, im-  
petumque propterea linguæ faciunt validiorem. Sed definienda res est  
pro varietate etiam gustatum.

II. Querenda postremo est indoles saporum. Erit illa prorsus imper-  
via, saporem esse duplicem nisi præcipiatur, *formalem* videlicet, &  
*causalem*. Quem formalem nuncupant, existit in anima; nihil enim  
est præter saporis externo a corpore prodeuntis cognitionem. Causalis  
vero proponitur indagationi; exploranda namque est causa, quæ cum  
exterior commoretur, in cerebro tamen parit saporis effigiem. Qui de  
saporibus optima velis, Boerhavius (1) adeat, & Le Cat (2).

### PARAGR. III.

#### *Probatur, positos sapores esse in figuris particularum.*

13. Absque peculiari molecularum forma nullus est sapor.

RAT. I. Ipsa gustatus constructio naturam referat saporum. Nervæ  
scilicet papillæ, quæ ab intima linguæ membrana eminent, terebrant  
mediam, & sub extrema celantur poris inspersa. Argumento illud est,  
ciborum particulas per cuticulæ meatus in nervos delabi, ibique pro  
multis, quibus præditæ sunt, angulis varias promere saporum sensatio-  
nes. Igitur recedendum a moleculis non est, ubi recludenda sit cau-  
sa saporum.

13. RAT. II. Corpora quæ sapiunt, ingenti abundant vi salium.  
Neminem vero præterit, donari salia formis innumeris; cubicis enim  
ex particulis alia assurgunt, ex prismaticis alia, alia ex cylindricis.  
Ab his diversas, oppositasque necesse est progredi perceptiones; acutæ  
quippe linguam aliter ac rotundæ premunt, grandioresque diversimo-  
de urgent, ac leves, & exiguæ. Igitur extra moleculas queruntur sa-  
pores nequidquam.

14. RAT. III. Saporibus humiditas favet, modo non sit maxima.  
Humor enim complexionem corporum laxat, & salium solvit coalitio-  
nem;

---

(1) Prælection. academ. de gustu. (2) Traité de sensib.

nem; ea idcirco ad nervorum oras promptius deducuntur, ideamque excitant saporum. Horum tamen sensatio retardatur a liquore nimio; quia salium moleculæ irretiuntur, linguamque lenius exstimulant, & infirmius. Igitur corrumpitur, si particulæ desint, omnis sapor.

15. RAT. IV. Ex calore evadunt corpora lapidiora. Præter eorum dissolutionem igneis a moleculis pori linguæ distrahuntur, & fiunt patientiores; dapumque propterea particulæ infiliunt commodius papillis, easque concutiunt. Frigus vero saporum vim cohibet opposita de causa; poros enim occludit, vetatque ne se conferant moleculæ ad nervos recessus. Igitur pronuntiandum est, insidere particulis saporibus.

## PARAGR. IV.

*Adversa labefaciatur opinio.*

## 26. SAPORES a moleculis abigunt Peripatetici.

ARG. I. Mutantur facile corporum saporibus. In particulis tamen quæ eodem in corpore supersunt, si reperirentur, non deficerent illi, sed perseverarent continenter. *Argentum* videlicet, quod insipidum est, ubi spiritu *nirvi* dissolvatur, formamque pro Chymicorum more chrySTALLINAM induat, nanciscitur insignem amaritudinem. *Plumbum* deinde, quo sal *saturni* conficitur, expers est omnis saporis; verum *aceto* ubi perfundatur, dulcedinem singularem adipiscitur. *Mala* demum omnia, quæ initio acerba sunt, evadunt, quum matureseunt, penitus dulcia; sed exacto dierum intervallo, dum in corruptionem vergunt, saporem sibi comparant amarum. Igitur ad particulas non pertinent saporibus.

17. RESP. Ad sensibilem adtributorum disquisitionem admittendos non esse Peripateticos. Recordationem molecularum omnem averfati perpetuo cum fuerint, conficique cuncta dixerint proprietatibus absolutis, saporibus in re obscura collocarunt, & inani. Ipse quidem Aristoteles, cui erranti plus deferebant quam sapienter præcipienti, lapiditatem esse qualitatem secundam asseruit (1) ex commixtione primarum exortam. Affectiones sane quas primas nuncupabat, siccitas erant, & humiditas; verum a particulis has cum eliminaverit, saporibus quoque denegasse eum constat naturam corpusculorum. Ambigendum propterea non est, an huiusmodi in concertationibus præstiterit Aristoteles Epicuro; ut enim in logicis profusus excelluit, & in ethicis, ita concessisse alicui credi nonnunquam in physicis. Quovis scilicet pacto atomos suas Epicurus elaboraverit, certo certius est ad saporibus, ceteraque ad facultates moleculas plus conferre quam exsuccam, libenterque confictam formam incorpoream. A re tamen instituta digredi-

A 2. 2.

ne vi-

(1) De sens. & sensib. cap. 4.

ne videamur, incipiendum est, easdem penitus particulas perfleare in corpore cujus sapor varias subeat vicissitudines. De illis non differitur quæ primæ funditus sunt, & ex elementis coeunt, seu substantiis simplicibus; hæ namque divisionem plerumque omnem elidunt, & afferuntur constanter. Disputatur de moleculis aliis, quæ secundæ cum sint, & coalescant ex primis, dispertiri valent facilius; saporesque idcirco qui ab illis pendent, necesse est vertantur in alios. *Argento* videlicet, quod desipit, confertur amaritudo; quia *nitro*se particule, cum illud pervadant, asperum fortasse efficiunt, idoneumque nervis percellis. Dulcescit præterea plumbum aceto adjunctum, quod hujus cuspidis implicentur vaginis illius; aut si alia dulcedinis causa extet, a nexu novo prodibit molecularum. *Mala* denique acerba primo sunt, tum dulcia, & demum amara ex diversa coagmentatione particularum; incredibile enim non est, a pluvia, & ab aere construi multifariam eas posse, unde suboriantur saporum discrepantia. Igitur referenda saporum origo est in moleculas.

18. ARG. II. Sapores differunt, licet eadem sit complexio particularum, Cibus enim qui homini cuiquam perplaceat, displicet alteri quam maxime; immo qui suavis olim extiterat, ulla sine conversione eidem est insuavis. Iphis in senibus res fit explorata; quos nempe, quum puerascerent, *saccharum*, & *cupedia* mirifice delectabant, molestia afficiunt ætate extrema. Igitur saporibus profunt parum moleculæ.

19. RESP. Hypothesim nullam mederi gustuum diversitati. Absoluta in qualitate, vel in particulis sapor diversetur, multa de eodem queunt ferri iudicia; horum namque ratio a corpore sapido accersenda tantum non est, sed a *sensaria*. Fieri nimirum potest eundem esse corporis plexum; ubi tamen machinulæ gustibus decretæ inter se discrepent, induci discrimina valent in sapores. Pro inæquali scilicet fibrarum, quibus sensus adfuitur, dispositione locus moleculis hæc conceditur, non aliis, ut dissimiles inde proeudantur saporum imagines. Qui ad illud animum adiecit, iisdem ab epulis, non admirabitur, voluptate hominem impertiri, & mulierem fastidio; nec causam nesciet cur quos in puericia perditæ amavit, respuat homo sapores in senectute. Alter nimirum linguam altero rigidior gerit, vel obstructior; quo fit, ut papillas moleculæ subeant diversimode, disparesque proinde saporum ideas excutiant. In iis præsertim quorum anni processere, durior membrana est, & inclementior; quæ propterea molliter vellicabant, & dulces videbantur, inspiunt prorsus particule. Igitur a moleculis provenit vis omnis saporum.

20. ARG. III. Idem licet organum sit, non conveniunt saporum sensationes. Qui videlicet comederit multum, vel biberit, omnem ferme amittit earum, quæ antea sapiebant, perceptionem epularum. Æger præterea fibras easdem retinet, dapesque sibi apponi jubet aliis non absimiles; nullum tamen saporem excipit, aut alium experitur earum natura.

uræ prorsus adversum. Igitur non progrediuntur saporés a nervorum consensione, & particularum.

21. RESP. Terendum inutiliter tempus non esse lufibus Peripateticorum. Ubi ipsa sensus textura superfit, mutantur vero cetera quæ ad gustum sunt pernecessaria, eodem plane redit ac si evertatur gustatus omnino. Fieri quidem potest textum membranz eundem permanere, sed ocludi a corpusculis poros illius; idem propterea saporum iudicium impeditur, aut aliud editur prorsus dissentaneum. Comotationibus nempe si quis nimium indulserit, vini, escarumque moleculis linguam obinet refertissimam; salinæ idcirco corporum particulæ repellantur necesse est, ut ad nervos nequeant deduci. Adversa autem valetudine qui laboraverit, linguæ meatus excretis a sanguine fœcibus oppletis gestat, saporelque propterea insectos acedine percipit, & amaritudine corruptos. Exploratum hinc fit, ad idem saporum criterium gustatum eundem, easdemque moleculas postulari, & conditiones etiam easdem; ubi enim horum alterum desit, expectanda eodem de sapore non erit eadem sententia. Afferretur quidpiam luculentius, ubi constaret, quarum figurarum ad moleculas spectantium gratia efficiatur sapor peculiaris. Imperivium tamen cum illud sit, statuitur tantum proficisci saporum diserectionem ab analogia sensus, & particularum. Igitur a moleculis quas complectuntur, corpora sunt lapida.

22. ARG. IV. Si a particulis saporés profluerent, fieret sensuum perturbatio. Nullum videlicet facultatum dissidium esset, nullumque sensibile rerum discrimen; quia cum tactu gustus confunderetur, & lingua cum manu. Tactus scilicet moleculis debetur, quæ nervos quatit epidermidi subiectos, particulæ enim frigida eo pacto frigus in manu creant, & calida calorem. Saporés propterea, si in corpusculis essent, pertinerent ad tactum; nerveæ quippe tangerent linguæ capitula, & ad gustandum incitarent. Igitur auferendi saporés sunt a moleculis.

23. RESP. Non commisceri sensus, ubi universe tantum convenient, & generatim. Facultates plane, quibus homines sentiunt, & cogitant, licet diversæ omnino sint, consentiunt tamen in rationem unicam proprietatis. Immo bruta, quæ hominibus nutritione, motu, affectionibusque aliis affinia sunt, discrepant funditus ex natura peculiari. Nullum idcirco detrimentum obvenit veritati, si quod superius ediximus, agant sensus omnes ex contactu; amplum enim illud est, satisque commune, ut exitiosum esse nequeat singulari cuique eorum ingenio. Sine particulis sane quæ fibras leniter tangant, occidit omnis sensatio; quia tactus, & gustus in idem recidunt ac durarum, lapidarumque perceptio molecularum. Evincendum tamen hinc non est, perverti omnia, & a manu insidias strui juribus linguæ; modum namque suum utraque seruat, quo ex contactu duritiem ea persentiat, hæc saporés. A dissimili nempe membranarum structura, & a magnitudine, figuraque partium dimanant eæ differentię, ut tangere sine gustu manus valeat, & si-

& sine tactu lingua gustare. Igitur ortum ducant saporē a moleculis.

## PARAGR. V.

*De multis agitur generibus saporum.*

24. IN genus duplex saporē distribuuntur; quorum alterum *compositum* est, alterum *simplicium*. Compositi, vel *artificiales* dicuntur qui conficiuntur e simplicibus; potissimum vero sunt quos in obsoniis delibamus, esculentisque arte elaboratis. Simples, vel *naturales* sunt quos suo pro studio construit natura; septemque nominantur, nimirum *acidus*, *acer*, *amarus*, *salsus*, *dulcis*, *austerus*, & *acerbus*. Enarranda speciatim est vis singulorum.

25. *Acidum* saporē in particulis oblongis collocant, rigidis, & acutis. Altius ceteris linguam pervadit, eamque immitius cum vulneret, sensationem excitat aliis vividiorē. Acidis spiritus vitrioli accensetur, *acerum*, *malum citrinum*, & alia.

26. *Acrem* a moleculis superficies glabras consecutis petunt, & motu celeri deportatis. Eo a sapore calor non exiguus linguæ confertur, quem comitatur interdum levis combustio. *Allium*, acerbis annumeratur, *piper*, *cantarides*, & *arsenicum*.

27. *Amarum* particula iribeunt *salium*, & *oleorum*. Duplex propterea apud Chymicos extat amaritudo, quarum aliam acerbis in salibus ponunt, aliam in oleis combustis. *Abstinium* ad amara pertinet, *myrrha*, *cortices plantarum*, & alia.

28. *Salfum* statuunt præsertim in moleculis *salis* marini. Cubicæ cum ex fiant, provenire falsedinem putant ab angulis rectis. Salso opponitur insipidus, qui *agua* inest, *terra*, aliisque nonnullis; hunc tamen opinantur multi esse saporis potius negationem. Salsis multa *salia* conceduntur, nimirum *petreæ*, *gemma*, & *urina*.

29. *Dulcem* particulis superficie plana præditis largiuntur, & *sulphuri* permixtis. Duplicem propterea dulcedinem inducunt, quarum aliam *macram* appellant, & aliam *pinguem*. A macie sane nuncupant, ubi moleculæ salinæ numerum vincant sulphurearum; sique illis cedant, saporē vocant dulcem a pinguedine. *Saccharum* ad dulcia spectat, *non existens*, *mel*, & alia.

30. *Austerum*, quem ab acido quidam non discernunt, in particulis *salium fixorum* inveniunt *sulphuri* adjectis. Hamatis e corporealis consistere illa eum existimant, dentes, ajunt, constringi, & corripri subito stupore. Austeriorum in censum veniunt *mespita*, & *malum* quodque immaturum.

31. *Acerbum* denique nihil differre censent, vel parum ab austero. Peculiari quidem saporum generi adjudicabant eum veteres; ubi tamen acerbicatis exemplum reposceretur, in medium afferebant fructus intem.

intempestivos, Hi vero, cum in acidorum corporum cœtum, vel austerorum referantur, impares sunt ad novi saporis institutionem, Sed ad minutiora processit satis oratio-

## C A P U T IV.

*De odoribus.*

1. **S**APORES inter, & odores consuetudo extat, & cognatio. Colores qui dapibus insunt, non excitant plerumque facultatem edendi; saltem non admonent, id quod proponitur, lapidum omnino esse, & gustui perjucundum. Odores tamen satis indicant, exquisitas suppetere in epulis delicias; cumque propterea ad vescendum alliciant, internuntii nuncupari solent, & exploratores saporum, De odoribus itaque disputaturi rem conficimus partibus quinque. Prima exponit organum odoratus; memorat secunda nonnullas de odoribus observationes; tertia ostendit, collocandos eos esse in particulis; disijcit quarta sententiam adversam; quinta attingit discrimina odorum.

## PARAGR. I.

*Exponitur organum odoratus.*

2. **SENSUM** quem odoratum vocant, tria constituunt, os nimirum *ethmoides*, membrana *pituitaria*, & processus *maxillares*. In ima frontis parte situs *ethmoides* est ad radices nasi; idem vero sonat ac os cribrosum, quia foramina multa defert parva, & obliqua. Usui duplici dicuntur ea esse accommodata; quo videlicet aeri ad nares properanti aditus pateat, & liber sit exitus muco a cerebro profluente. Lamellis ossibus compingitur, quæ inferius procreant os *spongiosum*.

3. Membrana quam *pituitariam* nuncupant, altiore obtegit nasi cavitatem. A meningibus, & a nervis quæ a cerebro descendunt, suam ducit originem; fibris enim attextitur, vasculis, & nervis, qui ad illius superficiem expanduntur in papillas. Glandulas etiam innumeras gerit refertas pituita; unde liquor excernitur, misceturque lacrymis per lacrymale ductum ab oculo, illuc delatis ad alluendos apices nervorum. Præter narium fundum lamias obvolvitur, quibus constructi *ethmoides*; forulis enim, quæ intervallo ossium exilium, & laterum potius sunt, inseritur, eaque obstruit omnino. Angustum licet in spatium, uti summa est nasi cavitas, contrahatur, insignem tamen obtinet extensionem; anfractus quippe narium, & sinus omnes cum occu-

pet,

pet, latius profertur, & aprior evadit perceptionibus odorum. Mollior, & delicatior est præ membrana gustuum, quia cerebro est proximior.

4. Processus quos *mamillares* dicunt, prostant supra ethmoidem. Nervi nempe *olfactorii* a cerebro cum decurrant, accedunt ossi cribiformi; pone illud vero mamillas duas edunt, quæ appellantur etiam *caruncule papillares*. Opinantur nonnulli, duabus a pelliculis hæc operiri instar palpebrarum; attolli enim illas, & demitti ajunt, quo excipiat aer, vel repudietur, pro legibus odorum. Hæc tamen examine indigent accuratiore.

5. Ambigunt viri non indocti, qua potissimum in parte commoretur vis olfaciendi. Decernit Vieussenius (1), mamillaribus in processibus eam degere, & quo rem evincat, triplicem molitur rationem. *Prima* est, nervos quos ab odoribus olfactorios nominant, in mamillas abire, non in pituitariam. *Secunda* est, a mucosis humoribus membranam intumescere; obtunduntur propterea cuspides molecularum, ut impares sint ad eam convellendam. *Tertia* est, ad odorem sensationes postulari aeris inspirationem; ii namque naribus adducti ethmoidem subeunt, & per illius foramina utrique illabuntur processui. Vieussenii tamen exceptionibus animum non despondent, qui conceditam odorandi facultatem esse existimant pituitaræ. *Prima* reponunt, duplicem ad mamillam olfactorios nervos non modo pervenire, verum etiam ad membranam; hæc namque præter nervorum complexionem nihil est, & propaginem meningum. *Secunde* satisfaciunt, dum liquorem quo illa turgescit, vasculis concludi dicunt ad id peculiariter destinatis; nervi propterea nimium non madescunt, nec eludunt impetum particularum. *Tertia* respondent, conferre aerem ad validiorem odorationem; moleculæ namque odorum dum illi innatant, & inspirantur, apprimuntur fortius nerveis papillis. Ferendum ubi suffragium esset, faveremus forsitan membranæ; præter alia enim quæ hæcenus recitavimus, in promptu est præstans observatio. Ethmoidis nimirum foramina obducuntur a plieis membranaceis; odorum idcirco particulæ, cum trajicere os illud nequeant, ægre attingunt carunculas papillares. Verum componere liitem qui velit, odoratum statuat in re utraque.

#### PARAGR. II.

#### *Proponuntur aliquæ de odoribus observationes.*

6. *PROPRIETAS odor* est qua afficiunt corpora sensum odoratus. Animadversum de odorum indole fuit, non perferri eos absque aeris, qui ad nares deferat, præsidio. Oleum enim *cere*, *urinae* spiritus, & alia,

---

(1) Neurolog. lib. 3. cap. 2.



alia, vasi hermetice clauso si commendentur, agitentur, & apponantur igni, odorem nullum emittunt (1). Corpora eadem, licet coram explicentur, non olent, nisi adducatur aer inspiratione; ut quo fortior narium suffusio est, odorum sensatio sit præstantior. Canes ideo venatici, dum leporem insectantur, rictu demisso, admotisque terræ naribus, hauriunt aerem, quo odorem percipiant. Vento demum perflante odores fiunt acutiores.

7. Odoribus deinde prodest maxime calor. Fervescitibus nempe in regionibus aromata enascuntur, non in frigidis; quia Syri, & Arabes iis abundant, destituuntur vero Lappones, & Scandi. Ut odores promoveat, lenis esse calor interdum debet, & tenuis; eo namque pacto suaviter redolent *caryophylla*, *violæ*, & *parietaria*. Vividus autem calor sit nonnumquam oportet, & validus; *gumma* enim odorem, ubi igne solvantur, spirant, quemadmodum res multæ compactiores. A calore provenit perutilem odoribus esse corporum affricum; quæ nempe inodora erant, si contrectentur, evadunt odora. Exploratum sane in *metallis* illud fit, *lapidibus*, & *mineralibus*; quæ si tornentur, vel tundantur malleo, odorem exhibent insuavem. Calor nimirum gignitur ex motu.

8. Corpora præterea, dum aliis admiscuntur, sunt odorifera. *Calx* videlicet, & sal *ammoniacum*, quæ seorsim sumta vacant odore, factorem, si atterantur, & adjungantur, edunt persimilem urinæ. *Ambra*, & *zibetum* inficiuntur odore satis insenso; ubi tamen commisceantur, versenturque una, olent suavissime: spiritus *nitri*, qui *vini* spiritui adjectus gratum odorem exhalat, reddit ingratum, quum spiritui additur salis *communis*. Sed innumera sunt quæ a Chymicis memorantur de plexibus odorum.

9. Odores etiam varia creant in hominibus symptomata. Ex illorum perceptione dolet quis capite, vomitumque alter experitur; nec deest cui nervi immitius convelluntur, vel fauces præcluduntur ad præsentissimum vitæ discrimen. *Moschi* ab odore, vel *fuscini* ferunt plerumque mulieres defectionem spirituum; vires autem recipiunt, ubi fætidam quampiam admittant naribus exhalationem. Hæc nonnumquam eo perveniunt ut culpetur ab imperitis invidia præstigatorum.

10. Ex iis quæ observavimus, exploranda est causa odorum. Certo certius est odorem *formalem* esse animæ actionem; dubitatio propterea omnis redigenda ad eum est quem dicunt *causalem*. Ne suis a legibus deficiant, odorem jubent Peripatetici esse formam absolutam; annitendum vero est, an dici quidpiam possit rationi, quam sequi ipsi putant, sed deferunt, accommodatius. De odoribus fusc disputarunt Boerhavius (2), & Boyleus (3).

Tom. III. Physicæ.

Bb

Pa.

(1) Specim. natur. exper. Accad. del cimento pag. 263. (2) Instit. medic. de olfactu.  
(3) De product. odor.

## PARAGR. III.

*Offenditur, collocandos esse odores in particulis.*

## 11. ODORES non differunt a corporum particulis.

RAT. I. In illud veteres, recentisque Philosophi consentiunt, ut odores adjudicent corporum effluviis. De junioribus in medio posita cum res sit, afferri nequit in dubitationem; antiquiorum autem præsto sunt pronuntiata non pauca, quæ odores moleculis adtribuunt. Plato nimirum odorem *fumum* vocat, & *caliginem* (1); ea vero particularum congeries sunt a corporum recessibus erumpentium. Manifestius deinde nihil docuit Epicurus, Democritus; & alii, qui atomos induxere; quippe cuncta moleculis cum absolverent, rei alteri concedere non poterant odores. Aristoteles demum odorem licet paullo obscurius definierit, alibi tamen exhalationem nuncupavit, seu emissionem corpusculorum (2). Igitur latent odores in particulis.

12. RAT. II. Odor nullus sentitur, ubi occludatur corpus odorum. Argumento illud est, odorem cumulum esse molecularum, quæ, ubi a vale coerceantur, conferre se nequeunt ad sedem odorariorum. In libertatem propterea si afferantur, fletque etiam ventus non adversus, insignem pariunt sensationem; quia ad narium latebras cum deferantur, impetum faciunt in nervos papillares: eaque potissimum de causa odoribus amica est aeris attractio; olentium enim particularum copia major cum adveniat, membrana premittitur vehementius. Igitur non servatur odor extra moleculas.

13. RAT. III. Ex calore odor latius funditur, & copiosius. Rite illud exponitur, ubi tradatur odor particulis; hæ namque e corporibus, quorum contextum calor laxat, expeditæ avolant in nares. Frigus vicissim noceat odoribus necesse est, eosque restinguat omnino; corporum enim moleculas quas stipat, devincit, inhihetque ne locum adeant sensationum. Igitur in idem odor recidit ac eruptio particularum.

14. RAT. IV. Corporibus accedit odor ex mutua eorum permixtione. Explicare illud qui velit, ad fermentationem confugiet, seu ebullitionem particularum. Posita quidem ea est in motu celeri corpusculorum, quæ dum in alia involant, dimovent, segregant, donantque nova complexione. Oleum nempe *rosarum*, ubi apponatur salis *tartari*, & aquæ immittatur, prodit odorem; quia salis moleculæ dividunt, attenuantque particulas olei, & ad subeundos narium meatus accommodant. Igitur furripri moleculis non potest genesis odorum.

15. RAT. V. Ab odoribus syncopes proveniunt, deliquia, & convul-

---

(1) In Timæo. (2) Problem. sect. 13. cap. 5.

vulSIONES. Qui horum indolem non ignoraverit, certior funditus fiet de origine odorum; in re namque nulla delitescere eos intelliget præterquam in motione particularum. Pathologiæ videlicet, quas spasmodicos effectus etiam nominant, contractiones sunt, distractionesque nervorum; duci autem, vel reduci nervi non possunt sine moleculis, quæ illis vim incutiant. Subtiliores enim particule fasciculos nerveos invadunt, & fauciant immaniter; ad eas propterea abigendas nervos concurrit, distenditque alternis motibus natura. Igitur non discrepat odor a pulsu particularum.

## PARAGR. IV.

*Diruitur opposita sententia.*

16. NEGANT Peripatetici deberi odores corporum moleculis.

ARG. 1. In particulis odores extarent, quia diffunderentur illi per aerem. Propagari tamen ita possunt, quin a superficiebus pendeant, & ab angulis molecularum; eodemque pacto percillere nervos queunt, & univerſum corpus concutere. Satisfacere quidem his valet naturalis affectio; quæ ab odore corpore aeri conferatur, vel particulis adhzreat, quæ caloris, aut rei alterius opera deciduntur, & volitant quoquoqueverſus. Abſonum ſcilicet non eſt impertiri moleculas vi quapiam peculiari, cujus gratia fibras expergeſciant; caſque ad odores determinent, & ad alia. Igitur referendi odores non ſunt ad particulas.

17. RESP. Quæ hic recitantur, laborare ideis Peripateticorum. Utendum ubi eſſet horum quoque vocibus, odorem diceremus accidens eſſe abſolutum, quod in aere veluti in ſubjecto recipitur, aut in particulis a corpore, cujus odor admittitur, ſeparatis. Odorem ſcilicet, ne a ſaporum definitione omnino diſcrepet, qualitatem nuncupant ſecundam; hanc vero ex primis conſci ita exiſtimant, ut ſiccitas præſet ſummopere humiditati. Expendendum non eſt, an quod de ſiccitate prædicant, obſequatur veritati; liquet enim *moſchum*, & aquam *roſaceam*, quibus mera ſuavitas ineſt, eſſe humidiſſima. Oſtendere potius annititur, quæ de accidente, & de ſubjecto ſine cunctatione commiſcuntur, falſa eſſe, aut odorum theoriæ ſaltem inutilia. Aggredi videlicet par eſt ipſam odorum, qui incorporei abſolute ſint, & ad aerem transferantur, communicationem; præter motum, enim nihil extat quod a corpore in corpus abeat, diſtribuatque ratione certa, & definita. Addendum eſt, ex membranæ textura maniſeſte evinci, perſici odores a figura, & magnitudine particularum; forma namque abſoluta, quam moleculæ ſuſtineant, adplicari ubique poteſt, elaboratum nec poſtulat plexum fibrarum. Rei tamen ſumma ad motum redigitur, quem humanis artubus largiuntur odores; licet enim peragi ſine illo ſenſationes fortaiſſe poſſent, cantingunt tamen aliter pathomata ſpasmodarum.

Bb. 2.

Expla.

Explananda nimirum via est qua adtributum soliditatis expers, cujusmodi esset odor, motum concepiat, eumque duris corporibus erogat tempore diuturno, magnaque cum celeritate. Ubi ratio consulatur, & experientia, compertum erit ad nervos distrahendos corpus reposci; sique spiritui interdum illud concedatur, substantiam constat eum esse, non affectionem. Ad motum scilicet humeris deferendum, quod subjecti officium esse judicant in accidens, petitur res subsistens; odori autem, quem diversam a particulis proprietatem dicant, nulla firmitas inest, vitæ nulla ad substandum. Igitur sita in moleculis est causa odorum.

18. ARG. II. Corpora multa particulas jaciunt, quin potiantur odore. Universæ videlicet concretiones superficiem gerunt poris inspersam; quo innotescit, egredi illinc moléculas, & per aerem deportari. A calore deinde, aliisque etiam a causis ferunt illæ dissolutionem; quod fieri non potest, subtiliores nisi particule a grandioribus disjungantur, & dilabuntur exterius. Verum odore plerumque destituuntur, earumque numero accensenda *salia fixa* sunt, *aqua*, *terra*, & alia non pauca. Igitur degunt odores extra moléculas.

19. RASP. Odorum sensationi pernecessaria tria esse, quæ defunt interdum corporum effluviis. Horum primum est, abundare illa particulis natura præditis peculiari; ab aere illas deferri est alterum; tertium est, vigere odoratum recta conformatione. Quod ad moléculas spectat, indubium est accommodatas quasque non esse odorum perceptioni; figura enim, & motu donandæ speciatim sunt, quo membranam afficiant, & excitent odorationem. Ambigitur quidem, an volatilibus a salibus odor gignatur, vel a spiritibus; quævis tamen sit odora corporum substantia, particulis constabit in certam formam adductis. Ad aerem quod attinet, odorem nullum explorata res est fore sentiendum, si narium non afflueret; moléculæ enim quæ valde distarent, impares nervis vulnerandis essent, ercandæque idcirco imagini odorum. Disputari profecto assidet, an leviores sint, vel sint aere graviores; verum ubi pondere eum vincerent, attolli adhuc possent; ventus namque, aut homo currens, pulverem elevat aere ponderosorem. Quod ad sensum refertur, anceps non est odores rite percipi, si exquisitus sit textus nervorum; canes quippe eo excellant, & homines qui Antilas insulas colant, populares suos a Gallis discernunt ex odore (1). Disparet odor propterea, ubi nimio humorum qui a cerebro decurrunt, fluxu oppletur membrana; moléculis enim aditus præcluditur, ne latentioribus narium loculis se immittant, & ideam eruant odorum. Hæc potissimum sunt in causa cur corpora, licet particulas projiciant, sint plerumque inodora; opportune siquidem moléculæ illis deficient, vel non adferuntur, sensum vel inveniunt odori minus idoneum. *Aqua*, & *terra* sa-

(1) Observ. physic. vol. 2. pag. 105.

ra salibus quæ volent, non sunt referre, nec spiritibus; corpora autem alia idipsum peccant, vel aliud; odorem tamen quæ emittunt, capiunt omnem a particulis. Igitur falluntur qui inesse odores negant corpusculis.

20. ARG. III. Si in vaporibus odores versarentur, extenuarentur corpora olentia. Diuturno nimirum tempore, quo moleculas ederent, magnam ferrent materię, quam illis natura contulit, jacturam. Comperit tamen experiundo fit, nullam corporum quæ ejaculari odorem pergunt, esse ponderis decrectionem. Igitur exulant odores a particulis.

21. RESP. Revellendum clavum eundem esse a Peripateticis. Qualitati licet vacuę, & inerti adscribant odorem, eum tamen moleculis adfociant; corpori propterea a quo egrediantur illę perpetuo, macies obveniat necesse est, atque tenuitas. Negat quidem Boyleus (1), exhalantium corporum pondus non imminui; air enim, exiguam *camphora* massam, quam bilance exploraverat, horis paucis evasisse nonnihil leviorē. Atmosphęram vero machinatur Regius (2), quam motu jugi circumunt secretę a corpore moleculę; locum idcirco ad eundem cum recurrant, percipi diu odores possunt, quin gravitatis fiat decrementum. Ipsi postremo nodum expeditus parvitate corpusculorum; exilissima enim cum sint, construi libra nequit ad evincendum ponderis discrimen opportuna. Enodationum harum nullam Peripatetici si adoptent, abstinere tamen, quum serio cogitent, a diffidiis; comperient quippe de particulis non agi, sed de modo quo pariunt odores. Igitur efficitur odor a figura, & a motu molecularum.

22. ARG. IV. Derivari odores nequeunt a viribus particularum. Ubi res ita se haberet, vindicaret sibi odoratus moleculas genere definitas; ceteras vero, quę figura, vel impetu discreparent, abjiceret, remitteretque ad sensus alios. Indicant tamen observationes, congenitibus particulis odoratum uri, & gustum; tempore namque eodem, eademque prorsus ratione ad sensationes suas progreditur utraque facultas. Quę nimirum jucunda, vel injucunda gustui sunt, placent eadem, vel displicent odorati; hic vero ubi corrumpatur, secum affert interitum illius; unęque demum restituuntur. Igitur aliunde odores prodeunt quam a particulis.

23. RESP. Decernendum odoribus esse peculiare genus molecularum. Ex summa olfactus, gustatusque consensione convenire plane nonnihil eos intelligitur, minime vero tangi iidem a particulis. Nondum accepimus, satures evadere homines ex odore; quod usaveniret, ubi ad famem propulsandam corpuscula eadem admitterent quę hauriunt ad narium delicias. Ut odoratus, quem nominat gustum odorum, affinitatem cum altero Le Cat ostendat, pituitariam, asserit (3), continuationem

(1) De atmosph. corpor. consistent. (2) Syst. philos. vol 5. lib. 8. par. 2. c. 5.  
(3) Traët. de sensib. pag. 29.

nem membranam esse quæ guttur obtegit, linguam, & palatum. Obscurissima tamen est, quæ hoc pacto exponitur, utriusque sensus cognatio; membranarum namque additamenta similitudinem texturæ non inferunt, nec rei alterius in sensationem unicam contententis. Audiendus potius esset Villisius, qui oriri fibras odoribus, & saporibus destinatas putat (1) a quinto nervorum *parsi*; ea enim de causa, dum plexu differunt, consentire probe possunt modo perceptionum. Qui voluptatem scilicet, vel molestiam gustatui affert, amicus oportet cibus sit, vel inimicus olfactui; nervi quippe coeunt in locum unicum, ubi dissimiles perceptiones ad conveniendum obstringunt. Incredibile nec est, abeunte facultatum aliqua, vel redeunte, perdi quoque alteram, vel reddi; corrupta namque parte in quam conspirant, necesse est inhei utramque. Quod si Villisius recte non senserit, olfactoriique nervi, & gustatorii non coalescant, sed originem a capitibus omnino diffitis accipiant, exponenda aliter erit odorum, saporumque concordia. Nostrium, quibus occultantur penitiora naturæ consilia, non est eam invenire; modo enim non negent, dispares ad sensum utrumque adhiberi particulas, omnem negligimus causam consonantiæ. Igitur sine errore adimi non potest odor moleculis.

24. ARG. V. Corpora eminus extantia olentiora interdum iis sunt quæ sita sunt cominus. Verum a molecularum æstu si procederet, fieret odor hebetior, quo remotius corpus esset a facultate odorandi. Prohujus namque distantia minor particularum, quæ alio abiguntur, est copia, tardiorque etiam motus ex occurso corpusculorum aëri immerforum. Igitur in moleculis non reperitur progenies odorum.

25. RESP. Exceptionem hanc in rem non esse Peripateticorum. Qualitas occulta ubi sit odor, demonstrandum illis est cur, dum distat, sit vividior; præcipiunt namque, quo latius propagantur, agere eo infirmius accidentia. Ignorandum tamen non est, odoris vim, seu insensionem differre penitus a suavitate; lilia enim, quorum mentionem fieri posse hic credimus, procul posita gratius olent, sed non acutius. Odorum quidem acies a numero particularum provenit, & ab impetu illarum; jucunditas tamen ab earum subtilitate profluere dicitur, & a mollitie. Aceidit propterea remotis ab odoribus non concuti nervos validius; quia molecularum nubes volitando minuitur, decrescitque non parum momentum impulsuum. Tenuiores tamen particule quo longius proferuntur, eo separantur rectius a concretioribus; aptæque proinde evadunt ut blande, leniterque sensum feriant, gratiamque odoribus tribuant, & venustatem. Igitur ubi moleculæ desunt, eripitur omnis odor.

P A.

(1) De anim. brutor. cap. 13.

## PARAGR. V.

*Attinguntur discrimina odorum.*

26. PAUCA omnino suppetunt de generibus odorum. In saporum varietatem conati parum fuere Philosophi; quæ tamen de odoribus tulerunt, exiliora adhuc sunt, & incertiora. Satiùs fuisset omnia prætermittere; memorantur tamen aliqua, ne nesciatur, in promptu non esse præstantiora. Odores in *naturales* generatim dispertiuntur, & in *artificiales*: *gummas*, *aromata*, & *flores* illis accensentur, his vero *balsama*, *pigmenta*, & *obsonia*. Divisionem aliam alii prætendunt, ajuntque universæ, odores *secundas* esse, vel *insensas*; priores ad quærenda utilia proponi hominibus asseverant, ad præcavenda noxia posteriores. Sed in re sejuna distinet nimium prolixitas.

## C A P U T V.

*De sonis.*

I. **O**DORATUS sensum excipit auditus. Bona quæ ab auditione proficiunt, aperte indicant, aures, nisi præstantiores, esse saltem naribus utiliores. Quæ ad religionem nimirum attinent, exaudiunt homines; ad virtutis cultum hortationibus inducuntur, rebusque in adversis solatio aliorum utuntur, atque consilio. Sonorum propterea causam enucleaturi, exercitationem complectimur sex partibus. Prima explicat organum auditus; offert secunda nonnullas observationes; tertia demonstrat, sonum esse aeris trepidationem; propulsat quarta rationes adversas; quinta species enumerat sonorum; differit sexta de illorum reflexione.

## PARAGR. I.

*Delineatur organum auditus.*

2. Auditus structura longe nobilior est tactu, gustu, & odoratu. Deinde multi operam ut accuratam exhiberent illius descriptionem; Le Cat tamen ipsi sequimur, a quo diligentia victos fortasse fuisse alios opinamur, & perspicuitate (1). Machina ad audiendum comparata præfer.

---

(1) Traët. de sensib., pag. 54.

serim affert quinque partes; harumque nomina sunt *auricula*, *meatus auditorius*, *capsula tympani*, *labyrinthus*, & *nervi auditorii*. Qui omnium syntaxin velit una contemplari, schema consulat hic adjectum \*: *auricula* enim AAA est, *meatus* BB, *capsula tympani* CC, *labyrinthus* DD, & *nervi* distribuuntur locis definitis. Sed aperienda sunt hæc singulatim.

3. *Auricula* AAA pars auris exterior est, substantiaque constat cartilaginea. Mollis ubi esset, confistereturque materia delicatiore, admittere sonos validos non posset, concinneque reflectere. In flexus varios contorquetur cavitatibus, eminentiisque vitæ distinctos; in *concham* vero E \*\* definit, sive in specum, ubi coercentur rectius undæ sonorum. Construuntur hoc pacto ea omnia ad colligendas, augendasque aeris pereunctiones; ii enim quibus obtruncatur auriculæ fuere, sonos consule accipiunt, & perturbare. Sub meatus initium extat in concha excrementum, seu gluten, vel cerumen, a glandulis egestum, quod nuncupant *alveare*. Ibi statui a natura illud putant, ut animaleula irretiantur, prohibeanturque ab aditu secretiore. Sed viam cum penitus non occludat, in suspicionem venit conjectura.

4. *Meatus auditorius* BB a concha protenditur ad tympanum. Osseus partim est, partimque cartilagineus; ellipsim cylindricam imitatur, lineasque 9 longitudine æquat, 4 altitudine, & latitudine 3. Ad alterum illius extremum profertur *tympanum*; quod membrana firma, & lucida est, figuram ellipticam referens, & nonnihil inclinata. Adnectitur scilicet annulo, qui pars est ossis *petrosi*; oblique autem meatui imminet, ut angulum obtusum superius efficiat, inferius acutum. Hunc in situm porrigitur tympanum, quo ictus declinet perpendiculares; ubi enim directe ab ære tunderetur, dirumpi facile posset, vel lædi quam maxime. Qua in meatum spectat, concavam gerit superficiem.

5. *Tympani capsula* CC cellula est æmula formæ ellipticæ. A tympano hinc definitur, illinc a labyrintho; lineasque 4 tum longitudine occupat, eum latitudine. Tria potissimum in ea emicant, suntque *ossicula*, *ductus*, & *fenestra* \*\*\*. *Ossicula* tria sunt, vocanturque *malleus*, *incus*, & *stapes*; hisce autem nominibus ex munere quod obeant, non donantur, sed ex figura. Una firmissime illigantur, ut moveri alterum sine altero nequeat omnino; malleus enim FG, ejus manubrium F superficiem convexam tympani LM pone centrum adhæret, capiti N adfuit in cuneis NO; huic vero atterritur stapes PQ. Ossiculorum, qui in pueris æqualis sunt magnitudinis ac in senes, usus spectat ad tympanum; pro sonorum enim inæqualitate tenditur illud a malleo, vel laxatur, quo obtineatur melior auditio. Extat præterea *ductus* TH, quem dicunt *tubam Eustachii*; cartilagineus scilicet tubus est, & membranaceus;

\* Tab. I fig. 9 & 9. \*\* Tab. I fig. 9 & 9. \*\*\* Tab. I fig. 10.



ceus; eumque a palato in capsulam decurrat, aerem convellit externum. Mederi ille creditur incommodis tympani; ubi enim tremorem aeris ad auriculum deducti ex vicio quopiam illud non percipiat, aer submittitur ab ore; surdique propterea apertis labiis sonos excipiunt. *Fenestra* demum duæ  $\alpha$  &  $\delta$  ad capsulæ fundum occurrunt in *petroso* osse excavatæ; quarum alteram a figura *ovalem* nominant, alteram *rotundam*. A stapede, qui membrana obvolvitur, ovalis  $\alpha$  obstruitur, & rotunda  $\delta$  obducitur alia membrana; oclusa autem tametsi sint, aeris vibrationes adoptant, easque transferunt ad labyrinthum. Sine simulis nempe absolvi rite potest sonorum propagatio.

6. *Labyrinthus*  $\delta\delta$  theca alia est in *petrosi* ossis recessibus exsculpta. Partes multas complectitur; harumque præcipue sunt *vestibulum*, *ductus semicirculares*, & *cochlea*. *Vestibulum*  $\tau$  figura informi digeritur, lineisque 2 ad longitudinem, & latitudinem extenditur, ad altitudinem  $1\frac{1}{2}$ , in illud autem orificia ductuum semicircularium hiant, & alterum ex duobus cochleæ. Aere insito, qui ab humoribus excernitur per vascula defluentibus, creditur esse refertum; immobilis enim oportet aer sit, quo motus admittat a theca tympani concreditos, eosque cerebro renuntiet. *Semicirculares* vero *ductus*  $\nu$ ,  $\pi$ , &  $\zeta$  tres sunt funditus ossi; quinque hiatibus patent, quia eorum duo, nimirum  $\nu$  &  $\pi$ , coalescunt in unicum. Membrana tenui, stomatis instar, induuntur interior; eademque est, qua decreto naturæ peculiari obtegitur quoque vestibuli superficies. Circularem in flexum putantur ductus conformari, quo celebrentur rectius secretioris aeris reflexiones; in theatris enim vacuitates distribuuntur, & fornices, ut promptius vox cogatur, & remittatur expeditius. *Cochlea*  $\kappa\kappa\kappa$  demum, quæ in osseo cono concluditur, tubus est in spiras contortus; latior est sub exordium, & sub finem; ubi ad apicem con se erigit, est angustior. In duas partes a membrana, quam *laminam spiralem* appellant, dissecitur per eam longitudinem excurrente; osculum vero superius in vestibulum eedit, & inferius adjacet, respondetque fenestræ rotundæ. Eum in modum cochlea dirimitur, ut duplicem aeris concussionem experiatur membrana spiralis; aliam namque a tympani capsula sibi vendicat, & aliam a vestibulo. Utrunque commota necesse est oscillet vividius.

7. *Nervi auditorii* comparant aurem ad sensationes. A septimo *paræ* cum proficiscantur, os *petrosum* perforant, duasque dividuntur in partes, quarum altera *dura* nuncupatur, altera *mollis*. Dura de propagine dicendum nihil est, quia confertur in usus alios; mollis vero tres in ramos distribuitur, qui seorsim obrepunt ad munera sibi peculiariter commendata. Membranam *primus* parit, quæ amicit vestibulum, superficiem cochleæ regit, fenestram ovalem claudit & rotundam, sternitque du-

Tom. III. Physicæ.

C c

Aus

\* Tab. I. fig. 11. \*\* Tab. I. fig. 12.

etus semicirculares. *Secundus* cochleam ingreditur, cumque ad illius apicem pervenerit, membranam generat valde subtilem, quæ agglutinatur ossi *petroso*. A cochlea *tertius* pariter exceptus laminam gignit spiralem: compingi ea lamellis duabus dicitur, quæ formam illi dant triangularem. Harum vero filamenta ab axe conï in superficiem abeunt, ut radii circuli a centro veniunt in peripheriam.

8. Disputari postremo solet, in qua auris parte conficiatur auditio. Scilicet dubitant, an a membrana cochleæ sonus tantum percipiat, vel a vestibulo etiam sentiat, & a ductibus semicircularibus. Ab ære moto constat quidem affici præsertim laminam spiralem; tenuis enim cum sit, suspendaturque in tubo limacis, edendis tremoribus videtur esse prorsus idonea. Alveolum præterea in portionem duplicem secat, quo creat duplex orificium; proclive autem est ærem a vestibulo, & a fenestra rotunda confluere ad illam, ut suas oscillationes impertiat. Craffior denique nervi mollis auditorii truncus fertur in cochleam; sed aliud contingeret, ubi alio in loco præcipua degeret vis audiendi. Inficiandum tamen non est, resonare nonnihil vestibulum etiam posse, & ductus; a membrana quippe cum vestiantur, quæ nervorum est progenies, injuria adimeretur illis perceptio. Ad nervos enim pertinet omnis sensatio.

#### PARAGR. II.

### *Nonnullæ afferuntur de sonis observationes.*

9. **CORPORUM** affectio *sonus* est auribus non incomperta. Sonorum propterea *corpus* est cujus a percussione provenit sonus; *centrum* soni est punctum, a quo omni ex parte sonus effunditur; *radius* vero sonorus linea est a centro soni ducta ad auriculam. In re exponenda ne suboriatur obscuritas, sonum duplicem inducunt; quorum alium *primitivum* dicunt, & alium *derivatum*. Priorem sonantis corporis, ajunt, esse proprietatem, a qua alter proficiscitur; posteriorem vero vocant æris attributum, quod certis legibus exeritur. Explicandæ sunt illæ speciatim.

10. Corpora quum cædunt, tremorem præferunt & oscillationes. Campanulæ nimirum columellis duabus suspensæ, & percussæ digitus si objiciatur, admoventi invicem dignoscuntur illius latera, & removeri. Contingere autem id non potest, nisi ferant illa trepidationem; quin videlicet æris annulus\*, vel circulus ABCD, formam ellipticam acquirat, & distrahatur alterne ad puncta FG, & EH. Chorda etiam MN, quæ duobus punctis M & N\*\* inniatur, tangaturque ratione aliqua, vibrationes, dum resonat, oculis exhibet, conficitque parallelogramum MONP. Ubi vero ea conquieverint, interit omnis sonus.

11. Ac.

\* Tab. I fig. 13. \*\* Tab. I. fig. 14.

11. Aeris etiam densitas suffragatur sonorum perceptioni. Amicum sonis densum esse aerem ostendunt experimenta machinæ Boylianæ; conclusa namque in illius excipulo campana, densatæque, ut moris est, aere, sonus adaugetur. Immo rem inter utramque servari animadvertitur rigida proportio; hæc enim ex mercurio barometri intus immissi perspecta fit densitatis gradus rite indicante. Quod si rarior eductione aer evadat, decrescit vis soni, ut ubi familiare Philosophis vacuum obtineat, nulla peragatur funditus audicio. Cavendum tamen sedulo est, ne ab aere, cujus malleus a rotulis movetur, contingatur vas vitreum; a tremore enim, qui a machinæ in externum aerem profluere, auditur sonitus quispiam. Horum apparatusum meditari, & industriam qui exoptet, adeat Nolletum (1).

12. Admirabili deinde arte persolvitur soni propagatio. Proximioribus aeris partibus primo sonus confertur, subindeque remotioribus; ubi vero ad has pervenerit, conticescit penitus in illis. Ea de causa sonoro a corpore qui non distant, sonum citius excipiunt; & persentitur interdum in locis dissitis, quum in aliis desit omnino. Motu etiam constanti, & uniformi per aerem sonus defertur, ut æquali tempore spatia percurrat prorsus æqualia. Tempus enim, quod sonitum inter & lumen tormenti bellici ad milliarias distantiam positi excurrit, duplum est temporis quo tormentum exaudire situm ad dimidium miliare. Sonus denum quoquoque progreditur in rectam lineam; quæ exordium a soni centro capit, cessatque in tympanum auris. Comperitur propterea iis omnibus fit qui sonoræ adfunt corporis atmosphæræ; singuli vero radium sibi obversantem admittunt, sed affici etiam ab aliis possunt oblique. In rem hanc consulendi attente sunt (2). Le Seur, & Jacquier.

13. Soni celeritas præterea nullam patitur mutationem. Determinandum quum spatium est quod a sonis certo tempore conficitur, dissident accurati naturæ exploratores. Gassendus enim putat, minuto temporis secundo pedes Britanicos 1473. a sono pervadi, Cassinus & Roemerus 1172. Florentini 1185. Flamstedius & Hallejus 1142. Newtonus 968. aliique definiunt aliud (3). Accademia vero Parisiensis, quo vocaret animos in concordiam, onus imposuit Maraldo, Caillio, & aliis; qui e distantia luminis a tormenti strepitu evicere, minuto secundo colustrari a sono Parisienses pedes 1038. (4). Rarum etiam habuere, respondere temporibus celeritatem; sonique vim ex vento secundo succrescere, decrescere ex adverso; sed non immutari, si directioni illius sit ventus perpendicularis. Intellexere pariter sonorum celeritati nubilum, cælum vel serenum non officere, densum aerem vel rarum, fri-

Ce 2. gus

(1) Phys. experim. lect. 11. art. 2. exper. 3. & 5. (2) Comm. in princip. Nevvt. vol. 2. pag. 345. (3) Ap. Muschenbr. in exper. Accad. &c. par. 2. pag. 113.

(4) Monum. Accad. reg. scient. ann. 1738.

gus vel calorem, hyemem vel æstatem; eandemque penitus velocitatem esse, sive infirmus sonus sit, sive sit validus. Confundenda tamen celeritas non est cum soni quantitate.

14. Prætercunda denique non est soni quantitas, seu magnitudo. De primitivo ubi differatur, major vel minor est, intensior vel remissior, quo plures vel pauciores sunt percussæ in motum sonantis corporis particulæ. Quo validior nimirum est ictus, eo auctior molecularum numerus est impetu præditurum; potentior idcirco nisu aures percelluntur, ut vegetior excutitur sensatio. Fit inde augeri sonitum pro densitate corporis, & elasticitate; oscillantium enim corpusculorum copia est uberior, euntque illa, & redeunt expeditius. Quod de primo statuitur, non refragatur sono derivato; robustior videlicet oportet sit, quum ab iis quæ passim obveniunt, causis densior est aer, & elasticior. Densitas nempe ad densitatem ubi sit ut 2. ad 1, & ut 3. ad 1 sit elasticitas ad elasticitatem, sonorum quantitates in aere positurum erunt ut 6 ad 1, quia componendæ rationes densitatis sunt, & elasticitatis. Predeunt vero hinc multa quæ mirificæ profunt naturalium effectuum explanationi; æstate enim hebetior est sonus quam hyeme, propterea quod rarefiat aer ex calore. Noctu quam interdiu. firmior est sonus, quia ex frigore accessio sit aeris densitati; cæloque fulgente auditur potius quam pluvio, quod ex humiditate attenuetur aeris elasticitas. Possent alia recenseri; ex his tamen liquent universa.

15. Sed investiganda soletter est causa sonorum. Derivatum proponimus præsertim; licet enim ab altero progignatur, canones tamen sibi adsciscit peculiare. Hoc etiam pacto differimus, quod referatur inquisitio ad sonum *causalem*; *formalis* autem sonus, seu ipsa soni perceptio produci tantum valet a derivato. Neminem præterit, conferendas hic rursus manus esse cum Peripateticis; motum enim fluidi ad sonum non advocant, sed formam ex motu consecutam. Qui de sonis optima querat, Gravesandium (1.) inviset, & Nolletum (2.).

#### PARAGR. III.

### *Demonstratur, sonum esse aeris tremorem.*

16. Observationes docent sonum esse aeris trepidationem.

RAT. 1. Sonum tribuit Aristoteles aeris oscillationibus. Hunc præceteris nominamus ad perstringendos Peripateticos; illi enim, dum sonum esse accidens absolutum volunt, suo morem gerere putant præceptor. Affermat nempe Stagyræa (3.), non differre sonum a corporis mo-

(1) Elém. physic. math. lib. 4. cap. 7. (2) Less. 11. physic. exper. artic. 1.

(3) De anim. lib. 2, cap. 8. & de sens. & sensib. cap. 6.

motione; & rursum oriri illum a percussione corporis ait, & a medio resiliēte. Igitur ab aeris motu ducendus est sonus.

17. RAT. II. Sonus non communicatur, nisi edat sonorum corpus vibrationes. Cytharæ nempe fides, antequam sonus percipiatur, infremunt, figuramque mutant distractionibus alternis. Argumento illud est, sonum, dum exauditur, esse aeris commotionem; a motu enim corporis provenire dumtaxat motus potest, ut reslingui non potest nisi a corpore quieto. Scilicet sonus efficitur, quod moti corporis particulæ tremorū conferant aereis; hæc vero proximis inipertiant, quoad perveniat sonitus circulus ad auriculam. Igitur aeris delectio est sonorum origo.

18. RAT. III. Diffunditur sonus, quia est aeris agitatio. Dux videlicet inter alias sunt leges sonoræ propagationis: prima est, interire sonum in loco a quo transit ad alium; per lineas vero rectas deducit illum, est altera. Qualitas occulta sonus ubi esset, non aeris concussio, omnibus in partibus perstaret tempore eodem; solus enim motus perimitur, non proprietas, dum erogatur alteri substantiæ. Absolutum præterea accidens, cuiusmodi esset sonus, recta non incederet; actionem quippe suam impendit illud sine discrimine & oblique, cum nullam patiatur certam discretionem. Igitur perficitur sonus aeris impulsione.

19. RAT. IV. Sonum aerem commotum esse indicat celeritas illius. Definitum scilicet fuit, velocitatem soni esse uniformem, æqualibus ut minutis spatiis peragret æqualia. Illud autem cadere tantum potest in motum; quia vis, unde progreditur, est æqualis producto massæ in celeritatem; & celeritas ut spatium est ab ipso tempore divisum. His quidem res planissime non demonstratur, quod explanata nondum fuerit motus natura; conficitur tamen, a motu separari soni celeritatem non posse, & superfluo idcirco formam quæ differat a motu. Igitur nihil sonus est præter aeris incessum.

20. RAT. V. Sine aeris æstu nulla est soni magnitudo. Soni intensio nimirum collocanda in multitudine est particularum; inexploratum nec est densitatem aeris illi prodesse, & elasticitatem. Sublato tamen motu supervacanea omnino esset copia, elasticitas, & densitas molecularum; hæc enim omnia augent sonum, quod majorem motus quantitatem induant. Igitur resonat aer tantum ex impulsu.

#### PARAGR. IV.

### *Propulsantur rationes adversæ.*

21. Qui sequi Aristotelem profitentur, sonum negant esse aeris tremorem.

ARG. I. Aer si resonaret, quum moveretur, acciperet motum a corpore sonoro. Experimenta vero admovent, non generari sonum, licet

licet corpus oscillet, motionemque properea elargiatur aeri circumposito. Græfandius nempe asseverat (1), compressa a se fuisse extrema laminæ curvæ, & elasticæ, multaque reddidisse illam vibrationes, quin sonum emitteret. Igitur aerei flustus non sunt causa sonorum.

22. RESP. Duo esse partium genera; aliæ namque obnoxie sensibus sunt, & aliæ sunt ab illis immunes. Compluribus abhinc annis asseverabatur, proficisci sonum a motu partium corporis sensibilium; quæ oscillationes suas ad crassiores aerem transferrent, eumque pellerent quam longissime. Peraukius tamen, Carreus, Delahireus, & alii detexere legem aliam (2); ad sonum enim procreandum, agnovere, partes adhiberi tantum insensibiles. Adducti sane in eam præscriptionem fuere ab ipso Græfandio; eo namque duce comperere, forcipem, seu laminam inflexam, non sonare, nisi conferatur tremor particulis minutioribus. Sonum videlicet exceperere, ubi illam digitis non pressissent, sed verberassent corpore duriori; quod nimirum a partium gran-diorum areubus minores in motum conjicerentur, eaque via compararentur ad sonum. Enimvero quod de sonante corpore sancitur, convenit etiam in aerem; majoribus enim illius moleculis committendus sonus non est, sed tenuioribus, & perexiguus. Ea de causa ventus, qui non differt a moto aere, faculam relinquit; corpus tamen æneum, etsi pulsetur prævalide, flammæ parit omnino, ut vix moveat. Quod si rei causam postulent, tribui illa fortasse poterit exquisitæ aurium structuræ; ea namque, dicas, fuisse arte elaboratas, ut levioris nonnisi materię possint pulsus experiri. Igitur extra motum nulla in promptu est causa sonorum.

23. ARG. 11. Soni duo. inæquales æqualia aeris spatia absolunt tempore æquali. Florentini namque perceptum a se testantur (3) momento temporis eodem fuisse tormenti strepitum, & sclopeti, a quibus distabant æquo intervallo. Verum trepidatio aeris ubi sonus esset, ferri inæquales soni non possent celeritate æquali; qui enim fortior esset, & processisset ab ictu vehementiore, velocius deportaretur ob potiorem motus quantitatem. Igitur aeris commotio utilis parum est ortui sonorum.

24. RESP. Æqualem revera esse sonorum omnium celeritatem. A Newtono quidem demonstratur (4), in medio elastico velocitates pulsuum in ratione directa subduplicata elasticitatum esse, & in ratione subduplicata inversa densitatum. In aere propterea, qui omogeneus penitus est, eandemque ubique servat densitatis regulam, & elasticitatis, æqualem reperiat necesse est sonus quisque celeritatem. Hæc ta-men.

(1) Elem. phys. math. num. 2316. (2) Vid. Nollat. leç. 11. art. 2.

(3) Spec. natur. exper. de mot. son. exper. 1. (4) Princip. philos. l. 2. p. propo. 48.

men rem aperiendi methodus, cum paullo implicatior sit, posthabenda est alteri; ostenditurque commodius, sonorum dissimilitudinem a celeritate non dimanare, sed a quantitate materiæ. Veritatem scilicet attingerent, ubi ad motum firmum, & debilem pertineret massa æqualis aerea; disparēs enim soni cum essent, nec a materia discrimen proflueret, revocandum esset in celeritatem. Sed ignorandum non est, soni magnitudinem adolescere pro copia molecularum, ut quo major ea sit, eo intensior sonus sit, atque confertior. Et quidem sono, qui a motu paritur, succrescendum est, ubi adaugeatur quantitas motus; doctiores vero non nesciunt, motum, eadem manente celeritate, non exaggerari, nisi adjungatur nova materies. Sonus videlicet globi ferrei a tormento explosi sono glandis plumbeæ præstat ex ampliore aeris volumine; quia auctior pyrii pulveris cum sit vis, latius se expandit, altioremq; aerorum numerum urget corpusculorum. Hæc autem expliationi apellunt organi superficiei, ut cum pluribus in locis auditorius nervus percussatur pleniorē ferat soni sensationem. Æqualem tamen, dicendum iterum est, sonorum esse celeritatem; paucæ quippe, vel multæ sint aeris particule, densitate æquali donantur, & elasticitate; his vero respondet celeritas impulsorum. Igitur extare sonus non potest sine motione.

25. ARG. III. Soni perturbarentur, si essent aeris oscillationes. Aereæ nimirum particule quæ adversis a locis sibi invicem occurrerent, ex impactione amitterent vires, vel alias adsumerent certe sonorum indoli parum consentaneas. Universæ quippe statuunt dynamicæ præceptiones, corporum quorum directiones oppositæ sunt, vel non conspirant in unam, motus prorsus concidere, vel insignem pati decretionem. Igitur auxiliari tremitus aeris nequit sonorum promulgationi.

26. RESP. Impeditiorem ceteris esse hanc Aristotelicorum argumentationem. De re ubi a cortice judicent, extra dubitationem est, ex motu fieri sonorum permixtionem; qui enim potentior alio esset, obruere videretur illum, vel multum extenuare. Quo a retibus se expediant, undis aquarum sonos multi comparant ex lapillorum jactu circumfluentibus; licet enim obviam sibi veniant, se mutuo interfecant absque noxa, & persequuntur viam suam. Verba tamen hujusmodi nodum non solvunt, sed implicant molestius; rationem enim non continent qua undulæ aqueæ non confundantur ex legibus motuum; reditque propterea quæstio de aereis. Ut rem conficiant, respondent alij, dissimiles esse aeris particulas, ut aliz aliis sint magis elasticæ; sitque inde, cieri a sonoro corpore moleculas quæ sunt illi congenere, ceterasque conquiscescere. Hæc autem a corpore alio, quocumque conveniunt exquisitæ, motum accipiunt; cumque sonis singulis peculiare particularum genus inserviat, suboriri nulla potest progredientium sonorum perturbatio. Verum acute illud potius dicitur quam opportune; licet enim

enim variis diffidere aer posset moleculis, ridiculum tamen est perimiles ita distribui ut, cum proximæ invicem sint, impetum valeant in alias deducere. Adjiciendum præterea est, obventuram adhuc fore sonorum quorum multi una versarentur in aere, dimicationem; inæqualitas namque motuum, quibus ferrentur degeneres particule, oppositionem non evaderet, cui virium interitus debetur, vel imminutio. His itaque prætermisissis fundere quidpiam annititur solidius, & fortasse verius; illud autem ab ipso sonorum ingenio petere non diffidimus, & a decretis quibus absolvitur motuum communicatio. Arbitrandum scilicet non est, aeris moleculas a soni centro adeo projici, ut perveniant ipsæ ad auriculam; sed quæ sonoro corpori contiguz sunt, opprimuntur aliis, contrahunturque in minus volumen. Elasticitatis vero causa cum se explicent, vim conferunt proximioribus; hæ autem in undas primum elatz, tum decumefcentes, compellunt alias, quæ non aliter motam quoquoersus provehunt, formaque propterea circulari. Proclive hinc est, sonorum iter explanari sine ulla arcuum diffractione. In punctis A & B \* extent duorum centra sonorum; undarum vero nisus modo quem enarravimus, ad aereas veniat moleculas C & D. Ubi elasticæ hæ non essent, corrumperentur pressiones omnino; contra tamen remittuntur versus A & B eadem penitus ratione, ac si amplificarentur circuli per radios AB & BA. Quo perspectæ res fiat, iisdem a punctis A & B extendantur ictus ad particulas F & E; quæ ubi se contingunt, vim experiuntur obliquam. Elasticitatis idcirco gratia deferuntur impulsus ad puncta H & G; quæ locum indicant, cui appulissent, si ab A, & a B processissent per semidiametros AH, & BG. Nec clarior deerit lux demonstrationi, si in planum PQ oblique cadant a punctis L & V globuli M & N \*\*, angulosque incidentiæ LMF, & VNF æquales pro more faciant angulis reflexionis MSQ, & QTR. Ratum est non posse angulos rite confici, nisi globulus M post reflexionem per lineam SI abeat, & alter N per TR; quod eodem reddit, ac si M ab L per radium LR in R se conferret, & N ab V in I per radium VI. In planum vero ruant, vel se globuli collidant, non refert, quo præclare convenient aereis cum moleculis; licet enim motus iidem utrinque non obveniant, perficiuntur tamen eadem directiones, Hunc sane in modum, nisi nostra nos decipiant, innotescere satis putamus causam qua sonorum undulationes latissime proferantur, quin ullam ferant disruptionem. Prætereundum tamen non est, usuvenire illud, quum soni sunt pauci; ingruente quippe eorum numero, ut in exercitu fieret una conclamante, turbentur omnes necesse est, obtineaturque vox unica, sed confusa. Igitur tribuitur merito sonus aeri contremiscenti.

27. ARG.

\* Tab. II. fig. 1.    \*\* Tab. II. fig. 2.



27. ARG. IV. Soni, ubi fluctus aeris essent, conturbarentur saltem in auribus. Quum videlicet una inciperent, æqualem ob celeritatem ad sensum auditus properarent tempore eodem. Membranam propterea concuterent unica motione; cui sensatio unica responderet ex pluribus conflata, & proinde expertis discretionis. Igitur exponi aeris tremore non possunt discrimina sonorum.

28. RESP. Ab iis hæc proponi qui disputare illiberaliter solent, & inverecunde. Rationem poscere, qua auris, vel oculus obiecta quæ iam a ceteris secernant, eodem convertitur, ac speriri sibi velle cur plures ideas mens simul verset, percipiatque cunctas seorsim. Ignoramus sane, quid responsuri, ubi faba isthæc in eos caderetur, essent Peripatetici; soni enim qui eandem agmine facto auriculæ partem afficerent, adhuc commiscerentur, tamen si essent affectiones absolutæ. Ne videamur tamen causâ prorsus excidisse, memorare quidpiam aggredimur quod dubitationem omnem animo nisi eximat, iis præstabit quæ promi misere possent ex scriniis Stagyritarum. Recolendum itaque est, spiralem laminam latiore in basi conî esse quam in apice; inæqualibus propterea filamentis eam constet, planum est donari illius partes inæquali elasticitate. Ab hac quidem diversæ proficiscuntur sonorum dissimilium, auriculæque una impetentium perceptiones; fibræ enim ad laminam pertinentes quæ peculiari vibrationum indole cum sono aliquo conveniunt, eum referunt aliis semotis. Existimandum scilicet non est, a sonis omnibus totam laminam non tangi, sed partem hujus quampiam a quopiam illorum; universi enim totam reapse complectuntur, sed oscillationes certas iis tantum in locis excitant ubi est affinitas. Absolum hoc iis non erit qui pervulgatam calleant sonorum proprietatem; fides nimirum duas, quæ rationem æqualem habeant, & invicem dissent, resonare simul, ubi altera dumtaxat percutiatur. Causa non absimili definiti soni undulationes excipit determinata, & analoga membranæ pars; cumque vibrationes sensatio consequatur, persentiri soni multi momento eodem possunt sine tumultu. Igitur par motus aeris est referendis phenomenis sonorum.

29. ARG. V. Sensus qui in motu esset, deficeret, ubi nullus adesset aer. Experiundo tamen comperitur, emitti sonum non debilem, licet aer desit, vel admitti ab eo nequeant oscillationes. In iacibus nimirum ubi extare aerem nullus existimat, sonum pisces exaudiant; aufugiunt enim a strepitu quem humanæ voces creant, vel canes illuc admitti. Igitur originem sono non facit aeris commotio.

30. RESP. Dissensisse Philosophos perpetuo de piscium auditione. Dissidium quidem Nolleus enarrat (1), testaturque, Plinium nominatim

Tom. III. *Physicæ.*

D d

tim

(1) Lect. 11. artic. 2.

rim dubitasse, Boyleum, & Rondeletium; qua enim parte fugam a sono pisces parant, explorata sit eorum auscultatio; qua vero omni orbantur aurium molimine, subest illa suspitioni. Ceterum auditu valeant pisces, vel illo careant, non nutat sonorum per aquam diffusio; quia se aquæ Nolleus cum immisisset, eos agnovit, articulosque discrevit vocum humanarum. Evincendum tamen non est, sonos ibi procreari absque aeris agitatione; certo certius quippe est, repleti aquæ poros aere qui motum extrinsecus accipit, cumque dispergit in aquam universam. Non inficiamur, ratum Nolletio fuisse sonum campanulæ, quam in aqua aeris experte demerserat; integrum tamen est cuique reponere, superfuisse forte aerem subtiliorem. Eo demum superstitionis non devenimus, ut aerem tantum reamur causam esse sonorum; ubi enim corpus fluidum suppetat peragendis vibrationibus idoneum, non diffitemur, posse illud, sive aqua sit, sive aliud, resonare. Igitur mendacia non venditat qui sonum commendat aeri trepidanti.

## PARAGR. V.

*Enumerantur species sonorum.*

31. Univerſa sonorum discrimina redigi ad *acutum* assolent, & ad *gravem*. Acutus sonus est, quum sonorum corpus multas certo minorum intervallo conficit oscillationes; est vero gravis, quum paucas peragit tempore eodem. Planum hinc sit, positas acuti soni, & gravis differentias esse in relatione; quum namque ad graviorem acutus est; idem est gravis ad acutiorem. Sanciri præterea cum veri specie potest, graves sonos capiti conferri, acutos vero caudæ laminæ spiralis; hanc enim in sui principio productionem esse diximus quam in culpe, ut lentiores vibrationes ibi ingeminer, hic velociores. Hac e sonorum varietate ortum duxere musicæ præscriptiones.

32. *Consonantia*, quas Musicæ contrahat, sunt acuti soni, & gravis complexiones. Ubi adhibenda Macrobio fides sit (1), inventio harum tribuitur Pythagoræ: ex malleorum namque concentu, quem in fabri ferrarii officina animadverterat, evicit fœdera sonorum. Oriuntur scilicet illa a duorum corporum vibrationibus, quæ incipiunt, desinuntque tempore eodem; quemadmodum ab oscillationibus, quæ nullatenus conveniunt, enascuntur dissonantia. Ex vero sonorum cognationes perjucundæ auribus sunt ob accuratam, quam secum afferunt, proportionem; eadem quippe de causa oblectantur oculi pendulis duobus inæqualibus, quæ oscillando demum consentiunt. Prætereundum nec est summam in homines esse ditionem consonantiarum, ut effrenes ani-

---

(1) De form. Scipion. lib. 2.

animi motus componant, & morbos dispellant contumaciores; quod præsidio spirituum sic a variis sonorum concitationibus huc illucque proterusorum. Succus nimirum nerveus, seu spiritus, quem ad sensationes omnes adhibet natura, in motum urgetur ab aere resonante; cumque pathematum, morborumque sedibus irrumpat, obstructas vias aperit, æstus gignit alios, & reddit valetudinem. Veteres propterea Musicæ utebantur ad graviora etiam Reipublicæ officia (1).

33. Omnis idcirco consonantiarum diversitas a numero pendet oscillationum. Gravem scilicet inter sonum, & acutum, qui illi omnino consonet, sunt septem intervalla; ea vero *soni* nuncupantur; seu gradus, quorum singuli certa quadam soni tensione alios exsuperant. His potissimum in spatiis locum inveniunt omnes sonorum concretiones, sive consonantiæ sint, sive sint dissonantiæ; illæ sane quinque sunt, nimirum *octava*, *sexta*, *quinta*, *quarta*, & *tertia*; hæc vero sunt duæ, nempe *septima*, & *secunda*. *Octava* consonantiam pariunt duo soni, quorum alter oscillationem 1 perficit, alter 2, tempore eodem; *sextam* creant vibrationes 3 & 5., *quintam* 2 & 3., *quartam* 3 & 4., *tertiam* postremo edunt 4 & 5. Addendum de dissonantiis nihil est, quia nulli obtemperant oscillationum proportioni. Ne vero compendium desit rationum, quæ vibrationes ad consonantiam quamlibet necessarias indicant, suppetunt numeri 24, 27, 30, 32, 36, 40, 45, & 48. Horum primus, & octavus, 24 & 48 *octavam* exhibent, seu proportionem 1 & 2., primus, & tertius 24 & 30 *tertiam*, idest 4 & 5., primus, & quartus 24 & 32 *quartam*, nempe 3 & 4., & ita porro. *Unisonum* vero, quo fides æque penitus infremunt, consonantia non est, sed unicus ferme sonus.

34. Ad uberiores consonantiarum explanationem docendus speciatim est usus *sonometri*. Ignorandum quidem non est, acutiorem esse chordæ sonitum, quo tensior illa est; brevior, & subtilior; longitudo vero illius ex circino comperitur, crassities ex libra, & tensio ex pondere adjecto. In tabula itaque lignea, quæ *sonometer* nuncupatur, seu mensura sonorum, tenduntur ponderibus apposis chordæ duæ; paxillusque extat, seu fulcrum ligneum, quod per canaliculum cum excurrat, subjici promiscue potest alterutri. Fides longitudine, & crassitie si conveniant, discrepent autem tensione, consonabunt in ratione tensionum subduplicata (2); ut ubi pondera tendentia sint 1 & 4, consonantia 1 & 2 proveniat, hoc est *octava*. Si longitudine, & tensione consentiant, differant vero crassitie, huic inverse respondebit consonantia; ponderosa namque chordarum altera ut 4 ubi sit, & altera ut 5, congruent in *quarta*. Crassitie demum, & tensione si conspirent, sed differant longitudine, hujus proportionem sequetur sonus inverse; quia

Dd 2

(1) Vid. Le Cat tract. de sens. pag. 64. (2) Vid. Nollét. lict. 11. artic. 2.

quia longitudines ubi sint 2 & 3, referent fides consonantiam *tertiam*. Numerorum idcirco 24, 27, 30, 32, &c. quos supra descripsimus, ope quæque obtinebitur sonorum coalitio; promotione enim paxilli, & ponderum additione ædigi eos ad numeros chordæ poterunt, quibus morem gerunt omnes consonantiz. Inscribendi vero numeri sunt lateribus *sonometrii* (1).

35. Testudinum, corporumque ceterorum, quæ ex tactu resonant, structura regitur a longitudine chordarum. Alia autem, quæ dicuntur *inflabilia*, peculiarem sibi postulant elucubrationem; ægre enim intelliguntur subesse illa aeris pressioni, quæ sonis gravibus ortum impernat, & acutis. Tibiarum videlicet, quæ interior sunt vacuæ, longitudo est aerea columna; ex foraminum quippe clausorum alterne, & reclusorum, brevior fit, vel productior, ut inæquales vibrationes eam admittat, effingat sonos dissimiles. Labiorum etiam compressione aer fortius injectus, alliditurque validius parietibus fistulæ; quo celeriores oscillationes evadunt, cuditurque proinde sonus acutior. Ad illarum genus redigi vox humana solet, quam solertissime enucleant Dodardus (2), & Ferreinus (3); pro trachæ namque longitudine illiusque textura impulsiones aeris obtinentur ad sonos omnes accommodatæ. Quo trachæ scilicet substantia exilior est, & humidior, eo vox, ut in pueris, & in mulieribus apertum fit, est acutior; sique glottis nonnihil adstringatur, sonus adhuc atollitur velociores ob oscillationes. Verum de musicis functionibus plura qui expectet, ad Holderum (4) se conferat, Salmonem (5), Malcolmum (6), Jacksonum (7), & Sauvessonium (8).

#### PARAGR. VI.

### *Differitur de sonorum reflexione.*

36. Illa quæ de directo sono hætenus digessimus, addenda multæ sunt de reflexo. Cum exaudiatur interdum sonus, licet intra sonorum corporis ambitum auri non existat, remitti eum liquet in partem adversam, unde ad tympanum perveniat. Evenit quidem sonorum reflexio, aeris ubi particulæ, quæ propelluntur in motum, corpus quodpiam offendunt; incedere enim eum nequeant, a cæpta desectunt semita, & resiliunt. Tribus vero legibus is conficitur reditus sonorum. *Prima* est, angulum reflexionis æqualem esse angulo incidentiz; hanc huius non explicamus, quod præcipuum sibi locum vendicet in tractatione.

(1) Ibidem experim. 6. (2) Monum. acad. reg. scient. ann. 1700. (3) Ibid. ann. 1741. (4) Princip. harmon. (5) Theor. music. (6) Tractat. music. (7) Specim. music. (8) Mon. Acad. reg. scient. ann. 1700.

tionibus de luce. *Secunda* est, sonum reflexum perinde fundi ac alium per rectam lineam; ubi enim dum regreditur, curvam describeret, angulos incidentiæ, & reflexionis non efficeret æquales. *Tertia* est, radium soni reflexum eadem qua directus potiri celeritate; sonos quippe omnes velocitate æqua festinare demonstratum fuit, nec quidpiam in aere extat quo citior debeat, vel tardior esse regressus. Canonibus hisce consecutiones debentur plane admirabiles.

37. Reflexionis opera colligi radii sonori queunt unico in puncto. Lamina nimirum metallica BCDE \* sit in ellipticam conformata: corpus sonorum in A degat, a quo prodeant lineæ AB, AC, AD, AE; & F sit focus ellipticos. Ne reflexionis, & incidentiæ anguli differant, rectæ AB, & AE, postquam a punctis B & E remittuntur, abeunt in focum F; nec definiendum aliter est de lineis AC & AD. Quem scilicet ellipticos proprietates non latent, intelligit, \*\* rectas MI, & MK, quæ a foco M deducuntur, eadere in tangentes HIQ & RKS, ut incidentiæ anguli MIH & MKQ angulos reflexionis æquent NIG & NKS. Iisdem propterea geometricis ex præceptionibus eruitur, ad æqualitatem redigi eos angulos non posse, quin lineæ MI & MK a foco M digredientes se conferant in focum alium N per IN & KN. Ubi itaque in M sonans corpus collocetur, & auricula in N, omnes in hanc confluent radii sonori.

38. Cogi sonus reflexus potest alia ratione. Ex metallo \* nemp. lamina EGH I paretur, flectaturque in figuram parabolicam; radii vero AE, BG, CH, DI, paralleli eam subeant, apellantiq. punctis E, G, H, & I. Ob angulorum æqualitatem rectæ AE & BG in focum F coeunt, itemque CH & DI; sique vicissim in F corpus sonet, lineæ FE, FG, FH, & FI post reflexionem exhibunt parallelæ per EA, GB, HC, & ID. Absonum quidem hoc non videbitur, \* ubi perspecta fuerit indoles parabolæ; a foco enim N duci lineæ NL non potest ad tangentem MLK, ut angulus NLM angulum æquet KLO, nisi LO egrediatur parallela axi NF. Ex cupri idcirco in parabolam conformatione efficitur ut homines duo qui sibi humeros obijciant, distent maxime, & loquantur voce demissa, se invicem audiant. Obversis nimirum metallis duobus parabolicis locetur homo uterque in focus illorum; vocum enim radii cum paralleli utrinque erumpant, adunabuntur eo loci, auresque convellent. Idem Palschii testimonio (†) præstant fornices lateritii.

39. Ex duplici lamina, quam descripsimus, construitur tuba *vocalis*. Philosophus sane Morlandus laceffiverat ad excogitandum tubæ formam, qua vox humana deportaretur longissime; Cassagrains vero, Purshallius, & alii operam in illud suam contulere, sed nequicquam (‡). Remanent

\* Tab. II fig. 3. \*\* Tab. II fig. 4. \*\*\* Tab. II fig. 5. § Tab. II fig. 6.

(†) De invent. nov. antiq. cap. 7. (‡) Vid. Muschenbr. spec. phys. num. 1470.

tamen acu tetigit Halius (1); machinam enim dedit ADHNFA, \* cuius pars CDFE elliptica foret, & alia GKNM parabolica. Loquentis nimirum labra admoventur ellipticos foco A, ut inde prodeant radii AC, AD, AE, & AF; hi autem post reflexionem in focum alterum B conveniunt, qui focus est etiam parabolæ. A puncto B radii BG, BH, BM, & BN rursus proveniunt, percutiuntque latera parabolæ; ab his vero regeruntur, ut cum paralleli exiliant, vocem transmittant omnino procul. Faceret quidem satis portio parabolica, ubi compellenda vox esset parvam ad distantiam; verum qui proferre latius velit, necesse est addat ellipticam; ut alias adicere elliptes posset, si tubam posceret longiorem. Hanc *stentoream* etiam vocant a Stentore, qui apud Homerum vocem exaquabat hominum quinquaginta.

40. Tubæ venaticæ præterea extant, & militares. Accensendum hisce potissimum esset cornu Alexandri, quo advocare copias suas consuevisse dicitur (2) duodecim a milliaribus. Sonorum accretio tribuenda illarum figuris non est, quæ parabolice non sunt, nec ellipticæ; ab angustis laterum potius repetitur, & a duritie metallorum. Omnem citra dubitationem est, validiorem sonum esse, quo dispergitur minus aer commotus; minimam autem distractionem subire illum constat in buccinis quarum fauces, & cavitates sunt perangustæ. Quo elasticus præterea corpus est, eo robustiores proceat oscillationes; apertius vero quam demonstratione indigeat est, donari cuprum magno elaterio. Quemadmodum scilicet qui languere sonum velit, panno obægat necesse est, vel re molli; ita rigidum ubi corpus sit, minimeque cedat impetui, aerem fortius propulsat. Sed ad sonorum auctiorem prodest multum labiorum industria.

41. Mentio denique facienda de *Echo* est, seu de soni repetitione (3). *Carantonianum* reddere terdecies vocem scribitur, *Mediolanense* quaterdecies, septemdecies *Oxfordiense*, *Ticinense* undecies, & aliter alia. Ambigendum non est, enasci Echo a sonorum reflexione; obstaculum enim cum inveniunt, ab itinere cessant, veniuntque in partem aliam. Impedimenta ideo ubi plura sunt, restituatur oportet vox pluries; ut Echo disperit, ubi ampla sit planities, nullumque aeris incessui corpus opponat. Animadvertendum plane est, sonum ab Echo genitum referri plerumque ad plagam adversam; per lineam namque rectam cum repellatur, perinde est ac si gigneretur in loco corporis objecti. Nec est prætereundum distare aurem debere ab impedimento, ut directus sonus ad eam perveniat ante reflexum; proxima namque si omnino sit, eodem ferme tempore utrumque excipiet, experieturque propterea vocum perturbationem. Alia de Echo fortasse non injucunda prostant apud Delanissium (4).

CA.

\* Tab. II. fig. 7. (1) De tub. stentoreis. (2) Vid. Kircher. phonurg. lib. 1. sect. 7. cap. 7. (3) Vid. Turr. scient. nat. vol. 1. num. 776. (4) Magist. nat. & art. vol. 2. lib. 10. cap. 2.

## CAPUT VI.

*De lucis natura.*

1. **R**es nulla sonum imitatur luce exquisitius. Eodem prope modo videntur a corporibus egredi, nec rationem sequuntur dissimilem, quum iter conficiunt. Exploratum tamen est lucem esse sono nobiliorem; præter aerem enim sonus nihil est, dum materiem lux præstantissimam complectitur, & nonnullorum testimonio prorsus incorpoream. De luce itaque æsturi rem dividimus in quinque partes. Prima visus organum describit; refert secunda multas de luce observationes; tertia ostendit generari illam a lucidi corporis oscillationibus; infirmat quarta rationes oppositas; quinta disputat de corporum opacitate.

## PARAGR. I.

*Describitur organum visus.*

2. **PARTES oculi** præcipuæ sunt quinque. Ex scilicet sunt *palpebra*, *musculi*, *membrana*, *humores*, & *nervi*. Porriguntur *palpebræ* instar velaminum, a quibus oculus occluditur; superior enim ita comparatur ut deprimi possit, & attolli præsidio musculorum. Glandulis compluribus instruuntur, & vasibus excretoriis; ex his vero liquor egeritur ad irrigandam, emolliendamque totam oculi substantiam. Ubi copiosus is sit, & comprimantur glandulæ, lacrymæ defluunt; quas pueris, mulieribusque, humore refertissimis, constat esse familiares. Donantur præterea palpebræ oblongis pilis, & horridulis, qui nuncupantur *cilia*; horum autem de usu pronuntiare qui vellet, incerta traderet, & philosophicæ probationis expertia. Utiles esse fortasse queunt instar capillorum.

3. Qui oculorum motibus inserviunt, musculi sunt *sex*. Vocibus ferme antiquatis nuncupantur *superbus*, *humilis*, *bibitorius*, *indignatorius*, & *amatorii*. Oculum, cujus in fastigio est, elevat *superbus*; *humilis* autem, qui alteri adversatur, demittit omnino. *Bibitorius* ad angulum adducit naribus conterminum; in partem vero aliam abducit, seu opposito angulo admovet, *indignatorius*. Circumferunt demum oculum *amatorii* pro amasiorum more; quemadmodum nomen ceteri a pathematis accipiunt quibus distrahitur animus humanus. Musculorum aliquis si nimium tendatur, surripitur motuum æquilibrium; vitium nempe *strabismi* oritur, quo convertuntur oculi sædissime. Quopiam scilicet ex morbo, vel pessimâ a consuetudine laxari musculus potest, ut distendatur oppositus; quod ubi eveniat, distorqueatur oculi globus necesse

cessu est, & adspiciat oblique. De oculorum moribus optima dedit Peraultius (1).

4. Præter aliam, quæ *adnata* dicitur, illigatque oculum offibus, *membrana* sunt tres. Prima, & externa A A B A A, \* *anterior cornea* vocatur, & *sclerotica* posterius; duræ matris propago est, continetque oculi bulbum. Pars A B A cornea nuncupatur, quia diaphana cum sit, comparari merito potest laminæ corneæ; alia vero pars A A A A sclerotice nomen obtinet a duritie, & firmitate, qua præstat aliis membranis. *Secunda* C C E E C C, quæ media est, *uvea* a parte antica E E appellatur, & *choroides* a postica C C C C; orium a pia matre ducit, admittitque ante se circulare foramen †. Nominatur *uvea* ab uve acinis, quorum figuræ, colorique est fere perlucis; choroidis autem nuncupatio ei contingit a *chorion*, quia ut membrana hæc sætum obvolvitur, ita concludit illa oculi humores. Forum †, quod ei proponitur, dicitur *pupilla*; cumque fibrillis versicoloribus, & in circulum distributis, quibus laxari potest, & contrahi, communiatur, vocatur *iris*. *Tertia* G G G G, quæ ceteris incimior est, *amphibletoides* dicitur, seu *reticularis*: a nervi optici substantia provenit, definitque ad lentem chrySTALLINAM F. Vocatur *resina* a filamentis nerveis, quibus atroxitur; referta mucore quodam est, & nonnihil exhibet opacitatis. Prætereundum denique non est, membranam mediam constari, nonnullorum iudicio, ex duobus (2).

5. Tres sunt qui oculo insident humores, *aqueus* nimirum, *chrySTALLINUS*, & *vitreus*. In anteriore oculi plaga *aqueus* reperitur; spatium E I E totum \*\* occupat, quod inter corneæ superficiem concavam porrigitur, & convexam humoris chrySTALLINI. Ab aqua nomenclaturam suam capit, quod fluidus sit, atque perlucidus; spiritibus autem abundat, ne frigori dum exponitur, ferat congelationem. Humor vero *chrySTALLINUS* † substantia solidiuscula est, tenuibusque fere laminis compacta; cumque in lenticulæ formam flectatur, vocari assolet *lensiformis*. Sub aqueo degit, insistitque humori vitreo; uti membrana induitur, cui ab arachnearum texturis est nomen *arachnoides*. Vitreus demum locum G G G G, qui in oculi cavitate superest, sibi vendicat universum; crassior quidem aqueo est, sed subtilior, dilutiorque *chrySTALLINO*. Ita audit a vitro, cui, quum funditur, assimilatur omnino; membranaque circumdatur, quam appellant *hyaloidem*. Humorum indolem, & usum describit acutissime Le Cat (3).

6. Postrema oculi pars est *nervus opticus*. A callosi cerebri substantia exoritur, dispesciturque in ramos duos; hi vero, postquam frontem versus processere, coalescunt in unicum. In duos tamen iterum dividitur,

\* Tab. II. fig. 8. \*\* Ibidem. (1) Traët. de mot. oculor. (2) Vid. Le Cat traët. de sensib. pag. 153. (3) Loc. eod. pag. 155. & seq.



ditur, quorum, uterque per ossis foramen se immittit in orbitas, seu offas oculorum thecas; duabusque membranis succingitur, quarum alia maxime duræ matris progenies est, & altera nnnn est expansio piz matris. Dicendum iterum non est, scleroticam ab illa procreari, ab hac choroidem, ab ipso autem nervo oo pigni reticularem. Sensationibus omnibus nervi cum deserviant, ambigi non potest de processuum horum officiis; lux enim membranam corneam transiit; cogitur in lente, vimque suam aliis imprimit, ut deportetur ad cerebrum, exerceatque perceptionem. Color nimirum, cujus gratia res queque cernitur, est luminis affectio.

7. Verum prætermittenda controversia non est de loco ubi commoratur facultas videndi. In humore chrySTALLINO visionem Aristoteles posuit (1), in reticulari Cartesius (2), & Mariottus in choroide (3). Conciliari Aristoteles quidem posset, si disputasse de visu causali diceretur, quod erat ei familiare; dissident tamen Mariottus omnino, & Cartesius, quos planum est differuisse de formali. Pro choroide adversus reticularem Le Cat dimicat, & quinque potissimum affert rationes (4). *Prima* est, reticularem esse diaphanam, ut plerisque lucis radios transmittat; idque experimento Meryi constat, qui cum selem in aqua demersisset, transperere illius retinam vidit trium instar humorum. Quemadmodum propterea visionem consici in vitreo nemo dixerit, vel in aqueo, vel in chrySTALLINO, quos ad refractiones tantum decrevit natura, ita impar ad colores corporum discernendos est reticularis. *Secunda* est, substantiam cerebri, ubi exdatur, vel dissepatur, dolorem nullum experiri; nullamque eudere sensationem; retina idcirco, cum nervi, qui a cerebro est, sit propago, omnem ignorat perceptionem. *Tertia* est, circulum chartaceum, qui parieti ad oculorum altitudinem apponatur, certamque ad distantiam, non cerni, tametsi res aliæ conspiciantur, quæ sint eo proximiores. Argumento autem illud est, a choroide, quæ in fundo oculi locum optico concedit, & deest circulariter, nullam chartæ imaginem referri, ineptumque nervum ipsum esse ad illam exhibendam. *Quarta* est, resertissimam choroidem esse nervis papillis; ex iis vero quæ observata de gustu fuere, & de contactu, liquet, ea dumtaxat nervorum capitula de asperitate corporum judicare, & de sapore. *Quinta* est nigricare choroidem, ut ex vasculis sanguine intumescantibus speciem offerat atramenti; a substantiis autem nigro colore infectis exsuguntur, & absorbentur radii luminis universi. Nec inveniri accommodatius quidquam poterat ad colorum omnium discretionem; etenim ut reflexio facultatem sentiendi adimit, ita confert luminis admissio. Hisce plane sensus, quæ nisi excogitaverat omnia, saltem exornaverat, triumphat Le Cat.

Tom. III. *Pyhsicæ.*

E e

8. Pu

\* Tab. II fig. 8. (1) De generat. animal. cap. 5. (2) Dioptric. cap. 5. (3) Act. Erudit. Lips. ann. 1683. (4) Traët. de sensib. pag. 166. ad 180.

8. Putat nimirum iis a momentis retinæ vindices percelli rito, & ex demonstratione. Non inficiamur, valida esse, satisque confidentia, ut quod pro certo olim habebatur, voeetur in suspensionem; verum actum de reticulari jam esse, oullumque disputationi locum suppetere si dicat, fallitur quam maxime. Ubi sensationum videlicet indolem expendat, comperiatque, a corporum moleculis, quæ ad caput se conferant, non provenire, sed a motu, quem spiritibus per nervos discurrentibus elargiuntur, comprimet fortasse, si quam habet, animi elationem. Et quidem ad motiones illas dignoscendas cerebrum si non esset idoneum, sanctiores jacerent Philosophorum omnium præscriptiones. In partibus nimirum quibus objecta admoventur, sensationes fierent, non in cerebro; & huic, cui perceptionum, & cogitationum vis deesset, deficeret anima omnino. Nos non præterit, asseri a viro summo posse, membranas redigi demum in cerebri meninges; proptereaque obvenire illi oibilibi posse incommodi, sive reticulari visio adjudicetur, sive choroidi. Sed dum hæc obloqueretur, esset immemor meningum, quæ intimiorem cerebri substantiam non pervadunt, sed sistant in cortice; sique eo contenderent, nulla ratio esset in promptu qua luminis impulsio per choroidem deferretur, non per reticularem. Ita sane; ubi retinam, quæ a nervo ipso progreditur, repleti spiritibus, ut aperte testatur, non neget, eorumque præsidio velit communicari cerebro motiones, doctos sibi viros non demerebitur, si anteferat choroidem. Enimvero falsa hic non venditari habebit exploratum, ubi enodationes attente volutaverit quas adhibere illius argumentis possent solertiores. Has itaque audiat Le Car.

9. Proponendæ sunt singillatim. Exceptioni *primæ* responderent, diaphanam nonnihil retinam esse; sed non ineptire propterea ad visionem: a membranis eodem subjectis infuscat, magnamque spirituum vim complectitur, per quos ad cerebrum gradiuntur luminis pulsus. Humores vero, licet spiritibus non destituantur, impotes tamen sunt ad rem illam, quod cerebro contermini non sint, nec texturam habeant amplificandis motibus opportunam. *Secundæ* occurrerent dicendo, certare Philosophos de cerebri sensu; Le Car enim, Blanchius, Fabrius, & alii non dolere illud affirmant, sed meninges; contra tamen Hallerus sentit, Zimmermanus, & Chastellus (1). Quod si cerebri medulla, quum percutitur, scinditurque, non conqueritur, hebes est consecutio in reticularem spiritus namque eum in motum non conjiciuntur qui respondeat visioni, confundendus nec est dolor eum perceptione colorum. *Tertiæ* reponerent, orbem chartaceum esse inconspicuum nimiam ob copiam spirituum; in basi quippe oculi, ubi deest choroides, opticus adest, a quo illi profluunt uberrime. Insignem propterea

vim

(1) Collect. scriptos. de insensib. &c. Bonon. ann. 1757.

vim cum obtineant, reluctantur penitus, ne lucis impetum admittant; reticularis vero cum tenuis omnino sit, spiritusque apte distribuatur, excipit ictus quos ad cerebrum deducit. *Quarta* satisfacere observando, mamillas, quæ choroidi insunt, visui esse minus accommodatas; spiritibus enim, quibus turgent saporum membranæ, tactuum, & odorum, carent, vel afferunt omnino paucos. Rem ita se habere liquet a genesi choroidis; a nervo namque spirituum altore, quemadmodum retina, non proficiscitur, sed a meningum altera, quæ majore premitur materiæ illius subtilis inopia. *Quinta* postremo redderent, ad visionem parum conferre radiorum omnium detentionem; ubi enim spiritus, quibus motio erogatur, deficiant, inexplorata oportet choroidi sine discrimina colorum. Absolum nec est, a panno qui ater sit, nullam confici sensationem; quia omnem tamen lucem suscipiat, destituitur spiritibus qui videndi facultatem exstiment. Quapropter si plenam hæc persuasionem non exprimant, non moramur ullatenus; allaborasse quippe utiliter credimus, ubi nec retinæ palma censeatur, nec choroidi, sed subjiciatur utraque examini accuratiori. Quoad tamen lis dirimatur, visionis prærogativa, quæ ex veterum suffragiis ei contigit, uti pergat reticularis.

## PARAGR. II.

*Exponuntur mltæ de luce observationes.*

10. PROPRIETAS corporum lux est qua fiunt oculis conspicua. Quod præceptum de sono fuit, convenit in lucem; duplicem nimirum esse, *primitivam*, & *derivatam*. *Primam* dicunt quæ inest corpori lucido; hujusmodi vero *sydera* sunt, *phosphori*, *Sal*, & cetera, quæ lumen non mutuuntur a re alia. *Derivata* lux reperitur in corporibus per quæ altera diffunditur; horumque in censum *planeta* veniunt, *ær*, *chrysalis*, & alia non opaca. Punctum *radians* est pars corporis minima, a qua lux propagatur; & *radius* luminis recta linea est a puncto radiante ad oculum perducta. Voces has passim adhibent qui expedire satagunt luminis naturam.

11. Quæ sumus enarraturi, in lucem spectant derivatam. Nullum primo lumen existit sine motu particularum; apertum in *secula* illud est, quæ motione celeri deducitur, atque perpetua. Quod si ab ære dicas eam agitari, *ferrum candens*, respondebitur, creare in aqua ebullitionem; huic autem parceret, nisi commoveretur nisu perenni. Corpus præterea quod luce caret, eam nanciscitur a motu; Newtonus enim *aquam* maris a procella compulsam lucere ait (1), & *mercurium* valide

Ec 2

con-

(1) Opt. lib. 3. quest. 8.

concussum. Immo lumen corpora amittunt, ubi eorum moleculæ coe-  
ceantur, & redigantur ad quietem; *pruna* namque si comprimantur re  
quapiam, restinguuntur. Calor demum, qui lucem comitatur, est  
ignis expansio.

12. Lux deinde compos non est intensiois. Exaggerari quidem ex  
radiorum additione potest, sed non augeri ex iisdem; qua sane de  
caussa a calore differt, ab humiditate, & a nonnullis aliis corporum  
attributis. Aeris videlicet, tamen si Sol diutissime illustret, non succre-  
scit lumen ullatenus; neque lucidius evadit penetrare, ubi fax nitet  
noctu, & interdiu. Quod si mutatio quapiam obveniat, accersenda lu-  
cido a corpore non est, sed a medio, quod paratius fit, vel imparatius  
luminis conatu. Ubi autem Sol abeat, interit e vestigio lux,  
contra quam in ceteris accidit rerum qualitatibus.

13. Incedit etiam lumen instar corporum ceterorum. Ubi scilicet  
per foramen transeat, viam suam conficit per lineam rectam; curvam  
autem describeret, si possetur multiplici directione. Opacum corpus  
obvium si habeat, regetur in partem aliam, variatque hinc illinc pa-  
titur reflexiones, ut conclave totum illuminet. In corpus diaphanum  
quum incidit, pervadit poros illius; a recta tamen semita non-  
nihil digreditur, & experiri dicitur refractionem. Colligi propterea  
unico in puncto potest vitrearum lentium ope, speculorumque metal-  
licorum.

14. Lucis vero celeritas omnem ferme superat hominum fidem.  
Putabant quidem Cartesius, & Hoochius in tellurem descendere illam  
unico temporis momento (1); Roemerus tamen omnium primus iter  
illud peragrari evicit fere 8 primorum spatio minutorum (2). Ad veri-  
tatem retegendam adjumento fuisse illi eclipfes satellitum Jovialium;  
quod ne lateat, Sol sit *s*, telluris orbita *AFCB*, Jupiter *C*, & satel-  
les *E*. Quum in *A* tellus degeret, observavit, satellitem *E* post eccli-  
psim emergere ab umbra Jovis *C* minutis prope 16 citius, quam dum  
esset tellus in *A*, idemque alia ex orbitæ parte contingere, quum satel-  
les verteretur in *t*. Conjecit propterea, minutorum ferme 16 tempus  
impendi, quo lux totum percurreret diametrum *FG* terrestris orbitæ  
*AFCB*. Hinc vero consequbatur, semidiametrum *FS* qui telluris a  
Sole distantiam definit, leucasque Gallicas continet 30000000, collu-  
strari a luce minutis fere 8. Eam celeritatis legem, quam complures,  
easque accuratissimas, post observationes Accademia Parisiensis proba-  
verat, improbarunt Astronomi multi minime imperiti. Scribit enim  
Mansfredius (3), soluta objecta non fuisse, quæ adstruxerant Cassinus,  
Maraldus, & alii; ab illis autem abstinendum esse ducimus, ne adole-  
scen-

\* Tab. II fig. 9. (1) Ap. Derham. Theol. phys. lib. 1. cap. 4. not. 5. (2) Transact.  
philosoph. num. 136. (3) Epist. de nov. circa syder. error. observation.

scentes implicentur astronomicarum laqueis supputationum. Unum non prætermittimus, ab Adamo scilicet videndas stellas fixas fuisse anno tantum 37 suæ ætatis (1). Stellæ enim magnitudinis primæ a tellure plus Sole distant vicibus 700000., initoque propterea calculo, qui minutis 8 niteretur, lux earum annis dumtaxat 6, & mense 1 fuisset hominibus perspecta. Sextæ autem magnitudinis stellæ a tellure sexties removentur præ aliis magnitudinis primæ; fieret proinde, annorum 6 & mensis 1 tempus ducendum in 6 esse, postularique demum annos 36, & menses 6 quo Adamus illas adspiceret. Ne rem insectam dimittamus, sed profiteamur, quæ sit animi sententia, inficiari non possumus, adhibitam a nobis fidem fuisse Roemeri testimonio. Omnino vere dicitur, astronomicarum præceptionum assertoribus inventum primo displacuisse; addendum tamen est, fecisse eos dedicationem, ubi rem diligentius versarunt, consulueruntque præsertim physicas iussiones. Planius quam subdi contentioibus possit est, motus præsidio obtineri luminis diffusionem; quovis autem pacto motus adveniat, certum poscitur tempus, quo suas ipse leges evolvat. Motio nimirum omnis quavis celeritate perficiatur, potest adhuc esse velocior; advocandum idcirco tempus est ad percurrendum spatium quod absolvi corpore ab eodem posset tempore breviore. Quæ de Adamo memorantur, sunt adeo lepida, ut risum excutiant: philosophicam enim dignitatem non decet pronuntiare, quæ primus homo viderit, quo die, conspiciatus ne oculis fuerit, vel peripiciatilis. Promptius respondebunt qui universa sibi patere existimant summi Numinis consilia; non ignorant videlicet, quantum temporis a stellarum effectione excurrerit ad ortum Adami, quidve oportuerit ut momento eodem cerneret universa. Auctam fortasse dicent fuisse luminis celeritatem.

15. Quantitas præterea luminis decrefcere creditur in ratione duplicata inversa distantiarum. Motus videlicet infirmatur, quo majori confertur numero molecularum, hæ vero ob radiorum divergentiam succrescunt, quo remotius sit lumen a corpore emicante. Ajunt propterea, lumen inverse minui juxta quadrata distantiarum, ut ad propagationis terminos 1, 2, 3, 4, quibus distantie determinantur, ipsius intensio sit 1,  $\frac{1}{4}$ ,  $\frac{1}{9}$ ,  $\frac{1}{16}$ , & ita porro. Quo rem demonstrent, sphaeræ, quam lux quoquo versus se fundens efformat, semidiametrum in 4 partes dividunt, singulisque respondere sibi supponunt sphaericam superficiem omni profunditate destitutam. Cumque sphaerarum superficies ex Geometrarum pronuntiato sint ut quadrata semidiametrorum, hinc servari a lumine, concludunt, quadratorum distantie, quæ a semidiametro non discrepat, inversam rationem. Immo ne experimentum desit,

(1) Ap. Voltaircum elem. phil. Newton. cap. 1. num. 2.

fit, radium qui per forum ingreditur, charta excipiunt ad distantias 1, 2, 3, 4, observantque, circuli primi diametrum in ea depictum esse 1, secundi 2, tertii 3, & quarti denique 4. Circulorum autem indoles eos esse jubet ut quadrata diametrorum, nempe 1, 4, 9, 16, proindeque eum luminis densitas extenuetur, quo amplificatur circuli magnitudo, faneunt obtemperare inverse lumen eidem proportioni. Ubi res ita se haberet, faculæ 4 essent adhibendæ, quo duplam ad distantiam lumen obtineretur faculæ 1 æquale; postulareotur 9 ad triplam, & 16 ad quadruplam; hoc enim pacto forent  $\frac{4}{1}$ ,  $\frac{9}{4}$ ,  $\frac{16}{9}$ , & seorsim omnes æquarent faculam 1. Veremur tamen ne luminis decrementum cuborum potius seriem sequatur, quam quadratorum, distantie; meticuloſe id quidem proponimus, quod ab universis ferme Philosophis ei legi lumen obstringatur, ceteræque etiam sensibiles qualitates. Ne de gravissima virorum adeo præstantium sententia videamur inconsulto dubitare, concedi ab illis ultro intelligimus, lucidi corpora vim debilitari ex quantitate materiæ, quam momentis singulis est promotorum. Sed ad materiam ubi quaestio redigatur, sphaerarum superficies supputandæ non sunt, sed soliditates; a veritate autem nos non digredi, ex ipso, ni fallimur, demonstrationis examine pronum erit, & experimenti. Sphaeram nimirum lucidam superficiebus infinitis compingunt, quæ sint indivisibiles; id tamen geometricum omnino esse animadvertimus, gratisque consistum, quia sphaeræ conerctio differt prorsus a summa superficierum. Hæ videlicet semidiametrorum omni ex parte provenientium potius sunt termini; soliditas vero cui virium attenuatio consonat, est ipsa materies a lumine protrusa, quæ duplicate distantiarum rationi non obsequitur, sed triplicate. Ad experimentum quod attinet, non negamus, describi in charta circulos secundum quadrata diametrorum; calculum tamen accersendum ab illis non esse suspicamur, sed lucidis a conis, quorum apex extat in foramine. Molecularum nempe congeriem, quæ propellitur reapse, veramque efficit luminis densitatem, circuli non complectuntur, sed conis; hi vero quadratis æquales non sunt, sed eubis altitudinum, seu distantiarum. Si lux ad plagam unieam se proferret, vis definiretur unica linea; dicereturque parere illi simpliciter & inverse, ut primam ad distantiam esset 1 &  $\frac{1}{4}$  ad duplam. Quoquovertus ubi ferretur lumen, sed unieo in plano, motionis quantitas statueretur a circulo; præciperetur quippe, inservire eam inverse quadratis diametrorum, primoque loco esse 1 & secundo  $\frac{1}{4}$ . Verum omnia circulariter per plana lux cum se expandat, non videmus, cur regenda non sit a proportionibus sphaeræ; nec morem gerere decernatur eubis distantiam inversis, ut primo sit 1, deinde  $\frac{1}{8}$ , tum  $\frac{1}{27}$ , & ita sane. Quod non semel usurpavimus, inculcavimus iterum, sed vercecunde; ad luminis scilicet, cui

VIN-

ascenda materiz resistētia est, intensionem figuræ planæ forsan non profunt, opitulantur autem omnino solidæ. Opinabuntur forte veterem numerandi formam non esse despiciendam, ubi lux impulsio particularum non sit, sed effluvium; radios enim inter lucidos vacuitates multæ suppeterent, quibus parum proficeret soliditas sphaerarum. Ubi tamen divergere lineas luminis velint, ut materiam nullam intercipient, demonstratio concidet, & experimentum; uti videlicet liberum non eris superficiebus sphaericis, vel circulis, quæ extensionem continuum non haberent, sed disruptam spatiis & hiuleam. Negligi id non volumus, eo quod multi qualitarum aliarum propagationem explanaturi eadem adoptent principia, deficere nimirum odores, calorem, adractionemque in ratione distantiarum duplicata, ostendunt ex natura superficialium. Neminem nominamus, ne simus cuiquam injurii; præsertim cum iis quæ diximus, error subesse possit, & hallucinatio.

16. Exploranda denique est luminis natura. Quam de affectionibus ceteris sensibilibus ageremus, pugnatum fuit cum Peripateticis; præter illos vero congregiendum cum aliis hic est numero, & celebritate non imparibus. Rem sane obscurissimam perscrutamur, cui certitudo omnis deest, & evidentia; modo tamen absolutis ab accidentibus caveatur, ambigi rite potest, an particularum motio lux sit, vel earum emissio. Ubi vacemus probabilibus, benemereri satis arbitrabimur de utili juvenum institutione.

### PARAGR. III.

#### *Ostenditur, generari lumen a lucidi corporis oscillationibus.*

17. LUX derivata a vibrationibus nascitur corporis lucidi.

RAT. I. Summa extat analogia lumen inter & sonum. Similitudinis hujusce leges Verulamius (1) recitat, ostenditque esse illas tredecim. Præcipuæ sunt, sonum & lucem quam citissime proficisci; non perturbari in aere, & ab objecto corpore remitti. Decretum autem loco superiore fuit, non differre sonum a corporis tremore, seu oscillatione. Igitur tribuenda vibrationibus lucidæ substantiæ est luminis origo.

18. RAT. II. Lux pendet a motu. Animadversum nempe fuit, nitere lumen, ubi moveantur corporis particulæ; sique manu coerceantur illæ, vel re alia, lucem interire. Evincitur hinc, prodire lumen a motione molecularum; quæ lucido a corpore impetum sumunt, eumque commendant reticulari. Confirmari res potest globorum exem-

(1) Hist. natur. cent. 3. num. 555.

exemplo eburneorum qui rectam lineam constituunt; primum enim ubi quis impellat, vim post medios suppeditat postremo. Ratione haud dissimili pulsus corporis materię conceditur circumfusă; ne vero unicum post ictum lux deficiat, iterantur oscillationes. Igitur paritur lux a motu vibratorio.

19. RAT. III. Postulat lux corporis præsentiā. Ubi scilicet corpus lucidum amoveatur, perimitur lux omnino; nec augetur ullatenus, licet pergat illud effulgere. Lumen vero si impulsio non esset, sed evaporatio, vel forma Peripatetica, tamen corpus abiret, perstaret, & succresceret ex diuturna illius coruscatione. Licet enim ignis surripiatur, servatur adhuc calor in aere; sique calefacere ille perseveret, major evadit hujus intensio. Igitur accersenda lux est a crebra corporis vibratione.

20. RAT. IV. Lumen reflectitur, refrangiturque, & cogitur in puncto. Invisæ hæc demonstrant, corpus motu præditum lucem esse, & discriminari penitus ab affectione absoluta. Quæ namque a Peripateticis adstruitur, vagatur omnino, nec directionem certam subit, quæ eat, redeat, aduneturque ratione definita. Indicatur etiam, licet prorsus non conficiatur, struem molecularum lumen non esse a corpore erumpentium. A duobus enim saculis quæ provenirent, refractiones perturbarent, & reflexiones; vixque redigi in focum possent, unde rursus divergerent. Igitur utiles ad lucem sunt oscillationes.

21. RAT. V. Lucis celeritas expeditur facile corporis impulsu. Ex iis videlicet quæ observavimus, ratum est, Parisienses leucas 4000000 minuto unico primo a lumine pervadi, & secundo leucas 70000. Incredibile ferme est, tempore adeo brevi peragrari immane spatium a particulis quæ exeant a Sole; ferreus enim globus qui a tormento celeritatem maximam oblineat, poscit ad iter illud annos 25 (1). Consultius idcirco expeditur res impactione; huic enim celeritas exigua cum satisfaciat, nihil abscondi traditur, cui imaginatio refrægetur, nec suffragetur demonstratio. Igitur adjudicanda corpori oscillanti est luminis propagatio.

#### PARAGR. IV.

### *Infirmantur oppositæ rationes.*

22. MAGNORUM nominum viri lucem negant esse materię vibrationem.

ARG. 1. Quæ memorata de lumine fuere, probant dumtaxat, degere illud in substantia corporea. Refrangi scilicet, reflecti, & contrahi, sunt

---

(1) Vid. Le Cat. tract. de sensib. pag. 9. 91.



sunt corporis muncera, quod lucem dum desert, a caussa alia urgetur variis motionibus. Absolutam nempe non repugnat esse affectionem, quam ab aeris potentia Sol, vel faecula educit, ut licet corpus non sit, sistat tamen in corpore, ipsiusque præsidio propagetur. Aristoteles propterea lucem diserte docuit (1) corpus motum non esse, nec effluvium, sed *actum esse rei perspicue*, seu diaphani corporis perfectionem. Igitur ad lucem vocantur frustra oscillationes.

23. RESP. Obsolevisse jam tricas Peripateticorum. Ad eas quidem ablegantur qui rationem non adhibent ad rerum ostensionem; voces enim significatione vaguas conquirunt, quo ceteros fallant tenebris, & auctoritate. A potentia corporis formam aliquam erui, fabellæ sunt temporum vetustiorum; minusque consentiunt in lucem, quæ sive pressio sit, sive sit emissio, motum solum significat, naturamque suam aperit omnino. Quid Aristoteles senserit, rei in medio positæ parum prodest, penitusque pervulgatæ: Philosophi enim omnes, licet de motionis natura dissideant, averfantur tamen ipsum vel nomen qualitatis occultæ. Non nescimus, excusari perinde illum, ac si negaverit, lucem esse substantiam a lucente corpore egressam; concessit verò esse corpus, quod alia pervadit, multaque persolvit reflexionum, & refractionum officia. Affirmant enim eo loci, nuncupari lucem præsentiam corporis in re diaphana; quod eodem plane redit ac versari illam in moleculis toto aere, qui perlucidus est, distributus. Verum ne quæ opinamur, reticemus omnino, Aristotelem non absolvimus; vox enim *actus*, qua pro more utitur, quidpiam inane redolet a solido corpore protus alienum. Quæ superius edisseruimus si his adjiciantur, superfluere apertum erit orationem prolixiorum. Rescire tamen expectamus, qua demum a caussa lux, quæ forma corporis esset, & motui careret, adigeretur in motum. Ne longius abeat, sciscitamus, an in speculum aer lucidus incidat, & ab eo remittatur ponderis gratia, vel rei alterius; gravitatem quippe aeri Peripatetici adimunt, nihilque in promptu habent quod conferat illi motum, & inflectat. Quo affligerentur durius, quæri multa de lucis refractione possent in lentibus vitreis; effectuum namque simplicium causas qui prætereunt, assequuntur ægre principia implicationum. Igitur conformius veritati est oriri lumen a frequenti corporis vibratione.

24. ARG. II. Exponi æquius lux potest effluviis quam ætheris oscillatione. Absolum videlicet non est projici lucido a corpore vim magnam particularum; quæ aerem cum compleverint, appellant reticulari, eamque delicatule premant. Quidpiam perfimile odors præstant in emissionibus dubio procul constituti; horum enim moleculæ ab odore corpore digressæ accedunt membranæ narium, eamque leniter percellunt.

Tom. III. *Physic.*

Ff

Caus.

(1) De anim. lib. 3. cap. 7.

Causarum nempe multitudinem natura refugit, ut effectus pluribus ubi unica sufficiat, eliminandæ sint ceteræ omnino. Igitur non progreditur lumen a corpore oscillante.

25. RESP. Lucidas emanationes Gassendo (1) non displicuisse, atque Newtono (2). In eo Gassendi effato nulla reperitur antilogia; aliis enim præceptionibus suis concinuit, quibus ponere annisus fuit Philosophiam corpuscularem. Newtonus tamen, dum ita sensit, sibi non constitit fortasse; spatia enim cælestia cum esse vellet materiæ omnis expertia, fumere a Sole, stellisque non poterat ingentem copiam particularum. Ceterum non esse lumen perspirationem, eo odorum exemplo liquet quod putant esse in rem suam. Amoto namque corpore superesse, illo autem persilante fieri, diximus, auctiores; lux tamen accretionem a corpore non capit, eoque recedente emoritur exemplo. Verum muero, quo opinionis jugulum petitur, acuitur ex corpora attenuatione; a perpetua quique molecularum eruptione, quæ obrigisset sæculis compluribus, iacturam tulisset discus solaris. Quodque, ni decipimur, est adhuc luctuosius, perenni locus deesset corpusculorum egressui; quæ namque a Sole, & a stellis jugiter erupissent, vacuitatem ætheream omnem occupassent, aliasque remorarentur exituras. Inficetas ubi subtilitates exquirant, materiem, reponent, a syderibus egressam regredi in illa, ut iterum effluat; verum non cogitant, a redeunte euntem detineri, furripique propterea ludum omnem circulationis. Confidimus esse demum consensuros, ubi plures sibi persuadeant non induci a nobis causas; qui enim parem lucis, ac soni conditionem facimus, paucitati potius illarum studemus quam multitudini. Igitur parens luminis est corporum oscillatio.

26. ARG. III. In pressione potius sita lux est quam in vibratione. A rectilinea nempe corporis lucidi compressione oritur, qua propellitur ætheris materia; lumen namque motus non est, sed conatus ad motum. Ea sane a gravitatione explorata fit ratio qua lucem oculus percipit, & colores; a manu quippe sicut corpus quod premitur, sentitur, æther ita ingruens dignoscitur a reticulari. Sique luculentius quidpiam postuletur, in medium baculus affertur hominis cæci, illius enim præsidio, licet res obversantes dumtaxat contingantur, nullusque motus exaceratur, evadunt tamen perspecta discrimina illarum. Igitur quin corpus vibretur, obtineri potest luminis diffusio.

27. RESP. Pressioni, non motui tributam lucem fuisse a Cartesio (3). Iis tamen vitiis laborare opinio creditur, ut strenuus ceteroquin Cartesianorum dogmatum adstipulator Mallebranchius concesserit in oppositam (4). Veniam propterea non diffident fore obtenturos qui

(1) Physic. sect. 1. lib. 6. cap. 11. (2) Optic. lib. 3. quæst. 29. (3) Dioptr. cap. 1. num. 3. (4) De inquir. verit. vol. 4. elucidat. 16.

qui amplexati oscillationes fuerint Hugenii (1), atque Bernoullii (2). Ubi scilicet experimenta, quæ despicienda nullatenus sunt, consulantur, lucem constabit motum esse, non nistum; observatum enim fuit, compressa lucidi corporis trepidatione lumen extinguí. Nulla deinde sterna via potest, qua contentionem illam Sol ætheri impertiat; suo enim pondere illud efficeret, vel sua, ut tumentis folli obvenit, elasticitate. Solis tamen pondus gravitare subiectam in materiem nemo arbitrabitur, qui unicam gravitatis directionem esse non nescierit, a Sole autem emitti lucem ad omnes partes. Elasticitas vero, quæ a centrifuga vi non differret, impar omnino est ad pressionem; Solis enim molecule, quæ lucem primam constituunt, subtilitate universis præstant, detinerique ideo ab æthere cum non possent, avolarent impune. Quod si summa cum veritatis injuria adesse Soli energiam hanc velint, exlex adhuc erit luminis propagatio; reflexioni quippe vis mortua non satisfacit, sed vivida petitur, erecta, motuique conjuncta. In planam nempe superficiem ubi materia lucis apprimatur, non resistit ullatenus; adhærescet potius plani moleculis, quæ in illam cum non gravitent, remittere non possunt in plagam aliam. Istibus propterea qui ætheri a Sole conferuntur, succedat motus necesse est; cujus gratia particulæ speculo impingant, incessumque sibi prohiberi cum intelligant, aliam adoptent directionem. Compertum ex his fit, cæci hominis virgam ad cædendos tantum valere Philolophos contumaciores; tactio enim, qua durities corporum per baculum deprehenditur, nihil lucis reflexioni cognatum habet, nihilque legibus aliis consentaneum. Igitur præter oscillationes nulla est luminis causa.

18. ARG. IV. Ex pulsu, qui repeteretur, ferri lumen non posset in lineam rectam. A puncto nimirum A \* veniat conus lucidus ABC; offendet autem parietem FE, cujus per foramen BC transeat, & excurrat in MN. Pars luminis BGC comprimitur utrinque a portionibus ABC, & CHIL; quarum illa progredi ex oscillatione annititur, hæc autem obstitit ex legibus reactionum. Cogitur propterea lux ad latera BG & CI exundare; ubi resistantiam nullam, vel parem invenit pro more fluidorum; lineamque festinando versus F & E, rectam non servat, sed curvam. Ea sane potissimum est causa, qua post montem sonus exauditur, non videtur vero lumen, si faculæ apponatur digitus, vel Luna Solem obducatur. A sonori enim corporis vibrationibus sonus cum proveniat, ad obstaculum inflectitur, & properat oblique; lux autem, quæ aliter conficitur, proficiscitur recta, objectoque a corpore prorsus interceptitur. Igitur ducenda ab oscillationibus non est luminis origo.

Ff 2.

29. RESP.

\* Tab. II. fig. 10. (1) Dissert. de lumine. (2) De mercur. lucenti in vacuo. cap. 3. paragr. 3. & 4.

29. RESP. Quod hic objicitur, ab eximio sumi, qui raro fallitur, Newtono (1). Non ignoramus contortum momentum eo solidius a nemine fuisse in oscillationes; quæ enim ad fluidorum excursum pertinent, videntur omnia ad motum rectum poscere effluvia. Existimandum tamen non est, solvi nodum non posse nec ab Apolline; rationem quippe qua extricetur, lucis raritas indigitat, atque celeritas. Incurvari scilicet unda  $BGC$  dicitur ad partes  $BG$  &  $CI$  quia impedimentum reperit massæ lucidæ  $GHLI$ ; hæc tamen, dum reagit, vix obstat tenuitatis suæ causa, & subtilitatis. Neque id Newtonus inficiabitur; affirmat enim, (2), a fluido, quod aere vicibus 700000 rarior esset, totidemque elasticior, resistentiam offerri prorsus exiguam, ut in planeta, qui per illud annorum 10000 spatio moveretur, non esset sensibilis. Quod si oblectari valde particulas contendant, nequibit lux adhuc in curvam desciscere; æque enim pugnant, sive e regione sint, sive extent ad latus, pro ingenio corporum fluidorum. Verum quæ in  $GI$  versantur, impetum coni  $ABC$  experiuntur iis directius quæ sunt in  $BG$ , & in  $CI$ ; decurrant propterea necesse est per  $GM$  &  $IN$ , minimeque flectantur ad  $BF$ , & ad  $CE$ . Sique dubitationem omnem animo non exuant, proponenda demum erit lucis celeritas; tempus enim moleculis oblique positæ non sinit quo admittant motum, & declinent. Nec ad rem diserte confirmandam desunt exempla: glans enim plumbea ferream laminam, trajicit ad ventorum conversiones indicandas erectam; ictuque celerrimo, quin aqua effundatur, frangitur baculus vitæis a poculis suffultus. Sonus vero amplificatur aliter opposita de causa; a recto nimirum tramite digreditur, & circuit montem, quia aer materię lucida concretior cum sit, multo minore fertur velocitate. Aeræ nempe particulæ, quæ obstaculi fimbriis sunt proximiores suo coercentur a pondere, lentiusque procedunt; aliis idcirco seorsim facis copiam temporis faciunt, quo motum accipiant, curvamque describant circularem. Legem itaque rectæ motionis etiam si lux continenter servet, & violet interdum sonus, utrumque tamen debetur oscillationi; dissidium enim iteratis ab impulsionebus non egreditur, sed ab indolo materiæ. Et quidem præcipuis ex phenomenis exploratum ubi sit unam eandemque esse rerum duarum genensim, inculcandas amentię est, vel imperitiæ qui levissimam obdiscrepantiam in genera revocodiffusa omnino. Igitur tota a vibrationibus est luminis progressio.

30. ARG. V. Complura extant corpora quæ nitent sine oscillatione. Horum alia fluida omnino sunt, mollia alia, & alia sunt penitus dura. *Aqua* maris videlicet, si noctu agitur, edit scintillas; oscillare autem ea non potest, quia conciliatur ægre fluor cum elastica.

\* Tab. I, fig. 10. (1) Princ. Philos. lib. 2. prop. 41. corol. unic. (2) Optic. lib. 3. quæst. 22.

citare. *Ligna* deinde putrescentia, quæ accenseri mollibus queunt, lucent in loco obscuro; elasticitati autem mollities adversatur, quod corpus tenerum non resiliat ullatenus. *Adamus* postremo, qui durissimus est, si confricetur, fundit splendorem; comprimi autem corpus durum cum nequat, omni caret elasticitate. Igitur a vibrationibus, quæ elastico tantum corpori insunt, non progignitur lumen.

31. *RESP.* Non emicare lucem absque motu vibratorio. Univerſa quidem corpora quæ fulgent, motu indigere, positum jam fuit extra dubitationem; *mare* namque sine concussione non lucet, nec sine fermentatione *legnum*, nec *adamus* sine frictione. An vero motus sit oscillatorius, licet evidenter non constiterit, innouit tamen non obscure; quemadmodum probabile funditus est non peragi vibrationes absque elasticitate. De lucido nempe corpore quæstio ubi sit, nec expansiōem, & contrāctionem, planum est, non comparari illud sine elaterio; *cor* enim, propterea quod fibris elasticis construat, diastoles motu succutitur, & systoles. Subtilem vero materiem, per quam lumen diffunditur, constat esse prorsus elasticam; moleculæ videlicet quæ compulsiæ primo fuer, nisi regrederentur, donari impetu non possent novæ oscillationis. Veritas propterea lēditur, quum deesse phosphoris dicitur elasticitas; fluant enim, mollescant, vel obdurentur; partes obtinent ad compressionem idoneas, & ad restitutionem. Definitum scilicet alibi fuit, absolutas proprietates duritiem, & molliem non esse, sed relativas: cuique idcirco corpori accedere vis potest, cujus causa amittant ipsius particulæ, recipiantque locum priorem. Qui his fidem non adhibeat, lapidem in aquam oblique jaciāt, aut durum in marmor aliud immittat non ablimile, compcrietque ex corporum reditu, elastica esse omnia, siue fluida sint, siue sint solida. Igitur revocandus in oscillationes est corporum fulgor.

32. Quo lucis vibrationes evertant, rationem aliam petunt ab igne. Proſitentur nimirum, ab igne lumen non differre, cumque in particularum emissionē calor existat, idem statui jubent de luce. A rei examine abſtinemus, quam versaturi diligenter sumus in disputationibus de igne; dicimus hic tantum, eandem ignis, & lucis materiem fortassis esse, sed diversimode impulsam. Id plane satisfaci, ne cum lumine pugnet oscillatio.

#### PARAGR. V.

### *Disputatur de corporum opacitate.*

33. *LUMINIS* elucubrationem absolvere integrum non est, nisi *diaphanis* de corporibus agatur, & de *opacis*. *Diaphanum* a luce adeo trahitur, ut rerum trans illud positarum colores cernere sinat omnino. Nuncupari etiam *transparens* allolet, & *perlucidum*; hujusmodi vero sunt

sunt *aqua*, *vitrum*, *aer*, aliaque non pauca. *Opacum* vicissim luci adiutum negat, ut sitis ultra illud non patiatur conspici colores. Vocari quoque non refugit *caecum*, & *obscurum*; hujusque generis sunt *lapis*, *mercurius*, *atramentum*, & alia. Diaphanorum itaque corporum discrimen ab opacis pendet a luminis ingressu.

34. Antequam exquiratur causa, qua lumen corpora pervadit, recitandæ sunt tres observationes. *Primo* quæ diaphana sunt, si agitentur, vel atterantur, evadunt opaca. *Vitrum* enim, quod subtilissimum in pulverem comminuitur, fit obscurum; *aqua* vero, ubi paullo fortius luccutitur, spumam creat, quæ luminis est impervia. *Secundo* quæ opaca sunt, diaphana evadunt aliorum commixtione. *Charta* nimirum caeca est, sed transparet, si inungatur oleo, vel *aqua* madefiat; *merumque* licet obscurum sit, lucem admittit *aquæ* adjunctum. *Tertio* quum diaphanis diaphana apponuntur, fiunt opaca, & vicissim. *Laminae* quippe *vitreae* ubi aliis adjiciantur, lumen repellunt omnino; sique cubo *lapideæ* lamellæ auferantur, transparent universæ. Qui augere conversionum harum numerum velit, se conferat ad Chymicos.

35. His expositis sanciri quidpiam potest de origine opacitatis. *Præcipiendum* scilicet est, corpora esse diaphana quæ directos poros habent, opaca quæ obliquos; & sane quoque rationibus. *Prima* est, præter Epicurum ita sensisse Aristotelem; nisi autem rem evidenter attigisset, ad asylum se recepisset accidentis absoluti. *Causam* nimirum cum investigaret qua permeari a luce corpora queunt, & non a sono, *chrysellum* asseruit transodi (1), quia lumen recta fertur, porosque vitri reperit dispositos in lineam rectam. *Secunda* est, a corpore diaphano transitum luci permitti, vetarique ab opaco; ad illud autem accommodatius nihil est directione, vel obliquitate meatuum. *Quemadmodum* enim lux prætergreditur, ubi præsto sit semita, ita abigitur, repelliturque a sinuosis pororum anfractibus. *Tertia* est, si versentur, vel frangantur, fieri corpora opaca; quod progredi aliunde non potest quam a nova foraminum distributione. *Scobs* enim *vitrea* obscura est, quia anguli molecularum rectilineam interfecant seriem loculorum; atque vero *spuma* particulas excipit aereas, quæ illorum ordinem perturbant; *Quarta* est, quæ aliis admiscetur, acquirere transparentiam; ab alia autem dispositione forulorum amoveri dumtaxat potest opacitas. *Charta* propterea, quæ poros amplios, sed obliquos obtinet, viam *aquæ* parat rectos consecutæ; nec decernendum aliter de *vino* est, quod impertitur ab *aqua* meatuum rectitudine. *Quinta* est, insulcari laminas, si addantur, vel si adimantur, & elucere eadem prorsus de causa. Aliis enim inductæ pororum oscula, quæ hiabant, obducunt omnino; reductæ vero patere ea sinunt, dilabique lumen in recessus abditiores. A pororum itaque syntaxi prodit opacitas.

36. Po-

(1) Problem. I. c. 11. quæst. 2.

36. Pororum obliquitas, quæ ad opacitatem adhibetur, NEWTONO (1) non arduè, nec NolletO (2). Objectum *primum* duci ab experimento potest *vitrearum* trium laminarum; quarum una superficiem utramque asperam habeat, duæ vero asperam gerant alteram, & alteram expolitam: Adjungantur eo pacto, ut quæ aspera utrinque est, sit media; ceteræ vero expolitas superficies exterius præstant, & asperas interiorius. Ubi depictæ tabulæ objiciantur, omnem ad oculos pervenire prohibent colorem; transire autem patiuntur, si asperas inter superficies immittatur oleum *terebinthina*. Pori itaque laminarum ab oleo cum obstruantur, aliam ab eorum situ indicant esse causam opacitatis. *Secundum* est, dirimendam litem esse potius ex diversitate particularum; corpora enim quæ omogeneis, hoc est congeneribus moleculis faciuntur, sunt diaphana; opaca vero sunt quæ degeneribus constant, seu eterogeneis. Lucent nimirum, quum transire lumen non vident, & nigrescunt, quum frangunt, vel remittunt in partem aliam; sed reflexionum ratio, & excursuum posita in ipso est discrimine corpusculorum. Ubi consentaneis nempe compinguntur, lumen æqualiter deglutunt, & transmittunt sine mora; distorquent tamen, & lateribus allidunt, si dissidentaneis consentunt, imparique dissidentibus raritate. *Tertium* est, spectari omnes diaphani corporis partes, ut nulla oculorum aciem eludat; idque exploratum in aere præsertim fit, cujus punctum nullum est inconspicuum. Verum a pororum restitudine splendor sit procederet, non cernerentur portiones corporis universæ; hujus enim moleculæ, quæ poris interjacent, lumen regerent, evaderentque propterea vim reticularis. Adjici alia possent, sed sunt his infirmiora.

37. Momentis tamen quæ attulimus, melior non est triplex exceptio. *Prime* reponendum est, trium laminarum experimentum parum proficere; oleum enim *terebinthina* poros non obducit, sed oras apertas exhibet lineam rectam cum meatibus laminarum conficientes. Antequam scilicet superficiebus asperis oleum affundatur, interjicitur aer; qui cum alium a vitro textum afferat, dirumpit, reflectitque tabulæ colores, & impedit ne laminas trajiciant. Apposito autem oleo, cujus plexus consonat cum vitreo, lumen refrangitur, seu transgredi recta permittitur ad reticularem. *Secundæ* respondetur, molecularum discrepantiam inventum obliquitate pororum ineptius esse ad opacitatem. Corpora quippe igni adplicata, licet ad conformitatem summam redigantur, & secernantur ab aliis particulæ concretiores, pergunt tamen diaphana esse, vel opaca. Omnia autem similibus coalescant, vel dissimilibus moleculis, aliquem exhibent ordinem pororum; æquius vero est, admissionem luminis, vel repulsionem forulis adtribuere quam obscuræ, incertæque densitatum inæqualitati. *Tertiæ* reddendum est, nul-

(1) Optic. lib. 2. propos. 1. (2) Lest. 17. sect. 3. artic. 2. exper. 3. & seq.

nullam eernendam potius esse diaphani corporis partem; hoc tamen veritati non consentit, quia particularum aliquarum in conspectum veniunt, & aliquarum disparent omnino. Solares nimirum radii si vitro excipiantur, lucem in charta describunt umbellis insectam; hæ autem a pororum lateribus efficiuntur, qui lucem non hauriunt, sed remittunt filorum instar contextorum. Quod si lumen absque vitro inspectum umbram in charta non exhibeat, evincendum non est, nullam projici ab aere; oculo potius ea non innotescit, qui a vi luminis perstringitur, imparque redditur discrimini minutiore. Itaque nisi præstantiora excogitent, retinenda ad opacitatis causam est pororum distributio.

## C A P U T VII.

### *De luce directâ.*

1. QUÆ de lucis proprietatibus sumus ostensuri, incredibili complebunt animum voluptate. Ne omnia conscribam proposita perturbationem pariant, locus erit triplici disputationi; quarum prima directum luminis iter expediet, reflexum altera, & altera refractum. A lucis directione originem *Optice* duxit, a reflexione *Catoptrice*, & *Dioptrice* a refractione; opticos vero canones, quos hic tradimus, dividimus in sex partes. Prima aliquas proferat animadversiones; demonstrat secunda, visionum regulam non esse experientiam; tertia profligat opposita argumenta; explicat quarta visionem linearum; quinta superficierum; exponit sexta corporum visionem.

#### PARAGR. I.

### *Aliquæ proferuntur animadversiones.*

2. DIRECTÆ lucis explanatio a figura profluit capsulæ obscuræ. Esto nimirum theca  $ABCD^*$ , cujus foramini  $F$  in anteriore  $AD$  parte extanti apponatur lens vitrea, & parallela posteriori parti  $BC$ . Externo ab objecto  $GHL$  ad lentem  $F$  radii  $GF$ ,  $HF$ ,  $LF$  provenient, & ad capsulæ fundum  $BD$  per  $FM$ ,  $FO$ , &  $FN$  properantes describent imaginem  $mon$ . Lenti oculus bovis, vel hominis si sufficiatur, recentereductus, expressque sclerotice & choroidis, effigies eadem exhibebitur in retina. Cavendum tamen sedulo est, ne latus  $ss$  \*\* sagittæ adver-

\* Tab. II fig. 11. \*\* Tab. II fig. 12.



adversum extra focos  $x$  &  $t$  ponatur lentis  $RR$ ; ubi enim illos anteedat, vel consequatur, simulacrum designabitur obscure. Collocetur videlicet in  $x$  &  $t$ , ubi lineæ a punctis radiantibus  $P$  &  $Q$  progressæ, deductæque per lentem  $RQ$ , uniuntur omnino; quia in  $UU$  nondum coeunt, & post coitum in  $xt$  digrediuntur iterum in  $ss$ . Retina itaque, dum ex membranis, quæ speculorum instar illi subjiciuntur, sit opaca, parieti per similis est conclavis obscuri. Illi ideo typi inscribuntur rerum univrsarum.

3. Compertum hinc sit ad rectam imaginum descriptionem conferre omnino situm reticularis. Extra positionem vero quam natura sibi postulat, invenitur retina tripliei de causa; in humoris chryallini convexitate prima versatur, secunda in illius distantia a fundo oculi, tertia in luminis inrensione. Qui lentem valde convexam obtinent, vel distitam multum a reticulari, hi res minus positas confuse cernunt, & clare quæ obversantur eominus. Radios enim qui a remotiore objecto procurrunr, ostendetur, uniri iis citius qui abeunt a proximior; convexitatis ideo nimis, vel distantie gratia copulantur eitra retinam. Homines illi nuncupantur *myopes*; quod elaudere oculos significat, seu parum videre. Qui vero lentem minus convexam afferunt, vel retinæ iusto propiorem, quæ sunt procul, perturbare intuentur, & quæ prope sunt, cernunt distincte. Radii scilicet qui viciniore a corpore projiciuntur, adunantur iis tardius qui emittuntur a distantiore; planioris propterea convexitatis, vel distantie minoris causa coalescunt ultra retinam. *Presbyta* hi appellantur, hoc est senes, quibus vitia illa sunt familiaria. Quo luculentius constat, ubi statuatur reapse myopum retina, & presbytarum, adeundum est schema superius\*; priorum enim locus est in  $ss$ , & posteriorum in  $uu$ . Prætereunda demum non est luminis intensio; vividum enim interdum est, interdumque est infirmum, ut colorum omnium pereceptionem auferat retinæ. Pupilla ideo admirabili plane artificio contrahi potest, & laxari pro rei opportunitate; ubi nempe constringatur, exiguam admittit luminis copiam, insignem vero, si expandatur. Fibræ quæ iridem communiant, præsidio sunt ad rem illam, ut convexitatem lentis moderantur, & distantiam a reticulari.

4. Depingi rite nulla res potest, nisi omnia illius puncta congregiantur in loca totidem retinæ. Animadvertendum tamen est, inversam esse imaginum efformationem, ut quæ superius sunt, prostentur partes inferius, quæ vero ad dexteram protenduntur, pergant in sinistram. Qui lentem foramini appositam contempletur, ratum illud habebit experimento; rationem enim inveniet, quum radios exploret in humorem chryallinum impetum facientes. A punctis nimirum  $A$  &  $B$ \*\* sagittæ

Tom. III. Physicæ.

Gg

ACB

\* Tab. II fig. 12. \*\* Tab. II fig. 13.

A C B radii procedant, subeantque lentem E D; post refractionem autem abeant in retinam, ut illi insculpant iconem F G H. Punctum sane A, quod sagittæ cuspidem præferet, sistit in M, & in F punctum B indicans plumam; fieri tamen illud non potest, nisi spiculum invertatur, ut quæ in læva erant, ad dexteram veniant, & ad lævam quæ in dextera. Punctum vero C perpendiculariter incidens eorum non mutat, sed sine refractione progreditur in G.

5. Verum negligendæ ad visionem non sunt definitiones. Explicanda videlicet est linearum complurium natura; ex autem sunt *axis opticus*, *penicillus opticus*, *axis penicilli*, *axis communis*, & *horopter*. Linea est *axis opticus*, quæ per lentis, oculique centrum transit, & contendit, quin refrangatur, in retinam, ut huiusmodi sit C G\*. *Opticus penicillus* dicitur radiorum fasciculus, qui ab unico objecti puncto digrediuntur, & coeunt in retina; ita nominatur linearum congeries A E H D A, & B E F D B. *Axis penicilli recta* est, quæ a vertice ducta centrum pervadit basis fasciculi; eo nomine donatur radius A M, vel B M, qui in basim E D penicillorum eadit, & transgreditur centrum M. *Communis axis* linea nuncupatur, quæ ad rectos angulos, & in partes æquales dividit rectam oculorum centra copulantem, cuiusmodi est C D\*\*, a qua E F oculus conjungens secatur recte, & æqualiter. *Horopter* denique recta appellatur, quæ per punctum concursus axium penicillorum describitur, & parallela est lineæ oculos colliganti; eaque est A C B per tria puncta A, C, B traducta, ubi axes A L & A M, C I & C O, B H & B N conveniunt, & parallela rectæ E F. Qui sedulo hæc recolat, paratior erit ad impediores opticas præceptiones.

6. Eas a Barovvio (1), Gregorio (2), Newtono (3), Smitho (4), & Wolfio (5) depromtas antequam afferamus, differendum de visualium est causa iudiciorum. Per hæc sane tempora disputatur enixius, quod constitutum a natura principium fuerit ad magnitudinem agnoscendam, & distantiam rerum oculis objectarum. Tota fere antiquitas lineis munus illud concedidit, & angulis, quibus obsignari a radiis assolet reticularis; sentiunt tamen aliter non pauci, & contendunt, *experientia* tantum, & *usu* posse oculos de illis pronuntiare. Quid nobis probetur, edicimus, sed animo in sapientes viros morigero, & prono in veritatem.

P A.

\* Tab. II fig. 13. \*\* Tab. III fig. 1. (1) Lection. optic. (2) Optic. promot. (3) Optic. & Lection. optic. (4) Sytem. optic. (5) Optic.

## PARAGR. II.

*Demonstratur, visionum regulam non esse experientiam.*

7. DERIVANDA ab usu non sunt Optices præcepta.

RAT. I. Experientia omnis circa leges veritatur, quæ differunt penitus ab illa. In quodam videlicet sita habitus est, quo certis e principiis, universalibus, diuturnoque tempore confirmatis ratio invenitur regendi, temperandique hominum acta. Extra consuetudinem propterea, quæ de objectorum magnitudine judicatur, & de distantia, regulæ existunt; quæque in oculis plane degunt a radiorum extremitate in oculo confectis. Major scilicet, vel minor sagitta  $AB$  apparet, proximior vel remotior, quo latior est, vel contractior angulus  $AMB$  a penicillorum axibus  $AM$  &  $BM$  genitus in lente  $EMD$ . Alter enim  $FMK$  ad verticem oppositus, cum æqualis ei sit, admoveat extrema  $F$  &  $H$ , removeatque in reticulari, ut longiorem pariat imaginem  $F'G'H$ , vel brevior. Igitur discretionum virtualium causa non est habitudo.

8. RAT. II. Experimenta ostendunt percipi ex angulis affectiones objectorum. (I). Hominum videlicet oculus, vel animantium, scleroticæ expolietur, atque choroide; ubi vero percommodum illud non sit, adhibeatur oculus vitreus. Variis in distantis, puta 1, 2, 3, 4, & 5, objectum collocetur, illustreturque probe, quo radios emitat vividos, & copiosos. Si post oculum lumen in charta colligatur, effigiei, quæ in reticulari pingitur, longitudo distantis respondebit inverse, ut pro locis 1, 2, 3, 4, & 5, sit 1,  $\frac{1}{2}$ ,  $\frac{1}{3}$ ,  $\frac{1}{4}$ , &  $\frac{1}{5}$ . Induci ad rem nihil præclarior potest, & conficiendus; natura enim, ubi angulis non uteretur, sed aliud sibi quæreret adjumentum, eos retinæ insculperet nequidquam. Igitur præter angulos nulla est via expediendi visuum discrimina.

9. RAT. III. Usus, qui oculis opitularetur, pertinet ad sensus alios. Ex his nimirum, quæ manibus, vel aliter percipiuntur, præsto esse dicuntur observationes ad oculorum disciplinam opportuna. Tactus tamen, & gustus, utiles esse nequeunt visioni; nec quidpiam ad illius iudicia contentaneum in auditu extat, & in odoratu. Facultates videlicet quæ de saporibus, & de duritie corporum decernunt, feruntur in rem sibi conjunctam; visus autem a diffitis tantum afficitur, ut propiora, libique inducta, nesciat omnino. Corporis magnitudinem, a

Gg 2.

quo

\* Tab. II fig. 13. (1) Vid. Le. Cat. tract. de sensib. pag. 234. & seq.

quo vapor egreditur, nares ignorant, & obscure noscunt distantiam, sonum vero aures tantum perferiunt, cujus intusio affinis nullatenus est longitudini, & latitudini corporum oculis propositorum. Igitur ad phenomena visus, mos non postulatur, & habitudo.

10. RAT. IV. In ferenda de objectorum dimensionibus sententia dissident oculi omnino. Pro pupillæ convexitate, vel densitate humorum, quæ parva cupiam sunt, alteri sunt magna; vitraque adhibentur propterea, quibus remedium afferatur visuum inæqualitati. Enimvero homini eidem corpora hyeme, & nive præsertim decidente, exiliora videntur quam æstate, a frigore enim oculus contrahitur, ut minorem subeant radii divaricationem. Immo tempestate penitus eadem facula temere visa, creditur amplior esse ac si spectetur attente; pupilla namque, dum diligenter insenditur, contrahitur, locumque parat imagini arctiori. Præscriptio tamen ab experientia ubi esset, & non ab angustis, nihil horum contingeret; summa quippe intuitionum foret consonantia, nec incommodis occurrerent perspicilla. Quovis nimirum pacto lumen oculis irrueret, & reticularem percelleret, a periclitationum numero proximitas objectorum eadem doceretur, & eadem amplitudo. Igitur capiendæ adspectuum differentię non sunt ab institutione.

11. RAT. V. Visuum determinaciones opponuntur potius tentamini, & consuetudini. Solis videlicet diametrum oculus ullo absque examine putat esse pedis unius, montisque procul extantis ab altitudine æquari sine hæsitacione affirmat brutum, vel plantam. Erroris tamen redarguitur, & emendatur ab habitu; admonetur enim, fidendum phenomenon corporum non esse, quæ dum removenentur, extensionem tantum opticam amittunt, non naturalem. Ex oppositione vero, quæ dissentiunt, compertum evidenter fit, nullum de rebus iudicium profuere ab experientia, hanc vero certas sibi præmittere angulorum leges, quas prudenter temperet, opportunasque efficiat vitæ, & artium incommutati. Igitur non componuntur optica diffidia dumtaxat ex animadversione.

#### PARAGR. III.

### *Profligantur opposita argumenta.*

12. AD luminis symptomata nihil conferre nonnulli existimant radiorum vestigia.

ARG. I. Inficiendum non est, peragi visiones una cum angulis opticis. Circumstantiæ tamen, seu adjuncta, sunt, non causæ iudiciorum; hæc namque a periculis tantum prodeunt, quæ sunt diligenter, & diu. Innumeræ scilicet extant idæ invicem conjunctæ, quarum ex altera evincitur altera omnino; ex colore enim rubro, vel pallente, quo vultus inficitur, ira concuti hominem; conjicitur, vel timore. Ut faciei-

nem-

nempe conformatio cognitionem pathematum non parit, sed comitatur, ita distantiam corporum, & magnitudinem in reticulari non gignit, sed prosequitur quantitas angulorum. Igitur rerum visarum discrepantiam docet experientia.

13. RESP. Ad usum angulis anteciferendum argumentari ita consuevisse Voltaireum (1), & Algarottium (2). Virorum tamen præstantium sine contemptu inepte concluditur, angulos, & mensurarum ideas copulari fortuito, nec causæ instar, & effectus adnecti. Dimissa scilicet origine, quam a radiis plus minusve diductis traherent perceptiones, nihil suppetere quo colligarentur illæ, in pueris præsertim, & in animantibus ad rerum dissimilium unionem imparibus. Anguli videlicet ubi nihil efficerent, sed imagini se tantum adjungerent, ambigeretur, quæ esset illa potissimum; experientia enim nexum ante se admittit, eoque subinde utitur ad intuitiones. Ex vultu propterea, partiumque ceterarum apparatu dignoscuntur animi motus; quia rubedo ab ætæ in motum sanguine procreatur, adeoque conjungitur iræ; observatio autem illud non præterit, sed retinet, ut aliud eruat ex alio. Verum nulla cognationis, seu vinculi radix ubi esset, nutabit penitus, collabereturque omnis consecutio; angulus quippe perexiguo adsociari superficies objecti poterit 1000 hexapedarum. Quod si vera interdum extensio attingeretur, forte obveniret, & inconsulto; ex certo autem, & indubio magnitudinum sensu, quem passim experimur, ratum fit locum casui hic non esse, & divinationi. Igitur ex radiorum divergentia varietas aperitur rerum oculis propositarum.

14. ARG. II. Inepri radii sunt ad distantiam indicandam, & magnitudinem objectorum. Quod ad distantiam pertinet, repeteretur ea unico ab axe, hic tamen cum punctum unicum reticulari exhibeat, enuntiare nequit, an longus, vel brevis sit, distetque propterea ovis multum, vel parum. Ad magnitudinem quod spectat, progredieretur illa, ad duorum axium divaricatione; huic vero non respondere, probat ovis, quæ ad duos passus visa duplo major semetipsa non est conspecta ad passus quatuor. Radiis propterea sufficiens mos est, qui ubi erem visio-num seriem cum collegerit, conferat invicem, & ex illarum ingenio germanum corporum volumen statuatur, & locum. Igitur omnis oculorum definitio exemplo debetur, & habitudini.

15. RESP. Utilitatem experientie in suspensionem non vocari, sed necessitatem. Concedimus quidem, innumera esse bona quibus cumulat visus a consuetudine; negamus tamen esse illius solum, ut deficiente usu omnis intercidat adspectuum determinatio. Exponere ideo non detrectamus, quo ab angulis pacto figura corporum obrineatur, & fixus; sique nova non depromimus, in veritatem tamen contendi-

mus,

---

(1) Elem. phil. Newt. part. 2, cap. 5. (2) Newton. dial. 3, pag. 107. & seq.

mus, & in pēplicitatē. Distantiarum sensio explicari ex radiis non potest, nisi punctum radians, animadvertatur, aliqua in linea esse, seu radio, & in aliquo illius puncto. Quo rectam inveniat, executioni mandat oculus. necesse est collatam sibi a natura facultatem; punctum nempe lucidum referat ad eam partem a qua radius progreditur. Rectæ vero longitudinem, seu locum, ubi punctum degit reperit ex vi luminis; sanctum quippe fuit, infirmiore esse lucem, quo est ab oculo remotior. In hunc sane modum distantia rerumprehenditur, quæ eodem redit ac radius definitus; a rudi tamen lentis forma, vel ab inæqualitate humorum provenit sæpe numero obscuritas perceptionum. Magnitudinem vero detegi linearum duarum convergentium præsidio intelliget qui a punctorum objecti extremorum axibus confici reminiscatur angulum ad lentem. Illius a rudi tamen major, minorve est simulacri in retina descripti, & propterea corporis, extensio; angulum vero sequi reciproce rationem distantiarum, constans pariter est, ut ad duplam subduplus sit, subtriplus ad triplam. Ratio tamen hæc ita servatur, ut qui duplus esse deberet, deficiat nonnihil demonstrationum autem, quas ad rem explanandam Le Car accipit a Geometria (1), unicam seligimus. Duplus scilicet alterius esse angulus non potest, nisi eodem in circulo uterque insilat eidem arcui; subdupli quidem vertex ad peripheriam extet, & apex dupli ad centrum. Angulorum tamen, quibus oculus obsignatur, ea non est positio; duplus namque alium sibi arcum vendicat a subduplo, ut ob imaginum inæqualitatem productior illi respondeat, huic angustior. Hoc, quod vitiiis aliis adjicitur, est in causa cur rigide, & exquisitè non pareant visiones legibus radiorum, ovisque in loco bis remoto positæ dimidia non sit altitudo. Sed præcipiendum inde non est, angulos superfluere, consulendamque tantum esse experientiam; hæc enim maximam, & pernecessariam, nisi agnosceret, quomodo ad observandum primo se comparat, angulorum, & judiciorum affinitatem, conticesceret omnino. Planum sit porius, disci ab ea regulas quibus oculum ad congruas objectorum discretionem expediat; quod quidem liberaliter præstat comparandi dexteritate, & celeritate judicandi. Quod ad comparationem autem, mira est pericia, qua oculum redarguit de præcoci circa volumina, & situs enuntiatione. Ne multa congerantur, memorandæ hallucinationes dumtaxat sunt tabellarum depictarum; ex umbris enim, a quibus lux eripitur, & ex angulorum parvitate, appropinquare quæ distant, videntur, & quæ sunt magna, extenuari. Corporum tamen solidorum formam, quam sæpe numero, & accurate exploravit, confert cum simulata, & monet proficisci ludum a peculiari perceptionum verarum rebus fictis adplicatione. Ad visuum promptitudinem.

(1) Traët. de sensib. pag. 217, & seq.

dinem quod spectat, incredibilis quoque profectus est, quo animam impertit ars experiundi; imagines quippe subdendæ circino ubi essent; semel vel iterum reticularis tantum cerneret per diem. Compertum illud est in ea quæ puerulis extemplo injungitur, lectione; ex diuturna scilicet litteras ab aliis secernendi consuetudine evolvunt tempore brevi adfectus ferme infinitos. Nec pernici illa opicorum canonum exercitatione carent animantia; lepus enim venatorem procul extantem subito noscit, & passerulus accipitrem. Quæ diserte significant, institutam a natura sapienter fuisse experientiam; modo hæc leges non conderet petitas ab arbitrio, sed obtemperaret rogatis, easque in viventium commodum traduceret. Igitur adjudicandæ habitui soli non sunt sensationes oculorum.

16. ARG. III. Duplex in oculis cuditur objecti effigies. Utrique enim oculo ab universis superficiei punctis radii cum adveniant, duo imprimantur necesse est schemata, vel signa. Unicum tamen corpus adpiscitur, eademque, ac si cerneret oculus unus, sensatio fit, sed nonnihil obscurior. Pronum hinc est, tribuendos visus angulis non esse, sed habitui; ex illis enim duplici pro imagine res duplex indicaretur, nisi præciperent sensus alii esse unam. Tactus videlicet, cui incomperta esse non potest substantiarum unitas solidarum, eas jubet quæ bifariam oculos afficiunt, reapse non duplicari. Igitur videndi facultas obsequitur practicæ institutioni.

17. RES. Multa esse quæ ab acutis viris regeruntur hanc in exceptionem. Existimant nonnulli, visiones peragi unico ab oculo; inter eadem enim in scopum alter collinear, otiatur alter, & vicissim. Qui tamen ita sentiunt, oportet quidem sint monoculi: evidens namque est oculum utramque una allaborare, nec conquirere alterutrum, nisi ex condito. Putant alii, nervos opticos qui oculis insiguntur, coire demum in cerebro, & unicum fieri; radiorum idcirco pulsus; licet retinæ duplici conferantur, conveniunt denique, unamque pariunt perceptionem. Verum illud despiciunt qui non procedere recta nervos observant, sed ante unionem incurvari; quo contingeret perturbari motiones, & diffrangi, ut plures res potius exhiberentur quam unica. Consultius itaque est phænomeni causam a concursu derivare axium \* 1C & OC, 1A & MA, HB & NB. Ex sane lineæ 1C & OC, quæ axes optici sunt, seorsim sumptæ determinant distantiam puncti lucidi C; ubi propterea se intersecant, loco uni illud statuunt, renuntiantque esse unicum; idemque ad A & B præstant penicillorum axes 1A & MA, HB & NB. Ennodatio non improbabitur, si recolatur modus quo visuales lineæ distantiam definiunt; hunc vero in quantitate luminis collocavimus a puncto radiante inæqualiter decurrentis.

Qui

\* Tab. III. fig. 1.

Qui scilicet vage decernunt, unitatem objecti ab axium coitu proficisci, loquuntur perobscure; sublatis enim distantis, quas divisim afferunt, nihil continent ad loci determinationem, & proinde unitatis opportunum. Res unica etiam apprehenditur, licet adhibeatur oculus unus; fit idcirco, implicitatem a distantiarum cognitione egredi, ut hæc antecedit axium coitionem. Veritati hæc esse consentanea liquet a consilio quo corpus in duo quis facile disperit; digito enim oculorum alterum si distorqueat, cernere sibi videbitur substantias duas. Eo pacto quom oculus distrahitur, axes optici  $GI$  &  $CO$  a puncto  $C$  non proveniunt, nec radii alii a punctis  $A$  &  $B$ ; unico nec in horoptere  $ACB$  illa versantur, unde efficiant unicam sagittam. E puncto quidem  $B$  \* in oculum rectum  $O$  descendit axis opticus  $BN$ , & e punctis  $A$  &  $C$  axes  $AL$  &  $CG$ ; in osculum tamen obliquum  $R$  perinde cadunt, ac si a punctis  $D$ ,  $F$ , &  $E$  deducerentur axes  $DP$ ,  $FN$ , &  $EM$ . Puncta idcirco  $A$ ,  $B$ ,  $C$ , &  $D$ ,  $F$ ,  $E$ , cum ex inæquali refractione ad loca diversa referantur, sunt in duplici horoptere; imaginesque  $GHL$ , &  $MNP$  describunt, quasi procederent duplici a sagitta. Reponi quidem affolet, a luscis hominibus, quorum oculi, dum intuentur, axem communem non habent, spectari unicum objectum, adeoque rerum visarum unitatem non furripi a diversitate horopterum. Qui rem tamen explorarunt, uti illos profitentur oculo uno (1); eo videlicet, qui ex axis per centrum transeuntis dimotione vitium non admittit, vel ex imperfecta humorum refractione. Quod si gemino oculo, ut alii volunt, adspiciant, ambigendum non erit, aliam eis patere usu & habitudine viam, qua obliquitati medeantur, radiosque a punctis singulis prodeuntes sistant, & redigant ad axes congruos. Ceterum visionum regulam esse tactum præscriptio est lepore omni lepidior; ex oculorum enim distractione quom objectum geminatur, nescimus quid manus conferant, vel pedes. Tactus præterea destinandus sensus alius esset, cujus opera corporum duritiem perciperet, & unitatem; sique a natura vim illam obtineat, nihil suppetit quo deneganda sit visui. Igitur præcipua opticarum legum magistra non est experientia.

18. ARG. IV. Pinguntur objecta in reticulari situ prorsus inverso. Corporum nimirum partes quæ ad lævam sunt, in figura extant ad dexteram, & quæ superiore in loco ab icone exhibentur, reapse occupant inferiorem. Restitui autem sedibus suis puncta non possunt ex divergentia radiorum; hi quippe offerrent inversa, utrinque enim retinam æqualiter cum percellerent, patescere non possent quod deorsum, non sursum, quodque dextrorsum esset, non sinistrorsum. Revocandæ propterea idæ positionum sunt ad experientiam; quæ cum animadver-

terit, .

\* Tab. III. fig. 2.

(1) Vid. Le Cat tract. de sens. pag. 219. & seq.



terit, punctum certa ratione retinam afficiens hic esse, non alibi, adiutum parit iudiciis. Igitur sublata consuetudine intererunt discrimina visionum.

19. RESP. Veram situm distributionem ab angulis primum revelari, deinde ab experientia. Rádiorum videlicet impulsiones locum designant, ubi singulæ existunt corporis partes; an vero supernæ vel infernæ sint, dexteræ vel sinistræ, comparatione constat, & habitu. Ex vi sane, qua punctum  $H$  ab anima remittitur ad extremum radii  $HA$  \* imaginem exculpentis, innotescit locus  $A$ , aliisque  $B$  determinatur ex directione puncti  $F$  in  $B$ . Radii propterea ad oculi lentem se dividentes dicuntur circino, quo figuræ attenuantur, esse persimiles; breviora enim crura, quæ typum describunt, distenduntur ea proportionem qua objectum complectuntur crura longiora. Nec rem legnius expediunt qui penicillorum axes duobus baculis assimilant in crucis modum compolitis; hos namque manibus si arripas, ocellisque oculis rebus obversantibus admoveas, loca perferentis singularum. Tantum proinde abest, ab effigierum inversione situs percurbari, ut id fieret ex illarum potius rectitudine; ad lentem enim radii  $AM$  &  $BM$  cum invertantur, & veniant in  $F$  & in  $H$ , convertendi denuo ex nisu reticularis sunt, repellendique in  $A$  & in  $B$ . Verum sita inferius, vel superius esse ea loca, ad lævam extare, vel ad dexteram, a multis rerum collationibus pender, quæ percipi nonnisi possunt usu & periclitatione. Altum videlicet quidpiam esse non valet, nisi comparetur cum imo; nec ad orientalem plagam illud inducitur, quin relatio subeat plagæ occidentalis. In historiis quantum auctoritas potest, tantum in rebus hisce valet experientia; ab exemplo quippe regulæ sagacissimæ dimanant, quibus oculorum fraudi prospiciatur, & deceptioni. An ad emendandas certas indubiasque de locis corporum perceptiones mos proferat, patet ex pruna, quæ si velocissime agitetur, obijcit vitæam igneam. Infirmandum non est, momentis singulis spectari ignem eo in puncto ubi est reapse; cum vis tamen primo collata ex celeritate motus nondum disperierit, perinde est ac si in reticulari describatur fascia continua. Experimenti vero est de fuco animam commonere, fontemque aperire hallucinationis; ex præscriptionibus enim quas usus edocuit, ubi pruna paullo lentius promoveatur, invicem succedent impressiones, locusque igni unicus designabitur. Igitur visum non edit, sed adjuvat habitudo.

20. ARG. V. Chelfdenii post observationes (1) absolum est, visum angulis adjudicare. Is videlicet, cum a pueri tredecim annorum oculo cataractam, quam a nativitate tulerat, demississet, nullam compertit

Tom. III. Physic.

H h

rerum

\* Tab. II. fig. 13.

(1) Transact. philosoph. ab ann. 1720. ad ann. 1730.

rerum adspēctarum ab eo percipi discrepantiam. Arbitrabatur scilicet, domui digitum esse æqualem; omnia, aiebat, oculis ineurrere; quæ angulosa erant, & aspera, rebatur demum esse complanata. Tabulas præterea pictas solidis cum corporibus permiscebat, & selem, quem, dum cœcitate tenebatur, in deliciis habuerat, dignoscebat tantum ex contactu. Menses vero post multos de rebus cœpit rite pronuntiare; ad singulas enim manum cum adduxisset, & qui aderant, anxie interrogasset, nactus habitum fuit ad ferendam sententiam idoneum. Igitur adspēctuum canones statuuntur ab experientia.

21. *RESP.* Judicis diuioni ereptam litem non fuisse a Chesheldenio. Quæ sedulo animadvertit, extollunt quidem habitudinis utilitatem; pulsus tamen angulis eam non edicunt dominam esse oculorum. Multa memorari de puero luci restituto assolent, quæ incomperta olim cum essent, sollicitam habuere expectationem Philosophorum; sed ex his perspicue constat, angulorum legibus suas experientiam superstruxisse. Pollicem prius, dicitur, ille suum domui exæquasse; id ulro concedimus, nec differre opinamur a ceterorum, qui optime vident, hominum fato. Ubi ante ædes vel maximas digitus proponatur, aut removeantur illæ omnino procul, operiantur necesse est, vel minimè evadant ex anguli distantiam definientis parvitate. Appropinquare deinde cuncta ei videbantur, ut irruerent ferme oculorum superficiei; ratione tamen aliqua discernebat, ne confudisse credatur arborem cum turri. Quodvis autem discrimen vel levissimum innotesceret, revocandum erat in angulos; nondum enim usus accesserat, qui certiore eum faceret de corporum dissimilitudine. Glabra etiam quæ erant, asseritur, fuisse illi expolita; fieri tamen hoc non poterat, quin offerretur visui æqua planities. Lineis parallelis confici illam ratum est eodem in plano deductis; a singulis vero harum punctis anguli excudi poterant in reticulari. Figuras præterea quas in tabulis conspiciabatur, putabat esse corpora extantia; distantiz idcirco objectabantur ex umbrarum distributione, quas a veris non distingueret. Illud autem probat, oculos vel æuticres decipi a falso rerum conspectu, atque experientiam superesse ad errorum emendationem. Selem postremo cognitum asseverant ab eo non fuisse nisi post tactum; inexploratum tamen colorem homini cæco esse non admirabitur qui ad cerebrum delabi eum noverit per oculos. Qui rem conspiciat antea invisam, se vidisse non meminit, tamen si spectaverit alias sexcentas; seliculi hinc sui non recordabatur puer, nisi ex figuræ idea, quam imaginationi manus restituerat. Quod si post eductam alio ab oculo cæcitatam, mensibusque pluribus exactis, omnia scite doctèque dijudicabat, tribuendum habitudini erat, qua serio diligenterque exploraverat iussa naturæ. Ubi parem videlicet affectus ceteris cum hominibus conditionem fuerat, eodem res convertebatur, ac si usus oculis esset ab ætate prima; fruendumque propterea illi erat commodis quæ substantiis vitæ præditis ars & usus adseverat.

Igi-

Igitur objectorum imagines, quæ ab angulis delineantur, perficiuntur potius ab experientia.

## PARAGR. IV.

*Explicatur visio linearum.*

22. AD referendos *linearum* aspectus recolenda præceptio est superioris indicata. Ut corporum videlicet locum reticularis discernat, instruitur facultate, qua punctum radians eam in partem coniecit, unde provenit impulsio. Linearum, quas oculus intuetur, aliquæ nullam exhibent opticam longitudinem; huiusmodi vero sunt radii, qui unum reticularis punctum eum attingant, imaginem efformare nequeunt extensam. Indicari ab his constat ipsas objectorum remotiones; a puncto enim unico longitudo linearum cum ocellatur, determinari distantias sancitum fuit ex luminis inæqualitate. Aliæ autem linearum optica donantur longitudine; extrema enim illarum puncta in situ reperiuntur oculis obverso, aeceduntque invicem, & recedunt pro ratione quam habent ad reticularem; quarum in censum veniunt quoque corporum latitudines. Linearum præterea aliquæ sunt curvæ; a retina tamen valde si distent, inflexionem omnem abijciunt, obtinentque opticam rectitudinem. Semieirculus eapropter  $BGLNF^*$ , ubi ab oculo  $A$  distitus sit, confunditur cum diametro  $BLF$ ; puncta enim  $G, H, L, M, N$  in loca  $B, C, D, E, F$  remittuntur, ut conficere videantur lineam rectam. Ob excessum nempe linearum  $AG, AH, AL, AM, \& AN$  supra  $GB, HC, LD, ME, \& NF$  hæc penitus disparent, & puncta curvæ  $BLF$  ad puncta transferuntur linearum  $BDF$ . In curvis tamen oculo proximioribus res aliter contingit, quia insensibiles non evadunt differentiarum.

23. Optica linearum longitudo ab opticorum dependet inæqualitate angulorum. Longiores nimirum esse creduntur, quo majori sub angulo conspiciuntur, breviores quæ sub minori. Virga sane  $ABCD^{**}$  in oculi fundo designat imaginem  $EFGH$ ; & a penicillorum axibus  $AN, BC, CF, \& DE$  quatuor anguli efficiuntur, nempe  $AOD, BOC, EOH, \& FOG$ . Porro angulus  $EOH$  angulo  $AOD$  æqualis est, & angulus  $FOG$  angulo  $BOC$ ; ad verticem enim cum opponantur, æquantur penitus apud Geometras. Angulus vero  $EOH$ , qui major est angulo  $FOG$  efficitur ut angulus pariter  $AOD$  angulo  $BOC$  sit major; proptereaque recta  $AD$ , quæ illum subtendit, longior videbitur recta  $BC$ . Linearum quidem  $AD$  &  $BC$  optica non modo longitudine hic differunt, verum

H h 2

etiam

\* Tab. III fig. 3. \*\* Tab. III fig. 4.

etiam naturali; occurrere tamen alia possunt, quæ inæquali sub angulo cernantur, opticeque tantum differant, non naturaliter. Illud ufovenit, ubi lineæ quæ eandem a natura proceritatem obtinent, diversimode inclinantur, vel ab oculo distant inæqualiter. Virgæ scilicet \*  $UQ$ ,  $UR$ ,  $US$ ,  $UT$ , quæ longitudine vera non diffident, discriminantur optica; horizontalis enim  $UT$  unicum punctum exhibet, ceteræque eo majores apparent, quo appropinquant perpendiculari  $UQ$ . Ab angulorum diversitate progredi causam liquet harum visionum; quæ namque penitus prosternitur, nullum efficit angulum; alia vero angulos  $UPS$ ,  $UPR$ , &  $UPQ$  efformant, quorum maximus est  $UPQ$ . Quod si varias ad distantias lineæ statuatur, dissonabunt etiam conspectus illarum; eaque de causa oculus qui duas collocetur inter lineas, accedere invicem illas profitebitur. Existente nimirum oculo in  $A$  \*\* duas inter parallellas  $BE$  &  $FL$ , anguli optici  $BAF$ ,  $CAG$ ,  $DAH$ , &  $EAL$  decrescunt perpetuo; minores idcirco evadant rectæ  $BF$ ,  $CG$ ,  $DH$ , &  $EL$  oportet, punctaque illarum extrema  $C$  &  $G$ ,  $D$  &  $H$  fiant invicem proximiora. Ubi itaque linea  $EL$  ab  $A$  maxime distet, concurrent  $BE$  &  $FL$ .

24. Quod inæquales præstant, obeunt munus ei oppositum anguli æquales. Ubi videlicet lineæ quibus diversa inest reapse longitudo, æquali sub angulo spectentur, censentur æquales. Obvenire tamen illud non potest, nisi distent ab oculo inæqualiter, uniusque distantia ad distantiam alterius sit ut longitudo ad longitudinem. Trianguli sane  $ABC$  &  $DEF$  \*\*\* tem demonstrant, quorum anguli  $C$  &  $F$ , utpote recti, sunt æquales; per hypothesim vero æquantur  $A$  &  $D$ ; & reliqui  $B$  &  $E$  æquales sunt, quo compleant duos rectos. Sed præcipit Geometria, proportionalia esse triangulorum latera, quorum anguli non sunt inæquales; proindeque longitudo  $BC$  ad longitudinem  $EF$  se habet ut distantia  $AC$  ad distantiam  $DF$ . Ex angulorum tamen  $A$  &  $D$  æqualitate sunt sagittæ optice æquales; in reticulari enim simulacra subinde sculpunt, ac si longæ æque essent, otulumque percellerent sub positione  $GL$  &  $MN$ . Puncta scilicet, quæ typorum longitudinem definiunt, longitudini radiorum  $AB$  &  $DE$  non obsequuntur, sed eorum divaricationi; hæc autem cum æqualis utrinque sit, determinatur rite ab æqualibus sagittis  $GL$  &  $MN$ . Discrimina itaque linearum omnia proficiscuntur ab angulis.

25. Existimandum tamen non est suppeditari ab angulis fictam, veram autem surripi longitudinem linearum. Extant sane nonnullæ, eæque optimæ, præscriptiones, quibus ex concursu visualium linearum germana turrium altitudo comperitur, & montium. Lieet angulus, & optica consequenter altitudo minuatur, quo fit oculus remotior, potest tamen

\* Tab. III. fig. 5. \*\* Tab. III fig. 6. \*\*\* Tab. III. fig. 7. & 7c.

tamen vera explorari *quadrati geometrici* præsidio. Is quadrata tabula  $ABCD$  est \*, dioptris  $F$  &  $K$  ad latus  $AB$  instructa, distincta partibus 100. utroque in latere  $AD$  &  $DE$ , atque pendulo  $BE$  circa punctum  $B$  mobili exornata. Ubi in  $A$  oculus constituitur, collineetque per dioptrarum foramina in verticem lineæ ex partibus, quæ a filo  $BE$  interceptiuntur, eruitur accurate illius longitudo. Exploranda videlicet sit \*\* altitudo  $HO$  ad distantiam  $HO$ ; oculus vero in  $O$  versetur & quadrati ope conspicietur apicem  $G$ . Triangula  $GHO$  &  $MNF$  sunt prorsus similia; angulus enim  $G$  æqualis est angulo  $M$ , quia est uterque ad parallelas  $GH$  &  $MF$ . Angulus  $H$  angulo  $N$  æquatur ob rectitudinem; qui vero superest angulus  $O$  æqualis est angulo  $F$  ex indole triangulorum. Ut pars propterea lateris  $NF$  a filo decisa ad totum quadrati latus  $NM$ , ita se habet oculi distantia  $HO$  ad altitudinem  $HO$ ; sique partes  $NF$  sint 60, & distantia  $HO$  conficiat pedes 150, prodibit proportio 60: 100 = 150 :  $\frac{150 \cdot 100}{60} = \frac{15000}{60} = 250$ . Pedum eapropter 250. est altitudo  $HO$ .

26. Ad uberiorem denique linearum explanationem determinanda est quantitas anguli. Decernendum scilicet est, longitudine optica lineas destitui, & esse puncto perfimiles, ubi adsipiantur sub angulo insensibili. Si radii qui a lineæ extremis veniunt, angulum omnino exiguum in oculi lente efficiant, minimus quoque erit alter ad verticem ei oppositus, & spectans in reticularem. Axes propterea penicillorum divergentiam adeo tenuem retinæ afferunt, ut haberi possint pro unico; nullaque subinde imago quæ amplitudinem habeat, inscribitur, sed prodit unicum punctum. Contingere autem illud potest lineæ maximam quoque longitudinem affecutæ; ubi enim chrysellino ab humore diffusa adeo sit, ut angulum vix sensibilem edat, fit optice indivisibilis. Quæri sane solet, quam ad exiguitatem redigendus angulus sit, ne reticularem extimulet; Wolfiusque ex tangentium regulis demonstrat (1), eo pervenire angulum minuti secundi. Arbitramur tamen, iussiones hæc rogandas non esse generatim; pro varia enim oculorum complexione obscuræ, vel perspicuæ lineæ evadunt, magnæ vel parvæ. Naturæ sane vires nemo libris imposuit, quo subdere eas valuerit supputationi.

## PARAGR. V.

*Visu aperitur superficierum.*

27. SUPERFICIERUM spectacula reguntur a visu linearum. Duabus sane rectis superficies quæque concluditur, quarum alia longitudo est, alia lati-

\* Tab. III. fig. 8. \*\* Tab. III. fig. 9. (1) Optic. num. 215.

latitudo; ex angulis propterea explicandæ eæ sunt, ut præstium fuit in lineis. Amplior nimirum superficies est, vel angustior, quo major, vel minor est, angulus opticus; planities quippe per foramen conspecta patentior est quo est oculo proximior. Oculus scilicet \* positus in o aream  $A E F D$  per forum  $H K$  si conspicitur, latitudinem cernit  $B C$ ; ubi autem admoveatur, collocteturque in  $L$ , videt spatium longius  $A D$ . In causa potissimum adspæctus hujusce est discrimen angulorum; angulus namque  $A L D$  latior est angulo  $B O C$ . Quod si foraminis loco impedimentum apponatur, grandior videbitur extensio, quo sit oculus remotior. Constituto nempe \*\* oculo in  $s$  occultantur partes  $A D$  areæ  $A E F D$ ; ubi vera in  $o$  repellatur, inconspicua tantum portio  $B C$  superest, spectanturque duæ  $A B$  &  $C D$ . Angulus nimirum  $A S D$  diductior est angulo  $B O C$ ; cumque illorum quantitatis visus obtemperet, contractior sub priore erit, expansior sub posteriore. Quod de planities latitudine statuitur, convenit in longitudinem.

28. Magnitudinem non modo superficies ex angulis mutant, verum etiam figuram. Quæ videlicet forma donantur regulari, eam amittunt inæqualibus sub angulis visæ; quadratum enim evadit rectangulum oblongum, & circulus fit ellipsis. A quadrati \*\*\* punctis  $A, B, C,$  &  $D$  si radii deferantur ad oculum  $E$ , qui in plano diametri  $A C$  existat, diameter  $B D$  productior erit alio  $A C$ . Angulum  $A E B$  constat lucrescere, quo demittitur magis, oculus  $E$ ; minuatur ideo necesse est angulus  $A E C$ , ne in triangulo excedant anguli summam duorum rectorum. Altera vero ex parte non deerecit, sed idem esse perseverat angulus  $B E D$ ; oculus enim eodem in plano cum moveatur, non recedit, nec accedit punctis  $B$  &  $D$ . Extenuatur propterea alio immoto diameter  $A C$ , qui minorem subtendit angulum  $A E C$ ; quod obtineri nullatenus potest, nisi sublata quadrati figura adveniat rectangulum  $R S T V$ . Compertum eodem pacto fit abire optice \*\*\* circulum  $G H M N$  in formam ellipticam  $G P M Q$ ; diameter enim  $H N$  ex angulis in  $o$  consæctis, & inæqualibus, brevior est diametro  $G M$ ; quod præcipuum est munus ellipso. Nec errabit qui demonstratione eadem utatur ad omnia polygonæ.

29. Præter figuram abijciunt ex angulis superficies etiam contextum. Eæ quidem asperæ si sint, & poris interruptæ, in conspectum ubi veniunt, læves esse creduntur, continuæque ex materia conflatæ. Pereommode id exponunt quibus inexplorati non sunt ludi visionum, eminentiæ namque molecularum insensibilium, & pororum diametri minimos angulos pariunt, qui inepti omnino sunt excitandæ reticulari. Aliæ præterea superficies in plana multa eum sint inclinatæ, angularia corpora vestiunt, nempe polyedra; oculo tamen a quo parum non distent, sphæ-

\* Tab. III fig. 10. \*\* Tab. III fig. 11. \*\*\* Tab. III fig. 12. § Tab. IV fig. 1.

sphæricæ sunt vel rotundæ. Singulare nihil prætendunt, cui uberrime non satisfaciunt optica decreta; enimus quippe si existant, angulos præferunt adeo exiguos, ut nulli sint instar sphærarum. Vim propterea omnem eludunt reticularis.

30. Ex optice superficierum conformationibus principia profluunt *Perspectivæ*. Ars nimirum hæc est rem delineandi quæ sub certa distantia apparet, & sub altitudine definita; duasque in partes dividitur, quarum alia *Ichonographia* dicitur, & altera *Scenographia*. Ichonographica Perspectiva descriptionem docet figuræ planæ, cui velut basi corpus insistit; ut quum designari cubus ichonographice velit, forma illius sit quadratum. Perspectiva autem scenographica descriptionem tradit corporis ipsius; cubum propterea pingere scenographice qui exoptet, figuram dabit optice solidam. Admirabiles huc adspæctus in planum nonnulli afferunt geometricarum ope regularum; indicanda tamen ratio mechanica est, quo compendium temporis fiat, & laboris. Estlo nimirum \* textrina lineæ  $ABCD$ , quæ filis adductis parallelis in quadrata dividatur exigua; totidemque in particulas charta calamo secetur imponenda tabulæ  $DCFE$ . In hac erigatur dioptra  $MN$ , cui insit forlūm  $N$ ; res vero, cujus imago est excubenda, posita concinne sit ultra eraticulam  $ABC$ . Foramini  $N$  admoveendus oculus est, observandumque, cui potissimum quadrato punctum objecti quodque respondeat; illudque si quadrato in charta  $DCFE$  extanti, & cognomini inscribatur, accurata obitoebitur partium omnium delineatio. Methodum aliam non prætermittimus, quæ cum non sit priori multum ablimilis, tutior a nonnullis esse creditur, atque commodior. Lamina nimirum vitrea linienda aqua est, quæ nonnihil gammæ dissolverit; exsiccata vero probe cum fuerit, superficiæ proponatur, vel corpori, cujus traducenda est effgies. Dioptræ præsidio, ne lux dispergatur, puncta notentur in vitro producuntia, & distinguantur, quo perspectiora fiant, atramento; laminæ autem madefacta charta ubi admoveatur, exquisitè referet simulacrum. Enucleanda prolixius res non est; in papyro enim æque, ac in textrina, & in vitro, sit radiorum projectio.

31. Alterutro sane, quem a Perspectiva accepimus, modo confici ichonographicæ imagines possunt, & scenographicæ. Addendum tamen scenographicis quidpiam est, quo carent ichnographicæ; hæc namque cum figuras planas exhibeant, umbram non admittunt, aliis, quæ solidas formas expriment, pernecessariam. Ad umbrarum theoriam multi multa commemorant; quæ tamen sumus elaturi, simplicitate cetera fortasse vincent, & claritate. A lucido nimirum corpore, quod seorsim ponitur, perpendicularis linea ducatur ad planum, cui res descripta insidet, umbrisque exornanda. A puncto lineæ hujusce extremo trans-

eant

---

\* Tab. IV. fig. 3.

eant rectæ per inferiores typi angulos, & angulis superioribus aliæ appellant a puncto lucido deductæ. Puncta, ubi summæ linæ cum imis concurrunt, sunt termini umbrarum; spatiumque propterea quod ab illis concluditur, inficiendum diligenter est atro colore. Umbris videlicet \* obscurandum quum sit prima  $CDFE$ , a lumine  $A$  in planum, cui basis innititur, descendat normalis  $AB$ . Ab extremo  $B$  procurrant linæ ad angulos  $E$  &  $F$ ; pariterque in angulos  $C$  &  $D$  aliæ incident a lucido puncto  $A$ . Eæ si produantur, coibunt in punctis  $H$  &  $G$ ; area idcirco  $EHGF$ , quæ ab illis circumscribitur, tingenda est ad umbram determinandam. Verissima hæc sunt, ubi figura plano insit perpendiculariter; tamen si incumbat oblique, altioribus ab angulis excitandæ in planum normales sunt, & de more enitendum. Apud Wolfium fusiora suppetunt, virum in rebus hisce, si quis alius, exercitatum (1).

32. Ad Perspectivam demum pertinet effectio *anamorphosium*. Nomine scilicet hoc projectiones sædæ prorsus, & monstræ; quæ si ob oculo certa in distantia sito conspiciantur, pulchræ redeunt, & formosæ. Deformationum artem qui exposculet \*\*, quadratum sibi comparet  $ABCD$ ; lineis autem parallelis postquam in quadrata minima illud disperierit, designet aliquam figuram. Ad laus  $AB$  \* seorsim acceptum, & in partes quatuor distributum, perpendicularem ducat  $DO$ ; ad arbitrium eam sumat, quia longior erit, quo expectatur forma turpior. A punctis  $A$ ,  $C$ ,  $K$ , &  $B$  lineas alias tendat ad  $O$ ; huic vero perpendicularem adplices  $FO$ , quæ brevior erit, quo deformiorem poscet imaginem. A puncto  $A$  ad  $F$  lineam  $AF$  determinet, quæ alias secabit in punctis  $R$ ,  $S$ ,  $T$ , &  $V$ ; in his vero rectas  $GG$   $HH$ ,  $MM$ , &  $NN$  statuatur parallelas linæ  $AB$ . In trapezium  $AGGV$  typum quadrati  $ABCD$  transferat servato ordine areolarum; eoque pacto effigiem, cui species antea non deerat, oblongam conficiet, & horrentem. Oculum denique io  $O$  consistere si jubeat ad altitudinem  $OF$ , priorem ad venustatem regredi schema comperiet magna cum voluptate. Ad perjurcunda hujusmodi visa in promptu est via alia. Quadrati enim  $ABCD$  lineolæ, quibus figura continetur, acu si perforantur, & exponantur faculæ, radii per forula traducti imaginem deformatam projiciunt in adversam superficiem. Oculus propterea si in facis loco commoretur, iconemque intueatur, restitutum deori eum fuisse admirabitur, & formositati. Aliæ extant anamorphoses, sed spectant ad lucem reflexam.

P A.

\* Tab. IV. fig. 3. \*\* Tab. IV. fig. 4. \*.\* Tab. IV. fig. 5.  
(1) Perspect. cap. 4.



## PARAGR. VI.

*Exponitur corporum visio.*

33. QUÆ de corporum visu exponenda directe sint, defunt omnino. De superficiibus, quorum causa corpus est oculis obnoxium, actum fuit satis; nonnulla vero supersunt de motorum corporum phænomenis, quæ parent, ut cetera, angulis opticis. Sanciendum videlicet est, corpus quietum videri motu præditum, si moveatur reticularis; transeunte enim \*oculo ab A in B & deinde in C, cernitur corpus D ab E deduci in G & in E. Axis nimirum DA, dum oculus in A reperitur; si producat, refertur ad F, DB ad G, & DG ad E; mutare propterea locum corpus D creditur, deferrique motu retinæ opposito ab E in E. Hac sane de causa homini qui vehatur in cymba, arbores fugiunt, & arva.

34. Accipi contra potest motus pro quiete. Corpus scilicet quod a retina maxime distet, tametsi moveatur, censetur immotum; ab E quippe \*\* licet in F veniat, consistere tamen putatur in E. Exponitur id facile, si eadem retenta celeritate removeatur corpus ab E, & ponatur in B; æquale enim spatium BC percurrat tempore eodem. Verum cum angulus BAC minor sit angulo EAF, minuatur optice necesse est linea BC, ut si insensibilis fiat, spectetur corpus in loco B. Incommodo nec occurritur, ubi maxima corpori velocitas addatur, augeaturque recta EF; distantia enim EA succrescere pariter potest, ut angulus acutior evadat, retinamque effugiant tractus immensi. Inconspicuus hac quidem ratione est motus planetarum.

35. Conversiones prodeunt optice alix, si motus comparentur corporum duorum. Eorum scilicet quæ inæqualiter distent, & moveantur æqualiter, adspicitur celerius ferri quod est oculo proximius. A reticulari A \*\*\* distita corpora B & C sint inæqualibus distantis BA & CA; eodemque tempore ob celeritates æquales æqualia spacia conficiant BE & CB. Ambigendum non est, angulum quem motu suo corpus B describit, nempe BAE, majorem esse corporis C angulo CAD, ut propterea E ab oculo A conjiciatur supra D in locum F. Verum linea CF longior est recta CD, quæ est illius portio; cumque spacia illæ designent, quæ videntur fuisse corpore ab utroque perlustrata, consequitur cucurrisse B velocius corpore C. Comperitur illud in nubibus quæ a vento ciantur prorsus æquali.

36. Portenta nec defunt, si urgeantur corpora celeritate inæquali. Ubi nimirum spacia peragent quæ distantis ab oculo inæqualibus pro-

Tom. III. *Physic.*

Ii

por-

\* Tab. IV. fig. 6. \*\* Tab. IV. fig. 7. \*\*\* Tab. IV. fig. 8.

portione respondeant, existimantur illa æqualiter proficisci. Æquali nempe tempore \* deducantur corpora B & C per lineas BD & CE; sit vero distantia BA ad distantiam CA, ut BD ad CE. Omnem extra dubitationem est, sistenda post motum fore in punctis D & E, hoc est eadem in recta AE, ubi laterum omologorum rationem servant, & triacula similia efficiant BAD, & CAE. Eundem propterea angulum A cum lineæ BD & CE subiundant, apparere debent æquales; quod obtrineri non potest, nisi per spatia BD & CE credantur corpora B & C progredi celeritate æquali. Moveri ita cernuntur sclopeti dioptra, & avicula.

37. Adjiendum quidpiam postremo de corporibus est quæ distantias æquas servant ab oculo. Ea sane consentiunt velocitate, vel dissentiunt; quamlibet vero viam teneant, oculum non fallunt. Angulos enim æquales cum excitent, hique visum moderentur, comperta discordia sit, vel concordia celeritatum. Sed abstinendum est a prolixiori sermone.

## C A P U T VIII.

### *De luce reflexa.*

1. **Q**UOD natura ex necessitate posuit, ars amplificavit, exornavitque modis innumeris. Postquam recta prodiit, nisi regeretur lumen, inconspicua corpora forent, mederi nec possent hominum, & brutorum incommodis. Inventa tamen multa accessere, quibus a speculis singulari plane artificio expolitis lux dum reflectitur, voluptas oculis creatur, & artibus amplitudo. *Cateptrices* itaque rudimenta proposituri pensum complectimur partibus septem. Prima affert observationes; ostendit secunda, fieri luminis reflexionem a corporum superficie; tertia elidit rationes adversas; quarta agit de speculis planis; quinta de convexis; sexta de concavis; exponit septima genera alia speculorum.

PA.

\* Tab. IV. fig. 9.

## PARAGR. I.

*Aliquæ afferuntur observationes.*

2. **PRINCIPIUM**, quo innitur Catoptrice, æqualitas angulorum est incidentiæ, & reflexionis. Regula hæc, quæ servatur a lumine accurate, antequam demonstretur, ostendenda est experimento. Sit nimirum circulus  $ABCDH$  mobilis circa suum centrum\*; ejus peripheria quatuor in partes gradibus 90 distinctas secetur, attollique pro rei opportunitate possit, & demitti. In  $A$  lamina extet non immota, & foramine instructa, per quod a fenestra  $MN$  transeat radius Solis  $AG$ ; pariterque in  $C$  statuatur tectrina papyro, quæ oleo deliniatur, prorecta, & deducet facilis per circumferentiam  $BC$ . Circuli centro apponatur speculum  $EF$ , cui appellere rite possit radius  $AG$ ; planum quidem sit illud, sed superat convexum quoque, & concavum, quæ periclitationibus aliis sint idonea. Ubi in plano radii  $AG$  speculum  $EF$  sit, nullus observatur angulus reflexionis; nullus enim est angulus incidentiæ; radiique  $AG$  &  $GC$  unica in recta cum existant, circulum  $ABCD$  in duas partes dividunt æquales. Quod si erigatur foramen, ut lux  $AG$  in speculum  $EF$  eadat oblique, angulus reflexionis  $CGF$  æqualis est incidentiæ angulo  $AGE$ ; radius quippe reflexus  $GC$  charitam  $C$  ferit ad eum gradum quem altera in peripheriæ parte tangit directus  $AG$ . Ubi demum in speculum  $EF$  radius  $AG$  perpendiculariter incidat, regreditur in semetipsum; non potest enim angulum reflexionis rectum, ut rectus est incidentiæ, efficere, nisi teneat eam viam. Quovis itaque pacto lux admittatur, æquantur incidentiæ anguli, & reflexionis.

3. **Æquales esse angulos** quibus lumen incidit, & remittitur, confirmatur ipsa ratione. Compertior ea esset, ubi leges innotescerent motuum compositorum; eas tamen eum nondum explicuimus, indicandæ universe sunt, & generatim. Radius scilicet  $AB$  qui\*\* a puncto lucido  $A$  progreditur, planoque illabatur  $CD$ , constari dicitur ex duobus rectis  $AG$  &  $GB$ ; ad punctum enim  $B$  cum properet, munus obit diagonalis, quæ ex vi perpendiculari  $AG$  constat, & ex vi  $GB$  horizontali. Quum ad  $B$  ille pervenerit, amisisse vim  $AG$  deberet peremptam a plano opposito  $CD$ ; clasticitate tamen planum eum polleat, redit a compressione, vimque lumini restituit. Superest etiam in radio vis altera  $GB$ , cui nihil adversatur; directionem namque cum plano  $CD$  conspirantem dum affert, nullum metuere sibi potest exitium.

Ii 2

Scr.

\* Tab. IV. fig. 10.    \*\* Tab. IV. fig. 11.

Servatis propterea viribus, versaque tantum determinatione, a radio DE reflexo necesse est directus AB æquetur, efficiaturque triangulum alteri æquale BEN; ubi linea EN æqualis AG sit, itemque EN rectæ GB, & ad angulum N rectum sibi insistant, ut aliæ ad G. Triangula autem AGN & ENB æqualia esse non possunt, nisi angulus reflexionis ENN æquet angulum incidentiæ ABC.

4. Profluit hinc in planis omnino lævigatis pingendas ex reflexione esse imagines objectorum. Exponi illud non potest, explorata nisi sit indoles cathetorum; hæ autem tres sunt, incidentiæ nimirum, reflexionis, & obliquationis. Incidentiæ cathetus linea plano perpendicularis est a puncto ducta, unde provenit radius directus; & hujusmodi est AG\*. Cathetus reflexionis in planum perpendiculariter descendit a puncto in quod remittitur radius reflexus; cujusmodi est EN. Recta demum FB cathetus est obliquationis, quæ ad rectos angulos puncto B ingruit, ubi fit luminis incidentia. Definiendum itaque est, ea in speculi parte punctum lucidum videri, ubi reflexus radius, si protraheretur, cum catheto incidentiæ concurreret pariter producto. Radius videlicet CG in speculum AB cadat\*\*, efficiatque abeundo in oculum O angulos G & N, incidentiæ, & reflexionis, æquales; cathetusque CF, & radius OM proferantur, ut coeant in D. Angulus æqualis est angulo G, quia angulum N sibi oppositum æquat ipsi G æqualem; angulus vero M ab angulo F non differt, quod uterque sit rectus; proindeque ex legibus triangulorum æquales sunt anguli L & E. Latus deinde FG commune est triangulo utrique; sit propterea, lateri GC latus MD æquale esse, & latus MD lateri FC, ut triangula MNL & FGE sese æquent omnino. Obtineri autem laterum æqualitas non potest, nisi imago D removeatur tantum a speculo AB, quantum ab eodem distat punctum C; versetur nempe eo in loco ubi radius NL prolatus, ne longior alio GC sit, productam cathetum secet ML. Quod unico de objecti puncto decernitur, convenit in omnia.

5. Verum catoptricæ leges priusquam enucleentur, proponendum examini est magnum dissidium. Newtonianos inter illud grassatur, ceterosque Philosophos universos, disputant enim, an in corporum superficie reflexio luminis persolvatur, vel extra illam. Bellum Newtonus indixerat (1), rursus corporum particulas esse ad repellendos radios ineptas, novamque præscriptionem ratione communierat, & experimento. Qui rei huic animum admoveat, duplici oportet satisfaciat quæstioni; altera enim in reflexionis causam spectat, altera in locum quo illa peragitur. Nervos tamen contendimus, ut una expectamus utramque; an vero firmus præstituti, ii judicabunt quorum mentem invidia non obducatur, nec ignoratio. Pigeat tantum abeundum a Newtono. esse viro immortalis.

P. A.

\* Tab. IV. fig. 11. \*\* Tab. IV. fig. 12. (1) Optic. lib. 2. par. 3. proposit. 8.

## PARAGR. II.

*Ostenditur, luminis reflexionem fieri in corporum superficie.*

6. NON reflectitur lux antequam attingat corporis superficiem.

RAT. I. Lumen corpus est præditum motu. Mutari autem corporis directio non potest, nisi ex alterius occurfu. Solemne illud est adferri cuique dogmatum philosophicorum; ajunt enim, in spatio, quod expers materiæ esset, ciendum corpus fore motu perpetuo. Porro extra corpora aer extat, vel extare dicitur inane; quorum utrumque ad lucem detinendam, & impertiendam opposita determinatione, est impos omnino. Aer siquidem, per quem radius deducebatur, suffragatur potius quam refragetur incessui; vacuum vero corpore destituitur omni, cujus gratia lucem remoretur, abigatque in partem aliam. Igitur radiorum reflexio a partibus oritur superficierum.

7. RAT. II. Trajicit lumen laminam vitream. Ea tamen ubi stanno, mercurioque protegatur, permeare illud vetat, & propulsat omnino; sique humido ab halitu madescat, omnem rursus prohibet reflexionem. Horum tamen nullum contingeret, ubi vis ad reditum necessaria degeret extra corporis superficiem; later enim, quam cognationem conformatio plantæ eum illa haberet, quamque affinitatem. Existimandum potius est parari aditum luci, vel præcludi ab ipsa speculi soliditate; pro lucida namque materie, quæ vitro inest, transmittitur radius, vel repellitur lege definita. Igitur ipsomet in corpore reperitur causa reflexionis.

8. RAT. III. Lumen quod vitreo prismati impingit, refrangitur partim, & partim reflectitur. Admissa autem ultra corpus facultate aliqua redigi phænomenon nequiret ullam ad causam; absque enim virtus esset, quam oppositi effectus consequerentur, accessio nimirum corporis, & recessio. Præcipiendum doctius est, creari a corporum partibus motuum oppositionem; lucis namque particule, quæ moleculas vitreas offendunt, regrediuntur, progrediuntur vero quæ in lucidas cadunt interceptas poris, & motui accommodatas. Et quidem a solidis vitri corpusculis nisi resiliiret luminis portio, in conspectum ea non venirent; nec cerneretur quidpiam in prismatis formam conflatum. Igitur reputatur radius ab ipsa corporum superficie.

9. RAT. IV. Ex luce quæ regegitur, sunt corpora peculiariter conspicua. Pro radiorum videlicet quantitate, & ingenio colores prodeunt, qui ad oculos reflexionis ope deducuntur, & sensationes excitant corporum discriminibus consentaneas. A superficie tamen si radii non penderent, sed a vi externa, colores delirescerent omnino; nihil quippe præsto

præsto effect, quo lumen speciatim determinaretur, parque evaderet c. nuntiandis certis rerum figuris. Igitur obtineri sine corpore non potest lucis reflexio.

### PARAGR. III.

#### *Eliduntur rationes adversæ.*

10. REFLECTI lumen a nonnullis creditur, quin corporum attingat superficiem.

ARG. 1. Experimenta indicant, non affici a corporum particulis luminis reflexionem. In prismatis enim  $ABC$  superficiem  $AB$  si radius  $RD$  incidat \* ad angulum  $40$ . graduum, & minutorum præter propter  $30$ , post illius trajectionem ad subiectum aerem majori ex parte non transit, sed per curvam  $DE$  redit in vitrum. Retento deinde eodem incidentiæ angulo *oleum* lateri  $BC$ , vel *aqua* ubi subijciatur, ea in corpora radius se valde ingerit, partemque sui reliquam refert in chrystum. A prisma demum, quin immatetur angulus, corpus omne si auferatur, ut subist *inane*, repellitur omnino radius, ut nulla illius particula ab inferiori exeat vitri superficie  $BC$ . Verum lucis reflexio, quæ solidis a partibus proveniret, responderet corporum densitati; quo compactiora scilicet essent, copiam luminis remitterent uberiorem. Ab *aere* videlicet rejiciendæ lucis molecule minus *aqua* forent, & plus *inani*; vacuitate enim omni aer multo concretior est, & rarior *aqua*, vel *oleo*. Igitur cum res aliter cedat, reflexio non fit ex impactu luminis in superficiem.

11. RESP. Revelari ab experimentis effectus, sed causas obvelari. Quæ hic recitantur, edicta a Newtono fuere subobscurius (1); adjunctaque fuere alia a bullis, & a coloribus petita, quæ eidem ramen obtemperant præscriptioni. De prismate, cui *aer* primum subdebatur, deinde *aqua*, vel *oleum*, disserit accurate adstipulator Newtoni Gravesandus (2); propositoque schemate sancit, ab aqua lucem parum reflecti, multum ab *aere*. In machinam vero Boyleanam inductum prisma a se fuisse testatur alter Newtoni affecta Voltaireus (3); subditque nullam radii moleculam post aeris eductionem accessisse vitri superfici. Hæc tamen verissima licet sint, non evincunt rem propositam; conciliari quippe, si diffidit animus non oblectetur, cum luce possunt quæ a corporum partibus abijciatur. Nihil sane suppetit quo ad observationum veritatem angulus  $40$  graduum expetatur præ alio; ubi namque accersenda a corporis negantia reflexio foret, obtineretur penitus, quo-

\* Tab. V. fig. 1. (1) Loc. sup. memor. (2) Elem. phys. lib. 5. cap. 23.  
(3) Elem. phil. Newton. par. 2. cap. 3.

quovis pacto lumen incideret. Ab aqua segnius quam ab aere lucem repelli ex majori densitate, caret demonstratione; experiendo enim comperita res fit, sed illius delitescit adhuc origo. Inani denique ineffe vires quibus lumen repudiet, universis adversatur canonibus consecutionum; qui recte namque ratiocinetur, asseveret in loco necesse est materię omnis experte patere potius corpori viam. Sed de vacui ad opus illud impotentia scribere multa De Fontaines (1), & Bannieres (2). Agendum vero liberaliter est, ne fufum post sermonem abeat res infecta; eversa nimirum aliorum hypothefi indigitandus modus est quo non dissentire experientiam constet a natura. Mendacia forte non venditaret qui lucis reflexionem materię lucidę tribueret substantiarum meatibus interpositę; licet enim ipsis a corporum particulis reductis non procederet, perageretur tamen ad illorum superficiem. Pro variis scilicet rerum contritionibus ignis, qui a luce non differt, comparari potest ad motum; devinctior enim ubi sit, impulsus suscipit, transmittitque radii incurrentis; abigit vero, liberior ubi sit, atque validior. Imaginationis jus omne in luminis arcana sibi arroganter usurpantis hanc non esse interpretationem, constabit ex alacritate, qua pręmanibus sumuntur, solvunturque nodi experientiarum. Lux primo certum ad angulum prismati irruens in aerem lateri n c suppositum \* non emigrat, quia resistantiam invenit igneę substantię; hæc enim multa aereis in poris est, vimque se expandendi impetui objicit radii incidentis. Prismati antequam appellat defertur quidem per aerem expedite; lucido tamen a corpore r propellitur recta, pulsusque perpendiculariorem eum experiatur, oblectari nequit ullatenus. A prismate propterea ubi aeri incidat lux ad angulum gradibus 41 majorem, permeat facilius; sicuti angulum quum sibi nanciscitur illo minorem, confestim regreditur: ictus enim directior illi est, hic obliquior. Pronum inde est, ab aqua prismati subiecta deglutiri partem luminis potiorē; ignis namque a meatuum parietibus arctius detinetur, prohibeturque ne vires exerat in radium. Cui quidem rei opinio consonat virorum minime rudium, qui a luce existimant pervadi celerius substantiam alia densiorem; ex pororum quippe angustis præter nifum minuitur etiam interni luminis copia. A spatio denique vacuo, a quo in machinę excipulo prisma circumdatur, radius non reflectitur reapse; aer quidem illinc eripitur, sed ignea materia superest loco toti circumfusa. Ea vero spissa cum sit, nec coerceatur vel minimum, ut in aere, luci occurrit appropinquanti, conferri sibi vibrationem negat, eamque depellit omnino. Reflexionis negotium hæc saltem absolvitur ratione, quin sententię ablonę adoptentur, ipsisque sensibus adverfę; inficiari enim ne-

\* Tab. V fig. 2. (1) *Observ. de scrip. modern.* vol. 15. 18. (2) *Exam. & confut. philos. Newton.*

nequeunt, corpus quod a corpore non deturbetur, sed a nihilo, monstrum esse quovis alio admirabilius. Igitur querenda luminis regressio est in corporum superficie.

12. ARG. II. Specula vel lævigatiora superficiem afferunt prorsus inæqualem. Expolita licet oculis & complanata esse illa videatur, innumeris tamen inspergitur cavitatibus & apicibus, quæ perspecta non-nihil sunt præsidio microscopiorum. Minutissimus ipse pulvis, quo deteruntur vitri asperitates, & abraduntur, rimulas creat, sulcosque exilissimos, quibus exazquandis nullum ars suppeditat ramentum subtilius. Ea autem, si ad speculum lumen perveniret, adimerent omnem imaginem; lucis enim moleculæ, quæ parvitate ceteris præstant, absorberentur, vel rejicerentur perturbate, ut reflexio æqualis non esset incidentiæ. Igitur a vi eliminatur lumen comitante extra corporis superficiem.

13. RESP. Dolendam præclarorum hominum vicem esse, qui ut palam referant, in suspensionem vocant evidentiore. Luculentius quam ut subdi disputationi possit, est, speculorum superficies parvis prominentiis disjici, & anfractibus perexiguus; ea tamen non obsunt quo leges suas lux minus servet, tueaturque angulorum, quibus graditur, & regreditur, æqualitatem. Radiorum scilicet, qui lucido a corpore decurrunt, exsurgitur quidem a speculo, vel distrahitur pars aliqua; major tamen superest, quæ post allisionem se conferat ad oculum, eique imaginem renuntiet. Fasciculi, in quem illi obvolvuntur, diameter non est admodum tenuis; congruam propterea lucis quantitatem cum contineat, refractioni, distractionique facere satis potest, & reflexioni. Prætereundum deinde non est, inæqualitatum vertices esse multos, nec invicem distare; a vallieulis enim quæ illis interjacent, suntque omnino parvæ, determinantur parum. Fieri propterea potest ut ad summatarum radices luminis particulæ duplicem hinc inde, vel plures ferant reflexionem, & a superficiiei sinibus ad eum angulam egrediantur quem confecerunt incidendo. Adjiciendum postremo est, radios ipsos, qui ordinate non rejiciuntur, deservire adhuc intuitioni; licet enim eum ad oculum non deportentur cui responderent, si rite progredierentur, ferri tamen possunt ad alium. Quod ubi verum sit, ut esse non diffitemur, accurata fiet jacturarum omnium restitutio; lux nempe, quæ ex superficieum asperitate homini cuiquam eripitur, pensabitur ab alia. Ceterum quovis accipienda pacto hæc sint, urgemus rem unicam; a speculo videlicet observamus, antequam perpoliatur, effigiem exhiberi nullam, obijci vero, quum a pulvere lævitatem obtinuerit. Argumento illud est, vindicatam superficiiei aptitudinem, qua prius carebat, fuisse ad reflectendum; mutatio autem in spatio, a quo obæripitur speculum, non contingit, sed ipsis in partibus superficiiei. Præcipuas ideireo, calque indubias deleat ideas necesse est qui lucis reflexionem aufert corporum soliditati; & ad veritatem certissimam diruendam conquirit data opte.



ta opera & ex instituto oportet fallacias, & subtilitates. Voce quidem elata, quam exaudire aures tantum nequeunt notarum philolophicarum ignaræ, loquitur natura; sique suas Newtonus occlusit, danda venia viro est ad auctiorem inventorum laudem properanti. Igitur lumen regreditur, quia aliam capit a corporum moleculis directionem.

14. ARG. III. Lucis refractio opponitur reflexioni. Motus videlicet adversos præferunt, quibus procreandis adhibendæ duæ causæ sunt, & quidem contrariæ. A materiæ densitate oritur refractio; adractioni quippe tribuitur, quæ validior est, quo est corpus concretius. Proficiscitur idcirco reflexio a materiæ negatione; quæ eodem redit ac locus corpore destitutus, seu inane. Igitur non repellitur lumen a solida superficie.

15. RESP. Lucis ingressum differre funditus a regressu. Ad motus illos quæ nullatenus consentiunt, excitandos admittitur plane causæ duplex; refractioni tamen adractione originem non facit, nec vacuum reflexioni. Legem quam servat lumen, dum per corpora traducitur, fortasse posuit adractionio; fieri enim potest ut pro illius viribus accedat perpendiculari, vel recedat; quod alibi explorabimus impensius. Existimandum tamen non est, radium ingredi ex adractione; transit quippe ex eausa alia, quæ paratior est, simplicibusque naturæ artibus conformior. Et quidem moleculæ chrystalli si lucem adtraheret, transpareret illa, tamen si lateret Sol sub horizonte; eo namque deficiente pervaderetur adhuc lucidis a particulis, quas undique extantes raperet, & adduceret ad se. Tutius est, igneæ materiæ, quæ substantias complet universas, refractionem commendare; radio enim irrupenti vires pares cum non objiciat, recipit impetum, eumque transmittit omnino. Quod si eumulator ea sit, vel meatibus corporum minus adhærescat, renititur, ut dicebamus, impulsioni; eumque attollatur ex elatorio, radium in partem adversam conjicit, genessimque parat reflexioni. Evincitur hinc, adractionem omnem superfluere, omnemque inanitatem; immo effectus duos oppositos adjudicari causæ uni posse liquet, modo discrepant circumstantiæ. Unica scilicet lux est poris corporum interposita, cujus gratia incedit radius, vel revertitur; dissidentibus tamen modis, seu conformationibus donatur, quorum opera cedit, vel resistit lucis appulsui. Nec sensit aliter Newtonus (1); cum deprehendisset enim, a corpore eodem reflecti lumen, & refrangi eadem ferme quantitate, vi unicæ, decrevit, diversimode affectæ committendas refractiones esse, & reflexiones. Eam, qui a Newtoni partibus erant, opinati sunt esse adractionem; censuere videlicet \*, lucem in prisma  $ABC$  regredi, ubi ad aerem sub latere  $BC$  situm perveniat, quia vitreis a moleculis adtrahitur fortius aereis. Attamen ita non definiessent,

Tom. III. *Physicæ.*

Kk

ra-

\* Tab. V. fig. 2. (1) Optic. lib. 2. par. 3. propos. 9.

radium si meminissent post circuitum DE in aerem EF egredi ad tertiam prismatis superficiem AC; quod fieri nullatenus posse credimus, ubi chryſtallus lumini adtrahendo eſſet aere robuſtior. Qua ceterum in re virtutem illam Newtonus collocaverit, ignoramus omnino; id tantum non reticemus, ineptam nobis eſſe omnem aliam præter igneam materiem. Igitur ſine corpore non perficitur lucis reflexio.

16. ARG. IV. A poris corporum minor refleſcitur luminis copia, quo majorem complectuntur materiæ quantitatem. *Sal* nempe, *linum*, & alia, quæ dum ſiccitate potiuntur, lucem non ſuſcipiunt, transparent penitus, ſi madefiant: Aquæ nimirum particulæ, dum eorum ſorculis ſe ingerunt, radios abſorbent, efficiuntque ne redeant in partem aliam. Luminis tamen reflexio ſi deberetur duris corporum moleculis, illud non admitterent, ſed repellerent meatus obſtructi. Igitur remittit lucem vis a corpore ſecreta.

17. RESP. Omnia ſuſdeque verti, ne concedat opinio. Lumen regredi, quin attingat corporis ſuperficiem, eodem convertitur, ac progredi illud ſine motu; utrinque enim eadem occurrit antilogia. Exploratum ſane eſt perlucidas evadere ſubſtantias, ubi aqua eluantur, vel deliniantur oleo; ſalluntur tamen turpiter qui anſam inde capiunt ad anſeſcendum rei ſolidæ inane. Fabellas non eomminiſcimus, quum laxari ab aqua dicimus *lini*, *ſaliumque* complexionem; luci ideoque parari aditus poteſt, quem anguſti meatuum fines antea negaverant. Omnino vere ſtatuunt, aqueis a particulis obduci corporum vacuitates; fieri tamen valet ut dilatatis loculorum oris plus ſpatii inde ſuppetat quam eripiat addita materies. Deſinitum alibi fuit, corporum transparentiam a directione progredi pororum; horum autem crepidines, ubi ampliores expansione ſint, attexere reticulam non nequeunt, cujus per foramina lumen dilabatur impune. Antequam ſcilicet humor accederet, hiatus margines ſpatiis imponebantur, lucemque proinde pellebant alioſum; textu tamen nonnihil diſſoluto ii diducuntur, locumque propterea ſinunt reſractioni. Ne quidpiam deſit, redigenda ultimo res eſt igneam ad ſubſtantiam; hæc enim poſt humectationem promior ad deſerendum lucis impetum ſit ex reſtitutione meatuum. An perſuaſionem, quam polliciti nobis fuimus, hæc pariant, negligimus omnino; non pudet tamen retuliſſe, quia præconceptionum fraudes pateſciunt, abuſumque experimentorum. Multiplicem ad interpretationem ubi ſint æque proclivia, amenitiæ reſtati fuimus eſſe, vel ignorationis, ceteris eam præficere quæ ſenſuum evidentiam contemnat, motuumque cauſam in re vacua ponat, & inani. Igitur revertitur lux ab ipſa corporum ſuperficie.

18. ARG. V. In promtu hypotheſis eſt, qua in concordiam vocentur diſpares ſententiæ. Inducta quidem lucis atmophæra, exponi commode poteſt, quo radius pacto a materia refleſtatur, quin tangat corporis ſuperficiem. Subſtantia videlicet omnis inſignem circa ſe obtinet luminis

minis congeriem; adtractionis enim ope illam conlequitur, a qua lucis moleculæ abripiuntur, stipanturque ad omnem partem. Hanc vero in colluviem radius ubi incidat, ex elasticitate, qua illa donatur, abigitur alio, ut casus angulo angulum reditus faciat æqualem. Igitur non refilit lux ex subiecti corporis soliditate.

19. RESP. Medicamen morbo ineptum esse luminis, a quo corpus oblideatur, atmosphæram. Hanc, quam accepisse a Martinio asserit, memorat Orlandius (1); ratione vero alia licet explicuerint, defensarunt Bannieres (2), & nonnihil Nolletus (3); nec displicuit Mairano (4). Complecti oratione brevi non possumus quæ contorquenda merito essent in eum setum adtractionis; sumus pauca allaturi, sed quæ perspectam omnino faciant inopiam consilii. Adtrahi moleculas lucis non lædit fortasse veritatem; illas tamen addensari, diuque perstare sub corticis forma, lepidum est, plenumque suavitatis. Id minime affirmant, quibus inexploratum non est ignis, seu luminis ingenium; expandi enim perpetuo nititur, ut cum cetera vi synpeta gaudeant, poleat apofuga. Huic vero addenda effluviolorum resistentia est ex perspiratione jugiter a corpore erumpentium. Virtus deinde cogendi lucem corporibus ubi suppeteret, tum opacis ineffet, tum diaphanis; universa quippe congeneri textuntur materie, quæ radios alliciat, detineatque suam penes superficiem. Nemo autem non intelligit discrimen ea lege furripi transparentium substantiarum ab obscuris; nucleus enim, qui in atmosphære centro delitesceret, transmittere lumen non posset, quod repulisset lucidum integumentum. Quod postremo hypotheseos funditus evertit, est ipsa atmosphære lucida compago; oportet quippe densitatem inæqualem asserat, ut corporearum instar superficierum vacuitatibus hiet, & emineat asperitatibus. Ubi res ita sit, suboritur vitium, cui potissimum declinando excogitarunt atmosphæram, illabentium enim radiorum particule diffranguntur perturbate, exlegesque sunt incidentiæ anguli, & reflexionis. Alia non adjicimus, ne in verborum numero videamur quærere defensionem; præsertim eam in opinionem cum venerint ne, cui se addixerant, defererent magnum Newtonum. Igitur reflexio fit, quum contingit lumen corporum superficiem.

#### PARAGR. IV.

#### *Agitur de Speculis planis.*

20. SUPERFICIEM exhibet *speculum*, a qua lumen reflectitur. Duplex est genus illorum; alia enim *vitrea* sunt, & alia *metallica*. Quæ ex

Kk 2

vi.

(1) In elem. Muffchenbr. num. 1026. not. 1. (2) Vid. Le Cat tract. de sensib. pag. 105. (3) Phytic. experim. lect. 16. artic. 2. (4) Vid. diar. Sapient. ann. 1719.

vitro conficiuntur, duas objectorum imagines præferunt, quarum altera a speculi superficie regeritur, altera a plumbo adversam partem obtegente. Distant illæ invicem pro inæquali speculi profunditate; quo nempe crassius illud est, remotior a secunda prima est, atque dilutior; refractio enim augetur, extenuaturque reflexio. Quæ autem ex metallo constant, unicam offerunt rerum propositarum effigiem; radium quippe nullum cum refringant, remittunt univeros. Ex *cupro, stanno, antimonio*, & *sale ammoniaco* compinguntur, & in morem funduntur ænei simulacri. Specula tamen omnia triplicem ad formam rediguntur; alia enim *plana* sunt, *convexa* alia, & alia *concava*. Explicantur præcipua tantum phænomena planorum.

21. Imagines quæ plano in speculo describuntur, differunt parum ab objectis. A speculo scilicet æque distant, & magnitudinem æqualem obtinent, sed pinguntur inverse. Ex iis videlicet; quæ fuere superius demonstrata (1), catheti *AF, BG, & CH* \* in speculum *DE* a punctis *A, B, & C* decedentes æquales suis productionibus sunt *FM, GN, & HS*. Has vero cum secent rellexi radii, & prolati *OM, ON, & OS*, qui imaginis puncta determinant *M, N, & S*, consequitur schema *MNS* a speculo *DE* æqualiter removeri ac sagittam *ABC*. Puncta deinde *M, N, & S* distita inter se non aliter sunt quam puncta *A, B, & C*; in directum quippe lineæ *AM, BN, & CS* jacent, & sunt parallelæ. Æqualem idcirco partium numerum cum typus *MNS*, & objectum *ABC* concludant, exploratum fit donari eodem volumine. Ad dexteram postremo oculi *O* prostraret cuspis *A*, si directe spectaretur, & pluma *C* ad sinistram; in icone autem apex *M* ad lævam porrigitur, & cauda *S* ad dexteram. Imago itaque est inversa.

22. A multiplici speculi plani situ mutationem subeunt imagines. Magnitudine & distantia ab objectis licet non discrepent, dissentiant tamen maxime loco. Triplex sane esse speculi positio assolet, *horizontalis* nimirum, *verticalis*, & *inclinatiois*. Speculum horizontaliter ubi constituitur, & in illud cadat perpendiculariter objectum, globus puta chartaceus, videtur figura hujus effierri, quasque conscendere de tellure. Sagitta enim *ABC* a plano *DE* æqualiter distat \*\*, ac illius forma *MNS*; quum corpus propterea, quod in præceps ruit, speculo accedit, elevetur simulacrum necesse est, & admoveatur ex adverso. Quod si statuatur speculum verticaliter, objectumque, puta homo, e regione adveniat, occurrere illi cernitur icon. Peculiari non eget res demonstratione; nequit enim speculo quidpiam appropinquare, nisi alia interlit distantia; hæc autem æqualis esse debet utrinque. Ad graduum denique 45 angulum si speculum inclinetur, objecti quod horizontalis est, effigies fit verticalis, & horizontalis evadit quæ ad ob-

\* Tab. V. fig. 2. \*\* Tab. V. fig. 2. (1) num. 4.

objectum pertinet verticale. Speculum videlicet  $SL$  \* cum plano  $CBD$  angulum  $SLC$  graduum 45 graduum ubi efficiat, & sagitta  $EGF$  sit horizontalis, angulus  $FKL$  æqualis erit angulo alterno  $SLC$  ob parallelas  $EGF$  &  $CBD$ , hoc est graduum 45. Ob æqualem porro speculi  $EGF$ , & typi  $MNO$  ad speculum  $SL$  pronitatem angulus  $LHO$  æquat angulum  $FKL$ , eumque uterque ea de causa graduum 45 sit, consequitur, angulum totum  $ESM$  esse graduum 90. Rectus autem seu graduum 90, esse angulus  $ESM$  non potest, nisi forma  $MNO$  horizonti  $CBD$  sit perpendicularis, hoc est verticalis. Alia via non ostenditur horizontale censeri objectum, si locum occupet verticalem; sufficit namque pro re objecta lineam  $MNO$  habere, & rectam  $EOF$  pro imagine. Hac quidem speculi ad planum proclivitate penetralis lacunar oculo  $A$  in parietem abire videtur, & paries in lacunar.

23. Adspectus suboriuntur præstantiores, si duo plana specula congruant in angulum. Contingere trifariam illud potest; angulus nempe in quem conspirant, obtusus esse valet, rectus, & acutus. Ubi specula  $BE$  &  $CD$ \*\* obtusum angulum  $BCD$  exhibeant, duplex ab objecto imago gignitur, nimirum  $E$  &  $F$ . In speculum enim  $BC$  cathetus  $AM$  decedit, radiique incidentiæ, & reflexionis sunt  $AG$ , &  $GO$ ; cum typus propterea describatur, ubi rectæ  $ME$  &  $GE$  concurrunt, punctum  $A$  videbitur in  $E$ . Verum eodem a puncto  $A$  cathetus altera  $AN$  speculo  $CD$  irruit, & incidentiæ, reflexionisque radios offerunt lineæ  $AK$  &  $KO$ ; in  $F$  idcirco cernenda alia puncti  $A$  effigies est, quo se conferunt productiones  $NF$  &  $KF$ . Profluit hinc, tot rei propositi figuras esse, quot sunt specula ad obtusum angulum demissa; in planum enim quodque excitari perpendicularis unica cum possit, delabitur in singula cathetus peculiaris. Plura proinde specula si distribuuntur, ut polyedri superficiem attexant, colloceturque in centro oculus, semetipsum toties adspiciet, quotus erit numerus planorum. Omnium quippe catheti collineant in centrum.

24. Rectum vero ad angulum ubi duo specula adiungantur, tres delineantur imagines. Harum prior reperitur in  $B$ \*\*\*; speculis enim  $EF$  &  $EG$  ad angulum  $FEG$ , qui rectus est, compolitis, cathetus  $AS$  objecti  $A$  profertur in  $B$ ; eoque post incidentiam  $AN$  protenditur reflexus radius  $ON$ . Altera spectatur in  $D$ ; cathetus enim huic respondens est  $AM$ , radiique incidens, & reflexus sunt  $AL$  &  $LO$ ; concursus autem per  $MD$  &  $LD$  evenit in  $D$ . Tertia denique extat in  $C$ ; punctum enim  $R$ , quod ab  $A$  pariter descendit, remittitur in  $K$ , ut se conferat inde ad oculum  $O$ ; illiusque cathetus est  $RE$ , quæ si producat, coit cum reflexionis radio  $OK$  in  $C$ . Compertum itaque fit iconem tertium designari ex anguli  $FEG$  rectitudine; hæc quippe est in causa qua

\* Tab. V. fig. 3. \*\* Tab. V. fig. 4. \*\*\* Tab. V. fig. 5.

qua in speculum EF perpendicularis eadat, hoc est cathetus RE. Divaricationem nempe angulus si esset, recta RE in planum EF veniret oblique.

25. Angulum postremo ad acutum ubi duo specula conferantur, augetur multo numerus imaginum. Anguli videlicet, quo exiliores sunt, viam sternunt pluribus cathetis; hæ namque multis a punctis hinc inde delabuntur, multaque afferunt cum reflexionum lineis coalitiones. Experimenta admonent in speculis, quorum inclinatio graduum 65 fit, objectum conspici quinquies, sexies sub gradibus 60, septies sub 50, novies sub 40 decies sub 36, & sub 30 gradibus undecies. Quod si angulum duo specula non conficiant, sed sint parallela, oculusque, & objectum utrinque statuatur inter illa, infinitæ ferme pro earum longitudine in conspectum veniunt figuræ rei unius. Ob æqualem scilicet planorum distantiam innumere prodeunt perpendiculares; quibus incidentiæ radii, & reflexionis singillatim respondent profecti a puncto unico, & ad oculum delati. Qui demonstrationem postulet, adeat Musschenbroekium (1).

#### PARAGR. V.

#### *Phænomena exponuntur speculorum convexorum.*

26. CONVEXA specula multiformia sunt; differitur tamen hic tantum de sphericis. Si angulus qui a cathetis incidentiæ, & obliquationis ad centrum efficitur, duplus sit anguli reflexionis, imago puncti lucidi A apparet in convexi speculi superficie\*. Nimirum angulus R, quem lineæ AC & DC speculo SP perpendiculares in centro C pariunt, contineat bis angulum F a radio reflexo FO, & a tangente KL exortum; statuaturque angulum F esse graduum 40. Angulus E, qui cum F summam unius recti exhibet, erit graduum 50; sique dupletur uterque, gradus afferent 180, æqualesque erunt ex trianguli natura angulis M, N, & R. A gradibus 180 angulus reflexionis F duplus, seu angulus R graduum 80 dematur, ut supersint gradus 100; hi vero dispersiuntur inter angulos M & N. Verum angulus N, qui angulo E ad verticem opposito æqualis est, dabit ut ille gradus 50; qui ubi a graduum 100 summa auferantur, gradus reddent pariter 50. Anguli propterea M & N æquales cum sint, triangulum MNR ostendent esse isoscelem, æquarique lineas MR & NR, ut a radiis non differant circuli SP. Itaque sicuti punctum N in peripheria extat, ita speculi superficiem inest effigies B.

27. Ex.

---

\* Tab. V. fig. 6. (1) Specim. phys. num. 1289. & seq.

27. Extra convexi speculi superficiem imago puncti A spectatur, si angulus ad centrum major sit duplo anguli reflexionis \*. Angulus nimirum R, qui a rectis AC & DC efformatur, sit graduum 70; reflexionis vero angulus F a lineis FO & FL editus complectatur graduum 30, & angulus E gradus 60. Tres sane anguli M, N, & R pares duobus rectis cum sint, gradus continent 180; æqualesque propterea sunt duplo angulorum E & F, qui constituunt unicum rectum. Horum summæ angulus R graduum 70 si adimatur, superflites erunt gradus 110 inter angulos M & N distribuendi; a quibus angulus N angulo E æqualis, & graduum 60, ubi eripiat, relinquentur angulo M gradus 10. Latus propterea CB, a quo angulus N graduum 60 subtrahitur, longius oportet sit latere CE, cui angulus M minor respondet, graduum nempe 50. Igitur cum punctum N in superficie existat, conspiciendus extra illam typus R est, si in charta excipiat, inter speculum SP, & tangentem KL.

28. Angulus ad centrum minor ubi sit duplo angulo reflexionis, cernitur imago A intra convexi speculi superficiem \*\*. Reflexionis scilicet angulus F, qui a radio FB, & a tangente FL intercipitur, sit graduum 10, & angulus E graduum 40; qui vero ab incidentiæ, & obliquationis cathetis AC & DC concluditur, nempe ACD, gradus habeat 60. Ubi ab angulis M, N, & R, hoc est a gradibus 180. angulus R, seu gradus 60 subtrahantur, pro angulis M & N reliqui erunt gradus 120; his vero si angulus E, angulo N æqualis, seu gradus 40 desint, obtinebit angulus M gradus 80. Brevis idcirco latus MC, quod minore angulum N dimittitur, erit latere NC; contingere autem illud non potest, quin dum N sinit in peripheria, schema B inter speculum SP videatur, & centrum C. Exploratum pariter sit, iconem B centro C propiorem evadere, quo radius incidens AN minus oblique in planum KL cadit, acceditque magis catheto DN. Austo enim incidentiæ angulo ANK, succrescat angulus reflexionis F necesse est, minuaturque angulus E; extenuatur propterea angulus N illi æqualis, latusque MC decurtatur, ut typus B centro C fiat proximior. Ipsum itaque in centrum abit, ubi radius AN cum DN congruat, & in tangentem KL cadat perpendiculariter.

29. Imago quæ convexo in speculo describitur, minor est objecto. Ab extremis scilicet \* sagittæ AB punctis radii incidentiæ AE, & BH in speculum SP veniant, & per lineas EO, & HO reflectantur ad oculum O. Catheti AM & BN si ab incidentiæ locis ducantur, proferranturque, confluent in C, & ex præceptione, qua puncta lucida in concursu apparent catheti, & lineæ reflexionis, simulacrum erit FG. Evidentius quam ostendi fufius debeat, est cathetos AC & BC quo a pun-

\* Tab. V. fig. 7. \*\* Tab. V. fig. 8. \* Tab. V. fig. 9.

punctis A & B sunt remotiores, eo magis convergere, ut definant postremo unicum in punctum. Spatium propterea FG contractius est spatio AB; cumque figuram illud definiat, hoc vero spiculum, typum, consequitur, re objecta esse breviorē. Constat etiam objici illum oculo O inverse.

30. Quo proximius objectum est, eo in convexo speculo major depingitur imago. Sagitta videlicet AB in locum EK si demittatur\*, catheti incidentiarum erunt AC & BC, EC & KC, angulusque ECK amplior erit angulo ACB. Effigies FG & MN quæ distantiz utrique respondent, continentur de more intra cathetos; sed FG a speculo AB remotiore genita centro C debet esse propinquior. Definitum enim fuit (1) centro speculi schema plus accedere, quo incidentiz radii sunt minus obliqui; nemo autem non videt, obliquitatem minui, ubi a plano removetur punctum, a quo provenit radius. Forma idcirco FG non est brevior tantum alia MN, quia in minori angulo ACB existit, sed quia profundior est, & propior centro C. Icon igitur qui a corpore prope sito inscribitur, latior est alio.

31. Objecti imago minor est, quo speculum est convexius. Simulacra nempe GD & EF, quæ a sagitta AB procreantur\*\*, degunt intra cathetos AHRC & BLOC; a speculo autem MN convexitate vineitur speculum SP. Ulla sine demonstratione liquet, locum EF ærtiorem esse alio GD; linearum enim HRC & LOC convergentia crescit, quo centro C sunt proximiores. Itaque forma EF, quæ convexiori speculo inest, alteri GD cedit magnitudine.

#### PARAGR. VI.

### *Differitur de speculis concavis.*

32. CONCAVORUM figuræ speculorum sunt multæ. Adpectus tamen explanantur tantum sphericorum. Theoremata huc spectantia antequam proponantur, animadvertendum est, focus speculi inter quartam reperriri, & quintam diametri partem. Puncti itaque lucidi A\*, quod situm in speculi SP foco est, radius egreditur axi DG parallelus. Ubi enim radius BE axi DG parallelus in E veniret, reflecteretur in focus A. Eadem igitur de causa, si in foco A punctum statuatur, a speculo exibat per EB. Cum cathetus scilicet obliquisitionis CE a lineis BE & AE æque distet, æquales efficit angulos BEC & AEC; angulusque BEC æquat angulum ACE, quia alterni sunt inter parallelas BE & DG. Non differunt propterea anguli ACE & AEC; latera vero AC & AE, quæ ad triangulum ACE isoscelen pertinent, sunt æqua-

\* Tab. V. fig. 10. \*\* Tab. V. fig. 11. \*.\* Tab. VI. fig. 1. (1) Num. 18.



æqualia. Porro lineæ  $AC$  &  $AE$  simul acceptæ majores sunt latere  $EC$ ; vincuntque etiam longitudine rectam  $CG$ , quæ cum semidiameter circuli  $SP$  sit, par est lateri  $EC$ . Ubi utrinque  $CA$  auferatur, supererunt  $AE$  &  $AG$ ; recta vero  $AG$  minor erit  $AE$ , & etiam  $AC$ , quæ est illi æqualis, ut infra dimidium semidiametrum  $CG$  sistat, hoc est, inter quartam, quintamque diametri partem. Punctum igitur, quod in speculi foco  $A$  versatur, per radium erumpit axi parallelum.

33. Radius puncti  $A^*$ , quod inter speculi concavi superficiem est, & focum, divergit ab axe. Ubi punctum in foco  $F$  extaret, rediret parallelum a speculo per  $EB$ ; verum dum foco demissus est, inveniturque in  $A$ , exit per  $EH$ . Angulus nempe  $AEC$  angulo  $HEC$  æqualis est; & angulus  $FEC$  angulo  $BEC$ ; cathetus enim  $CE$  angulos eos omnes dispartit æqualiter. Verum angulus  $AEC$  angulo  $FEC$  major est, eo quod hic sit illius portio; pariterque angulo  $BEC$  major est angulus  $HEC$ . Ab axe proinde  $DC$  remotior recta  $HE$  est alia  $BE$ ; cumque  $BE$  axi parallela sit, divergens erit  $HE$ . Hæc autem radius est, qui progreditur ab  $A$ .

34. Puncti  $A$  quod inter speculi concavi focum, & centrum existit, convergit radius ad axem ultra centrum. Parallelum ad axem diximus fore egressurum, si punctum commoraretur in foco  $F^{**}$ ; supra hunc tamen ubi constituatur in  $A$ , regreditur a speculo  $SP$  per  $ED$ . Angulus enim  $AEC$  ab angulo  $DEC$  æquatur, & angulus  $FEC$  ab angulo  $BEC$ ; spatia enim illa æque dividit cathetus obliquationis  $CE$ . Evidens est, angulum  $FEC$  angulo  $AEC$  esse ampliorem; eademque de causa ab angulo  $BEC$  superatur magnitudine angulus  $DEC$ . Linea idcirco  $DE$  axi  $DC$  proximior est altera  $BE$ ; cumque parallela hæc sit, erit illa axi convergens. Radius itaque  $ED$ , qui a puncto  $A$  provenit, axem  $DC$  ferat in  $D$ , hoc est ultra centrum  $C$ .

35. Profluunt ex his conspectus qui cuique respondent objectorum in speculis concavis positioni. Quinque videlicet sunt loca, ubi queunt corpora consistere; statui videlicet in speculi foco possunt, infra focum, supra, in centro, & supra eentrum. Quæ in foco extant, vel in centro, fieri nequeunt conspicua; radii quippe in partem oculo remotam abeunt, nullamque valent sui imaginem procreare. Decretum scilicet fuit, rei in foco collucantis radios a speculo regeri parallelos; nullum propterea in punctum cum cocant, afficere nequeunt reticularem. Status tamen ille, etsi visioni non intersit, prodest tamen luminis collectioni; ex radiis enim solaribus, qui speculum paralleli subeant, ligna in illius foco comburuntur, fundunturque metalla. Quorum vero corporum situs est in centro, radii, dum perpendiculariter irruunt, catheti una sunt, lineæque incidentiæ, & reflexionis; nulla idcirco cathetorum,

*Tem. III. Physicæ.*

L1

& re-

\* Tab. VI. fig. 2. \*\* Tab. VI. fig. 3.

& reflexionum coalitio obvenit, ubi describatur effigies. Peragi dantaxat visio posset, si in centro oculus subsideret; ex lineis namque ad illum redeuntibus intueretur commode semetipsum. Expendendæ itaque sunt ceteræ tres hypothesæ.

36. Objecti, quod inter focum  $F$ , & superficiem concavam moratur, imago cernitur post speculum, majus volumen obtinet, & est erecta \*. Catheti enim punctorum  $A$  &  $B$ , quæ in speculum  $SP$  incidunt, sunt  $CG$  &  $CH$ ; radiique incidentiæ sunt rectæ  $AD$  &  $BE$ , reflexionis vero  $DO$  &  $EO$ . Effigies propterea sagittæ  $AB$  describenda ultra speculum est in  $MN$ ; ibi enim lineæ  $DM$  &  $GM$ , itemque  $HN$  &  $EN$ , quæ a cathetis, & a radiis reflexionum productis non differunt, conveniunt unicum in punctum. Catheti deinde  $GM$  &  $CN$ , quo a centro  $C$  remotius abeunt, eo invicem magis determinantur, insignemque sibi comparant divergentiam. Schema ideirco  $MN$  quod eas inter lineas concluditur, majus est corpore  $AB$ ; quia spatium  $AB$  minorem ubi anguli divaricationem longitudine superatur a spatio  $MN$ . Cuspis postremo  $A$  ad dexteram oculi o partem porrigitur, & pluma  $B$  ad sinistram; situmque plane eundem in icone servant apex  $M$  & cauda  $N$ . Puncta proinde omnia sagittæ  $AB$  & formæ  $MN$  locum diversum cum non afferant, dubitari non potest, videri illam erectam. Ad extenuandam corporum figuram speculo convexo Pictores utuntur, & concavo ad augendam.

37. Imago objecti, quod inter focum  $F$ , centrumque  $O$  versatur, ultra speculi concavi centrum spectatur inverſe \*\*. Catheti nempe  $CE$  &  $CG$  quæ ab incidentiæ punctis  $A$  &  $B$  proveniunt, & a speculi axibus non differunt, determinare nequeunt locum visionis. Sanctum videlicet fuit, radium puncti  $A$ , quod inter focum, & centrum extat, convergere ad axem  $EN$  ultra centrum  $C$ ; idemque radio obvenit puncti  $B$ , quia foci in cathetis  $EC$  &  $GC$  existunt sub punctis  $A$  &  $B$ . Proferenda ideirco cathetus  $EC$  est in  $N$ , ut recta  $AL$  ab  $A$  digrediens veniat in  $L$ , & per  $LN$  remittatur in  $O$ ; rectaque pariter alia  $BK$  puncti  $B$  incidit in  $K$ , & dum in  $O$  reflectitur, per cathetum  $CG$  transit prolatam in  $M$ . Compertum propterea fit, describi iconem ultra centrum  $C$  in  $MN$ , hoc est in aere; ibi enim axes, seu catheti,  $EM$  &  $GM$  radiis reflexionum  $LO$  &  $KO$  occurrunt, punctaque definiunt rei conspectæ. Nec ostendendum prolixius est, typum  $MN$  obijci inverſum; punctum enim  $M$  a recta  $EM$  gignitur, quæ progreditur a  $B$ , & punctum  $N$  ab alia  $LN$  tuditur, quæ ortum ducit ab  $A$ . Inverſum propterea apparet speculum omnino.

38. Objecti, quod ultra centrum degit, imago inter focum  $F$  speculi concavi adspicitur, & centrum  $C$  \*\*\*. Alia non est demonstratio

a su-

\* Tab. VI. fig. 4. \*\* Tab. VI. fig. 5. \*\*\* Tab. VI. fig. 5.

a superiori; modo enim locum sagittæ AB typus MN occupet, & typi locum sagittæ, liquet phenomenon omnino. Radii quippe incidentiæ sunt MK & NL, reflexionis vero KB & LA; ubi autem a cathetis MQ & NE lineæ KB & LA secantur, delineantur puncta A & B. Patet etiam cur forma sit inversa.

## PARAGR. VII.

*De aliis disputatur generibus speculorum.*

39. SPECULA, quæ sumus exposituri, spectant ad anamorphoses. Ex catoptrices videlicet præceptionibus elaborari multa possunt, quæ figuras deformes reddant formositati. Ea potissimum sunt tria, *cylindricum* nempe, *conicum*, & *pyramidale*; cetera quippe prætermittimus, ne struem conficiamus theorematum parum utilium. Ad speculum itaque *cylindricum* quod attinet, paretur ex Wolfii regulis (1) craticula AFQI cui inscribatur figura deformanda. Construatur deinde area GRTXN in tot partes distributa, quot sunt quadrata prototypi, ut ajunt AFQI, & in ea projiciatur effigies servato ordine loculorum. Ubi speculi cylindrici basis, cujus diameter GN æqualis sit lateri IQ, statuatur in C, oculusque in T congruam ad altitudinem collocetur, recipiet imago ætymi priorem pulchritudinem. Rectæ quippe GR, HS, LT, MV, & NX in cylindri superficiem eriguntur, respondentque lineis IA, KB, OD, PE, & QF; circulus vero RSTVX ad rectam ABDEF referatur, & GHLMN ad IKOPQ; reliquique circuli ducuntur ad lineas alias. Ex rectarum autem collectione redeunt puncta singula ad situm primum, speciesque idcirco, quam amiserat forma, restituitur. Quo laboris compendium fiat, fabricatus circinum Leopoldus fuit ad deformandas imagines idoneum (2).

40. Speculum etiam conicum, quo figuras conformet, petit prototypon. Delineanda scilicet ex circulis craticula ABCK est in partes multas dissecta; iis autem commendetur icon \*\*, cui auferri, reddique velit venustas. Constandum præterea aliis ex circulis est spatium TNQF eodem areolarum numero distinctum (3); cui superiorem juxta præscriptionem committatur turpis effigies. Si centro C insisteret conus metallicus, cujus basis circulum ABCK æquet, & oculus apici coni sit perpendicularis, redigeretur ætypion ad decorem. Lineæ enim TM, NO, QR, & PS in speculum attolluntur, & exhibent rectas AD, BE, OF, & HK; circulus vero TNQF æqualis evadit circulo DEFH, & MORS alteri ABCK. Punctis propterea invicem accedentibus prima revertatur necesse est partium proportio.

LI 2

41. Py-

\* Tab. VI. fig. 6. & 6. \*\* Tab. VI. fig. 7 & 7. (1) Elem. catoptr. num. 290. (2) Vid. act. Lipf. ann. 1713. (3) Vid. Wolf. loc. cod. num. 301.

41. Pyramidale postremo speculum usui non admovetur alia ratione ; Protoipyon  $ABCD$  \*, cui concredenda pulchra imago est, nonnullis ex quadratis compingatur in partes, quæ ab arbitrio pendent, ritè divisis. Ecce typi quadrato  $MNQF$  adjiciantur quatuor triangula (1) ; his vero æque, ac craticula  $ABCD$ , dispersitis inferibatur typus deformis. Quum in area  $MNQF$ , quæ æqualis est quadrato  $ABCD$  pyramis quadrangularis constituitur oculusque incumbit illius vertici, regreditur figura ad pulchritudinem. Triangulum quippe  $NVQ$  in alteram speculi faciem reclinatur, ut puncta  $R$ ,  $S$ ,  $T$ , &  $V$  representent alia  $E$ ,  $F$ ,  $G$ , &  $H$  ; quod autem illi obvenit, commune prorsus est alijs triangulis. Ut distractio propterea iconem sedaverat, ita exornat linearum contractio.

42. Specula alia suppetunt formarum omnino peculiarium. Sufficiat ea tantum indicasse, *prismatica* enim sunt, *elliptica*, *parabolica*, & id genus alia. Conficiendorum ratio non est prorsus impervia ; designata enim supra tabulam figura, puta elliptica, refecentur ligni partes, quæ sunt circa perimetrum. Polis ellipticos ligneæ ferreus axis infigatur cum manubrio ; qui fulcrorum hic inde positorum ope si in luto circumducatur, cui Rercus equinum commiscetur cum pilis vitulinis, ellipticam dabit cavitatem. Modulo probe exsiccatò immitatur lutum aliud, ut convexam ellipsim exhibeat ; ei vero nomen *famine* imponitur, huic *maris*. Marem inter, & sæminam, quæ una adjunguntur, exiguum permittatur intervallum, cui si metallum infundatur, conformabitur in speculum ellipticum. Quo demum superficies lævitatem, & splendorem aquirat, confricanda *stanni calce* diu est, & *pulvere Tripolitano*. Sed omnia nitide Wolfus edocet (2) vir diligentissimus.

## C A P U T IX.

### *De luce refracta.*

1. **V**IDEATUR ipsa sibi natura opes suas parce admodum distribuisse, nisi luminis reflexioni addidisset refractionem. Reflexus ut radius artem extimulavit ad invehendam. Catoptricen, ita scientiæ, quam Dioptricem nominant, ortum fecit refractus. Catoptrica tamen molimina cum dioptriciis qui conferat, ab his superari illa non diffidebitur præstantia, & utilitate. Rem propterea, quam sumus explanaturi,

---

\* Tab. VI. fig. 8. & 8. (1) Vid. Wolf. loc. eod. num. 304. (2) Loc. eod. cap. 4. & 5.

turi, concludimus partibus novem. Ostendit prima, lucem refrangi, secunda conjicit, progredi refractionem ab adtractione; labefactat tertia exceptiones; quarta agit de vitris planis; de convexis quinta; sexta de coneavis; de microscopiis septima; octava de telescopiis; nona demum ceteras exponit machinas catadioptricas.

## PARAGR. I.

*Ostenditur lumen refrangi.*

2. REFRACTIO est a via, quam persequi lumen deberet, declinatio. Lineæ scilicet perpendiculari accedit plus justo, vel ab ea recedit pro corporum, per quæ movetur, diversitate; explanari tamen illud non potest, nisi quædam afferantur in medium definitiones \*. *Radius incidens* est recta FB quæ a corpore F illabitur plano PL; *refractus vero radius* est linea BE, quæ refractionis ope deflectit a directo BD. *Incidentia axis* est recta AB puncto B, cui radius alliditur, perpendicularis; *axis autem refractionis* est linea BC ab incidentiæ puncto B normaliter ducta per medium refrangens. *Angulus incidentiæ* est FBL ab incidente radio FB effectus, & a plano LB; *inclinatiæ vero angulus* est FBA, quem radius incidens FB efformat, & incidentiæ axis AB. *Refractionis angulus* est EBD a radio refracto EB exortus, & a directo DB; *angulus autem refractus* est CBE, quem axis refractionis CB generat, & refractus radius EB. Horum nonnulla exposita semel fuere, sed repetitis non officit perspicuitati.

3. Exploratum omnino est, refrangi lucem, ubi quoniam a corpore oblique transeat in aliud. Verum perspecta pariter est lex qua eam subit inflexionem; a medio enim raro in densius ubi veniat, appropinquat perpendiculari; ab ea autem divertit si a densio migrat in rarius. Lumen ab aere in aquam deductum fieri axi proximius liquet, vasis U S M vitrei experimento \*\*; ejus per operculum foramine A patens, & opacum, ingrediatur radius FA. Plenum aere ubi sit, pergit radius FA per AD; aqua vero si vas repleatur, per AC ille progreditur, admoveaturque propterea normali AB. Lucem vero, quæ ab aqua in aërem profectitur, removeri a perpendiculari, constat, vitreo alio ex vase S M U \*\*\*; ejus aqua pleni in fundo extet nummus D. Hic videlicet ab oculo, qui in C versetur, non cernitur, licet ad illum directe se conferat radius DC; quod argumento est, radium DA, ubi ad aerem A pervenit, abire per AO, digredique ab axe AB. Et quidem oculus in O si collocetur, nummus D altiore in loco conspiciatur, nempe in E; producta enim recta AO, contendit perinde illuc, ac si  
ibi

\* Tab. VI. fig. 9. \*\* Tab. VI. fig. 10. \*\*\* Tab. VI. fig. 11.

ibi nummus existeret. Hæc potissimum de causa baculus, dum aquæ immittitur, videretur erectior.

4. Verum ubi augeatur diligentia, evincitur etiam quantitas refractionum. Innatescit nimirum, quantum quovis in corpore lux difflit a perpendiculari, ubi circulus  $LOPQ$  metallicus \* in quatuor partes gradibus appositis distinctas construasur, imponaturque ligneo fulcro horizontaliter (1). Ut lux  $RA$ , quæ per fenestræ  $R$  forum admittitur, cadat in circulum, statuendus in conclavi obscuro est, attollendusque, vel demittendus, & convertendus circa centrum  $A$ . Metallicis deinde ex laminis paratur capsula, quæ fundum chrysellinum afferat, instruatque rima, seu scissura, vitro pariter obducta; repleri autem aqua commodè possit, ut in circuli loco  $ACDE$  constituta forum obvertat radio  $RA$ . Extet præterea constatum purissima ex chrysellis parallelepipedum; quod eadem in circuli parte si collocetur, lucem  $RA$  excipiat, linatque ad gradus properare descriptos in peripheria. Ratum hoc sane pacto fit, quæ luminis  $RA$  ab aere in aquam, vel in vitrum, decedentis sit refraction; adjecta quippe primum aquæ theca, deinde autem chrysellis, cernit oculus circulo perpendiculariter admotus, qui cuique incidentiæ, & refractionis angulo respondeat numerus graduum. Ea scilicet in corpora ubi radius  $RA$  normaliter veniat, aut horizontaliter, refraction nulla indicatur; linea enim horizonti perpendicularis, vel parallela, locum sinibus non parat, a quibus tota regitur luminis inflexio. Oblique tamen dum irrui, experiundo comperitur, in quovis incidentiæ angulo rigidam servari inter sinus proportionem; sinus namque inclinationis  $MA$  ad anguli refracti sinum  $FG$  in aqua est, ut 4 ad 3, & in vitro ut 3 ad 2. Comperitur propterea angulus inclinationis quispiam, & refractionis, ubi sit, patent ceteri omnes; quovis enim modo in aquam, vel in vitrum, lux incidat, sinus prior erit <sup>4</sup> alterius, vel  $\frac{1}{2}$ . Ex sinibus tabulam Zahnii construxit (2), in qua ad singulos incidentiæ gradus in vitrum apposuit angulum refractum. Ampliorem tamen, quæ multa ad corpora spectat, dedit Newtonus (3).

5. Præceptiones antequam dioptricas, quæ apud Cartesium (4), Gregoryum (5), Molineuxium (6) Hartloekerum (7) Hoochium (8), Van-Aachium (9), & alios prostant, subjiciamus, agendum serio est de causa refractionis. Investiganda scilicet ratio non est, qua traji-ciuntur corpora a lumine; decrevimus enim, igneam apud substantiam eam degere, quæ minime obstat radiorum appulsi. Dubitationi potius subest principium, cujus gratia lux, dum corpora pervadit, viam mutat omnino; incompertum enim, illud adeo est, ut delitescat adhuc possi-fusam.

\* Tab. VII. fig. 1. (1) Ap. Nollet. phys. exper. leſt. 16. artic. 3. (2) Ocul. artifice. fund. 2. synt. 1. cap. 2. (3) Optic. lib. 2. par. 3. propoſ. 10. (4) Dioptricæ. (5) Elem. Dioptr. (6) Dioptric. nov. (7) Tentam. Dioptr. (8) Micrograph. (9) Microgr. curios.

susam disputationem. Ei accommodatior re quaque videtur esse adtractionis; inficiari tamen non possumus, omnem animo non depelli incertitudinem. Redarguendi non erimus si, quæ sentimus, summam edamus, & verecunde.

## PARAGR. II.

*Lucis refractionem conjicitur progredi ab adtractione.*

6. VERO simile est ab adtractione gigni luminis refractionem.

RAT. I. Ex materia, quæ lumen adtrahat, explanantur rite leges refractionum. Radius scilicet  $RA$  \* ab aere aqueam in superficiem  $PL$  si proveniat, eietur duplici motu; quorum alius a recta itineris via  $AC$  designatur, alter a vi adtractionis  $AB$ . Adtractionem videlicet perpendiculariter agere, consonum est penitus veritati. Aquearum enim molecularum, quæ lucidis utrinque assident, virtus perimitur ex opposita directione; sed quæ subsunt, cum adversum nihil habeant, trahunt illas deorsum. Duobus propterea impulsibus  $AC$  &  $AB$  lumen ut satis faciat, progreditur per diagonalem  $AD$ ; quam nemo non videt quantum accedat axi  $AB$ . Verum ab aqua in aerem lux ubi emigret, servanda illi est alia præscriptio; validius quippe aere aqua adtrahit, jubetque proinde digredi radium a perpendiculari. Aliter demum res cedit, si incidentiæ puncto oblique lumen non illabatur, sed normaliter; adtractio namque cum illius motu conspirat, ut angulo non effecto, accessus omnis eripiat vel recessus, nullaque prius peragatur refraction. Igitur ducenda refraction est ab adtractione.

7. RAT. II. Celeritas qua lumen refrangitur, indicat, causam esse adtractionem. Animadversum scilicet fuit, eo promptius lucem transmitti, quo compactiora corpora sunt, seu majorem obtinent copiam particularum. In aqua nempe expeditius fertur, quam in aere; quia minus hic, quam ibi, spatium percurrit tempore eodem. Verum eam ad velocitatem ubi materiæ quantitas conferat, sola suppetit adtractio; cetera enim imparia omnino sunt, quod cognationem nullam habeant cum densitate. Adtractionis nimirum plus intervenit, quo plus adest concretionis; spissum propterea corpus ubi lux permeet, adducatur fortius necesse est, quam dum trajicit rarum. Igitur qui contentus probabilibus sit, refractionem tribuat adtractioni.

8. RAT. III. Lumen a corporibus adtrahi, liquet omnino. Obscuro scilicet in cubiculo si lucis fasciculus per foramen admissus aciecul-

\* Tab. VII. fig. 2.

cultri impingat, vel vitri, inflectitur, plusque remotioribus accedunt corpori objecto moleculæ proximiores. Inter tolem præterea, & planetas, vigere, ratum est, adractionem; corpora autem opaca licet hi sint, fodina tamen radiorum ille est, & luminis promptuarium. Quod si ea lucis, adractionisque affinitas sit, ablonum non erit, deficientibus causis aliis, concedere vi adtrahenti luminis refractionem. Igitur refrangitur lux ex adtractione.

## PARAGR. III.

*Disjiciuntur exceptiones.*

9. UT rei cuique, ita lucis refractioni inepta esse creditur adtractio.

ARG. 1. Celeritate sola, quæ augeri potest, vel minui, omnia aperiantur mysteria refractionum. Indubia nimirum præscriptio est, velocius lucem deferri per medium alio concretius; pro decremento autem velocitatis, aut incremento, recedit illa, vel accedit perpendiculari. Radii videlicet  $RA$  qui in aquam  $PL$  decidit, celeritas \* conflatur ex duplici; quarum alia  $RF$  horizontalis est, & alia perpendicularis  $RE$ . Ad aquam cum pervenerit, si eadem progrediretur, qua in aere, velocitate, abiret per  $AB$ ; quæ iisdem prorsus ex celeritatibus componeretur  $AC$  &  $AG$ , nec appropinquaret, vel removeretur ab axe  $AO$ . Superstite tamen velocitate  $AC$  horizontali, cui nihil faveat vel obest, succrescit ex minori aquæ resistantia perpendicularis  $AG$ ; rectæ autem  $AC$  &  $AG$  ex virium coalitione diagonalem  $AD$  pariunt propiorem normali  $AN$ . Verum si ab aqua in aerem lumen decurrat, post incidentiam digreditur a perpendiculari; quia aer cum validius obstitat, decurrit normalem celeritatem; diagonalemque breviorē creat, & ab axe remotiorem. Igitur refractionis causa alia est ab adtractione.

10. RESP. Celeritatum compositionem exitisse inventum Cartesii (1). Glandem plumbeam, quam sclopetum in aquam exploferat, attolli observaverat, & discedere a perpendiculari; tribuere autem illud non poterat, nisi resistantiæ, qua motui, plus aere, aqua reluctaretur, veraretque ne persequeretur globus viam suam. Altera vero ex parte cumprehendisset, moveri in aqua celerius lucem, quam in aere, pronuntiavit; aquam illo minus obistere, ut ab una generatim corporis oppositione accersenda omnis esset varietas refractionum. Sibi quidem non constat Cartesius, dum luminis celeritatem amplificari asserit, & extenuari, pro densitate mediorum; unico enim temporis momento eam definierit lucem propagari, careat necesse est velocitatum inæqualitate. Dissidii, quod Fermatium inter, & Cartesium hac super re exarserat,

hîsto-

\* Tab. VII. fig. 3. (1) Dioptr. cap. 2. num. 7.



historiam dedit Mairanus (1); negabat enim Fermatius, in aqua radium progredi citius, quam in aere: Musschenbroekius tamen (2), Maupertuius (3), Clairautius (4), Martinius (5), virique alii minime indocti existimantur, luminis velocitatem auctiorem reapse esse, a corporum concrecione. Hanc in præceptionem ipsi consentimus, sed suspicamur, ne vera sit univérse; præter aquam enim, vitrum, & alia, observantur oculis substantiæ quæ licet confertiores sint, non adaugent luminis motum. Missa tamen hæc, quæ alio collinear, disputatione, ostendendum dumtaxat est, aquæ resistentiam, quæ Cartesio causa refractionis erat, conferre parum ad illam. Radium videlicet, aëbar, ad perpendicularem adduci ex aucta celeritate; accessionem autem velocitati fieri putabat, ex infirmiore aquæ, quam aeris, concrecione. Arduum quidem est; plenior a materia petere imminutionem obstaculorum; ipsis quippe vel sensibus exploratum est, corpus alio ponderosius certare acrius, & impensius. Sique moleculas aqueas, dicat, quæ ramosæ instar aerearum non sunt, adversari minus luminis impulsui, loquetur obscure; reponetur enim, eandem servari ab aqua posse luminis ab aëre procurrentis velocitatem, sed non augeri. Et si videlicet daremus, aquæ luctam esse aëre debiliorem, non cessaret tamen omnino; & nullam ubi esse velit, celeritas persistat eadem, nec illius gratia lumen contendat ad axem. Ad acuendam scilicet velocitatem postulat vera causa, quæ novam motui quantitatem adjiciat; quam in resistentiæ negatione qui statuatur, minime vero in adtractione, ortum rei existentis ducet a nihilo. Observatum sane fuit multas post refractiones a lumine non ferri vitrum, iacturam; plures quidem illius moleculæ dispergantur, sed quæ superfons, ubi multa per corpora traducantur, æqualem agitant refractionem. A resistentiæ tamen si refractio profunderet; intercederet brevi omnis excursio; inducendusque idcirco adtractio est, quæ celeritati stimulos addat, radiumque constanter admoveat perpendicularari. Igitur refractionum parens est adtractio.

II. ARG. II. Capienda congruentius refractio est ab obliquo particularum lucis incurfu. Sphærule nimirum  $v$ , quæ est radii portio\*, æqueum in planum  $PL$  cadat, vel vitreum, secundum directionem  $KA$ . Ubi pori  $c$  crepidinem attigerit, ex resistentia, quam offendit, convertitur circa suum axem; a semita idcirco  $KA$  cum deflectat, per  $am$  graditur, propendetque in normalem  $AF$ . Eum vero globulum ceteri cum consequantur, porique obstaculum omnes inveniant, inclinetur radius totus, necesse est, convergatque ad perpendicularem. Aeri tamen particulæ luminis si ab aqua illabatur, conficitur motus ratione alia;

Tom. III. Physicæ.

Mm

a po

\* Tab. VII. fig. 4.

(1) Ap. monum. acad. reg. Paris. ann. 1722. de refl. & refract. (2) Specim. phys. num. 1033. (3) Specim. cosmolog. pag. 51. (4) Explicat. Cartes. & Nevvt. de refract. lum. mon. acad. reg. Par. ann. 1739. (5) Dissertat. de lumin. refraction.

a poro enim dum exeunt, impinguntque loco eidem, in plagam adverſam rotantur, & ſecedunt ab axe. Igitur obtineri ſine adtractione poteſt lucis refractio.

12. RESP. Sententiam de refractione ſuam eo pacto edidiſſe Gaſſendū (1). Ambigendum tamen non eſt, eo ſe recepiſſe rerum meliorum inopia; lucis enim moleculas perinde verſavit, ac ſi lapides eſſent, vel eboris fruſta in globum tornata. Apertum ſine interpretatione eſt, ſibi invicem non ſuccedere particulas, niſi lux ſit effluviū; admiſſa enim luminis preſſione locis ſuis ſingulæ ſiſterant, nec quæ conſequentur, allidi oris pororum poſſent, & obvolvi. Fluxus tamen molecularum, quæ a corpore lucido perenniter erumpant, iis obſideri a ſcopulis obſervavimus, ut qui pudicam, philoſophoque minime indignam, formidinem retinuerit, non adoptet omnino. Exiguitas deinde corporuſculorum, quibus lux attextitur, everit omne conſilium; minora namque multo, & leviora, moleculis pororum ſunt, ineptaque proinde converſioni. Ubi videlicet duritiem marginum experiantur, avertantur in partem aliam oportet, locumque reflexioni potius parent, quam refractioni. Nulla poſtremo, quæ a corporum ingenio penderet, eſſet diverſitas refractionum; vitrum quippe aliter ab aqua lucem non tranſmitteret, nec major, minorve contingeret in illis acceſſus perpendiculari. Corporum namque compactionum pori, licet ſint ceteris pauciores, figura tamen impertiuntur eadem; æqualem propterea niſum cum obſcijant, eandem creare ubique deberent refractionem. Igitur rotatione quavis utilior refractioni eſt adtractionio.

13. ARG. III. Quin adtractionio opituletur, enaſci refractionio luminis poteſt a celeritatum inæqualitate. Statuendum videlicet eſt, radium, qui linearum lucidarum faſciculus eſt, & aliquam obtinet latitudinem, moveri in corpore raro citius, quam in denſo; hinc vero oritur refractionio. Ab aere nimirum in aquæ ſuperficiem PL deſcendat radius ABC\*; ex obliquitate autem punctum C aquam contingat ante aliud D. Interadum apex C per aquam proſciſcitur, cuſpis D fertur per aerem; proindeque majori celeritate ex rarioris medii natura cum fruatur, ſpatium longius percurrit, inclinaturque per curvam DG. Conſici autem illud non poteſt, niſi poſt refractionem radius incedat per CGMH; quæ via quantum perpendiculari CF ſit proximior, oculus, cui ſubjicitur, non ignorat. Oppoſitam penitus rationem tuetur lux, ubi ab aqua migret in aerem; aliud enim radii extremum prius alio invenit medium rariuſ, ut aucta velocitate inſeſtatur, & arceatur ab axe. Igitur non proſuit refractionio ab adtractione.

14. RESP. Hypotheſim hanc, quam Maignanus excogitaverat, deſenſatam a Barovvio (2) fuiſſe, & a Dechaleſio (3). Quo ab hoſtibus

vin-

\* Tab. VII. fig. 5. (1) Phyl. ſect. 1. lib. 4. cap. 11. (2) Leſſion. optic. (3) Diopt. lib. 1.

vindicaretur, conferenda luci esset natura omnino peculiaris; iisque ad socianda proprietatibus foret, quas nunquam tulit, sique ferret, supervacaneæ essent ad refractionem. Latum esse radium, logica potius est, quam physica imaginatio; lineæ enim, quæ creduntur illum conflare, nexu nullo colligantur, nullaque cognatione. Protenduntur videlicet singulæ suis viribus, ut ad planum confluant tempore eodem; apicesque propterea ineptiunt, quorum alius aquam citius tangat, adigatque alium in curvitatē. Verum si res ita esset, refractio adhuc non liqueret ex diversitate celeritatum; falso enim dicitur, velocius itinerari lux in medio rariore. Demonstrationes quidem ostendunt, sinus anguli inclinationis, & anguli refracti, esse inverse, ut celeritates (1); cumque aeris & aquæ sinus esse decreverimus, ut 4 ad 3, consequitur, celeritatem, qua lux in aere positur, esse alia minorem. Quævis demum esset velocitatum præscriptio, eruenda esset quæpiam a causa; ubi enim hæc deficeret, constans celeritas esset, nec subiret mutationem, quovis a medio transiret ad aliud. Quam propterea tardiores luminis motum deprædicant, vel celeriores, verba fundunt significationis expertia; disperseunte autem eo discrimine nihil superest, quo expediant leges refractionum. Igitur advocanda rectius est ipsa adtractio.

15. ARG. IV. Refractio si ab adtractione proveniret, rationem sequeretur densitatum. Quo plus materię scilicet corpora complecterentur, insigniorem parerent refractionem; vis enim adtrahens quantitaci concrectionum responderet, radiumque adveheret sortius perpendiculari. Compluribus vero in substantiis licet refractio a densitate non differat, expertus tamen post Newtonum (2) Gravesandius (3) fuit, existare alias non paucas, ubi lux sine lege illa progreditur. Fieri nimirum potest, ut corpora densitate non differant, paciaturque lumen refractionem; ab *alumine* enim in *vitriolum Gedanense* emigrat contendendo ad axem; ea autem sunt æque compacta. Uluvenit etiam, corpus esse alio densius, nec refrangi propterea lucem ullatenus; ab oleo namque *olearum* in *boracem* quorum illud est hoc rarius, venit, quin a recta flectatur via. Contingit postremo, radium, qui spisso a corpore in tenue delabitur, appropinquare normali; subtilior quippe *spiritus thevibinthina* est *aqua*, ab hac tamen in illum si deducatur, demittitur omnino. Igitur revocanda in aliud refractio est, quam in adtractionem.

16. RESP. Telum eo acutius intortum hæctenus non fuisse contra adtractionem. Existimandum tamen non est, omnem eripi salutis spem; Newtonus enim, a quo hostes acceperant ad vulnus infligendum; clypeum opposuit. Exploratum quo fiat, an luminis refractio densitatem

(1) Vid. Muschenbr. spec. phys. num. 872. (2) Optic. lib. 2. par. 3. propos. 10.  
(3) Elem. phys. lib. 5. cap. 6.

corporum sectetur, redigenda ea sunt triplex ad genus; alia namque *terrestria*, & *macra* sunt; *pinguia* alia & *sulphurea*; alia sunt *media*. Quæ terrestribus accensentur, *cryſtallum* sunt, *vitrum commune*, *antimonii vitrum*, & cum aliis *aer*; in his quidem pro materiæ ferme copia quam deferunt; experitur lux refractionem; Sulphureis annumerantur *camphora*, *olearum oleum*, *spiritus theberebina*, *electri spiritus*, & alia; quæ licet juxta concretionum inæqualitatem refrangi lumen sinant, inſteſtunt tamen duplo vel triplo fortius terrestribus. *Salia* demum mediis adjudicantur, *aqua*, *viſiola*, *ſpiritus vini*, cum aliis; horum vero ſpiſſitudini radius fere proſus obtemperat, ſed plus quam in terrestribus inclinatur, minus quam in sulphureis. Ratum propterea, firmumque ex observationibus eſt, præter corporis maſſam pendere refractionum leges a re alia; quam qui sulphurearum particularum in congerie ponat, non errabit omnino. Corporum videlicet, quæ conferta æque ſint, æqualemque contineant ſulphurum vim, lux refrangitur æqualiter; ſique materiæ quantitate differant, ſed non ſulphure, obſequitur refractione ponderum inæqualitati. Verum ſi gravitate differant, & ſulphurum multitudine, refractiones afferunt inſuetas; ponderoſiora namque lumen deſciant minus levioribus, pluſque rarioribus attollunt denſiora. Ab *alumine* propterea in *Gedaneſe vitrum* ubi lux abeat, fit propior perpendiculari; licet namque in pondere ea convenient, pinguedine tamen vincitur *alumen* a *vitriolo*. Levius ſape, quem *berax*, eſt *oleum oleum*, ſed radius ob hoc in illum ſe conferens, nullam edis refractionem; quantum enim *beraci oleum* denſitate cedit, tantum præſtat ei adipe. Ab *aqua* in *theberebina ſpiritus* ſi lumen deportetur, feſtinat ad axem; *ſpiritus* enim rarior *aqua* eſt, ſed numero abundat ſulphurearum molecularum. Nec dum hæc proponimus, immemores ſumus adtractionis; nulla enim ſubſtantia, niſi valde decipimur, allieiendæ luci videtur eſſe ſulphure accommodatio. Circa dubitationem ſcilicet eſt, arctiſſima uti illud cum igne affinitate; ignem autem a lumine non diſcrepare, ſancitum ſæpe numero ſuit, & non dubie. In ſpeculi præterea foco, ubi lux cogitur, ſulphur inflammatur, aliisque eo redundantia; obſcure autem illud non indicet, ſulphureis a ſubſtantiis radij trahi, & adduci conſtrique rem utramque in corpus unicum. Inepte itaque non pronuntiant, qui refractionem concedunt adtractioni; ſulphur enim denſitati adjunc tum lucem arripit, & pro viſibus conſeſcit in perpendicularem. Igitur ratio non lædatur, dum refractionum origo conceditur adtractioni.

17. ARG. V. Pugnat adtractione cum ea, quæ paſſim traditur, luminis natura. Præcipitur nempe, lucem materiam igneam eſſe lucido a corpore recta promotam; adtractione tamen, ſi refractioni prodeſſet, moleculas poſtulare jugiter effluentes. Lucidæ nimirum particule, ubi in poris corporum exiſterent, preſſionemque tantum expectarent, non obtemperarent adtractioni; loca enim ſua retinerent, nec ex illius vè diſtan-

distantias mutarent a perpendiculari. Igitur ad refractionem non proficit adtractio.

18. RESP. Refrangi ex adtractione lucem, quin sit effluvium. Non inficiamur, eo nodo implicari vindices puræ pressionis; ubi enim motum omnem lumini eripiant, conciliare refractiones nequeunt cum adtractione. Ii tamen non irretiuntur; qui pressionis vibrationem sufficiunt, & nisi veram motionem, ajunt quippe ex crebra lucidi corporis impulsione dimoveri reapse particulas ubique circumfusas, eoque pacto lumen diffundi. Igneas videlicet inter moleculas spatiosa adstruunt satis exigua, quorum gratia accedere invicem possunt enixius; sit proinde, ut dum loca nonnihil immutant, ad illa redeant ex elasticitate. Aditus hinc parari adtractioni crediatur, quo suam in illas directionem exercent; recta enim ferri cum velint, & inhibeantur ab adtrahente vi, mediam viam tenent secundum vel extra perpendicularem. Non nescimus; obijci acute posse, refractionis lineam fore omnino curvam, si temperaretur ab adtractione; in singulis enim medij punctis dimicaretur duæ vires; ex quibus prodirent innumere diagonales; hæ autem curvam attexerent. Inficiandum non est, sub ipsum transitus initium radium incurvari; momentis namque primis directionem omnino duplicem cum experiatur, facit utrique satis inflexione. Iter tamen dum persequitur, obliquius premitur, adeoque minus, a lucidi corporis oscillatione; ea præsertim celeritate fertur, ut tempus amittat accipiendi motorum leges, quibus obediat. Quod si perpetuam adhuc contendat, curvam describi, non morabimur ullatenus; veritatis namque sine dispendio respondebimus, rem ita esse, sed non percipi ex refracti radii brevitate. Igitur querenda in adtractione est luminis refractionis.

## PARAGR. IV.

*Agitur de vitris planis.*

19. VITRA plana sunt, quæ duabus a superficiebus continentur planis, & parallelis. In ea paralleli radii si cadant, post refractionem egrediuntur adhuc paralleli; in exitu vero cœunt, si incidunt convergentes. Vitreo nimirum plano se illabantur paralleli radii RA & BC, angulique incidentiæ RAS, & BCS sint æquales; non different propterea anguli PAD & PCH, qui opponuntur illis ad verticem. Rectis angulis PAF & PCL anguli PAD & PCH auferantur, supereruntque æquales anguli DAF & HCL; his vero si adimantur refracti anguli æquales EAF & KCL, obtinebuntur æquales DAE & HCK.

Ra-

Radii idcirco refracti  $AE$  &  $CK$  æqualiter distant a directis  $AD$  &  $CH$ ; quod fieri non potest, nisi inter se sint paralleli. Verum eandem in superficiem  $SP$  dum irruunt, convergant radii  $RA$  &  $BC$ \*; rectæ vero perpendiculares, quæ incidentiæ punctis  $A$  &  $C$  respondent, sint  $AE$  &  $CF$ . Ab illis, quæ parallelæ sunt, divergant necesse est refracti radii  $AG$  &  $GF$ ; convergunt proinde inter se, angulumque cum efficiant, coalescunt in  $G$ . Eadem de causa removentur invicem radii, qui a puncto  $G$  in vitrum  $SP$  veniunt divergentes.

20. Imagines objectorum, quorum radii in vitrum planum paralleli defluunt, æquales illis sunt, & erectæ. Typus nimirum  $DEF$ \*\* , qui a sagitta  $ABC$  efficitur, volumine cam æquat, partesque gerit eodem ordine distributas. Radii enim  $AD$ ,  $BE$ , &  $CF$  planum  $SP$  paralleli cum subeant, exantque ab eo paralleli, distare invicem puncta  $A$ ,  $B$ , &  $C$  æque indicant, ac puncta  $D$ ,  $E$ , &  $F$ ; proindeque eadem est iconis  $DEF$ , & speculi  $ABC$  magnitudo. Ostendi ratione haud dissimili potest, plumas  $C$  &  $F$  ad dexteram porrigi, & cuspides  $A$  &  $D$  ad lævam; quod eodem redit, ac in situ erecto simulacrum describi. Solis, cujus radii habentur magna ex distantia paralleli, figura per vitrum trajecta pingitur hoc pacto.

21. Objectum, quod planum trans vitrum spectatur, apparet proximius. Punctum videlicet  $S$  eo referretur, ubi est\*\* , si adspiceretur sine vitro  $AB$ ; radii enim  $SC$  &  $SD$  ad oculum  $O$  recta contenderent, nullamque experirentur refractionem. Vitro tamen  $AB$  appposito radii  $SC$  &  $SD$ , ubi ad illud divergentes perveniunt, inflectuntur, abeuntque per  $GM$  &  $HN$ ; post exitum vero refranguntur iterum, & cum divergant, oculum  $O$  adeunt per  $ME$  &  $NF$ . Rectæ porro  $ME$  &  $NF$  si producantur, feruntur in  $R$ ; eandemque sensationem pariunt, ac si a propinquiore puncto  $R$  radii puncti  $S$  procederent omnino. Oculum itaque propior locus  $R$  est, quam  $S$ .

22. Quod trans vitrum planum cernitur, objectum sit majus. Radii quippe  $FL$  &  $GM$ ‡, qui a punctis  $F$  &  $G$  sagittæ  $FG$  in vitrum  $AB$  convergentes demittuntur, illud trahunt per  $LK$  &  $MN$ ; egressi vero convergunt per  $KO$  &  $NO$  ad oculum  $O$ . Ubi rectæ  $OK$  &  $ON$  proferantur, deducuntur ad puncta  $E$  &  $H$ , oculumque  $O$  perinde afficiunt, ac si progrediantur iis penitus a locis. Verum si vitro  $AB$  non interposito speculum  $FG$  conspiceretur, se offerret oculo per radios  $FO$  &  $GO$ , angulusque  $FOO$  minor multo esset angulo  $EOH$ . Longior propterea linea  $EH$  oportet alia  $FG$  sit, augaturque rei objectæ magnitudo.

23. Multiplex objectum evadit, si trans vitrum spectetur ex planis plu-

\* Tab. VII. fig. 7. \*\* Tab. VII. fig. 8. \*.\* Tab. VII. fig. 9. ‡ Tab. VII. fig. 10.

pluribus conflatum. Punctum videlicet  $s^*$ , quod in vitri  $AB$  superficiem  $CG$  per radium  $SG$  directe provenit, sine refractione concedit per  $GO$  in oculum  $O$ . Radii vero  $SC$  &  $SF$  puncti ejusdem  $s$  oblique appellantur planis  $CA$  &  $FB$ ; cumque per  $CD$  &  $FE$  primo refrangantur, & secundo per  $DO$  &  $EO$ , subeunt denique oculum  $O$ . Verum lineæ  $OG$ ,  $OD$  &  $OE$ , si ultra vitrum protendantur, collineant in tria puncta  $s$ ,  $h$ , &  $l$ , triplicemque exhibent sagittam. Aucto propterea planorum numero succrescit imaginum multitudo.

## PARAGR. V.

*Phænomena explicantur vitrorum convexorum.*

24. EXPEDIRI refraction, quæ convexis in vitris peragitur, non potest sine ope definitionum. Vitrum, quod convexitate donatur; in lenticulæ speciem est conformatum; duplex autem lens est, nimirum *plano-convexa*, & *convexo-convexa*. Quam *plano-convexam* nuncupant, duarum superficierum alteram affert planam, & alteram convexam; hujusmodi est  $CD^{**}$ . *Convexo-convexa* lens convexam utramque gerit superficiem; cujusmodi est  $AB^{***}$ . *Semidiameter convexitatis* recta  $OR$  est, cujus opera describitur convexus arcus  $MNR$ ; *convexitatis* vero  $^{**}$  *diameter* est linea alterius  $OR$  dupla. *Axis convexitatis* est semidiameter  $OR$  productus in  $G$ , ut arcui  $MNR$  sit perpendicularis; *convexitatis* vero *centrum* punctum  $O$  est in extremo positum semidiametro  $OR$ . *Focus* demum lentis est locus, ubi post refractionem coeunt radii  $MO$ ,  $SO$ ,  $TO$  &  $NO$ .

25. Radii, qui per plano-convexam lentem transeunt, vel per convexo-convexam, quovis pacto incidunt, uniuntur post egressum unio in puncto. Divergentes primo radii  $GC$  &  $HD$  cadant in plano-convexam lentem  $AB^{***}$ ; perpendiculares vero, quæ incidentiæ punctis  $c$  &  $d$  respondent, sint  $KV$  &  $IX$ . Ubi puncta  $c$  &  $d$  illi contigerint, & ex aere migraverint in vitrum, normalibus  $KV$  &  $IX$  ut accedant, progrediuntur per lineas  $CN$  &  $DP$ . A vitro autem in aerem prodituri a perpendicularibus recedunt  $NO$  &  $PQ$ ; dumque per  $NR$  &  $PR$  iter conficiunt, congregiuntur in  $R$ . Locum deinde in eundem paralleli veniant radii  $FC$  &  $LD$ ; normalibus  $KV$  &  $IX$ , necesse est, propiores fiant, incedantque per  $CZ$  &  $DY$ . Egressuri autem a vitro in aerem quum sunt, a perpendicularibus digrediuntur, quas in schemate prætermisimus, ne linearum fieret perturbatio; festinantisque per  $zs$  &  $ys$  conveniunt in  $s$ . Radii denique  $EC$  &  $MD$  illabantur con-

ver-

\* Tab. VII. fig. 11. \*\* Tab. VII. fig. 13. \*\*\* Tab. VII. fig. 12.

\*\* Tab. VII. fig. 14. \*\*\* Tab. VIII. fig. 1.

vergentes punctis iisdem  $C$  &  $D$ ; normalibus vero, plusquam ceteri, eum appropinquant, & removeantur, dum aerem subeunt, congruunt in puncto lenti  $AB$  proximior. Quod sancitum de lente plano-convexa fuit, consonat omnino in convexo-convexam; eadem quippe demonstratio est a refractionum legibus ducta. Et quidem lenti  $AB$  si apponantur perpendiculares  $EG$  &  $FH$ \*, quæ invicem divergant, exploratum erit, radios  $CE$  &  $DF$  post refractionem recedere ab illis, mutuo convergere, & confluere in punctum  $L$ . Concursum vero locus a lente minus distat, quo major est convexitas illius; aucta enim curvitate  $ACDB$  accedunt puncta  $E$  &  $F$ , rectæque  $EL$  &  $FL$  plus divergunt a lineis  $EG$  &  $FH$ . Copulentur propterea, necesse est, citius in  $L$ .

26. Convexæ lentis axi paralleli si radii sint, cœunt in axe; ab eo autem procul conveniunt, si paralleli invicem sint, sed non axi. In lentem videlicet  $MN$  radii  $EM$ ,  $FP$ ,  $LQ$  &  $KN$  irruunt paralleli axi  $GR$ \*\* ; post refractionem vero, qua vitrum permeant, concedant, ut definitum fuit, unicum in punctum. Locus propterea, in quem rectæ  $SO$  &  $TO$  conspirant, est  $O$ ; eodemque tendunt, licet paulo inferius, lineæ  $MO$  &  $NO$ ; punctum autem  $O$  in axe  $GR$   $O$  reperitur, qui æqualiter dividit angulum  $SOT$ . Quod si in lentem  $AB$  radii  $CF$ ,  $EK$ , &  $GD$ \*\*\* decurrant invicem paralleli, sed non axi, post inflexionem per  $LO$ ,  $NO$ , &  $MO$  progrediuntur in  $O$ . Punctum  $O$  quantum ab axe divertat, ex inclinatione constat radii  $EK$ ; quo obliquius enim in superficiem  $AB$  ille inedit, eo remotior fit focus ab axe. Apertum itaque est, radios, qui a læva parte proveniunt, in dextera conjungi, & in læva, qui a dextera.

27. De radiis, quæ lentem invadunt axi paralleli, observanda tria sunt accuratius. Primum est, radios qui paralleli axi, & proximi, lentem plano-convexam ingrediuntur, jungi ad distantiam diametri convexitatis. Radius nimirum  $KL$ \*\* axi  $HD$  lentis  $AB$  parallelus refrangitur tantum in  $E$ , unde per  $EF$  se confert in  $F$ ; docet autem Wolfius (1), lineam  $GF$  a centro convexitatis  $G$  ad focum  $F$  ductam esse ad rectam  $CF$ , ut anguli refracti sinus est ad sinum inclinationis. Decretum superius fuit, in radio, qui a vitro in aerem deducitur, sinus angulorum refracti, & inclinationis, esse ut 3 ad 2; rectæque idcirco  $CF$  duas earum partium continet, quarum tres complectitur linea  $GF$ . Quod si a  $GF$  tertia illius portio  $GC$  auferatur, duæ supererunt, nimirum  $CF$ ; eumque recta  $GC$  semidiameter sit convexitatis, sit, lineam  $CF$ , quæ illius dupla est, distantiamque exhibet foci  $F$  a lente  $AB$ , esse diametrum. Secundum est, radios, qui paralleli axi, & propin-

\* Tab. VIII. fig. 2.    \*\* Tab. VII. fig. 14.    \*\*\* Tab. VIII. fig. 3.

‡ Tab. VIII. fig. 4. (1) Diopt. num. 166. & 168.



pinqui, lentem convexo-convexam impetunt, coalescere in semidia-  
metro convexitatis. Lens enim convexo-convexa  $CL^*$ , cui radius  $RA$   
axi  $HD$  parallelus impingit, ex duplici componitur plano-convexa; in  
caussa proinde est, ut duplicem post refractionem in  $A$  & in  $E$  con-  
fectam abeat ille per  $AE$  &  $EF$  citius in  $F$ . Quemadmodum vero  
unica ex lente plano-convexa linea  $KF$  dupla erat rectæ  $OK$ , ita ex  
duabus invicem impositis fit, distantiam  $KF$ , foci videlicet  $F$  a lente  
 $CL$ , esse semidiametro convexitatis  $OK$  æqualem. Compendii quidem  
gratia non asserimus demonstrationem; eam tamen de lente utrinque  
æqualiter convexa inveniet, qui pervadere rem cupiat, apud Wol-  
fium (1). *Tertium* est, a radiis, qui paralleli axi in lentem convexo-  
convexam feruntur, sed distant inæqualiter ab illo, non secari axem  
eodem in puncto. Radii nimirum  $MN$  &  $RA^{**}$ , qui paralleli axi  
 $HD$ , sed non æque diffiti, lentem  $EB$  adeunt, uniuntur in focus  $C$   
&  $F$ ; recta enim  $MN$  axi proximior, cum adjungatur illi in centro  
convexitatis  $C$ , efficit, ut remotior  $RA$  congruat in demissiore loco  $F$ .  
Inæqualis hæc radiorum ad axem convergentia nuncupatur *foci aber-  
ratio*; caussa quippe est, ne unico in puncto focus omnium puncto-  
rum existat, pingaturque clare objectorum imago. Quo insensibilis  
sit, iconesque non perturbet, exiguum, oportet, esse arcum conve-  
xum  $EDB$ ; radii enim invicem appropinquabunt, ubi in lente, quæ  
segmentum sit maximæ sphaeræ, non superet ille gradus 20. In segmen-  
to autem parvæ non excedat gradus 40.

28. Objectum, quod convexam trans lentem adspicitur, remotius  
apparet, & majus. Quod ad primum attinet, punctum  $P^{**}$  si oculis  
ipsis absque lente cerneretur, ad pupillam  $O$  contenderet per radios  
 $PC$  &  $PD$ . Lente  $AB$  interposita radii  $PC$  &  $PL$  per  $GH$  &  $LK$  eam  
trajiciunt, & petunt oculum  $O$  per  $HF$  &  $KE$ ; quæ sane lineæ si pro-  
ducantur, coeunt in puncto  $S$ . Omnem vero extra dubitationem est,  
punctum  $S$  ab  $O$  distare plus puncto  $P$ ; radii quippe  $SF$  &  $SE$  quorum  
est terminus, divergunt minus radiis  $PF$  &  $PE$ ; proindeque distantior  
est typus re objecta. Ad alterum quod spectat  $^{**}$ , radii  $EG$  &  $FM$   
sagittæ  $EF$ , postquam per  $GH$  &  $MN$  lentem  $AB$  pervasere, oculum  $O$   
subeunt per  $HO$  &  $NO$ ; hæc autem rectæ si proferantur, conjiciuntur  
in puncta  $C$  &  $D$ . Sine lentis tamen præsidio ubi spiculum  $EF$  specta-  
retur, properaret ad oculum  $O$  per radios  $EO$  &  $FO$ . Angulus autem  
 $EOF$  minor est, & acutior angulo  $COD$ ; recta idcirco  $CD$  longior  
alia  $EF$  est, seu icon amplior objecto. Ratum hinc fit, pendere distan-  
tiam corporum, & magnitudinem a lentis convexitate, ut quo major  
ea sit, longius posita esse credantur, volumenque grandius obtinere.  
Aucta quippe curvatura ad oculum fiunt radii magis convergentes.

Tom. III. Physic.

N n

29. Len-

\* Tab. VIII. fig. 5.

\*\* Tab. VIII. fig. 6.

\* Tab. VIII. fig. 7.

† Tab. VIII. fig. 8.

(1) Ibid. num. 184. &amp; 193.

29. Lentium convexarum usus commendandus maxime presbycis est, nempe senibus. Perspicillorum, quæ convexis ex lentibus construuntur, utilitates, & commoda Spina exposuit (1), & Armatus (2). Decevimus alibi res minus politas a senibus clare videri, & suas cominus obscure; convexis autem a lentibus eæ amplificantur, statuunturque in loco remotiore. Convexo-convexæ autem vitio promptius medentur plano-convexis; ob insigniorem enim radiorum convergentiam corpus propositum in plagam repellunt magis distitam. Quo senectus idcirco provehitur, eo postulatur lens convexior.

## PARAGR. VI.

*Differitur de vitris concavis.*

30. VITRA concava aliquas sibi quoque præire jubent definitiones. Lens *plano-concava* est, quæ superficierum alteram planam gerit, & alteram concavam; hujusmodi vero est  $AB^*$ . *Concavo concava* lens concavam habet utramque superficiem, cujusmodi est  $CD^{**}$ . *Mensisus* est lens, cui superficies insunt concava, & convexa; hoc vero ad genus, quod nullius ferme utilitatis est, pertinet  $EF^{***}$ . *Semidiameter concavitas* non differt a recta  $TV$ , cujus ductu a centro  $T$  describitur concavitas  $RVB^{**}$ ; *diameter* est illius dupla; *centrum* est  $T$ . *Focus imaginarius*, seu *virtualis*, non diserepat a puncto  $T$ , in quo radii  $EH$  &  $FL$  coirent, si producerentur ultra lentem  $CD$ . Hi vero sunt refractiones incidentium radiorum  $PR$  &  $QS$ .

31. Radii in lentem plano-concavam, vel concavo-concavam quovis pacto incident, egrediuntur ab illa divergentes. Lenti nimirum plano-concavæ  $AB^{***}$  radii paralleli  $DM$  &  $NN$  incurrant, normalesque ad incidentiæ puncta  $M$  &  $N$  ductæ sint  $FM$  &  $FN$ . Ubi lentem pervadunt, perpendicularibus  $MK$  &  $NO$  accedunt, abeuntque per  $MP$  &  $NS$ ; in aerem vero profecti a normalibus  $PR$  &  $ST$  deflectunt, gradiunturque per  $PQ$  &  $SV$ . Nemo autem non videt, rectas  $MP$  &  $NS$  plus lineis  $DM$  &  $NN$  divergere, lineasque  $PQ$  &  $SV$  plus rectis  $MP$  &  $NS$ . Eandem in lentem deinde veniant divergentes radii  $EM$  &  $GN$ ; quam permeare non poterunt, quin plus appropinquent normalibus  $MK$  &  $NO$ . Fiant propterea magis divergentes necesse est inter se; divaricationem vero adaugent, ubi in aerem deducti, digrediuntur denuo utraque a perpendiculari. Punctis demum  $M$  &  $N$  radii convergentes  $CM$  &  $LN$  impingant, minisque accedant, dum lentem tra-

\* Tab. VIII. fig. 9. \*\* Tab. VIII. fig. 10. \*\*\* Tab. VIII. fig. 11.

\*\* Tab. VIII. fig. 13. \*\*\* Tab. VIII. fig. 14.

(1) Ap. Radium Epist. ad Falconer. (2) Ap. act. Lips. ann. 1740.

trajiciunt normalibus  $mk$  &  $no$ ; in aere tamen removenitur adeo, ut invicem divergant, vel minus convergant, quam antea. Quod si concavo-concava lens sit, insignior divergentia erit majori ex convergentia perpendicularium  $pr$  &  $st$ .

32. Focus imaginarius lentis plano-concavæ ad diametrum concavitate reperitur, concavo-concavæ autem ad semidiametrum. Radii nimirum  $dg$  &  $eh^*$ , qui in lentem plano-concavam  $ab$  paralleli axi  $cf$  definiunt, post refractionem exeunt per  $rm$  &  $on$ ; hæ autem lineæ, si reducuntur, conveniunt per  $gc$  &  $hc$  in  $c$ , ut  $fc$  diameter sit concavitate. Ad lentes plano-convexas quæ præscripta fuere, consonant omnino in plano-concavas; radiorum enim divergentiam istæ, & illæ convergentiam pariunt, sed legibus iisdem. Sanctum autem fuit (1), radios, qui lenti plano-convexæ paralleli occurrunt, secari ad diametrum convexitatis, proptereaque ad diametrum concavitate  $fc$  copulabuntur imaginario paralleli radii  $dg$  &  $he$ . Radii deinde  $pr$  &  $qs$  \*\* axi  $vt$  paralleli in concavo-concavam lentem  $cd$  decidunt, erumpantque per  $he$  &  $lf$ ; hi quidem, ubi ultro producantur, coalescent in  $t$ , rectaque  $vt$  semidiameter erit concavitate. Iisdem namque ex præceptionibus constitit (2), ad convexitatis semidiametrum conjungi radios lentis convexo-convexæ axi parallelos; proindeque ad semidiametrum concavitate  $vt$  virtualiter concurrunt radii  $pr$  &  $qs$ . Focus itaque imaginarius a lente distat diametro, vel in ipso existit centro concavitate.

33. Objectum trans concavam lentem inspectum videtur proximius, & minus. Ad primum quod spectat, ipsis oculis sine lente punctum  $s$  \*\* si cerneretur, ad oculum  $o$  festinaret per radios  $sc$  &  $sf$ . Proposita autem concava lente  $ab$  radii  $sg$  &  $sn$  per  $gh$  &  $nm$  progressu oculum adeunt per  $hd$  &  $me$ ; quæ rectæ si ultra lentem proferantur, focum imaginarium obtinent in  $f$ . Negari autem non potest, punctum  $f$  ab oculo  $o$  distare minus puncto  $s$ ; quia  $df$  &  $ef$  superant divergentia radios  $cs$  &  $fs$ . Quod attinet ad secundum, radii  $cg$  &  $dh$  sagittæ  $cd$  \*\* lentem concavam  $ab$  per lineas  $ci$  &  $hk$  transgrediuntur, oculumque  $o$  petunt per  $io$  &  $ko$ ; hæ autem reducuntur pergunt in  $e$  & in  $f$ . Nulla ubi intercederet lens, quæ lucem inflecteret, puncta  $c$  &  $d$  ad oculum  $o$  deportarentur per rectas  $co$  &  $do$ . Angulus propterea  $cod$ , qui major est angulo  $eof$ , efficit, ut recta  $cd$  longitudine excedat aliam  $ef$ . Imago itaque est minor objecto.

34. Concavis lentibus quibus confici perspicilla assolent, prospicitur myopibus. Hi videlicet sunt qui proximas res clare spectant, & dissi-

Na 2. tas.

\* Tab. VIII. fig. 12. \*\* Tab. VIII. fig. 13. \*\*\* Tab. VIII. fig. 15.

†† Tab. VIII. fig. 16. (1) Num. 27. (2) Ibidem.

tas obscuræ; præcipuum vero, quod concavæ lentes obeunt, munus est objectorum approximatio. Concavo-concavæ utiliore[m] sane operam navant plano-concavis; radios enim latius diducunt, punctumque idcirco lucidum faciunt esse propinquius. Ea de causa ubi myopum morbus excrecat, augenda est lentium concavitas.

## PARAGR. VII.

*Structura exponitur microscopiorum.*

35. Ex vitrearum lentium affectionibus profecta sunt *microscopia*. Hæc quæ vocantur a nonnullis *engyscopia*, dioptricæ machinulæ sunt, quarum opera res parvæ, & proximæ augentur, evaduntque prorsus conspicuæ. In duo genera referuntur, *simplicium* videlicet, & *compositorum*; lente unica conficiuntur illa, sed hæc pluribus; quarum quæ in objectum spectat, *objectiva* dicitur, & quæ in oculum, *ocularis*. Corporum, quibus perspicendis inventa microscopia fuisse, tres sunt species, *uvulentium* nempe, *opacorum*, & *diaphanorum*. Quæ vivunt, cujusmodi *pediculus* est, *musca*, *culex*, & alia forcipulæ immittuntur, vel infinguntur stylo, ne alio avolent, sed admoventi rite possint lenticulæ. Opaca quæ sunt, plantarum puta *semina*, *ovula* piscium, aut *salia*, tympana imponuntur concinne adjecto, in quod lens demittitur pro foci distantia. Quæ demum sunt diaphana, aqua nempe *putris*, vitreas inter laminas concluduntur, & suspenduntur, quo in ea per lentem oculus collineat, & *animalcula* cernat innatantia. Compertior tamen horum utilitas fiet ex microscopii utriusque descriptione.

36. *Simplex* microscopium est *multiplex*. Formæ, quibus donari affolet, sit enim aquea etiam ex sphaerula, apud alios extant dioptrorum dogmatum adsertores (1); unicam afferimus ceteris fortasse utiliorem, quam acceperimus a Wolfio (2). Ex orichalco tubi duo comparantur *AB* & *E C D F*\*, quorum ille hunc ingreditur, ut conficiant integrum microscopium. Superficie tubus *AB* in cochleam conformata utitur, quo promoveri commodè possit, & removeri; vitroque instruitur convexo, ut objectum illustretur in illius foco constitutum. Tubus alter *E C D F*, cui manubrium *GH* ex ebore adjungitur, pater in latere utroque; eo namque tabella *M N* transversa adigitur, ubi rotundis in loculis corpuscula vitris interposita degunt examini proponenda. In extrema illius parte *CD* cochlea suppetit, cui adnectitur theca *r*; huic vero lenticula inest diametri prorsus exigui, per quam fertur oculus in rem objectam. Loco eidem filum metallicum adjacet in spiras contortum; quum enim a tubo *AB* tabella *M N* comprimitur,

\* Tab. IX. fig. 1, 2, 1. (1) Ap. Wolf. dioptr. num. 421. (2) Ibidem.

tur, statuiturque in foco lenticulæ, ab elastro retinetur in situ. Præcipua hæc sunt, faciuntque facis uvis microscopii; theoria tamen ne desit, exponenda est ratio, qua corporum diametri adaugentur, ut quæ oculorum aciem eludebant, fiant explorata. Quo illud innotescat, præcipitur generatim, corpusculum conspici distincte, quia a lente ejus in foco est, refertur ad locum, ubi eodem sub angulo cerneretur sine vitro penitus elare. Si res ita se habeat\*, ad lentem CH oculo O proximam duo triangula conficiantur ALB & ELG; quorum latera LD & LF distantias delignent; AB vero & EG magnitudines exhibeant corporis veri & apparentis. Fusiori sine demonstratione triangula illa, constat esse similia; quo conficitur, diametros AB & EG, verum nempe, & apparentem, esse ut LD & LF; seu distantias illarum a lente CH. Hoc qui expendat, haud ægre comperiet, quantum pro lenticulæ convexitate succrescat res quæque. Planum scilicet cum sit (1), objectum ad pollicum 8 distantiam clare ab oculo spectari, recta LF exprimit pollices 8; alia vero LD, quæ superiori ex præscripto æqualis semidiametro convexitatis lentis CH est,  $\frac{1}{6}$  pollicis contineat, seu lineas duas. Magnitudo vera AB si pro unitate accipiatur erit LD: LF = AB:EG, seu  $\frac{1}{6}:8=1:x$ ; quæ sane proportio ad formam simplicem si redigatur, longitudinem apparentem x seu EG, dabit pollicum 48. Totum vero corpusculi volumen qui postulet, non nesciet; superficies esse, ut quadrata diametrorum; ratumque propterea erit, a lente ejus semidiameter convexitatis linearum duarum sit, efferrî illud ad pollices 2304. Quod si convexior adhuc lens fuerit, radiumque habeat unius lineæ, prodibit  $\frac{1}{11}$ ;  $8=1:x$ ; apparens nimirum diameter x, seu EG, pollicibus 96. distrahetur, & superficies 9216. Corpus tamen objectum, plus lenticulis, amplificat sphærulæ vitæ; quia cum vitrum a facula liquefiat cito, & in guttulam facile conformetur, obtinere diametrum queunt lente quavis minorem. Microscopia idcirco ex sphærulis confecta creduntur ceteris esse præstantiora (2).

37. Microscopium compositum duabus sæpe numero lentibus construatur, tribus plerumque, & interdum aliis. Ceteris, quæ adiri alibi possunt (3), prætermisiss, hujus, cui inesse vitra duo volumus, forma percipitur, si a punctis A & B objecti AB in lentem convexam CD cadant radii AC & AD, BC & BD\*\*. Post refractionem exeunt de more convergentes, imaginemque pingunt in G & in K; inde autem divergunt, & per GR & GV, KZ & KS lenti RS impingunt, quæ segmentum est sphæræ alia majoris. Ab hac egressi ad oculum O properant

\* Tab. IX. fig. 2. \*\* Tab. IX. fig. 3. (1) Ap. VVol. ib. num. 408.

(2) Ap. VVol. ibid. num. 426. & 432. (3) Ibid. num. 439, 450, 451.

rant per  $RO$  &  $SO$ , angulumque in eo efficiunt  $ROS$ ; hic vero ob majorem radiorum divaricationem amplior angulo  $CEB$  est, multoque magis angulo  $AEB$  sub quo cerneretur spiculum  $AB$  sine lente  $CD$ . A lente propterea  $RS$  exaggeratur valde typus  $GK$ ; & quidem restat  $OR$  &  $OS$  si producantur, venient in  $F$  & in  $L$ , præstabuntque, ut diameter  $FL$  longior sit diametro  $GK$ . Quod si lens  $TV$  tertia adjiciatur, insigniorem sagitta  $AB$  capiet auclionem; angulus quippe  $TXV$  latior erit angulo  $ROS$ , & ad linearum  $TX$ , &  $VX$  extrema  $M$  &  $N$  schema dabit ceteris diductius. Prætereundum vero non est, duabus a lentibus exhiberi iconem inversam; compertum enim ex radiorum intersectione fit, sagittæ plumam  $A$  in  $K$  festinare, & culpidem  $B$  in  $G$ . Tribus tamen a lentibus loco suo restituitur utrumque; post tertiam enim radii iterum permutantur, eoque in situ exemplar collocant, qui responderet partibus objecti. Numerus itaque lentium par formam evertit, convertit autem impar.

38. Rei tamen summa sita in modo est, quo instituendæ ex microscopio sunt observationes. Ambigunt plane arcanorum naturalium exploratores, an simplicia sint compositis utiliora; quisque vero pro ea, qua valet, arte microscopium suum ceteris antefert, nec sine ratione. Qui videlicet simplicibus utuntur, Leeuwenhoekium ajunt (1), cujus oculis abditiora patebant naturæ penetralia, his studuisse, non aliis; præsertim cum composita ex lentium copia aberrationem foci subeuntium perturbationem inducant, & obscuritatem. Contra qui sentiunt, adimi compositorum vitia posse, existimant, accurato eorum artificio; nihil tamen moderi simplicibus, affirmant, quibus adplicari corpora multa non valent; nec quod præcipuum est, apte illustrari. Ne quod sentimus; premamus animo, simplicibus, opinamur, composita præstare; modo enim lentibus tribus, ut plerumque fit, consent, emendari queunt cura diligentiore. Cavendum scilicet est, ne tubi chartacei, & verticaliter erecti, quibus lentes concluduntur, dilabantur facile, & excurrant sine lege; instruendi propterea cochleis sunt ligneis, quibus sensim demittantur, vitrumque objectivum admoveatur probe rei propositæ. Objectum deinde perfundendum lumine est; ut oculo perpendiculariter inspectanti fiat prorsus perspicuum; a speculo ideirco, quod solis lucem, vel faculæ reflectit, opacum corpus nitere cogitur supra, & diaphanum infra. Comparandæ demum lenticulæ objectivæ multæ sunt, quæ tempore non eodem supponantur tubo extremo; pro corpusculorum enim varietate adhibendi foci multi sunt, quorum causa evadant compertiora. Qui hæc non prætereant, compositum nulli cedere usu, intelliget, microscopium.

PA-

(1) Ap. Wolf. ibid. num. 457.

## PARAGR. VIII.

*Explicatur forma telescopiorum.*

39. Post microscopia attexenda elucubratio est *telescopiorum*. Corporibus ut exiguis, & proximis, ea inserviunt, ita hæc ingentibus, atque remotis; historiam quippe naturalem microscopia locupletarunt, telescopia vero astronomiam. Chartaceis ex tubis hæc pariter constantur, intendunturque præsertim ad sydera; duplicis autem generis sunt, ut *dioptrica* alia nuncupentur, alia *catadioptrica*. Quæ dioptrica dicuntur, conficiuntur tantum ex lentibus; tria vero potissimum sunt, nempe *Galileanum*, *Astronomicum*, & *Terrestre*. Catadioptrica autem ex lentibus constant, & ex speculis; quæ duo præsertim sunt, videlicet *Gregorianum* & *Newtonianum*. Suffecta lentibus specula, hoc est, refractionibus reflexiones, fuere certis de causis, quas non præteribimus.

40. *Galileanum* telescopium nomen accepit a Galileo. Ita non appellatur, quod auctorem sibi adsciverit Galileum, sed quod usus vir eximius fuerit ad contemplandas cælestium corporum conversiones. Nuncupatur etiam *Batavum*, quod inventum nonnullorum sententia fuerit a Jansio, & Lipperhejo Mediodurgi in Batavia; ab aliis tamen Metio adjudicatur, vel Portæ (1). Duabus ex lentibus constructur, quarum objectiva convexa est, & ocularis concava; rem vero longe positam oculo admovent, illiusque volumen amplificat non parum. Accedere corpus compertiet\*, qui a puncto C sagittæ AB irruere in lentem CD velit radios CC & CH, CK & CD; hi vero cum habeantur paralleli magna ex distantia, uniuntur sine concava lente EF in puncto L, & ad oculum O non perveniunt. Ea autem interposita refranguntur iterum, exeuntque per divergentes lineas FM & QN; quæ ad o deductæ, subeuntelque pupillam, reticulari inscribunt imaginem G. Iconem vero ampliorem speculo A B esse, constabit\*\*, si lentis EF concavitatem, animadvertatur, convexitate lentis CD esse majorem. Radii nimirum, qui a punctis A & B proveniunt, lente CD trajecta, nisi aliam EF offenderent, coirent in H & in K; ei tamen occurrentes plus divergunt, & per lineas MR & PR, PS & NS copulantur in punctis retinæ R & S; a recta vero RS magnitudine vincitur alia HK. Sagitta demum apparet erecta, quia inverle describitur in reticulari.

41. Telescopium *astronomicum* emendatio est Galileani. Radium ob divaricationem postulabat illud lentem ocularem exiguan; minor hinc erat objectiva, ut focorum ob viciniam parvus exhiberetur *campus visibilis*. Ut incommodo Keplerus prospiceret, concavæ lenti suffecit con-

\* Tab. IX. fig. 4. \*\* Tab. IX. fig. 3. (1) Ap. Muschenbr. spec. phys. num. 1234.

convexam (1); tubumque nuncupavit astronomicum, quod ob latiore[m] visionis aream accommodatior alio esset observationibus stellarum. Lentes nimirum convexas  $CD$  &  $GH$  \* ita contulit, ut earum focus medius esset utrique; contingit enim, radios  $AC$  &  $AD$ ,  $BC$  &  $BD$ , qui perinde in lentem  $CD$  cadunt, ac si essent paralleli, jungi demum in foco  $EF$ . Hinc divergentes per  $EG$  &  $ER$ ,  $FS$  &  $FH$  in lentem aliam  $GH$  magis convexam irruunt, a qua in oculum  $O$  paralleli convergunt per lineas  $GM$  &  $HM$ ; hæ autem si producantur, veniunt in  $K$  & in  $L$ , imaginemque latiore[m] efficiunt. Apertum omnino fit, cum microscopio convenire id genus telescopii; differunt tantum, quod lentem ocularem objectiva convexiorem hoc deferat, illud planiorem. Objecta demum inversa astris non efficiunt; donantur enim forma rotunda.

42. *Terrestre* telescopium medetur morbo astronomici. Inverse objecta cum illud exhibeat, adspiciendis impar est rebus telluris; eas ut erigat, conficitur aliud lentibus quatuor, inter quas objectiva segmentum sphaeræ majoris est, tres vero ceteræ minorum, & æqualium. Ab objecto scilicet  $AB$  \*\* radii illabuntur ferme paralleli lenti  $CD$ ; remotum enim cum illud sit, anguli quibus radii distrahuntur, evadunt insensibiles. Ubi lentem  $CD$  transierint, illius in foco eversam imaginem delineant  $HF$ ; cujus a punctis  $H$  &  $F$  divergunt, obviamque habent lentem  $EG$ . Ab ea de more egressi se intersecant in foco, & paralleli irruunt lenti  $KL$ ; quam trajiciunt convergendo, ut in illius foco iconem aliam  $MN$  describant, sed erectam. Lentem postremo  $NS$  pervadunt divergendo a punctis  $M$  &  $N$ ; peractaque refractione in oculum  $O$  contendunt paralleli. Compertum hinc fit, sagittam  $AB$  loco restitui; typi enim  $MN$ , qui oculo objicitur, extrema respondent partibus illius. Astronomici itaque lentibus duas convexas, qui adjiciat, *terrestre* construet telescopium.

43. Telescopium *Newtonianum* ab inventore dicitur Newtono (2). Catadioptricum est ex lentibus, & speculis constatum; hoc enim pacto duobus lentium incommodis prospicitur, tuborum videlicet molimini, & lentium obscuritati. Et quidem dioptrica, quo lentes ad amplificanda objecta idoneas contineant, longitudinem possunt pedum interdatum 30; illud autem, quod pede unico profertur, proceritati supplet pedum 12, vel 14. (3). Reflexiones deinde refractionibus sufficiens remedium parat imaginum etiam perturbationi; quæ a lentium figura, ut nonnulli existimarunt, non provenit, sed ab inæquali lucidarum molecularum, ut quam primum videbimus, *refrangibilitate* (4). In tubi itaque  $CEFH$  fundo \* extat speculum  $GD$  metallicum, & concavum; quod

\* Tab. IX. fig. 6. \*\* Tab. IX. fig. 7. \*\*\* Tab. IX. fig. 9. (1) Optic. edit. ann. 1611. (2) Optic. lib. 1. par. 1. propos. 7. & 8. (3) Ap. Musschenbr. spec. phys. num. 1321. (4) Ap. Newton. Loc. cod.



quod cum sphaeræ portio sit, focus habet pone extremum alterum h. c. Illud inter, & focus inclinatur speculum PQ planum vitreum, vel metallicum, ad angulum graduum 45; adnectitur autem anfulæ, quæ promoveri potest, vel removeri, per tubi longitudinem. Lateri FH tubulus adjacet, in quo lentícula TV versatur, vel plures, pro rei opportunitate; cujus foramini, quod exiguum omnino est, admovetur oculus O. Tubus alius adjicitur lentibus duabus instructus, cujus axis parallelus est axi tubi CEFH; intuitio enim obliqua cum sit, utilis ille est ad inveniendum objectum, offerendumque conspectui. Omnia demum fulcro ligneo imponuntur trochleis, funiculisque non destituta; quorum opera demittitur telescopium, vel attollitur in sium contemplandis rebus opportunum. Enimvero explicanda ipsa est ratio reflexionum. A punctis enim A & B tubum CEFH petunt radii IG & LN, KD & MR; antequam tamen eum subeant, se intersecant, ut IG & LN a puncto B veniant, KD & MR ab opposito A; quod prætermisimus, ne ferret schéma confusionem. Speculo GD excepti reflectuntur convergentes, & in illius foco imaginem sagittæ AB describerent, nisi obvium haberent speculum aliud PQ; ab hoc tamen iterum regeſti uniuntur in foco lenis TV, iconemque pingunt SQ. A punctis demum S & Q divergentes pervadunt lentem TV; a qua cum egrediantur paralleli, oculus O adeunt, consignantque ipsis reticulari. Exploratum sit, sagittam AB, cujus forma oculo inferbitur erecta, videri inversam; cui visio ut consulant, convexas duas adjungunt lenti TV. Ad augendam rei propositæ magnitudinem uti unica solent, sed diametrorum inæqualium; eaque de causa adduci speculum PQ juxta tubi CEFH longitudinem potest, & reduci una cum tubulo. Mutata enim reflexionum distantia plus minusque accedit imago SQ lenti TV.

44. Gregorianum telescopium, quod catadioptricum pariter est, appellationem sumſit a Jacobo Gregorio (1). Anno 1663. illud ediderat ante Newtonianum, quod lucem adſpexit anno 1670. verum cum recepit anno 1720. tantum fuerit, postquam hujusmodi telescopia emendaverat Hallejus (2), hinc describitur post aliud. In extrema scilicet\* tubi CEFH parte statuitur speculum concavum DG; cujus in centro foramen rotundum hiat satis amplum, per quod deduci facile possunt lucis fasciculi. Illius e regione speculum aliud QR erigitur, cui inest major concavitas; capulo autem V affigitur, cujus præsidio excutere commodè potest per tubum CEFH. Tubus XXX alius apponitur lente plano-convexa XX prædix, & menisco ZZ; ejusque in fundo forolum omnino parvum suppetit excipiendo oculo O non inepium. Nihil de fulcro addimus, cujus figura præſto est fusiores apud Scriptores; se-

Tom. III. Physicæ.

Oo

mitam.

\* Tab. IX. fig. 8. (1) Optic. promot. propos. 59. (2) Ap. Muffchenbr. spec. phys. num. 1323.

mitamque potius commonstramus, quam lux servat ab reflexiones. Radii nimirum  $ID$  &  $KN$ ,  $MG$  &  $LP$  ab oppositis paralleli decidunt punctis  $A$  &  $N$ ; admissi autem ad tubum  $CEFH$  speculo  $DG$  impingunt, a quo propulsati, & convergentes, in aere pingunt iconem  $ST$ . A punctis  $S$  &  $T$  divergentes offendunt speculum  $QR$ ; hinc tamen remissi in lentem  $xx$  descendunt, eaque trajectory typum alium convergendo efformant  $yy$ . In meniscum denique  $zz$  proveniunt, cujus focus est in  $yy$ ; ab eo autem egressi fiunt paralleli, oculumque  $O$  pervadunt ad convellendam reticularem. Admovendum scilicet speculo  $DG$ , vel removendum, aliud  $QR$  est ex inæquali spectandarum rerum distantia; quo enim remotiores sunt, eo imago  $yy$  diffusa magis est ab oculari  $zz$ . Quod non præteritur in telescopio etiam terrestri; radii quippe proximiores, cum paralleli minus adveniant, copulantur ultra focum, ut proferendus ideo plus sit tubus ocularium. Ceterum Newtoniano telescopio antecurunt multi Gregoryanum; duplicem enim ob lentem licet sit illo obscurius, imaginem tamen erectam offert, illamque amplificat insignius. Accommodatum propterea est conspiciendis quoque corporibus telluris.

## PARAGR. IX.

*Alia expediuntur inventa catadioptrica.*

45. CATADIOPTRICAS inter machinas tres observantur præsertim, camera nimirum obscura, lampas megalographica, & microscopium solare. Ad cameram quod attinet, animadvertit Joannes Baptista Porta (1), ut alibi non præterivimus, objecta exterius posita, quorum radii per foramen cubiculo se ingerunt, delineari in adverso pariete. Elaboratæ hinc fuere capsulæ formarum pene innumerarum, ubi lentis ope imagines rerum procul sitarum inscribuntur planæ superficier; harum vero unicam proponimus. Forum nimirum  $x$  thecæ  $rsvt$  ingrediuntur a punctis  $A$  &  $B$  radii  $AK$  &  $BK$ ; his vero speculum  $CD$  vitreum occurrit ad  $45$  graduum angulum proclive. Ubi a punctis  $E$  &  $F$  reflectantur, deducuntur per  $EG$  &  $FG$  ad lentem  $G$  tubo  $LI$  inclusam; eam vero cum pervadant, divergendo feruntur deorsum, typumque insculpunt  $MN$ . Lateri demum  $RT$  adjacet limen  $xy$ ; cui si caput inferatur, conspiciuntur haud ægre, quæ exarantur in plano  $TV$ . Ea utuntur plerumque ad agrorum, fluminum, montiumque descriptionem.

46. Lampadem megalographicam, quam lucernam magicam vocant, in ea cogitavit Kircherus (2). Capsula constat, tuboque ductitio \*\*; in ea spe-

\* Tabl. IX. fig. 10. \*\* Tab. X. fig. 7. (1) Magia natur. edit. ann. 1560.

(2) Ap. Muschenbr. spec. phys. num. 1320.

speculum concavum CD concluditur, fax F, & convexa lens EG; tubo vero infunt lentes duæ convexæ HK & LM. Radii enim faculæ F a speculo CD remissi cadunt in lentem EG; quæ cum latior sit diametro objecti AB, efficit, ut illustretur omnino. Sagittæ AB loco inter capsulam, & tubum, inducuntur transversæ vitreæ tabellæ; quibus figuræ coloribus multis distinctæ commendantur, ut imaginem pariant NO. Scilicet a punctis A & B lumine perfusis divergunt radii in lentem alia planiorem HK; hinc vero exeuntes ferme paralleli tertiam subeunt minus adhuc convexam LM. Convergentes ab ea demum recedunt, cœuntque in punctis N & O; ubi albo in pariete, vel in syndone, iconem NO delineant re proposita multo distractiorem. Luminis tamen iter qui contemplabitur, typum comperiet esse inversum.

47. *Microscopium solare* referimus acceptum Liberkuynio (1). Eadem in loco obscuro spectacula exhibet, quæ magica lampas; lumen tamen a facula non capit sed ipsomet a sole. Tabulæ nimirum ABCD\*, quæ fenestram occludit, foramini insertur tubus MN; cui circulus HL ligneus adnectitur in centro I deferens lentem convexam. Regulæ duæ metallicæ OO & oo illi insiguntur, quæ speculum planum sustinent EF; hoc propterea circumduci ab illis commode potest, quia mobiles cum circulo sunt circa centrum I. Virga OE extra conclave in idem speculum porrigitur, ut attollat, & demittat omnino; sit enim inelinari illud utroque ex motu quamlibet ad partem posse, ut solis radium excipiat SK. Tubo MN alius PQ ductitius minor inferitur, ejus ad extremum R patet forum exiguum; lignea vero theca ille instruitur, ejus in scissuram traduci tabella Z Z potest corpusculum duo inter vitra complectens. Ansa denique Q extat, per quam excurrit regula TU; huic vero in T perpendicularis est theca XT, quæ lentem aliam deferret parvam penitus X. Ubi solis radius SK in speculi K punctum descenderit, lentemque I per KI trajecerit, objectum illustrat foco illius rite admotum, positumque in PQ. Per foramen vero R deductus lenticulæ alteri X occurrit congrue promotæ; a qua per lineas XY & XY divergens imaginem amplissimam in linteo depingit VV. Hunc sane in modum ea in conspectum veniunt, quæ essent prorsus inconspicua; *pulex* enim *birci* magnitudinem æmulatur, & *capillus* imitatur *baculi* crassitiem. Quod tamen admirabilius est, assequitur oculus *sanguinis* etiam circuitiorem; experti enim post alios ipsi fuimus, in *rana* mesenterio vasa sanguifera fluminibus, quæ chartas chorographicas intersecant, esse perfimilia. Nullum itaque tubos præter astronomicos dioptricum inventum est hoc utilius.

48. Dicendum quidpiam effet de *polemoscopiis*. Opificia nempe sunt catadioptrica, quorum opera conspiciamus alios, quin conspiciamur; no-

Oo 2.

men

\* Tab. X. fig. 2. & 2. (1) Ap. Nollet. phys. exper. leç. 17. sect. 4. artic. 2.

men vero illud obtinent, quod bellicum apparatus extra urbis mœnia  
suum exhibeant sine vitæ discrimine. Non differunt magnopere a ca-  
meris obscuris; speculum enim gerunt, a quo lumen reflectitur, & len-  
tes in quibus refrangitur, ut rei objectæ pingant imaginem. Abstinē-  
dum propterea est a sermone prolixiori.

## C A P U T X.

### *De coloribus.*

1. **A**R. fortasse nulla experimentorum utilitas æque constitit, ac  
a systemate colorum. Postrema ante hæc tempora philoso-  
phi plane omnes dissidebant de causa colorum; palmamque sibi tribue-  
bar, non qui veritati plus accederet, sed qui minus distaret ab illa.  
Attamen post periculationes, quas Newtonus diligenter excoluit, pro-  
diit latens principium; cui adversari initio licet non pauci fuerint, su-  
binde consenserunt omnino. De colorum itaque natura disputaturi,  
rem absolvimus partibus quatuor. Prima nonnullas affert observationes;  
memorat secunda hypotheses philosophorum; probat tertia, colores mo-  
leculas lucis esse suapte ingenio coloratas; disjicit quarta sententiam  
adversam.

#### PARAGR. I.

### *Nonnullæ afferuntur observationes.*

2. **AFFECTIO** corporis est color, cujus gratia evadit conspicuum.  
Dividi colores in *permanentes* assolent, & in *apparentes*. Vocant *per-*  
*manentes*, a quibus perpetuo corpus afficitur; & hujusmodi sunt *lilio-*  
*rum* albedo, *purpureusque nitor rosarum*. *Apparentes* nominant, qui  
desunt corpori interdum, interdumque se illi restituant; cujusmodi lux  
*nubium* est, & lumen, quæ avium caput, & dorsum ornant, *pluma-*  
*rum*. Disperitiuntur colores in *primos* etiam, & in *secundos*. Nuncu-  
pant *primos*, seu *primitivos*, qui non suboriuntur ex aliorum permix-  
tione; *secundos* vero, seu *derivatos*, dicunt, qui ex primis fiunt una con-  
cretis. Aperta hæc ex iis erunt, quæ mox sumus reseraturi.

3. **EXTREMI**, quos inter ceteri continentur, sunt color niger, &  
albus. Albis in corporibus observata tria potissimum fuere; lumen  
videlicet totum reflecti, fatigari oculos, caloremque ægre prorsus ad-  
mitti. Lucem ferme totam alba a superficie regeri, liquet ex argento  
quod in speculi figuram si conformetur, solis radius abicit universos.  
Oculis præterea vitium excari, ex historiis eruitur regum Persarum;

Cyrus

Cyri quippe exercitibus, cum per montes a nive præfectos deduceretur, laborasse dicitur cæcitate. Parum calere denique corpora alba, ratum ex echarta fit, cui, si lens a Sole illustrata admoveatur non suscipit ignem quin nigredinem prius adoptet. Nigris vero superficiebus aliæ insunt proprietates.

4. Corpora quæ nigrescunt triplici oppositæ subduntur affectioni. Lucem videlicet, quæ illis accedit, totam deplutunt, percellunt leniter oculos, & summopere incalescunt. Lumen fere universum absorberi, admonet speculum *astorium*; fuligine quippe si inficiatur, vel nigrum fuerit ex marmore confectum, nullum in foco exhibet calorem. Perniciem deinde nullam oculis obvenire, adpectus probat tenebrarum; molestiam enim non afferunt, nec averti illos adigunt in partem aliam. Nigras demum superficies exsiccare facile, & comburi, ostendit echarta atro colore tincta; quæ, simulatque solis radios vitrea a lente collectos excipias, emittit fumum, & incenditur. Quæ de albis substantiis, & nigris recitavimus, extant apud Boyleum (1).

5. Ceteros ad colores quod attinet, pendet a corporum, quibus insunt, statu. Dimittuntur videlicet colores, & admittuntur, ubi locum corpora mutant, compactiora vel fiant, vel misceantur cum aliis. Colores a loco, in quo corpora versantur, progredi, *aqua* ostendit infecta *ligno nephrisco*; aureum quippe colorem exhibet, si inter oculum vas degat, atque fenestram; edit vero cæruleum, si vas inter, & fenestram oculus statuatur. Concretionem etiam colores induci, planum ab *aqua* fit, quæ dissolverit *beliotropium*; quatuor enim linearum profunditas nigram efficit, lineæ unius violaceam, & dimidiæ cæruleam. Mixtioni tandem colores deberi, demonstrant tentamina Chymicorum; *syrupus* enim *violarum* ex *olei tartari* additione viridis est, ruber vero ex *aqua fortis* affusione. Hæc, aliæque complura Boerhavius (2) suppeditat, & Musschenbroekius (3).

6. Observationes tamen, quæ ope prismatis peraguntur, ceteras præstantia, & certitudine. Ad colorum scilicet naturam deprehendendam prisma vitreum adhibent A B\*; quod columellis A C & B D cum imponatur, vertique commode possit circa puncta A & B, admoveatur radio solari. Purissima ex chrystallo constat, quam constare non nesciunt artifices Angli; angulos vero graduum plerumque 60. gerit, ut si plano secetur basi parallelo, triangulum exhibeat æquilaterum. A fenestra B D C E radius solis excipitur\*\* per tubulum H K calamo non ablimilem; qui ut solari disco objici rite possit, spherulæ lignæ adnectitur in concava facile dilabenti. Lumini, quod obscurum locum ingreditur, occurrit prisma M N O; ab hoc autem in septem radios dispe-

\* Tab. X. fig. 3. \*\* Tab. X. fig. 4. (1) De colorib. part. 2. cap. 1. & 2.

(2) Chem. vol. 2. pag. 515. (3) Comment. in tent. Florent.

dispercitur, qui figuram oblongam in charta alba *RS* describunt septem coloribus distinctam, & a prismate diffitam pedibus 16, vel 18. In demissione imaginis parte ruber *R* statuitur, qui minorem ceteris patitur refractionem; lubeunt deinde aureus *A*, flavus *F*, viridis *V*, caeruleus *C*, & purpureus *P*; sed violaceus *Q* est omnium postremus. Circuli vero *a* quibus colores definiuntur, se intersecant omnino.

7. Animadvertitur præterea, a coloribus, quos prisma discreverit, eandem servari firmiter naturam. Postquam scilicet a prismate *MNO* refracti ordine fuerint, pinguntur in tabella *AB*; eique si foramen infit, cujus latitudo diametrum quinque colorum æquet, transgreditur ruber cum aliis. Tabellam *CD* aliam si offendant, iconem interibunt coloribus quinque discretam; nec progredi tres postremi desinunt, si foramen inveniatur diametri non inæqualis. In prisma aliud *PQR* ubi insidant, iterum refranguntur, appellantque chartæ *EF*; licet autem attollantur, ordinem tamen retinent eundem, ut ruber inferior sit, succedant vero aureus, & flavus. Quod si prismata obijciantur alia, novæque conficiantur refractiones, aliud non erit singulorum ingenium; eorum quippe nullus in alios dividitur, nec naturam capit alterius. Immo iidem supersunt, tamen si per vitra traducantur coloribus aliis imbuta.

8. Colores demum liquet rursus confundi, si admittantur a lente. Ad pedum 4 videlicet distantiam a prismate *MNO* proponatur lens vitrea *AB*; quæ focum 8 pollicum habeat, radiosque excipiat refractos. His, postquam egressi a lente fuere, si charta offeratur in *CD*, pinguntur de more septem colores; in *E* tamen ubi transferatur, circellus in conspectum venit albicans, & expers omnis coloris. Ad *FG* postremo si charta deportetur, colores septem prodeunt, sed ordine inverso; superiorem enim imaginis simbriam ruber obtinet, & violaceus inferiorem. In foco scilicet *S* radii coguntur, sed in egressu secantur, abeuntque in plagas adversas.

## PARAGR. II.

### *Memorantur hypotheses Philosophorum.*

9. COLORUM in causam primo observatur Aristotelis opinio. Putant nimirum Peripatetici, absolutas colores esse affectiones, quæ ex caloris, frigorisque commixtione prodeunt, siccitatis, & humiditatis. Primam ad eflatum illud rationem petunt ab Aristotele; qui colorem definiturum extremum *perspicui* esse ait (1) in corpore *terminato*. Veritas tamen ubi verbo sit, extundi nihil inde potest ad accidens abso-

\* Tab. X. fig. 5. \*\* Tab. X. fig. 6. (1) De sens. & sensib. cap. 3.

absolutum; dici enim præter obscuritatem valet, colorem *terminum* corporis esse, seu superficiem, quia reflectit radios luminis peculiares. Rationem alteram a cognatione ducunt, quæ extare inter objectum debet, facultatemque naturalem; nisi enim absolutum quidpiam, & sensui affine, illi inesset, generari nulla posset sensatio. Id tamen plenum sophismatis quoque est, & præconceptionis; prisma quippe, quod colores omnes exhibet, caret illis omnino. Parum itaque in colorum genesis proficiunt Peripatetici.

10. Cartesius colores statuit in motuum compositione. Opinatur videlicet (1), subtilis materiæ globulos a corpore lucido impertiri duplici motu; quorum alius per lineam rectam exeritur, alius vero per circulum circa proprios cuique axes descriptum. Eæ quidem molecule motu tantum rectilineo ubi ferantur, luci faciunt originem; colores vero pariunt, si donentur præterea motione circulari. Color nimirum ruber nascitur, si velocius ad axem ciantur, quam ad rectam; celeritas autem ubi æqualis utrinque sit, suboritur flavus. Emergit cæruleus, quum rectilinea delatio citior est circulari; ceterique uno verbo colores ex varia prodeunt, inæqualique virium illarum complexione. Veremur tamen, ne affectus metam fuerit Cartesius. Radii enim lucis universi æque irruunt prismatis superficiei; nihil proinde suppetit, quo celeritates dispare obtineant, projicianturque impetu dissimili. A prisma deinde alio ubi refrangantur, tuerentur idem ingenium; a priore tamen impulsiones dissonas si acciperent, subirent alias in posteriore. A lente demum, quæ refractos radios amplectitur, colores iidem obijciuntur, ac a prismate; lentis tamen, & prismatis figuræ cum discrepent, motus dissidentes gignerent, coloresque idcirco penitus alios. Adjici multa possent, sed comperta satius his sit motuum ad colores ineptitudo.

11. A radiorum quantitate colores accersit Gassendus (2). Existimat nimirum, pro luminis copia, quæ a superficie corporum remittitur, & oculum subit, multas edi species colorum. Umbra tamen etiam adoptat, cujus a plexu cum lucidis particulis afficiatur multifariam reticularis; a corporum nempe textura certum molecularum numerum reperi, sed misceri, putat, cum umbellis. Non definit quidem luminis portionem, quæ colori cuique sit opportuna; a Funchio tamen, illius affecta (3), pars umbræ una, & tres luminis, colori flavo adjudicantur, aliæque aliis, definita prorsus ratione. Enimvero dirui facile potest enuntiatum Gassendi. Color enim aureus plus attenuatur, majoremque suscipit umbræ vim, dum lentem trajicit post prisma fissam, quam dum illud pervadit; æque tamen a rubro differt, ac antea.

Viri.

(1) Meteoror. cap. 8. num. 6, 7, 8. (2) Phys. sect. 1. lib. 6. cap. 12.

(3) Vid. Rizzetti. de lumin. affect. lib. 2. prol.

Viridis præterea, ut color quisque alius, opaco in corpore, puta *gramine*, æqualiter emicat, ac in diaphano, nempe *lente viridi*; a vitro autem colorato, per quod transit, minor luminis copia reflectitur, umbræque uberior. Colores demum albus, & niger, licet multimodis permisceantur, rubrum non procreant, non flavum, non cæruleum; ab albo autem lux ipsa designatur, & a nigro tenebræ, seu umbra. Præter luminis igitur quantitatem alia est causa colorum.

12. Mallebranchius discrimina colorum tribuit corporum oscillationi (1). Colorum scilicet theoriam perfimilem esse, arbitrat, systemati sonorum; quemadmodum enim sonora aerem rejiciunt, ita regerunt colorata corpora materiam subtilem. Duarum nempe chordarum oscillationes, si æque diuturnæ sint, sonum pariunt eundem; colore haud aliter rubro, vel alio, convenire corpora affirmat, quorum fibræ se æqualiter vibrent, tempore eodem. Quod si inæqualis vibrationum numerus a fidibus proveniat, emittuntur soni dissimiles; discrepare eadem de causa colores præcipit, ubi corporum superficies eant, redeantque, dissidentanea partium distractione. Subtiliter Mallebranchius quidem differit, sed minus probabiliter. Quæ recitata in Cartesium fuere, omnino consonant in oscillationes; ubi enim ad colores motus ineptiat, respiciendus est, quovis pacto interveniat. Vibrationes tamen quod speciatim evertit, imago colorum est post refractionem a prismate descripta; ridiculum quippe est, variis oscillationibus chartam unicam diduci, ut colorem hic rubrum illic cæruleum exhibeat, hic flavum ibi violaceum. Sonorum itaque analogia non pertinet ad causam colorum.

13. Umbræ *velo* & lucido colorum fata commendat Rizzetti (2). *Veli* potissimum nomine *medium* indicat, quod operit cujusque corporis *fundum*; ait propterea, *fundo* claro per obscurum *medium* inspecto colores deberi, vel obscuro *fundo* viso per *medium* clarum. Qui enucleari sibi rem postulet, Rizzetto, sciat, *fundum* internas corporis partes esse, & *medium* externas; ex observationibus vero, quas profectur rite perfolvisse, duas rogat leges præcipuas. *Prima* est, rubrum colorem, & flavum gigni, ubi intimæ corporis partes claræ conspiciuntur per extimas obscuras; rubrum quidem progredi, si vis externarum magna sit, flavum, si parva. *Secunda* est, violaceum colorem, vel cæruleum proficisci, ubi internæ partes obscuræ radiant per claras externas; violaceum nempe dimanare, si parva illarum lux sit, cæruleum, si magna. Rubrum ideoque, & flavum colores *claros* nuncupat, *obscuras* violaceum, & cæruleum; ex horum autem plexibus oriri alios opinatur per superficies corporum distributos. Ubi Rizzetti præ-

(1) Ap. mon. acad. reg. Paris. ann. 1699. (2) De lumin. affect. lib. 2. concl. de color. natur.



præceptiones pauciora in verba conjiciantur, poni ab eo colores ; liquebit, in lucis, umbræque coagmentatione ; qua quidem in re non dissensit Gautierius (1). Non affirmamus quidem adoptatas notiones Rizzetti omnes fuisse a Gautierio ; hic enim dicendi saltem genere discrepare ab aliis censetur, umbramque præsertim in quiete statuit molecularum. Conveniunt tamen omnino, quod colorum diversitatem ab umbra repetant, & a lumine ; æquali enim ut animi impotentia magnum in Newtonum exardent, ita ad percellendum iisdem reapse uiuntur principiis. Sed obijcienda utrique sunt, quæ in Gassendum contorsimus vindicem umbrarum.

14. Newtonus colorum causam in ipsis reperit lucis moleculis (2). Præire nimirum iussit experimenta prismatis, quæ exposuimus ; colores etiam exploravit bullularum, quæ constari a pueris solent ex aqua sapone conspurcata ; lentibusque viira alia imposuit, ut rimaretur quid ferrent interpositi aeris refractiones. Ex his vero coniecit, in quovis luminis radio extare colores *primigenios* ; albumque, evicit, collectionem univerforum esse, & nigrum omnium privationem. Ab ipsa nempe molecularum luminis magnitudine, & figura, derivari credidit colorum discrepantiam, ut alii refractionem aliis majorem suapte natura conficerent, variæque in oculo parerent perceptiones. Qui a semetipsis peculiarem indolem obtinent, *primos* nuncupavit, septemque esse dixit, *rubrum* videlicet, *aureum*, *flavum*, *viridem*, *caeruleum*, *purpureum*, & *violaceum* ; ceteros vero ab horum complexione qui veniunt, vocavit *derivatos*. A partium textura donari corpus quodque censuit colore definito ; licet enim eorum superficiei tota lux infiliat, una tamen molecularum species resilit, non alia ; *arista* idcirco flava est, & *rosa* purpurea. Eodem a corporum contextu discrimen colorum *permanentium* sumit, ab *apparentibus* ; persistere enim decrevit, si constans sit textus superficierum ; eo tamen dissoluto dilabi illos continuo. Hæ quidem Newtonianæ sunt de coloribus præscriptiones.

15. Aliæ demum circumferuntur de coloribus sententiæ. Eæ tamen si recte pensitentur, ad illorum numerum potius spectant, quam ad naturam. Dufayus videlicet cum Newtono sentit (3) fieri colores a semetipsis ; tres tamen duntaxat enumerat, *rubrum* nempe *flavum*, & *caeruleum* ; Castellus vero quatuor esse *primos* præcipit, *rubrum*que nominat, *flavum*, *caeruleum*, & *violaceum* (4). His tamen dimissis investigamus, quæ sit origo colorum ; ubi enim illa constiterit, exploratus quoque numerus fieri, perspectæque evadent ceteræ eorum proprietates. Verandum nempe diligenter est inventum Newtoni.

(1) Nov. systh. univers. vel chroaonesia. (2) Optic. lib. 1. par. 2.

(3) Ap. Algarott. mon. 1. & 2. de inquisit. &c. (4) Optic. color. edit. ann. 1740.

## PARAGR. III.

*Probatur colores esse moleculas lucis suapte  
natura coloratas.*

16. DECERNENDUM ex observationibus est, inesse colores ipsimet lumini.

RAT. I. Multis in corporibus mutatur colores facili negotio. Illud usuvenit, ubi alium in locum deferantur, concretiora vel fiant, vel coalescant cum aliis. Hæ sane colorum conversiones a luminis reflexione non proveniunt, sed ab inæquali potius, quam intra corporum poros subit, refractione. *Aqua* videlicet *ligno nephrítico* tinctæ aurea apparet, vel cærulea pro vario ad fenestram, & ad oculum, situ; quia radii oblique, vel directe, vasi eum adveniant, refranguntur inæqualiter. Imbuta deinde *heliotropio* eadem diversas ad profunditates colorem nigrum offert, violaceum, vel cæruleum; plana enim, seu laminæ, quibus coagmentatur, augentur, dissimilemque creant lucis refractionem. *Syrupus* denique *violarum* viridis est, *oleo tartari* si adjungatur, ruber, si *aqua forti*; ordo quippe pororum prævertitur, lumenque dum eos permeat, non refrangitur æqualiter. Nullum tamen refractionum discrimen occurreret, si luminis moleculæ homogeneæ essent, atque congeneres; disrumperentur enim singulæ eadem penitus ratione, ubi essent æque *refrangibiles*. Igitur degunt colores ipsis in particulis.

17. RAT. II. Lumen est particularum omnium coloratarum complexio. Albo videlicet a colore lux nullatenus differt, quemadmodum tenebræ non discriminantur a nigro. Consentaneum autem veritati est universos in albedine radios concludi, nullumque prorsus objici a nigredine. Corpora nimirum alba officium reticulari, ignemque ægrè concipiunt; lumen enim totum cum reflectant, exsiccant humores oculi, causamque abigunt inflammationis. Nigra vicissim oculis vitium non parant, excipiuntque veleriter calorem; lucem quippe omnem, quam exsugunt, ad retinam non ejaculantur, sed retinent ad promptiorem combustionem. Ex radio autem, qui colorem nullum præferat, sed omnes perturbate continet, innotescit indoles illorum; ubi enim moleculæ ab eo quæque sejungantur, in ordines abibunt peculiare, quorum singuli certum colorem efficient. Igitur ipso in lumine quærenda est causa colorum.

18. RAT. III. Radius, qui prismati irrui, dispescitur in septem colores. Eandem hi non experiuntur omnes refractionem; imagioem quippe delineant longam, latamque, ejus in plano distribuntur varias ad altitudines. Ruber videlicet locum inferiorem obtinet, certaue subinde

sabinde progreditur quisque serie, ut violaceus demum sibi vendicet superiorem. Hæc sane dispositio proficisci a modo, quo lux incidit, non potest, nec a prismate; anguli enim, sub quibus vitro illabitur, sunt æquales, a radiolis utpote confecti ferme parallelis; prisma autem ubique est homogeneous. Ipsi proinde in moleculis admittendum quidpiam est, sive magnitudo sit, sive aliud, cujus gratia diversimode inflectantur, variasque in oculis excitent colorum perceptiones. Igitur lucidis tantum corpusculis debetur origo colorum.

19. RAT. IV. Color primam post refractionem servatur prorsus incolumis. Flavus nimirum, vel alius, ubi sex, vel octo, per prismata traducatur, flavescit adhuc, nec arte quavis adhibita dissolvi potest in alios. Argumento illud est, ex particulis omnino affinis, & persimilibus compingi, quæ refractionis unicæ compotes cum sint, omnem nesciunt secretionem. Cognatio nempe, qua una devinciuntur, figura singularum est, vel volumen; horum quippe causa vitri poris æque se accommodant, ut a perpendiculari non digrediantur lege inæquali. Igitur reperitur color in ipsa luminis substantia.

20. RAT. V. In lente colores confunduntur, & rediguntur unicum in radium. Illius videlicet in foco circulus lucidus describitur colore quovis destitutus; tamen si primi ratione impetus redeant, inversamque chartæ figuram inscribant. Colores propterea vi peculiari præditi delitescunt in luce; non percipiuntur vero, quod perturbati omnino cum sint, se invicem coequeant, ineptosque reddunt colorationi. Attamen quum prismatis opera in libertatem afferuntur; statuitur quisque loco suo; ex corporum, autem superficie resiliunt, certamque, & naturæ singulorum consentaneam, afferunt sensationem. Igitur ducenda a lumine est genesis colorum.

## PARAGR. IV.

*Diluantur opposita exceptiones.*

21. QUI oscitantæ Newtonum redarguunt, colores adimunt lucidis particulis.

ARG. 1. Prismatis experimenta, si vera essent, rem conficerent omnino. Ceteræ ut observationes conciliari cum Cartesii, Gassendique, opinionationibus possent, ita prismatis refractiones, ubi falsæ non essent, colores reapse statuerent in luce. Quæ tamen accurate animadversa dicuntur in illis fuisse, distant a veritate; perperam quippe asseritur, ex luminis incurso a vitro constanter dividi septem vividos colores. Prismati videlicet si charta propior sit, viridis color vertitur in album; dispareret autem flavus, si ab eo fiat illa remotior. Igitur extra luminis corpuscula versatur causa colorum.

22. RESP. Newtoni tentamina vocari eo pacto in suspicionem a Rizzetto (1). Adhibenda illius testimonio fides an sit, ex indiligentia constat, qua hypotheseſum suam iniecit, vindicavitque de fundo claro, & obscuro. Delapſus ſcilicet in eam ſuit, quod corpora conſpiceretur trans vitrum *aſtraite* (2); hoc autem, quod flavum interdum eſt, interdum rubrum, colores, quibus tingebatur, obſiciebat, non qui inerant rerum ſuperfici. Eam ſane imperitiā imitatus Newtonus non fuit vir in experiundo omnium ſolertiſſimus; ſingulare namque præter ingenium meſum paucorum examen ad colores non contulit, ſed curam, laboremque annorum 30. Quæ ille inſtituerat, repetiit experimenta viris coram graviſſimis Deſagulerius anno 1728., cumque ex ſententia ſucceſſiſſent, factum ſutum non fuiſſe, comperiit, inclyto Newtono. Reſecta ſubinde præclariffimis a cæteris fuere, qui apud Batavos florebant, Italos, & Gallos; nihilque conſtitit, vel leviſſimum, quod mendacii nota perilluſtrem Anglum inureret. Prætereunda tamen monita non ſunt, quorum præſidio res perducantur ad exitum; illorum quippe ex contentu viridis, & flavus expuncti per inſcitiam ſummam fuere a numero colorum. Tabula ſcilicet, vel charta, cui conceditur imago, non accedat, neceſſe eſt, plus æquo priſmatis ſuperfici; viridis namque color albescit, quod peracta nondum fuerit molecularum ad illum pertinentium ſeparatio. Nec plus juſto recedat eadem oportet, a priſmate; particulæ enim, quæ colorem flavum efficiunt, diſperguntur facile, typumque non attingunt. Ubi hæc, & alia, quæ non negligunt ſeduli exploratores, rite ſerventur, non inſimulabuntur eſſata, vel compertiora, falſitatis; nihil enim novi ubi ſuppetat, quod in rem ſit, conſentire nemo addubitabit in dogmata ſapientiorum. Igitur lux ipſa continet originem colorum.

23. ARG. II. Tametiſi perdiligenter te geſſeris, diſſentiunt experimenta a Newtonianis. Colores præcipue, qui reſracti quopiam a priſmate fuerint, continenter non perſtant, ſed diſſecantur in alios. Violaceus nimirum, ubi alterum per priſma a primo pedibus 30 diſſitum deferatur, ſolvitur omnino, abitque in rubrum, & in cæruleum. Priſmata vero alia ſi adjungantur, multæ colorum novæ complexiones emergunt, inter ſe diſſimiles, & a prioribus penitus diſſentaneæ. Igitur diſſerunt colores a conſtanti cætu particularum.

24. RESP. Conqueri hunc in modum conſueviſſe Mariottum (3). Colorum quidem phænomena, quæ reſtatur obſervaviſſe, non diſcrepant valde a Rizaettianis; excuſationem tamen promerentur, quod ab invidia non provenierint, nec a libidine cavillandi. Novam ſcilicet hypotheseſum Mariottus cum non meditaretur, ut alius, ſed ſtudeat

tan-

(1) De lumin. affection. lib. 1. cap. 2. (2) Ap. Algarot. epiſt. de nov. ſyſt. opt. &c. (3) Specim. de nat. calor.

tantum veritati, peccasse dumtaxat, credendus est, ex imperitia; leges enim prætermiserat, quarum oblivione omnia aliter cedunt, ac res postulet, molimina colorum. Ne sermone generatim adhibito utilitas omnis dispareat, memorandæ sunt illæ; tres enim sunt, nempe præstantia prismatum, loci obscuritas, & serenitas cæli. Ad prismata quod spectat, confecta, oportet, sint ex purissima chrystallo; Italicis idcirco, & Gallicis anteferenda prorsus sunt Anglica. Quæ scilicet familiari ex vitro sunt elaborata, bullulis abundant, & venulis, quibus accurata molecularum secretio adversatur, & congrua refractio. Quod attinet ad conclave, cui radius immittitur, tenebris sit funditus obductum; lux enim, quæ aliis ex partibus adveniat, se immisceat alteri, perturbatque formam colorum. Ea de causa protegi cuncta, quæ experimentis inserviunt, solent papyro atra; moleculas quippe luminis absorbet, vetatque ne alio se conferant ad eludendam tantantium industriam. Perspicuum denique cælum disquisitioni prodest quam maxime; nubes enim, quæ per aerem discurrunt, reflexiones edunt puritati radiorum admodum infensas. Lux videlicet, quæ aliquam a nubibus noxam retulerit, ubi prismati illabatur, celebrandis refractionibus impar nonnihil sit, coloreque proinde generat minus excretos. Præceptiones hæc Mariottus tuitus si fuisset, in rubrum, & in cæruleum, dispersit, centum nec prismatum ope, vidisset colorem violaceum; ea namque conversio, ut alia quæque, tribuenda luminis aliunde admoti lustribus fuit, & præsertim prismatum impuritati. Comperiisset nimirum, a radio, qui in angulum 30 vel 40 graduum prismatis descenderit, colores adeo constanter obijci, ut sive per vitrum transmittantur, sive allidantur corpori colorato, perseverent omnino. Colori sane rubro, vel flavo, si lens proponatur, cujus focus distet 7 vel 8 pedibus, transgreditur, commendatque chartæ rubram imaginem. Lentis loco, quum vitrum cæruleum, vel aliter infectum, sufficitur, color interdum reflectitur; attamen si permeet, rubescit etiam atque etiam. Planum in speculum, vel concavum, ubi incidat, naturam non immutat, sed rubere pergit maculæ instar rotundæ. Panno demum, variis qui coloribus hic, & illic, distinguatur, si appellat, labem non admittit, sed rubedine certa vividaque obsignat universos. Igitur exploratius quam ambigi possit, est, ipso in lumine delitescere colores.

25. ARG. III. Colores in lumine extarent, quia secernerentur prismatis præsidio. Solaris nempe radius *heterogeneus* dicitur, nuncupantur autem *homogenei* colorum radioli, quia cum septem particularum genera in eo concludantur, refractionis opera sejunguntur, cogunturque coægenes in fasciculos. Imago tamen, quæ colores exhibet, accuratam peragi non indicat discretionem, quæ certos in ordines molculæ distribuantur, apæque evadant ad excitandam ideam peculiarem. Singuli nimirum circuli, quibus schema conficitur, particulas comple-

Atun-

Attunt specierum diffimilium; ipsius enim Newtoni testimonio alter super alterum inducitur, ut puros, primosque colores non offerant, sed mixtos, & derivatos. Igitur colores aliter procedunt, quam ex lumine.

26. *RESP.* Unicam colorum causam esse molecularum, quæ lumini adsunt, secessionem. Refractio videlicet, quæ a prismate obtinetur, non creat ullatenus colores; alios tantum, qui jam extabant, distrahi ab aliis mandat, & cum affinis coire. Citra omnem dubitationem est, circulos septem, qui iconem attexunt, incurfare invicem, & implicari; eorum enim lucidorum, quorum latera divergunt, bales cum sint, excipi a charta nequeunt, quin se intersecent. Quæ tamen comperta in illis sunt, faciunt satis colorum efformationi; viridis quippe ex flavi, & cærulei, quibus interjacet, commixtione, fit tantum dilutor; idemque sentias de ceteris. Et quidem cæruleum vel flavum, de more si intercipias, aut alia per prismata jubeas viridem refrangi, constabit ille perpetuo; quo conficitur exigua adeo particularum dogenerum labem esse ut mutari non possit coloris ingenium. Ceterum rationem iniiit Newtonus (1), qua circulum quemque vindicaret a contagione reliquorum; de re namque summa agebatur, cui potissimum iniiit non velicitur tota hypothesis. Solis nempe radium a tubulo *O* provenientem \* transmisit per lentem *EN*; egressum verocum diffregisset prismate *MPR*, observavit, in charta *ABDC* pingi imaginem *HK*. Lumini quidem illi lens nulla, nullumque prisma, si occurrisset, prodidisset tantum lucidus circulus *EG*; spatiolum autem *PE* emerisset, si lucem lens collegisset sine prismate. Ex lentis tamen, & prismatis, usu coloratus describitur typus *HK*; qui arctior, quam longus, est vicibus 70, coloresque aliter, ac prisma efficiat, nitidiores exhibet, & vividiores. Solaris nempe radius angustiotem in locum a lente conjicitur, & a prismate dispescitur æqualiter; imaginum propterea longitudines *AD* & *EH* æquales sint oportet \*\*, sed colores *A*, *B*, & *C* sint contractiores aliis *E*, *F*, & *G*. Centra nimirum colorum *A*, *B*, & *C* æqualem ob refractionem æque inter se distanti, ac alia *E*, *F*, & *G*; ipsi tamen circuli sunt aliis multo minores, ut cum invicem non superinducantur, colores afferant discretiores. Experimentum, quod summa Newtoni auctoritas inter certiora collocaverat, adducit Le Cat in suspensionem (2); Divos enim adjurat omnes, sibi multoties periculum facienti, diligentiamque afferenti exquisitiorem, recte non processisse. Immo ne dictis fides adimatur, Voltaireum nominat, Mariottum, Dufayum, & Nollertum; quos in rem illam nervos contendisse, affirmat, felici sine eventu. Quid alii præsterint, disquir-

\* Tab. X. fig. 7. \*\* Tab. X. fig. 8. (1) Optic. lib. 1. par. 1. exper. 11.

(2) Tract. de sensib. pag. 138. & seq.

rendum non est impensius; Nolletus sane testatur (1), exactos sibi annos 20. fuisse, a quibus experimentum illud perpetuo suecesserat e sententia. Admonet tamen de nonnullis, quæ alii fortasse præteriere; foramen nempe, per quod radius ingreditur, præcipit, esse 1 lineæ, lentem distare 12 pedibus, focus illius ad 9 vel 10 pedes proferri, angulumque prismatis completi gradus saltem 60. Ubi hæc, aliaque superius memorata, non despiciantur, vadimonium in se recipit exitus indubii. Schema nimirum delineabitur, ubi quodque molecularam genus a ceteris, quantum per artem licet, determinetur, coloremque pariat omnino purum. Igitur ex ipsomet luminis sinu exeunt colores.

27. ARG. IV. Quovis pacto lux a prisma dissolvatur, ambigendum merito est de colorum natura. Suboriri nempe suspicio potest, an qui moleculis tribuuntur, debeantur potius refractioni; phænomena enim, quæ septem in coloribus spectantur, confici tribus queunt, rubro nimirum, flavo, & cæruleo. Purpureus scilicet color, & violaceus, mixta sunt, seu complexionones, cærulei; viridis ex cærulei & flavi concretionem cuditur; coalescit vero ex congressione flavi, & rubri aureus. Rem ita esse constat ab experimentis; ruber quippe, & flavus, qui se ereti duobus a prismatibus fuerint, si eharæ incidunt, procreant color rem aureum; viridemque haud aliter constant flavus, & cæruleus. Quod tamen veritatem penitus in medio ponit, est albi coloris efformatio; obtineri siquidem illa ex rubro, flavo, & cæruleo tantum potest, aliis prætermisiss. Igitur ipsa a luce non profluit indoles colorum.

28. RESP. Colores a refractione non effici, sed distribui jam effectos. Et nichil est qui tres tantum colores a Dufayo accipere, de illorum numero disputant, non de natura. Falsum tamen est, ad rubrum redigi flavum, & cæruleum; præter hos quippe accensendi colorum cætui sunt aureus, viridis, purpureus, & violaceus. Commixtio sane cærulei esse violaceus non potest, nisi dilutiorem illius gradum præferat, vel concretionem; usus tamen edocet, ex inopia cærulei, vel copia, non progredi violaceum. Color nempe cæruleus, qui a prisma exilit, rarefieri lente concava potest, vel convexa densari; quamlibet tamen solertiam adhibeas, non emerget violaceus; idemque statuas de purpureo. Inficiandum deinde non est, rubro ex colore, & ex flavo, ratione aliqua confici aureum; ab aureo tamen differt, quem prisma generat, diciturque constans, & primitivus. Discremen comperitur, si spectetur uterque trans prisma oculis admotum; aureus enim, quem prismaticum vocant, perstat, sed alter, quem nuncupant artificialem, in rubrum dispefitur, & in flavum. Eadem de causa viridis color a prismaeductus ab alio discrepat, quem gignunt flavus, & cæruleus; compositus quippe facile dilabitur, intermedium simplex gaudet immutabili.

(1) Lect. 23. Sect. 3. art. 2. exper. 7.

bilitate. Extantes videlicet in libro characteres, si primitivo viridi stantur, lentisque ope adspiciantur, virent, & leguntur omnino; colorem tamen abiciunt, & oculos effugiunt, si inſiciantur viridi derivato; a lente quippe ſolvitur in flavum, & in cæruleum. Reponunt quidem, colorem arte conſectum in alios migrare, quia duas patitur inæquales reſractiones; duobus enim a priſmatibus cum colores, qui eum coagmentant, proveniant, in priſma, per quod fit intuitio, cadunt ad angulos diſſimiles. Qui vero naturalis appellatur, unico erumpit a priſmate; in aliud propterea, quo oculus utitur, eundem ad angulum cum irruat, unicæ ſubditur reſractioni. Hæc tamen uturpantur nequidquam; color enim quiſque in charta deſcriptus unico a priſmate egrediatur, vel a pluribus, ex molecularum textu fit unicus; modo proinde in alterum decidit, & reſrangitur, eodem. Cum veritate demum penitus pugnat, ex rubro, flavo, & cæruleo conſtrui album colorem; hic namque ab eo valde diſcriminatur, quem ſodinam eſſe diximus omnium colorum. Explorata res ut fiat, conjiciendi oculi in experimentum ſunt, quo Newtonus colores omnes in album unicum collegit, radiumque ex illis effluxit ſolari non abſimilem (1). Lumen videlicet, quod a foramine ſuſceperat, reſrangere juſſit in priſmate; colores autem ſecretos in lentem admiſit, ejuſque in foco coactos deduxit per aliud priſma. Totum ſcilicet artificio, quod ſingulare omnino exitit, in nova verſabatur colorum permixtione; lentis enim poſt focum decuſſari eum debuiffent, & in partes oppoſitas abire, detenti a priſmate ſuſtere, & in radium lucidum convoluſi. Finem tamen, quem ſibi propoſuerat, affectus vir ſummus fuit labore improbo, & diuturno; varias enim priſmarum, & lentis, quæ interjacebat, diſtancias iterum iterumque commutabat, quoad cerneret totum radium albeſcere. Ea in luce, quam induſtria ſola comparaverat, tentamina inſtituit quæ peregerat prius ad lumen ſolare; tertio videlicet priſmate diſſegit, ut in charta excuderentur primi colores. Viridem, vel flavum, ſi peſtinis dente ad lentem interceptiſſet, deſſe illum videbat etiam imagini; ceteri vero ſupererant, eoque nitore potebantur, quo erumpebant a priſmate primo. *Cinnabarim* & *aſtrum* radio illi compoſito ubi ſubjeciſſet, rubere illam conſpicabatur, & hoc flavoſcere, quemadmodum ſub ſole; coloribus tamen rubro, & flavo, antequam lentem trajicerent, ſublatis albeſcebat utrumque; & colori alteri quum ſubdebantur, eo imbuebantur omnino. Perſpectum ex his, aliſque ſane compluribus, habuit, radium, quem compegerat, non diſſerre hilum a ſimplici; cumque ſeptem e coloribus ille conſlaretur, hunc a natura aliter non coagmentari, erat indubium. Alio tamen in lumine, quod colorem album nuncupant, putantique, ex rubro tantum coire, flavo, & cæruleo, periclitentur, an ger-

(1) Opt. lib. 1. par. 2. propoſ. 11. probl. 6.



germana sit, ut deprædicant, naturalisque omnium complexio. Ubi viridis tranlitum per lentem intercludant, disparet ille prorsus in schemate; oculis tamen se offerret, si ex flavo attingeretur, & ex cæruleo; hi enim se conferunt in chartam. Corpus quoque aureum, quod eo in radio collocaretur, colorem non amitteret, tametsi lenti adimeretur aureus; hunc enim ad conficiendum lentem adhuc pervaderent ruber, & flavus. Innumera sunt, quæ addi summatim possent in sabulosam illam luminis effectationem; sed quæ ex Newtono recitavimus, luculentia adeo sunt, ut, qui fusius diceret, incompetam sibi esse ostenderet evidentiam illorum. Igitur colores, qui septem reapse sunt, separantur tantum ex lumine.

29. ARG. v. Lucidis in moleculis siti ubi colores essent, quovis a corpore reflecteretur unicus. Quod videlicet rubrum esset, particulas regereret rubras; ceteras vero, quæ alios ad colores spectarent, transmitteret omnino; unica enim reflexio fieri posset in superficie. *Minium* tamen, cui præcepit natura ut rubesceret, ad oculos remittit moleculas generum aliorum; viret enim, vel flavescit, ubi colori flavo, qui a prismatico egreditur, subjiçitur, vel viridi. Idemque corporibus universis obvenit, quin immutetur eorum concretio; colorem quippe sibi naturaliter concessitum abijciunt, ut prismaticum adoptent, propellantque ad retinam. Igitur reperiri color non potest in colorata luminis portione.

30. RESP. Nullum a corpore regredi colorem funditus purum. Densiores videlicet justo sunt, vel dilutiores; quod particularum alias ad species pertinentium consuetudinem cum penitus non refugiant, primi reapse non sunt, sed derivati. Summo ab artifice nulla elaboratur, confici licet possit, exquisita corporum superficies; cujus a textu certus lucidarum molecularum ordo resiliat, ceteri vero mergantur omnino. Compertum plaue illud ab imagine sit, quæ exaratur in charta; hæc enim texturam licet eandem ubique obtineat, regerere tamen non cessat universos. *Minium* propterea, quod suoapte ingenio rubrum esset, oportet viride sit, ubi supponatur lumini viridi; virides enim particule, quas sine prismatico jam emisisset, copulantur prismaticis, oculumque uberius efficiunt. Radiolus præsertim viridis, quem prisma eruit, a potiore expeditur copia ceterorum; minus idcirco perturbatur, potentiorque evadit ad inducendam suimetipsius perceptionem. Ea sane de causa rubro prismatis colori *minium* si exponatur, rubescit vividius; rubræ enim moleculæ, quas aliunde accipit, prismaticis adjunguntur, percillantque acrius reticularem. Sentiendum aliter nec est ceteris de corporibus, colore quovis resulgeant; proprium quippe dimittunt, si subiiciantur degeneri; congeneri autem si subdantur, ex proprio mincant nitidius. Igitur operam perdit, qui colores ablegat a luminis particulis.

31. ARG. VI. A corporis plexu non pendunt colores. Ei autem obsecundarent omnino, si peculiari ex magnitudine, vel figura particularum sortirentur indolem suam. Corpora videlicet, quæ partium complexione conveniunt, varios affrunt colores; eundem vero obijciunt, quæ dissimili illarum nexu sunt conglobata. *Alabastrum* plane, & *lapis Lydius* textura consentiunt, sed dissentiunt colore; marmora enim cum sint, albo illud obsignatur, hic nigro. Colore vicissim *nix* & *calx* consonant, & dissonant concretionem, etenim dum albescunt, rara, & levis, ea est, hæc densa, & ponderosa. Igitur ducenda colorum causa non est a certo genere molecularum.

32. RESP. Colores quos corpora præferunt, revera obtemperare partium coagmentationi. Rem ut recluderet Newtonus, vitrum planum impulsit lenti convexæ; ex reflexionibus vero, quæ in aeris intercepti profunditate conficiebantur, theoriam deprehendit ferme singularem (1). Lenti scilicet, quam soli exponebat, vitrum cum apprimeret, emergere coloratos circulos vidit in lamina aerea, quæ ad vitrorum contactum nulla erat, sed augebatur, quo fiebat ab illo remotior. Circulorum sane numerus suecrescebat, quo validior erat compressio; diversimode autem sibi invicem succedebant, ut distribui rite possent in multas series. In centro nimirum, ubi lens a vitro plano contingebatur, extabat macula nigra; hanc vero excipiebant annuli cæruleus, albus, flavus, & ruber. Concludebant illos circuli violaceus, cæruleus, viridis, flavus, & ruber; quibus apponebantur purpureus, cæruleus, viridis, flavus, & ruber; alique subibant ordine alio. Ubi in aeris locum aqua induceretur, varietas colorum eadem cernebatur omnino; pallentiores tamen circuli erant, minoremque obtrinebant amplitudinem. Adpositus fere iidem occurrebant, si a solis lumine traducerentur vitra in colores cubiculi obscuri (2); quem enim a prismate accipiebant, violaceum pone nigram maculam statuebant, purpureum deinde, cæruleum, viridem, flavum, aureum, & rubrum. Quodque admirabilius est, aeris crassitudines, quæ colori cuique respondebant, proportionem servabant septem consonantiarum; quæ colorum cum sonis affinitas perspecta etiam sit a latitudine zonarum, quas a prismate obtinet imago. Hisce e phænomenis Newtonus evicit, colorum discrimina a plenitudine regi corporum reflectentium; violaceus enim, qui plus aliis refrangitur, subtiliorem aeris lamellam ad reflexionem postulabat, nempe proximam contactui. Ruber vero, cui minima obvenit refractione, in remotiore describebatur aeris confinio; quod argumento est, insigniorem ad eum relegendum posci partium spissitudinem: Definitorum inde generaliter fuit (3), compactiore ex materia colores reflecti, qui refran-

(1) Optic. lib. 2. part. 1. observ. 4. (2) Ibi. observ. 14. & 15.

(3) Vid. Algarotti. Newtonian. dial. 5.

refranguntur a rariore; quod univēse si verum sit, Newtonianis enim in circulis nigri immixti adspiciebantur, & versicolores, necessitatem prismatis ostendit ad secretionem colorum. Cubus nimirum vitreus, ut corpus aliud illi non absumile, impar est redigendis definitas in classes radii particulis; ob nimiam quippe anguli recti divaricationem ea densitatum proportionē non vitur, quæ separationi debetur, & extat in prisma. Explicanda nec aliter ratio est, cur in parte, quæ prismatice angulo est proximior, color ruber refrangatur, violaceus vero in remotiore. Hic scilicet eum dirumpi crassiore a materia petat, quia remittitur a tenuiore, exit ad prismatis latus; ruber vero, qui a densiore reflectitur, prope angulum refrangitur, hoc est, in loco vitri exiliore. Insiciendum propterea non est, morem gerere colores corporum profunditati; an vero hæc ex densitate materię illos moderetur, vel ex pororum dispositione, subest disputationi. Ad rem, quam versamus, videtur quidem forma pororum, & distributio, esse opportunior; ubi enim de lumine differitur, quod remitti a corporibus potest; vel transmitti, dirimenda lis est ex indole meatuum. Absonum proinde non est, a substantiis, quibus textura eadem inest, colores offerri varios; eisdem vero porrigi quum potiuntur dissimili; a concretionē quippe moleculæ lucis non temperantur, sed a figura, & positione vacuatum. *Lapis* scilicet *Lydius*, & *alabastrum* complexionē multum non differunt, sed diffidere omnino possunt pororum directione; lucem propterea ille cum absorbeat, nigrum colorem exerit, istud vero quod rejicit, effert album. *Nix* pariter, & *calx* aliam sibi non vendicant præscriptionem; albescunt enim, licet compactione discrepent, quia ex anfractuosis meatuum sinibus lucem repudiant universam. Hæc autem, quæ a veritate distare non credimus, explorationem faciunt colorum naturam; corporum enim crassitudo, quæ pororum obliquitatem adauget, hos potius non reflecteret, quam alios, nisi particulæ essent certam molem, & formam affecturæ. Igitur congeries lumen est omnium colorum.

33. ARG. VII. Explicari colorum ortus non potest ex constantia radiorum homogeneorum. Ea quidem non parum conduceret, si quodque molecularum genus accommodatum reflexioni esset, vel refractioni. Evidens tamen est eodem a corpore, quin mutetur, eandem reflecti, atque refrangi, speciem particularum. Vitrum enim viride utraque in superficie viret, viridemque in charta designat imaginem; quod fieri ullatenus non potest, nisi virides radioli transmittantur, remittanturque tempore eodem. Igitur aliter ac præcipitur, enascuntur colores.

34. RESP. Firmam penitus esse corpusculorum luminis naturam. Singuli illorum ordines comparati ad reflexionem sunt, vel ad refractionem; pro corporum vero, quibus accedunt, habitudine progrediuntur, vel regrediuntur, omnino. Nodum a vitro viridi petitur, quo solvant, reponunt nonnulli, particulas virides omnes ab ipsis

Qq 2

super-

superficie non redire, sed deduci plures in adversam. Huic tamen interpretationi non consentiunt, qui disputant acutius; ajunt enim, transgredi virides paucas moleculas quidem posse, sed non adeo abundare, ut schema viride depingant. Affirmandum consultius est, utramque viiri partem virere ex duplici reflexione; quarum alia in superiore plano fit, alia in inferiore; huic vero debetur iconis descriptio. Vitrum scilicet a lumine circumfuso cum undique oblideatur, particulas virides reflectit a plaga utraque; fit propterea, viridem utrinque obijci, quum superius spectatur, & inferius. Imago propterea viridis a radiis efformatur, qui a superficie proveniunt charitæ obversa; hinc autem in oculum conjiciuntur, ideamque excitant ope reflexionis. Ea de causa typi color intenditur, si fiat vitrum illi proximus; uberior enim viridium corpusculorum copia in eam projicitur, pariorque obvenit eorumdem dispersio. Non inepta esse hæc opinamur ad eximendam omnem animo dubitationem; aliqua tamen ubi supersit, concuti a re unica, quæ gravissima non est, nemo arbitrabitur, posse solidum, & ferme evidens sylthema. Igitur non differunt colores a luce colorata.

# PHYSICÆ PRIORIS

## PARS QUARTA

### DE AFFECTIONIBUS CORPORUM MECHANICIS.

#### CAPUT PRIMUM

##### *De motus natura.*

1. **S**ENSIBILIBUS corporum affectionibus succedunt mechanicæ. Has ita nuncupant, quod a figuris partium dependeant, & a se; motum enim significant, qui pro varia corporum habitudine diversimode inflectitur, compluresque subit determinaciones. Inficiandum non est, a motu cunctas perfici sensibiles proprietates atque insensibiles; in illis tamen compertæ motuum leges cum non fiant, agendum postremo, contra quam præsent alii, de mechanicis fuit, in quibus prostant omnino. Primam idcirco de motu elucubrationem complectimur partibus quatuor. Harum prior nonnullas affert animadversiones; decernit secunda reapse motum existere; tertia oppositas rationes labefactat; differit quarta de natura motus, & quietis.

P A.

## PARAGR. I.

*Nonnulla afferuntur animadversiones.*

2. CORPORA affectio est *motus*, qua certo tempore a loco quopiam transeunt in alium. Definitum alibi fuit, nihil revera tempus esse, nihilque esse locum; eliminandæ tamen illorum ideæ non sunt, quia dimissis hujuscemodi relationibus interiret omnis de motu disquisitio. Tempus propterea duplex est, *absolutum* nempe, & *relativum*. Quod *absolutum* nominant, situm in rei duratione est mutationibus obnoxio; metaphysicis vero ratiociniis potius opitulatur, quam physicæ meditationi. *Relativum* tempus a motu corporis non differt, ejus ope ceterarum evincitur quantitas durationum; constans enim cum sit, ad motus alios prodest subditos vicissitudini. Locus pariter duplex est, *absolutus* videlicet, & *relativus*. Absolutum in spatio statuunt, quod occupatur a corpore; consultius tamen faciunt, qui distantiam esse, ajunt, a punctis mundi immobilibus. Locum *relativum* ordinis rerum committunt aliam circumstantiam, eaque de causa superficiem esse, a qua corpus ambitur, docebant Peripatetici. Videndum itaque est, quid motui conferant hæ notiones.

3. Motus scilicet triplex est, *absolutus* nempe, *relativus communis*, & *relativus proprius*. Eo, quem *absolutum* vocant, traducitur corpus in locum absolutum; distantiam videlicet, quam ad puncta mundani systematis ultima servabat, vertit in aliam. Sique exemplum postules, reperire erit in motibus universis; fieri enim non potest, ut corpora, vel minimum, eleantur, quin huic plagæ appropinquent, & removeantur ab illa. *Relativus communis* motus ad corpora refertur, quæ minus sunt proxima; obvenit quippe, ubi res cum aliis moveatur, a quibus obfideret omnino. Ea quidem ratione amne secundo nauta deportatur in cymba; quia ab hujus partibus licet æque, ac antea, distet, a plantis tamen digreditur sitis in ripa. *Relativus* denique *proprius* ex motu comparatur corpus cum vicinioribus; novas enim relationes admittit, quarum gratia ab hoc recedit, ut fiat alteri *proprius*. In homine motus iste deprehenditur, qui deambulet in cymba; sive quiescat hæc, sive progrediatur, varias adipiscitur ille ad proram puppique distantias. Diversimode tamen una concurrunt istæ motiones.

4. Ex loco sane, quem subeunt, comperitur, qui sit corporum motus. Oporteret tamen sit immobilis; motum enim si susceperes, ferri corpora possent, quin locum desererent, seu distantiam ab aliis. Locus quidem absolutus, seu puncta cælorum extrema omni eares delatione; ridiculum quippe est, sustolli universam rerum compagem posse, & alio transferri. Corpora tamen alia, a quibus relativi loci ducun-

ducuntur, non sunt motus expertia; sufficit tamen ea consistere, dum illud, quod circumferibunt, abit in partem aliam. Explorata hinc ratio fit, qua tribus interdum motibus concuti corpus potest tempore eodem; ad postrema enim non modo corpora, verum etiam ad media, & ad proxima, multas asferre valet distantiarum habitudines. Tellurem qui existimant circa solem converti, in ea reperiunt motuum omnium complexionem. Globum scilicet moveri absolute ajunt, quia inæqualiter distat, dum defertur, extremis a syderibus; metallis, quæ in eodelinescunt, & una gradiuntur, communem tribuunt; motum vero proprium hominibus concedunt incedentibus per illius superficiem. Verum qui stare tellurem velit, ad canem se conferat, cujus in stomacho spatiantur vermiculi.

5. Ipsos igitur in oculos licet motus incurrat, dubitatum tamen a nonnullis fuit de illius existentia. Melissum, Parmenidem, & Zenonem memorant Empiricus (1), & Plutarchus (2); quibus loqui homines, comedere, & obambulare, par erat, sine motu. Opinione hanc, non arbitramur, servatam ab illis fuisse serio, & ex animo; sophismatibus enim, captionibusque cum delectarentur, primum est, quæsiuisse eos potius nominis celebritatem. Ne a cavillationibus tamen juvenes irretiantur, viamque ignorent, qua se expediant, indicanda loca insidiarum sunt, & retegenda fraudum latibula. In id contendimus enixe.

#### PARAGR. II.

### *Demonstratur reapse motum existere.*

6. MOTUS existentia est penitus indubia.

RAT. I. Præconceptio omnis est peculiaris. Quod videlicet præjudicium, vel anticipationem, nuncupant, cujuspiam hominis est, vel temporis, vel loci. Motum tamen extare præscriptio cunctorum hominum fuit, temporum, & locorum. Sensus enim ipsi, & præsertim oculi, perpetuum exhibuere testimonium de corporibus, quæ a loco in alium migrant, vel stant, si impetum non accipiant. Igitur ambigi non potest de motu.

7. RAT. II. Qui motum repudiant, adoptant materiam. Omnis tamen materia superflueret, si par ex motu non evaderet ad corporum coagmentationem. Ea scilicet ex moleculis constat, quæ permutationes multas subire cum valeant, originem faciunt cuicunque concretioni. Plexus tamen omnis de medio auferretur, ubi motus præsidium decessit, sumique commode non possent, & alio conferri, particulæ ad rem accommodatæ. Igitur collocandus motus est inter dogmata compertiora.

8. RAT.

(1) Advers. mathematic. lib. 9. (2) De placit. philosoph. lib. 1. cap. 104.

3. RAT. III. Immutabiles omnino sunt motuum præscriptiones. Leges nimirum, quibus per corpora motus distribuitur, definitæ sunt adeo, & circumscriptæ, ut nulla rerum varietas perturbet, sed certæ subdi possint supputationi. Idealis tamen motus si esset, ex decretis persolveretur ad arbitrium indoctis, eamque inconstantiam experiretur, quæ propria est humano cuique cogitatu. Igitur irrita est omnis de motu dubitatio.

## PARAGR. III.

*Labefaciuntur oppositæ rationes.*

9. NON defuere Veteres, qui motum vocarent in suspicionem.

ARG. I. Motus est prorsus impossibilis. In loco videlicet, ubi est, moveretur corpus, vel in eo, ubi non est; cuivis autem parti manum admoveas, explorata sit motuum antilogia. Affirmandum quidem non est, motum in loco exeri, ubi est corpus; duo quippe loca sunt per-necessaria, quorum ab altero res abeat, & veniat in alterum. Ex causâ autem non alia in loco, ubi corpus non est, confici nequit motus; actio enim omnis, quæ corpus comitatur, peragitur in illius loco. Igitur motus est opus phantasie.

10. RESP. Impeditam non esse argumenti, quod Diodoro Crono tribuitur, explanationem. Pugna, quam deprædicant, sita in solo est verborum astute compositorum artificio, quo successivarum rerum, & permanentium, idem commisceantur, imponiturque plebeculæ hebetiori. Negandum scilicet est, in loco, cui corpus adest, motum peragi, vel in eo, a quo abest omnino; neutro in loco scorsim sumto ille conficitur, sed æque absolvitur in utroque. Edifferendus motus instar corporis non est; cujus partes, cum coexistant, possulant unicum locum; sed partibus compingitur, quarum alia post aliam dilabitur, ut ab illarum successione obtineat corpus inesse duplici loco. Cujusque propterea motus ad existentiam duo saltem poscuntur temporis momenta; quæ incipere eum faciant, & desinere, ubi restitui debeat aliqua causa: Exordium nempe quum motus accipit, degit corpus in loco primo; ad alterum vero traducitur, ubi motus finem obtineat, redigaturque ad quietem. Igitur accensenda rebus dubiis non est motus existentia.

11. ARG. II. Si motus extaret, inæqualia tempora essent æqualia. Fieret nimirum, ab integra dimidiâ horam non differre, & a quadran-te æquari horæ medietatem. Præsto videlicet sit tabula  $\Delta B C D$  \* pedes 8 longa cui duæ imponantur  $H K$ , &  $M N$ ; singularum vero longitudo pedum

\* Tab. X. fig. p.

pedum 4 fir, apreaturque adeo, ut latus  $\kappa$  respondeat lateri  $m$ . Statuatur, tabulam  $HK$  in percurrento spatio  $EB$  versus  $BC$  impendere horæ dimidium; idemque fanciatur de altera  $MN$  quæ per  $FD$  deferatur versus  $AD$ . Tempore eodem promoveantur tabulæ  $HK$ , &  $MN$ , quoad latera  $H$  &  $N$  proxima omnino sint, distent vero maxime latera  $\kappa$  &  $m$ . Apertum fit, pedibus 8 diffita hæc esse, tota nimirum longitudine  $AB$ ; cumque ad pedes 4 conficiendus duorum quadrantium fluxus postuletur, concedenda est collustrandis 8 pedibus una hora. Latus tamen  $\kappa$ , quod pedes 4 duntaxat absolvit, infumit horam dimidiam; quo eruitur, hæc cum integra confundi, & ex motu omnem temporis ordinem rapti in perturbationem. Igitur abigendus motus est inter inania.

12. RESP. Hujusmodi laqueos objici pedibus tantum hominum im- peritorum. Distantia videlicet laterum  $\kappa$  &  $m$ , quam post motum aquirunt, calumniose sumitur pro spatio, quod peragrari a tabula  $HK$ , dicitur, hora dimidia. Ambigi quidem non potest, diffidere invicem latera  $\kappa$  &  $m$  pedibus 8, quanta nempe est longitudo tabulæ  $AED$ ; ea tamen remotio a tabulæ  $HK$  non modo delatione per  $EB$  progreditur, verum etiam a motu alterius  $MN$  per  $FD$ . Ubi scilicet promota tabula duntaxat  $MN$  fuisset, quiescente alia  $HK$ , latus  $m$  a latere  $\kappa$  distaret pedibus 4, longitudine nimirum  $DF$ , fluxusque prodiiisset consentaneus horæ dimidiæ. Insimul tamen cum tabulæ deducantur ad  $BC$  altera, & altera ad  $AD$ , duplandus est effectus; qui lineam  $AB$  totam oculis cum subjeiat, postulasse creditur integram horam. Utriusque videlicet tabulæ a motu provenire summa motuum debuit, qui divisim responderent alterutri; corpora enim duo per horæ dimidium una invicem recedere, eodem redit, ac eorum alterum ab altero sejunctim removeri spatio horæ unius. Pronum hinc est, a motus existentia non auferri temporum inæqualitatem; eo namque rite intellecto, & a fraudibus expedito, quadrans horæ dimidiam non æquat, nec unam dimidia. Igitur qui motum repudiat, dimicat cum veritate.

13. ARG. III. Motus, qui oculis obversantur, sunt inæquales. Æquales tamen essent, si extarent reapse; æqua enim velocitate omnes peragerentur, ut corpus perniciosissime motum aliud non assequeretur delatum tardissime. Testudo videlicet, & homo, ea lege ferantur, ut intereadam hic millaria duo conficit, expleat illa unicum; proindeque velocitatibus utantur, quarum alia sit alterius dupla. Antequam motus hominis incipiat, velimus peragratum a testudine fuisse milliare; tempore propterea insequente, quo milliare integrum ab homine perlustratur, decurret testudo dimidium. Singulis ideireo momentorum interval-  
lis, quibus metitur homo milliaris  $\frac{1}{2}$ ,  $\frac{1}{4}$ ,  $\frac{1}{8}$ ,  $\frac{1}{16}$ , testudo, quæ sub-

dupla celeritate fruitur, spatii pervadet  $\frac{1}{4}$ ,  $\frac{1}{8}$ ,  $\frac{1}{16}$ ,  $\frac{1}{32}$ , & ita porro,  
ut



ut alteri constanter præeat omnino. Igitur cum hæc pugnent, respicienda est motus existentia.

14. RESP. A Diogene Laertio (1) rationem hanc adjudicari Zeno-  
ni. Nuncupata a nonnullis fuit argumentum Achilleum propterea quod  
Achilles, cui velocitas summa inerat, cum testudine committatur ob  
motus tarditatem ferme immobili. Baylius quidem dolet (2) solutus  
inepte ab Aristotele fuisse illud sophisma; idemque proficitur de respon-  
sis aliis, quæ motuum oppugnationibus ille adhibuerat (3). Existimamus  
tamen, posse Aristotelis enodationes facile excusari, ornarique etiam  
fortasse laudibus ubi invidia defervescat, expendique velint accuratius.  
Enimvero solvi tametsi non valeret fallacia argumentationis, nihil con-  
ficeretur adversus motuum existentiam; celeritatum enim inæqualitas  
adhuc superesset, quæ originem faceret discrimini illorum. Achilles  
videlicet, ubi testudinem non attingeret, curreret tamen ea velocius;  
tempore quippe eodem duplum spatium cum pervaderet, duplam,  
quam initio retulit, servaret celeritatem. Ceterum frangi haud ægre  
reticula potest, quam Zeno subtiliter attextuit; quod ut obtineatur,  
animadvertendum est, tempore, quo incepit Achilles motus, & per-  
fuit, confici a testudine progressionem geometricam infinitam; hujus  
vero termini, ut dicebatur, sunt  $\frac{1}{2}, \frac{1}{4}, \frac{1}{8}, \frac{1}{16}, \frac{1}{32}$  &c. Verum Wol-  
fius post alios docet (4), summam, quæ iis ex fractionibus constat  
numero infinitis, colligi, si unitas per denominatorem primi termini  
dividatur multatum unitate. Primus autem progressionis, quam ad-  
struximus, terminus est  $\frac{1}{2}$ , cujus denominatori, hoc est 2, unitas si  
adimatur, supererit  $\frac{1}{2}$  seu 1, qui numerus summam omnium exhibe-  
bit, nempe milliarem. Porro ubi horæ unius intervallo decernatur, ab  
Achille percurri milliarem, tempore horarum duarum assequetur testudi-  
nem. Primam videlicet impendens persolvendo milliari, quod testudo  
jam absolverat, eo conquiescente, horam vero alteram spatio dabit in-  
finitis ex fractionibus coalescenti; æquale enim est milliari. Evincitur  
propterea, æquas non esse Achillis, & testudinis, celeritates; gressu quip-  
pe pari ubi inceffissent, non substitissent denique in loco eodem; pro-  
indeque motus sunt inæquales. Calculorum quidem ex ignorance ad-  
duci in dubitationem poterit ea motuum æquatio; analyticis tamen no-  
tis qui assueverit, concedet ultro suppurari nonnisi eo pacto posse ma-  
teriam, quæ secetur in partes infinitas. Igitur statuendus motus est res  
inter evidenteriores.

Tom. III. Physicæ.

R r

15. ARG.

(1) Lib. 12. num. 29. (2) Diction. crit. art. Zeno litt. F. (3) Phys. l. 6. c. 9.  
(4) Anal. part. 2. num. 334.

15. ARG. IV. Repudiant naturæ leges omne infinitum. Motus tamen si existeret, gauderet, licet perexiguus esset, infinitate; tempus enim infinitum exposceret, quo a loco quopiam corpus deferretur in alium. Partibus nimirum spatii, quod percurritur, extremis interjacent aliæ; quæ cum minores alias ullo sine termino complectantur, infinitarum congeries sunt particularum. Infinitis vero moleculis respondeant, necesse est, momenta temporis infinita; quorum singulis aliqua perlustretur, petaturque propterea infinita parvorum motuum collectio. Igitur motus eorum est imaginatio.

16. RESP. Dolos confessim dissipari, si in memoriam revocetur origo continuitatis. Non præterimus in iis concinnandis totam allaborasse Baylii solertiam (1); additasque ab illo technas alias fuisse, quibus falsitatis ditionem amplificaret. Inficiendum tamen est, a motu spatium peragrari tempore infinito; particularum enim infinitas, quam materiæ tribuunt, mendacium est quovis alio inverecundius. Extensibiles scilicet ex partibus non coagmentatur, quarum aliæ alias concludant sine limite; elementa enim, quibus continuum facitur, inextensa sunt, nullamque ferunt concretionem. Decretum videlicet alibi fuit, ad simplicem redigi rem quamque compositam; simpliciæ ideo spatiorum, quæ transiguntur, exordia, & numero definita, oportet, sint, ut dissolutionem nesciant, & divisionem. Locus inde eripitur momentis numero infinitis; ubi enim certis a terminis semita finiatur percurratur a moto corpore, necesse est, tempore finito. Quod si hæc non ardeant, & anteferi omnino velis infinita materiæ divisibilitas, ineunda ratio alia erit, cavillationesque, & subtilitates retundentur subtilitatis, & cavillationibus. Respondebitur nimirum, implicatas, & confusas esse partes, quæ in aliis continentur infinitis, fierique propterea, ut certo tempore transigantur motu finito. Partes nempe spatii distribuendæ versute erunt in aliquotas, & aliquantas; hæc autem, quæ infinitæ *synecdochematis*, seu *potentia*, sunt, cum claudantur in illis *actu* determinatis, efficitur, delationem quamque esse finitam. Voces quidem barbare sunt, & pro Peripateticorum more significatione omni destituta; obstruendo tamen hominum, qui ex fabulis cuncta definiunt, ori conferunt omnino. Igitur amentium est disputare in motus existentiam.

17. ARG. V. Nulla est motus natura. Differre quidem a materia non potest, nec idem esse penitus cum illa. In idem quippe si motus recideret, ac materia, eam comitaretur perpetuo; exploratum vero est, motu materiam interdum impetiri, interdum quiete. Discriminari nec potest motus a materia; totum enim per corpus distribueretur, eademque proinde cum illa haberet extensionem. Sique reponas, diversimode

(1) Diction. art. Zeno litt. G.

simode a materia motum extendi, docebis pugnantia; locum quippe eundem cum occuparent, extensionum duarum fieret penetratio. Igitur non pronuntiant temere, qui motum abijciunt.

18. RESP. Objectis hujusmodi respondere Diogenem Cynicum consuevisse deambulando (1). Subdere tamen Zenonistæ cum possent, ostendi eo pacto motum tantum idealem, adhibenda sophismati est alia enodatio. Præcipimus nimirum, distingui reapse motum a materia; modus quippe illius est, imitaturque determinationem, quam corpus accipit a figura. Hallucinatio est duplex, quam adstruunt, materiæ & motus extensio; unica enim est, quæ ad motum non spectat, sed ad materiam. Qui rigidas dicendi formas anxie conquirunt, & rebus opportune adplicant, motum, ajunt, in universis corporis partibus potius esse, quam extendi per illas. Rem unicam videlicet motum esse non arbitrantur, quæ in moleculas materiæ sui portiones distribuat, sed parvorum motuum, opinantur, esse summam, quorum singuli elementis simplicibus cum insint, earent extensione. Eum sane ad modum, quo ex principiis indivisibilibus una contextis suboritur phænomenon continui, ita minimis ex pulsibus, qui suapte natura non coeunt, sed ex materia, coalescit integer motus. Compertum idcirco fit, extensionem ad materiam solam pertinere; motus enim particulæ cum invicem non devinciuntur, exhibere nequeunt rem extensam; proindeque nulla est extensionum duarum penetratio. Non ignoramus, hanc in solutionem dictum nimis acute quidpiam irrepsisse, & obscurum; danda tamen venia latentis motus indoli est, cui reluctantur penitus idem paratiores. Igitur citra ambages est motus existentia.

#### PARAGR. IV.

### *Differitur de natura motus & quietis.*

19. EXPLICARI dicendo vix potest, quam acriter de *natura* motus disputaverint Philosophi. Qui contentus probabilibus sit, motum, dicit, successivam corporis esse de loco in locum delationem; eam namque definitionem verbis non iisdem tradidere Aristoteles, Gassendus, & Cartesius. Affirmavit videlicet Aristoteles (2), motum esse actum rei, quæ in potentia est, quatenus talis. Fatendum sane est, usurpatum fuisse illud obscurissime; indicare tamen voluisse, creditur, motum actionem corporis esse, quod moveri cum inceperit pervenire potest in locum alium. Gassendus asseruit (3), ex motu novum in locum rem transire fluxu continuo. Optima esset ea præscriptio, si loci

R r 2 nomi-

(1) Vid. Diogen. Laert. lib. 6. num. 39. (2) Phys. lib. 3. cap. 2.

(3) Phys. scd. 1. lib. 5. cap. 1.

nomine spatium non significaret, seu inane; illud enim multis dispartitum extitit, quas provenire inde putant, consecutiones. Profectus denique Cartesius fuit (1), motum translationem esse a vicinia corporum, quæ rem contingunt, censenturque conquirere, in viciniam aliorum. Ea motus explicatio infensum habuit Clericum (2), & alios; navis enim, qui in navi a ventis oportuna quiesceret, non moveretur, procederet autem arbor in undis defluentibus immota. Responderi tamen potest, naviam, qui stat, motu ferri relativo communi; navis enim, cujus pars est, proximis a fluctibus recedit, accedique remotioribus. Arbor vero, quam fluminis undæ prætereunt, non movetur, ullatenus; ætiva quippe oportet deductio sit, qua corpus impetum admittat, & ad fines se conferat corporum aliorum. Ad motus itaque descriptionem antelerendus est ceteris Cartesius.

20. Subdenda deinde causa motus est disquisitioni. Eam ad evincendam statuitur, non posse materiam sibi metipsi motum largiri; corpus enim, omne primum æque est ad motum, & ad quietem. Ut motus enascatur, confugiendum omnino est ad substantiam spiritalem; cuiusmodi Deus est, Angelus, animus, & alia, si quæ sunt, materiam percellendi vim consecuta. Ita est, ubi differatur de motu, qui prorsus incipiat, causæ enim secundæ, quarum præsidio motus propagatur, totæ extant, quæ sunt res mobiles. Qui ceteris amplitudine, & robore præstet, est ignis; motum enim, vel visum, quem a Deo olim obtinuit, non cessat corporibus aliis perenniter erogare. Ratum illud sit in horologio, quod totis constet elastorum opera circumductis; ignis quippe cum elaterium efficiat, moleculas sibi proximas urget, totamque naturæ complexionem eo pacto conjicit in motum. Itaque motus easus, quæ corporea sit, præsertim est ignis.

21. Investigandum pariter principium est, a quo fit motus *continuuus*. Lapidis, qui manu apprehenditur, motus provenit ab impulsu illius; impervia tamen est ratio, qua si ab ea dimittatur, pergit adhuc in viam suam. In motus huiusce durationem tres sententiæ memorantur, Scartii, nimirum, Gassendi, & Newtoni. Putat sane Stairius (3), motum, qui perstat, oriri ab aeris elasticitate; hic quippe a re mota cum a loco derubetur, redit illuc, novamque corpori confert impulsivæ. Simile quidpiam decernebant Peripatetici; docebant scilicet, compelli corpus ab aere, qui ex formidine vacui regreditur in locum suum; eos vero perstrinxit Borellius (4). Motum ex aere non perfecteare, liquet ab illius interitu; foret enim perpetuus, si pro elasticorum corporum legibus vim, qua impertiretur a lapide, aer restitueret. Gassendus autem existimat (5), motus incolumitatem a manu pro-

gredi

(1) Principio. par. 2. parag. 25. (2) Phys. lib. 5. chap. 5. par. 3. (3) Physic. nov. explor. 3. sect. 9. (4) De vi percuss. cap. 3. (5) Phys. sect. 1. lib. 5. cap. 4.

gredi corpus contingente; illius quippe impetus proximioribus partibus conferitur, a quibus ad alia graditur, ut certo tempore deducatur ad extremos. Hac super re videtur a Democriticis, quos diligebat perditte, recessisse; opinabantur enim a manu atomos egredi, quæ corpori se injicerent, tuerenturque primam motionem. Eum vero decipi, experimento globi ostenditur manu conclusi; una siquidem cum illa non moveretur, nisi pervaderet vis subito ad particulas remotiores. Arbitratur denique Newtonus (1), superstitem motum esse ex inertia; hujus quippe gratia statum suum cum corpus retineat, cessare, si moveatur, nequit a motu. Ab hac valde non discrepat opinio Cartesii; asseverat enim (2), sortita corpora a Deo fuisse legem, qua motum, vel quietem, nisi turbentur, obtineant continenter. Demonstratum alibi fuit, eodem vim inertiz converti, ac corporis gravitatem; explicari autem nullatenus valet, quo unquam pacto pondus impedit motus exitum. Sapientius quidem erit, motus perseverantiam nisiui, seu impetui, adjudicare, qui a causa nulla cum relinquitur, agit sine cunctatione. Peculiare videlicet universis corporum affectionibus est, recte valere, quoad offendant causam adversam; hujus enim a viribus sensim infirmantur, ut demum intercidant omnino. Ab hostium itaque inopia proficiscitur motus constantia.

22. Negligenda postremo non est *quietis* explanatio. Dicunt, esse quietem *commorationem* corporis eodem in loco; seu continuam esse corporis rebus iisdem adplicationem. Quietem propterea, ut de motu præcepere, in *relativam* dividunt, & *absolutam*; fieri enim potest, ut *absolute* corpus moveatur, sicut vero *relative*. Digladiantur tamen pro quietis natura; Cartesius enim (3) in vi positiva & affirmante eam collocat, sed in motus negatione statuit Mallebranchius (4). Negantiam esse opinamur tribus de causis. *Prima* est, eundem servari a corpore locum, ubi motum non admittat, a loco autem non contendere in alium, eodem redit, ac conquiescere. *Secunda* est, Deum, testimonio Cartesii, motum suppeditare corporibus universis; ubi ideo illum non elargiatur, necesse est, sine vi alia gaudeant quiete. *Tertia* est, quietem cunctis in substantiis esse penitus æqualem; formæ autem omnes, quas positivas vocant, augeantur, minuanturque, ut summa dissideant inæqualitate. Quod rem tamen conficit est, inducendas vires novas tantum esse, ubi posset necessitas.

C.A.

(1) Princip. lib. 1. definit. 3. (2) Princip. par. 2. parag. 37. 38.

(3) Princ. par. 2. Parag. 26. 27. (4) De inquir. verit. lib. 6. cap. 9.

## C A P U T II.

*De motu uniformi, & accelerato.*

I. **Q**UANTUM lux tenebras, tantum essentiam perspicuitate vincunt motus proprietates. Quid motus reapse sit, ignoratum perpetuo fuit, nec innosceret ullatenus; quibus tamen præscriptionibus eundetur, festinet, distribuaturque, omnem eludit dubitationem. Disputatum quidem de earum aliqua nonnunquam fuit a viris vel solertissimis; illud tamen a motuum determinatione non prodijt, sed ab indole, quæ incomperta erat, corporum nonnullorum. Præcipuas itaque motus affectiones indagaturi laborem dividimus in partes quatuor. Exponit prima naturam celeritatis; secunda leges explicat motus uniformis; aperit, tertia sanctiones motus accelerati; quarta differit de resistentia mediorum.

## PARAGR. I.

*Natura exponitur celeritatis.*

2. **CORPORIS** affectio *celeritas* est, qua percurrere certum spatium valet tempore definito. Inæquales autem sunt motuum velocitates; fieri quippe ex illis potest, ut tempore æquali inæqualia spatia corpus persolvat, æqualia vero peragret inæquali. Ad referendam celeritatum dissimilitudinem præsto esse morulæ queunt, seu breves a motu cessationes; corpus nempe, quod alio tardius proficiscitur majorem fortasse experitur copiam eundationum. Ea scilicet opinio insensos multos non habuit triplici de causa. *Prima* est, moris abjectis omnem penitus surripi motuum discrepantiam; unico namque temporis momento punctum spatii unicuique corpora contingerent, nec celeritate vel maxima plus provereretur, quam minima. *Secunda* est, rerum successivarum complexiones, & permanentium, esse persimiles; continui idecirco elementa interjectis spatiolis ut dissociantur, ita determinari exiguis a tarditatibus valent partes celeritatis. *Tertia* est, de quiete, cujus a portionibus distineri velocitas potest, non spectare judicium ad sensus; corpora enim procul posita interdum moventur, quiescere licet videantur, & titio, qui citissime circumferatur, vitam igneam describit, & adesse creditur locis innúmeris. Qui tamen ea celeritatis intervalla suffragio suo non confirmant, confugiunt ad rotam; ajunt namque, radium ad centrum agi tardius, quam ad peripheriam; frangeretur propterea, si consisteret partim partimque properaret. Reponi non omnino imperite assolet, orbitæ radium inflecti; impetum quippe inæqualem

lem ad varias sui partes cum admittat, nequit illi satisfactum, nisi eveniat, tempusque impendat consentaneum vi impari dilationum. Obje-ctant deinde, morulis ad celeritatem inductis omnem a motu auferri causam perseverandi; nihil enim in promptu est, quod quiescenti cor-pori ictum novum impertiat, & adigat in motum. Reddi tamen po-est, nisi, quo corpus post quietem iterum progreditur, derivari a celeritate; quæ sane non interit, sed actionem suam, dum moratur, cohibet, ut corpori rursus erogat pro motus quantitate. Ubi hæc non ardeant, conquirantur meliora.

3. *Absolute* sumi celeritas potest, & *relative*. *Absolute* ad massam corporis, cui inest, non refertur, sed peculiarem tantum significat motus directionem. Eo sane pacto a motu nullatenus differt, eodem-que proinde in corpore, quod haberi pro unitate potest, quantitas motus in idem recidit, ac velocitas. *Relative* tamen in massam spe-ctat, seu corporis densitatem; per illius enim partes adeo distribuitur, ut nullam prætereant. Ea sane de causa diffidere omnino dicitur cele-ritas a motus quantitate, hanc enim duntaxat exhibet, ubi ducatur in ipsum, quo corpus coagmentatur, numerum partium. Plerumque accipitur *relative*; motuum enim vires ad detegendas cum corpora invicem conferantur, sejungit a massis nequeunt celeritates. Decernitur propterea, motum, ut productum, esse celeritatis in materiam; ubi enim massa æ & celeritas c sit, summa virium evadit  $mc$ . Compertum hinc fit, augeri motum, si manente pondere eodem celeritas excreseat, minui vero, si celeritate eadem persistente decreseat corporis pondus. Alteru-trum enim datus ubi vicissitudinem adoret, amplificetur necesse est, vel extenuetur area rectanguli, a qua motus exponitur. Motus demum *vis viva* dicitur, conatus autem ad motum vocatur *vis mortua*.

4. Ab inæquali celeritatum accessione motus proveniunt funditus dissimiles. Præcipui, qui decreta prorsus disparia sibi vendicant, duo sunt, *uniformis* nimirum, & *acceleratus*. Ubi velocitas, quæ sub motus initium adstipit, eadem perseveret, motus oritur *uniformis*, quo æquali tempore absolvuntur a corpore spatia æqualia. Unico videlicet tem-poris momento pedem unicum ubi collustrat, duobus duos conficiet, tres tribus, & ita porro. Celeritas vero, quæ primo adfuit, ubi incre-mentum accipiat, prodit motus acceleratus, quo inæqualia spatia a corpore percurruntur tempore æquali. Primo nempe temporis elemento pedem si expleat, secundo tres corpus pervadet, tertio quinque, & ita sane. Sed expendendi motuum horum canones sunt speciatim.

## PARAGR. II.

*Explicantur leges motus uniformis.*

5. *SPATIUM*, quod motu uniformi conficitur, designari potest rectangulo  $ABCD$  \*. Latus videlicet  $AB$  significat tempus, quo motus peragitur, & aliud  $BC$  ipsam indicat corporis celeritatem. Omnino cum constet, spatium majus persolvi, quo movetur corpus tempore diuturniore, ea ratione rectangulum augetur, qua profertur latus temporis  $AB$ . Unico scilicet momento  $AE$ , ubi celeritate  $EF$  spatium  $A EFD$  perlustraretur, momento duplici  $AB$  duplum spatium completitur  $ABCD$ , duplatur enim tempus, sed eadem persistat celeritas  $EF$ . Dicitur propterea solet, æquari a spatio productum temporis in celeritatem, ut, si spatium  $s$ , tempus  $t$ , & celeritas  $c$  dicatur, prodeat  $s = ct$ . Ea autem ex præscriptione referantur motus uniformes, quos *æquabiles* etiam vocant, corporum invicem collatorum; evincitur enim, quod spatium dimetiantur, qua celeritate gaudeant, quo utantur tempore, & quam obtineant motus quantitatem. Omnia perscrutemur singillatim.

6. *Spacia*, quæ duobus a corporibus æquali celeritate peraguntur, sunt ut tempora. Corporum videlicet  $A$  &  $B$  spacia nuncupentur  $s$  &  $s$ , tempora  $t$  &  $t$ , celeritates vero  $c$  &  $c$ . Ex iis, quæ definivimus, est  $s : s = ct : ct$ ; pares autem velocitates cum sint, fit  $s : s = t : t$ . Tempora proinde, quorum  $t$  alterius  $s$  sit duplum, spatium  $s$  exhibent duplum  $s$ . Quod si tempore æquali corpora  $A$  &  $B$  inæquali celeritate ferantur, spacia sunt ut velocitates. Propositio enim cujus termini erant  $s : s = ct : ct$ , ex temporum æqualitate in aliam vertitur  $s : s = c : c$ . Celeritas idcirco  $c$  tripla ubi sit ipsius  $c$ , spatium  $s$  pariet triplum alterius  $s$ .

7. *Celeritates* corporum, quæ tempore inæquali per æqualia spacia deportantur, inversam sequuntur temporum rationem. Corpora videlicet nominentur  $A$  &  $B$ , celeritates  $c$  &  $c$ , tempora  $t$  &  $t$ , spacia demum  $s$  &  $s$ . Cum sit  $s = ct$  &  $s = ct$ , divisionis ope obtineatur  $c = \frac{s}{t}$ , &  $c = \frac{s}{t}$ ; consequenter  $c : \frac{s}{t} = c : \frac{s}{t}$ . Æqualia autem spacia  $s$  &  $s$  sunt, ut proveniat  $c : \frac{s}{t} = c : \frac{s}{t}$ , vel  $c : c = \frac{t}{t} : \frac{t}{t}$ ; quod eodem redit, ac inverse, ut tempora, esse celeritates. Corporum idcirco  $A$  &  $B$  ubi tempora sint  $2$  &  $1$ , celeritas  $c$  prodibit  $= 1$ , &  $c = 2$ . Verum celeritates corporum, quæ per spacia inæqualia inæ-

\* Tab. XI. fig. 1.



inæquali tempore gradiuntur, inverse, ut tempora, sunt, & directe, ut spatia. Comperta res sit in proportionem  $c : \epsilon = \frac{s}{t} : \frac{s}{t}$ ; termini quippe duo  $\frac{s}{t} : \frac{s}{t}$  duplici ex ratione componuntur, quarum directa spatiorum  $s : s$  est, & inversa temporum  $\frac{1}{t} : \frac{1}{t}$ . Ex temporibus itaque 3 & 1, & ex spatiis 1 & 2, celeritas  $c$  ad aliam  $\epsilon$  erit, veluti  $\frac{1}{3}$  ad  $\frac{2}{1}$ .

8. *Tempora*, quibus celeritate inæquali per æqualia spatia corpora progrediuntur, sunt celeritatibus inverse proportionalia. Corpora nimirum appellantur A & B, spatia  $s$  &  $s$  tempora  $t$  &  $t$ , celeritates denique  $c$  &  $\epsilon$ . Superiore ex decreto esse liquet  $s = ct$ , &  $s = \epsilon t$ ; quæ partes si per  $c$  &  $\epsilon$  dividantur, dabunt  $\frac{s}{c} = t$ , &  $\frac{s}{\epsilon} = t$ ; erit propterea  $\frac{s}{c} : \frac{s}{\epsilon} = t : t$ , seu  $t : t = \frac{s}{c} : \frac{s}{\epsilon}$ . Verum spatia  $s$  &  $s$

ob æqualitatem sunt  $= 1$ , ut fiat  $t : t = \frac{1}{c} : \frac{1}{\epsilon}$ ; quod in idem recidit, ac tempora corporum A & B esse inverse, sicuti celeritates. Quod si inæquales corporum velocitates sint, & spatia inæqualia, ratio temporum ex inversa celeritatum constabitur, & ex directa spatiorum. Demonstratio eadem est, qua usi nuper fuimus ad celeritatem.

9. *Quantitates* motuum quæ æqualium massarum corporibus insunt, proportionem servant celeritatum. Illud ad ostendendum corpora de more vocentur A & B massæ  $m$  &  $m$ , celeritates  $c$  &  $\epsilon$ , motuum vero quantitates  $Q$  &  $q$ . Cum motus ex massa in celeritatem ducta proveniat, erit  $Q : q = mc : m\epsilon$ ; massarum autem æqualitas, quæ 1 & 1 exhibet, efficit  $Q : q = 1c : 1\epsilon$ ; proindeque motus sunt, ut celeritates. Velocitas scilicet corporis A ubi tripla velocitatis sit corporis B, illius motum ad motum hujus comperietur esse, ut 3 ad 1. Corpora deinde inæquales celeritates habeant, & massas inæquales; motuum vis rationem compositam ex directa duplici servabit massarum, & celeritatum. Etenim est  $Q : q = mc : m\epsilon = m : m \cdot c : \epsilon$ ; termini autem  $m : m$ , &  $c : \epsilon$  proportionem offerunt celeritatum, & massarum. Ita ubi  $m$  &  $m$  statuuntur esse 2 & 1,  $c$  autem &  $\epsilon$  3 & 1, se habebit  $Q$  ad  $q$  ut 6 ad 1. Corporum denique, quorum massæ, & celeritates, incedant reciproce, motuum summæ sunt æquales.  $c$  videlicet &  $\epsilon$ , si 4 & 1 nominentur,  $m$  vero &  $m$  1 & 4, æquationi  $Q : q = cm : \epsilon m$ , sufficitur alia  $Q : q = 4 \cdot 1 : 1 \cdot 4 = 4 : 4$ . Motus idcirco corporis A alium æquat corporis B.

## PARAGR. III.

*Leges aperiuntur motus accelerati.*

10. UNIFORMI in motu ut celeritas constanter perseverat, ita auge-  
tur in motu *accelerato*. Quovis temporis momento novus corpori impe-  
tus accedit, seu gradus velocitatis, ut, quo diutius proficiscitur,  
promptius moveatur, & celerius. Tempora idcirco, quibus acceleratus  
motus perficitur, designari a triangulo  $ABC$  solent \*. cujus latus  $AB$   
collectionem temporum indicat, & aliud  $BC$  summam celeritatum.  
Tempusculo nimirum primo  $AC$  celeritatem  $CH$  corpus obtinet, duplici  
 $AK$  aliam  $KL$ , & deinceps; celeritates propterea, & tempora, quæ  
a lateribus triangulorum  $ACH$  &  $AKL$  determinantur, sunt invicem  
proportionalia. Ex velocitatibus proinde evinci tempora possunt, &  
ex temporibus velocitates; latus enim  $AB$ , quod temporum est, & 6  
partes complectitur, ostendit, sub finem motus esse 6 elementa cele-  
ritatum; idem vero, quod ad tempora, prodit ex latere  $BC$ . Quod  
de accelerato præscribitur, consonat quoque in motum retardatum;  
ubi celeritates pro ratione temporum decreverunt, demumque res-  
tinguntur omnino. Manifesta nimirum fieri decremента possunt ab eo-  
dem triangulo  $ABC$ ; primo quippe instanti  $BM$  celeritas  $BC$  corpori  
inest, secundo  $MO$  alia  $MN$ , & ita porro ad ipsum usque motus inte-  
ritum. Hic autem obvenit in loco  $A$ .

11. Area trianguli  $ABC$  spatium exhibet \*\*, quod motu accelerato  
percurritur tempore  $AB$ . Corpus videlicet, si a motus sui initio  $A$   
celeritatem  $EF$  assequeretur, eamque retineret ad exitum temporis  
 $AE$ , ex uniformitatis lege conficeret rectangulum  $AEFD$ , hoc est,  
productum temporis  $AE$  in celeritatem  $EF$ . Velocitatem tamen  $EF$   
cum adipiscatur duntaxat post tempus  $AE$ , spatium a rectangulo  $AEFD$   
non exprimitur, sed a triangulo  $AEF$ , cujus latera  $AE$  &  $EF$  pro-  
portionem, diximus, continere temporum, & celeritatum. Quod de  
primo temporis momento  $AE$  decernitur, in duo  $AC$  convenit, in tria  
 $AK$ , & ita porro, ut spatium primo perfolurum sit  $AEF$ , secundo  
 $ACH$ , tertio  $AKL$ , & deinceps, basi tenus trianguli  $BC$ . Ad rem  
hanc nitidius demonstrandam nonnulli ratione utuntur a partium, quas  
*infinitesimas* vocant, ingenio derivata; ajunt enim, a lineolis  $AE$ ,  
 $EG$ ,  $GH$ , &c. tempuscula infinite parva significari, quæ, dum fluunt,  
constantem afferunt corpori celeritatem. Putant propterea primi tem-  
poris  $AE$  spatium a rectangulo  $AEFD$  præferri, secundi  $EG$  ab alio  
 $EGHF$ , tertii  $GK$  a  $GKLE$ , & rursum, ut spatia perpetuo æqualia  
pro-

\* Tab. XI. fig. 1. \*\* Tab. XI. fig. 2.

productis sint tempusculorum in celeritates. Inferunt inde, spatia, quæ tempore  $A$  absolvuntur, oculis universa subijci a triangulo tantum  $ABC$ ; triangula enim  $AF$ ,  $FH$ ,  $HL$ , & alia, infinitam ob exiguitatem minima sunt, negligique tuto possunt sine noxa supputationis. Quovis tamen pacto lex ostendatur, a triangulo  $ABC$  representari constat spatia tempore  $A$   $BC$  collustrata; idemque ad motum retardatum liquet, si versetur triangulum  $ABC$  alia ratione. Corpus videlicet, cujus motus sensim imminuitur, primo temporis minuto  $BO$  spatium  $OBCF$  decurrit, secundo  $OM$  aliud  $MOPN$ , tertio  $MK$   $KMLN$ , & ulterius, ut retardati decrectiones accretionibus respondeant motus accelerati. In  $A$  proinde, ubi spatium deficit, interit motus omnino.

12. Ex triangulo  $ABC$  planum etiam fit \*, in spatiis reperiri ordinem numerorum imparium. Spatia nempe  $ADE$ ,  $DEOF$ ,  $FORH$  &c: quæ temporibus  $AD$ ,  $DE$ ,  $EH$ , ex motu accelerato conficiuntur, afficiunt triangula numeris 1, 3, 5, 7, prorsus æqualia. Momento enim temporis primo  $AD$  cum celeritas  $DE$  post motus initium constans non sit, unicuique describitur spatium, seu triangulum  $ADE$ . Secundo  $DE$  rectangulum  $DEGE$  ob celeritatem  $DE$  quæ constanter superest, gignitur, & triangulum  $GOE$  ob inconstantem  $GO$ ; ea autem summam efficiunt 3 triangulorum. Tertio  $FH$  firma ex velocitate  $FO$  rectangulum  $FHKO$  producit, & ex  $KR$  triangulum  $KRO$ ; quæ paria omnino sunt 5 triangulis. Quarto  $HT$  celeritas  $HT$ , quæ continenter perstat, rectangulum  $HTLA$  parit, & alia  $LS$  quæ adjungitur, creat triangulum  $LSR$ ; ea vero quantitatem æquant 7 triangulorum. Comperitur ideo, celeritatum comparatio ubi proferatur, a spatiis seriem atque numerorum 1, 3, 5, 7, & deinceps; idemque adplurimum fluxui est motus retardati. Primo enim instanti  $BM$  corpus, cujus motus extenuatur, ex celeritatibus, quarum alia permanet, & alia dilabitur, spatium  $MBCN$  metitur, hoc est, 11 triangula, secundo  $MI$  9, tertio  $IN$  7, quarto  $IF$  5, quinto  $FD$  3, sexto demum  $DA$  1. Impares scilicet numeros, quos acceleratus sequitur, invertit motus retardatus.

13. Triangulum præterea idem  $ABC$  aliam aperit motus accelerati proprietatem \*\*. Ex eo potissimum evincitur, spatia, quæ a moto corpore momentis singulis pervaduntur, esse quadratis temporum proportionalia. Minuto enim primo  $AD$  spatium est 1, secundo  $DE$  3, tertio  $FH$  5, quarto  $HT$  7, & ita porro ad extremum tempus  $MB$ . Si 1 additus 3 numerus 4 efficitur, qui est quadratum 2, seu temporis secundi; spatium autem 4 si 5 & 7 adjungantur, numeri prodibunt 9 & 16, qui quadrata referunt temporum tertii, & quarti. Sed respondere spatia quadratis temporum ex ipsa quoque natura liquet

Ss. 2. trian-

\* Tab. XI. fig. 3. \*\* Tab. XI. fig. 3.

triangulorum. Similia quippe illa ubi sint, triangulum  $ADE$  ad triangulum  $AFO$  est in duplicata ratione lateris  $AD$  ad latus  $AF$ . Cumque tempora 1 & 2 a lateribus  $AD$  &  $AF$  proponantur, triangula  $ADE$ , &  $AFO$ , seu spatia, duplicatam temporum rationem æmulabuntur, eruntque ut quadrata 1 & 4. Æqualia pariter spatia sunt quadrata celeritatum; latera quippe  $AD$  &  $DE$ , a quibus tempora, & velocitates designantur, quantitate non differunt, tuenturque idcirco eandem proportionem. Hæc demum spatiorum lex in motum spectat etiam retardatum.

14. Quæ posita de motu accelerato fuere, adimplentur penitus in corporum descensu. Ubi de gravitate differuimus, a corpore, præcepimus, minuto temporis secundo confici pedes 15, duobus 60, tribus 135, quatuor 240, & ulterius; quorum sane numerum ratio quadrata temporum exhibet 1, 4, 9, 16, &c. Conferri propterea motus invicem possunt, qui pertinent ad duo corpora; a spatiorum enim, quæ cadendo absolvent, radicibus perspectæ sunt utriusque celeritates. Spatium videlicet corporis  $A$  si fuerit 4, & corporis  $B$  9, velocitates erunt, ut 2 ad 3; hæc namque radices quadratæ sunt numerorum 4 & 9. Alia nec via tempora innotescunt; rationem quippe imitantur celeritatum.

#### PARAGR. IV.

#### *Agitur de resistentia mediõrum.*

15. Quæ de uniformi motu rogavimus, & accelerato, vera omnino sunt in mediis non obstitentibus. Calculo tamen subjicienda quoque est illorum resistentia; ab ea namque vires corporum extenuantur adeo, & temperantur, ut demum dispereant. Media scilicet resistuntur triplici de causa; ex densitate nimirum sua; ex corporum, quæ per illa moventur, superficie; & ex eorundem celeritate. Medium sane cum corpore validius dimicat, quo plus obtinet concretionis; inertia quippe obtemperat materię quantitati, quæ conjici renuit in motum. Certant deinde enixius gratia superficie, quam objicit corpus in illis delatum; latior enim perimeter cum potiore congregitur numero particularum. Impensius denique digladiantur, quo major est corporis velocitas; aucta enim celeritate motus succrescit, cui vehementius adversatur, & acrius, vis inertię. Corporum vero, per quæ cetera trahuntur, fluida alia sunt, & alia sunt solida.

16. Fluidorum corporum luctam ostendere Nollerus contendit (1) in aqua, & in aere. In capsula enim lignea, quam tabula verticaliter erecta

(1) Less. 3. sect. 3. artic. 2.

erecta in duas partes dirimit, extet hinc aer, illinc aqua. Altioribus a punctis pendulorum instar duo globi suspendantur metallici, & æquales; quorum alius aquæ immergatur, alius autem versetur in aere. Ubi funiculis æqualis motus conferatur, sferæ in aqua degentis oscillationes brevi intereunt; sed quæ ad aliam in aere extantem spectant, persistent diutius. Ita aquæ nilus evincitur, sed via alia suppetit ad aerem. In vitroa nempe Boyleanæ machinæ excipulo horologium metallicum statuatur eo artificio, ut quin aer ingrediatur, impertiri illi motus possit omnino. Aere quidem sublato convertuntur rotæ insigni velocitate, eumque impetum elargiuntur malleolo, ut campanula inde percussa sonos edat multo crebriores. Ratum hinc fit, in aere tenui liberius motum peragi, quam in denso; quod obvenire nullatenus posset, si motu corpori perpetuus moras aer non injiceret. Vires propterea, quas aqua & aer labefactant, potentius infirmabit *hydrargyrum*.

17. Subdenda fluidorum corporum resistentia supputationi ubi sit, rationes densitatum sedulo versentur, voluminum, & celeritatum. Ad eam scilicet dignoscendam ponderum inæqualium pendula immittenda fluidis nonnullis sunt, quorum ex oscillationibus comperta rite fiet quantitas obstaculorum. Adhibendæ tamen regulæ sunt cujusque corporis ingenio accommodatæ. *Prima* est, fluidorum homogeneorum resistentias, quas corpora voluminum inæqualium, & æqualium celeritatum inveniunt, esse ut volumina. Corpora nimirum duo si nuncupentur A & B, volumina  $v$  &  $v$ , celeritates  $c$  &  $c$ , densitates fluidorum  $d$  &  $d$ , & resistentiæ  $r$  &  $r$ , erit  $r : r = vcd : vcd$ . Verum homogenea fluida eum sint, densitates  $d$  &  $d$  fiunt 1 & 1, sicut 1 & 1 evadunt  $c$  &  $c$  ob æqualitatem celeritatum; proindeque est  $r : r = v.11 : v.11 = v : v$ . Volumina idcirco corporum A & B ubi 2 & 1 sint, eruitur  $r : r = 2 : 1$ . *Secunda* est, a corporibus inæqualium celeritatum, & voluminum æqualium, quæ homogenea per fluida deducuntur, offendi resistentias, ut celeritates. Æquatio enim  $r : r = vcd : vcd$  ex densitatum, & voluminum æqualitate in aliam vertitur.  $r : r = 1c1 : 1c1 = c : c$ ; ut si celeritates  $c$  &  $c$  3 & 1 dicantur, habeatur  $r : r = 3 : 1$ . Canones quidem hi ad corpora spectant, quæ congeneribus in fluidis protruduntur, hoc est, ejusdem densitatis.

18. Ad corpora, quæ in fluidis degeneribus propelluntur, pertinent aliæ præceptiones. *Prima* est, corporibus voluminum æqualium, & inæqualium celeritatum objici eterogeneis a fluidis resistentiam, quæ rationem compositam amplectuntur celeritatum, & densitatum. Superiore namque ex præscripto est  $r : r = vcd : vcd$ ; cumque volumina æqualia sint, emergit  $r : r = 1cd : 1cd = cd : cd$ . Celeritates proinde corporum A & B ubi sint 3 & 2, densitates vero fluidorum 4 & 1, erit  $r : r = 3.4 : 2.1 = 12 : 2 = 6 : 1$ . *Secunda* est, fluida eterogenea corporibus, quæ volumina inæqualia & æquales celeritates gerunt, offerre resistentias densitatibus, & voluminibus, proportionales.

Ex

Ex velocitatum quippe æqualitate æquatio  $R : r = v d : v c d$  in aliam abit  $R : r = v i d : v i d = v d : v d$ ; ut volumina 3 & 2, densitates autem 5 & 1 ubi sint, obtineatur  $R : r = 3.5 : 2.1 = 15 : 2$ . Tertia est, resistentias, quas voluminum inæqualium, & inæqualium celeritatum, corporibus fluida eterogenea parant, rationem continere ex directa constatam celeritatum, voluminum, & densitatum. Omnia enim inæqualia cum sint, quantitates universæ  $R : r = v d : v c d$  supersunt, quin ulla ad unitatem revocata summam extenuet trium proportionum. Volumina itaque 2 & 1, celeritates 3 & 1, densitates autem 3 & 2 si appellentur, prodibit  $R : r = 2.3.3 : 1.1.2 = 18 : 2 = 9 : 1$ . Istud eveniet, quum per *aquam*, & *hydrargyrum*, globos inæquales trahas, *lignum* & *cupreum*.

19. Corporum tamen motui non modo fluida obstant, verum etiam solida. Quodque nimirum corpus, ubi per solidam alterius superficiem progrediatur, experitur resistentiam; hujus autem, quæ *affrictus* nuncupatur, gratia impetus omnis redigitur demum ad quietem. *Gladius* scilicet, *vomer*, relique penitus universæ figuræ, & aciem amittunt ex aliorum corporum, contactu, ut quo solentiore machinæ artificio sunt elaborate, eo citius cedant viribus attritionum. Eridio vero omnis revocatur in duo genera; aliam quippe *primam* nominant, & aliam *secundam*. Primum ad genus quæ pertinet, reperitur in corpore, ejus: a partibus omnes alterius tanguntur successive; *lateris* enim, qui per tabulam deferatur, superficies planitiem totam percurrit illius. Quæ spectat ad genus secundum, in corpore extat, certæ cujus partes attingunt alterius, aliquas, & alias prætereunt; *sphæra* quippe, quæ super planum volutetur, particulæ eas tantum osculantur, quæ sibi subjiciuntur omnino. Ambigendum non est, confricationem eam alteram motui esse hæc infensorem; illius namque a constantia moleculæ singulæ detestantur prolixius. Motus propterea, necesse est, persistet brevissime.

20. Qui momenta vellet affrictuum supputare, conaretur in rem inutilem. Omnem citra dubitationem est, tribus a causis eos pariter pendere; quæ sunt corporis, quod teritur, superficies, vis pressiois, & ipsa motus celeritas. *Primo* colluctatio corporum adaugetur, quo amplior est tacta superficies; plures namque partes proponuntur exæquantæ, quibus debetur virium decretio. *Secundo* amplificatur resistentia, si pressio, quæ corpus per aliud incedit, sit enixior; quo enim vehementior est, eo partes partibus alijs ingeruntur, nihilque explicant impensiores. *Tertio* demum sævis acris dimicatio, quo est motus velocior; celeritate quippe nova massæ eidem adjectæ motus exaggeratur, cui ex reactione obijciatur major contentio. Desiniri tamen non valet, quam inter se proportionem servant ex concertationes; vitiumque provenit a superficiebus, quarum textura delitescit; calculo enim subterni haud ægre possent pressiones, & celeritates; universe tamen præcipitur, tertiam ferme virium partem superandis impendi conatibus frictionum.

21. Ex-

21. Exploratum hinc sit quam inania hominum molimina sint in perpetuum motum annitentium. Circumferri quidem machinæ nonnullæ solent, quæ illum exhibeant; leges tamen resistentiarum ubi non nesciantur, perspecta omnino erit inventi repugnantia. Perennis sane motus is est, qui conversiones suas sine mora persequitur, nec ulla virium, a quibus restituatur, eget additione. Attritionum tamen pertinacia struere motui insidias cum non desinat, imminuo sensim impetus momento, cum rapiunt denique in corruptionem. Motus itaque perpetui adfectores adjungendi Alchimiz vindicibus sunt, & patronis Astrologiæ.

### C A P U T III.

#### *De motus communicatione.*

1. **A** NNUMERANDA dogmatibus additioribus est *motus communicatio*. Quicquid corpori dum motus confertur, sine spe veritatis disputatur, an ille generetur, vel a corpore potius transeat ad aliud. Negari sane non potest, ab eo, quod impellit, aliquam ferri virium iacturam; latet tamen, an ex reactione illud fiat, vel ex portione motus, quæ transferatur ad impulsum. Ne tempus teratur nequidquam, inter metaphysicas alegantur eam disquisitionem; agimus vero de *Dynamice*, seu de legibus, quibus motus ipse distribuitur, & exercitationem complectimur partibus quatuor. Prima nonnullas exhibet animadversiones; disserit secunda de directa collisione corporum inertium; tertia impactum directum explicat elasticorum; exponit quarta obliquam corporum impulsionem.

#### PARAGR. I.

#### *Nonnulla observantur de motu.*

2. **MOTUS**, qui dispartiri inter corpora solet, duplex est, *directus* nimirum, & *obliquus*. Quem directum nominant, a potentia provenit corpus quoddam propellente; reflexus vero a corpore progreditur, quod aliud sibi incurrens reget in partem aliam. Dux idcirco motuum lineæ sunt, *incidentiæ* scilicet, & *reflexionis*. Per illam, quam incidentiæ nuncupant, perficitur motus directus; eaque potissimum est \* **A E**, quæ cum

\* Tab. XI. fig. 4.

eum plano  $FL$ , cui corpus appellit, efficit angulum  $AEP$ . Motus vero reflexus per aliam evolvitur, quam dicunt reflexionis; hujusmodi autem est  $EB$ , quæ cum plano  $EL$  angulum efformat  $BEL$ . Incidentiarum præterea extant duo genera *directarum* nempe, & *obliquarum*. Directam vocant, ubi corpus in contactus planum perpendiculariter veniat, pariatque angulum rectum; ejusmodi est  $AD$ . Plano autem incurfus si oblique corpus irruat, ut edat angulum acutum, est obliqua; hujusque indolis est  $A E$ . Planorum denique *immobilia* alia sunt, & alia sunt *mobilia*; paries accensendus illis est, his vero globus ab alio in motum conjectus. Sed illustranda hæc sunt omnia seorsim.

3. Corporum, quæ collidi invicem possunt, species tres sunt, *mollium* videlicet, *durorum*, & *elasticorum*. Si de plano disputetur immobili, certo certius est, quovis pacto mollia corpora, & dura, in illud incidentia, motum non propagari, sed restingui, ut nulla obtineatur penitus reflexio. Ad corpora mollia quod attinet, *argillaceo* globo qui lapideam in superficiem descendat, quiescendum est omnino; partes enim, ex quibus compingitur, dimoveantur a locis suis, ut ea in translatione impetum omnem absumant. Persuasum illud Nolletto fuit (1), qui in planum ex *argilla*, & *arena* stratum demiserat glandem plumbeam; quippe observavit, directe rueret vel oblique, foveolam excavari a spherula, & vim prorsus amitti. Quod ad corpora dura, si quæ forte sunt, spectat, pronum est, adversari illis pariter reflexionem, non ex partium compressione, quæ mollium tantum est, sed ex alia causa. Non possunt scilicet in plagam aliam remitti, nisi vires novas accipiant, nihil autem cum præsto sit, unde illæ proveniant, planum enim est immotum, sistant corpora necesse est & redigantur ad quietem. Pronunciandum tamen aliter est de substantiis elasticis.

4. Corpora elastica, si plano immobili allidantur, priorem retinent motionem. Plana scilicet a superficie directe regrediuntur, ubi directa sit ineurso; reductusque obliquus est, si oblique in illam devenierint; ab angulo vero reflexionis æquatur continenter angulus incidentiæ. Ad illud demonstrandum globus  $A$  \* perpendiculariter cadat in planum  $FL$ ; linea autem  $AD$  directionem simplicem exhibeat, nec dispelci in lineas alias possit, ut rationem habeat diagonalis. Elasticus ubi non esset, in punto  $D$  globus conquiesceret; illius tamen partes cum redire a compressione velint, repellunt per  $DA$ , angulusque rectus  $EDA$  æqualis est recto  $ADF$ . Verum plano  $FL$  si oblique globus impingat per  $AE$ , dissolvi hæc poterit duas in lineas  $AC$  &  $AD$ ; quarum illam, ubi de luminis reflexione egimus, *horizontalem* diximus, hanc *perpendicularem*. Post appulsum in  $E$ , si corrupta vi  $AD$  perpendiculari, cui planum opponitur, horizontalis  $AC$  tantum superesset, graderetur globus  $A$  per  $EL$ ;

ve-

\* Tab. XI. fig. 4. (1) Lect. 4. sect. 2. exper. 2.



verum cum alia etiam  $AC$  ab elasticitate restituitur, regrediendum illi per lineam  $EB$  æqualem est, constantem ex utraque; quod fieri nequit, nisi angulo  $AED$  incidentiæ par sit angulus reflexionis  $BEL$ . Nec a veritate abluunt Nolleti experimenta (1). Sphæram enim eburneam marmoream in planum oleo delibutum, & horizonti parallelum, cum pepulisset, maculam rotundam ecomperit in eo deferibi, & resillire globum ad eundem, sub quo descenderat, angulum rectum. Idem vero planum, seu laminam lapideam, horizonti cum inelinasset, in quam deieceret sphæram eandem, post maculam ferme ellipticam globum vidit foramini diametri æqualis insillire sub reflexionis angulo ab altero incidentiæ non absimili. Ellipticum autem vestigium, aut rotundum, comprimi partes plani indicat ex casu, & assurgere ex vi elastica.

5. Verum delabi corpora possunt in planum mobile. Illud usuvenit, ubi corpus ab alio attactum cogitur præire; cumque motus reapse illi tribuatur, asserendæ in medium sunt tres animadversiones. *Prima* est, corpori quod quiescit, ab impellente vim aliquam impetiri; ad motum enim æque prona corpora cum sint, & ad quietem, moveri nequeunt nova sine determinatione. Ubi tamen partes, quibus illa attexuntur, ingredi alias possent, nulla adhuc fieret motus propagatio; penetrationem vero cum respuant, protrudant proximas necesse est, motumque admittant universæ. *Secunda* est, conferri impetum validiorem, quo major percussa corporis massa est, & celeritas pereutientis. Aucta enim materiæ quantitate, ex qua massa compingitur, sueerescat oportet resistentia; hanc autem ad superandam proclive est, enixiorem postulari contentionem. Motus præterea corporis aliud compellentis ubi celerior evadat, festinat, ne alteri moræ sit, etiam percussus; fieri autem illud non potest, quin vehementior illi corrogetur nifus ad motum. *Tertia* est tantum virium ab incurrente abjici, quantum suppeditatur corpori colliso. Rerum videlicet, quæ insensæ mutuo sibi sunt, ea est indoles, ut ubi congrediantur, dimicent strenue, enitanturque alteram profligare; conatibus vero æqualibus hinc & illinc elisis obtinet, quæ est alia potentior. Compertum sane est, inertiam, quæ materiæ generatim inest, adversari cuique penitus impetui; qui propterea corpori adfertur, attenuetur, necesse est, infirmeturque pro ratione oppositionum. Hæ autem a quantitate pendent motus adjecti.

6. Nonnihil tamen negotii fæcessit calculus virium, quæ transeunt, & superlunt in corporum congressione. Ad subducendas illarum rationes machinam  $ABGL$  excogitarunt (2) Mariottus & Gravesandius; in qua \* ligneis a clavis  $F$  &  $F$ ,  $E$  &  $E$  pendula suspenduntur  $FD$  &  $EGE$ , filii autem  $AB$  præsidio statuitur illa in situ horizontali. Quo glo-

Tom. III. Physic.

T t

bi

\* Tab. XI. fig. 5. & 6. (1) Loc. end. exper. 2. & 3.

(2) Vid. Nollet. Lect. 4. lect. 3. artic. 1.

bi  $c$  &  $d$  oscillationes suas rite conficiant, figura donantur, quam exhibet schema  $mnp$ ; eburnei alii sunt, & alii cerei, diametrorum inæqualium, ut intervire eo pacto possint experimentis mollium corporum, & solidorum. Ad inferiorem machinæ partem regulæ  $g$  &  $l$  duæ exant in certos gradus distributæ; cumque alveolis concinne inferantur; deduci hinc inde valent percommode; hæ autem, quia breves sunt, a chordis non differunt arcuum oscillantium. Ubi incurrere globo  $c$  quiescenti debeat alius  $d$ , regula  $l$  eduçta, ut initium respondeat filo  $fd$ , erigendus globus  $d$  est ad numerum, quem indicat celeritas conferenda. Postquam vero deciderit percussitque globum  $c$ , observetur potissimum, quem ad gradum ascendunt in regula  $g$ , & explorata ex eo fiet velocitas post impactum. Quod si periculum sumi in globis velit, quorum uterque  $c$  &  $d$  versus eandem partem, puta  $g$ , moveantur, atrollendi in regula  $l$  sunt ad eam altitudinem, quam indigitat velocitas illis impertienda. Ex loco autem, quem post descensum sibi vendicant alia in regula  $g$ , comperitur velocitas, quæ utrique inest a percussione. Ubi ex adverso demum sibi occurrant, efferendus ad plagam  $g$  globus  $c$  est, &  $d$  ad oppositam  $l$ .

7. Ut motuum theoriæ experimenta mirifice confirmant, ita statuenda illa hic est arithmeticis ex præceptionibus. In id annititur impensius; licet enim de Dynamicæ legibus docte scripserit Cartesius (1); evadere tamen non potuit eriminationes Philosophorum. Primus, cui optimi de motus communicatione canones debeantur, extitit Vallisius (2); quos subinde Urennus, & Hugenius, amplifitsearunt, exornaruntque Mariotus & Carreus (3). Quo rem nitidius aperiamus, corpora in duo tantum genera dispescimus, elasticorum scilicet, & inertium; horum enim, sive mollia sint, sive sint dura, partes non restituntur, quemadmodum elasticorum. Nos non præterit, non carere leges omni vitio, propterea quod perfecta non sit corporum elasticitas; in exquisitam tamen, errorisque omnino nesciam, supputationem non contendimus, sed in eam, qua obtineri certior non potest ex inæquali corporum coagmentatione. Directum primo, deinde obliquum scrutabimur eorum incursum.

P A.

(1) Princip. part. 1. num. 46, 47, 48. &amp; seq.

(2) Oper. Vol. 1. Mech. par. 3. cap. 11. &amp; 13.

(3) Vid. Turr. Scient. Natur. Vol. 1. cap. 20.

## PARAGR. II.

*De directa collisione agitur corporum inertium.*

8. Explorandæ corporum inertium leges sunt, quorum partes, dum feriuntur, non redduntur loco priori. Motus, qui per illa disperitur, triplicem spectat ad hypothesim; interdum enim corpus in aliud irruit quietum; graditur nonnunquam utrumque eandem ad plagam; aliquando autem ex oppositis partibus sibi procurrunt. Lex itaque prima sit, *corpora inertia, quorum alterum in quiescens directe involat, post ictum ad eandem plagam moveri celeritate æquali*. Corpus nimirum A, \* cui vires 12 infunt, si aliud B quietum percutiat, motum suum cum eo dividit, abique una per planum FL versus L. Tantum enim sui impetus corpus A debet alteri B conferre, quantum requiritur, ne detineatur in via; ubi idcirco volumina gerant æqualia, clargiendum est virium dimidium, nempe 6. Post impactum propterea veniant in C & in D necesse est cum momentis 6 & 6; celeritates vero non differunt, quia si motus 6 & 6 per massas 1 & 1 dividantur, dant velocitates 6 & 6. Quod si corpus A majus altero B sit, comparenturque ut 2 ad 1, tertiam sui visus 12 partem suppeditat, nempe 4; illud quippe tantum reposcitur ad vincendam massæ B resistentiam. Quemadmodum scilicet massarum A & B, seu 2 & 1 summa 3 ad massam B, seu 1, est, ita vis tota 12 est ad aliam 4; ex conatibus autem 8 & 4, quæ post ictum supersunt, exhibentque numeros 4 & 4, si per massas 2 & 1 dividantur, velocitates constat esse 4 & 4, hoc est æquales. Corpus A denique, ubi minus altero B sit, ut se habeant veluti 1 ad 2, duas tertias impetus sui 12 partes ei erogat, nimirum 8, celeritatesque post incurSIONem sunt adhuc 4 & 4. Huc enim redeunt, quum vires 4 & 8 secantur per massas 1 & 2.

9. Secunda lex sit, *corpora quorum alteri tardius moto aliud impingat, æqua celeritate ad eundem locum properare post collisionem*. Corpori B videlicet \*\*, quod cum impetu 6 lente progreditur per planum FL, si corpus A ex vi 12 allidatur, æqualiter festinant ad puncta C & D versus L. Quod scilicet de absoluto corporum motu demonstratum nuper fuit, consonat omnino in relativum; demptis enim celeritatibus æqualibus, quarum gratia nunquam se contingerent, impetus, quo a corpore A aliud B superatur, distribuitur pro quantitate massarum. Eodem sane res convertitur, ac si corpus B conquiesceret omnino. Differentia nempe 6 qua vires 12 & 6 discrepant, æque disperitur, si massæ sint

T t 2

æqua-

\* Tab. XI. fig. 6. \*\* Tab. XI. fig. 7.

æquales; subtrañtisque idcirco hinc gradibus 3, additisque vero illinc, superest corporibus A & B motus 9 & 9. Verum si corporum A & B massæ sint inæquales, rationemque 2 ad 1 servant, ante collisionem oportet vires habeant 18 & 6; quia motum 12 & 6 ubi gererent, paresque proinde celeritates 6 & 6, corripui, & propelli a corpore A non posset alterum B. Quo discrimen inter momenta 18 & 6 positum reperitur, utroque a corpore auferenda celeritas est 6 & 6, seu motus 12 & 6; reliqua enim velocitas 3 quæ relativa nuncupatur, cuiusque causa corpus B attingitur, vires 6 ponit in corpore A. Ubi motus 6, qui superest, distribuatur pro ratione massarum, corpori A momentum 4 obvenit, & B 2; quæ si prioribus 12 & 6 numeris adjungantur, summas pariunt 16 & 8. Quum corpus A denique ad aliud B refertur, ut 1 ad 2, nifumque ante impactum afferunt 18 & 6, distribuuntur vires alia portione. Ablatis videlicet utrinque celeritatibus 3 & 3, sive moribus 3 & 6, vis reliqua 15 ita secatur, ut corpori A partes 5 contingant, & 10 alteri B; hæc autem ubi ceteris 3 & 6, quæ demptæ fuere, adjungantur, imperum efficiunt 8 & 16. Exploratum tribus hisce duorum corporum ex collationibus est, celeritates, quæ post ictum perseverant, esse in utroque continenter æquales. Vires enim, quæ æqualibus in corporibus superfunt, extant 9 & 9; hæc vero si per massas 1 & 1 dividantur, numeros edunt æquales. Corporibus autem, quorum aliud sit duplum alio, momenta reliqua sunt 16 & 8, vel 8 & 16; quæ per quantitates 2 & 1, vel 1 & 2, si difsecantur, celeritates generant 8 & 8. Progreditur illud a præscriptione, qua sancitur, motum, ut massam esse ductam in velocitatem.

10. Lex tertia sit, *corpora quæ ex adverso aquis viribus in se continent, post contactum quiescere omnino*. Corporibus nimirum A & B\*, quorum, utrumque per planum PL defertur, obviamque alteri sit moribus 12 & 12, imperus deficit, ut ad quietem redigantur in punctis C & D. Conatum quippe quantitas æqualis utrinque est, provenitque a plagis prorsus adversis; pugnent idcirco corpora necesse est, cumque præstare alteri alterum non possit, cessant a motu. Eodem sane res redit ac si plano immobili irrueret corpus vi definita; momentum enim 12, tamen maximum non sit, æque valet ad impetus exitum. Celeritates vero corporum A & B post collisionem hic quoque pares sunt, quia evadunt 0 & 0.

11. Quarta lex sit *corpora si e regione in se mutuo festinent celeritatibus, quæ reciproce sint ut massæ, post congressum redire ad quietem*. Videlicet corporibus A & B\*\*, quorum massæ 2 & 1 sunt, velocitates vero 6 & 12, ubi ex oppositis F & L partibus adveniant, motus omnis ex ictu deest, ut sistant in C & D. Ex celeritatibus enim 6 & 12, qua-

\* Tab. XI. fig. 8. \*\* Tab. XI. fig. 9.

quarum prior reciproce dupla alterius est, in massam 2 & 1 ductis æquales vires oriuntur 12 & 12; hæ vero contrariæ funditus sunt, quia directiones afferunt a punctis P & L oppositis deductas. Ubi propterea corpora congregiantur, fist oportet concertatio; in qua momenta impetuum cum restitui a causa nulla possint, intereunt continuo. Celeritatum vero quantitates non differunt, quia æqualis est utraque 0.

12. Lex quinta fit, corpora, que ex adverso inequalibus viribus concurrunt, momentis paribus extinctis abire celeritate æquali secundum directionem validioris. Scilicet corpora A & B\*, quorum illud a puncto P impetu 12 progrediatur, hoc a puncto L motu 6, postquam se perculserint, quantitates nisuum æquales abijciunt in c & in D, æqualique velocitate pergunt una versus L. Vires quippe 12 & 6, quæ prodire ex massarum inæqualitate, vel celeritatum, possunt, sibi adversantur omnino; dimicant propterea, ut peremptis utrinque momentis 6 & 6 supersint 6 in corpore A. Distribendus proinde excessus 6 pro ratione massarum est, quas velimus hic esse 2 & 1; corporique A, quin mutetur illius directio, motus 4 superstes erit, & 2 alteri B juxta fortioris A determinationem. Sectis vero viribus 4 & 2 per massas 2 & 1 celeritates penitus similes emergunt 2 & 2.

13. Ratum itaque fit, duas esse corporum se tundentium proprietates. Vires nimirum eadem sublatis oppositis supersunt, paresque sunt post concursum utriusque celeritates; æqualitas vero celeritatum ex iis, quæ attulimus constat, & ex eorundem collatione liquebit etiam virium incolunitas. Cartesium hinc redarguunt opinionem (1), ut alibi non præterivimus, servari a Deo eandem, quam olim condidit, motus quantitatem; ex adversis enim corporum motibus, qui restinguuntur, perspectam fieri falsitatem, ajunt, illius præscriptionis. Reponunt quidem Cartesii adstipulatores, motus perpetuitatem ab eo non propugnari, sed virium tantum morticium; docere enim (2) illum, affirmant, motum, seu translationem, corrumpi, superesse autem Dei actionem, quæ illum asservat. Ne quod oculis incurrit, negligatur omnino, edicendum serio est, hisce in verbis turpem contineri antilogiam. Absonum videlicet, & pugnans, est, interire motum, quem Deus velit inspicere esse; sique dicant motum reapse dilabi, sed perinde esse, ac si periret, quia motio a Deo æqualis producit, nullam consequetur esse creatam vim morticium. Locutum Cartesium obscurissime fuisse, apertum alia ex præceptione fit, quæ moveri a Deo omnia, statuit, ex occasione causarum secundarum; ubi enim motus pro rerum opportunitate a Deo efficiatur, dispereat ipse

\* Tab. XI. fig. 10.

(1) Princ. par. 2. num. 36. (2) Epist. par. 2. epist. 71.

iple neceffe est, & vis omnis cum illo. Ceterum ut ut res sit, qui motus perseverantiam ex legibus corporum collisorum negant, adlaborant nequidquam; responderet enim Cartesius, corporum mutuo incurrentium impetum partibus sensibilibus adimi, sed permanere apud insensibiles. Momentum scilicet virium, quod a crassioribus gratia ponderis amittitur, commeari potest ad exiliores; quæ cum sensibus non subsint, a corpore immoto avolant, & motum disperciunt in congeneres. Enimvero dirui motus constantia ubi velit, advocandæ potius sunt brutorum delationes, & hominum; ex namque a principio molecularum experte cum proveniant, motum gignere valent, & perdere, quo exaggerent, vel extenuent positam olim illius quantitatem. Sed nimis multa de re satis explorata.

## PARAGR. III.

*Directus explicatur impactus corporum elasticorum.*

14. Exponendæ hic functiones sunt, quibus directi incurfus peraguntur corporum elasticorum. Decretum superius fuit, horum partes priori loco restitui; ea autem vi conformationem veterem recipiunt, qua ab impellente corpore subeunt compressionem. Congredi sane elastica corpora, quemadmodum inertia, possunt triplici ratione; alterum enim quieto alteri irruit; vel ad eandem partem progrediuntur; obvii vel sibi invicem fiunt ex adversis. Prima itaque lex sit, *corpus elasticum, quod aliud æquale, & quietum, directe percutit, manere immotum; quod vero percutit versus eandem plagam proficisci celeritate æquali*. A corpore nimirum A si percellatur vi 12 corpus B motu omni destitutum\*, illud post istum conquiescit, hoc vero eadem velocitate per F L deferretur in D. Dimidium enim motus 12 nempe 6 corpus A amittit, quod ex massarum æqualitate confert corpori B; aliamque medietatem 6 abjicit ex elasticitate, qua partes redeunt, illudque abigunt versus F; adeoque sistit omnino. Corpori autem B momentum 6 accedit, quod erogatur illi a corpore A; impetusque 6 alius adjungitur quia partes elasticæ post compressionem dum regrediuntur, pellunt illud versus L; illuc proinde festinat viribus 12. Celeritas autem par priori est ex æqualitate massarum.

15. Lex secunda sit, *corpus quod alteri quiescenti, & minori, impingit, persequi tardius viam suam; impactum vero secundum alterius directionem pergere, sed velocius*. Corpus videlicet A\*\*, si exiliori B immoto ex vi 12 allidatur, lentius incedit per F L, ut veniat in C; alte-

---

\* Tab. XI. fig. 11.    \*\* Tab. XII. fig. 2.

alterum vero B post percussionem celerius versus L graditur ad punctum D. Ubi enim corporibus A & B massæ insint 2 & 1, ex summa 12 ab illo huic impertitur vis 4; aliam vero 4 elasticitatis gratia abjicit, quæ repellit illud versus P. Ex momento propterea 4, quod ei superest, properare non desinit in L; velocitas tamen imminuitur, quia impetus 4 per massam 2 si dividatur, prodit celeritas 2 minor priore. Alterum vero B præter motum 4 ab A relatum obtrinet alium non impari a partibus elasticis, quæ a compressione redeuntes trahunt illud ad L. Viribus idecirco 8 iter conficit penes directionem PL; citius tamen obambulat, quod impetus 8 per massam 1 sectus exhibeat celeritatem 8. Hæc enim aliam 6 superat, qua movebatur corpus A ante collisionem.

16. Tertia lex sit, *corpus si alteri illabatur quieto, sed majori, quod movet, regredi, motum vero progredi eadem directione*. Videlicet corpus A\*, quod ex motu 12 alteri B quiescenti, & grandiori appellit, post ictum resilit in C; ipsum autem B secundum PL properat in D. Eorum massæ ubi sint 1 & 2, momenti 12 pars 8, quæ corpori B tribuitur; dimittitur a corpore A; æqualemque portionem 8 elasticitas adimit, ut sublata vi 4, quæ supereratur, rejiciatur illud impetu 4 in plagam adversam. Corpus vero B, cui fit motus 8 accessio, quantitatem 8 aliam capit ab elasticitate; ex summa proinde 16 viam eargit, quam ante incursionem collustrabat corpus A. Celeritas idcirco, qua cursum peragit, est 8, nempe minor priore 12.

17. Quarta lex sit, *quum corpus in aliud æquale, sed tardius motum irrumpit, eandem ad partem procedere utrumque, permutatis invicem celeritatibus*. Corpora nempe A & B\*\* æqualia, quæ inæqualiter proficiantur, ut illi vires 12 adsint, huic 6, & velocitates propterea obtineant 12 & 6 ob massarum æqualitatem, quæ in A erat, ad B deducta, & quæ in B ad A, abeunt per PL in C & in D. Ex velocitatibus nempe 12 & 6 auferenda utrinque est quantitas 6 & 6; eodem quippe res redit, ac si celeritate 6 corpus A in B involaret penitus quietum; superest proinde in A excessus 6. Æquales massæ cum sint, ex motu 6 ab A in B descendit pars 3; hæc vero corpus A mulctatur, & alia 3, quam sibi sumit elasticitas, reliqua propterea illi tantum ea est, quam abstulimus, vis 6 versus L. Corpori tamen B præternisum 3 ab alio acceptum, adjunctumque alium 3 ab elasticitate, inest momentum 6 primum; quæ omnia si una conferantur, summam consuevit virium 12 ad L. Motus quantitates 6 & 12, si per masses 1 & 1 dividantur, celeritates pariunt 6 & 12. In his autem manifesta fit priorum permutatio.

18. Lex

\* Tab. XII. fig. 2.    \*\* Tab. XII. fig. 3.

18. Lex quinta sit, *corporum quorum ab alio feriatur aliud lentius, & minus, quod collidit, tardius progredi, collisum vero incedere velocius eadem via*. Corpus nimirum A \* impetu 18 in aliud B si irrumpat deductum vi 6, & massæ sint 2 & 1, post impactum feruntur illud minori, hoc majori celeritate in C & D per planum idem P L. Velocitatis hic inde æqualibus 6 & 6, quæ momentis 12 & 6 respondent, amotis, ex conatu 6 superflite deciditur nifus 2 erogandus corpori B; alius vero 2 elasticitati debitus si eripiat, reliquus erit 2, qui motui priori 12 adjunctus eat corpori A vires 14. Sed præter motum 6, qui ablatum primo fuit, adjicitur corpori B alius 2 ab A proveniens, rursusque 2 causa elastici utatis, ut si simul sumpti æquent imperum 10. A virium postremo quantitatis 14 & 10 per massas 2 & 1 disiectis velocitates 7 & 10 emergunt, hoc est, minor in A & major in B. Ante contactum enim erant 9 & 6.

19. Sexta lex sit, *corpus a quo majus, sed lentius percellitur, post impulsionem interdum progredi, quiescere aliquando, & nonnunquam regredi ad plagam oppositam*. Corpora scilicet A & B \*\*, quorum massæ 1 & 2 sint, velocitates vero inæquales, si planum idem P L percurrant, & collidantur, corpus A, a quo B iruditur, festinare post ictum ad L potest, vel sistere, vel resilire in P. Vires primo, quibus concurrunt, sint 9 & 6; abjectis vero celeritatibus 3 & 3, seu viribus 3 & 6, a corpore A retinetur momentum 6. Hujus parte 4 quam corpori B suppeditat, oritur, itemque alia 4 causa elasticitatis; ex quantitate vero  $6 - 4 - 4 + 3 = 9 - 8 = 1$  oritur motus 1, quo prorpat versus L. Eadem deinde corpora A & B impetum obtineant 12 & 6; eumque adimatur utrinque velocitas 3 & 3, vel vis 3 & 6, reliquus corpori A erit nifus 9. Hinc portio 6 concedenda corpori B eripitur, aliaque etiam 6, quam sibi tribuit elasticitas; fit propterea  $9 - 6 - 6 + 3 = 12 - 12 = 0$ , ut motus nullus corpori A relinquatur, sed redigatur illud ad quietem. Momenta denique corporibus A & B suppetant 18 & 6; subductisque celeritatum causa viribus 3 & 6, servabitur in corpore A excessus 15. Harum 10, quas corpus B sibi nanciscitur, alterum A dimittit, aliasque 10 ex jure elasticitatis; ubi proinde fiat  $15 - 10 - 10 + 3 = 18 - 20 = -2$ , exploratum erit, repelli corpus A in P impetu 2. Quæ vero singulis in hypothefibus celeritas sit corporis B, ex divisione virium superfluitum liquebit per massam 2.

20. Lex septima sit, *corpora equalia, quæ ex adverso æquis viribus se petunt, eadem, qua accedunt, regredi celeritate*. Corporum nimirum A & B, quæ ex oppositis punctis P & L impetu 12 & 12 sibi occurrunt \*\*, obvenit congressio, ut A in C æquiveleceiter redeat, ac B in D.

Mo-

\* Tab. XII. fig. 4. \*\* Tab. XII. fig. 5. \*.\* Tab. XII. fig. 6.



Momenta 12 & 12 opposita eum sint, & paria, se perimunt omnino; ex partium restitutione, quæ ab elasticitate provenit, reduntur corpori utrique. Directionem tamen ad loca opposita dum afferunt, corpus A in F reflectatur, necesse est, & corpus B in L. Æquare autem celeritates ex massis constat, quæ sunt 1 & 1.

21. Octava lex sit, *corpora inæqualia e regione sibi mutuo incurrentia, quorum celeritates reciproce sunt, ut massa, recedere eadem, qua advenere, velocitate*. Corporibus nimirum A & B<sup>\*</sup> massæ 1 & 2 insint, & celeritates 12 & 6; post collisionem vero, quam a punctis F & L ineunt, iisdem velocitatibus abeunt A in C, & B in D. Celeritates quippe 12 & 6, si in massas 1 & 2 ducantur, vires exhibent 12 & 12; hæ autem oppositis a partibus eum exerantur, se elidunt omnino. Elasticitatis tamen opera, quæ adversas directiones impertit, redeunt continuo, nisumque versus F corpori A tribuunt, & B versus L. Velocitates demum eadem perstant, quia motus 12 & 12 per massas 1 & 2 secti pariunt 12 & 6.

22. Lex nona sit, *corpora æqualia, quæ celeritate inæquali ex adverbo in se invicem contendunt, resilire permutando celeritates*. Corporum nempe A & B<sup>\*\*</sup> massæ 1 & 1 a finibus F & L sibi impingant celeritatibus 12 & 6; perfecta collisione corpus A velocitate 6 in C regreditur, & B in D celeritate 12. Impetus enim corporis utriusque, antequam coeant, est 12 & 6; peremptisque hinc inde ex oppositione viribus 6 & 6, supersunt 6 corpori A, quarum dimidium, seu 3 corpori B præbeat ex æqualitate massarum. A motu propterea 12 auferenda portio 9 est, itemque alia 9 ex elasticitate, ut fiat  $12 - 6 - 6 - 3 - 3 = 12 - 18 = - 6$ ; quo compertum sit, regeri corpus A in F impetu 6. Corpori vero B præter momentum 3, quod ab A recipit, aliud 3 adjungitur ex elasticitate; eumque summa integra sit  $6 - 6 - 6 - 3 - 3 = 6 - 18 = - 12$ , consequitur, illud in L reverti viribus 12. Pronum denique est, motuum 6 & 12 per massas 1 & 1 divisorum quota 6 & 12 esse celeritates permutatas.

23. Decima lex sit, *corporum inæqualium, quæ ex oppositis plagis æqua celeritate se invadunt, minus semper resilire, majus vero progredi, vel sistere, vel regredi post occursum*. Primo corpora A & B<sup>\*\*\*</sup>, quorum massæ 2 & 1 sint, & velocitates 6 & 6, sibi invicem irruant a punctis F & L; ex viribus autem 12 & 6 auferantur 6 & 6, quæ intercidunt ex percussione. Ex momento 6, quod corpori A relinquatur, accedunt 2 corpori B; a subtrahatione idcirco, & ab elasticitate corpori A remanet quantitas  $12 - 6 - 6 - 2 - 2 = 12 - 16 = - 4$ ; quæ indicat, reverti illud ad punctum F impetu 4. Corpora deinde eadem A & B massas 3 & 1 gerant, & celeritates 6 & 6; elisique proinde ex

Tom. III. Physic.

V v

motu

\* Tab. XII. fig. 7. \*\* Tab. XII. fig. 8. \*\*\* Tab. XI. fig. 10.

motu 18 & 6 portionibus 6 & 6, reliquis corpori A cū nīsus 12. Si pro ratione massarum ille distribuatur, dat momentum 3 corpori B; quo fit, summam virium corpori A superstitum esse 18 — 6 — 6 — 3 — 3 = 18 — 18 = 0, ut revocetur illud ad quietem. Corporibus denique A & B massæ 5 & 1 adsint, velocitatesque 6 & 6; demptis vero ex virium quantitate 30 & 6 partibus 6 & 6 servatur corpori A conatus 24. Eripiendum hinc pro massarum ratione momentum 4 est, quod adjicitur corpori B; fragmentisque omnibus in unum coniectis corpori A præsto sunt 30 — 6 — 6 — 4 — 4 = 30 — 20 = 10; quo ostenditur, motu 10 properare illud in L. Ex his vero profuit, redire perpetuo corpus B ad punctum L, ut consistere nullatenus valeat, nec procedere in F. In prima enim hypothesi vires, quæ post collisionem illi contingunt, sunt 6 — 16 = — 10, in secunda 6 — 18 = — 12, & in tertia 6 — 20 = — 14. Quantitates autem hæ, cum negativæ sint, se restituere illud admovent ad plagam L.

24. Quas demonstravimus, præcipuæ sunt elasticorum corporum se collidentium præscriptiones. Ferenda alia esset de corporibus, quorum massæ inæquales sunt, inæqualesque celeritates: ex iis tamen, quæ diximus, planum est, corpus, quod minus est, regredi continenter, unde discesserit. Ubi enim velocitatem minorem altera, quæ majori corpori inest, afferat, amittit vires ipsomet in ictu, & ab elasticitate, cujus opera partes restituuntur, repellitur in plagam adversam. Majorem vero præ alio velocitatem si obtineat, potiorum virium, quæ post collisionem supersunt, portionem ei elargitur, ne rationem negligat massarum; impetumque ab elasticitate æqualem recipit, ut positiva motus quantitas negativa evadat, & illud abigat retrorsum. Ceterum, ut inertiū, duas ita proprietates sibi vendicat percussio corporum elasticorum; prima est, differentiam celeritatum, vel summam, esse post ictum eandem, quæ antea; eandem vero perseverare etiam virium quantitatem, est altera. Ad celeritates: quod attinet, qui de re ambigat, leges adeat hætenus explanatas; comperiet enim ex supputationibus, celeritates corporis utriusque reapse persistere, vel superesse discrimen illarum. Quod spectat ad vires, prætereundum non est, extenuari illas interdum; elasticis quippe in corporibus, quæ massas inæquales habeant, & ex adverso se petant celeritate æquali, vel inæquali, a momento primo deficient. De viribus hoc decernitur, quarum calculus peragitur ex regula Cartesii; quantitati nimirum pares sint, quæ ex massa suboritur ducta in celeritatem. Ex Leibnitii namque præscripto, quo jubetur, æquari a viribus productum massæ in quadratum velocitatis, si supputentur, servantur omnino, quovis pacto corpora illabantur, & massam quamlibet afferant, vel celeritatem. Sed innotescunt hæc pariter, ubi percurrantur, & conferantur numeri ad quamque legem inducti.

## PARAGR. IV.

*Exponitur impulsio corporum obliqua.*

25. OBLIQUA corporum incurfusio differt penitus a directa. Corpora directe colliduntur, ubi linea, per quam congregiuntur, centra jungit illorum. Quod si centrum utrumque directio non pervadat, sed per aliud transeat percussus corporis punctum, se impetunt oblique. Multifariam vero obvenit obliqua corporum congressus; quod enim alterum propellit quiescere post ictum, si directe incurreret, potest, vel progredi, vel regredi in partem aliam. Fieri etiam non nequit, ut unica eorum directio sit, vel duplex plagis ex oppositis, a quibus utrumque se conferat ad aliud oblique. Expediendi vero omnia diligenter sunt, & articulatum.

26. Quærenda primo via sit, quam corpus oblique impactum servat, si impingens quiesceret post directam collisionem. A corpore videlicet A secundum directionem EA tangatur aliud B; dignoscenda autem linea BD sit, quam corpus B describit post impulsionem. Vis per EA ex duplici alia constat EF & EG; quarum EF, seu GA, horizontalis dicitur, EG vero, seu FA, perpendicularis. Ipsomet in contactu verticalis FA absumitur, eo quod pugnet cum corpore B; quæ vero horizonti parallela est, & propterea certamini non idonea, superest vis GA. Ducenda hinc linea AC est alteri GA æqualis, per quam incedat corpus A; regulisque superius expositis (1) determinanda alia BD est, quam corpus B absolvet, si a corpore A pelleretur directe impetu FA. Rectas idcirco AC & BD teneant post occursum, necesse est, corpora A & B, ut tempore prorsus eodem in punctis versentur C & D. Ad elastica hoc tantum pertinet, quia corpus A, si iners esset, non sisteret post directam percussionem.

27. Innotescit deinde semita, quam corpora oblique impulsa incunt, si ex directo occurfu abirent per eandem lineam. Ratione scilicet non absumili planum sit, corpus A in C fore proventurum \*\*, & B in D, si, quum hoc ab illo directe feriretur, incederent ambo per BK. Vnde namque EA in alias FA & GA dispersitur, quarum illa interit, hæc vero perstat omnino; designandaque proinde recta AN est ipsi GA æqualis. Latas vero juxta leges (2) definiuntur partes AK & BD, quas corpora A & B perlustrarent, si percussio directe fieret vi FA; & ex puncto K recta KC excitetur, ut AC sit ad utramque AN & BK diagonalis. Ratum omnino est, corpus A puncto C eodem tempore accedere, quo B venit in D; quia recta BD simplex est, & AC ex lineis AN componitur, & AK. Ad elastica hæc non modo spectant, verum

V v 2 etiam

\* Tab. XII. fig. 9. \*\* Tab. XII. fig. 10. (1) Num. 14. (2) Num. 15.

etiam ad inertia; utraque enim proficisci post idum queunt ad plagam eandem.

28. Eodem quoque artificio lineæ præstituantur corporum se oblique contingentium, ubi directum post impactum, quod percutit, regrederetur omnino. A corpore nimirum  $A$  directione obliqua  $EA$  tundatur corpus  $B$ , & inveniendum iter sit, quod deligerent, si ex pulsu directo  $FA$  resiliret corpus  $A$  versus  $F$ . Describenda linea  $AN$  est horizontali  $GA$  æqualis, & superstiti; ex præscripto autem (1) eruatur pariter recta  $AK$ , quam servaret corpus  $A$ , ubi in  $B$  ferretur impetu  $FA$ . Si ad rectas  $AN$  &  $AK$  diagonalis  $AC$  traducatur, apertum erit, a corpore  $A$  peti punctum  $C$ ; vis enim per  $AC$  ex duplici coalescit  $AN$  &  $AK$ . Corpus vero  $B$  pulsus postquam fuerit, migrat in  $D$ , quia recta  $BD$ , quam regula eadem definit, non constet ex aliis. Ferri hoc pacto corpora tantum elastica possunt, quia non revertuntur inertia.

29. Verum explorandæ sunt hypotheses, quibus corpora se oblique eadunt ex partibus adversis. Proponantur primo corpora  $A$  &  $B$  \*\*, quæ post collisionem viribus  $EA$  &  $LB$  peractam festinant ad eandem partem  $AK$ , & repriendæ viæ  $AC$  &  $BD$  sint consonæ utrique. Ut motus per  $EA$  ex rectis  $FA$  &  $GA$  coagmentatur, ita ex aliis  $MB$  &  $NB$  compingitur impetus per  $LB$ ; ducendæque propterea sunt lineæ  $AN$  &  $BP$  horizontalibus  $GA$  &  $NB$  æquales. Ex iis, quæ pluries edocuimus, determinentur rectæ  $AK$  &  $BO$ , quas pervaderent corpora  $A$  &  $B$  ex directis incursum per  $FA$  &  $NB$ ; eis vero parallelæ  $HC$  &  $PD$  erigantur, ut fiant rectangula  $AHCK$  &  $BPDO$ . Inscriptis diagonalibus  $AC$  &  $BD$ , quæ virium coalitionem designant, corpus  $A$  conflabit in  $C$  contendere, &  $B$  in  $D$ . In corpora tum inertia hoc convenit, cum in elastica; utraque enim concedere ad eandem possunt partem  $AK$ .

30. Congredi demum corpora oblique valent, ut si ex adverso sibi directe irruerent, reflecterentur ad plagas oppositas. Corpus videlicet  $A$ , & aliud  $B$  \*\* a locis contrariis  $E$  &  $L$  se invicem adeant obliquis viribus  $EA$  &  $LB$ ; ignorenturque rectæ, quæ conficiendæ ab illis sunt post collisionem. Observandum iterum est, momenta per  $EA$  &  $LB$  ex lineis conferi  $FA$  &  $GA$ ,  $MB$  &  $NB$ ; æquandæ idcirco  $HA$  &  $PB$  duabus  $GA$  &  $NB$  sunt, atque ex lineis  $FA$  &  $NB$  eruendæ  $AK$  &  $BO$ , quas postularet directa impactio. Confectis apte rectangulis  $AHCK$  &  $BPDO$  prodeunt diagonales  $AC$  &  $BD$ ; harum vero in extrema  $C$  &  $D$  se conferant post pugnam, necesse est corpora  $A$  &  $B$ . Vera hæc sunt in corporibus duntaxat elasticis, quia inertia non regrediuntur ullatenus.

CA-

\* Tab. XII. fig. 11. \*\* Tab. XIII. fig. 1. \* Tab. XII. fig. 12. (1) Num 16.

## CAPUT IV.

*De motus compositione.*

1. **P**OST simplicem genuit natura motum compositum. Incredibile dictu est, ex ea virium complexione quam singulares ubique effectus prodierint, & quam præstantibus locupletata commodis fuerint omnia viventia. Sine motuum, quorum multi unico corpori ineffent, coagmentatione muscoli ad vitam, & ad incessum præstituti carerent usu, & planetæ prorsus conquiescerent. De illa itaque verba facturi exercitationem distribuimus in quinque partes. Prima naturam explicat motus compositi; agit secunda de rectilineo; tertia motum aperit curvilineum; exponit quarta vires centrales; quinta postremo differit de pendulis.

## PARAGR. I.

*Natura exponitur motus compositi.*

2 **MOTUS** componi dicitur, quum corpus unicum multas admittit determinationes. *Determinatio* per lineam rectam designatur, quam centrum corporis percurrit, dum se confert certum ad punctum; & huiusmodi est  $AB^*$ , qua globus  $A$  contendit in  $B$ . Triplicis generis sunt eæ determinationes; alias enim *conspirantes* nominant, *oppositas* alias, & alias *medias*. Illas conspirare ajunt, quum duabus a potentiis corpus propellitur idem penitus ad punctum; harumque in exemplum cedunt rectæ  $GB$  &  $AB$ , quarum gratia globus  $A$  properat in  $B$ . Ubi ab illis corpus protrudatur, incedat vi majori, oportet, quam si promoveretur tantum ab alterutra.

3. *Oppositæ* determinationes sunt, quum duplici a potentia cietur corpus ad puncta adversa. Huiusce generis sunt rectæ  $AC$  &  $AB^{**}$ , quæ perlustrandæ corpori  $A$  essent tempore eodem; termini quippe illarum  $C$  &  $B$  cum sibi adversentur, oppositionem pariunt directionum. Ubi vires, quibus contrarias ad plagas corpus impellitur, æquales sint, sistit illud omnino; namque ex odio cum se invicem interimant, nihil omnem auferunt ad motum. Inæquales tamen si sint, festinat corpus  $A$  ad partem validioris; momentis enim paribus utrinque elisis ei obtemperet, necesse est, quod est alio robustius. Adducitur propterea corpus in  $B$ .

4. Determinationes *mediæ* sunt, quum a potentiis duabus in puncta diver-

---

\* Tab. XIII. fig. 2.    \*\* Tab. XIII. fig. 2.

diversa corpus conjicitur, sed non opposita. Harum ad speciem rediguntur rectæ  $CF$  &  $DE$  \*; puncta enim  $F$  &  $E$  non consentiunt, neque diffentiunt, eoquod vires  $C$  &  $D$  in linea unica non sint, sed angulum efficiant  $CAD$ . Eo pacto si corpus  $A$  percellatur, tenet viam mediam; terminis nempe  $E$  &  $F$  non appellit, sed  $B$ , qui interjacet utrique. Semita videlicet  $AB$  propior interdum lineæ  $AF$  est, interdum alteri  $A E$ ; pro divaricationum enim, quas illæ obtinent, ratione accedere comperitur alterutri. Res sane conficitur ex quantitate anguli  $CAD$ .

5. Exploratum itaque sit compingi motum ex potentiarum plurium una adjunctarum actione. Impulsione nonnunquam vires suas illæ exerunt, nonnunquam adtractione; ad motuum quippe compositionem perinde est, malleolis corpus protrudatur, vel trahatur funiculis. Cujusvis scilicet generis vires sint, adplicari simul possunt ad angulum; nec officit ullatenus, duas tantum eas esse, vel plures, pro creandorum effectuum varietate. Motus qui ea ratione conflatur, dividi in *rectilineum* solet & *curvilineum*; a priori quippe linea recta deferibitur, & curva a posteriore. Scilicet ubi impetu duplici, quorum uterque uniformis sit, corpus potitur, iter servat rectilineum; diagonalem namque percurrit, cujus a recta linea nullum est penitus discrimen. Curvilineam autem semitam corpus dimittitur, si alterum impetuum uniformem afferat, alterum acceleratum; momento enim temporis quoque lineolas percurrit ad angulum positas, quæ curvam attexunt. Agendum de utroque scorsim est diligentia peculiari; nullum quippe motum fortasse natura adoptat, qui simplex omnino sit, plexumque refugiat virium complurium. Cui nostra ineptiant, Newtonum (1) audeat, Hugenum (2) Gregoryum (3), Torricellium (4) Kellium (5), & alios.

#### PARAGR. II.

### *De motu agitur composito rectilineo.*

6. MOTUS, quem rectilineum compositum nuncupant, absolvitur per lineam rectam. Ubi corpus videlicet duabus a viribus ad angulum fitis, quarum celeritas adsit tota a motus initio, propellatur, per lineam incedit, quæ diagonalis est parallelogrammi. Modus hujusce coagmentationis antequam demonstraretur, exponenda machina est ad motuum compositorum experimenta subtiliter instituta. Esto scilicet planum  $ABDC$  \*\* lignea a crepidine circumscriptum, ne globi eburnei, dum

\* Tab. XIII. fig. 2. \*\* Tab. XIII. fig. 3. (1) Princip. lib. 1. sect. 2.

(2) De horol. oscillator. (3) Astronom. phys. lib. 1. (4) De mot. projector.

(5) Introd. ad ver. physic.

dum cientur, excurrere ultro possint, labique extra septum. In parte, quæ antè extat, textrinæ duæ  $LK$  &  $HS$  statuuntur instar alarum; axibus autem  $LR$  &  $HS$  innitantur, ut verti circa illos possint non ægre. Ab utraque malleoli  $PN$  &  $OM$  eburnei pendeant, mobileque circa puncta  $P$  &  $O$ ; limbi vero  $KI$  &  $SR$  in partes dividantur numeris obsignatas. Ubi facienda motuum pericula sint, deducantur pinne  $LK$  &  $HS$  cum ad angulum, sub quo percuti utrinque decernitur sphaera  $Q$ . Attollendi deinde malleoli  $PN$  &  $OM$  sunt ad altitudinem in fimbriis  $KI$  &  $SR$  definitam, quæ respondeat percussio-num celeritati. Post ictum ubi semita observetur corporis  $Q$ , eam, comperietur, pro angulorum quantitate, & momento celeritatum, esse diagonalem  $QF$  vel  $QG$ . Aliter tamen res cedit, si ex virium conspiratione mallei sint paralleli.

7. Verum ostendenda causa est, qua corpus duplici a vi percitum conficit diagonalem. Globus nimirum  $A$  a duabus a potentiis promoveatur, quarum impetus exponi per latera  $AG$  &  $AO$  parallelogrammi  $AGBO$  valeant, angulumque exhibeant  $GAO$ . Omnem citra dubitationem est, corpus, si ab alterutra  $AO$ , vel  $AO$  seorsim afficeretur, exiturum primo temporis momento in  $C$  vel in  $H$  fore, secundo in  $D$  vel in  $L$ , tertio in  $E$  vel in  $M$ , quarto in  $F$  vel in  $N$ , quinto denique in  $G$  vel in  $O$ . Ubi tamen a duabus  $AG$  &  $AO$  una ciatur, mos illi gerendus ratione certa est utrique; primoque propterea instanti versetur globus  $A$ , oportet, in  $R$ , ut distantiarum lineas  $RC$  &  $RH$  a punctis  $C$  &  $H$  longiores afferat, quo remotiora sunt puncta inter se. Secundo autem temporis intervallo reperitur in  $S$ , tertio in  $T$ , quarto in  $V$ , & quinto in  $B$ ; ne rectas  $DS$  &  $SL$ ,  $ET$  &  $TM$ ,  $FV$  &  $VN$ ,  $GB$  &  $BO$  prætereant, quæ situs definiunt punctorum  $D$  &  $L$ ,  $E$  &  $M$ ,  $F$  &  $N$ ,  $G$  demum &  $O$ . Fragmenta vero  $AR$ ,  $RS$ ,  $ST$ ,  $TV$ , &  $VB$ , si colligantur, totam efformant rectam  $AB$ ; quam figuræ ad angulum  $GAO$  effectæ diagonalem esse, liquet ex ipsa constructione. Sed ubi latera  $AG$  &  $AO$  accedant adeo, ut coeant, angulus disperit, parallelogrammum, & diagonalis, ex determinationum conspiratione. De-lentur etiam, si latera  $AG$  &  $AO$  recedant, ut angulum utrinque rectum pariant cum  $AB$ ; oppositæ enim determinationes cum evadant, globus per  $AG$  in  $G$  pellitur, & in  $O$  per  $AO$ . Ad diagonalem itaque poscitur angulus potentiarum.

8. Celeritas, qua corpus vi duplici delatum fruitur, a longitudine constat diagonalis. Dum celeritatem dicimus vires ipsas indicamus; eodem enim in corpore, quod comparari unitati potest, a virium momento non discrepat velocitas. Celeritas videlicet, qua corpus protru-ditur, non differt a velocitate virium componentium quantitativis op-poli-

\* Tab. XIII. fig. 4.

politis multatarum; ei enim differentiz æqualis omnino est longitudo diagonalis. Quo comperta res fiat, vires, & celeritates  $AC$  &  $AD$ \*, a quibus globus  $A$  impellitur, resolvantur in alias  $EC$  &  $EA$ ,  $FD$  &  $FA$ ; harum vero duæ  $EA$  &  $AF$  intercidunt, quia ob oppositionem se encant omnino. Quæ supersunt  $EC$  seu  $AH$ , &  $FD$  seu  $AG$ , non discriminantur ullatenus a tota  $AB$ ; triangulum enim  $CBH$  æquale est triangulo  $GAD$ . Diagonalis nempe  $AB$  parallelogrammum  $ACBD$  in duo triangula æqualia dividit  $ACB$  &  $ADB$ ; altitudo proinde  $CH$  necesse est altitudinem  $DG$  æquet, ut æquales etiam sint  $EA$  &  $AF$ . A latere quoque  $BC$  non discrepat aliud  $AD$  ob parallelismum, & æqualitatem rectarum  $AC$  &  $DB$ ; consequiturque propterea latus  $HB$  esse par lateri  $AG$ . Itaque latera, quæ persistant  $EC$  &  $FD$ , seu  $AH$  &  $AG$ , æqualia lateribus  $AH$  &  $HB$  sunt, hoc est, toti  $AB$ ; quod eodem redit, ac celeritatibus componentibus, quibus ablatæ pugnantes fuerint, non diffidere diagonalem. Hujus nimirum prolixitas ab anguli magnitudine pendet, & a linearum proceritate una adjunctarum; pro anguli enim  $CAD$  divaricatione oppositio succrescit, augeturque celeritas pro longitudine rectarum  $AC$  &  $AD$ . Perspectæ idcirco cum angulo vires si fuerint, compositæ proficiat quantitas celeritatis.

9. Innotescere etiam tempus potest, quo percurritur diagonalis. Tempus videlicet, quod a globo  $A$ \*\* in recta  $AB$  perlustranda impenditur, ei est æquale, quod postularetur ad absolvendam divisim alterutram  $AG$ , vel  $AO$ . Eodem enim temporis momento, quo corpus  $A$  motu simplici deportaretur, & in punctis  $C$ , vel  $H$ , esset,  $D$  vel  $L$ ,  $E$  vel  $M$ , & ita porro, versari vi composita debet in locis  $R$ ,  $S$ , &  $T$ . Tota propterea diagonalis  $AB$  conficienda alio tempore non est, quam quo ex viribus sejunctim sumptis progredieretur per  $AG$ , vel  $AO$ . Ad evincendum reapse quantum illud sit, ex penduli oscillationibus designentur intervalla alterutri per  $AG$ , vel  $AO$ , motioni respondentia, totidem vero tribuantur delationi per  $AB$ . Officere observationi nec valet ulla mutatio, quæ ab aucta laterum longitudine  $AG$  &  $AO$ , proveniat, vel ab amplitudine anguli  $GAO$ . Quovis namque pacto vicissitudinem ea subeant, alia erit longitudo, & proinde celeritas diagonalis  $AB$ ; tempusque proinde brevius, vel diuturnius adhibebitur, ut durationi consonet motuum per  $AG$ , vel  $AO$ . Quobrevior scilicet recta  $AB$  est, eo proficiscitur lentius globus  $A$ .

10. Quæ de tempore, & de celeritate ediximus, vera de corpore sunt promotæ a vi duplici. Iis sane legibus obtemperat cymba, quæ flumen trajiciat; ex aquarum enim defluxu, & ex remigum eam provehentium impetu, oblique incedit, attexitque diagonalem. Easdem formica experitur, quæ super oleæ ramum recta ambulet parallelo motu de-

\* Tab. XIII. fig. 3. \*\* Tab. XIII. fig. 4.



tu deductum; diagonalem quippe rectanguli describit, ejus latus virga exhibet, alterum vero directio delationis. Inflexendæ tamen illæ nonnihil sunt, ubi pluribus, quam duabus, pareat corpus impulsioni- bus; fieri enim potest, ut tribus a potentiis urgeatur, quatuor, quin- que, & si vis, alius. Statuatur videlicet globum  $A^{**}$  a vi triplici ex- stimulari  $AC$ ,  $AD$ , &  $AE$ ; inveniendæque diagonalis  $AB$  sit, quam persequitur ex momentorum trium complexione. Pro compositorum sane motuum ingenio duæ  $AC$  &  $AD$  conjiciantur in unicam  $AF$ ; ad  $AF$  autem & ad  $AE$ , quæ quadrangulum  $ABE$  efficiunt, excutitur diagonalis  $AB$ . Opus consilio alio non est, ubi efferrantur vires ad nu- merum altiore.

II. Negotium vero majus non facessitur, si vires, a quibus corpus abripitur, sint oppositæ. Globus nimirum  $A^{**}$  tribus a potentiis  $AC$ ,  $AD$ , &  $AE$  agatur, quarum hæc sit illis contraria; eruendæque via sit, quam servat ex eorum motuum coalitione. Redigendæ rectæ  $AC$  &  $AD$  sunt ad diagonalem  $AB$ ; hæc vero auferatur alteri  $AE$ , & quod superest, exhibebit semitam incundam. Fieri proinde valet, ut versus  $B$  corpus  $A$  pergat, vel quiescat, vel deferatur versus  $E$ ;  $AC$  enim cum minor  $AB$  sit, &  $AE$  sit major, illius gratia ad  $B$  contendet, & causa hujus ad  $E$ . Sed  $AF$ , quæ æqualis est ipsi  $AB$ , indicabit, sistere illud in  $A$ .

## PARAGR. III.

*Aperitur motus projectorius.*

12. MOTUS, quem *curvilineum* nominant, expletur per lineam cur- vam. Ut in rectilineo celeritas, quæ viribus componentibus inest, ead- em servatur usque ad motus interitum, ita quæ originem curvilineo facit, augetur perpetua, vel minuitur, inæqualitate. In tria genera ille distribuitur, quorum primum *projectorium* motum complectitur, *centrales* vires secundum, tertium vero *pendula*. Projectionum indo- lem cum simus primo exploraturi, nonnullas tradimus definitiones. *Di- rectio* projectionis est linea, secundum quam projiciendum corpus in- tenditur; triplex autem est, nempe *horizontalis*  $AC^{**}$ , *perpendicularis*  $AM$ , & *obliqua*  $AF$ . *Angulus elevationis* sub quo corpus jacitur, est  $FAC$ , quem linea projectionis  $AF$  cum horizonte efficit  $AC$ ; pro- jecti vero *semita* est  $ADC$  quam describit reapse corpus  $A$ . *Amplitu- do* semitæ est recta  $ABC$  omnium maxima, quæ subendi rite possint curvæ  $ADC$ ; & semitæ *altitudo* est  $DB$  ab editiore curvæ  $D$  puncto ducta ad horizontem  $AC$ . Prætereundum denique non est, immoto  $A$

Tom. III. Physic.

X x

cor-

corpore posse projectis vim imprimi, & a corpore moto. Utrumque expendimus singillatim.

13. Quum directio corporis perpendicularis non est, percurrit illud parabolam. Lineam scilicet rectam describit, ubi projiciatur directione verticali; vires enim gravitatis & projectionis angulum non efficiunt, sed oppositionem suam exerunt unica in linea. Directio tamen, si horizontalis sit, vel obliqua, curvam delineari a corpore jubet parabolicam; projectionis enim, & gravitatis lineæ angulum efformant, sub quo motus perficitur vi utrique consentaneus. Globus videlicet  $A^*$ , quem tormentum explodit, motu duplici urgeatur  $AE$  &  $AH$ , quorum  $AE$  uniformis est, provenitque a pulvere pyrio, alius vero  $AH$ , qui gravitati debetur, est acceleratus. Horizontalis sit directio  $AE$  vel sit obliqua, ratum penitus est, globum, qui ex vi alterutra in punctis  $C$  vel  $F$  degeret,  $D$  vel  $G$ ,  $E$  vel  $H$ , extitutum tempore eodem ex utraque fore in locis  $L$ ,  $M$ , &  $B$ . Rectæ enim  $CL$ ,  $DM$ , &  $EB$ , quæ distantia globi a punctis  $C$ ,  $D$ , &  $E$  definiunt, & æquant lineas  $AF$ ,  $AG$ , &  $AH$ , ex motus accelerati indole sunt veluti temporum, quibus motus perficitur, quadrata. Lineæ vero  $FL$ ,  $GM$ , &  $HB$ , quæ rectis  $AC$ ,  $AD$ , &  $AE$  pares sunt, distantiaque etiam statuunt globi a punctis  $F$ ,  $G$ , &  $H$ , sunt ut tempora. Rectæ proinde  $AF$ ,  $AG$ , &  $AH$  æquales sunt quadratis linearum  $FL$ ,  $GM$ , &  $HB$ ; nec latet ab illis rationem abscissarum ad curvam  $AB$  exhiberi, & ab his ordinatarum. Geometræ demum sanciant, curvam in qua ordinatarum quadrata sunt ut abscissæ, esse parabolam. Parabolica itaque est linea  $AB$ .

14. Parabolicam semitam esse, quam corpus a gravitate, & a vi projectili percitum lustrat, ex duobus liquet experimentis. *Primum* in tabella sumunt verticaliter erecta; ei quippe parabolam inscribunt, cujus perimetro perpendiculariter figunt annulos ferreos. Ubi per alveolum a superiore tabulæ parte proclivem glandem plumbeam demittunt, trajici ab ea annulos omnes observant, quin declinet ullatenus. *Alterum* metallico in tubo capiunt, qui refertus est hydrargyro; illius vero ad fundum tubulus extat hue illicque inflectendus pro tentaminum opportunitate. Tubo minore diversimode inclinato comperiunt, ab hydrargyro, quod a majore in alium vi pressiois delabatur, & egreditur, curvas confici inæquales; universæ tamen si calculo subjiciantur, sunt parabolæ. Enimvero prætereundum non est, ex sententia illud succedere, ubi se proferant jactus ad spatium exiguum; in majore namque rigidam parabolæ efformationem turbant aeris resistentia, & convergentia directionum. Ad aerem quod pertinet, planum est, servari accurate parabolam, si motuum componentium alter  $AE$  \*\* uniformis

\* Tab. XIII. fig. 8. & 9. \*\* Tab. XIII. fig. 8.

mis sit, & alter  $AH$  acceleratus. Ingruente tamen aere uniformitas motus intercipitur, decretionelque non minimas experitur acceleratio. Quod vero spectat ad directiones, apertum est, exquisitam obtineri parabolæ descriptionem, ubi virium determinationes  $CL$ ,  $DM$ , &  $EB$  parallelæ invicem sint, itemque aliæ  $FL$ ,  $GM$ , &  $HB$ . De his utut res sit, plane constat, parallelismum non inesse aliis  $CL$ ,  $DM$ , &  $EM$ ; gravitatis enim directiones exprimunt, quæ, quo corpus  $A$  minus a telure distat, plus convergunt in centrum illius. Parvum sane spatium utrique medetur incommodo, quod aer vix obstat, modicusque sit concursus directionum.

15. Tempus deinde evincitur, quo percurritur a corpore via parabolica. Decretum scilicet fuit, eodem prorsus momento, quo globus  $A$  ex gravitate in punctis  $F$ ,  $G$ , &  $H$  reperiretur, assecuturum ex motu composito fore puncta curvæ  $L$ ,  $M$ , &  $B$ . Eadem nimirum temporis quantitas ad segmenta parabolæ  $AL$ ,  $AM$ , &  $AB$  conficienda postulatur, quæ necessaria altitudinibus esset  $AF$ ,  $AG$ , &  $AH$ . Perspectum ideo tempus ubi sit, quo descenderet corpus ex altitudine  $AH$ , aliud innotescit ad parabolam totam  $AB$  transigendam opportunum. Linea nempe  $AH$  si pedum 15 sit, quibus accelerato ex motu collustrandis minutum temporis secundum repositur, minutum æquale vendicat sibi parabola  $AB$ . Quod si pedes 60 recta  $AH$  afferat, trajicitur curva  $AB$  minutis 2; spatia enim 15 & 60 æqualia sunt temporum quadratis 1 & 4; horum vero radices, seu tempora, sunt 1 & 2. Nec præceptum deest experimentum; Florentini quippe Accademici (1) globum a torneo in turri horizontaliter constituto emissum observarunt in terram contendisse eo tempore, quo ex gravitate decidisset. Immo horizontalem globi directionem ex pulveris pyrii additione bis terque cum adauxissent, parabolæ intellexere creati amplitudinum majorum, sed universas expleri ea temporis portione, quam sibi sumpsisset casus a turri perpendicularis. Aucta nimirum celeritate peragrentur citius necesse est arcus longiores.

16. Parabolæ amplitudo ægrius non agnoscitur, & altitudo \*\*. Explorata sane res est, altitudinem pectus  $BD$  esse lineæ  $BE$  dimidiam, quæ ab horizontali  $AC$  ducitur ad directionis lineam  $AF$ . Motus videlicet accelerati, vel retardati gratia definitum alibi fuit, dimidium dumtaxat spatium perolvere, quod percurreretur ex constanti motu, & uniformi. Liquet propterea, rectam  $BE$ , quam globus  $A$  gravitatis express uniformiter consecisset, duplam esse ipsius  $BD$ , quæ pectus altitudinem determinat, illustraturque ex motu parabolico, & retardato. Porro ad horizontalem  $AC$  exiit perpendicularis  $AM$ , quæ viam designat a corpore  $A$  per illam descendente comparatam, eique semicir-

$XX$  2

culus

\* Tab. XIII. fig. 8. \*\* Tab. XIII. fig. 10. (1) Specim. natur. exper. de project.

culus  $MQPA$  adplicetur, qui aliquo in puncto, nimirum  $H$ , lineam secet directionis  $AF$ . Ubi ex diametro  $MA$  per punctum sectionis  $H$  traducatur ad  $D$  recta  $GD$  lineæ  $AC$  parallela, quæ dupla ipsius  $GH$  sit, obtinebitur amplitudo parabolæ, & altitudo. Triangula enim  $AHG$  &  $DHE$  sunt prorsus æqualia; quia angulus  $AHG$  angulum  $DHE$  æquat ad verticem illi oppositum, rectique anguli  $AGH$  &  $EDH$  sunt, latus vero  $GH$  par, ex hypothesi, est lateri  $HD$ . A latere proinde  $AG$  non discrepat latus  $DE$ ; cumque rectæ  $AG$  æqualis ob parallelas  $AB$  &  $GD$  sit linea  $BD$ , consequitur, æquari ab hac aliam  $DE$ . Tota itaque linea  $BE$  dupla  $BD$  est, seu altitudinis jactus; quo invicem conficitur, curvam  $ADC$ , ad quam ea pertinet, parabolam esse descriptam celeritate  $AM$ . Cumque recta  $AB$  dimidia amplitudinis  $AC$  sit, & dupla lineæ  $GH$ , utpote æqualis ipsi  $GD$ , ratum sit, amplitudinem  $AC$  quadruplam esse rectæ  $GH$  ad sectionis punctum  $H$  deductæ. Semicitæ vero parabolæ altitudo  $BD$  lineam  $AC$  æquat a centro corporis prolatam in  $GH$ .

17. In veritatem hæc consonant, quivis sit angulus elevationis. Quovis scilicet pacto tormentum inclinetur, angulumque efficiat  $CAH$  vel  $CAQ$ \*, semitæ amplitudo  $AC$  quadrupla est lineæ  $GH$ ,  $OP$ , vel  $NQ$  ad sectionum puncta  $H$ ,  $P$ , &  $Q$ , productæ. Angulus propterea  $CAF$ , quo latior sit, eo longiorem inducit amplitudinis lineam  $AC$ ; recta enim  $GH$ , cujus illa est quadrupla, ex directionis  $AH$  elevatione succrescit, hoc est, ex autione anguli  $CAH$ . Angulum tamen ad semirectum  $CAF$ , graduum nempe 45, ubi directio perveniat, decresecere incipit amplitudo; recta quippe  $OP$ , quæ illi angulo responderet, radius semicirculi  $MFA$  est, & propterea major quavis alia. Quæ scilicet illam consequitur  $NQ$ , ut alia quævis, continuo fit minor; ad punctum autem  $M$  ubi conscenderit directio  $AQ$ , angulus disperit, dilabiturque omnis parabolæ amplitudo. Liqueat idcirco, duas esse æquales ad quemque globum jactus amplitudines; ad angulos videlicet  $CAH$  &  $CAQ$ , obtinentur, ubi rectæ  $GH$  &  $NQ$  æque a linea  $OP$  distant, & sunt æquales. Quod si quidpiam ex his ad parabolæ longitudinem  $AC$  calculo subducendam apius exposcatur, lineam  $MA$ , quæ globi  $A$  celeritatem definit, sanciatum esse 60 pedum; directio autem ad angulum  $CAF$  semirectum primo afferatur, deinde ad minorem  $CAH$ . Inexploratum non est, circulorum ordinatas esse medias proportionales inter diametri segmenta; a quadratis proinde rectarum  $OP$  &  $GH$  æquabuntur rectangula ex  $OM$  in  $OA$  confecta, & ex  $GM$  in  $GA$ . Cum recta  $MA$  60 pedes exhibeat, segmentumque  $OM$  ob angulum  $CAF$  semirectum ab altero  $OA$  non differat, rectangulum ex  $OM$  &  $OA$  est pedum 30. 30 = 900. Ubi vero recta  $GH$  ad quartam diametri  $AM$

par-

\* Tab. XIII. fig. 10.

partem existat, rectangulum, quod ex  $GM$  &  $GA$  affurgit, pedes affert 45. 15 = 675. A rectangulo propterea 900 si radix, nimirum 30, eruat, prodibit recta  $OP$ ; aliaque  $GH$  emerget, si radix a rectangulo 675 educatur, obtineanturque præter propter pedes 26. Cumque amplitudo iactus  $AC$  quadrupla sit rectæ utriusque  $OP$  &  $GH$ , ratum fit, ad angulum  $CAP$  pedibus 120 illam constare, & 104 ad angulum  $CAH$ . Altitudo demum  $BD$ , quæ lineæ  $AO$  par est, vel  $AG$ , pedes 30 complectitur, vel 15.

18. Ex uniformis motus, & accelerati plexu ut parabola suboritur, ita ex concretionibus virium aliis curvæ enascuntur generum aliorum. Efformationem hic enarramus *circuli* tantum & *ellipsi*; ceterarum vero, quæ pauca non sunt, generis ablegamus ad Mechanicæ. Globus scilicet  $A^*$  per lineam  $AC$  projiciatur, unaque impellatur per alteram  $AB$  quæ ipsi  $AC$  insistat ad angulum  $BAC$ . Motus uterque ea quidem ratione peragatur, ut dum ex vi  $AC$  corpus  $A$  lineas  $AN$ ,  $AM$ , &  $AL$  pervadit, alias dimeſiatur  $AD$ ,  $AE$ , &  $AF$  ex impetu  $AB$ . Rectæ  $AN$ ,  $AM$ , &  $AL$ , quæ ab aliis non differunt  $DI$ ,  $EH$ , &  $FG$ , si mediæ sint proportionales inter  $AD$  &  $DB$ ,  $AE$  &  $EB$ ,  $AF$  &  $FB$ , curva  $AGB$  erit circulus. Docent enim Geometriæ, quadrata ordinarum circuli æqualia esse segmentorum diametri rectangulis; huiusmodi autem sunt lineæ  $DI$ ,  $EH$ , &  $FG$ , ubi proportionem medient inter partes diametri  $AB$ . Ellipsis vero procreatur alium in modum. Globus videlicet  $A^{**}$  ex viribus  $AC$  &  $AB$  ita progrediatur, ut quadrata rectarum  $AN$ ,  $AM$ , &  $AL$ , seu  $DI$ ,  $EH$ , &  $FG$  inter se sint, velut rectangula  $AD$  &  $DB$ ,  $AE$  &  $EB$ ,  $AF$  &  $FB$ . Præceptio autem geometrica est, curvam, cujus ordinarum quadrata inter se rationem servant rectangulorum ex diametri portionibus confectorum, esse ellipsim. Compertum itaque sit, arte non abſimili *spiralem* gigni, *logarithmicam*, & alias.

19. Ad partem vero motus projectorii alteram veniendum est, ubi provenit ille a corpore moto. Præcipiendum scilicet est, globum, quem corpus, dum movetur, jacit, a projectionis loco tantum removeri, quantum distaret, si locus ille conquiesceret. Eam sane præscriptionem illustravit Gassendus (1); expertus enim fuerat, tum in curru celeriter vestro, cum in delata a vento valido navi, recidere lapidem in manum, a qua exierat. Accuratus tamen experimentum instituit Nollerus (2). Duos scilicet parallelos super funiculos excurrere horizontaliter tabellam jubebat; in qua prominebat tubus perpendiculariter erectus. Ei globus plumbeus inerat, vel eburneus, qui malæoli præsidio tabulæ appositi, & moti ab elastro, percusi certo tempore

\* Tab. XIII. fig. 11. \*\* Tab. XIII. fig. 12. (1) Epist. 2. de mot. impres. a motor. transi. (2) Lect. 5. sect. 1. exper. 5.

posse poterat, & a tubo expelli directione verticali. Dum tabella trahebatur, si dimisso elastro globus projiceretur, curvam describeret, redibatque exacte in tubum, unde exilierat. Verum quod res ipsa aperit, non caret demonstratione; quam cum simul mox explanaturi, negligi discrimina nolumus projectionum. Directio nempe perpendicularis exploranda seorsim est ab horizontali.

20. Decernitur primo quid projectio afferat perpendicularis. Globus nimirum  $C^*$ , si a malo  $CD$  naviculæ  $AB$ , quæ feratur a vento, deorsum mittatur, cadit ad basim mali  $D$ . Duplex tunc motu compellitur, quorum alter per  $CE$  exierit, alter per  $CD$ ; horum prior uniformis est, oriturque a cymbæ impetu versus  $B$ ; posterior vero a gravitate proficiscitur, & est acceleratus. Impetus utrique ut globus obtemperet, versari in punctis  $K$ ,  $L$ , &  $M$  debet secundum distantias  $KC$ ,  $LH$ ,  $ME$ , & parabolam attexere; quo fit, ut dum curvam  $CKLM$  absolvit, malus  $D$  in  $M$  veniat, excipiatque illum in  $D$ . Quod si globus sursum projiciatur prope malum  $DC$ , qui in  $R$  existat, post descensum conquiescit adhuc in  $D$ . Ex vi namque uniformi  $CF$ , quam navis illi confert, incedit, & ex nisu  $RF$ , quem gravitas generat, retardato; dum ascendit propterea, extare in punctis  $R$ ,  $Q$ , &  $P$  cogitur juxta distantias  $RF$ ,  $QO$ , &  $PN$ , parabolamque  $RQP$  peragere. Ubi in  $C$  pervenerit, & retardatam  $RF$  vim amiserit, servat aliam  $FC$ ; cujus gratia, & gravitatis illum rursus deprimentis causa aliam parabolæ portionem  $CKLM$  exigit, & sistit in  $M$ . Verum dum globus effertur per  $RC$ , malus ab  $R$  transit in  $D$ , dumque per  $CM$  ille prolabitur, hic a  $D$  deducitur in  $M$ . Ad motus igitur exitum degat sphaera  $C$  necesse est pone basim  $D$ .

21. Horizontalis deinde projectio expenditur, ubi vires, a quibus corpus deferretur, sunt conspirantes. Globus videlicet  $C^{**}$ , si a vertice mali  $FD$  per lineam  $DL$  delatit horizontaliter per  $CF$  jaciatur, distabit denum a puncto  $D$ , ac si quiesceret navicula  $AB$ . Statuatur enim percurrere illum ex impetu projectili pedes 2 minuto temporis secundo, & ab hac confici ex vento pedes 3 momento penitus eodem. Cum vires idem in punctum  $B$  collineent, & propterea convenient, ambigendum non est, cieri globum duplici a nisu, ut ex alio sibi proprio pedes 2 conjunctim perfolvat, & 3 ex alio, quem obtinet a cymba. Hi si colligantur, efficitur summam 5; quo constat, sub motus finem absolutum a globo pedes 5 fuisse, & diversari illum in puncto  $F$ . Verum dum motu suo illic contendit, malus  $D$  post pedum 3 iter commoratur in  $L$ ; ignorari nec potest, distare punctum  $F$  ab  $L$  pedibus 2. Projectum itaque corpus reperitur, ubi extaret, si motu omni destitueretur navis  $AB$ .

22. Pro-

\* Tab. XIV. fig. 1. \*\* Tab. XIV. fig. 2.

22. Projectio denique horizontalis exploratur, quæ compositionem admittit virium oppositarum. Obvenire sane illud trifariam potest, ut adversa nempe motus naviculæ, & projectionis, momenta æqualia sint, vel alterum excedat, vel excedatur ab altero; æque tamen corpus distat, ac si illa staret omnino. Motus primo, quo globus C \* a malo DE versus H projicitur, æqualis impetui sit naviculæ AB versus L, ut minuto temporis secundo ex alterutro collustrentur pedes 4. Vim 4 a malo versus F cum globus accipiat, conatumque 4 a projectione versus H, consequitur, elisis utrinque momentis 4 motum omnem amitti, & redigi illum ad quietem. Malus vero DE, dum a D in L festinat, persolvit pedes 4; proindeque determinatur globus a cymba eo intervallo, quo distaret, si manente in D illa, ipse properaret ex vi tantum projectili versus H. Naviculæ deinde vis per DL major sit nisi projectorio globi per CH; ea namque tempore eodem pedes 4 versus L expleat, hic versus HI. Dimisso motu I, qui alteri adversatur, globus ex impetu, quem a navi refert, percurrit pedes 3, & in K venit versus F; malus vero DE pedes 4 transigit, & se confert in L. Compertum autem sit, fastigium L a puncto K diffitum esse pedem 1, quantum videlicet distineretur, si quiescente illo globus ex projectione incederet versus H. Motus postremo naviculæ per DL minor sit vi projectili globi per CH; æquali namque temporis intervallo pedes 4 versus L illa peragret, hic vero 6 versus H. Abjēctis a globo C ob oppositionem conatibus 4 metitur pedes 2 ut sistat in G versus H; malus autem, quo vento satisfaciatur, post pedes 4 moratur in L. Dubitari autem non potest, separari punctum L a G pedibus 6, ut reapse feceretur malus DE, si consistente navicula perrexisset globus ex jactu per CH. Demonstratum itaque universe fuit, ex motu tantum suo distare corpus a loco projectionis.

## PARAGR. IV.

*Exponuntur vires centrales.*

23. ALTERA motuum compositio ad vires pertinet *centrales*. Ex harum coitu prodire lineæ possunt, quas exposuimus de motu projectorio; punctum tamen certum speciatim postulant, quod plerumque circumscribitur, veluti centrum, a curva. Virium, quas *centrales* nominant, alia *centripeta* est, & alia *centrifuga*; illius enim causa centro motus corpus admovetur, & gratia hujus ab eo removetur omnino. Punctum cui acceditur, vel a quo receditur, dicitur *centrum vivium*; curva quam attexit corpus in gyrum actum, *trajectoria* vocatur; & re-

\* Tab. XIV. fig. 3.

& recta a centro ad trajectorym ducta appellatur *radius vector*. Centrum virium C est; trajectory A B D E, radius vector C A \*.

24. Centralium ope virium curvam describi experimenta ostendunt solidorum corporum, & fluidorum. In machina N O P \*\* verticaliter erigatur rota M N; præsidio vero funis, qui illius peripheriam ambit, conjici in motum possint rotundæ tabulæ A B & C D horizontaliter sitæ. Super regulam orbi C D insistentem globuli H & K æquales statuuntur a metallico filo trajecti; serico autem colliguntur, ut quum per lineam H K excurrunt, mutuo se rapiant, abeantque ad partem eandem. Ubi circulo C D motus conferatur, globusque H in illius centro degat, dimovetur ab alio K, trahiturque ad circumferentiam; immotus tamen adhærescit loco suo, si sericum abscindatur. Quod si globi H & K serico una devincti a centro motus æqualiter distent, non moventur ullatenus; motio enim licet perniciosissima sit, ab altero alter non adducitur, sed libratur penitus uterque. Argumento hæc sunt, ex vi centrifugæ globum K a centro digredi, secumque abripere alium H ea destitutum; centripeta autem a vi, quæ per sericum excirrit, aliam infirmari, ut stent globi eandem ad distantiam. Sed virium illarum ad curvam generandam sædus dura non modo corpora indicant, verum etiam fluida. Regulæ enim, quæ tabulæ A B alteri incumbit, tubi E F & G F imponantur, & nonnihil inclinentur desincentes in spherulas E & G; in circuli autem centro F vasculum tubis affixum extet aqua repleum, vel alio liquore. Quum a rota M N in circulo A B motus excitatur, aqua ascendit in tubos utrinque, ut aucto impetus momento propemodum compleat globulos E & G. Evincitur sane, a gravitate, cui vis centripeta inest, detineri aquam in loco suo; a vi autem centrifuga aliam superari, ut abigatur liquor in peripheriam a centro remotiorem. Hæc, hisque non abimilia Gravensandius (1) habet, & Nolletus (2).

25. Curvæ genefim, quæ centralium virium a concretionem provenit, peripsectam efficiunt etiam rationes. Corpus videlicet A \*\*\* quod in punctum C ex vi centripeta tendit, si per lineam A G impellatur, quæ cum A C efformet angulum G A C, & vim centrifugam exhibeat, curvam perturrit A B D E. Primo enim temporis momento centripeta ex vi versari in puncto F debet, & ex centrifuga in G, secundo in H & in K, tertio in L & in M, & ita porro. Quo directioni utrique obsequatur, primum persolvat diagonalem A B necesse est, deinde B D, postremo D E; quod præstare minime potest, nisi triplici ex intervallo tribus in punctis reperiat B, D, & E. Apertum vero sit, hæc quæ sine mora exoriuntur, extare in unica linea; cujus latera A B, B D, & D M,

\* Tab. XIV. fig. 5. \*\* Tab. XIV. fig. 4. \*\*\* Tab. XIV. fig. 5.

(1) Elem. phys. lib. 1. cap. 23. (2) Lect. 5. sect. 2. exper. 1. & 2.



& DM, cum parva infinite sint ex tempulculis, quibus pervaduntur; poligoni perimetrum non constant, sed curvam. Constare idcirco curva quæque dicitur numero laterum infinito.

26. Ex ea curvæ efformatione erui haud ægre valet centralium virium determinatio. A globo nimirum A \*, quod per AB impellitur, unaque trahitur per AD, tempulculo infinite exiguo arcus A G perlustratur, ductisque ad punctum G rectis EG & FG conficiatur rectangulum A F G E. Ubi per tangentem AB globus tantum deferretur, esset in puncto E; propterea cum G ab E distet tota EG, ab hac indicatur vis centrifuga. Quod si deportaretur globus A duntaxat per AD, sisteret in F; cumque F ab A differminetur recta AF, exhibetur ab hac vis centripeta. Lineæ autem AF & EG, quæ parallelis, & paribus, AE & FG interjacent, sunt æquales; comperiturque proinde quavis incurva æquari penitus centripetam vim, atque centrifugam. Explorata pariter sic ratio, qua corpus circumductum si afferatur in libertatem, recta dilabitur; lapis quippe funda circumductus dimisso fune centri motus obliviscitur, diffugiturque per lineam rectam. Adjudicandum illud vis centripetæ est, quæ a funiculo pendeat, interitui; ubi enim centro corpus non apprimatur, vi centrifugæ tantum obtemperat, rapi-turque per tangentem. Ex virium nempe æqualitate potiebatur æquilibrium.

27. Admirabilis deinde ex eodem curvæ contextu profluit centralium virium proprietas. Ea est, triangulorum areas, quæ centripetæ vis, & centrifugæ opera absolvuntur, servare inter se temporum, quibus peraguntur, proportionem. Id ut demonstretur ignorandum non est, triangula CAB, CBD, & alia \*\*, quæ a globo A circa punctum C per curvam ABD deducto efformantur, esse æqualia. Latera videlicet AB & BE, quæ vim centrifugam designant, & ex temporum æqualitate sunt paria, efficiunt, ut triangula ACB & BCE, quæ altitudinem AC eandem habent, & æquales bases AB & EB, se exæquent omnino. Triangulum vero BCE quantitate non discrepat a triangulo CBD; basim namque BC eandem obtinent, & sub parallelis degunt BF & ED, quarum hæc vim centrifugam exhibet, illa centripetam. Exploratum propterea fit, non differre ullatenus triangula ACB & CBD; quod cuique eadem de causa convenit ad curvam ABD, si producat, attingenti. Ansa inde sumitur ad ostendendam arearum, & temporum, rationem. A puncto nempe C ad perimetrum ABD \*\*\* si ducantur rectæ CD & CF, CB & CE, ut arcus DF & BE infinite parvi sint, & proinde æquales, pares omnino erunt triangulorum arcæ CDF & CBE. In arcus δ minimos censetur segmentum orbitæ AD dividi, qui respondeant δ temporis momentis; instantibus autem 4 con-

Tom. III. Physic.

Y y

sonent

\* Tab. XIV. fig. 6. \*\* Tab. XIV. fig. 9. \*\*\* Tab. XIV. fig. 10.

sonent arcus 4 exigui, in quos distribui dicatur portio  $AB$ . Pronum est areas  $ACD$  &  $ACB$ , in quibus areolæ continentur, inter se esse ut 6 ad 4; quod eodem redit, ac rationem temporum 6 & 4 illas tueri, quibus a globo  $A$  trajiciuntur arcus  $AD$  &  $AB$ . Corpus ideirco, quod unico temporis minuto partem trajectoriæ unicam centralibus ex viribus persolvit, duas peragrat duobus, tribus tres, & ita sane. Arcus non dicimus, sed spatia ab arcubus definita.

28. Celeritas pariter in conspectum venit, qua curvam corpus quodque trajicit ex centralium virium coagmentatione. Planum videlicet sit globi  $A$ , qui per curvam  $ABD$  \* desertur, in variis illius punctis  $B$  &  $D$  esse reciproce ut distantis  $CB$  &  $CD$  a centro virium  $C$  ad tangentem perpendiculares. Assequi facile id poterit, qui ex Geometriæ jussis non nesciet, triangulorum æqualium bases esse reciproce ut altitudines. Trianguli quippe magnitudo cum prodeat ex basi dimidia in altitudinem ducta, æquari duo non poterunt, quin bases, & altitudines, sibi mutuo respondeant ea proportionem. Celeritates vero, quas in punctis  $B$  &  $D$  globus  $A$  obtinet, designantur ab arcubus  $BE$  &  $DF$  per momenta temporum, quibus describuntur, scilicet; ut spatium enim a tempore divilum statuitur esse corporum velocitas. Sed cum tempuscula infinita ob exiguitatem sint æqualia, sit, celeritates in  $B$  ad aliam in  $D$  se habere, ut arcus  $BE$  est ad  $DF$ . Arcus deinde  $BE$  &  $DF$  bases sunt triangulorum  $BCE$  &  $DCF$  inter se prorsus æqualium, adeoque se invicem reciproce spectant, ut triangulorum eorundem altitudines. Hæ autem a rectis  $CB$  &  $CD$  non differunt, quæ a centro  $C$  deducuntur ad tangentes punctorum  $B$  &  $D$ ; triangula namque  $BCE$  &  $DCF$  elementaria sunt, seu infinite parva, ut altitudinem aliam non admittant. Celeritates itaque globi  $A$  in punctis  $B$  &  $D$  reciproce sunt ut distantie  $BC$  &  $DC$ .

29. Æqualem hinc constat, & inæqualem esse celeritatem posse corporis centralibus a viribus promoti. Globus videlicet  $A$  \*\*, qui per circum  $AED$  deportetur, centrumque virium in centro illius  $H$  habeat, parem ubique gerit velocitatem; circuli enim radii, seu distantie a motus centro, quæ celeritatem definiunt, sunt æquales. Quod si virium origo ad punctum aliud, puta  $C$ , extet, discrepant globi  $A$  velocitates; rectarum quippe  $CA$ ,  $CB$ , &  $CD$  ob inæqualitatem lentior in  $A$ , quam in  $B$  est, sed citior, quam in  $D$ ; minoremque omnibus celeritatem in  $E$  refert, majorem in  $F$ . Impares vero globi  $A$  velocitatis continenter sunt \*\*, ubi decurrat per ellipsim  $AGED$ ; quovis enim in loco centrum virium versetur, distantie sunt inæquales. Ductis enim ellipsicos axibus  $AE$  &  $GD$  si virium caput in  $F$  existat, præter  $AF$  &  $FE$ , itemque  $GF$  &  $FD$ , quæ se exæquant, ceteræ lineæ omnes

\* Tab. XIV. fig. 20. \*\* Tab. XIV. fig. 21. \*<sup>a</sup> Tab. XIV. fig. 22.

omnes diffident longitudine. Sique ab F virium exordium in c transferatur, perspecta magis erit celeritatum vicissitudo; rectæ enim CA, CB, CG, & CE perpetuo decurtantur, ut aliis procerior CA sit, brevior CE. Celerissimus idcirco in E globus est, tardissimus in A.

30. Rei tamen summa sita in ipsa est centralium virium supputatione. Investiganda illarum quantitas in corporibus tantum est, quæ deferuntur per circulos; ceteris quippe de curvis, quarum theoria implexa nonnihil est, pauca præcipiuntur inferius. Quo itaque calculo subjiciantur, decernendum statim est, vires corporis A\*, quod per circumulum AGD progreditur, æquales quadrato arcus AG esse diviso per diametrum AD. Id ut ostendatur, observandum est, arcum AG, qui infinite parvus est, accipi merito posse pro linea recta, triangulumque propterea AFG esse rectilineum. Geometrarum docent, angulum AGD, qui in semicirculo excitatur, esse rectum, latiusque AG mediam dici proportionalem inter diametrum AD, illiusque partem AF. Quadratum idcirco arcus AG par est rectangulo ex AD in AF; quod quidem si per AD dividatur, pro quotiente exhibet rectam AF. Ratione igitur non alia lineam AF, quam a vi centripeta non differre diximus, pariet quadratum arcus AG, ubi dispertiatur per diametrum AD. Cumque centripeta vis æquet centrifugam, incidet utraque in quadratum arcus secti per diametrum.

31. Sanciendum itaque primo est, corporis quod motu uniformi per circumulum incedit, vires omnibus in punctis esse æquales. Globi scilicet A\*\*, cujus celeritas, qua per circumulum ADB proficiscitur, sit constans, vis centripeta eadem omnino est in A, D, & B. Ex motu enim non accelerato arcus pari tempore percurritur ipsi AD æqualis; diameter vero AB a semetipso non differt, quavis in parte degat globus A. Quadratum propterea arcus AD per diametrum AB divisum vim AG cum exhibeat, consequitur non augeri illam, nec minui, sed persistere continenter. Non sentias aliter de centrifuga.

32. Vires corporum æqualium, quæ celeritate inæquali per æquales circulos gradiuntur, sunt ut quadrata celeritatum. Æqualibus nimirum in circulis ADB & IEF\*\*\* vires centripetæ AG & IH nuncupentur  $v$  &  $v$ , diametri AB & IE D & d, arcus AD & IE S & s, celeritates vero C & c. Pares quadratis arcuum per diametrum divisus vires cum sint, prodibit  $V : v = \frac{s^2}{D} : \frac{s^2}{d}$ ; ob celeritates vero, a quibus arcus æquantur eodem tempore confecti, erit  $C : c = s : s$ . Suffecto velocitatum valore obtinetur  $v : v = \frac{C^2}{D} : \frac{c^2}{d}$ ; eumque ex circulorum æqualitate diametri D & d evadant 1 & 1, fit  $V : v = C^2 : c^2$ . Cele-

Yy 2

rita-

\* Tab. XIV. fig. 6. \*\* Tab. XIV. fig. 7. \*\*\* Tab. XIV. fig. 7. & 7.

ritates propterea 6 & 3 ubi sint, globi A vires erunt 36, & 19. Hujusmodi enim numeros afferunt quadrata  $c^2$  &  $c'^2$ .

33. Corporum æqualium, quæ per inæquales circulos celeritate æquali cidentur, vires sunt reciproce ut diametri. Vires nempe 1H & 1P<sup>\*</sup> dicantur iterum V & v, arcus 1E & 1M s & s', diametri 1F & 1N D & d, celeritates demum C & c. Ex iis, quæ nuper definivimus, suppetit ratio  $V : v = \frac{C^2}{D} : \frac{c'^2}{d}$ ; & ex æqualitate celeritatum, quæ sunt 1 & 1, in aliam vertitur  $V : v = \frac{1}{D} : \frac{1}{d}$ . Ubi fractio  $\frac{1}{D}$  per a-

liam  $\frac{1}{d}$  dividatur, emerget  $d : D$ ; nova autem in æquatione  $V : v = d : D$  liquet, vires esse reciproce ut diametros circulorum. Ea de causa si numeros 2 & 1 diametri exhibeant, vires, quæ ad globum 1 spectant erunt 1, & quæ ad 1.2. Hoc enim proportio indicat  $V : v = 1 : 2$ .

34. Vires corporum inæqualium, quæ per circulos inæquales inæquali celeritate urgentur, rationem servant compositam ex directâ quadratorum celeritatis, reciproca diametrorum, & directâ massarum: quantitas scilicet quæque ad expeditiorem rei ostensionem litteris designetur, ut vires V & v appellentur, celeritates C & c, diametri D & d, massæ denique M & m. Ex inæqualitate celeritatum proportio  $V : v = C^2 : c'^2$  prodit, & alia  $V : v = d : D$  ex inæqualitate diametrorum; hinc autem unica  $V : v = C^2 d : c'^2 D$  compingitur, in quam ratio coit directâ quadratorum celeritatis, & reciproca diametrorum. Adjicienda his tertia, & directâ, est ex inæqualitate massarum; quo ponderosius enim corpus circumfertur, eo poscitur motus validior. Illa potissimum est  $V : v = M : m$ ; quæ ceteris adjuncta æquationem parit  $v : v = C^2 M d : c'^2 m D$  tribus rationibus confertam. Celeritates propterea duorum corporum si extent 3 & 1, massæ 3 & 2, diametri 2 & 1, proportio suborietur  $V : v = 9.3.1 : 1.2.2^2 = 27 : 4$ . Priori sane vires 27 insunt, & 4 posteriori.

35. A temporum quibus circuli percurruntur, quadratis æquantur cubi distantiarum a centro motus, ubi celeritates reciproce sint ut radices semidiametrorum. In circulis videlicet 1EF & 1MN<sup>\*\*</sup> si velocitates corporum 1 & 1 a radicibus linearum K1 & O1 reciproce non differant, temporum, quibus peripheriæ absolvuntur, quadrata æqualia sunt cubis distantiarum 1K & 1O. Ubi tempora videlicet T & t nuncupentur, celeritates C & c, & semidiametri S & s, obtinebitur  $T : t = \frac{S}{C} : \frac{s}{c}$ ; non discrepant enim tempora a spatiis, seu a peripheriis,

per ce-

\* Tab. XIV. fig. 7. & 8. \*\* Tab. XIV. fig. 7. & 8.

per celeritatem divisio; & peripheriæ rationem sequentis radorum  $s$  &  $s$ . Cum ab hypothefi æquatio  $c: c = \sqrt{s}: \sqrt{s}$  proveniat, prior abit in aliam  $T: t = \frac{s}{\sqrt{s}}: \frac{s}{\sqrt{s}}$ ; sique fractio hæc reapse dividatur fiatque  $s\sqrt{s}: s\sqrt{s}$ , erit  $T: t = s\sqrt{s}: s\sqrt{s}$ . Terminis hisce ad quadratum evectis emergit  $T^2: t^2 = s^2s: s^2s = s^3: s^3$ ; ubi exploratum omnino fit, quadrata temporum paria esse cubis radorum. Si propterea circulatorum  $IEF$  &  $LMN$  diametri, vel semidiametri, inter se sint velut 2 & 1. Quadratum temporis, quo orbem suum corpus 1 complet ad quadratum alterius 2, se habet ut 8 ad 1. Æquatio enim proposita est  $T^2: t^2 = 8: 1$ .

36. Quæ de virium quantitate decreta hæctenus fuere, in circulos spectant, quorum centra a centrīs non distant illarum. Alia tamen de curva sermo ubi sit, vel disputetur de circulo, ejus centrum a virium exordio differat, aliz obtinent præscriptiones. Univerſis linearum generibus consultum ut fiat, statuitur generatim (1), curvæ cujusque vires in ratione composita esse ex directâ radii vectoris, reciproca radii osculi, & triplicata perpendicularis ad tangentem. Comperta quo hæc sint, ad curvam quamlibet  $BAF$  \* tangeas  $DAE$  dueatur, & a virium centro  $C$  radius vector  $CA$ . Radius etiam osculi  $GA$  ad contactus punctum  $A$  derivetur, qui a diametro non discrepat circuli tangentis curvam  $BAF$ ; & a puncto  $C$  perpendicularis  $CH$  excitetur ad tangentem  $DAE$ . Radio demum vectori  $CA$ , & osculi radio  $GA$ , rectæ  $CL$  &  $GK$  infinite accedant, ut arcus  $AO$ , qui illis interjacet, ob infinitam parvitatem haberi tuto valeat pro linea recta. Ex his plane sequitur, centripetam vim, vel centrifugam, in circuli osculantis centrum  $G$  agentem, esse  $KO$ , &  $LO$  esse, quæ nititur in centrum virium  $C$ . Cum radius osculi  $GA$  ex curvarum legibus perpendicularis tangenti  $DAE$  sit, rectus est angulus  $KAG$ ; angulusque propterea  $LKO$ , qui angulos æquat  $KAG$  &  $AGK$ , seu duntaxat ipsum  $KAG$ , infinitam ob exiguitatem anguli  $AGK$ , rectus est, & æqualis angulo  $ANC$ . Angulus deinde  $HAC$  ex eadem triangulorum indole angulis  $ALC$  &  $ACL$  par est, seu unico tantum  $ALC$ , infinitam ob tenuitatem anguli  $ACL$ ; ab æqualitate idcirco angulorum reliquorum  $HCA$  &  $KOL$  dimanat proportio  $KO: LO = HC: AC$ . Definitum fuit (2), vim versus osculi centrum  $G$  contendentem æqualem esse quadrato celeritatis per diametrum diviso, ipsamque celeritatem reciproce se habere (3), veluti centri virium  $C$  distantiam  $HC$  tangenti perpendicularem, seu ut  $\frac{t}{HC}$ , Ubi vis propterea  $KO$  ex celeritatis valore nuncupetur,

erit

\* Tab. XV. fig. 1. (1) Vid. Wolf. elem. mechan. num. 657.

(2) Num. 32. (3) Num. 28.

crit  $\frac{1}{HC^2 \cdot AG}$ , & æquatio KO : LO = HC : AC vertetur in aliam

$\frac{1}{HC^2 \cdot AG}$  : LO = HC : AC, seu HC : AC =  $\frac{1}{HC^2 \cdot AG}$  : LO. Multiplicatione itaque inita, & divisione, vis LO qua corpus A in virium centrum C tendit, est  $\frac{AC}{HC^2 \cdot AG}$ ; quod eodem redit, ac illius rationem ex directâ radii vectoris AC constari, triplicata reciproca perpendicularis HC, & reciproca radii osculi AG. Demonstratio paullo prolixior est, sed Geometriæ fines non excurrit, & virium theoriæ est per necessaria.

37. Quantitatis nuper inventæ præsidio vires curvæ cujusqueprehenduntur, quovis in puncto extet centrum illarum. Pauca summatim memorabimus de *circulo*, & de *ellipsi*; centrorum enim, quæ ad curvas alias pertinent, positio inutilis. ferme est physicæ adolescentium institutioni. Quo innotescat, vim esse quam decrevimus  $\frac{AC}{HC^2 \cdot AG}$  in circulo DAF \* centrum virium. reperiatur ad illius. centrum H. Sancitum fuit (1), vim corporis. per circulum delati esse ut quadratum arcus a diametro divisi; cumque ob motus uniformitatem sint arcus æquales, vis unitatem per diametrum sectam æquabit, & crit  $\frac{1}{EF}$ . In formula

autem \*\*  $\frac{AC}{HC^2 \cdot AG}$  perpendicularis HC disperit, ut fiat nihil, seu 0; in circulo enim confunditur illa eum radio osculi AG, ut supersit tantum  $\frac{AC}{AG}$ . Evadit etiam, nihil seu 0, recta AC, propterea quod in radium osculi ex circuli natura incidat etiam radius vector; quo efficitur, ut sub calculi exitum reliqua duntaxat sit quantitas  $\frac{1}{AG}$ . Hæc sane consonat alteri, quam superius invenimus (2); ratumque propterea sit, vim, ejus centrum a circuli centro non distaret, esse reciproce, ut diametrum. Verum a centro H in punctum circuli aliud, puta C, virium. caput si transferatur, affirmant, vim. in ratione esse composita ex reciproca duplicata radii vectoris, & triplicata reciproca chordæ, quæ a circumferentia per centrum virium transit, & pervenit ad curvam. Canonem. sane hunc ex variis linearum valoribus conjiciunt, quos versant, & conferunt in cā rationum complexione; modum tamen præcæmittimus, quia alteri, quo usi ad hypothesim primam fuimus, non est multum absumilis. Quod si a puncto intra circulum concluso deportetur centrum virium ad peripheriam in C, alia crit præceptio; docent quippe, vim. in ratione

\* Tab. XIV. fig. 11. \*\* Tab. XV. fig. 1. (1) Num. 30. (2) Num. 33.

tione reciproca esse quintuplicata radii vectoris. Nec immorandum diutius esse ducimus in theorematibus ostensione; compertum namque est prodire illud ex earumdem diversimode applicatarum, & affertium aliud pretium, linearum supputatione. Qui sibi subijci calculum utrumque velit, se conferat ad Wolfium (1).

38. Curva altera, ejus explorandæ vires centrales sunt, est ellipsis. Ubi in illius centro centrum virium existat, momentum aliud evincitur, quam dum reperitur in foco. Legem utramque, ut curvarum ceterarum omnium, comperere viri eximii algebraicis ex æquationibus Newtoni (2), & Varignonii (3); Wolfius enim licet ad circulum usus Geometria fuerit, in ellipsi tamen advocavit Analysin. A nobis nunquam obtinebimus, proponi illas juvenum meditationi; prolixiorum namque linearum, quæ obcuræ minus sunt, enarrationem ut præterivimus, ita abstinemus æquius incomperitis a caracteribus, notisque inexploratis Algebraistarum. Contenti proinde erimus ipsis tantum asseritis, quæ retexit indulgentia peritiorum; præsertim cum analytica opificia eandem penitus virium summam exhibeant, quam evimus a Geometria. Præcipiunt itaque corporis A \* in ellipsi AGED, quæ virium centrum in centro F deferat, progredientis vires esse directe ut radii vectorem, seu illius a puncto F distantiam AF vel GF. Verum si motus centrum in foco C ellipsi existat, vires, ajunt, corporis per illam deducti esse inverse ut quadrata distantiarum AC, BC, GC, a foco C. Qui paratiorem de his scriptorem postulet, consulat Turrium (4).

39. Inquiri demum in ipsam assolet, cui vires centrales vacant, curvarum efformationem. Disputant videlicet, an constitui regula universæ possit ad intelligendum, quod curvarum genus ex earum coitu speciatim prodeat, & qua ratione. Curvis aliis, quæ minoris momenti sunt, prætermittis decernitur, ex viribus, quæ inverse sint ut quadratum distantia a centro motus, describi conicas sectiones. In legis hujusce demonstrationem annisi subtiliter, & analytice fuere Hermannus (5), Bernoullius (6), Gregoryus (7), Newtonus (8), & Wolfius (9). Quin formulæ satis impeditæ, & nimium vagæ, huc inferantur, conjiciendi in relationem oculi sunt, quæ inter centram vim reperitur, & projectilem. Extra dubitationem quidem est, sectionem conicam generari, si vis inverse sit in ratione duplicata distantiarum; ex varia tamen centralis impetus, & projectionis coalitione corpus A \*\* ellipsim potius delineat, circulum, parabolam, vel hyperbolam. Ubi scilicet ea projectatur celeritate, quam vis centralis gigneret, si caderet illud per lineam distant-

\* Tab. XIV. fig. 12. \*\* Tab. XIV. fig. 12. (1) Elem. mechan. num. 658. & 659. (2) Princip. lib. 1. sect. 2. propof. 6. (3) Mon. acad. reg. Par. ann. 1701. 1702. (4) Scient. natur. vol. 1. cap. 21. (5) Phoronom. lib. 1. (6) Mon. acad. reg. Par. ann. 1710. (7) Astron. lib. 1. prop. 6. (8) Princip. lib. 1. propof. 13. (9) Elem. mechan. num. 670.

distantia  $A C$  dimidia minorem, percurrit ellipſim, cujus in foco  $C$  a puncto  $A$  remotiore extat centrum virium. Circulum perlustrat, cujus centrum a centro virium non difcrepat, ſi projectionis celeritas celeritati virium æqualis ſit, qua deſcenderet per diſtantiā dimidiam. Velocitas projectus quum major alia eſt, ſed minor ea, qua per totam diſtantiā  $A C$  delaberetur, conficit ellipſim, cujus focus puncto  $A$  propior eſt centrum virium. Parabolam abſolvit, dum celeritas, qua jacitur, vim centralem æquet diſtantiæ integræ, per quam rueret, reſpondentem. Jeſtus demum ex celeritate, quæ velocitate ad diſtantiā totam trajiendam neceſſaria major ſit, atexit hyperbolam. Horum cauſam noſcere qui exoptet, adeat Scarellium (1).

## PARAGR. V.

*Explicatur motus pendulorum.*

40. TERTIA motus compositio eſt *pendulorum*. Potuiſſet illa ad centrales vires haud ægre revocari; penduli enim a puncto ſuſpenſio centripetam vim designat, & ponderis gravitas centrifugam. Verum cum pondus tametiſ circulum deſcribat, non enitatur a centro motus per tangentem recedere, ſed contendat in perpendicularē, hinc ad caput aliud redigitur. *Pendulum* itaque virga teres & ſubtilis eſt  $AB^*$ , cujus in extrema parte pondus  $A$  apponitur figura plerumque prædium lenticulari. *Longitudo* penduli diſtantiā ponderis eſt a puncto ſuſpenſionis; cumque hoc  $B$  ſit, erit illa  $BC$  vel  $BG$ . Penduli linea *perpendicularis* eſt recta  $AB$ , a puncto  $B$  a quo ſuſpēditur, ducta, & normalis horizonti  $DF$ . *Oſcillatio* penduli eſt arcus  $GC$  a pondere  $A$ , dum a perpendiculari recedit, utrinque deſcriptus; ſemioſcillatio vero eſt  $AC$ , arcus nempe dimidius. Pendulum denique duplex eſt, *ſimplex* nimirum, & *compoſitum*; pondus unicum ſimplici ineſt, plura vero pendent a composito. Hujus exemplum habes in  $BACD^{**}$ .

41. Tres potiſſimum ſunt penduli ſimplicis proprietates. Prima eſt, in medio non obſiſtente ad eandem, a qua deſcendit, adſcendere illud altitudinem. Pendulum videlicet  $A^{***}$ , quod dum arcum  $GA$  percurrit, delabitur a recta  $GF$ , per arcum  $AC$  in  $C$  ſc confert ad altitudinem  $CD$  alteri  $GF$  prorfus æqualem. Pondus ſane  $A$ , dum per  $GA$  fertur, in punctis  $M$ ,  $N$ , &  $A$  velocitatem nanciſcitur, quam acquireret, ſi caderet per lineas  $CH$ ,  $GL$ , &  $GF$ . Gravitatis autem ex præſcriptionibus ſpatium, quod motu accelerato tranſigitur, abſolvitur idem retardato, ubi velocitas perfeveret eadem omnino. Celeritatem propterea, quam  
ex caſu

---

\* Tab. XV. fig. 2. \*\* Tab. XV. fig. 5. \*\*\* Tab. XV. fig. 2.

(1) Phyſ. gener. vol. 2. num. 521.



ex casu corpus obrinuit, cum non amittat in A, viam suam persequitur, atque hinc per A C ad parem altitudinem C D. Verum si medium resistat, abhibenda est alia præceptio; velocitas enim, quam adeptum in A sibi fuerat, minuitur sensim, dum affurgit, ex alterius corporis occurru. In aere propterea ad altitudinem contendit priori nonnihil minorem.

42. Eruntur hinc quatuor consecutiones. *Prima* est, in loco penitus vacuo motum penduli esse perpetuum. Arcus enim GA & AC, qui utrinque peraguntur\*, feruntur æqualem ad altitudinem; eadem propterea celeritas jugiter perstat, quæ originem facit motui perenni. *Secunda* est, in medio, quod resistit, extenuari oscillationes, ut demum intereant. Adscensus quippe celeritas ex corporis pugna minor evadit alia descensus; dilabente autem velocitate motus infirmatur, & intercidit omnino. *Tertia* est, in fluido, quod renititur, motum lentius immitti, quo majus est penduli pondus. Adaugeta namque gravitate amplificatur celeritas illius; æquius propterea vincitur corporis oppositio, ne imperum elidat. *Quarta* demum est, vim oscillandi corpore oblustante citius restringi ex austiore penduli longitudine. Quo longius enim pendulum est, arcus explet productiores; potiorum idcirco resistentiam offendit, a qua provenit motus exitium. Vera hæc sunt, ubi aliud non possant ceteræ penduli determinationes.

43. Secunda pendulorum affectio est, oscillationes eorum inæquales, si exiguae sint, esse *isochronas*. Tempora videlicet, quibus a pendulo AB\*\* arcus NC & MD parvi describuntur, sunt prorsus æqualia. Duobus enim in pendulis æqualibus, quæ oscillationes 1382 simul peragebant, observavit Mairanus diferimen tantum unius (1); illorum vero alterum per arcum minimum ferebatur, alterum vero per arcum 3 graduum. Quod consonum experimentis erat, confirmabant ratione; Keillius (2) namque, & Parentius (3), cum arcuum isochronismum derivarunt e natura chordarum. Comperere videlicet, arcus NC & MD, cum breves omnino sint, non differre multum a chordis LE & GF; hæc autem, ut de plano inclinato decernere non præteribimus, a gravi corpore perlustrantur tempore eodem. Ea tamen probatio, ut nonnullis aliis, displicuit etiam Bernoullio (4); arcus enim, qui cum chordis confunduntur, inclinantur aliter ad horizontem. Subtiliores idcirco disputationes qui averfantur, alia utuntur demonstratione; æquiduturnas namque esse oscillationes, ajunt, quod minimis in arcibus conveniat *circulus* cum *cycloide*. Compertissimum scilicet est, curvæ hujusce arcus, cujusque longitudinis sint, eandem obtinere penitus durationem; cumque ob calculi asperitatem res fusius non explanetur, con-

Tom. III. Physicæ.

Z z

fugien-

\* Tab. XV. fig. 2. \*\* Tab. XV. fig. 3. (1) Mon. acad. reg. Par. ann. 1735.

(2) Lect. 15. theore. 41. (3) Diar. Gallic. ann. 1701. (4) Ap. act. Lipsienf. ann. 1714.

fugiendum erit ad Wolfium (1). Cycloidem primus admisit Hugenius (2), ut illius prædicio designaret in horologio minuta temporis secunda. Machinæ nimirum illius pendulum tum ex minus accurato rotarum artificio, cum ex alteratione ab aeris inclementia illis indurta, oscillabat inæqualiter; arcuum vero cycloidalium, qui sive magni sint, sive parvi, æque absolvuntur, opera prospiciebatur incommodo. Inventum tamen vix profuit ob rei ad exitum perducendæ difficultatem. Laminæ quippe, inter quas pendulum oscillaret, redigi nonnisi ægre valebant ad curvam cycloidalem; nec penduli virga esse adeo tenuis poterat, ut exquisitè se accommodaret illarum superficiei (3). Id fuit in causa, ut ad minuta temporis secunda determinanda pendulis uti Artifices pergerent oscillantibus circulariter. Arcus enim circuli, si exigui, ut dicebatur, sint, idem præstant omnino.

44. Ea ex lege duæ profluunt consecutiones. *Prima* est, oscillationes esse æquiores, quo minores arcus sunt a pendulo descripti. Pro arcuum scilicet magnitudine plus accedit circulus cycloidi; motuum proinde consonantia evidentius prodit, a qua sumitur æqualitas durationum. *Secunda* est, perfectius oscillationes convenire, quo penduli virga est productior. Illius sane longitudo dum augetur, planior arcus fit, & affinium cycloidi; ea autem a cognatione tutior progreditur, & certior temporum conformitas. Verum lacerari quis poterit, qua donandum proceritate pendulum sit, ut isochronarum oscillationum ope minuta exhibeat temporis secunda. Quo pendulum ad rem illam consentaneum Mairanus sibi conficeret (4), impertiendum Parisiis deprehendit esse longitudine pedum 3, & linearum 8 cum  $\frac{17}{30}$ . Prætereundum tamen non est, decurari pendulum, vel protendi, ad varias anni tempestates; hyeme quippe ex frigore contrahitur, ut ex calore profertur æstate. Rationem Grahamus excogitavit (5), qua consuleret aeris vicissitudini; globum enim penduli, quem cavum effecerat, complevit ferme totum hydrargyro. Calor scilicet, quo virga penduli protrahitur, expandit etiam mercurium; in hoc propterea gravitatis centrum cum adscendat, evadit pendulum brevius; frigoris vero a particulis constringitur, & densatur hydrargyrum; demittitur idcirco centrum gravitatis, ut fiat, necesse sit, pendulum longius. Certam eo pacto dimensionem pendulum servat, quæ ad indicandum poscitur tempus definitum; quantum enim a calore, vel a frigore, eripitur longitudini virgæ, vel tribuitur, tantum ei redditur, vel aufertur, a centri diductione. Ceterum pendula ad vitium aeris emendandum aliter construxere (6) Le Roi, & Ellicotius.

45. Ter-

(1) Elem. mechan. cap. 8. (2) De horolog. oscillator. (3) Vid. Wolf. elem. mechan. num. 604. (4) Mon. acc. reg. Par. ann. 1735. (5) Transact. philos. num. 392. (6) Vid. Nollet lect. 14. sect. 3. exper. 2.

45. Tertia pendulorum proprietas est, tempora, quibus oscillationes similes conficiunt, esse ut radices longitudinum. A pendulis nimirum AB, & EH \*, si arcus AD & EG similes percurrantur, tempus, quo prior absolvitur, est ad tempus alterius ut  $\sqrt{BC}$  ad  $\sqrt{HF}$ . Ex gravitatis enim præscriptione temporum quadrata, quibus ab utroque pondere C & F semioscillationes peraguntur, rationem servant spatiorum AC & EF. Verum arcus AC & EF, quos similes, seu proportionales, esse volumus, ex perspectis Geometriæ sanctionibus se habent ut radii BC & HF, seu ut longitudines. Consequitur inde, arcus AD & EG integros, qui dupli sunt aliorum AC & EF, temporibus iis transigi, quorum quadrata proportionem tuentur rectorum BC & HF. Itaque tempora ipsa sunt ut longitudinum radices  $\sqrt{BC}$  &  $\sqrt{HF}$ .

46. Enascitur hinc unica conclusio. Ea est, longioris oscillationes tardiores aliis esse penduli brevioris. Quo pendulum videlicet est productius, eo major est arcus, seu circuli pars alteri proportionem respondens; cumque tempora pro longitudinum, seu arcuum, radicibus augentur, postulat tempus diuturnius. Quo exploratum omnino fit, a longitudine pendulorum profluere præsertim discrimina oscillationum; tametsi illis nonnihil gravitas conferat, & forma ponderum adjectorum. Hæc sane non officerent in loco aeris omnis experte; celeritas quippe esset ut massa, a qua oscillationes omnes æque procederent. Aeris tamen resistentia adaugetur, vel minuitur, ex pondere corporum, aut figura, ut mederi inæqualitati temporum non possit sola æqualitas longitudinum. Observationes scilicet admonent, pendulorum longitudine eadem utentium gravius, & lenticulare, oscillare citius spherico, & leviori.

47. Post pendula simplicia afferendum quidpiam esset de affectionibus compositorum. Affirmavimus scilicet ea esse, quorum virgæ adhærescunt pondera complura; pendulumque idcirco BD \*\*, cui globi A, C, & D insunt, est compositum. Ubi simplicium leges velint huic accommodari, inveniendum punctum est, in quo si pondera omnia colligerentur, oscillationes ederet synchronas composito. Centrum nempe gravitatis, de quo disputabimus alibi, inter pondera A & C reperitur, deinde vero inter C & D (1), ad illa demum, quæ E & F sunt, quærat aliud gravitatis centrum. A puncto suspensionis B distet tantum illud, necesse est, quantum in pendulo simplici removeretur summa ponderum eadem onusto, æqualesque tempore proinde expleat oscillationes. Nuncupari propterea assolet *centrum oscillationis*.

\* Tab. XV. fig. 4. & 4. \*\* Tab. XV. fig. 5.  
(1) Vid. Wolf. elem. mech. cap. 9. & 10.

## CAPUT V.

*De virium æstimatione.*

1. PRÆMITTI disquisitio hæc elucubrationibus affolet, quas hætenus exposuimus. Satius tamen fuisse ducimus in locum hunc illam conjicere; a nonnullis enim pendet affectionibus motuum, quas oportebat prius evoluisse. Sine accelerationum videlicet, collisionum, & compositionum examine nihil proponi juventuti poterat, quod summo opere conferret ad virium indolem evincendam. Rem itaque gravissimam, quæ orbem fere universum distinxit, absolvimus partibus tribus. Harum prima animadversiones affert; ostendit secunda, vires esse ut producta massarum in celeritates; tertia rationes evertit Leibnitianorum.

## PARAGR. I.

*Aliquæ proponuntur animadversiones.*

2. PRINCIPIUM quoddam *vis* est, cujus gratia a corpore gignitur quidpiam. Duplex ea est, *motus* videlicet, & *viva*; quam *mortuam* nuncupant, motu omni caret; illum vero secum affert *vis viva*. Utriusque exemplum a sphaera capiunt plumbea, & plano cuipiam insistente; eo namque sublato motum, quo destituebatur, nanciscitur, ruitque deorsum. In sphaera alia etiam inveniunt, quæ filo suspendantur a lacunari; eo namque resecto a quiete ad motum tranfit, & delabatur omnino. Ei scilicet, quam sustinet planum, vel filum distinet, inest *vis mortua*; *viva* autem accedit, dum amoto plano, vel filo de ciso, festinat in centrum telluris. Ad vivam tamen pertinet etiam motus horizontalis.

3. Cum ob effectum conferatur, nequit ullatenus *vis* illo destitui. Res vero, quæ a viribus procreantur, spectant ad tria genera; aliæ enim puræ *pressiones* sunt, *spatia* confecta aliæ, & aliæ sunt vicinæ *resistentiæ*. *Vis mortua* corpori ubi adfit, exeritur tantum *pressio*; pro illius enim quantitate superficies plana validius oneratur, vel debilius. Corpus deinde *vi viva* si polleat, & aliud obvium non habeat, conficit spatium; a motu quippe tempore definito per illud deducitur pro ratione celeritatis. Prædicto demum *vi viva* corpori si aliud occurrat, superatur *resistentia*; pro massæ namque discrimine promptius, vel lentius, adigitur, quod quiescit, in motum. Quovis propterea pacto corpori *vis* insideat, conandum est illi quidpiam.

4. Effectus sane omnis eam penitus æquat, a qua egreditur, causam. Extrare nimirum in se effecta nihil potest, quod deficiat illius principio;

pio; duplum enim respondeat duplæ necesse est, triplæ triplum, & ita porro. Effectus scilicet ubi quidpiam inesset, quod causis deesset, existerent multa sine initio, & quæ impossibilia penitus essent, evaderent possibilia. Statuendum tamen est, parem actioni, a qua editur, rem genitam potius esse, quam principio; non pugnat enim effectus, cujus exordium sit latius, alioque proferre valeat aliorum generum fetus. Causa nimirum quæque fortius promiscue agit, vel infirmius; & qui præstantem solis virtutem non ignoraverit, non coerceri illum, intelliget, unicam ad concretionem. Turpiter peccaret propterea, qui ab effectibus æstimaret amplitudinem principiorum. Consultus itaque est eorum quemque esse æqualem tantum actioni.

5. In effectuum tamen supputatione prætereunda non est temporis ratio. Quo vis nimirum diutius agit, eo auctior est res effecta; homo enim, qui hora unica unicum milliare percurrat, duo conficit duabus. Ea potissimum de causa excavare guttula perexigua valet marmor solidius; vis quippe infirma licet sit, perstat tamen tempore non exiguo. In loco etiam penitus vacuo peragrari ex motu minimo, ajunt, posse spatium infinitum; vis namque parva etsi esset, sibi vindicaret momenta temporis infinita. Quo vires propterea calculo rite subjiciantur, sciendum erit, effectum, qui ab illis progreditur, æqualem esse producto virium in tempus. A viribus scilicet æquantur effectus per tempora divisi.

6. Proponenda denique est celebris controversia. Disputatum scilicet præstantioribus a Philosophis fuit, dubitaturque etiamnum, an pares vires corporum sint rectangulo massæ in celeritatem. De vi mortua sermo ubi sit, consentiunt omnes, eo pacto definiri; ad vivam tamen vim utuntur non pauci producto massæ in quadratum celeritatis. Adversus Cartesium, qui velocitatem ipsam, non quadratum, induxerat, primus signum extulit Leibnicius (1), quem secuti tres fuere Joannes, Nicolaus, & Daniel Bernoullii (2), Hermannus (3), Bulfingerus (4), Wolfius (5), Polenus (6), Chastelletia (7), Zendrinus (8), Riccatus (9), & alii. Pro Cartesio autem dimicarunt Papinus (10), Pembertonus (11), Grandius (12), Clarkius (13), Mairanus (14), Martinus (15), Zannottius (16), & alii. Verum post ea virorum adeo illustrium dissidia puramus, reprehensionem omnem evadere, si nova abjecta veterem amplexemur virium mensuram. Cui nostra non placeant, via patet ad Leibnitium.

PA.

(1) Vid. æst. Lips. ann. 1686. (2) Vid. æst. Lips. ann. 1735. & de mot. corpor. ex percuss. & exam. princ. mechan. (3) Phoron. & de mens. virium. (4) De vir. corp. infinis. (5) Princip. dynam. (6) De castellis aquar. (7) Instit. phys. cap. ult. (8) De leg. aquar. curren. (9) Dial. de vir. vivis. (10) De causis gravitat. (11) Epist. ad Meadium. (12) Mechan. ann. 1739. (13) Collect. script. varior. vol. 1. (14) De æstim. vir. motric. (15) De virib. corpor. (16) De vi corpor. viva.

## PARAGR. II.

*Ostenditur vires ut productum esse massæ in celeritatem.*

7. VIRES quadrato celeritatis non respondent, sed ipsi celeritati.

RAT. I. Vivarum virium effectus est motus. Necesse propterea est, æqualis sit illis, ne proportio evertatur inter causam & effectum constituta. Motus quidem omnis a rectangulo non differt, quod a massa oritur ducta in celeritatem; quo major enim velocitas est, eo augetur spatium certo tempore peragratum. A corpore videlicet celeritatem duplam, vel triplam, affectu iter absolvitur triplum, vel duplum, alterius, cui massa æqualis inest, & simplex velocitas. Igitur ne actioni effectus præter, vires productum æquant massæ in celeritatem.

8. RAT. II. A viribus, quæ ut quadrata celeritatum sint, diruuntur leges corporum non elasticorum. Corpora videlicet inertia A & B. quæ massas 2 & 1 gerunt, & celeritatibus 1 & 2 congregiuntur ex adverso, dynamicas juxta præceptiones vim amittunt, & quiescunt omnino. A quadrato tamen velocitatum si derivanda mensura virium esset, servaretur post collisionem in corpore B pars impetus aliqua, cujus gratia non cessaret a motu. Quadrata videlicet celeritatum 1 & 2 sunt 1 & 4; hæc autem si in massas 2 & 1 ferantur, corpori A vires 2 tribuunt, & 4 alteri B. Elilis vero ex motuum oppositione hinc inde momenti 2 & 2 superesset in corpore B vis 2, qua persequeretur viam suam. Id tamen non obvenit, ubi repetantur vires a celeritate; ex velocitatibus enim 1 & 2 massisque 2 & 1, producta emergunt 2 & 2, quæ æqualia cum sint, se perimunt sine cunctatione. Igitur accersenda virium quantitas est a celeritate.

9. RAT. III. In motus communicatione augeri celeritas, qua se corpora petunt, nequit post impactum. Corporum tamen se compellentium velocitas absque causa succresceret, si rationem vires sequerentur quadrati celeritatis. A corpore nimirum A aliud B æquale, & quietum, percutiatur celeritate 8; hujus vero quadratum 64 in massam 1 ducatur, ut vis prodeat 64. Ex perspectis Dynamicæ præscriptionibus momenti illius dimidium, nempe 32, conferendum corpori B est, ut quod superest, nimirum 32, degat adhuc in A. Ex viribus 32 & 32, quæ per massas unitatibus æquales divisæ non differunt a quadratis, si radix educatur, obtinebitur velocitas, qua corpus utrumque progreditur post incursum ad eandem partem; eaque sit  $\sqrt{32}$  &  $\sqrt{32}$ . Ubi simpliciolem ad formam radices illæ revocentur, numeros exhibebunt præter propter  $5\frac{1}{2}$  &  $5\frac{1}{2}$ ; horum vero summa  $5\frac{1}{2} + 5\frac{1}{2} = 11$ ,

duo

dum celeritatem superflitam significat, major velocitate 8 est, quæ præbat collisioni. Verum res aliter cedit, ubi deriventur vires a celeritate; quantitas enim illarum 8 congressioni prævia distribuitur æque inter corpora A & B, ut illis subinde insint momenta 4 & 4. Hæc autem si per massas 1 & 1 dividantur, celeritates pariant 4 & 4 = 8, quæ velocitatem æquant in corpore A, antequam aliud urgeret, extantem. Igitur virium mensura est celeritas.

10. RAT. IV. Quo supputandæ pactò vires sint, docet motus acceleratus. Ex altitudine nimirum A C \* decidat corpus A, & eruenda virium quantitas sit in punctis B & C illi acquisita. Spatium, quod unico temporis momento ab eo percurritur, sit AB, & AC sit, quod duplici; eaque proinde inter se erunt ut AB & AC. Tempora, quibus spatia AB & AC conficiuntur, non discrepant ex legibus gravitatis a radicibus illorum; sique indicari proportio brevius velit, sunt ut  $\sqrt{AB}$  &  $\sqrt{AC}$ . Decretum superius fuit (1), pares vires esse spatiis per tempora divis; inter illas propterea, quæ punctis B & C respondent, invenitur ratio quantitatum  $\frac{AB}{\sqrt{AB}}$  &  $\frac{AC}{\sqrt{AC}}$ . Ubi fractiones hæc ad compendium redigantur, erunt  $\sqrt{AB}$  &  $\sqrt{AC}$ ; quo fit, ut si vires v & v nuncupentur, æquatio suboritur  $v : v = \sqrt{AB} : \sqrt{AC}$ . Arduum non est hinc inferre, vires ad puncta B & C pertinentes esse æquales celeritatibus; a notis quippe  $\sqrt{AB}$  &  $\sqrt{AC}$  velocitates exhibentur, quæ ex accelerationis jussu sunt ut radices spatiorum. Igitur virium calculus regitur a celeritate.

11. RAT. V. Retardato ex motu liquet, eandem esse virium, ac celeritatum, proportionem. Corpus videlicet quod velocitate 3 \*\* sursum per HA projiciatur, virium decrementsa experitur jacturis celeritatum proportionalia. Primo quidem temporis momento HF sancitum fuit triangula 5 HFOR ab eo confici, secundo FD 3 FDEO, & tertio DA 1 DAE, ut amissa in A vi omni conquiesceret, nisi deprimeretur a gravitate. Motu tamen uniformi si corpus adscenderet, triangula 6 primo describeret, deinde 4, & demum 2; rectangula enim absolveret HF in HR, FD in FO, DA in DE, quæ temporum unitati æqualium numerum expriment, & celeritatum 3, 2, & 1. Discrimina porro triangulorum, a quibusvis sumitur, seu spatiorum 6—5, 4—3, & 2—1 sunt continenter 1; quemadmodum 1 celeritatum differentia est, quæ instantibus singulis intereunt ex motus retardatione. Exploratum proinde fit, eo ordine vires abjici, quo minuitur quantitas velocitatum, ut sub motus finem momenta illarum 3 desperierint, sicuti absumpti 3 fuere gradus celeritatis; æqualesque idcirco extabant velocitatum summæ, & virium. Igitur a celeritatis quadrato ducenda non est, sed a celeritate, virium æstimatio.

P A.

\* Tab. XV. fig. 6. \*\* Tab. XI. fig. 3. (1) Num. 5.

## PARAGR. III.

*Propulsantur rationes Leibnitianorum.*

12. Quo celeritatum quadrata ad vires dimetiendas inducant, detorqueant Leibnitiani plura experimenta.

ARG. 1. Eam ad altitudinem, a qua delapsa fuere, redire valent corpora elastica. Sphæræ nimirum A & B<sup>a</sup>, quarum massæ sint 4 & 1, per lineas descendant GA & CB pedum 1 & 4. Ratum omnino est, eas, postquam planum attigerint, celeritatem in casu partam retinere, & regei ex elasticitate posse ad puncta eadem G & C motu retardato. Ad illud autem vires obtineant, necesse est, prorsus æquales; spacia namque AG & BC, nempe 1 & 4, rationem massis 4 & 1 reciprocā cum offerant, pervadi nullatenus queunt imperu inæquali. Vi-res scilicet, quæ a rectangulis non differunt massarum, atque spatio-rum, debent esse pares, hoc est 4 & 4; quod assequi minime pos-sunt, nisi a massis deriventur, & a quadratis celeritatum. Velocitas nimirum corporis A est  $\sqrt{AG}$ , seu  $\sqrt{1} = 1$ , & alterius B velocitas est  $\sqrt{BC}$ , seu  $\sqrt{4} = 2$ ; ubi vero numeri 1 & 2 in massas 4 & 1 ducantur, prodibunt momenta virium 4 & 2 penitus inæqualia. Quod si celeritates 1 & 2 ad quadratum evehantur, videlicet 1 & 4, præte-reaque in massas 4 & 1 ferantur, sphæris A & B vires inerunt 4 & 4, funditus æquales. Igitur petenda virium supputatio est a quadrato ce-leritatum.

13. RESP. Eam potissimum ob causam persuasum Leibnitio fuisse, ut deficeret a Cartesio (1). Sed conciliandus cum veritate honor, quem viris summis hætenus detulimus, ubi sit, affirmetur necesse est, factum Leibnitio fucum fuisse a tempore. Omnem citra dubitationem est, non posse globos A & B ad eas, unde deciderunt, altitudines ef-ferri sine virium æqualitate; harum enim effectus, qui massis 4 & 1, spatiisque 1 & 4 respondent, sunt 4 & 4. Hæc tamen consonantia a quadratis 1 & 4 celeritatum 1 & 2 non progreditur, sed a tempo-rum inæqualitate; planum quippe est, unico temporis momento ad punctum G sphæram A conscendere, & B ad C duplici. Ne obscuri-tate res obducatur, redigenda ea sphærarum elatio est ad motum uni-formem; ubi nempe velocitatem, quam cadendo sibi compararunt, servarent, nec sensim amitterent, resiliendo persolverent spatium du-plum. Corpus sane A, cujus celeritas est 1, instanti unico lineam AG duplam peragraret, seu pedes 2; pedes vero 4 aliud B, cujus veloci-tas est 2, tempore eodem collustraret, totam videlicet BC. Verum  
a gra-

\* Tab. XV. fig. 7. & 7. (1) Vid. aët. Lipf. ann. 1686.



a gravitate vis corporis A cum continenter decurritur, absimitur post pedis 1 iter celeritas 1, nihilque superest, cujus gratia motus perfecteret momento temporis insequente. Corpus autem B, quod constanti ex impetu pedes 4 transigeret, ob celeritatis 1 jacturam trajicit tantum 3, nempe BF, FK, & ED; retinetque gradum ex duobus velocitatis alium, quo tempusculo secundo, si motus uniformis esset, pedes 2 decurreret, hoc est duplam DC. Ob motus tamen retardationem pedem 1 absolvit, ut celeritate deposita quiescat omnino; sique pedes 3 ad tempus primum pertinentes alteri 1 adjungantur spectanti ad secundum, obtinebitur summa 4 spatii totius. Apertum idcirco fit, tribuendum spatium 4 quadrato 4 celeritatis in massam 1 ducto non esse, sed tempori duplo; vires enim futuræ non fuissent 4, nec pares aliis corporis A, exeri si debuissent unico instanti. Scilicet evolvente momento unico ubi fuissent, celeritatibus 1 & 2 extitissent proportionales; a corpore quippe A diximus pedes 2 uniformiter percurrendos fuisse, & 4 a B; quæ spatiorum ratio est eadem, ac celeritatum. Retardatio vero naturam virium non immutat, nec aliam præstituit illis mensuram; temporum tantum inæqualitatem postulat, quibus earum portiones adimat interitui celeritatum consentaneas. Igitur virium modus in ipsa reperitur velocitate.

14. ARG. 11. Corpori, quod ex gravitate cadit, confertur perpetuo pars virium æqualis. Gravitas videlicet, cujus causa corpus delabitur, comparari elastri P\* potest, quod firmo RS fulcro adhæret, & dum laxatur, in motum conjicit sphaeram A. Primo temporis momento AB vires suppeditat, quæ significantur a rectangulo ABCK; corpus vero A in B deductum ciceretur motu uniformi, si novam non acciperet motus portionem. Elastri tamen P augetur celeritas, qua sphaeram incedentem assequitur, tribuitque illi vim alteri non ab similem; fit propterea, ut secundo temporis puncto BC momentum ea obtineat designatum a rectangulo prioris duplo BCKM. Eadem celeritatis incrementa elastrum se evolviendo cum admittat, nisi quæ sphaeræ impertiat jugiter æqualem, consequitur, vires instantibus CD & DE respondentes a rectangulis exhiberi CDLN & DEFO, quæ sunt primi triplum, & quadruplum. Auferenda hinc sunt triangula AGK, GHM, HLN, & LFO; ex tempusculorum enim exiguitate cum infinite parva sint, contemni rite queunt sine detrimento luppurationis. Provenit inde, virium omnium summam, quas tempore AE sphaera A a gravitate P refert, innotescere accurate ex trianguli area AEF. Cumque ab eadem definiantur etiam spatia, quæ ex omnium sententia sunt ut quadrata celeritatum, pronum est, a velocitatis quadrato pendere funditus virium quantitatem. Igitur virium regula non est ipsa celeritas.

Tom. III. Physic.

Aaa

15. RESP.

\* Tab. XV. fig. 8.

15. RESP. Ab iis hæc valde non diffidere, quæ memorat Grævesandius (1). Rei quidem perspicuitati parum prospici exilimamus, dum par elastro dicitur esse gravitas; ignoratur enim, quæ potissimum ratione illud explicetur, erogeique corpori portiunculas virium minime inæquales. Satiuseffet prætermisiss, quæ sunt penitus inexplorata, ipsam virium accretionem expendere; impediata enim adeo est, ut quin extranea advocentur, animum distineat, & ponat in ancipiti. Autamen elastrum gravitas imitetur, vel nifum alium, in id omnes consentiunt, vires, quas momentis singulis corpus dum descendit, ab ea accipit, esse semper æquales. Inficiendum vero est, a virium, quæ adjiciuntur, summa æquari aream trianguli  $AEF$ ; confunduntur quippe illæ turpiter cum spatiis, ut quæ diversas prorsus præscriptiones sibi vendicant, regantur ineptissime eadem. Omnes extra ambages est, spatia quæ instantibus  $AB$ ,  $BC$ ,  $CD$ , &  $DE$  a sphaera  $A$  percurruntur, determinari exquisitè a rectangulis  $ABCK$ ,  $BCHM$ ,  $CDLN$ , &  $DEFO$ , hisque eripi triangula  $AGK$ ,  $CHM$ ,  $HLN$ , &  $LFO$  tuto posse ob illorum exiguitatem. Tempusculis sane singulis singula rectangula persolvuntur, ut quod primum ad momentum pertinet, non spectet ad secundum, & ita porro; quo fit, colligi universa in summam unicam posse, quam exhibet superficies  $AEF$ . Vires tamen, quæ eadeni corpori incunctanter adveniunt, respondere rite nequeunt ulli rectangulo; in eensum quippe deducuntur ex pariter, quæ collatz a gravitate fuere tempore superiore. Quæ scilicet ad secundum  $BC$  tempusculum referuntur, minores sunt rectangulo  $BCHM$ ; quia hujus dimidium reapse gravitas elargitur, sed quod reliquum est, vires exponit instanti primo  $AB$  sphaeræ tributas. Decernendum aliter non est de viribus temporum  $CD$  &  $DE$ ; rectangula enim  $CDLN$  &  $DEFO$  præter impicus partem, quam sphaera vere consequitur, alias complectuntur instantium aliorum. Ubi eadem bis terque recenscantur, ridiculum est, parem virium a gravitate profluentium collectionem facere areæ triangulari; quas enim corpus re vera obtinet, & servat, superficiem totam minime exæquant, sed portionem illius. Ea idcirco rectangulorum distributio adhibenda potius ad spatia est, quæ semel tantum sumuntur in universa motus evolutione; & si quid ad rem propositam utilitatis in triangulo  $AEF$  extat, percipiendum plane est alia ratione. Conferendæ scilicet cum rectangulis vires non sunt, sed potius cum lineis; a rectis enim  $BC$ ,  $CH$ ,  $DL$ , &  $EF$  celeritates, ut alibi ediximus, offeruntur, quibus consonat virium theoria. Linea nempe  $EF$  celeritates, quæ aquisitæ tempusculis  $AE$  fuere, indicat,  $DL$  quæ  $AD$ ,  $CH$  quæ  $AC$ , &  $BC$  quæ  $AB$ ; instanti enim quoque unicus velocitatis, seu virium, gradus adjungitur, ut temporum & celeritatum sædus oculis sub-

(1) Elem. phys. num. 1340.

subjiciatur a lateribus trianguli  $AEF$ . Accuratæ virium summæ hæ sunt, quæ illarum momentum ostendunt ad quodque temporis interval- lum; ceteræ vero, quæ a lineis per triangulum totum dispositis ducun- tur, vel a rectangulis, ineptiunt omnino. Igitur falluntur, qui vires non æstimant a celeritate.

16. ARG. III. Præstantior esse effectus nequit sua causa. Ei autem multum antecelleret, pares si non essent vires quadrato celeritatis. E- videntius, quam ambigi possit, est, spatium a corpore  $A$  \* collustra- rum esse virium effectum; illud autem referri penitus a triangulo  $AEF$ . Hujus portio  $ACH$  ad totum  $AEF$  ex triangularum similium lege est ut quadratum  $AC$  ad  $AE$ , vel  $CH$  ad  $EF$ ; cumque latera  $CH$  &  $EF$  celeritates exhibeant, spatium evincitur, seu vires, quibus absolvitur, esse ut quadrata celeritatum. Nec demonstrationis robur infirmat tem- poris inductio; quod videlicet vires in extremis trianguli partibus ite- rum admittantur, quæ jam obtinuerant in altioribus. Quovis scilicet pacto suboriantur illæ, & quovis tempore perseverent, exploratum est, inesse reapse corpori, & postulari, ut pars earum minima si desit, non pervadatur spatium  $AEF$ . Homines sane duo vires 60 consecuti, quas ex ponderis 60 librarum delatione sunt amissuri, non discrepant ulla- tenus; cum nempe ad effectum perinde est, sive libram 1 uterque pun- cto temporis unico deferat, sive eorum alter gerat 5. Intereunt æque vires utriusque post ponderis 60 deportationem; illud adest tantum di- scriminis, ut qui libram 1 seorsim transfert, post momenta 60 lan- guescat, & post 12, qui 5. Igitur definiri quantitas virium nequit sine quadrato celeritatum.

17. RESP. Dubitatum nunquam fuisse, an nobilius esse quidpiam possit eo, a quo gignitur, principio. Conceditur ultro, spatium  $AEF$  esse opus virium motricum; nihilque propterea ei inesse, quod præstan- tia vineat momentum illarum. Hæc tamen vera sunt, ubi non præte- reatur temporum, quibus motus perficitur, ratio; triangula enim  $ACH$  &  $AEF$  momentis æqualibus non peragrantur ad eam, quam jactant, virium ælimationem. Spatium videlicet, quod instanti secundo tri- plum primi est, non provenit a vi tripla; nec a quintupla proficisci- tur, quod quintuplum est, percurriturque tertio temporeculo; idem sta- tuas de aliis. Puncto temporis quolibet unicuique potius advenit celerita- tis gradus, qui, ubi ceteris adjungatur, efficit, ut perlustrentur recen- tia spacia viribus antiquis. Qua vero præscriptione fiat, ut ex imperus 1 additione spacia juxta numerorum imparium seriem transigantur, ex- posuimus alibi, nec recoquimus cura prolixiore. Decipiuntur idcirco quam maxime, tempus dum dicunt nihil prodesse ad æquum de viribus judicium; in illas enim inquirere, eodem redit ac sciscitari, quod

A a a 2

æqua-

\* Tab. XV. fig. 8.

æquali tempore spatium corpora duo æqualia compleant celeritate definita. Temporis scilicet determinatio ubi negligatur, creare celeritas vel minima posset vires maximis majores, & si vis, etiam infinitas; sufficeret quippe illam nullatenus perimi, sed per spatium deduci sæculis innumeris. Ea de causa severiores ad leges cuncta qui exigant, æqualem esse effectum viribus, ajunt, ductis in tempus; auctiorem enim esse putant, quo enixiores vires sunt, æguntque tempore longiore. Effectum scilicet, seu spatium, nuncupant  $\varepsilon$ , vires  $v$ , & tempus  $t$ , sanciantque esse  $\varepsilon = vt$ ; hinc vero inferunt  $v = \frac{\varepsilon}{t}$ , ut pa-

res spatiis vires sint per tempora divisæ. Hæc mente sedulo ubi versentur, argumentatio disparebit hominum libras 60 deportantium; ad rem enim, quam proposuimus, comperitur, memorari illam nequidquam. Effectus scilicet, cujus causa, seu vis, investigatur, non est interitus illius; quam ratum est æque restingui, sive momenta temporis 60 transigantur, sive 12. Ipsa potius librarum 60 delatio est; quum exeritur, nullatenusque tendit ad exitium; resistantiam enim offendat, vel ea careat, perinde est ad virium, quibus debetur, supputationem. Disputatur videlicet, an ad pondus 60 tempore certo deferendum possit homini utrique celeritas 60; nemo enim non nescit, ab eorum altero, cui celeritas 30 insit, ferri libras 30 bis posse tempore duplici. Ex iis vero, quæ fusc edisseruimus, constat, illam plane reposcæ utpote ponderi 60 æqualem; ostensum quippe evidenter fuit, a celeritate simplici unicum effectum instanti unico edi, duplum a dupla, a tripla tripulum, & ita sane. Igitur rationem vires servant celeritatum.

18. ARG. IV. Ostendi ex corporum elasticorum collisione valere vires esse ut quadrata velocitatum. Quovis scilicet pacto elastica corpora se percutiant, decretum dynamicis ex legibus fuit, vires, quæ istum antecedunt, ducunturque a quadrato celeritatum, superesse easdem penitus post illum. Sique conficiendus quidpiam reposcatur, proponi experimentum globi A poterit\*, qui cum massam 1, & celeritatem 2 obrineat, alium B elasticum, & quietum impellit, donatumque massa 3. Observatur videlicet, ipsum A, postquam celeritatem 1 alteri B contulit, regredi versus C velocitate 1; sique globum C alium quietum, & æqualem, offendant, celeritatem reliquam ei tribuit, & quiescit omnino. Planum hinc est, a globo A ipsimet B erogari gradus 3 virium; ubi enim velocitas 1 in massam 3 feratur, prodit ea illarum collectio. Globo præterea C impertitur ab A vis 1; hanc quippe summam celeritas 1 exhibet, si ducatur in massam 1. In globo idcirco A ante collisionem vires 4 extant, quas distribuat inter B & C; nequeunt autem eas admitti, nisi ad quadratum 4 attollatur celeritas 2. Igitur a velocitatum quadrato non differt quantitas virium.

19. RESP.

\* Tab. XV. fig. 9.

19. RESP. Dirimendam litem non esse fucatarum imaginum artificio. Omnem citra dubitationem est elasticorum corporum vires post percussorem easdem permanere, si repetatur illarum calculus a quadrato celeritatum. Juxta præceptiones tamen, quas tulimus in Dynamicæ, constans pariter est, non immutari, quum supputantur ex simplici celeritate. Et sane ex ipso motus ingenio ubi oporteat vires superesse, eademque post collisionem numerandi ratio servetur, quæ ante, non minuentur ullatenus, quovis pacto nuncupentur, & quamvis subeant a Geometris mensuram. Ex corporum impactu extundi propterea nihil potest, quo componatur diffidium; quisque enim partium oppositarum esse illum in rem suam putat, ut proinde opituletur reapse nemini. Peculiari tamen explanatione fraudandum experimentum non est sphaeræ A alias B & C protrudentis; Hermanno debetur (1), philosopho præclaro, qui aberrationes nihilominus non evasit magnis viris interdum familiares. Non ignoramus elaboratas alias ab aliis fuisse enodationes; universæ tamen, ubi locus veritati sit, parum proficiunt, quod minime deregant fontem hallucinationis. Inficiandum scilicet non est, in sphaeris B & C, quæ ab A feriuntur, extare gradum 1 celeritatis; verum a collidente corpore ii non profluunt, sed a causa extranea, & aliunde quæsitæ, nempe elasticitate. Quum videlicet globus A, seu 1, celeritate 2 in alterum B quiescens, ejus massa est 3, incurrit, elongatur illi virium suarum  $\frac{3}{2}$ ; dynamicis enim ex dogmatibus imperitiendæ eæ sunt pro ratione massarum, ut sit  $4:3 = 2:x = \frac{6}{4} = \frac{3}{2}$ . Præter has momentum æquale globo B ex elasticitate advenit, summaque efficitur  $\frac{3}{2} + \frac{3}{2} = \frac{6}{2} = 3$ ; hæc vero per massam 3 si dividatur, exhibet celeritatem 1, qua illum progredi inducitur docet periclitatio. Globus deinde A ipsomet in actu motum  $\frac{3}{2}$ , quem alteri confert, amittit, aliumque præterea  $\frac{3}{2}$  ex partium restitutione, ut fiat  $-\frac{3}{2} - \frac{3}{2} = -\frac{6}{2} = -3$ ; cumque illius vires 2 sint, prodit quantitas  $2 - 3 = -1$ , cujus gratia celeritate 1 resilit versus C. Globum denique C offendit æqualem, cui iisdem ex præscriptionibus dimidium impetus sui erogat, nempe  $\frac{1}{2}$ ; consequitur propterea, ex jactura partis alterius  $\frac{1}{2}$ , quam fert elaterii causa, conquiescere ipsum A; est enim  $x = \frac{1}{2} - \frac{1}{2} = 1 - 1 = 0$ . Alter vero B ex additione  $\frac{1}{2} + \frac{1}{2} = \frac{2}{2} = 1$ ,

(1) Vid. comm. Accad. Petrop. vol. 1. de motu virium.

= 1, quam ab A obtinet, & a partibus priorem in locum redeuntibus, incedit velocitate 1. Ratum ex his fit, a globo A non suppediari ceteris B & C vires 3 & 1; quarum proinde summa, ut ex tenamine Hermannus infert, quadratum æquet celeritatis 2. Colligenda potius momenta virium sunt  $\frac{3}{2}$  &  $\frac{1}{2}$ , quæ ab A in B & C reapse prove- niunt, ut reliqua, perinde ac perperam adscita, negligentur omnino; quantitas vero  $\frac{3}{2} + \frac{1}{2} = \frac{4}{2} = 2 = \frac{2}{1} = 2$  nullatenus differt ab ipsa quæ dictum antecessit, celeritate 2 corporis A. Igitur velocitatis quadra- tum vires non tument, sed velocitatem.

20. ARG. V. Celeritate dupla obtineri haud ægre potest quadruplus effectus. A globo videlicet A<sup>2</sup>, cujus velocitas sit 2, flexi elatra qua- tuor B, C, D, & E valent, tametsi iis singulatim comprimendis postule- tur vis 1. Diagonalis nempe AB, seu 2, qua globus in elastum B se confert, solvi in rectas AF & FB potest, quarum illa 1 sit, & hæc ex hypotenusæ quadrato quadratis laterum æquali sit  $\sqrt{3}$ . Linea AF, hoc est gradus 1 celeritatis, cum vim percussionis plano oppositam de- signet, a resistencia corrumpitur elastri B; superest vero alia FB, seu  $\sqrt{3}$ , qua globus progreditur, rectamque percurrit BC. In alias præ- terea solvi hæc valet BG & GC ad angulum rectum pariter inclinatas; eæ autem sunt 1, &  $\sqrt{2}$ , quod a quadrato hypotenusæ 3 æquenter quadrata 1 & 2. Celeritas tamen 1, hoc est BG, emoritur, dum pre- mit elastum C; sique superstes altera GC, seu  $\sqrt{2}$ , qua persequitur globus viam CD. Dividi etiam recta CD, nempe  $\sqrt{2}$ , a lineis CH, & HD, potest in triangulum quoque conformatis; quæ potissimum 1 & 1 sunt ex hypotenusæ quadrato 2, quod æquale quadratis est 1 & 1. Linea vero CH, seu celeritas 1 absumitur in elastri D compressio- ne, & reliqua est velocitas HD, hoc est 1, qua globus ire pergit per DE. Ubi demum elastro E impingit, quiescit omnino; sancitum quip- pe fuit, ad illud demittendum postulari celeritatem 1. A globo A pro- pterea, cujus celeritas ante percussionem erat 2, contrahuntur 4 ela- stra; cumque eorum quodque vim 1 restinguat, inesse sphaeræ constat vires 4. Hanc sane ad quantitatem assurgere illæ non possunt, nisi ce- leritas, cujus ratio simplex est inepta, efferatur ad quadratum; momen- tum enim 2 in 2 ductum efficit 4. Igitur querendæ vires non sunt extra quadratum velocitatis.

21. RESP. Excogitatam eam virium in alias dissolutionem fuisse a Joanne Bernoullio (1). Admirari non desines, amplissimam, quam ra- tio, & experimenta evidenter ostenderant, neglectam a solertissimo vi- ro viam fuisse, ut in arctam se conjiceret, præruptam, & salebrosam.

Non

\* Tab. XV. fig. 10. (1) Dissert. de leg. mot. cap. 9.

Non arbitramur quidem, veteri virium mensuræ cum valedixisse, ut semetipsum, & alios volens prudensque induceret in errorem; partium porius a studio abductum fuisse credimus, & ab ea cogitandi licentia, qua antiquis nova anteferuntur, singularia pervulgatis. Incredibile dictum est, quam cladem Philosophiæ intulerit obscura, & ad arbitrium conficta motorum compositio; nihil enim abscondi, incertique, statuere quisquam satagit, cui linearum coalitio esse præsidio non possit, earumque resolutio. Ad virium præsertim æstimationem quod spectat, celeritas globo A adtributa redigi commodè potest in lineas innumeras; harum vero ex longitudine, vel ad certum angulum inclinatione, subdividiri promiscue minimæ vires, & maximæ queunt ante percussione. Quemadmodum enim corporis unius, vel perexigui, a positione obtinetur æquilibrium cum sexcentis, ita ex rectis constari celeritas eo artificio valet, ut extenuetur admodum illius, vel exaggeretur, effectus. Dum hæc pronuntiamus, veritati insidias non strui ab ea constat, quam argumentum memorat, velocitatis A B efformatione; inde enim Leibnitiana non eruitur, nec Cartesiana virium determinatio, si retenta proportionem denominationis mutetur linearum. Celeritatem videlicet 1 recta A B exhibeat, & ad vincenda elastra B, C, D, & E singula impendatur velocitas  $\frac{1}{2}$ . Lineæ componentes A F, B G, C H, & D E oportet sint omnes  $\frac{1}{2}$ , cumque ab illis elastra 4 inflectantur, vis a globo A amissa est  $\frac{4}{2} = \frac{2}{1} = 2$ . Numerus autem 2 æqualis celeritati 1 non est, nec illius quadrato pariter 1; quo exploratum funditus fit, adesse vires post istum, quæ non extabant in globo. Simile quidpiam emerget ubi lineis A B & A F nomenclaturæ 2 & 1, vel 1 &  $\frac{1}{2}$  auferantur, adplicenturque aliz 4 & 2, vel 8 & 4; monstra quippe alia prodibunt temere, & sine delectu, ad quantitatem virium definiendam prorsus imparia. Quod si rectarum non modo nomen adimatur, verum etiam proportio, quæ dupla hic est, horrentior evadet perturbatio; ea vero adhuc augebitur, ubi elastrorum numerus succrescat, vel alia admittatur vis ad premendum illorum quodque necessaria. Operam propterea perdunt, & laudem, qui ad virium calculum vocant linearum invicem concretarum disjunctionem; coagmentationum quippe harum leges natura quidem posuit, sed eripit plerumque hominum indagationi. Igitur ratione non utitur, qui vires petit a quadrato celeritatis.

22. ARG. VI. A quadrato celeritatis vires oriri ex discrimine innotescit vivarum a mortuis. Firmum scilicet inter obstaculum A B \*, & globum E, qui manu detinetur, si statuatur elastrum C, dividitur vis  
inter

\* Tab. XV. fig. 11. & 12.

inter utrumque, globusque experitur tantum dimidium. Sique inter globum  $F$  & obicem  $CD$  duo  $M$  &  $N$  elastra collocentur, percipit manus conatum, quem prius, eundem; elastrum quippe  $N$  alteri  $M$  innititur, & contentionem globo periode exhibet, ac si esset unicum. Nec vis, quæ dimidiam unius superet, globis confertur, tametsi plano, & illis, centum interflint elastra; uique rei perspicuitas non desit, premantur globi  $E$  &  $F$  ab elastris  $1$  &  $9$ , quæ æqualia omnino sint, tendanturque eadem penitus ratione. Ubi ab iis manus removeatur, impulsionem referunt elastrorum numero proportionalem; parem quippe impetum singula cum impertiant, unus, oportet, ex elastro  $1$  lit, & nocuplus ex  $9$ . Numerus autem elastrorum, quæ utrinque globos urgent, quadratum æquat celeritatum; id enim compertissimum in curva est, cujus abscissæ evolutionem elastrorum designent, & ordinatæ indicent velocitates. Igitur eodem vires redeunt, ac quadrata celeritatum.

23. RESP. Solidiorem alia esse hanc Bernoullianam argumentationem (1). Concedendum ultro est, a globis  $E$  &  $F$ , quibus interjecta elastra  $1$  &  $9$  fuerint, pressionem ferri dimidiam tantum unius; quæ namque superfluit, in repagula  $AB$  &  $CD$  exonerantur, vel in elastrum proximus. De æqualitate ambigendum pariter non est virum, ubi ablata manus fuerit, & elastrorum; illorum enim quodque motu expanditur definito, quem globis seorsim elargitur, & æqualiter. Annuendum denique est, non differre elastrorum actionem a quadrato celeritatum; id namque apertum luculenter fit a curva, cujus descriptionem prætermittimus ob calculum *differentialem* adolescentibus, quos institui-mus, prorsus impervium. Vera tamen hæc sunt, ubi tempus, quo elastra laxantur, veniat in supputationem; eo quippe neglecto inficiari non recusabimus, elastrorum impactus quadratis celeritatum pares esse, & consonare vires cum elastris. Edictum alibi fuit, velocitatem corporibus erogari pro numero tempusculorum, ut unica unico nascatur, duplo dupla, & deinceps; cumque in elastris  $1$  &  $9$  celeritates, quas ab illorum radicibus non dissentire curva edocet, sint  $1$  &  $3$ , consequitur, tempora quoque evolutionum esse  $1$  &  $3$ . Temporibus propterea in censum adductis decretum sapienter fuisse diximus, elastrorum istus eodem converti, ac quadrata velocitatum; ratio enim celeritatum, & temporum eadem cum sit, quadratum illarum a numeris  $1$  &  $3$  bis acceptis non discopat, hoc est  $1$  &  $9$ . Ceterum de unico temporis momento, quo ab elastris  $1$  &  $9$  peculiaris globis  $E$  &  $F$  impetus affertur, sermo ubi sit, concludendum erit aliter; celeritates enim cum sint  $1$  &  $3$ , ut hæc nocupla illius non sit, sed tripla, nocupla nullatenus erit elastrorum expansio. Rem nonnihil obscuram facile assequitur, qui elastrorum motum, intelligit, esse retardatum; comparari enim illorum

(1) Loc. eod. cap. 13.



illorum diductiones impetui corporum valent, quæ velocitate certa projiciantur verticaliter. Celeritate videlicet 1 & 3 si duo sursum adfendant, illud post pedem 1 otiaur, hoc autem primo temporis minuto pedes 5 conficit, 3 secundo, tertio denique 1. In elastis 1 & 9, quibus inest celeritas 1 & 3, alia non est spatiorum, & proinde actionum, conditio; prioris enim distensio 1 est, & posteriorum primo 5, tum 3, & demum 1, liquet, esse prolationes. Ex pedum porro summa, quam lapides celeritatibus 1 & 3 collustrarunt temporibus 1 & 3, definitum rite fuit, a quadrato celeritatum vires illorum non regi, sed a celeritate. Elastorum haud aliter distractiones, a quibus, statuimus, vires globis E & F collatas non differre, rationem servant velocitatum; tamen summa, quæ tempusculis 1 & 3 colliguntur, æquales esse videantur quadratis 1 & 9. Et sane rem confirmant omnino celeritates 1 & 3, quibus momento temporis primo dilatantur elastra ut 1 & 5; uniformem namque motum si admitterent, recluderentur ut 2 & 6, seu 1 & 3, quæ est proportio celeritatum. Igitur ad virium causam non proficit quadratum velocitatis.

24. ARG. VII. Duobus a globis, quibus unica elastrorum series interponatur, aperitur virium mensura. Inter globos videlicet A & B\*, quorum ille libræ 1 sit, hic 4, elastra 5, C, D, E, F, & G extent æqualia penitus, & æque contracta. Ubi laxentur, globum utrumque propellere observantur æqualiter; sphaeræ enim A, seu 1, celeritatem 4 imperiunt, & alteri B, seu 4, celeritatem 1, ut æquis ex rectangulis 1 & 4, 4 & 1, incedant illæ motu funditus eodem. Planum sane sit, elastrorum actionem inter globos dividi reciproce; facto enim gravitatis centro in 1, globus, qui libram 1 complectitur, ab elastris 4 C, D, E, & F urgetur, qui vero libras 4 ab 1 G. Effectus ab elastris 4 in globo A genitus, quadruplus, necesse est, sit alterius, qui in B creatur ab 1, ne quatuor virium momenta præstare idem dicantur, ac unicum. Cumque motus ab elastris in globo utroque positi sint æquales, confugiendum ad rem aliam est, cujus gratia vis globi A præstet alteri, quæ reperitur in B. Ea sane quadratum celeritatis 4 est, nempe 16; hoc quippe in massam 1 ductum quadruplum est virium 4, quæ in globo B a massa 4 conficiuntur & a celeritatis quadrato 1. Igitur nulla adest virium regula extra quadratum velocitatis.

25. RESP. Differere hoc pacto consuevisse Bernoullios (1). Ad rem confirmandam adhibebatur quidem calculus prolixior; aberratio tamen ipsis sub hypothesibus delitescerebat, quibus labore plane improbo superstruebantur aggeres supputationum. Credi vix potest, viros, quibus cordi tantopere erat effectuum & causarum æqualitas, ita disputasse; glo-

Tom. III. *Physic.*

Bbb

borum

\* Tab. XV. fig. 22. (1) Vid. ast. Lipf. ann. 1733. de ver. not. vir. vivar.

borum enim A & B motus æquabant, sed vires, a quibus illi proveniunt, sanciebant esse inæquales. Qui facultatem cogitandi suam rectius moderantur, persuasum habent non differre reapse vires, motum, & celeritatem; quæ namque de massa memorantur, extranea esse, ajunt, inducique tantum ad motuum invicem relatorum comparationem. Ceterum ne longius digrediamur, profitendum omnino est, effectum ab elastris 4 genitum esse quadruplum alterius; is tamen vis globi A non est, quæ quater aliam contineat corporis B. Nescitur videlicet, quo plane jure evchi celeritas valeat ad quadratum 16; ubi enim elastris 4 singulis velocitatem 1 tribuant, eamque abire in quadratum velint, numerum 4 obtinebunt, non 16. In ipsis potius celeritatibus, quæ ab elastris reciproce distribuuntur, situs est quadruplus effectus; gradus enim velocitatis 4 ab elastris quatuor globo A imperiuntur, & ab uno 1 alteri B; 4 autem duplus bis est, seu quadruplus, numeri 1. Quod si motus penitus idem utrinque prodeunt, elastrorum 4 & 1 tantum discrepantiæ tribuendum non est, sed inæqualitati massarum; novum quippe non est, temperari velocitates, & inflecti, juxta ponderum rationem. Sique pervadi intimius res velit, ipsis in celeritatibus, quovis sumantur pacto, conspicua perpetuo sit effectuum dissimilitudo; a globis enim A & B lapsa 4 & 1 tempore eodem percurruntur, quorum alterum quadruplum esse constat alterius. Igitur alia a quadrato celeritatis est virium mensura.

26. ARG. VIII. Materia mollis, quæ a corporibus dimoveatur, diserte edocet virium æstimationem. Globi nimirum A & B<sup>2</sup>, quorum volumina 1 & 1 sint, pondera vero 4 & 1, in *sebum* decidunt, vel in *argillam* nonnihil madefactam. Altitudines, a quibus delabuntur, sint reciproce, ut pondera; globus nempe A librarum 4 ab altitudine A E pedis 1 veniat, & B 1 libræ a B K pedum 4. Foveæ C D & H L, quæ ex casibus eruantur, sunt penitus æquales; chartacei circuli ex circumferentia illud evincitur, quæ eundem, ac globi, diametrum si obtineat, æque demittitur utrinque. Compertum hinc fit, se æquare vires, quas cadendo adipiscitur corpus utrumque; argillæ enim compressiones, quæ cavitatibus respondent, sunt effectus illarum. Dissimilia autem essent virium momenta, si ab ipsa peterentur celeritate; globi quippe A velocitas est  $\sqrt{A E}$  seu  $\sqrt{1} = 1$ , & ipsius B celeritas  $\sqrt{B K}$  est, nempe  $\sqrt{4} = 2$ . ductis propterea velocitatibus 1 & 2 in massas 4 & 1 prodeunt vires 4 & 2; quas nemo non videt esse penitus inæquales. Sed res aliter cedit, si ipsum advocetur celeritatis quadratum; in globo namque A ex celeritate 1 fit 1, & in altero B ex 2 fit 4. Numeri vero 1 & 4 si in pondera 4 & 1 ferantur, pariunt vires 4 & 4; quarum consonantia pares omnino efficit ad effodiendas foveas æqua-

\* Tab. XV. fig. 23. & 23.

æquales. Igitur qui vitium summam investigat, eam reperit in quadrato celeritatis.

27. RESP. Deberi Poleno illud, quod præstantius ceteris est, experimentum (1). Certa tamen ab incertis ubi secernantur, tribuanturque naturæ, quæ sibi adscivit jure perpetuo, arduum non erit nodum solvere ex hypothesi Cartesii. Omnem sane extra suspicionem est, argillæ a globis A & B erutæ quantitates esse æquales; vires tamen, quibus illæ educuntur, dissident omnino. Virium scilicet, quas globus A adhibet, momentum est 4, & 2 est, quod impenditur a B; cumque celeritates sint 1 & 2, consequitur, ea ut velocitates esse ductis in pondera 4 & 1. Quo explorata res fiat, prætereundum non est, ab effectuum æqualitate similitudinem causarum innoscere, ubi æquæ sint resistentiæ; hæc namque si dissentiant, laboriori effectus limiles possunt causis ab inæqualibus. Globo scilicet A fovea CD validius renititur, quam altera HL ipsi B; reactio quippe par actioni cum sit, & globus A ex viribus 4 dimoveat acrius argillam, pugnam, necesse est, subeat vehementiorem. Ex ea vero progreditur maxima virium extenuatio; cujus gratia globus, qui effectum integrum genuisset, parit tantum dimidium. Pari quidem ex certamine sphaera A impetu 4 foveam ea duplam excavasset, quam suffodit alia B viribus 2; duplum tamen nifum cum inveniat, vacuitatem 4 in sebo non creat, sed 2, alteri scilicet æqualem. Hanc qui enodationem fusius, compitiusque, propolitam velit, se conferat ad Martinum (2); ad viam enim illi sternendam experimenta plura lumpsit non sine crebra altitudinum, & ponderum, varietate. Horum vero præsidio intellexisse demum proficitur, sebi foveas celeritatibus esse, seu radicibus altitudinum, continenter proportionales. Igitur veritatem deferit, qui ad vires utitur quadrato velocitatis.

28. ARG. IX. Leibnitiana virium supputatio a funium liquet contractione. Esto videlicet funis A B \* clavo B innixus, qui aliqua de causa brevior fiat, secumque adducar globum ligneum A. Actio, qua decurtatur, æqualis est spatio AC; illius enim gratia extremum A locum suum dedit, properatque in punctum C. A longitudine AC quadratum æquatur velocitatis, qua funis convolvitur; ex motu quippe retardato contrahitur amittente sensim celeritatem. Cumque vires globo A collatæ æquales actioni, qua funis complicatur, sint, inferendum merito est, eas ut quadratum esse velocitatis. Igitur a quadrato celeritatis non dissonat virium mensura.

29. RESP. Ad hypothesim vulgari adversam funes induxisse Ricca-

Bbb 2 bus

\* Tab. XV. fig. 14. (1) De catel. aquar. &c. num. 118. (2) Dissert. de viribus corp. (3) De virib. viv. dial. dici sept.

bis a Mechanice acceptis exornavit, adhibuitque etiam ad illud motuum compositionem. Missis tamen omnibus, quæ demonstrationem potius explicant, quam firment, ostendendum præcipue esse ducimus, funis actionem non esse spatii AC æqualem. Tædet quam maxime, ea recollere, quæ sæpe numero proposuimus, & explicavimus prolixè; novam tamen rei conformationem hic occurrere nonnulli cum putent, volutandum laxum est idem diutius. Inficiandum plane non est, provenire funis contractionem a motu retardato; primo enim temporis puncto tractus AE percurritur, secundo ED, tertio demum DC. Hac potius de causa rejicienda omnino est spatii & virium, quibus funis constringitur, æqualitas; tempore enim unico illud non transigitur, sed triplici, ut celeritas primo 3 sit, deinde 2, & postremo 1. Decretum scilicet fuit, & demonstratum, contentionem, qua retardatus motus, vel acceleratus, persolvitur, ut spatium non esse sed ut illius radicem, aucterique propterea rationem celeritatis. Vires autem, quas funis globo elargitur, a momento non differunt decurtationis; effectus quippe illius sunt, eodemque res convertitur, ac si nullus esset globus, extremumque A admooveretur ipsummet puncto C. Exploratum ex his sit, vere omnino dici, prætendi nihil, quod novam posuisset solutionem; comi quidem, pectique objecta possunt artificio singulari, sed recluso fallaciaiarum altu robur omne abiciunt, & venustatem. Igitur veritati non suffragatur, qui vires promit ex quadrato celeritatum.

30. ARG. X. Leibnitianis opponitur temporis, quo vires evolvuntur, admissio. Sumi tamen experimentum valet, quo unico a corpore conferantur aliis tempore eodem vires quadratis celeritatum æquales. Globus videlicet A, ejus massa sit 1, & celeritas 2, ad angulum EAF graduum 60 collidat globos B & C quiescentes, præditosque singillatim massa 2. Post percussionem sistit omnino globus A; duo autem B & C celeritatem 1 adipiscuntur, abeuntque per vias ad AD æque inclinatas. Ratum penitus est, globis B & C inesse singulis vires 2; velocitas enim 1, ubi in massam 2 dueatur, hoc reapse exhibet momentum. Cumque a globo A illæ procedant, degere in illo constat vires 4; quæ attingere eum numerum non valent, nisi celeritas 2 efferatur ad quadratum. Igitur mendaciis non assentitur, qui a velocitatum quadrato derivat virium mensuram.

31. RESP. Tempus re vera esse scopulum, cui universa alliduntur Leibnitianorum consilia. Qui a Cartesio sunt, conqueruntur perpetuo, demonstratum ab hostibus nunquam fuisse, gigni vi dupla tempore eodem posse quadruplum effectum. Ad os illis occcludendum ingerunt hi experimentum globi duplos duos una propellens; de invento autem adeo triumphant, ut deberi sibi palmam existiment, præcludique viam  
omni

omni disputationi. Observamus tamen, post illud animos non deferuisse, sed distrahi eodem perrexisse adhuc dissidio; reponi quippe adversus Leibnitium assolet, a globo quoque A tempus duplex impendi ad aliorum B & C percussione. Absconam scilicet præscriptionem non esse, ajunt, corpus duplum a simplici pelli duplici temporis momento; illud enim reposcitur, quo celeritas a parte prima ad secundam deducatur, distribuaturque rite per corpus universum. Præter ipsam temporis inæqualitatem tentamen etiam affirmant parum proficere; a massis namque ad arbitrium selectis dependet, & a certa angularum EAD & FAD, qui graduum 30 sint, inclinatione. Norunt videlicet, collisionem unicam Cartesio obesse, cui favent ceteræ omnes innumeræ; ex ea idcirco probabilitas quadrati ad ipsam velocitatem est, ut unitas ad numerum ferme infinitum. Adjiciunt denique, in vires pariter mortuas cadere, seu in pressiones; ubi scilicet duplæ potentiz duæ unicam trahant, efficiantque cum illa æquilibrium. Cumque hypothesim suam ad vires tantum vivas Leibnitius attulerit, eo pacto, concludunt, nihil confici, retinendamque esse, quæ jam obtinebat, legem Cartesii. Igitur æstimandæ vires tanti sunt, quanti habetur ipsa celeritas.

## C A P U T VI.

### *De motu mechanico corporum solidorum.*

1. **T**RACTATIONEM aggredimur quavis alia utiliore. Vires corporum legibus ab arte petitis adauctæ ostendunt, hominum commodis Physicæ solam satis non facere, nec solam Geometriam. Præceptiones physicas qui tantum audiat, meditari machinas venustas poterit, & affabre coagmentare; neglectis tamen, quas Geometræ suppeditant, proportionibus vix prospiciet hominum bono, & animantium. Geometricas vicissim rationes qui calleat, doctam quidem concinnabit virium theoriam, resistentiarum tamen, & situum canones a Physicæ indicatos si nesciat, parum proficiet ad vitæ, scientiarumque amplitudinem. In *Mechanices* propere, quam sumus exploraturi, cultu sædus cum Physicæ iniit Geometria; & quo res loco suo quæque statuatur, disputationem complectimur partibus decem. Harum prima de centrīs magnitudinis agit, gravitatis, & motus; disputat secunda de veste; tertia de libra atque statera; de axe in peritrochio quarta; quinta de trochleis; de rotis dentatis sexta; septima de plano inclinato; de cochlea octava; nona de cuneo; decima postremo de usu differit omnium machinarum.

*De centrīs agitur magnitudinis gravitatis & motus.*

2. MAGNITUDINIS, & gravitatis centra unico in corpore degunt; quod vero motus est, versatur inter duo. Perspecta illa esse non possunt, quin duplex admittatur corporum structura; alia enim *omogenea* sunt, & alia sunt *eterogenea*. Nuncupant *omogenes*, quorum partes spectant ad genus idem; sphaera *argentea* eum in censum venit, *aurea*, vel *plumbea*. Eterogenea nominant, quibus partis insunt generum dissimilium; quo pacto confici ex *auro* & *argento* sphaera eadem potest, vel ex *cupro* & *ligno*. Centrum *magnitudinis* est punctum, per quod superficies plana si ducatur, corpus secat duas in portiones aequales. Sphaerae propterea centrum non differt ab alio magnitudinis; culro quippe si dividatur, cujus acies per illud transeat, prodibunt aequalia prorsus hemisphaeria. *Gravitatis* centrum est punctum, a quo si corporis partes suspendantur, quiescunt omnes, portanturque aequilibrio. Ubi scilicet corpus  $A B E D$  \* a filo pendeat, ut particulae illius universae circa  $C$  invicem librentur, punctum  $C$  erit centrum gravitatis. Evincitur hinc omogeneis, & regularibus, in corporibus non discrepare magnitudinis centra, & gravitatis; partes enim *sphaerae* *aureae*, *tetraedri*, *dodecaedri*, *cubi*, & aliorum, cum gravitent & distent aequaliter, referuntur numero & pondere unicum ad punctum. Quae autem eterogeneae, & irregularia, sunt, centra magnitudinis diversa postulant, & gravitatis; moleculae namque *pyramidis* *lignae* & *argenteae* situ discrepant, & gravitate. Linea denique *directionis* est recta a gravitatis centro ducta, & horizonti perpendicularis; cuiusmodi est  $C F$ .

3. Feruntur propterea leges duae. *Prima* est, corpora, quorum superficies planae planum horizontale contingunt, stare, si directionis linea cadat in basim illorum. Antequam id demonstretur, statuendum erit, in gravitatis centrum colligi pondus corporis universum; partes enim omnes cum circa illud haereant, perinde sunt, ac si fruerentur integra levitate. Verum directionis linea  $C F$  \*\* in basim  $D E$  incidat corporis  $A B E D$ , lata cujus superficies horizontali oblique incumbat tabulae  $D N V$ . Ruere corpus non potest quin describat arcum  $C G$ ; cujus punctum  $G$  altius ipso  $C$  est ob latius  $E G$  aequale alteri  $E C$ ; hoc vero cum hypotenusa trianguli  $E C F$  sit, longius est recta  $C F$ . Adscenderet propterea centrum  $C$ , ubi se conferret in  $G$ ; quod gravitas ne ferat, corpus adeo figit, ut licet primum sit, non delabatur ullatenus. Corpus tamen aliud  $L M R N$  plano eidem  $D N V$  insitit alia ratione, dire-

\* Tab. XV. fig. 16. \*\* Tab. XV. fig. 16.

directionis nempe linea  $TV$  extra illius basim decidat  $NR$ . Punctum  $x$  arcus  $TX$  quem centrum, dum corrueret, perlustraret, depressius est altero  $T$ ; namque a latere  $XR$ , quod hypotenusam  $TR$  æquat, secatur directionis linea  $TV$ . Demitteretur idcirco centrum  $T$ , ubi contenderet in  $x$ ; quod gravitati cum non advessetur, casurum penitus erit corpus  $LMRN$ . Ea plane de causa turres præaltæ, quibus Bononiensem & Coloniensem accensent, non concidunt, licet sint valde proclives; basi quippe illarum linea directionis irrui, ut prolabi, quin effugeratur, nequeat centrum gravitatis. Ægrius etiam corpora decidunt inclinata, quo basim obtinent latiore; vis enim poscitur enixior ad directionis lineam a basi, quæ multum porrigatur, deturbandam. Qui pedi propterea unico insidet, promptius dimovetur, quam qui duplici.

4. Lex altera spectat in corpora, a quibus planum tangitur unico in puncto. Decernendum videlicet est, sistere illa, ubi directionis linea per contactum transeat, labi vero si feratur in partem aliam. Rem ad ostendendam iaducenda minime est nova demonstratio; punctum enim, cui dum planum premitur, corpus imminet, fungitur munere baseos. Conus videlicet  $ABD$  \* planam  $DC$  superficiem in  $D$  tangat, ut directionis linea sit  $CD$ ; fiet omnino necesse est, quia gravitas ad centrum  $C$  contracta ingruit basi  $D$ . Quod si coni alterius  $EEG$  directio sit  $MN$ , corruet omnino; extra basim quippe  $G$  pondus exeritur, contenditque idcirco festinare in centrum telluris. Hunc sane in modum spherarum  $A$  &  $F$  \*\*, quarum altera horizontali plano  $BE$  ingruat, altera vero  $KB$  inclinato ad horizontem  $PB$ , prior penitus quiescit, ruit autem posterior. Globi quippe  $A$  directio  $CD$  per contactus punctum deducitur  $D$ ; linea vero  $LN$ , quæ globum  $F$  dirigit, ab alia  $ML$  differt, digrediturque a basi  $M$ . Qui de gravitatis centro, & de linea directionis plura exoptet, adeat Vallisium (1).

5. Præter magnitudinem & gravitatem destinandum centrum est corporum motui. Staticæ illud inservit, quæ canones ponit de corporum æquilibrio; eorum tamen ad ostensionem prætereundæ non sunt aliquæ definitiones. Jugum videlicet linea recta est ponderis, & inflexionis ignara; quæ firmum circa punctum convertitur, & utrumque ad sui extremum defert duo pondera; huiusmodi vero est  $AB$  \*. Centrum motus punctum  $C$  est, cui incumbit jugum  $AB$ ; in illud potissimum corpora  $A$  &  $B$  referuntur, viresque suas exerunt conjunctim. Æquilibrium determinatio est ponderum  $A$  &  $B$  iugo suspensorum, qua neutrum alteri præstat, sed mutuo se sustinent, & redigunt ad quietem. Librantur vero corpora, si spatia, quæ ab illis percurruntur, sunt reciproce ut pondera; principium sane istud est, cui staticæ innituntur, mecha-

\* Tab. XVI. fig. 1. \*\* Tab. XVI. fig. 2. \*.\* Tab. XVI. fig. 3.

(1) Oper. mathem. vol. 1.

mechanicæque omnes præceptiones. Globi nimirum  $A$  &  $B$ , quorum pondera  $2$  &  $1$  sunt, hærent sine motu circa  $C$ , ubi sint  $1$  &  $2$  arcus  $AF$  &  $EB$ , quos describunt extrema jugi  $AB$ . Actionum quippe æqualitas corporibus obvenit, quum eandem penitus gerunt motus quantitatem; hæc autem productum celeritatis in massam æquat, & celeritas spatium sequitur per tempora divisum. Sphærarum ideo  $A$  &  $B$  massæ  $2$  &  $1$  cum sint, & spatia, seu arcus  $AF$  &  $EB$ , eodem tempore confecta  $1$  &  $2$ , evenit, motum ipsius  $A$   $2 \cdot 1 = 2$  esse, & alterius  $B$   $1 \cdot 2 = 2$ ; proindeque se exæquant omnino. Ex reciproca itaque ponderum, & spatiorum, ratione pendent immota corpora circa  $C$ .

6. Profluunt hinc duæ consecutiones. *Prima* est, æquilibrio corpora potiri, si æquales a centro afferant distantias. A punto videlicet  $C$  globi  $A$  &  $B$  pares æque removeantur per jugi portiones  $AC$  &  $CB$ ; nec ignoretur, non differre illas a radiis arcuum  $AF$  &  $BE$ . Geometrarum docent, arcus, qui rationem inter se aliquam servant, esse ut radii circulorum; ambigendum vero ea de proportionem non est, quia a basibus non discrepant triangulorum similium  $CAF$  &  $CBE$ . Oportet ideo arcus  $AF$  &  $BE$ , quemadmodum distantie  $AC$  &  $BC$ , sint inter se æquales; eos autem superius ediximus a spatiis non discriminari, quæ percurruntur a globis tempore eodem. Cumque a spatiis quantitas motus evincatur, consequitur, corpora  $A$  &  $B$  moveri prorsus æqualiter; quod eodem redit, ac eorum neutrum alteri concedere, sed utrumque conjici in quietem. Rem ita se habere comperiet, qui globum  $A$  a centro  $C$  nonnihil diducat, jubeatque alio  $B$  esse paullo remotiorem. Aucto quippe radio  $AC$  succrescat necesse est arcus illi respondens  $AF$ ; cumque spatium celeritas imitetur, intenditur motus, ut  $A$  demisso attollatur globus  $B$ . Ad corporum igitur parium æquilibrio postulatur æqualitas distantiarum.

7. Consecutio *altera* ad corpora pertinet inæqualia. Quo unicum scilicet erga punctum librentur corpora gravitate dissimilia, distantie, quibus ab eo arecentur, oportet, sint reciproce ut pondera. Globi nimirum  $A$  &  $B$ \*, quorum massæ æque non gravitant, distent inæqualiter a centro  $C$ ; virgæque pars  $AC$  ad aliam  $BC$  sit, ut pondus  $B$  ad  $A$ . Cum arcus  $AF$  &  $BE$  a radiis  $AC$  &  $BC$  proportionem non dissonent, hi autem sint ut massæ  $B$  &  $A$ , contingit, reciprocam illam massatum seu ponderum,  $A$  &  $B$  rationem a spatiis etiam retineri  $AF$  &  $BE$ . Ubi vero se spectent eo pacto pondera, & spatia, definitum ex virium æqualitate fuit (1), motum omnem interim, redigique illa ad æquilibrio. Qui fidem his non adhibeat, corporum alterum reducat nonnihil a centro  $C$ ; proportionem enim sublata amplifictetur spatium, seu cele-

\* Tab. XVI. fig. 4. \*\* Tab. XVI. fig. 3. (1) Num. 5.



celeritas, necesse est distantioris, ut dum prolabitur, adscendere aliud cogat aliam ad partem. Distantiæ itaque tantum reciproce exæquare motum valent corporum inæqualium.

8. Arduum proinde non est, centrum motus eruere corporum universorum. Ubi distantie scilicet illorum reciproce sint ut pondera, inveniri haud ægre poterit punctum C \*, cui adhærescunt suspenisæ a jugo AB sphaeræ A & B. Ea nimirum a præceptione æquatio  $A : B = CB : CA$  exoritur, terminorumque proportionalium ob additionem alia  $A + B : B = CB + CA : CA$ ; eumque  $CB + CA = AB$  sit, obtinebitur  $A + B : B = AB : CA$ , hoc est  $CA = \frac{AB \cdot B}{A + B}$ . Pondera vero A & B perspecta omnino ex hypothesi sunt, pariterque virgæ AB longitudo; quo conficitur, exploratam quoque distantiam CA evadere, & ex restæ CA ab AB subtractione alteram CB, ipsamque centri C positionem. Enitendum aliter non est, ubi globos duos jugum non deferat, sed plures; & ne rei perspicuitas desit, proponitur virga AB \*\* sphaeris quatuor A, C, D, & B onusta, quarum investigetur unicum motus centrum. Methodo nuper exposita punctum E reperitur, circa quod converterentur sphaeræ A & C; ibi autem præcipiantur in summam coire, ut efficiant unicum corpus. Ratione haud dissimili centrum motus G detegatur, a quo penderent globi D & B; & eo perinde conjiciantur, ac si unicam exhiberent concretionem. Ubi inter E & G, seu inter sphaeras ibi congestas, punctum F medium modo non alio determinetur, a centro illud non differet, cui debetur globorum in E & G extantium æquilibrium. Quod si a punctis E & G transferantur in F, ut in unicum coalescant, vertetur centrum motus in aliud gravitatis; quemadmodum enim globi multi circa illud gravitabant, ita librantur erga istud partes omnes unius. Industrias hæc centrorum inventio utilis redigendo in punctum unicum ponderi est, quod distribuitur inæqualiter per corpus universum. Illius sane præsidio revocari composita pendula diximus in simplicia.

## PARAGR. II.

*De vecte.*

9. Ab iis, quæ de centro motus definivimus ortum duxit *Mechanice*. Ars hæc est, cujus opera vires augentur applicatarum machinis potentiarum; hoc autem nomine pondera veniunt ad elevandum aliud accommodata, vel substantiæ vitam, & motum consecutæ. Admoveri ea labori assolent *directæ* & *oblique*; obliquæ enim sunt, obtusum ad an-

Tom. III. *Physicæ.*

C c c

gulum,

\* Tab. XVI. fig. 3. \*\* Tab. XVI. fig. 5.

gulum, vel acutum, si agant, directa si ad rectum; impetum vero utrumque explorabimus seorsim. *Machinæ*, quibus adjici potentia valent, opificia sunt eo consilio elaborata, ut vis perexigua fiat maxima, aptaque evadat ad resistantiam superandam, vel enixiorem. Aliæ earum *simplices* sunt, & aliæ *compositæ*; quippe compositas dicunt, quæ ex simplicibus coagmentantur, & simplices, quæ non constant ex aliis. His potissimum vectis accensetur, seu ferrea virga, & longa, ad dimovendum pondus idonea; illius vero extremis in partibus corpora duo extant, & in media punctum, cui insistit, nuncupaturque *hypomoclion*, seu fulcrum. In eo centrum motus versatur, circa quod vires suas exerunt invicem pondus, & potentia; variis autem eorum ex positionibus dividitur vectis in tria genera. *Primum* ad genus spectat vectis, cujus fulcrum inter potentiam reperitur, & pondus; in jugo enim  $A B^* \text{ hypomoclion } C$  manui  $A$  interjacet, & massæ  $P$ . *Secundi* generis jugum est, quum interponitur massa manui, & hypomoclio; in vecte quippe  $A C^{**}$  medium in  $B$  pondus  $P$  est inter potentiam  $A$ , & fulcrum  $C$ . *Tertium* ad genus pertinet vectis, ubi inter pondus, & fulcrum degat potentia; manus namque  $A^{*+}$  ad jugum  $B C$  interjicitur massæ  $P$ , & hypomoclio  $C$ . Prztereundum denique non est rectos in idem vectes redire, ac curvos.

10. Ad experimenta, quæ sumi de vectibus solent, suppetit machina peculiaris. Planum  $A B D C^{\dagger\dagger}$  extat verticaliter erectum, cujus in rima paullo latiore  $E F$  excurrere commode potest capsula  $K$ . In hac continetur theea alia polis duobus, circa quos verti facile valet, innixa; eam autem vectis  $M N$  ponderibus  $P$  &  $S$  onustus trajicit, ut promoveri hac & illac queat ad extrema usque  $M$  &  $N$ . In superiore tabulæ parte trochlea  $G$  erigitur, cui a fune circumducuntur uncus  $L$ , & pondus  $T$ ; imminet nempe vecti, ut quum diductus ille fuerit, sustineri haud ægre possit in situ. Regula inferius adjicitur cum trochlea  $A$ ; huic vero funiculus  $N R$  cum pondere  $S$  commendatur, quod in vectem  $M N$  annitur oblique. Compertum ex his fit, institui tentamina posse, quæ ad vectes spectant generum universonum; capsula enim  $K$  cunctis alveoli  $E F$  punctis figi rite valet, totaque vectis longitudo eduei, ut actionum momenta pro rei opportunitate consentiant ex pondere  $T$ . Attamen ne vectem, qui metallica a virga non differt, gravitas deprimat, imparemque reddat periclitationi, adjungitur annulus, vel eubus  $M$ , ultro citroque impellendus, quoad cum jugo obtineat æquilibrium. A ponderis autem  $S$  quantitate vis innoscit potentiarum obliquarum.

11. Experiundo comperitur a generis primi vecte potentiam adaugeri pro incrementis distantiarum a fulero. Validior nimirum evadit illa ad resi-

\* Tab. XVI. fig. 6. \*\* Tab. XVI. fig. 7. \*+ Tab. XVI. fig. 8. †† Tab. XVI. fig. 9.

ad resistantiam expugnandam, quo radius, cui insistit, longior est alio ponderis adjecti; nec deest ullatenus demonstratio. Vectis enim virga flecti nescia est, & suffulta certum ad punctum; decretum vero fuit (1), ponderum alterum ab ea suspensum vinci, ubi distantia a centro motus sint inæquales. In vectis scilicet  $AB$  \* medietate ubi hypomoclion c existat, sustentari a potentia  $v = 1$  pondus  $p$  valet libræ 1; æquales enim distantia  $AC$  &  $BC$  cum sint, libratur corpora omnino. A puncto deinde  $c$  si fulcrum in  $F$  transferatur, ad tertiam nempe vectis partem, pondus  $p$  libræ 1 cohibetur a potentia  $v = \frac{1}{2}$ ; recta quippe  $BF$  dupla alterius  $AF$  est, ut ratio eadem reciproca transeat ad corpora  $p$  &  $v$ . In punctum denique  $E$ , hoc est in quartam vectis portionem hypomoclion  $c$  ubi deducatur, pondus  $p$  libræ 1 elevatur a potentia  $= \frac{1}{3}$ ; alterius namque  $AE$  tripla est linea  $BE$ , jubetque pondera  $p$  &  $v$  eidem obsequi præscriptioni. Planum idcirco est, minorem vim ad effectum eundem creandum sufficere, quo sit auctior illius distantia; eodem autem illud redit, ac potentia impetum amplificari pro locorum, in quibus commoratur, ad punctum nisus accessu. Hac sane de causa a forcipe corpora valide apprehenduntur, & facile dissecantur a forcice; vectes namque primi ea sunt, in quibus potentia a manu exhibetur, ab axiculo fulcrum, & pondus a corpore intercepto. Nec inexploratum penitus est, cur baculus genibus admotus, inflexusque utrinque, dirumpatur nullo negotio; duplicem namque vectem ille designat, in quo genua hypomoclion sunt, manus utraque potentia, & partes distractæ sunt pondus. Univerſa autem promptius cedunt, quo vectis est productior.

12. Generis secundi vectis potentia actionem æque exaggerat, ac primi. Robustior scilicet esse illa intelligitur, quo a centro motus sit pondere remotior. Potiorem quippe distantiam sibi quom nanciſcitur, arcum absolvit longiorem, celerioremq; propterea motum affequitur, cui succedit virium accretio. In virga scilicet  $AB$  \*\*, cujus hypomoclion  $c$  est, sustinetur extremum  $A$  a potentia  $D$  ope funis  $GD$ ; corpus vero  $p$  libræ 1, quod ad duarum ex tribus partium distantiam collocatur, nempe in  $E$ , libratur a pondere  $= \frac{2}{3}$ . Verum ex  $E$  in  $F$  pondus  $p$  si statuatur, ad tertiam scilicet vectis portionem, illud ad attollendum potentia  $D$  minor postulatur, quæ est  $= \frac{1}{3}$ . Evincitur proinde, a distantia  $AB$ , quæ licet constans sit, alias tamen superat  $EB$  &  $FB$ , progredi reapse virium incrementum. Quemadmodum enim

Ccc 2

recta

\* Tab. XVI. fig. 10. \*\* Tab. XVI. fig. 11. (1) Num. 6. &amp; 7.

recta  $AB = 3$  ad aliam  $EB = 2$  est, ita pondus  $P = 1$  ad potentiam  $D = \frac{2}{3}$ ; & sicuti linea  $AB = 3$  ad ipsam  $FB = 1$ , ita corpus  $P = 1$

se habet ad vim  $D = \frac{2}{3}$ . Secundi plane vectis ex indole indicatur ratio, qua a remigibus promovetur cymba expedite; aqua enim fulcrum est, manus remo admota potentia, & navicula est pondus. Negotium vero majus non facessit causa, qua duo bajuli saxum comportantes extenuari sibi sentiunt sarcinæ gravitatem; centrum quippe nissus in hujus humero reperitur, in illius humero potentia, & pondus in lapide. Pacto demum eodem culter ligneus exponitur, quo placentam triticeam subigunt piniores.

13. Terti generis vectis potentiam firmat, sed minus aliis. Quantumvis a fulcro illa recedat, distare plus nequit ipsimet pondere; momentum propterea hujus a vi non modo exigua non vincitur, verum etiam nec ab æquali. Perspicuum illud ex calculo fit, quem induximus ad vectem secundum; ubi namque potentie locum pondus occupet, & locum ponderis potentia, innotescit infirmitas ætionum. In jugo scilicet  $AB^*$ , cujus hypomoelium est  $C$ , si globus  $P$  libræ 1 in  $A$ , & uncus in  $E$  ad duas tertias virgæ partes existat, feritur ille a pondere  $CD = \frac{3}{2}$ . Ab  $E$  autem in  $F$  uncus ubi deferatur, minuaturque distantia, ut tertiam duntaxat lineæ  $AB$  portionem sibi vendicat, pondus  $D = \frac{3}{2}$  non sufficit, sed alius requiritur  $= 3$ . Æquari a conatu quovis cum nequeat ponderis vis, multoque minus superari, evincitur exigua terti vectis utilitas; adhibetur tantum, quum ex majore a puncto motus distantia succrescere potentie, quæ fortior resistentia sit, debet celeritas. Illius exemplum in rusticorum palla reperies, qua frumenti grana projiciunt ad excernendas paleas; manus quippe dextera fulcrum est, læva potentia, & pondus est triticum. Alia fortasse suppetere hoc comperiora.

14. Vera hæc sunt, si potentia vectem premat directe. Oblique vero illum si trahat, aliæ subeunt præscriptiones ceteris tamen funditus non dissentaneæ. In jugum scilicet  $EV^{**}$ , a quo pondus  $P$  suspenditur, potentie tres agant  $A$ ,  $B$ , &  $D$ ; verum  $A$  directe per  $A E$ , seu rectum ad angulum  $A E V$  illud afficiat,  $B$  autem &  $D$  per  $B E$  &  $D E$  oblique, seu ad obtusum angulum & acutum  $B E V$  &  $D E V$ . Quem vis  $A$  in vectem nissum adhibeat, explicandum non est stylo fusiore; querendum potius est, quis superfit imperus duabus  $B$  &  $D$ . Ambigere quidem non potest, partem conatus, quem in virgam exerunt, ablu-

mi obli-

\* Tab. XVI. fig. 12. \*\* Tab. XVII. fig. 2.

mi obliqua a directione; hujus enim gratia in pondus  $P$  non modo nituntur, verum etiam in punctum  $E$ , ut illud abducere contendant, vel adducere ad centrum  $C$ . Quæ vero jactura sit, conjici diserte potest a canone virium directarum; ut enim reciprocam distantiarum a fulcro rationem illæ sequuntur, ita oblique sunt reciproce veluti distantiz fulcri a directionibus potentiarum. Compertum illud ut fiat, vectem  $VE$  \* distrahant potentiz duæ  $A$  &  $B$ ; perinde quippe est, ad partem alteram pondus hæreat, vel enitatur vis quæpiam. Iniquum iis, qui geometrica penitus non nesciunt, non erit demonstrare, a manibus  $A$  &  $B$ , quæ advehere sibi extrema  $V$  &  $E$  satagunt, proportionem reciprocam servari perpendicularium  $CG$  &  $CF$  ab hypomoclio  $C$  ad directiones  $AV$  &  $BE$  diductarum. Productis nimirum rectis  $AV$  &  $BE$  in  $D$  ut angulum  $VDE$  efficiant, ratum est, a puncto  $C$  si accedere vectis posset, describendam diagonalem  $CD$  fore, quæ ex rectis componitur  $CA$  &  $CB$ , directioni  $AV$  &  $BE$  parallelis. Linea idcirco  $CD$  vim ex duplici constatam cum exhibeat, potentiz  $A$  &  $B$  a rectis exprimuntur eam compingentibus  $CA$  &  $CB$ , seu  $AD$  &  $BD$ , ut re ad æquationem perducta sit  $A : B = AD : BD$ . Porro triangulum  $CAD$  alteri  $CBD$  æquale est, quod utrumque dimidium sit parallelogrammi  $CADB$ ; paribus autem in triangulis bases reciproce, ut altitudines, se habent, obtrineturque  $AD : BD = CF : CG$ . Basibus denique  $AD$  &  $BD$  si perpendiculares  $CF$  &  $CG$  sufficiantur, portio  $A : B = AD : BD$  migrabit in aliam  $A : B = CF : CG$ . Liqueat propterea, vires  $A$  &  $B$  consonare perpendicularibus  $CF$  &  $CG$ ; cumque hæquantum punctum  $C$  removeatur a rectis  $AV$  &  $BE$ , indicent, a potentiis æquabuntur reciproce distantiz fulcri a lineis directionum. Hæ videlicet quo obliquiores sunt, eo minor est nifus potentiarum.

15. Lex tamen hæc adplicanda singularibus est hypothesibus actionum. Unica quippe potentia operi interdum admoveatur, interdum duplex; vectisque primi generis nonnunquam inducitur, secundi nonnunquam, vel tertii. Jugo  $VE$  \*\* ingruat primo vis  $A$ , vel  $B$ , vel denique  $D$ , quæ sint penitus æquales; decretum plane fuit a directe oblietari,  $B$  vern &  $D$  prorsus oblique. Directiones  $AE$  &  $DE$  in extremum  $E$  vectem definant, ipsa vero  $BE$  producat in  $F$ ; rectæ autem  $CE$ ,  $CG$ , &  $CF$ , quæ in  $AE$ ,  $DE$ , &  $BF$  perpendiculariter veniunt, singulorum ostendunt conatum quantitatem. Vectem deinde  $VE$  potentiz  $A$  &  $B$  \*\*\* utrinque urgeant eandem ad partem  $VDE$ ; exploratum quidem est, eas invicem convergere, ut si lineæ  $VA$  &  $EB$  proferantur, coeant in angulum  $D$ . Ad rectas  $VD$  &  $ED$  a puncto  $C$  deducantur normales  $CG$  &  $CF$ ; quæ distantias fulcri a directionibus cum determinent, momenta dabunt virium obliquarum. Ipsam vero vir-

gam

\* Tab. XVII. fig. 2. \*\* Tab. XVII. fig. 1. \*\*\* Tab. XVII. fig. 2.

gam  $VE$  \* potentiz  $A$  &  $B$  eandem ad plagam trahant, sed sint divergentes; produci rectas  $AV$  &  $BE$  non posse constat in  $D$ , quin triangulum  $VDE$ , & diagonalis  $CD$ , in parte describantur adverſa.  $Ah$  hypomoclio  $C$  ubi perpendiculares  $CF$  &  $CD$  in directiones  $AD$  &  $BD$  ferantur, perfecta omnino fiet niſuum decretio. Baculum poſtremo ferreum  $VE$  \*\*, qui ſecundi generis, vel tertii, veſtem exhibet, potentiz  $A$  &  $B$  afficiant ad plagas oppoſitas; nequit illarum valor innoſcere, nili directio  $AH$  in  $D$  & in  $F$  veniat, aliaque  $BE$  in  $D$ . Angelus eum in modum effectus demonſtratio nuper memorata ſuadet, diſcrimen contentionum, quod ab obliquitate exoritur, pandi manifeſte a normalibus  $CF$  &  $CG$  in directiones  $AH$  &  $BD$ . Præceptionem hanc, quæ erroris experta omnino eſt, efferunt alii alia ratione; ajunt enim, potentiarum niſus eſſe reciproce, ut ſinus angulorum  $ADC$  &  $BDC$ , quos cum diagonali  $CD$  ſuleri  $C$  efformant illarum directiones  $AD$  &  $BD$ . Verbis tamen diſſimilibus conſtituitur res plane eadem; ſinus quippe illi, ubi ſchemata hic appoſita expendantur, a perpendicularibus non differunt  $CF$  &  $CG$  in directionum lineas deductis. Quod lancitum de veſte fuit, in machinas conſonat univerſas; attollenda enim a potentia pondera ubi ſint, perinde eſt, adhibeantur trochleæ, vel planum inclinatum. Corpora nimirum omnia, ubi edomandam pacto aliquo gravitatem obſciant, redigi poſſunt ad veſtem; non pugnat quippe pondus ita diſtribui, ut quod ſphæricam figuram, vel cubicam exhibet, revocetur in oblongam. Ceterum obliquis de viribus fuſiora qui exſperat, Delahierium (1) conſulat, Borellium (2), Varignonium (3) & alios.

## PARAGR. III.

*De libra & ſtatera.*

16. AD veſtem primi generis ſpectare creditur *libra & ſtatera*. *Libra* quidem machina eſt ad pondus corporum explorandum accommodata; quatuor autem partibus præſertim conſtat, *jugo* nimirum, *lingua*, *anſa*, & *lanceibus*. *Jugum* quoda virga non diſcrepat, eſt  $AB$  \*\*; duo in brachia dividitur  $AC$  &  $CB$  gravitate, & longitudine prorsus æqualia. *Lingua*, quam examen pariter vocant, eſt gladiolus  $EC$  veſti  $AB$  perpendiculariter inſiſtens; ex illius ſane inclinatione perfectum omnino fit, quod corpus ſit alio ponderoſius. *Anſa*  $DC$ , quæ *trutina* nonnullis dicitur, linguam concludit, aſſertque in  $C$  forula duo; his vero axiculus inſeritur, circa quem convertitur virga  $AB$ . *Lances* patinulæ ſunt  $F$  &  $G$  funiculis, qui utrique  $A$  &  $B$  jugi extremo pendent, ſuffultæ;  
idoneæ

\* Tab. XVII. fig. 3. \*\* Tab. XVII. fig. 4. \*\*\* Tab. XVII. fig. 5.

(1) Traſt. mechan. (2) De mot. animal. (3) Nov. mechan. vol. 2.

idoneæ quidem ferendis corporibus sunt, in quibus expendenda proponuntur ponderum discrimina. Quæ demum a læva parte sunt, & quæ in dextera, gravitant æque omnia, ne quod libræ est, tribuatur corporum inæqualitati.

17. Ad usum libræ quod attinet, exploranda diligenter est illius constructio. Omnem extra controversiam est, elaboratam fuisse libram accurate, ubi ponderibus æqualibus impositis locum horizontalem jugum  $AB$  occupet, & delitescat lingua  $EC$  penitus in ansa. Usuvenire tamen per summam artificum imperitiam, vel fraudem potest, parallelum horizonti jugum esse, quin pondera examini exposita sint æqualia. Contingit illud, quum latera  $AC$  &  $BC$  paria gravitate sunt, sed longitudine imparia; quod enim productius est, potiore fruitur celeritate, qua pondus altero levius afferat in æquilibrium. Vitium reterege qui exoptet, situm corporum immutet, ut quod lanci dextere inerat, transferat in lævam; brachium quippe procerius, dum plus oneratur, deorsum ruat, necesse est, aperiatque gravitatum inæqualitatem. Ceterum exquisita libra ubi fuerit, adhibenda adhuc in ponderum judicio est industria peculiaris; nonnullarum enim præceptionum diligentiam qui negligat, sæpe numero decipietur, & sædissime. *Primo* immittenda lancibus non sunt pondera immania; namque axiculus frictionem ex compressione insignem experitur, ineptiusque evadit ad indicanda discrimina exiliora. *Secundo* cavendum sedulo est a celeritate nimia, quum libra elevatur corporibus onusta; ex motus enim auctione axis foraminibus apprimitur, majoremque idcirco offert resistantiam. *Tertio* desinenda ansa est in situ verticali; utrumlibet namque ad latus si propendeat, tegere linguam valet, quin jugum sic horizontale. Alia fortasse alij memorabunt, sed sunt hæc præcipua.

18. *Statera* machina alia est ad gravitatem corporum investigandam pariter inducta. Describenda ubi illius forma sit, ex *strutina* conficitur, *lingua*, *lateribus*, quorum aliud brevius est alio, & *æquipondio*. De *strutina*  $DC$ \*, & de *lingua*  $EC$  adjiciendum nihil iis est, quæ admonuimus ad libram. *Latera*  $AC$  &  $CB$  portiones sunt vectis  $AB$ ; eorum alterum  $CB$  æquales in partes distribuitur  $L$ ,  $G$ ,  $E$  &c. quarum unicam continet alterum  $AC$ . *Æquipondium*  $K$  est pondus ad evincenda alia concinne admotum; per virgam  $CB$  deducitur, quoad cum corpore  $P$  efficiat æquilibrium. Suspenditur vero inter  $A$ , &  $C$ , ut ex numeris brachio  $CB$  inscriptis quantitas liqueat gravitationum; definitum enim fuit, potentiam  $K$  ad attollendum pondus aptiorem evadere, quo a fulcro  $C$  sit illa remotior. Ut libra ad exiguum, ita illata statera fuit ad ingentium corporum examen.

19. De stateræ usu prætereundæ non sunt aliquæ animadversiones. *Prima* est vitiosam esse illam posse, quod brevior jugi portio  $AC$  ante ponde-

\* Tab. XVII. fig. 6.

ponderum adjectionem non libretur exquisitè cum longiore alia CB. Quo evioratur fallacia, explorandum diligenter est, an lingua suopte ingenio sub ansa delitescat, locumque horizontalem servet vectis AB. *Secunda* est, haud ægre fieri, ut partes, in quas dispescitur brachium CB, quibusque designari unciz, libræque, affolent, sint inæquales. Cui incommodo ut propiciatur, advocanda circini opera est, quo illarum longitudo attente exploretur, reddaturque, quantum per diligentiam summam liceat, æqualitati. *Tertia* est, pondere justo æquipondium nonnunquam delitui, leviusque omnino esse, quam corporum proportio petat, & poscat ratio distantiarum. Huic autem labi parare medicamen qui velit, pondus ex libra jam perspectum lateri CA appendat, alterique CB congrue apponat æquipondium; ubi enim gravitatem, quæ minor æquo sit, affert, non turbatur æquilibrium. *Quarta* est virgæ CB particulas longitudine æquales esse posse, sed pondere inæquales; illarum quippe aliqua crassior interdum altera est, ut gravitatem imparem exhibeat, insensumque recte ponderum discretioni. Ei quidem morbo, cui opem ferre cura artificum, vel impenior, vix valet, ut consultum eas, peragenda vectis divisio est ratione peculiari. Pondus videlicet P, quod libræ unius sit, pendeat a virga AC; æquipondium K io CB promoveatur, quoad libretur omnino; punctum vero L, ubi vires se exæquant, obsignetur primo vestigio. Libra deinde alia ponderi P adjiciatur, quin dimoveatur a loco suo; diducatur autem æquipondium K, ut in O veniat, & ferat æquilibrium; ibique notula alia adscribatur, quæ significet libræ duas. Adjungendæ libræ aliæ ponderi P sunt, donec caracteribus certis totum distinguatur jugum CN; sique minutiora unciarum discrimina exoptentur, addendæ libræ non erunt, sed unciz; quæ sane divisio *empirica* nuncupatur, seu *practica*. Præstita tamen hæc cum fuerint, negligenda adhuc non sunt, quæ posuimus ad libram; ubi periculum videlicet fiat, abstinendum ingentibus a ponderibus est, a celeritate nimia, & a quavis ansæ proclivitate. Horum enim quodque perturbare nullo negotio valet accuratam ponderum disquisitionem.

## PARAGR. IV.

*De axe in peritrochio.*

20. *Axis* in peritrochio ferrea virga est per cylindrum traducta. *Peritrochium*, si explicetur vox Græca, rotam significat; indicatur vero, circa axem ea in machina converti orbitam lineam. Axis plane cum cylindro est HC\*; hunc autem sustinet AD & CB trajiciunt, seu, ut nonnulli vocant, scytalæ, quarum præsidio agitur circulariter. Singulis vide.

\* Tab. XVII. fig. 7.



videlicet homines admoventur, ut ope funis EF, qui cylindri superficiem circumvolvitur, trahi commodè valeat pondus K. Verticalis interdum ille est, interdum horizontalis; ubi enim motu ad horizontem parallelo deducendum pondus est, statuitur verticaliter; horizontaliter vero collocatur, quum evehitur pondus directione verticali. Nuncupari solet etiam *ergata*.

21. Machinæ hujusce conformationem qui exploraverit, pertinere non nesciet ad vectem generis primi. Cylinder videlicet plano basi parallelo secetur, quod per baculos transeat DA & BE\*; a portionibus quidem AF, EK, DL, & BG illi exhibentur, & a centro C punctum axis designatur, circa quod motum suum peragit peritrochii circulus FGLK. Adplicatio idcirco potentiaæ A & ponderis P reperitur in vecte AD, cujus ad hypomoclium C servatur a re utraque æquilibrium. Ubi sudes AF a manu in EK deprimatur, occupat illius locum alius BG; a quo compertum omnino fit, vectem alterum exprimi modo penitus eodem; nec de DL & KE aliter sentias successione perpetua. Quo proinde pacto adhærens axi potentia A pondus P sustollat, eruitur facile a vectis præscriptionibus; ratum quippe est, validiorem illam evadere, quo distantia CA a centro motus C auctior est alia CL. Præceptum scilicet fuit ad obtinenda potentiaæ, & ponderis, momenta prorsus æqualia esse  $A : P = CL : CA$ ; alterum nempe ab altera sustinebitur eo minore, quo recta LC longitudine plus cedit ipsi CA. Ut efferatur propterea corpus P a potentia quantumvis exigua, præstandum est alterutrum; proceritas necesse est augeatur baculi CA, vel extenuetur cylindri radius LC. Ubi enim latus CA producat, succrescit potentiaæ A a fulcro C distantia; quæ ex circuli radio CF componitur, & ex fuste FA. Imminuto vicissim circuli FGLK diametro LF decuratur distantia LC ponderis P ab hypomoclio C, quæ nullatenus differt ab illius semidiametro. Virium itaque incrementum a scytalarum longitudine progreditur, vel ab exilitate peritrochii.

22. Ad ampliorem axis usum observanda tria sunt accurate. *Primum* est, apponendas manus esse scytalis extremis; qui mediis enim admoveat, minorem a fulcro ob distantiam experietur resistentiam vehementiorem. *Secundum* est, impulsionum directiones, vel adtractionum, esse sudibus perpendiculares; nemo quippe ignorat, infirmari quam maxime vires ab obliquitate. *Tertium* est, caveri sedulo, ne aliis aliæ superinducantur funium spiræ; iis namque invicem impositis pondus cum distantius ab hypomoclio fiat, renititur impensius. Ceterum ab axe in peritrochio non discrepant machinæ complures. Revocandæ scilicet in illum rotæ sunt hominum pedibus, vel equorum, ad elevanda pondera circumductæ; cavæ enim illarum circumferentiæ, per quas incedit potentia, munus baculorum obeunt cylindro mobili ingestorum. Referen-

Tom. III. Physicæ.

Ddd

da

\* Tab. XVII. fig. 8.

da eo sunt molendina ad comminuendum triticum instituta; illius namque a granulis pondus exhibetur, & ab aqua rotam compellente, vel ab aere, potentia. Illuc demum conjiciuntur horologiorum cochleæ, quarum catenulas elastrum distrahit exiguo in tympano conclusum; ab hoc enim potentiz ratio obtinetur, & ponderis a motu rotarum. In cochleam scilicet ea machinula conformatur, ut vis elastri sub motus finem remissior a magnitudine suppleatur, seu celeritate circulatorum. Aliæ præsto essent, sed universis facit satis lex eadem.

## PARAGR. V.

*De trochleis.*

23. ORBIS *trochlea* est, qui conversiones peragit circa suum axem; & hujusmodi est *A C* \*. Alveolum in circumferentia gerit excipiendis funibus idoneum, quibus pondera verticaliter eriguntur, vel trahuntur horizontaliter. Genera trochlearum duo sunt, *simplicium* videlicet, & *compositarum*; ligneis circulis pluribus, vel ferreis, hæc compinguntur, illæ unico. Quæ duos deferat, *dispaston* nuncupant, *trispaston* quæ tres, & quæ alios, generatim nominant *polispaston*. Simplex deinde dividitur in duas, quarum alia *mobilis* est, & alia *immobilis*. Brevem aggredimur trochlearum omnium explanationem.

24. Simplex trochlea, & *immobilis*, axi circumvolvitur immoto. Orbiculus videlicet *DCE* \*\*, cujus præsidio pondus *P* a potentia *V* sustinetur, vertitur quidem circa *C*; hoc tamen axis punctum ab alio *A* firmo pendet, ut non attollatur, nec demittatur, ullatenus. Hæc a trochlea vis *V* incrementum non capit, quo effeær corpus *P* se ponderosius; diameter enim *DE* vestem primi generis designat, cujus extrema *D* & *E* distant æque a fulcro *C*. Latus scilicet *CE* alteri *CD* æquale cum sit, pari celeritate, constat, pondus *P* & potentiam *V* circa motus centrum *C* ferri, ut non librentur, nisi se exæquent omnino. Trochlea idcirco immobilis eo tantum confert, ut ab æquali potentia attollatur corpus expedite; funis enim, cui illud concreditur, fluxæque advolvitur peripheriæ, minus renititur, quam si apprimeretur immotæ. *Mobilis* vero trochlea axi adjungitur motum affecuto; eaque potissimum orbis *CDE* est \*\*\*, cujus punctum *C* per funem *ADE* *V* clavo *A* additum elevari a potentia *V* solet ad altitudinem *CF*. Hujus quidem ope adaugetur potentiz *V* nisus ad erigendum pondus *P* comparatæ, ut 1 valeat ad 2; diameter quippe *DE* generis secundi vestem exhibet, ubi potentiz pondus interponitur, & hypomoclio. In punctis scilicet *E* & *D* vis *V*, & fulcrum *A* reperitur, massæque *P* extat

\* Tab. XVII. fig. 9. \*\* Tab. XVII. fig. 9. \*\*\* Tab. XVII. fig. 10.

extat in  $C$ ; cumque  $DE$ , seu distantia potentiz a centro  $D$ , sit dupla distantiz ponderis  $DC$ , fit, duplicari illam ad hoc detinendum. Diametret enim  $DE$  duplus est radii  $DC$ .

25. Trochlea duplex duplici coalescit ex orbiculo. Horum alter  $DCE$  \* immobilis est, firmoque adhæret clavo  $A$ ; mobilis vero alter  $BHK$  est, ut accedere nullo negotio valeat centro  $C$ . In puncto  $E$  circuli  $DCE$  æquale omnino pondus  $P$  est potentiz  $V$  alteri  $D$  admotæ; se exæquant enim distantiz  $CE$  &  $CD$  vectis primi, ut nullam afferant virium dissimilitudinem. Alterius tamen orbis  $BHK$  in puncto,  $K$  potentia  $V$  subdupla est ponderis  $P$ ; inæqualibus enim ex distantijs  $BK$  &  $BH$  vectis secundi, quarum hæc est illius dimidia, efferre vis  $I$  valet massam 2. Exploratum vero ex his fit, trochleam duplicem eodem redire, ac simplicem mobilem; immobilis enim, quæ alteri adjicitur, commodiorem tantum efficit ponderis elationem. Potentia nempe, contra quam in alia præstet, corpus attollit se demittendo.

26. Triplex trochlea tribus conficitur ex orbibus. Horum duo  $B$  &  $C$  \* immobiles sunt, hærentque firmiter puncto  $A$ ; alter vero  $D$ , cui pondus  $P$  suspenditur, est mobilis, & ascendere facile potest in  $C$ . Efficit illa, ut potentia  $V$  ad pondus  $P$  sit, veluti se habet unitas ad numerum funium, dempto uno  $BV$ ; experimenta namque exaspasti, seu trochleæ sextuplicis id luadent (1), quæ vocanda nullatenus sunt in suspicionem. Rem ad ostendendam advocari non valet vectis secundus; hæc quippe in machina unicus ineft circulo  $D$ , eo quod  $B$  &  $C$  primum exhibeant; triplaque idcirco potentia non evadit, sed dupla. Quonodum expediant, pondus  $P$ , ajunt, non posse ad altitudinem ipsi restæ  $FF$  parem sustolli, quin per orbiculos transeant segmenta tria funium æqualia  $EE$ ,  $FF$ , &  $GG$ . Deprimatur propterea tempore eodem necesse est, potentia  $V$  ad profunditatem altitudinis triplam, squiratque proinde celeritatem, quæ tripla sit velocitatis ponderis  $P$  ad punctum  $C$  vecti. A celeritatis autem iucremento progreditur virium auctio; triplum enim cum sit, præstat, ut a potentia  $I$  pondus 3 vineatur pro numero scilicet funium. Solutio tamen ingeniosa licet sit, parum proficit omnino; nisi enim rationem memorent, qua velocitatem potentia nanciscitur ad triplicem effectum, funes  $EE$ ,  $FF$ , &  $GG$  per rotulas non excurrent, nec assurgat pondus  $P$ . Qui causam dari pro causa hic intelligunt, insensasque habent logomachias, confugiunt ad quidpiam acutus; pondus namque  $P$ , affirman, in tres partes distribui, quarum singulæ gravitant in funem unicum. Funis propterea  $BG$  tertiam tantum ponderis  $P$  portionem deferat, cujus aliz in alios exeruntur  $CF$  &  $CE$ ; fit idcirco a potentia, quæ in  $V$  extat, ac si deberet

Ddd 2 in

\* Tab. XVII. fig. 11. \*\* Tab. XVII. fig. 12.

(1) Vid. Gravefand. elem. phys. cap. 13. exper. a.

in B, non percipi resistantiam 3 sed 1. Ne quæ sentimus, premamus animo, enodationem hanc non diffidimus esse alia opportuioiorem.

27. Trochlea quadruplex complectitur quatuor orbiculos; Immobiles duo sunt, nempe B & C\*, pendentque a clavo A; ceteri autem duo D & E sunt mobiles, quia cum pondere P a potentia V trahuntur ad locum editiorem. Hac in machina pro funium, vel circuloium, numero amplificatur pariter potentia, ut quæ 1 sit, cohibere pondus valeat 4 librarum. Ne idem iterum usurpetur, liquet, pondus P in 4 funis dispelei, quartamque idcirco obijci duntaxat illius partem, quæ a manu V deferatur in C. Prætereundum tamen non est, ad uoiversas trochleas *junctas* legem illam spectare, non ad *separatas*; uniri autem dicuntur, quibus suis unicus circumvolvitur, & quæ a pluribus ambiuntur invicem secretis, affirmantur sejungi. Trochlearum, quæ unico a fune colligantur, exemplum præter eas, quas hæcenus exposuimus, extat in A D\*\*; ubi a potentia V per orbiculos tres immobiles E, F, G, mobilesque alios H, K, L, extollitur pondus P. Alterum vero in D D C C reperitur, ubi dispersiuntur orbes alia ratione\*\*\*; virgæ quippe immobili D D, cui tres M, N, O, insunt, admoveri a potentia V pondus P valet adjectum orbibus R, S, T virgæ mobilis C C. In his sane virium incrementa sequuntur numerum funium.

28. Edicendum tamen aliter est de trochleis separatis. Funes hæc gerunt, qui suos inter se penitus discreti; ad efferendos enim orbiculos quinque mobiles M, N, O, Q, & R\*\*\* in sextuplici machina A B C adnectuntur illi clavis H, G, F, E, & D; circulus vero L est immobilis. Hujusmodi scilicet in trochleis potentia V ad pondus P non succrescit juxta numerum funium; proportionem allam servat, quæ terminos æmulatur duplæ progressionis geometricæ; idque ostendunt experimenta (1). Ratio incrementi, quod eo pacto peragitur, a diametro orbiculi S R provenit vectem secundi generis referente; pondus enim P, quod librarum 32 sit, ob legem superius traditam in R evadit 16. Ceteri vero a primo cum non discrepent, pondus continuo secant partes 10 dimidias, ut ad puncta Q, O, N, & M æque illud valeat ac 8, 4, 2, & 1. Potentia idcirco 1, quæ sita in V sit, librari haud ægre potest cum pondere 32; quod in idem recidit, ac vim ad efferendam massam se habere, ut unitas ad 6. terminos proportionem duplæ geometricæ incedentes. Ratum hinc fit, a polispasto trochlearum junctarum minus augeri potentiam, quam ab alio sejunctarum; in eo siquidem sextum post orbem vis 1: ad 32 ut 1 ad 6 est, in hoc vero ut 1 ad 1. Vix tamen utuntur ob volumina impeditius.

29. Ad

\* Tab. XVII. fig. 13. \*\* Tab. XVIII. fig. 1. \*\*\* Tab. XVIII. fig. 2.  
 †† Tab. XVIII. fig. 3. (1) Vid. Gravet. loc. cit. cap. 15. exper. 4.

29. Ad tutiorem trochlearum usum observanda sunt aliqua. *Primum* est, orbes magnos eodem redire, ac exiguos, nec negotii multum facessere quamlibet subeant distributionem. Extremæ quippe vectium distantix quamvis magnitudinem habeant, utrinque sunt æquales; & loco quovis orbiculi degant, æque agunt, qua mobiles sunt, & qua immobiles. *Secundum* est, adhibendos funes parallelos, potentiamque statuendam ponderi esse perpendiculariter. Obliquitatem scilicet omnem, decrevimus plurimum officere effectuum promptitudini; resistentia quippe confirmatur, infirmaturque maxime actio potentiarum. *Tertium* est, verticalem potentix directionem fieri præsidio trochleæ alterius horizonti parallelæ posse horizontalem. Confert illud potentix, ne a pondere opprimatur forte prorupte; animantia præterea, cujusmodi equi sunt, trahere massas valent vi tantum horizontali. *Quartum* est copulandas interdum compositas esse trochleas, ut potentix munus altera obeat, & altera massæ. Pondera quæque immania evchi eo pacto queunt ad omnem altitudinem; gravitas enim hinc extenuatur, illine vero exaggeratur momentum virium potentiis insitarum. *Quintum* denique est, solido clavo illas suspendi, innitique axibus firmis; ea namque si revellantur, elisio imminet, & exitium rebus subjectis. Hac plane de causa ferreæ potius trochleæ sunt, quam ligneæ.

## PARAGR. VI.

*De rotis dentatis.*

30. *MACHINAM rotæ dentatæ* exhibent, quam nominant *glossocomum*. Confititur potissimum ferreis ex rotulis, quarum singulæ afferunt duces circulos; hi vero concentrici sunt, inæquales, & dentibus instructi; ut cernere est in DE \*. Rotæ omnes invicem colligantur, ut cum denticuli majorum minorum circulorum aliis inferantur, eos rapiant in motum. Credi vix potest, quanta alacritate efferantur eo artificio pondera ingentia; modo rotularum dentes angulares non sint, sed circulares, & si vis, etiam epicycloidales. Ob maximam sane virium auctiorem *pancratium* etiam dicitur, seu omnino potens.

31. Latet penitus utilitas glossocomi, perspecta nisi fiat rotarum proprietas dentatarum. Ubi multæ invicem compingantur, celeritas primæ ad postremæ velocitatem est in ratione composita denticulorum omnium utriusque interjectorum; nec ardua est demonstratio. Velocitas quippe rotæ A \*\* ad alterius C celeritatem se habet ut puncti D celeritas ad velocitatem ipsius M; constat autem, harum rationem ex proportionibus constare dentium universorum. Puncti nimirum D celeritas ad ve-

\* Tab. XVIII. fig. 5. \*\* Tab. XVIII. fig. 5.

ad velocitatem ipsius  $F$  refertur, sicut radius  $DE$  ad alium  $EF$ ; recta enim  $DF$  vectis primi generis est, ubi celeritates ut distantiz sunt ab hypomoclio  $E$ . Velocitas deinde puncti  $F$  in alterius  $H$  celeritatem spectat, ut radius  $FG$  in alium  $GH$ ; & celeritas  $H$  ad velocitatem puncti  $M$  se gerit, sicut radius  $HL$  ad ipsum  $LM$ ; centra quippe  $G$  &  $L$  ad vectes primos pertinent  $FH$  &  $HM$ . Puncti ideoque  $D$  celeritas ad velocitatem ipsius  $M$  est ut lineæ  $DE$ ,  $FG$ , &  $HL$  ad rectas  $EF$ ,  $GH$ , &  $LM$ ; ratioque proinde celeritatum ex aliis coagmentatur majorum radiorum, atque minorum. In circulis vero diametrorum proportio, vel radiorum, eadem est, ac peripheriarum; a quibus sane non differunt numeri dentium æqualiter illis insculptorum. Velocitates itaque punctorum  $D$  &  $M$  rationem continent omnium denticulorum, ut explorata ubi illorum ratio, & numerus rotarum, sit, liqueat etiam, quot conversiones prima  $A$  peragit, dum a postrema  $C$  absolvitur unica. Circumferuntur enim pro quantitate celeritatum.

32. Ab exposita rotarum lege succrescere ex eis, constat, vires potentiz. Ostendendum illud est duplici in glossocomo; ejus verticalem volumus situm esse, quia hunc obtinet plerumque. Rotæ nimirum  $A$  &  $B$  \* adsint denticulis invicem copulatz, æquales sint, paresque orbiculos deferant  $D$  &  $F$ ; dentes vero persimiles  $8$  &  $16$  gerant proportionem dupla contentientes. Potentiz  $V$ , quæ ad  $C$  agit, celeritas inest dupla velocitatis puncti  $L$ ; radius enim  $CD$  ex duplæ rationis hypothese bis continet alterum  $DL$ . Eadem sane potentia, si puncto  $L$  admoveatur, velocitatem adhuc duplam assequitur celeritatis ipsius  $C$ , seu ponderis  $P$ ; duplus quippe radius  $LF$  alterius  $FG$  est, & vectis  $LF$   $G$ , licet angulum efficiat, non recedit suomet ab ingenio; quia utrinque premitur directe. In  $C$  itaque potentia constituta potitur celeritate quadrupla velocitatis ponderis  $P$ ; rationibus namque  $2$  ad  $1$ , &  $2$  ad  $1$  rite compositis proportio exoritur  $4$  ad  $1$ . Cumque vires, quibus potentia  $V$  ad evehendum pondus  $P$  utitur, quantitatem sequantur velocitatum, unicum illarum momentum sit quadruplum. Massa itaque  $4$  librari omnino valet cum potentia  $1$ .

33. Confirmanda præceptio est triplici etiam ex glossocomo. Rotæ tres æquales  $A$ ,  $B$ , &  $C$  extent \*\*, paresque orbiculos sibi adjunctos habeant  $E$ ,  $G$ , &  $L$ ; dentium vero proportio sit  $16$  &  $8$ , nempe dupla. Duplam ob rationem radiorum  $DE$ ,  $FG$ , &  $HL$  ad alios  $EF$ ,  $GH$ , &  $LM$  potentia in  $D$  duplo, quam in  $F$ , celerior est, in  $F$  quam in  $H$ , & in  $H$  duplo quam in  $M$ . Octuplam propterea velocitatem sibi comparat celeritatis ponderis  $P$ ; proportionem enim  $2$  ad  $1$  ter ubi sumas, conflabitur ratio  $8$  ad  $1$ . Cumque motus quantitas a celeritate non differat, octuplus erit in potentia. rotæ  $D$  adplicata, ut vis  $L$  susti-

\* Tab. XVIII. fig. 4. \*\* Tab. XVIII. fig. 5.

sustinere non nequeat massam 8. Decernendum hinc univærse penitus est, incrementa virium, quæ potentiis accedunt, esse ad pondera, ut productum dentium majoribus in circulis extantium est ad aliud orbiculorum. Æquales invicem orbiculi, & circuli, ubi sint, compertaque sit ratio denticulorum, innoscit virium auctio, quam proportionis termini toties multiplicantur, quotus est numerus rotarum. Circuli vero inæquales, & orbiculi, quum sunt, differuntque ideo rationes denticulorum, accretio virium prodit, ubi proportionum termini in alios ducantur singillatim. Duabus in rotis, vel in tribus, quæ se exæquent, quadratum vires referunt, vel cubum rationis; solida vero generum aliorum exhibent in rotis dissimilibus. Hæ tamen inducunt ceteris rarius.

34. Ad latiore glossocomorum usum conferunt duæ animadversiones. *Prima* est amplificari maxime vim potentiarum, si rotarum numerus, vel diameter, adaugeatur, vel minuat circumferentia orbiculorum. Ex diametri enim, vel numeri rotarum incremento distantior fit a centro motus potentia, ut celeritatem novam sibi vendicat, præstetque ponderis velocitati. Circumferentiæ vero orbiculorum ex decremento proximius fit pondus hypomoclio; velocitatem propterea illud cum amittit, cedit libentius potentiæ celeritati. *Altera* est, exaggerari adhuc potentiam, si rota prima striato moveatur cylindro  $AB^{**}$ , cui manubrium inest  $CDE$ . Recta videlicet  $DE$ , ubi radii  $EF$  ad cylindrum  $AB$  pertinentis quadrupla sit, efficit, ut ex vectis  $DF$  indole quadrupla evadat potentia in puncto  $D$  constituta. Duabus ideo in rotis, quæ proportionem decuplam obtineant, a potentia 1 pondus elevatur librarum 400; massa enim 100  $\alpha$  vi  $\alpha$  attollitur, quæ degat in rotæ  $A$  circumferentia; ad locum vero  $D$  delata quater confirmatur, ut fiat  $4 \cdot 100 = 400$ . Rotis tribus adhibitis, quæ rationem eandem servant, libras potentia evehit 4000, quatuor 40000, quinque demum 400000; vires quippe ex suboriuntur reapse, ubi celeritates a proportionem decupla progressæ ducantur in 4. Incredibile dictu est, saxa quam ingentia efferre quis hoc pacto valeat digito auriculari.

## PARAGR. VII.

*De plano inclinato.*

35. *TABULA planum inclinatum* est, quæ cum horizonte angulum efficit acutum. Illud designat recta  $AB^{**}$ , quæ cum horizontali  $CB$  efformat angulum  $ABC$ ; longitudo vero plani est  $AB$ , & altitudo  $AC$ . Ad instituenda omnia de planis experimenta machinam inferunt

$ABCG$

\* Tab. XVIII. fig. 6. & 5. \*\* Tab. XVIII. fig. 8.

A B C G \*; ubi tabula EF per quadrantis circumferentiam A G C gradibus obliquatam excurrit, ut elevari facile possit quemvis ad angulum FEC. Planæ superficiæ EF pondus P insistit, quod trochleæ G præsidio, & funis P G V, sustinetur a potentia V; hujus vero ex quantitate constat, quæ massæ P gravitas sit ad inæquales plani inclinationes. Funis tamen P G parallelus oportet lineæ EF sit, ne tentaminum veritati noceat obliquitas.

36. Ostendi virium accretio non potest, quin lex exponatur ponderum planis innixorum. Gravitas scilicet, qua corpus per superficiem inclinatam defertur, ad totam, quam a natura retulit, est, ut altitudo plani ad longitudinem illius. Quo verborum compendium fiat, *absoluta* nuncupatur gravitas corpori propria; quam vero, dum planum percurrit, impendit, dicitur *relativa*. Absolutum non est, absolutam corporis P gravitatem \*\* indicari a diagonali EG, quæ ex lineis componitur EF & FG; recta idcirco EF gravitatem necesse est significet, quæ premitur planum AB, & alia FG reliquam exhibeat, qua corpus delabitur per illud. Ob resistantiam, quam corpori P planum objicit, gravitas EF interit, & superest relativa FG; quo fit, ut relativa ad absolutam gravitatem se habeat, ut FG ad EG. Triangulum porro EFG simile omnino est alteri ACB; anguli enim EFG & AEB æquales sunt, utpote recti; & se exæquant anguli EGF & CAB ob parallelas EG & AC; ceterique FEG & ABC pares sunt ex indole triangulorum. Ex vulgaribus sane Geometriæ regulis est EG:FG = AB:AC; cumque EG & FG absolutam corporis gravitatem, & relativam, doceant, ipsæ vero AB & AC longitudinem plani, & altitudinem, consequitur, illas esse istis proportionales. Planis propterea duobus, quorum æquales longitudines sint, & altitudines inæquales, a gravitatibus eorum relativis ratio servatur altitudinum; idque observare in quadrante ABC \*\*\* esset, ubi planum idem EF ad varios efferretur gradus CF. Inæquales vero longitudines planorum ubi sint, & altitudines æquales, sequuntur gravitates eorum relativæ longitudinum proportionem; ratumque in globis fit F & E \*\*, qui planis ACD & ACB insistant, altitudinem eandem AC affecturis, dissimilesque longitudines AD & AB. Prima quippe in hypothesi ex corporum, & longitudinum, æqualitate pares unitati, & propterea sibi invicem, sunt gravitates absolutæ & longitudines; altitudines vero, & absolutæ gravitates unitatem ex eadem causa, & se mutuo, æquant in secunda. Totā idcirco relativarum gravitatum inæqualitas ab ipsa regitur primo altitudinum, secundo longitudinum, discrepantia.

37. Evincitur hinc spaium, quod a corpore planum collustrante absolvitur tempore definito. Quo illud ostendatur, ignorandum non est, corpo-

\* Tab. XVIII. fig. 7. \*\* Tab. XVIII. fig. 8. \*\*\* Tab. XVIII. fig. 7.

‡ Tab. XVIII. fig. 9.



corporum duorum  $P$  &  $R$  æqualium \*, quorum  $P$  plano  $AB$  incumbat, aliud vero  $R$  in aere decidat per  $AC$ , celeritates eodem tempore acquiritas esse ut plani altitudinem  $AC$  ad longitudinem  $AB$ . Corporum enim  $P$  &  $R$  velocitates, ut ceterorum omnium, a virium quantitate certo tempore agentium pendent, puta gravitatis; decretum vero fuit, gravitatem globi  $P$  relativam ad absolutam ab altero  $R$  designatam se habere ut  $AC$  ad  $AB$ . Verum ab angulo  $ACB$  si ducatur perpendicularis  $CF$  ad plani longitudinem  $AB$ , comperietur, spatium a corpore  $P$  confectum tempore, quo aliud  $R$  delabitur in  $C$ , esse rectam  $AF$ . Triangula sane  $ACB$ , &  $ACF$  sunt penitus similia; quod anguli  $ACB$  &  $ACF$  recti sint, utrumque ad triangulum spectet alius  $BAC$ , & angulus  $ABC$  æquet ipsum  $ACF$ ; fitque propterea  $AF:AC = AC:AB$ . Constat porro, celeritates a corporibus  $P$  &  $R$  tempore æquali comparatas æstimari ut altitudinem  $AC$  ad longitudinem  $AB$ ; cumque spatia momento temporis eodem collustrata a velocitatibus non differant, rectæ  $AF$ , &  $AC$ , a quibus illa exhibentur, altitudini, & longitudini, plani sunt proportionales. Punctum itaque, ubi versatur globus  $P$ , quum alter  $R$  in  $C$  pervenit, est  $F$ ; alio nec consilio spatia dignoscuntur alia, si perstante plani altitudine  $AC$  subeat nova longitudo. Inclinationem scilicet  $AHC$  si planum admittat, breviorẽque afferat longitudinem  $AM$ , excitanda ad hanc est normalis  $CG$ ; eadem siquidem ex demonstratione exiturum, liquet, corpus  $P$  fore in  $G$ , dum  $R$  sistit in  $C$ . Spatium videlicet majus ab eo conficitur, quo amplior evadit angulus  $AHC$ .

38. Hac potissimum de causa universæ circuli chordæ a corpore percurruntur tempore eodem. In circulo videlicet  $ABNF$  \*\* chordæ  $BL$ ,  $BM$ , &  $BN$  partes sunt planorum  $BK$ ,  $BH$ , &  $BC$ ; aliorumque  $FC$ ,  $FD$ , &  $FE$  portiones sunt aliæ  $FL$ ,  $FM$ , &  $FN$ . Anguli  $BLF$ ,  $BMF$ , &  $BNF$ , cum in semicirculo degant, omnes sunt recti; quo fit, ut a punctis  $L$ ,  $M$ , &  $N$  designentur loca corporis per planum decidentis, quum delabitur æquale aliud per  $BF$  in  $F$ . Spatia idcirco  $BL$ ,  $BM$ , &  $BN$  eo peraguntur tempore, quo absolvitur altitudo  $BF$ ; obtineri autem illud non potest, quin trajiciantur chordæ tempore eodem. Quod de chordis  $BL$ ,  $BM$ , &  $BN$  demonstratur, in alias consonat  $FL$ ,  $FM$ , &  $FN$ .

39. Explananda tamen ratio est, qua planis ab inclinatis vires capiunt incrementum. Ut ea prodeat, pondus  $P$  \*\*\*, quod plano  $ABC$  ingruit, retineatur a potentia  $V$  præsidio funiculi  $VP$  per trochleam  $D$  traducti. Exploratum omnino est, servari inter pondus  $P$ , potentiamque  $V$ , æquilibrium non posse, quin vis hujus æquet gravitatem illius relativam. Hanc quidem, sancitum fuit, ad absolutam esse, sicut alti-

Tom. III. Physic.

Ecc

tudo

\* Tab. XVIII. fig. 10. \*\* Tab. XVIII. fig. 12. \*\*\* Tab. XVIII. fig. 11.

tudo plani  $AC$  se habet ad longitudinem  $AB$ ; proportionem adeoque eandem tuetur potentia, ut hæc  $v$  si nuncupetur, & absoluta gravitas  $G$ , oriatur æquatio  $v : G = AC : AB$ , vel  $AB : AC = G : v$ . Longitudo scilicet plani  $AB$  2 ubi sit, altitudo  $AC$  1, & gravitas  $G$  3, rationis termini vertentur in alios,  $2 : 1 = 3 : v = \frac{1 \cdot 3}{2} = \frac{3}{2}$ ; quo

constat, a potentia  $\frac{3}{2}$  sustineri in plano pondus 3. Ex longitudine nimirum altitudinis dupla duplum potentia parit effectum.

40. Ad uberio rem plani inelinati usum unica est consecutio. Ratum videlicet est, potentiam ad ferenda pendera evadere duplei ex capite validiorem; alterum auctio longitudinis plani est, alterum vero altitudinis decretio. Adaucta nimirum longitudine gravitas minuitur ponderis relativa; inclinatio enim minor obtinetur, a qua pendent momenta defeensuum. Decurtata vero altitudine extenuatur adhuc gravitas relativa; planum quippe proclive minus est, ut ruere corpus jubeatur impetu lentiore. Potentia idcirco, a qua relativa gravitas æquatur, licet hebetior sit, sit æque potens ad absolutam.

#### PARAGR. VIII.

#### *De cochlea.*

41. PARTIBUS duabus *cochlea* constat, quarum altera *mas* dicitur, altera *fœmina*. *Mas* cylindrus est prominentibus spiris instructus, & parallelis; iidem vero *fœmina* est prædita, sed eavis, quæ aliis inferuntur, efficiuntque machinam unicam. *Cochlea mas* est  $AB^*$ , & *fœmina*  $CD$ ; nuncupari autem *vitis* etiam assolet, quod capreolis vitium per similes sit in flexus varios contortis. Attollendis ponderibus abhibetur, vel demittendis, quæ insunt plerumque torculari; effert nimirum, si ad partem quampiam convertatur, deprimit autem, si ad aliam. Potentia denique  $v$  vecti  $vH$  admovetur, ut circumferri *cochlea* possit vi exigua.

42. Percipi *cochleæ* opportunitas non valet, nisi illius exponatur constructio. *Mas* scilicet  $AB$  cylindrum exhibet, cui circumvolvitur planum inelatum; summa nempe spirarum  $EF$ ,  $GK$ , & aliarum, longitudinem illius designat, &  $AB$  altitudinem. Quo certius quidpiam afferatur, *spira*  $EF$  vel  $GK$  peculiarem offert portionis plani longitudinem, & a spatio  $EC$ , quod spiræ utrique interjaacet, exprimitur altitudo. *Fœmina*  $CD$  pondus indicat, quod evehitur per planum; potentia vero  $v$  vecti  $YL$  perinde adest, ac si in  $L$  versaretur, pondusque traheret

\* Tab. XVIII. fig. 13.

heret per altitudinem E G. Improbum hinc non est, rationem ex plani inclinari legibus eruere, qua cochleæ præsidio vires augentur, pærefque evadunt ad sustollenda pondera immaniora. Comperitur videlicet, firmiorem fieri potentiam, quo spiræ sunt frequentiores; minores nempe quum sunt plani altitudines. Decretum enim fuit, relativam ponderis per planum deducti gravitatem facilius vinci, quo productior longitudo est, & brevior altitudo. Et quidem habendus plurius est nifus potentia, quo lentius est suffulti ponderis momentum; negari autem non potest a spirarum numero infirmari ponderis velocitatem. Hæc sane minuitur pro spatiorum decremento, quæ a corpore percurruntur, dum potentia v unicam absolvit conversionem. Spatia autem decurtantur, quo spiræ sunt crebriores; quia si cochleæ spira unica inesset, maximam tempore, quo potentia semel circuit, peragrandam obijceret corpori superficiem. Valent itaque vires potentia a multitudine spirarum.

43. Quo utilior cochlea sit, observanda tria sunt diligenter. *Primum* est, virgam VL proferri in H, ut punctis V & H potentia duplex admoveatur, pondusque superetur expeditius. Ratum quippe est, eo a fuisse vestem significari, qui quo longior est, eo potentior viget robore ad pondus efferendum. *Secundum* est, cochleæ fœminæ spiras esse multas. Ubi namque paucae non sint, pondus in plures distribuunt cochleæ maris partes, frictionique eo pacto prospicitur, quam insensam summo pere constat esse ponderum elationi. *Tertium* est, spirarum alias angulares esse, & alias planas; quæ vero in angulum desinunt, ad pondera minora, & quæ in planitiem, conferuntur ad ingentia. Triangulares enim latiore aliis gerunt superficiem; vehementiorem idcirco attritum experiantur, ut corporibus magnis sint parum consentaneæ. Ceterum ad virium autionem nihil conficiuntius est cochlea perpetua; ea est DAB \* spiris E, F, & G prædita, quibus a manubrio ACD circumducta rotam H dentatam movere cum pondere P. Unica spiræ E, vel G, conversione dens unicus protruditur, ut si denticulis 50 rota constet, ad illam semel evolvendam postulentur 10 capuli ACD circuitiones. Admota huic potentia, ut recta CA quadrupla sit semidiametri MN pondus sustinentis, conficiet illa spatium  $\equiv 50.4 \equiv 200$ , nempe 4 pro dente quovis, dum corpus P conficit semel circumferentiam, cujus radius est MN. Indubium propterea est, celeritatem potentia D ad velocitatem ponderis P esse, ut 200 ad 1; cumque ab incremento celeritatum prodeat virium accretio, amplificari maxime, liquet, potentiam a cochlea perpetua. Hanc invenisse dicitur Archimedes.

\* Tab. XVIII. fig. 14.

## PARAGR. IX.

*De cuneo.*

44. PRISMA *cuneus* est a planis quinque superficiebus definitum. Triangulares duæ, & parallelae sunt, ut cernere illarum alteram sit in  $ABE^*$ ; duæ vero quadrilateræ, puta  $A\pi$ , &  $BE$  sunt, converguntque in angulum  $E$ . Quinta, cujus  $AB$  portio est, quatuor a lateribus quoque circumscripta, dicitur basis; altitudo cunei est  $EE$ , latitudo  $AB$ , & acies  $E$ . Lignis findendis adhibetur, dissectandisque animantibus, & marmoribus eisdendis; eorumque vero resistentia aciei cunei objicitur, & potentia, nempe malleus, adplicatur basi. Admoveri tamen potentia valet alia etiam ratione.

45. Machina extat ad periclitandum universe in cuneis comparata. Cuneus videlicet  $ABT^{**}$  metallicis duabus ex laminis  $AT$ , &  $BT$  conficitur, quæ inclinantur ad angulum  $T$ ; ope autem cochlearum  $A$  &  $B$  diduci in regula  $KK$  illæ valent, ut basis cunei varias admittat latitudines. Cunei ex gravitate, & ex pondere  $x$  adjecto, inseritur illius acies cylindris ligneis  $EC$  &  $DC$  fulcro  $TRs$  impositis; qui a filiis  $MN$  &  $LO$  ferreis cum trajiciantur, trahanturque a ponderibus  $V$ , &  $P$ , removeri invicem queunt pro rei opportunitate. Ii videlicet, qui sibi, & horizonti, paralleli sunt, copulantur eo artificio, ut a funiculis  $EF$ , &  $GH$  per trochleas  $F$  &  $H$  deductis, & in pondera  $P$ , &  $V$  desinentibus, admoveantur, seque contingant omnino. Laminarum tamen  $AT$ , &  $BT$  ex divaricatione actio cunei ubi succrescat, & imparia evadant pondera ad æquilibrium, cylindri distrahuntur, viamque ei sternunt ad delabendum. Pericula scilicet facienda de cuneo quum sunt, cochlearum  $A$  &  $B$  opera altitudo illius mutatur, & latitudo; ex ponderum vero  $V$  &  $P$  quantitate ad æquandas vires necessaria comperta sit cunei resistentia. Illius nempe gravitas rationem obtinet potentia.

46. Explicandum autem virium incrementum est, quod potentia conficitur a cuneo. Id ut demonstretur, ignorandum non est, pervenire cuneum  $ABE^{**}$  in  $E$  non posse, nisi partes  $C$  &  $D$  corporis  $HK$  percurrant rectam  $CD$ , intereadum acies  $E$  absolvit aliam  $GE$ . Porro cum trianguli  $ABE$  &  $CDE$  similes omnino sint, linea  $GE$  ad  $CD$  est, ut  $EF$  ad  $AB$ ;  $EF$  vero altitudo cunei est, &  $AB$  est latitudo. Spatium propterea  $GE$  ab acie  $E$  confectum ad spatium  $CD$  perlustratum a partibus  $C$  &  $D$  se habet, ut altitudo  $EF$  ad basim  $AB$ ; cumque a spatiis eodem tempore trajectis celeritates non differant, velocitates aciei,

\* Tab. XIX. fig. 2. \*\* Tab. XIX. fig. 1. \*<sup>a</sup> Tab. XIX. fig. 2.

aciei, & partium, rationem eandem sequuntur altitudinis, & latitudinis. Acies autem  $\Sigma$  potentiam designat, a qua cuneus deprimitur, sicuti indicatur a partibus  $C$  &  $D$  resistentis; quo fit, celeritatem potentiz ad resistentiz velocitatem referri, ut altitudo  $EF$  ad latitudinem, seu basim;  $AB$ . Eo auctior idcirco evadit ad pondus dimovendum potentia, quo cunei altitudo est major latitudine; remque eo pacto cedere, exploratum penitus faciunt experimenta. Gravitas videlicet cunei  $ABC$  \* librarum 2 sit, & pondera  $V$  &  $P$ , a quibus cylindri  $C$  &  $D$  adducuntur, sint 4. Ubi altitudo  $CE$  dupla sit latitudinis  $AB$ , sit æquilibrium; cylindri nimirum a cuneo  $ABC$  non separantur, sed a funiculis  $NV$  &  $FP$  apprimuntur invicem omnino. Ex altitudine quippe  $CE$  2 & basi  $AB$  1 celeritas cunei ad pondus velocitatem est, ut 2 ad 1; ductisque proinde celeritatibus 2 & 1 in massas, seu pondera, 2 & 4, obveniant necesse est momenta 4 & 4, quibus debetur virium æqualitas. Retenta autem eadem cunei gravitate 2 si altitudo  $CK$  tripla fiat latitudinis  $GH$ , ruere illum cylindri patiuntur, ut librari nullatenus valeant, nisi pondera  $V$  &  $P$  augeantur, & evadant 6. Altitudo videlicet  $CK$  quum tripla est latitudinis  $GH$ , velocitas cunei ad aliam ponderum se habet, ut 3 ad 1; ex productis vero celeritatum 3 & 1 in gravitates 2 & 4, quæ sunt 6 & 4, proficiscitur virium inæqualitas. Ne cedant propterea cylindri, sed cuneum sustineant, adjungendæ illorum ponderi sunt libræ 2; ex celeritatibus enim 3 & 1, massisque 2 & 6 rectangula obtinentur 6 & 6, quæ vires affertur æquales. Ratum itaque est, cunei potentiam succrescere quo longior basi est altitudo.

47. Evincitur hinc non pertinere cuneum ad planum inclinatum. Opinati quidem nonnulli fuere, constari illum ex planis  $APE$  &  $BPE$  \*\*, quorum longitudines rectæ  $AE$  &  $BE$  essent, altitudines  $AF$  &  $BF$ . Putabant præterea, partes  $C$  &  $D$  corporis  $HK$  esse pondera per longitudines deducta; perinde quippe erat, ascenderent illæ, vel latera deprimerentur plani utriusque inclinati. Potentiam denique in supremo  $P$  cunei loco statuebant, unde premeret illum, & in subjectum corpus adigeret. Licet numero, & auctoritate plurimum valeant, verendum tamen est, ne fallantur omnino; demonstratio namque, & experimentum, construi cuneum, admonent, alia funditus ratione. In planis scilicet inclinatæ potentiam ad pondus esse diximus, ut recta  $AE$  est ad aliam  $AF$ ; cuneus tamen proportionem aliam sibi vendicat, qua potius ad pondus spectat, ut altitudo  $EF$  ad latitudinem  $AB$ . Quo dissidium componat, Gravelandius sentit (1), obtinere legem utramque. In cuneo nimirum, cujus acies partes corporis ab eo scissi tangit, carnem puta visulinam, geometricæ ostendit, potentiam ad resistentiam esse,

uti

\* Tab. XIX. fig. 3. \*\* Tab. XIX. fig. 2. (1) Elem. phys. num. 288.

uti lineas EA & AF. Se habere autem vim ad pondus, sicuti altitudinem EF, & basim AB, affirmat, ubi cunei angulus E partes non contingat, sed ut lignorum fissio petit, distet ab illis. Quidquid tamen Geometria sanciat, profiteri non renuimus, vix consonare discrimen illud in veritatem. Cunei quippe acies paribus proxima sit, vel remota, descendere in E nequit, quin particulæ dissecti corporis KK veniant in C & in D; celeritates propterea, quæ ad resistantiam, & potentiam, pertinent, imitentur rationem oportet altitudinis EF & basim AB. Quod tamen rem omnino conficit, est experimentum; compertum enim penitus fuit, eam proportionem a ponderibus adjectis servari, non aliam rectarum EA & AF. Cunei itaque vires repetendæ a plano inclinato non sunt, sed aliis a præceptionibus Mechanicis.

48. Ad cunei usum prætereunda non est triplex consecutio. *Prima* est, potentiam alacriorem evadere, quo acutior est angulus cunei. Acui videlicet angulus non potest, quin laminæ, e quibus constat, fiant proximiores; earum vero ex accessu longior cunei altitudo prodit, & brevior latitudo. *Secunda* est, debere angulum esse 60 gradibus minoram. Eo plane ex angulo latera trianguli apud Geometras sunt æqualia; basis propterea altitudine major est, ut abjiciat potius vires potentia, quam admittat. *Tertia* est, cultros, scalpra, clavos, & alia ad secandum corpora instituta, spectare ad cuneum. Univerſa enim duabus e superficiebus coagmenrantur ad angulum compositis; formam idcirco cunei cum retineant, donanda sunt viribus iisdem. Manus vero capulis applicatæ perinde ac potentia sunt admotæ cunei summitati.

#### PARAGR. X.

### *De usu differitur omnium machinarum.*

49. INNUMERÆ machinæ sunt ex simplicibus, quas hætenus explanavimus, concretæ. Ad vitæ commoda potissimum referuntur, partemque illarum præcipuam Boklerus (1) descripsit, Leupoldus (2), & Gallonius (3). Compositarum momenta supputare qui velit, calculo subjiciat vires necesse est machinarum simplicium; præsertim vero frisiones expendat, de quibus fuse egit Bulfingerus (4). Ne omnia prætereantur, aliqua de ponderibus summam tradimus, de potentiis, & de finibus.

50. *Pondera*, quæ compositas machinas sibi postulant, spectant ad duo genera. Aliud rerum est de loco in alium deferendarum; comminuendorum vero corporum, vel superficieum explosandarum, est aliud.

Dimo-

---

(1) Theat. machinar. edit. ann. 1673. (2) Theatr. machinar. ann. 1724. 1725. &c.  
(3) De machin. edit. ann. 1735. (4) De frict. corpor. solid. comment. Accad. Petropol. vol. 2.

Dimovenda pondera ubi sint, ad rem faciunt *balista*, *câtapulta*, *aries*, & alia, quibus ingentia saxa attolluntur, jaciunturque interdum magnam ad distantiam. Non sine gravi contrectari illæ solent vitæ discrimine; cavendumque propterea est, ne ea sint imperitia constructæ, quam consequatur exitium. Corpora vero diffringenda quum sunt, suppetunt molæ *frumentaria*, *olearia*, & *ferraria*, *torni*, opificia ad *expolenda vitra* accommodata, & alia. In his nullum sane imminet vitæ periculum; vires quippe suas in minutiora exerunt, nitunturque propterea impetu minore. Revocari ad genus primum machinæ *hydraulica* non nequeunt, ad elevandam scilicet aquam institutæ.

51. *Potentiarum* deinde machinis appositæ *vivæ* aliæ sunt, & aliæ sunt *mortuæ*. Quæ vitam obtinent, homines sunt, & animalia; interdum vero motum stando, ut homines, illis impertiunt, interdum progrediendo, ut boves & equi. Perpetua ne circuitio noxam his inferat, ab arte communiuntur omnino; modi multi sunt, nec refert singulos ennumerare. Quæ vita carent, nislumque tamen explent in machinas, sunt præter *massas ponderosas aer*, *aqua*, & *ignis*. Aere scilicet sustolli corpora posse demonstravit Polinierius (1), aqua Wolfius (2), & igne Amontonsius (3), Saveryus (4), & Papinus (5). Machinæ tamen, quibus hæ potentix adjiciuntur, peculiarem sibi vendicant conformationem.

52. Vitio demum triplici laborare funes possunt, *crassitie*, nimirum, *curvitate*, & *asperitate*. Primo ubi crassiores sint, adaugent pondere resistantiam; cylindros quippe imitantur, quorum soliditas est productum basis in altitudinem. Minuendus ea de causa illorum diameter est, quantum fert tamen attollendorum ponderum gravitas, & momentum virium admotarum. Secundo funes curvantur, si sint paullo longiores; ab inflexione autem obliquitas proficiscitur, cui debetur virium decreto. Temperanda ideireo est proceritas illorum, ut loci, ad quem pondus evehitur, distantia rite dividatur in alias. Tertio frictionem augent funes, quum sunt asperiores; rotarum diametri præsertim ubi exigui sint, ut excurrere ægre valeant per circumferentias illarum. Amplificandi ea propter trochlearum circuli sunt, & expandendæ cavitates, quo superficiebus exquisitis dum funes aptantur, motum obtineant expeditorem. Humeantur præterea aqua funes, ne ignem concipiant; oleoque & adipe rotarum axes deliniantur, ut resistantiam objiciant illis hebetiorem. Adeundi de funium utilitate sunt Amontonsius (6), & Reaumurius (7).

C A.

(1) Exper. phys. vol. 7. exper. 6. (2) Elem. hydrost. num. 51. 52. (3) Mon. Accad. reg. Paris. ann. 1699. (4) Transact. philosoph. num. 252. (5) Ars nov. attoll. aquam igne. (6) Mon. Accad. reg. Par. ann. 1699. (7) Luc. eod. ann. 1711.

## C A P U T V I I.

*De nisu corporum fluidorum.*

I. **A**MBIGENDUM nullatenus est, fluidorum corporum vires differre nonnihil a solidis. Gravitas plane eadem utrisque inest, quæ rationem sequitur massarum, motusque idem eis convenit, qui a producto non discrepat massæ in celeritatem. Nisus tamen, quem a gravitate capiunt, non est idem omnino; solidorum enim partes in alias non ingruunt, ut positum in more est corporum fluidorum. Disputationem igitur, quæ *Hydrostaticen*, & *Hydraulicen*, complectitur, distribuimus in sex partes. Unicam prima affert observationem; secunda de pressionibus agit fluidorum; de eorum æquilibrio tertia; quarta de immersione solidorum; de fluxu liquorum quinta; sexta demum differis de fluminum cursu.

## PARAGR. I.

*Unica affertur observatio.*

2. **EXPLORATUM** omnino est, fluida quoquoeverfus gravitare. Particulæ illorum singulæ in proximas vim exerunt, ut, certa directione cum careant, deorsum, sursumque, se invicem premant dextrorsum, & sinistrorsum. Rem ita se habere tripliciter ostendi haud ægre valet experimento. *Primum*, quod Gravesandi est (1), tubos exhibet AB, CD, & EF\*; qui vasis MN liquori dum immerguntur, aperta gerunt oscula A, C, E, & B, D, F. Ubi orificia A, C, & E digito ocludantur, fluidum tubi admittunt eandem ad altitudinem; quod contingere non potest, quin foramina B, D, & F ex pressione perpendiculari BG ille subeat, horizontali DH, & verticali FL. *Secundum* ex Mariotti monito (2) utrem adhibet aqua refertum; huic vero tubi duo æquales adnectuntur, quorum alter in fundo extat, alter ad latus. Utri pondus ubi imponatur, & referetur tubus uterque, aquam, ex libra comperitur, hinc illine egredi vi æquali, ut perpendicularis directio nihil addat, vel adimat, horizontali. *Tertium*, ut Nolletus enarrat (3), a vessicis sumitur, quarum singulæ eum aliis communicant fistularum ope, seu tuborum eorum extremis alligatorum. Primæ si aer ore leniter infundatur, tument penitus, ut efferre immanem lapidem valeant pendentem a postrema; vinei autem ab universis illarum particulis pondus non

\* Tab. XIX. fig. 4. (1) Elem. phys. lib. 3. cap. 1. exper. 3. (2) De motu aquar. par. 2. (3) Lect. 9. sect. 3. exper. 6.



non posset, nisi explicaretur aeris pressio ad omnem plagam. Præter experimenta vero erui illud a ratione etiam non nesciet, qui menor ignis fuerit inter fluidorum moleculas delitescens. Adtractionis scilicet ex vi coire illæ cum contendunt, obijciaturque ignis nifum adversum, hærent, tempusque præstolantur, quo, si repagulum casu aliquo amoveatur, defluant omnino. Gravitant interea.

3. Eam tamen gravitationem inesse fluidis negarunt non pauci. Tamen ubi in libertatem afferantur, vim, credantur, & motum acquirere, destitui tamen conatu omni, dicuntur, dum se invicem urgent, tuenturque æquilibrium; nec desunt ad illud quinque rationes. *Prima* est, in particulis fluidi vim nullam superesse ex pugna, quam subit earum quæque cum aliis; ab oppositione videlicet, qua impetum in se mutuo faciunt, perimitur omnis nifus. Motus quemadmodum morui adversatur, contentio ita contentioni; corporum propterea solidorum ex adversis partibus se collidentium motus cum restinguatur, superfusiles esse nequeunt vires in fluidis. *Secunda* est, finem, quo gravitatem fluidis natura impertiit, esse descensum; quem obtinere ipsa ubi nequeant, supervacanea est funditus gravitatio. Demonstrandum vero prolixius non est, non posse ferri fluidi particulas deorsum; ab aliis quippe fulciantur, cohibenturque, ne locum mutant ad vendicandum sibi depressiorem. *Tertia* est, posse ex aqua corpus facile educi, ad magnam profunditatem illud existat, vel ad parvam. Moleculæ tamen inferiores a superioribus si premerentur, negandum non esset, ægrius illud attolli, quo conderetur altius sub aqua. *Quarta* est, densiorem aquam fore evasuram, quo vasis fundo esset proximior; ab imminenti namque columnarum pondere dum gravaretur, redigeretur ad minus volumen. Experiendi tamen artem, qui non neglexerit, perspectum habebit, eandem ubique densitatem aquæ inesse, ut licet ima penitus sit, sub volumine æquali æqualem gerat materiz quantitatem. *Quinta* est, ab urinatoribus, qui ad mare infimum contendunt, nullam perferentiri undarum compressionem. Res autem aliter se haberet, si donarentur fluida gravitate; a massa enim, quæ illorum corpori insidet, maxima fieret membrorum restrictio, tantumque abesset, eos nihil percipere, ut brevi ferrent exitum. His autem alia adjiciunt, qui auseri fluidis pondus existimant ab æquilibrio.

4. Enimvero demonstrationes hæ non sunt, quæ animum adducant firmam in persuasionem. Nulla quidem suppetit causa, qua fluidorum moleculæ, dum aliis adiunguntur, abijciant gravitatem; ratum enim est, corpora etiam solida, cujusmodi est sphaera plumbea, in subiectum planum gravitare. Impetum, quem semel retulere, servari a particulis, tamen cum aliis dimicant, constat ab enodationibus, quæ adhiberi passim assolent cuique exceptioni. *Prima* enim respondent, pugna re fluidorum moleculas reapse; illud tamen non est certaminis ingenium, ut conatum omnem absumat, cogatque singulas ad inertiam.

Tom. III. Physicæ.

FF

Motus

Motus quidem eliditur, sed superest contentio; nec rei exemplum corporibus deest pendentibus a vecte; quorum utrumque dum hæret, & locum non mutat, vim adhuc suam exequitur in aliud. *Secundæ* reddunt, illepidam fore, & stultam naturam, si quam contulit, eriperet gravitatem, ut iterum restitueret; finis quippe perseverat, cujus gratia corpora univèrsa voluit esse ponderosa. Ex æquilibrio nimitum, quod fluida admittunt, licet sistant immota, alterutrarum tamen particularum resistentia si abeat, donanda motu sunt, inferiusque detrudenda; cui plane rei gravitas est pernecessaria. *Tertiæ* reponunt, a corpore, quod in fluido altius demergitur, enixiorem ferri ponderis incursum; nisuum tamen incrementum a manu, quæ illud sustollat, non percipitur ob rationem peculiarem. In loco videlicet quo profundiore illud commoratur, sustinetur acius a longiore fluidi columna; quamprimum autem demonstrabimus, quo peragatur pacto illa suspensio. *Quartæ* ut facisfaciant, concedunt, aquam in fundo vasis degentem non esse alia densiorem; negant tamen adimendam propterea esse fluidis gravitatem. Eandem scilicet ubique partium concretionem aqua retinet, quia impos compressioni est, cogique non valet in locum arctiorem; aer vero, cum cedat pressioni, quo proximior horizonti est, eo majorem molecularum numerum continet sub volumine æquali. *Quintæ* postremo occurrunt, dicuntque, hominis pelago innatantis conditionem a ceteris non differre, qui pondus sustinent aeris incubantis; licet enim levior aqua aer sit, tantum gravitatis tamen obtinet, ut induenda ab eo esset aliqua sensatio. Omnis propterea dolor eripitur aqueis a particulis, quæ quodpiam fornicis genus dum constituunt, impetum cohibent reliquarum; & sane ubi amoveantur, superfitque insidens duntaxat columna, fit repente ponderis perceptio. Addendum est, sensum non exstimulari, nisi aliqua contingat nervorum diductio; ab aqua vero corpus humanum totum ambiente prohibentur, ne loca sua illi deserant, ullamque patiantur distractionem. Eam quidem viventium structuram esse, ut pressioni valide resistat, ex gyrino liquet, insecto penitus molli, & delicato; in tubo enim aqua pleno si concludatur, comprimaturque vi maxima, ulla sine labe per illam defertur motu vivo & pernici. In rem hanc acute scripsit, & apposite, Boyleus (1).

## PARAGR. II.

*Exponuntur pressiones fluidorum.*

5. AD pressioinum theoriam prætereundæ non sunt aliquæ definitiones. Gravitās, quæ universis, sive fluida sint, sive sint solida, corporibus

---

(1) Ad parad. hydrostat. append. 2. vol. 2. oper.

ribus inest, est duplex; aliam vero *specificam* vocant, aliam *individuum*. *Specifica* corpori convenit, qua pertinet aliquam ad speciem; hydrargyrum enim naturæ suæ causa gravitatem postulat a ceteris, puta ab aqua, penitus dissimilem. Respondet materiæ, ex qua corpus compingitur; cumque materiæ quantitas a densitate non discrepet, fit, servari hujus rationem a gravitate specifica. Corporum idcirco duorum, quibus volumina æqualia adsint, consentiunt specificæ gravitates, vel dissentiunt, quum æquales eorum densitates sunt, vel inæquales. Gravititas vero *individua* corpori obvenit, qua est individuum, seu determinatum; a certo quippe volumine dependet, cui debetur pondus definitum. Dignoscitur hæc ex iis, quas superius illustravimus, libra atque statera; specifica enim, quæ sollicita de volumine non est, evincitur alia ratione. Corporibus propterea duobus æqualis inest gravitas individua, vel inæqualis, ubi servant vel respuant æquilibrium; fieri namque potest, ut quod alio specificè gravius est, evadat levius individue. Illud evenit, quum volumen levioris majus est altero gravius.

6. Fluida, pressiones suas dum explent, continentur in vasibus. Horum a figura suspicari quis poterit, progredi discrimina pressionum; aliqua enim *uniformia* sunt, & aliqua *deformia*. Dicuntur *uniformia* quorum latera sunt penitus parallela; hujusmodi est  $AB^*$ , cujus rectæ  $CC$  &  $FF$  æque inter se distant, ut æqualem ubique illi conferant amplitudinem. *Deformia* nuncupantur, quorum latera non servant parallelismum; horum autem alia *convergentis* nominantur, & alia *divergentia*. Convergere vasa censentur, quum rectæ, inter quas existunt, accedunt invicem; cujusmodi est  $AC^{**}$ , ubi lineæ  $AG$  &  $CL$ , quo a basi  $LG$  plus distant, sunt proximiores. Creduntur autem divergere, quum mutuo recedit latus utrumque; hisque annumeratur vas  $AB^{**}$ , cujus rectæ  $AE$  &  $BL$ , dum a basi  $EL$  abeunt, evadunt remotiores. Alia ad explorandas fluidorum pressiones induci vasa soleant formarum prorsus discrepantium; revocanda tamen ad hæc sunt, quia nihil præter laterum convergentiam asserunt, vel divergentiam. Eadem propterea adhibendæ universis sunt præscriptiones.

7. Ad sumenda de pressionibus fluidorum experimenta machinam excogitarunt artificio plane singulari. Capsula nimirum  $CDEF$  extat  $^{**}$  ad aquam retinendam plumbo protecta; ei vero cylinder  $HL$  immittitur metallicus, cavus, fundoque omni destitutus. Interior illius superficies embolum  $MN$  admittit ab extremo  $B$  pendulum libræ  $AB$ ; ex circulis vero metallicis, coriaceisque conficitur, quo cylindri lateribus exquisitè congruat, omnemque præcludat aditum liquorum defluxui. Alteri

Ff 2

libræ

\* Tab. XIX. fig. 6. \*\* Tab. XIX. fig. 8. \*\*\* Tab. XIX. fig. 7.

\*\*\* Tab. XIX. fig. 5. 5.

libræ AB parti lanx P hæret ponderibus, quum occasio postulet, oneranda; quæ alio cum brachio, & embolo, antequam tentaminibus infervati, obtinet æquilibrium. Præter vas uniforme HL, quod capsulæ immoratur, suppetunt difformia RS & TV; quorum illud divergens est, & hoc convergens; bases tamen S & V, & altitudines RS & TV æquales deferunt, nec dissimiles ab altero HL. Institucundæ periclitationes ubi sint, vasi uniformi sufficiuntur difformia; ex fundo autem mobili N, & ex pondere lanci P imposito, comperitur, quam pressionem aqua objiciat vasibus affusa. Quod de aqua sancitur, in alios convenit liquores.

8. Inducunt experimenta, eandem pressionum legem esse, quævis sit forma vasorum. Exploratus videlicet, quam vocari in suspensionem possit, est, pressionem, quæ in vasis omnibus a fluido persolvitur; respondere basi & altitudini illorum; nec deest rei demonstratio. Uniformi quippe in vase AB \* basis CF a pondere premitur fluidi totius; hoc enim ex particulis compingitur, quarum singulæ gravitate cum gaudeant, nisi explicant in subjectas, hæc vero deducunt ad postremas. Dividendum idcirco universum fluidi volumen est in columnas EDDC, DEED, & EFFE; quarum altitudines CC, vel DD, sint, & latitudines CD, vel DE. Cumque baseos portioni omnes incumbant, pronum est, peragi pressionem pro basium, & altitudinum quantitate. Idem consequitur, ubi vas aliud divergens AB \*\* proponatur æqualis tamen, ac alterum, altitudinis, & basis. Ambigendum sane non est de pressione columnarum EFFE, FGGF, & GLLG; hæc namque in basim EL cum desinant, diversimode ab aliis non ingruunt vasis uniformis. Ceteræ vero LDDL & DCCD basim non afficiunt, sed impetum in lateris partes exonerant DL & CD; quo fit, ut vas, licet in AB latius sit, quam in EL, pressionem tamen experiatur basim EL, & altitudini EE, proportionalem. Nec aliud laboritur pressionum momentum, si vas AC \*\*\* convergens adplicetur ejusdem tamen, quæ alia, altitudinis & basis; hæc autem paullo amplior in schemate est, ne perspicuitate careat demonstratio. Suspicio quidem non fertur in columnas EDDC & DEED; basi namque EG cum insistant, & altitudinem CC afferant, diversam a vasis aliis creare nequeunt pressionem. Dubitandum potius de ipsis EHFE & HGF effet, quæ in basim veniunt, sed deficiunt altitudine; abeat formido tamen omnis necesse est, ubi respicietur sedulius. Columna scilicet EHFE ex æquali fluidi ad partes omnes conatu fursum evehitur a proxima DEED nisi illius altitudini EE æquali; cumque lateris EH impedimentum offendant, relabitur in basim, eamque premit, ac si effet EFFE. Altera quoque HGF ab ipsa EHFE perinde attollitur, ac si foret EFFE; ex obstaculo propterea HG in basim

\* Tab. XIX. fig. 6. \*\* Tab. XIX. fig. 7. \*\*\* Tab. XIX. fig. 8.

basim defluit vi columnam  $FGGF$  æquante; idemque ad partem alteram statuas  $CKL$ . Ratum itaque est, a valorum figura pressiones non regi, sed ab altitudine, & a basi.

9. Evincitur hinc, pressiones vasorum omnium, quorum bases inæquales, & æquales altitudines sunt, esse, ut bases. Vasorum nimirum  $AB$  &  $CD$  \* altitudines  $EF$  &  $HK$  sint, bases  $FG$  &  $KL$ , pressiones vero dicantur  $P$  &  $p$ . Repeti pressio omnis cum debeat a basi, & ab altitudine, oritur æquatio  $P : p = EF : HK$ .  $KL$ ; hæc vero æquales ob altitudines, & propterea ab unitate non dissimiles, in aliam vertitur  $P : p = 1$ .  $FG : 1$ .  $KL = FG : KL$ ; ubi liquet basium proportio. Quod si inæquales vasorum altitudines occurrant, & bases æquales, servatur a pressioibus momentum altitudinum. In vasis nempe  $OP$  &  $MN$  \*\*, quorum altitudines  $TV$  &  $QR$  extant, bases  $VX$  &  $RS$ , pressiones  $P$  &  $p$ , emergit  $P : p = TV : VX$ .  $QR : RS$ . Ex basium, quæ ab unitate non differunt, æqualitate obtinetur  $P : p = TV : 1$ .  $QR : 1 = TV : QR$ ; ubi constat, altitudinibus consonare funditus pressiones. Inæquales demum bases vasorum, & altitudinum inæqualitate, quæ referri ad unitatem non valent, supersunt termini iidem, ut fractio  $EF : FG : HK$ .  $KL$  ex duabus  $EF : HK$ , &  $FG : KL$  cum conflatur, pressioinum proportionem coalescere, ostendas, ex utraque. Ubi scilicet altitudines  $EF$  &  $HK$  2 & 1 nuncupentur, bases vero  $FO$  &  $KL$  3 & 1, prodibit  $P : p = 2$ . 3 : 1. 1 = 6 : 1. Sextupla proinde vasis  $AB$  pressio est alterius  $CD$ .

10. A veritate hæc non dissentiunt, ubi liquores valibus immissi idem spectent ad genus. Congenere tamen quum non sunt, sed particulis degeneribus coagmentantur, cuiusmodi esset *aqua*, & *hydrargyrum*, temperantur pressiones canone alio. Exploratum scilicet est, vasis fundum validius premi, quo major materiæ quantitas adest fluidis ingesta; pressioinum ideirco summa componenda ex rationibus est basium, altitudinum, & densitatum. Quo in compendium lex redigatur, vocentur hydrargyri & aquæ bases  $B$  &  $b$ , altitudines  $A$  &  $a$ , densitates  $D$  &  $d$ , pressiones  $P$  &  $p$ ; proportio vero singulis ex rationibus suborta erit  $P : p = ABD : abd$ . Terminis ab hisce æqualitas omnis exulare ubi jubeatur, statuaturque altitudines 2 & 1 esse, bases 3 & 1, densitates 14 & 1, obtinebitur æquatio alia  $P : p = 2$ . 3. 14 : 1. 1. 1. = 84 : 1. Planum itaque fit, hydrargyri pressioem esse aquea 84 vicibus graviorem.

## II. Quæ

\* Tab. XIX. fig. 9. \*\* Tab. XIX. fig. 10. \*\*\* Tab. XIX. fig. 11.

11. Quæ de valorum pressioibus rectorum decreta hæstenuſ fuisse, conveniunt etiam in obliqua. Valorum scilicet  $AB$  &  $CD$  \* liquore quopiam repletorum, quorum illud inclinatum horizonti  $AF$  est, hoc perpendicularare, pressiones sunt æquales, ubi tum bases  $AG$  &  $EF$  non differant, cum altitudines  $MN$  &  $HE$ . Pressio, quæ in basim  $AG$  exiritur, gravitatem relativam æquat fluidi in vase  $AB$  existentis; ea autem absolutam ad gravitatem fluidi, quod directe premit basim  $EF$ , se habet, ut recta  $MN$  ad aliam  $GN$ . Singulæ enim particulæ vasis  $AB$  gravitant directione  $GN$ , quæ longitudo est plani inclinati  $GMN$ ; corpora vero per illud delata gravitatem relativam obtinent parem altitudini  $MN$ , ut definiendum sit idem de fluido  $AB$ . Illud propterea basim  $AG$  perinde insitit, ac si altitudinem consequeretur  $MN$ ; cumque non differat hæc ab altitudine  $HE$  vasis recti  $CD$ , sit, pressiones, quæ utroque in vase perolvuntur, esse penitus æquales. Liqueat idcirco, ut valorum figuram, ita non officere pressioibus obliquitatem.

## PARAGR. III.

*De fluidorum agitur æquilibrio.*

12. Quod sumus de fluidorum corporum æquilibrio conaturi, progreſſitur a legibus pressioinum. Sita in illis potissimum sunt Hydrostatices principia; quæ cum liquorum invicem enitentium motus expendat, præscriptiones tradit ad cujusque situm, & decrements virium, contentancas. Conspicua fluidorum pugna præsertim fit in vasis *communicantibus*; hæc vero a tubis non differunt una adjunctis, quorum alteri si liquor immittatur, defluit in alterum; cujusmodi est  $ARB$  \*\*. In his efferri fluida dicuntur *ad libellam*; quod eodem redit, ac ad basim  $RS$  ita congrredi, ut recta  $NT$  extremas ad superficies  $N$  &  $T$  utrinque deducta horizonti  $MO$  sit parallela. Affirmatur vero, obtineri a liquoribus *æquilibrio*, quum eorum alter evchere alterum nequit ad locum altiorem; quo innotescit discrepare æquilibrio a libella. Librari enim fluida possunt, tametsi alio sit aliud demissus.

13. Tuborum qui invicem communicant, liquores potiuntur æquilibrio, si æqualem offerant altitudinem. Exploratum illud sit in vasisbus  $GRH$  &  $ERF$  \*\*, quorum illud diforme, & rectum est, hoc diforme, & obliquum; ex altitudine enim  $GO$  &  $HQ$ , itemque ex  $EO$  &  $FQ$ , quæ se exæquant, ad rectam  $NP$  eriguntur parallelam horizonti  $OQ$ . Fluida videlicet æquilibrio assequuntur, ubi pressiones, quæ ad basim  $RS$  peraguntur, quarumque causa attolli alterum ab altero potest, sunt funditus æquales. Saucitum (1) vero fuit, a pressioibus, quæ

\* Tab. XIX. fig. 12. \*\* Tab. XX fig. 1. \*\*\* Tab. XX. fig. 2. & 3. (1) Num. 9.

quæ formarum omnium, omniumque inclinationum in vasibus conficiuntur, rationem præferri altitudinum, & basium, ut fiat,  $P : p = CO. RS : HQ. RS$ . Ex basi propterea  $RS$  quæ unica est, & ex altitudine utraque  $CO$  &  $HQ$ , quæ secundum hypothesein non discrepat, oritur  $P : p = 1 : 1$ .  $I$ ; pressioem nempe æqualitas, seu æquilibrium. Hæc ita se habent, ubi liquores vasibus affusi sint eongeneres.

14. Degeneres liquores quum sunt, obvenit aliter æquilibrium. In vase scilicet  $AEB^*$ , ejus tubo  $AE$  fluidum inest gravius alio  $BE$ , sit æquilibrium, si altitudines  $FE$  &  $GH$  reciproce sint, ut specificæ illorum gravitates. Utuntur fluida æquilibrium, dum pressiones ad basim  $CD$  effectæ se exæquant omnino; pares autem reapse evadunt, ubi reciprocam altitudines sequantur rationem gravitatum. Decretum scilicet fuit ( $1$ ), pressiones se invicem spectare, ut bases, altitudines, & densitates; quæ omnia si componantur, atretetur æquatio,  $P : p = FE. CD. D : GH. CD. d$ . Verum basis  $CD$  unica est, & ubi altitudines  $FE$  &  $GH$  dicantur  $1$  &  $3$ , densitates, seu gravitates, fluidorum  $AE$  &  $BE$  erunt  $3$  &  $1$ ; cumque proportionis quantitates in alias migrant  $P : p = 1. 1. 3 : 3. 1. 1 = 3 : 3 = 1 : 1$ , æquales comperitur pressiones esse, ferrique fluida in æquilibrium. Liquores ideireo inter congeneres, degeneresque hoc est discriminis, ut ad libellam illi dum elewantur, sistant hi ad altitudines inæquales. Recta enim, quæ a puncto  $B$  ad  $F$  deducetur, parallela non esset horizonti  $EH$ .

15. Leges quoque alias æquilibrium sibi postulat, quum persolvitur in tubis capillaribus. Hi sane differunt a vasculis communicantibus; fistulam enim unicam exhibent, eoque donantur nomine, quod exilitate sua conferri aliquatenus valeant cum capillis; & hujusmodi est  $EF^{**}$ . Aperti utrinque cum sint, liquori cuiuspiam si immergantur, ascendere eum sinunt supra libellam; superficies nempe interior altius alia evehitur, quæ ad fluidum spectat gravitans exterius. Sublimius vero liquor effertur, quo diameter tubi minor est, & major longitudo; *hydrargyrum* tamen contra quam aliis in fluidis evenit, deprimitur infra libellam. Quo vera esse hæc intelligantur, utendum vitro nitido est, & a fornace recens educto; inscindiendique etiam colore quopiam liquores sunt, ut altitudo, ad quam attolluntur, in conspectum veniat omnino. Tabellæ scilicet gradibus multis obliquatæ affigatur tubulus capillaris; extremum autem inferius promineat, ne demitti in fluidum non valeat, illiusque elationem rite indicare. Ad evincendum tubi diametrum, ejus exiguitas tentaminum eventui est pernecessaria, in promtu sit triangulum æquilaterum  $ABC^{**}$  ex tenui lamina confectum; hujus vero latera  $AC$  &  $BC$  ab aliis  $GF$  &  $ED$  parallelis in lineas dividantur, vel minores etiam pollicis particulas. Ex triangulorum sane  $ABC$ ,  
 $GFC$ ,

\* Tab. XX. fig. 4. \*\* Tab. XX. fig. 5. \*\*\* Tab. XX. fig. 6. (1) Num. 10.

GFC, & EDC similitudine latus AB, quod alteri AC par est, efficit, ut a GF æquetur GC, & a ED ipsum EC; apex propterea C ubi in tubi osculum inferatur, latera AB, GF, & ED lineas designabunt, quibus diameter illius protenditur, seu latitudo. Proferenda plane ea non est lineas ultra  $2\frac{1}{2}$  Parisienses.

16. De admirabili tuborum capillarium phenomēno disputatum perpetuo fuit, vel obliuatiū. Motus, qui perspectam corporum proprietatem, cujusmodi gravitas est, evertēbat, crucem fixit summis Philosophis; quos enim opinandi studium conjunxerat, varietas disjunxit opinionum. Trium præcipuarum, quas sumus singillatim exploraturi, Fabryo (1) prima tribuitur, Bernoulliisque Jacobo (2), & Danieli (3). Liqueurum scilicet in tubos adscensum pressioni aeris adjudicant, sed diversa penitus ratione; Fabryus enim volumen æereum tubo inclusum, quod minus externo est, in præsidium vocat, Bernoulli vero magnitudine utuntur ærearum molecularum. Fabryus quidem ignoratio legum tenuit, ab altitudine fluidi, non vero a copia, pressiones supputantium; verum Bernoulli statuunt, liquorem erigi, quod grandiores aeris particulæ ingredi tubulorum orificia nequeant, & creare, ut in latioribus usūvenit, æquilibrium. Quovis tamen pacto aerem sibi confingant, eumque admoveant disputationi, ab experimentis liquet, in fluidorum tubis obrepentium causam adoptari ineptissime pressioem; ea autem sunt tria. Primum est, tubum ejus longitudo  $3\frac{1}{2}$  pollicis sit, & diameter  $\frac{1}{3}$  lineæ, aquam, cui immittitur, excipere ad altitudinem 20 linearum; illam autem, si educatur, omnino retinet, quin effundat guttulam vel perexiguam. A pressione tamen ubi elevatio proveniret, dimitteret universam; æqualiter enim, dum pendulus versatur in aere, ad osculum superius premeretur, ac ad inferius. Secundum est, eodem in tubulo, qui altius immergatur, non ferri aquam ultra lineas 20; decipiuntur propterea, qui a profundiore tubi situ potiore derivant fluidi altitudinem. Verum a pressione si liquores adscenderent, ex loco tubi demissiore fierent sublimiores; augetur namque exterior fluidi columna, qua adigeretur illud ad se erigendum ulterius. Tertium est, tubi ejusdem in machinæ excipulo, cui aer eripatur, constituti aquam adhuc contendere in locum a 20 lineis supra libellam definitum. Aer vero omnis cum deficiat, via intercluditur pressioni, quæ in liquoris superficie agat, conjiciatque illum in punctum editius. Impar itaque aer est fluidorum in tubos capillares elationi.

17. Hy-

(1) Physf. tract. 5. lib. 2. (2) De gravit. æther. pag. 239.

(3) Vid. Bulfinger. de tub. capill. num. 16.



17. Hypothesis *secunda* eorum est, qui rem aperiunt ex fluidorum ad tubi latera adhæsione. Eam mercede caussam primum omnium Vossius (1) induxit, sed fusius illustrarunt Borellius (2), & Carreus (3); viam nempe commonstrarunt, qua auxiliari illa posset effectuum omnium vel implexiorum explanationi. Arbitrati viri inclyti fuere, naturali ex gluttine hæreere fluida tuborum cavitati; quo fieret, ut momento virium interius gravitantium imminuto, ab externo pondere compellerentur ad ascensum. Huic tamen effato, cui subtilitas fortasse, & venustas non deest, adversatur triplex tentamen. *Primum* est, tubum, cujus orificium superne digito ocludatur, non admittere aquam supra libellam; linearum autem 20 ad altitudinem de more illam evehit, ubi pollice amoto pateat osculum omnino. Verum ab aqua lateribus afficta si erectio progrediretur, obtineret continenter; crepidine enim elausa sisterent locis suis adhuc particulæ, nisi que eederet aeris extrinsecus contententis. *Secundum* est, sinuosis in tubis, & inflexis, cujusmodi est AB\*, eundem prorsus in situm liquores excitari, ac in rectis. In his tamen depressiores essent, quam in illis, ubi agglutinationi deberetur adscensio; inficiandum quippe non est, ab angulis c & d moleculas fluidorum æquius sustineri, quam a lateribus tuborum rectitudinem consecutis. *Tertium* est, oleum *serebimbina* minus efferri ipsamet aqua; ad lineas namque 26 hæc affurgit, illud ad 18. Res tamen aliter cederet, si fluida graderentur ob molecularum, ex quibus coalescunt, cum vitreis amplexum; pinguis enim, & tenacius aqua oleum cum sit, promptiorem aeri potestatem faceret protrudendi illud in tubum. Igitur ad tuborum capillarum monstra parum proficit liquorum adhæsio.

18. *Tertia* demum sententia fluidorum erectionem accersit ab adtractione. Post Hauksbejum, a quo edita primo fuerat, Bulfingero (4) ea placuit, Jurinio (5), Weithbrechtio (6), Musschenbroekio (7), aliisque non paucis; affirmarunt enim, fluida conscendere, quod adtraherentur ab interna vitri superficie. In exceptionum nonnullarum enodatione licet dissenserint, consensere tamen in rei summam; ipsique eandem venimus in persuasionem. Adtractionem potissimum in animum induximus quatuor ob causas, quas Musschenbroekius, postquam altitudinem tuborum, & diametrum, exploraverat, variasque fluidorum gravitates, dedit in tripliei tabella (8). *Prima* est, fluida capillaribus in tubis plus extolli, quo angustiores sunt, seu minorem afferunt latitudinem. Partes enim, quibus interna eorum superficies conflatur,

Tom. III. Physic.

Ggg

e va-

\* Tab. XX. fig. 7. (1) De Nili orig. cap. 2. (2) De mot. a gravit. pend. propof. 185. (3) Vid. mon. Accad. reg. Paris. ann. 1705. (4) De tub. capillar. vid. comment. Petropol. vol. 2. (5) Transact. philos. num. 355. 363. & alibi.

(6) Tent. theor. de tub. capill. vid. comm. Petrop. vol. 8.

(7) De tubis capillar. (8) Loc. eod.

evadunt invicem proximiores; augetur eapropter adtractio, qua subiectus liquor proripitur, desertitque in locum altiore. *Secunda* est, liquoris altitudinem succrescere, quo tubus est longior; proportio quidem accurata non est, sed indicat perspicue causam adscensum. Ob longitudinis enim auctionem incrementum a potiore materię copia sumit adtractio; validius idcirco oportet momentum sit, quo adducitur fluidum subiectum. *Tertia* est, *hydrargyrum* sistere infra libellam; liquores vero ceteros non ascendere inverse pro ratione gravitatum; oleum enim *vitrioli*, quod ponderosius *aqua* est, majorem obtinet illa altitudinem. Deprimitur scilicet *hydrargyrum*, quia illius moleculę se fortius adtrahunt, quam rapiantur a vitreis; idemque de aliis dicas, quę pro varia adtractionum, repulsionumque ab igne profectarum, complexione suffragantur, vel refragantur, gravitati. *Quarta* demum est, experimenta, quę de fluidis aeri expositis peraguntur, æque procedere in machina eo destituta. Argumento autem illud est, vocandam in rei præsidium solam esse adtractionem, quę ab aere cum non dependeat, liquores vi æquali impetiri ubique constitutos. Qui hæc sedulo expendat, unaque rationes excutiat ad pronuntiandum aliter ab aliis inventas, de capillaribus tubis judicium contineat necesse est, vel propendeat in adtractionem. Nos non præterit, memorari aliqua posse ex adtractionum legibus perita, adversaque cuipiam observationi; negligenda tamen ea sunt, ubi consistat rei caput, convellique impetu nullo possit, vel enixiore. Adtractionem scilicet alibi strenue defensavimus, sed abstinuimus a lege quaque peculiari; observavimus enim viribus ex oppositis corpora interdum coagmentari, quibus repugnat certa canonum institutio; idemque decernimus ad tubos capillares. Accepimus propterea redargui acriter Scarellium, virum laboris improbi minime ignarum, qui adversus Gerdilium, & alios, impositas sibi nonnullas adtractionum præscriptiones ut servet, multa subtiliter, & prolixè inscēdit tuborum experimenta (1). Improbandum studium non est, quo in diligentiorē quis an nititur rerum gravium disquisitionem; ubi tamen abditę penitus sint, veremur, ne cavillandi cupiditas exstimulet, vel impotens sciendi omnia libido. Ignorare universa ut desidis hominis est, ita audacioris omnia investigare; nec cædendum, qui scepticum agit, mitius esse, credimus, homine dogmatico. Ab adtractione itaque in tubos fluida adiguntur, sed ratio virium latet omnino.

---

(1) *Phys. gener. lib. 2. par. 2. & lib. 4. par. 2.*

## PARAGR. IV.

*Immersio exponitur corporum solidorum.*

19. *ÆQUILIBRIUM*, quod in corporibus fluidis hætenus explicavimus, ea committit interdum etiam cum solidis. Mergi plane solidum non potest in fluido, quin æquale illius volumen dimoveat; descendere quippe nequit, nisi locum occupet suæ moli minime inæqualem. Exturbandi porro voluminis resistentia specificam æquat fluidi gravitatem; quod enim ponderosius alio est, renititur impensius, ne locum amittat. Momenta idcirco virium, quibus solida demittuntur, pro gravitate fluidorum specifica decrescunt in eorum superficiem oblustante. Minora nempe evadunt, quo illa est major.

20. Eorum veritatem ad confirmandam, quæ jussuri de fluidis, solidisque, sumus, proponitur libra *hydrostatica*. Capsulam  $GHNM$  \* ligneam ea exhibet plumbi lamina interius amictam; hujus vero vasa  $A$ ,  $B$ , &  $C$  insident, ut  $B$ , quod latius ceteris est, & altius, sit aqua referunt. A poculi  $C$  fundo in thecam  $GHNM$  cum tubus clam pergat, dividitur in duos, quorum alter in craterem  $A$  adscendit, alter in  $B$ ; interjacent vero epistomia  $R$ , &  $S$ , quorum præsidio conceditur via, vel prohibetur, a valibus  $A$  &  $B$  ad ipsum  $C$  pro tentaminum opportunitate. In summa lecythi  $C$  parte suspenditur libra  $EFF$  patinis hic inde instructa; ab his vero pondera  $P$  &  $V$  pendent immittenda cyathis  $A$  &  $B$ . Sumenda ubi sint experimenta, a cratere  $C$  derivatur aqua in alterutrum  $A$  vel  $B$ ; depositis autem corporibus  $P$  &  $V$  ex alterius lancis pondere dignoscitur, quantum cuique adimat immersio. Ad evincenda tamen minora jacturarum discrimina libræ omnes inepiunt, elaboratæ nisi fuerint cura exquisitiore. Rei peropportunam docuit Leutmannus (1).

21. Fluida in quibus demergi solida corpora valent, triplicis sunt generis. Aliqua enim gravitate cedunt, æquant aliqua, & aliqua vincunt omnino; conferenda autem *primo* solida cum fluidis veniunt, quæ sunt illis leviora. Solidum videlicet  $A$  \*\*, quod in fluidum  $V$  minus grave demittitur, fertur deorsum, tantumque sui ponderis amittit, quantum inest volumini  $C$  prorsus æquali. Solidum penitus delabi explorata res est citra demonstrationem; pari enim liquoris volumini  $C$  cum iruat, minorisque causa gravitatis infirmius esse intelligat, abigit omnino. A reactione vero actio æquatur, ut pro resistentiæ modo suboritur virium decrementum; id propterea ponderis solido  $A$  aufertur, quod extat in volumine  $C$ . Evincitur hinc, pondus relativum, quod solido

Ggg 2

A eri-

\* Tab. XX. fig. 8. \*\* Tab. XX. fig. 9. (1) Elem. hydrostat. parag. 70.

A eripitur, esse ad absolutum, ut gravitas specifica fluidi  $v$  s est ad aliam ipsius  $A$ . Pondus enim a solido  $A$  dimissum æquale alteri est voluminis  $c$ ; ad absolutum idcirco eandem prorsus rationem illud habet, quam illud. Verum voluminum  $A$  &  $C$  penitus æqualium pondera sunt ut gravitates eorum specificæ; quo conficitur, harum quoque proportionem retineri a pondere solidi  $A$  relativo & absoluto. Gravitates nimirum solidi corporis, & fluidi, quæ  $G$  &  $g$  nuncupentur, sint 4 & 3; voluminis autem  $A$  pondus absolutum, & relativum, dicantur  $p$  &  $p$ . Ex iis, quæ ostendimus, prodit  $G : g = p : p$ , seu  $4 : 3 = 1 : p$ ; hæc vero æquatio minimos ad terminos si redigatur, exhibet  $p = \frac{3}{4}$ . Solidum itaque  $A$  partes  $\frac{3}{4}$  ponderis abjicit, quo potiebatur ante immersionem.

22. Solidorum hinc pondere æqualium leviori fluido injectorum, quod alio minus grave specificè est, majorem refert ponderis jacturam. Corpora videlicet  $A$  &  $B$ \*, quorum illud aureum sit, hoc eupreum, gerant pondera æqualia; fluido autem  $vs$ , quod gravitate specifica illis cedit, si immergantur, levius evadit  $B$  quam  $A$ . Globi videlicet illi esse pares pondere non possunt, nisi volumen  $A$  aureum sit minus eupreo  $B$ ; eum grandiore ideo fluidi volumine  $D$  hoc congregitur, intereandem pugnat illud cum breviori  $C$ . Volumen autem  $D$  ponderosius est altero  $C$ , quia fluidum est idem; cumque solidorum vires ab eo potissimum infirmantur, majus ponderis decrementum euprum  $B$  subit præ auro  $A$ . Hæc ex præceptione derivari rationem posse multi existimant, qua perspecta omnino fiat metallorum depravatio. De numismatis scilicet ex auro conflati corruptione quum dubitant, aureum una eum dubio demittunt in aquam; ex ponderis autem defectu, quem anticipiti in moneta obtinerè præ aurea observant, auctum conjiiciunt illius volumen fuisse, admixtumque propterea auro euprum, vel aliud. Eo sane pacto deprehensum ab Archimede vitium fuisse, ajunt, coronæ aureæ, quam Vitruvii testimonio (1) Hiero, Syracusarum rex, conficiendam injunxerat artifice Demetrio; auro quippe cuprum hic alligaverat. Prætereundum tamen non est, regulam, qua exploratas sibi fieri hominum fraudes non ambigunt, esse subleste fidei; putant enim, metallorum una adjunctorum volumini eandem inesse, ac sejunctorum, densitatem. Experimenta vero suadent, densitates illorum, & consequenter volumina, mutari ex permixtione; particulæ quippe ubi aliis aliorum generum accedant, fortius adhærescunt, vel debilius, pro ingenio singularum. Gravefandius quidem ex Hoochio affirmat (2), spissiores cupri stanna adjecti fieri concretionem; spiritumque vini, qui

aqua

\* Tab. XX. fig. 9. (1) De architect. lib. 9. cap. 3.  
(2) Elem. phys. num. 1569.

*aqua* additus in volumen brevius redigitur, memorat cum rebus aliis Reaumurius (1). Nunc ideo minora saltem ad discrimina præscriptio.

23. Gravitates deinde fluidorum specificæ sunt ut pondera a solido graviore, quod in illis deponitur, amissa. Fluidorum nimirum vs & RT<sup>2</sup>, seu *aqua* & *vini* spiritus, in quibus versatur sphaera A plumbea, gravitates a jacturis non differunt, quæ utrinque experitur pondus A. Pondera sane, globo A utroque in fluido ablata, rationem ponderum tuerentur, quæ voluminibus C & D adiunct ab eorum loco depulsis. Voluminum autem C & D æqualium pondera sunt ut gravitates eorum, ad quæ pertinent, fluidorum; sit propterea, gravitatem aquæ vs ad aliam spiritus RT referri, ut momentum ponderis a plumbo in vs perditum ad aliud dimissum in RT. In veritatem hæc consentiunt, ubi omnis expertia fluida sint compressionis; idem nempe ponderis detrimentum corpus ferat ad quamvis demittatur eorum profunditatem. Premi tamen ubi fluida valeant, ut pone fundum sint, quam alibi, densiora, inæqualis omnino evadit virium, seu meriti ponderis, immutatio, ut nihil explorati pariat ad specificam gravitatem. Ceterum hujusce legis præsidio cognitæ hydrostaticæ ex libra ponderum decrectionibus tabulas adornarunt Eifenschmidius (2), & Musschenbroekius (3); ubi gravitates specificas adnotarunt, quas fluidis compluribus, sum hyeme obveniunt, cum æstate. Reticendum tamen non est, accuratas penitus non esse duplicem ob causam. Priorem a particularum adhesionem petimus, quæ a densitate omnino differt, seu gravitate; fieri namque potest, ut fluidum, quod minus alio ponderosum est, moleculas affert tenaciores. Hinc autem eruitur, validius, quam densitas postulet, impediri solidi posse descensum; ponderisque ideo defectio ea non est, quæ exquisitè indicet gravitatem. Alteram derivamus ab ipsa fluidorum corporum natura; quæ enim specie conveniunt, discrepant gravitate, ut aqua levior aqua nonnunquam sit, & oleum oleo. A climatum inæqualitate illud proficiscatur, vel a re alia, est prorsus indubium; experimenta propterea quæ a solido illis injecto acceruntur, obsecuritate aliqua laborant, & incertitudine. Quod utilitatem tamen omnem non eripit, est errorum exiguitas.

24. Ponderibus etiam corruptis gravitates specificæ respondent solidorum fluido minus gravi immisforum. Sphæræ videlicet A & B<sup>22</sup>, quarum illa ferrea sit, & hæc eburnea, gravitent æqualiter; ubi vero in fluidum levius, puta aquam, dejiciantur, gravitates gerunt ponderum interitui reciproce proportionales. Ea sane corpora cum voluminibus C & D congregiuntur, ut pellant in locum alium; tantum propterea

\* Tab. XX. fig. 10. & 11. \*\* Tab. XX. fig. 9. (1) Ap. mon. Accad. reg. Paris. ann. 1733. (2) *Disquis. de ponder. & mens.* pag. 174. 175. (3) *Specim. phys.* num. 830. 831.

pterea sui ponderis abjiciunt, quantum inest molī fluidi utrique. Verum pondera in C & D extantia, cum ad speciei ejusdem fluidum pertineant, sunt ut volumina; hæc vero ab aliis nullatenus differunt, quæ spectant ad solida A & B. Fit propterea, ut a ponderum decretionibus, quas solida experiuntur in fluido vs, proportio exhibeatur voluminum A & B. Gravitates vero specificæ corporum natura degenerum, & pondere æqualium, sunt reciproce ut volumina; magnitudo quippe pensatur a densitate. Perspectum itaque est, specificam ferri gravitatem ad aliam eboris esse, ut pondus globo B ereptum est ad aliud amissum ab A. Hoc ex canone, tabulas gravitatum multis in solidis compertarum cum Anglis (1) concinnarunt Ghetaldus (2), Oughtredus (3), & Musschenbroekius (4); ceteris tamen, quæ ad fluida attinent, non sunt ob corporum inæqualitatem, & anomaliam tempestivam, accuratiores. Ex Petito, & Merfeno aliam edidit Wolfius (5).

25. *Secundo* comparanda solida sunt cum fluido corpore æqualiter gravi. Solidum nempe A \*, quum fluido vs æque gravitanti immittitur, obtegatur totum, nihilque ponderis retinet, quod inerat ante immersionem. D-ponitur quippe illud, quia volumen B dispellit non inæqualiter ponderosum; omne idcirco dimittat pondus necesse est, quod extinguitur a pugna. Consequitur hinc librari solidum cum fluido, quod consentit illi gravitate specifica; eo nempe in loco quiescit, ubi init primum certamen. Nihil videlicet ponderis ei superest, nec impetus, quo superiorem fluidi partem petat, vel inferiorem. Sistit propterea funditus immotum.

26. Referenda *tertio* solida corpora sunt ad fluidum gravius. Solidum nimirum K \*\*specificè levius, si fluido vs immergatur, descendit unica sui parte; tanta autem vi sursum effertur, quanta differentia est gravitatum utriusque specificarum. Nequit scilicet solidum K totum demitti, nisi volumen fluidi G expellat molī suæ prorsus æquale; pondus vero ipsius K minus est alio G, quia pari sub volumine minorem affert gravitatem. E loco propterea deturbare totum G cum nequeat, cedit nonnihil; altius nimirum attollitur aliqua sui portione, dum altera tegitur omnino. Demonstrari ægrius non valet, impetum, quo erigitur, discrimini gravitatum esse æqualem. Solidum nempe K nisi minore deorsum fertur, ac deprimatur volumen G; elisis propterea momentis virium æqualibus conatu omni illud destituitur, hoc vero ex motu delabitur, qui provenit reliqua a gravitate. Eo sane pondere, quo descendere volumen G satagit, truditur solidum K, & adigitur sustolli; quo fit, ut elationis quantitas respondeat gravitatum specificarum. Quæ a specie nimirum progreditur, gravitatem solidi si dicas T, & flui-

\* Tab. XX. fig. 12. \*\* Tab. XX. fig. 13. (1) Ap. Lowtorijum vol. 1. cap. 6. (2) Archimedes. pappot. (3) Opuscul. mathematic. (4) Spec. phys. num. 430. (5) Elem. hydrostat. num. 77.

& fluidi aliam 3, volumina  $\kappa$  &  $\sigma$ , quæ æqualia omnino sunt, libras pendent 1 & 3. Summotis hinc inde contentionibus 1 & 1, quibus ea corpora certant, solidum a fluido elevabitur impetu 2. Hic autem a discrimine non differt gravitatum  $3 - 1 = 2$ .

27. Statuendum tamen quidpiam enuclearius est de celatarum partium proportionem, & gravitatum specificarum. Solidi videlicet  $\kappa$  quod fluido vs graviori inicitur \*, pars immersa CDEF ad totum volumen AB EF est, ut gravitas illius specifica est ad aliam ipsius vs. Decernatur plane, portionem HLMN voluminis  $\sigma$  fluidi, quod solido  $\kappa$  gravius specificè est, æquare pondere illud omnino. Pars HLMN ad volumen solidi AB EF reciproce se habet, ut specifica solidi  $\kappa$  gravitas ad ipsam fluidi vs. Volumina enim HLMN & AB EF æqualia pondere cum sint, illud est hoc contractius, quo gravitas solidi  $\kappa$  minor est alia vs. Ipsum sane volumen HLMN par alteri CDEF est, quod mergitur in fluido; tantum quippe solidum  $\kappa$  deprimitur, quantum voluminis  $\sigma$  ejicitur ab illo. Consequitur propterea portionem CDEF ad volumen totum referri, quemadmodum specifica gravitas solidi  $\kappa$  ad illam, quæ inest fluido vs. Profundius scilicet solidum demittitur, quo fluidum est minus ponderosum.

28. Regula hinc eruitur ad dignoscendas gravitates, quæ ad speciem pertinent solidorum. Corporum videlicet mole æqualium A & B \*\* gravitates specificæ sunt veluti obiectæ ab eo portiones CFED & LHKG. Pondera quidem solidorum A & B ab aliis non differunt voluminum M & N, ut quod in M reperitur, æquale ipsi A sit, & quod in N, alteri B; pugnant enim invicem. Molum M & N pondera sunt ut ipsa volumina; unicum quippe ad fluidum spectant, nempe vs. Ea proinde pondera rationem sequuntur demersarum partium CFED & LHKG, quæ voluminibus M & N sunt mole penitus æquales. Cumque specificæ solidorum A & B gravitates ab eorum ponderibus ob voluminum æqualitatem non discrepent, proportionem, consequitur, ab illis servari portionum CFED & LHKG. Pars itaque CFED dupla ipsius LHKG ubi sit, solidum A duplo gravius specificè erit altero B.

29. Non abssimili pariter ratione evincitur specifica gravitas fluidorum. Nimirum fluidis vs & RT \*\* quum solidum A specificè levius immergitur, utriusque gravitates reciproce sunt ut partes BDEC & FHKG. Volumina quippe M & N, cum solidum A idem sustineant, sunt pondere æqualia; gravitas idcirco specifica in M existens ad aliam N se habet, ut volumen N ad ipsum M. Volumen autem N a portione FHKG non differt, quemadmodum alteri BDEC par est penitus aliud M; partibus propterea BDEC & FHKG consonent reciproce, necesse

\* Tab. XX. fig. 13. \*\* Tab. XX. fig. 14. \* Tab. XXI. fig. 1. & 2.

neceſſe eſt, gravitates ſpecificæ fluidorum vs & r t. Igitur 3 & 1 partes illas ubi dixeris, liquorum gravitates erunt 1 & 3.

30. Hac ex lege *areometrum* ortum duxit, ſcu ut alii vocant *hydro-metrum*. Machinula a b \* illud eſt ad ſupputandam ſpecificam fluidorum gravitatem comparata; quo altius enim liquoribus immittitur, eo indicat eſſe leviores. Innotſcere quidem poſſe gravitatem, affirmavi-mus, a libra hydroſtatica; fluidum tamen ſolido gravius ubi ſit, ea ineptit, quod pondus nullum ſuperſit corpori immerſo. Areometrum propterea duplici ex parte conſtat, quarum alia eſt ſphæra a, alia vero collum b c exhibet in partes æquales diſtributum. Hydrargyro glo-bus a ſere completur, ne dum demittitur, ferat obliquitatem; ex par-tibus autem virgula b c coaleſcit, ut numeri, qui adnotantur, quantita-tem prodant immerſionis. Ad certiorẽ tentaminum exitum prætereun-dæ non ſunt tres animadverſiones. *Prima* eſt, metallicum potius areo-metrum eſſe, quam vitreum; fluida enim multa in vitrum ſe effe-runt, ut dubiam efficiant ſuimetipſorum gravitatem. *Secunda* eſt, flui-da, quorum exquirenda gravitas ſit, eodem potiri frigoris gradu, vel caloris; pro denſitatum quippe varietate experimenta incertitudine la-borant ob voluminum inæqualitatem. *Tertia* eſt, pericula oblique non fieri, ſed perpendiculariter; obvenit namque, liquores recta non ad-ſcendentes plus erigi, quam gravitas poſtulet illorum. Incommoda alia non defunt, quorum gratia plenus alex eſſe creditur uſus areometri.

31. Explananda demum ſunt phænomena hydroſtatices præſtantiora. *Primum* eſt, vaſa aurea, & argentea, metallique ex aliis conflata in-natare aquæ, tametiſi extent ſpecificè graviora. Imminent quidem me-talla, ut naves etiam onerariæ, aquæ ſuperficiẽ, quod aqua, licet ſpeciei cauſſa ſit illis levior, majus tamen pondus individuum continet ſub volumine æquali. *Secundum* eſt, cadavera animantium, & homi-num, ab aqua præfocatorum altius primo demergi, emergere autem paucos poſt dies. Horis compluribus videlicet exactis illa intumeſcunt, ut ſub eodem pondere molem aſſequantur ampliorem; grandiore pro-pterea aqueo cum volumine decertant, quod ob novam materiæ quan-titatem eſt illis ponderoſius. *Tertium* eſt, folia metallica, quæ *bracteolæ* nuncupantur, & ſubtiliſſimi lapidum pulveres, ſuperſtare aquæ, etiamſi gravitate præſent omnino. Aquearum potiffimum particularum a glu-tine illud progreditur, quæ invicem cum hæreant, minimum coercent ponderis exceſſum, ne lamellas, & pulviſculum, trudat deorſum. *Quar-tum* eſt, glaciem, quæ aqua nonniſi concreta eſt, efferri, ut partem ſui detineat in aere. Glaciei plane volumen ex gelida aqua compingit-ur, & ex aere intus extante; aqueum idcirco aquam tantum cum complectatur, ſit auctius pondere, ut alterum ſuſtineat. *Quintum* eſt, piſces,

\* Tab. XXI. fig. 3.



pisces, quum volupe est, delabi in fundum alveorum, & sursum attolli. Eorum vero nonnulli vesicæ duplici instruuntur, quæ suum dilatant, vicissim, & contrahunt volumen; eodem propterea sub pondere cum majore, vel minore, pugnant mole aquea, cujus gravitas indivisa, seu pondus, in eos agit pro excessuum, vel defectuum, quantitate. Quod si unicam, ut plerumque contingit, obtineant, in oppositos motus, instar avium, feruntur præsidio pinnarum; illis enim aquam sibi circumpositam premunt, ut ad illam conscendant, quam libido statuit, altitudinem; idem manibus, pedibusque obtinent urinatores. Ceterum hydrostaticis de præceptionibus, & de Scriptoribus illarum, judicium acre qui postulet, adeat Belgradum (1).

## PARAGR. V.

*Differitur de fluxu liquorum.*

32. QUÆ de liquorum egressu sumus explanaturi, spectant ad *Hydraulicæ*. Ut de pressione fluidorum, & de æquilibrio, Hydrostaticæ disputat, ita versat Hydraulicæ eorum per fistulas defluxum. Liquores, qui ex rotundis vasorum foraminibus dilabuntur, formam dicuntur gerere cylindri; cujus basis in vase A \* forum FG est, longitudo vero est spatium GH a fluidi moleculis definito tempore confectum. Ratum hinc fit, pendere longitudinem GH a fluxuum celeritate; eo longius quippe spatium est, quo velocior motus inest fluido exeunti. Liquoris autem GHF qui erumpit, quantitas, seu volumen, est ut longitudo; ex geometrica enim præceptione cylindri basium æqualium rationem servant altitudinum. Quantitates itaque liquorum, dum efluunt, sunt ut celeritates.

33. Quo hydraulicis præceptionibus via sternatur, proponenda est duplex animadversio. *Prima* est, celeritates, quibus liquor æqualibus a foraminibus tempore eodem egreditur, esse ut motuum radices. Ab ostiolis nimirum EF & MN vasorum A & B \*\* cylindri EFG & MNO si exeant, velocitates EFG & MNO se habent, ut radices motuum, quibus perfolvunt suos fluxus. Fluidorum enim EFG & MNO celeritates c & c nuncupentur, volumina v & v; ex lege autem, qua non differre a voluminibus velocitates statuimus, erit  $c : c = v : v$ . Quin pars æquationis utraque valorem amittat, duci in quantitatem poterit  $c : c$ ; obtinebitur propterea  $c^2 : c^2 = vc : vc$ , ubi  $c^2 : c^2$  quadrata velocitatum significabit, &  $vc : vc$  quantitates motuum exprimet ex rectangulo velocitatis in massam prodeuntes. Ea demum a propor-

Tom. III. *Physicæ*.

Hhh

tione

\* Tab. XXI. fig. 4. \*\* Tab. XXI. fig. 5.  
(1) Acroas. histæ. & crit. ad discipl. hydrostat.

tione si quadrata radix eliciatur, supererit  $C: \epsilon = \sqrt{VC}: \sqrt{VC}$ ; qua constat, cylindrotum  $EF G$  &  $MNO$  celeritates ut radices motuum esse, quibus exeunt a vasis  $A$  &  $C$ . *Secunda* est, velocitates, quibus liquor inæqualibus e foraminibus exit, esse continenter æquales, modo eadem sit vasis altitudo. Fluidi nimirum  $EF G$  &  $MNO$  \*, quod disparibus ab hiatus  $EF$  &  $MN$  erumpit, celeritates eadem omnino sunt, ubi non differant altitudines  $BD$  &  $HL$ . Si foramen  $MN$ , quod alio  $EF$  majus est, in minora alia dividatur, a singulis effluit liquor velocitate æquali; æque enim ingruente a columella ubique premitur, noxamque nullam experitur ab aliis. Eadem proinde ubi valeat altitudo, unico ab osculo ea dilabitur festinatione, quam adhiberet, exeundum illi si esset a plurimis. Magnum itaque ostium sit, vel exiguum, eadem potitur liquor celeritare.

34. Ferenda modo est lex fluxuum præcipua. Ea sane est, celeritates, quibus e vasis liquor diffloit, esse ut radices altitudinum, quas obtinet supra foramen. Velocitates scilicet, quas cylinder  $FGH$  \*\* a vase  $A$  egrediens consequitur, proportionem radicum servant altitudinum  $CE$  &  $DE$ . Quantitates enim motuum, quibus liquor  $FGH$  elabatur, a pressioibus non discrepant insistentium columnarum; eæ namque potissimum sunt in causa, cur ostiolo accedat, contendatque se subducere festinanter. Omnem autem extra dubitationem est, respondere pressiones altitudinibus  $CE$  &  $DE$ ; basis enim  $EF$  eadem esse cum perseveret, validius oneratur, quo in vase  $A$  altius est fluidum. Motuum idcirco momenta ab altitudine pendent  $CE$  &  $DE$ ; cumque a radicibus illarum velocitates non discriminentur, liquer, has esse ut  $\sqrt{CE}$  &  $\sqrt{DE}$ . Definiendum aliter non est, ubi vasorum ostia sint inæqualia; parem namque decrevimus, fluido inesse ubique celeritatem; triplexque propterea erui universe potest consecutio. *Prima* est, fluido  $FGH$  velocitatem eandem impertiri, ac si ab altitudine caderet  $CE$  vel  $DE$ ; eorum quippe gravium velocitates, quas ruendo per  $CE$  &  $DE$  nanciscuntur, sunt  $\sqrt{CE}$  &  $\sqrt{DE}$ . *Secunda* est, motum, quo cylinder  $FGH$  utitur, esse retardatum; moras enim ferat necesse est, ubi illius celeritas radices spatiorum  $CE$  &  $DE$  sequatur perpetuo decrescendum. *Tertia* est, liquoris  $FGH$  longitudinem  $GH$  minui pro serie numerorum imparium; ea namque a spatio non differt, quod ex motus retardatione quatuor tempusculis lineas, vel pedes exhibet 7, 5, 3, & 1. Niti-diora hæc sunt, quam explanentur uberius.

35. Fluidi a vasis altitudinum, & foraminum, æqualium tempore inæquali exeuntis quantitates sunt ut tempora. A tubis videlicet  $A$  &  $C$  \*, quorum altitudines  $BD$  &  $HL$ , ostiaque  $EF$  &  $MN$  non differant, si liquor temporibus 1 & 2 egrediatur, volumina  $EF G$  &  $MNO$

\* Tab. XXI. fig. 2. \*\* Tab. XXI. fig. 4. \*.\* Tab. XXI. fig. 5.

& MNO se habent ut 1 & 2. Etenim cum hiatus EF & MN, seu bases, cylindrorum EFG & MNO se exæquent omnino, volumen EFG in aliud MNO spectat, ut longitudo FG in ipsam NO. Verum longitudo FG, qua fluidum A minuto 1 defluit, subdupla est alterius, qua se proripit fluidum C minutis 2; celeritates quippe ex altitudinum BD & HL æqualitate pares cum sint, duplum percurrendum huic spatium esse, jubent, tempore duplo. Eadem itaque voluminum dilabentium est ratio, & temporum. Innotescunt hinc tempora, quibus tubi A & C \* exhauriunt altitudines BD & HL pares, æqualiaque EF & MN forula, consecuti, sed bases DE & LM inæquales; ea siquidem sunt ut bases. Tempora enim, quibus fluida EFG & MNO erumpunt, se habent velut eorum volumina; hæc autem a basibus DE & LM pendent, quæ eadem sub altitudine BD & HL vasa plus amplificat, uberiusremque afferunt copiam liquoris. Basibus igitur DE & LM sunt depletionum tempora proportionalia.

36. Quantitates deinde fluidorum, a vasorum æque altorum foraminibus, quæ inæqualia sint, eodem tempore exilientes sunt ut foramina. Inæqualibus scilicet ab ostiis EF & MN \*\* tuborum A & C altitudine BD & HL pari donatorum decurrant instanti eodem fluida EFG & MNO; eorum volumina inter se erunt ut EF & MN. Celeritates sane, quibus cylindri EFG & MNO exeunt, æquales sunt, licet forula EF & MN sint inæqualia; se exæquent proinde necesse est longitudo FG & NO, quæ percurruntur tempore eodem. Liquoris propterea massa EFG & MNO proportionem imitantur foraminum EF & MN, ut latius alio ~~EF~~ <sup>EF</sup> cum MN sit, maiorem emittat fluidi quantitatem; cylindri enim altitudinum æqualium sunt ut bases. Arduum eo ex canone non est tempora definire, quibus deplentur vasa A & C; rationem quippe, constat, reciprocam ea æmulari foraminum EF & MN. Volumina plane EFG & MNO, quæ tempore æquali diffiunt, sunt ut ostia EF & MN; parem idcirco ob vasorum altitudinem eodem haurirentur penitus momento, si foramina non essent inæqualia. Verum disparia reapse cum sint, tempus diuturnius postulant, quo sunt angustiora; illud autem eodem redit, ac ad vasorum inanitatem conferre tempora reciproce ut foramina. Hæc igitur 1 & 3 si dicantur, depletionum tempora erunt 3 & 1.

37. Fluidorum vero quantitates, quæ æqualibus a foraminibus vasorum inæqualiter altorum tempore eodem effluunt, sunt ut radices altitudinum. A tubis nimirum A & C \*, quorum altitudines BD & HL disparēs extent, & pares hiatus EF & MN, liquor si egrediatur, volumen EFG æquali tempore ad aliud MNO refertur, sicut  $\sqrt{BD}$  ad  $\sqrt{HL}$ . Ex basium namque EF & MN æqualitate fit, cylindros EFG

H h h 2

&amp; MNO

\* Tab. XXI. fig. 6. \*\* Tab. XXI. fig. 8. \* \* Tab. XXI. fig. 7.

& MNO esse ut longitudines FG & MO; hæc autem ubi æquali temporis momento fumantur, rationem tuerentur celeritatum. Cumque velocitates a radicibus altitudinum BD & HL non discrepent, consequitur, iisdem  $\sqrt{BD}$  &  $\sqrt{HL}$  consonare massas FEG & MNO. Evincuntur inde tempora ad vasorum A & C hauriendum necessaria; exploratum nempe sit, respondere illa radicibus altitudinum earundem. Volumina scilicet EFG & MNO tempore unico egressa sunt  $\sqrt{BD}$  &  $\sqrt{HL}$ ; una deplerentur proinde tubi A & C, si altitudines BD & HL essent æquales. Verum inæquales sunt, & quadrata exhibent quantitatum  $\sqrt{BD}$  &  $\sqrt{HL}$ ; postulantur idcirco tempora, quæ altitudinum illarum radicibus sint proportionalia. Altitudines itaque BD & HL ubi 1 & 4 nuncupes, tempora vacuitatum erunt 1 & 2.

38. Quantitates præterea fluidorum a vasibus, quorum foramina, & altitudines inæqualitate laborant, tempore inæquali profluentium, sunt in ratione temporum, foraminumque, simpliciei, & subduplicata altitudinum. A tubis nempe A & C\*, qui foramina EF & MN inæqualia gerunt, disparesque altitudines BD & HL, liquores FEG & MNO tempore non æquali eduntur proportionem servantes temporum, foraminum, & radicum altitudinis. Quo tempus sane prolixius, latiusque foramen est, eo uberius egreditur voluminum EFG & MNO concretio; nec validiore ex pressione copiosior adhuc esse definit, ubi productior sit altitudo. Iniquum propterea non est, tempora determinare, quibus inanitatem a liquoribus obtinent vasa A & C\*\* foraminum, altitudinum, & basium inæqualium; rationem enim directam basium DE & LM complectuntur, foraminum EF & MN reciprocam, & subduplicatam altitudinum BD & HL. Quo scilicet altitudo prolixiore, & amplior basis est, eo auctior in vase continetur copia liquoris; tempus idcirco diuturnius petitur ad depletionem. Foramen autem quo diductius est, eo dilabuntur citius volumina EFG & MNO; brevius propterea tempus impenditur, quo vas ad vacuitatem redigatur omnino. Eam plane ob causam bases DE & LM 1 & 2 si nominentur, altitudines BD & HL 1 & 4, foramina EF & MN 1 & 3; tempora T & t, prodibit æquatio  $T : t = 1.1.3 : 2.2.1 = 3 : 4$ . Tempus videlicet, quo vas A exhauritur, ad aliud C est ut 3 ad 4.

39. Liquoris cylinder tempore æquali duplo longior altitudine est, a qua libere decideret motu perpendiculari. Longitudo nimirum FG.\*\* voluminis EFG a vase A prodeuntis dupla altitudinis BD est, a qua descenderet in aere fluidum tempore eodem. Massa quippe EFG a foramine EF celeritate defluit, quam acquisivisset cadendo per BD; velocitate autem illa spatium duplum percurrat necesse est, seu duplam longitudinem FG. Ratum videlicet est, velocitate, quæ motui accelerato infer.

\* Tab. XXI. fig. 9. \*\* Tab. XXI. fig. 10. \*\*\* Tab. XXI. fig. 10.

inservit, confici spatium duplo majus, si redigatur ille ad uniformem; momento autem temporis unico, quod indivisibile penitus est, non pugnat, motum fluidi  $EFG$  accipi pro uniformi. Comperitur inde, volumini  $DEGF$  \* a vase  $A$  egredienti vim alterius duplam inesse, quæ reperitur in columna  $BCD$ . Longitudo enim  $EG$  dupla ipsius  $CE$  cum sit, & basis fluidi  $DE$  spectet utrumque ad cylindrum  $DEFG$  &  $BCDE$ , duplam materiæ quantitatem hic continet præ illo; proindeque tempore æquali obtinet vim duplam. Disputari autem de causa affloret, quæ hoc pariat virium incrementum; gravitans enim cylindrus  $BCD$ , cui tribuenda liquoris expulsio est, nihil gaudet tantum dimidio. Acutiores quidem Philosophi virium accretionem repetunt a fluidi partibus  $HKDE$ ; in formam quippe conicam cum definant, propeller præter columnam  $BCDE$  fluidum creduntur, & augere voluminis, quod exilit, conatum. Pressioni huic, quam *lateralem* nuncupant, adjiciens animum Newtonus cylindrum  $DEFG$ , putavit, celeritate exire, quam adeptus sibi fuisset decidendo dupla ab altitudine  $CE$  (1). Newtono Jurinus consensus, Keilius, Riccatus & Manfreddus; aliter vero pronuntiaverunt Bernoullius, & Michelottius. Qui dissidii historiam, & momenta velit, se conferat ad Zendrinum (2).

40. Prætereundæ etiam leges non sunt *salientium* fonticulorum. Duplex sane ad genus spectant, dicunturque *horizontales*, & *verticales*; directionem quippe horizonti parallelam illi afferunt, hi perpendicularem. Fonticulus, quem *salientem horizontalem* nominant, est  $CF$  \*\* erumpens a vase  $A$ ; parabolice inflectitur, & longitudinem  $CD$  explicat, quæ radici altitudinis  $BC$  est æqualis. Parabolam ab eo describi, constat citra omnem demonstrationem; ex pressionis enim per  $CD$  viribus, & gravitatis per  $CE$ , motum uniformem admittit, & acceleratum, a quibus decretum non semel fuit, curvam progredi parabolicam. Ægrius non ostenditur, longitudinem  $CD$  esse  $\sqrt{BC}$ ; eam quippe, diximus, respondere celeritati, qua liquor egreditur; velocitas autem a radice non discrepat altitudinis  $BC$ . Fonticuli vero, quem *salientem verticalem* appellant, exhibeturque a fluido  $D F G E$  \*\*\* proprietas est ad altitudinem ei æqualem se erigendi, a qua decidit in tubo  $A$ . Columna quippe  $D F G E$  celeritate ascendit, quam acquirit descendendo per  $BC$ ; sed velocitates ubi æquales sint, se exæquant, necesse est, spatia, seu altitudines  $BC$  &  $FG$ . Nonnulla tamen prostant incommoda, quorum causa liquores ad minorem se erigunt altitudinem. Mariottus propterea tabulam altitudinum edidit (3), quibus augendæ eæ sunt, unde aqua delabitur altius efferenda. Vitia accuratæ fluidorum

ela-

\* Tab. XXI. fig. 11. \*\* Tab. XXI. fig. 12. \*\*\* Tab. XXI. fig. 13.

(1) Princ. lib. 2. prop. 36. coroll. 2. (2) De aqu. current. cap. 2. append.

(3) De mot. aquar. par. 4. ferm. 1.

elationi adversa potissimum sunt tria. *Primum* est, aerem gravitate sua, atque elasticitate, obviam fieri fluido insilienti, illiusque impetum remorari. Ut malo huic prospiciatur, paullo crassior sit aqueus cylindrus; concretior enim materies aeri moras nectenti æquius obstitit, nec diffipari patitur in guttulas minuitiores. *Secundum* est, ab attritu, quem aquæ particule in tubis experiuntur, celeritatem decrescere, ut obtineat fluidum propterea locum demissorem. Qui mederi morbo non negligit, tubos conflant paullo latiores; angustiores enim quo sunt, renituntur impensius, insignioremque pariunt frictionem. *Tertium* est, aquæ perpendiculariter descendens gravitatem impedimento moleculis insistentibus esse, ne se conferant ad altitudinem definitam. Hanc vero labem eripies, si tubum, unde aqua egreditur, inclinaveris nonnihil ad horizontem; liquoris enim particule curvam describent, nec in subiectas recident ad infirmandum nisum illarum. Præcipua salientium fontium incommoda, & remedia, noscere silius qui exoptet, Gravefandium (1) petat, Musschenbroekium (2), & Wolfium (3).

41. Liqueorum denique effluxui duplex adjicitur observatio. *Prima* est, exstantibus in vasis fundo a foraminibus majorem fluidi copiam erumpere, quam ab hiantibus ad latus. Docebat plane ratio pendere fluidorum egressum duntaxat ab altitudine; aliter tamen præcipit experientia, quæ obtemperare cum admonet foraminum etiam positioni. Ubi offerri ad rem causa aliqua vellet, confugiendum potius esset ad pressionem fluidi; ingruens enim columna exitui liquoris perpendiculari diversimode suffragatur, ac horizontali. Punctis nimirum singulis ostioli in tubi fundo patentis respondent altitudines pares eolumellarum; fit propterea, ut liquor æque prematur, expellaturque nisu prorsus æquali. Ceteris vero foruli ad vasis latera aperti punctis insistent altitudines inæquales; iis enim, quæ altiora sunt, & a basi tubi remotiora, insident eolumnæ breviores; urgent propterea, & ejicient fluidum inæqualiter. *Secunda* est, uberius liquorem effluere, si adjungatur tubus quispiam foramini. Primus omnium rem animadvertisse dicitur Mariottus (4); apposito quippe hiatui linearum 3 tubo 3 pedum expertus est, egredi equam vi, quæ ad aliam erat ut 3 ad 2; altitudinem vero pedis 1 ea obtinebat in vase. Non diffitemur, hujusce quoque discriminis causam in earum censum venire, quæ mentem discruciant Philosophorum; ajunt tamen, fluidi particulas a motus axe remotiores, ubi foramini appellant, ceteris oblique impingere, & minuere impetum illarum. Quod si forulo tubus adplicetur, nullus cylindrus decurrenti sit impactus molecularum; viam ideoque suam persequitur, ut auctio-

(1) Elem. phys. lib. 3. cap. 8. (2) Elem. phys. cap. 23. (3) Elem. hydraul. num. 49. ad 55. (4) De mot. aquar. par. 3. item. 6.

austriorem aquæ quantitatem efferat tempore eodem. Enodationes, quas phenomeno utrique adhibuimus, accepimus a Zendrino (1). Cui desipiant, experimenta non neget, & excogitet lapidiores.

## PARAGR. VI.

*Explicatur fluminum cursus.*

42. A LIQUORUM fluxu canones derivantur aquarum fluvialium. Fluminis *alveus* est fovea perpetua, per quam aqua decurrit; duplex autem est, nempe *horizontalis*, & *declivis*. Nominant *horizontalem* quum alvei fundus horizonti est parallelus; *declivem* nuncupant, ubi inclinatur, ut angulum efficiat cum horizonte. Alvei *sectio* planum est ex altitudine aquæ, & latitudine, confectum, alveique fundo perpendicularare; triplex est, *velocior* nimirum, *tardior*, & *aquavelox*. *Velocior* sectio, si aqua per eam celeriter transeat, dicitur, *tardior* si lente, & *aquavelox*, si aqua feratur media celeritate. *Mediam* autem velocitatem vocant, quum tarditas, & celeritas, revocantur ad terminum medium, quo delabi aqua creditur constanter. Velocitate nempe hac media si per sectionem aqua dilaberetur, tanta efflueret tempore eodem, quanta celeritati inæquali deberetur, tardæ videlicet & veloci. Quæ de aqua in fluminibus conclusa proponi assolent, tria sunt, *cursus* nimirum, *percussio*, & *libellatio*. Explanamus ea singillatim.

43. Fluvialis aquæ ad cursum quod attinet, horizontali in alveo secus defluit, ac in declivi. Proclivitatem nullam ubi alveus obtineat, sed parallelismum fervet cum horizonte, aquæ inferioris fluxus acceleratur ex pressione superioris. Comparari nimirum alveus cum vase potest, cujus foramen est aquæ sectio; ex pondere enim columnæ insidentis e tubo liquor ut egreditur, ita ex particularum illi imminenti gravitate adigitur aqua fluminis ad fluxum. Definitum sane fuit, celeritates fluidi e vasorum ostiolo exeuntis esse ut radices altitudinum; ratione penitus eadem a radicibus altitudinum, quibus sectiones potiuntur, non differunt velocitates aquæ fluvialis. Fit propterea, aquam celerius ferri, quo altior est sectio; aucta quippe altitudine pressio succrescit, a qua originem capit defluxus. Quæ alvei fundo proximior est, donanda potiore esset velocitate; inæqualitates tamen, quæ ibi plerumque degunt, sunt impedimento, ne imperum exerat omnino. Enimvero pronitatem aliquam si alveus exhibeat, flectaturque horizonti, celeritas aquæ a proclivitate provenit, non a pressione. Et quidem alveus, qui declivis sit, persimilis est plano inclinato; decretum vero fuit, super illud volutari corpus, quod præditum sit gravitate. Quo ideo obli-

---

(1) De aqu. current. cap. 2. num. 14. & cap. 3. num. 4.

obliquior alveus est, eo acceleratio evadit motus aquæ fluvialis; altitudine plani quippe adaugetur confirmatur velocitas relativa, qua cursus perfolvitur. Prostat hinc causa, qua celerior aqua non fiat ex gravitatione superioris (1); integra enim hujus velocitas duas in partes distribuitur, quarum altera planum premit, altera impenditur effluxui. Quam in motus prosecutione aqua altior adhibet, conferri celeritas non potest demissiori; horizontalem namque directionem explicat, non perpendicularem. Velocitas autem, qua in alveum ingruit, absumitur ex oppositione virium omnino; superesse proinde nequit, ut impertiat aquæ subjacenti. Alveo itaque in declivi velocitas omnis accersitur a pronitate.

44. Indicandum vero est, quæ aquæ portio a sectionibus exeat tempore definito. *Æquales primo* sectiones, & æqueveloces, ubi sint, eodem temporis intervallo partes præterfluunt quantitates aquæ fluvialis. A sectionum quippe æqualitate constat, altitudines illarum non differre, & latitudines; a foraminibus autem diametri ejusdem æqualis prorsus egreditur copia liquoris. *Æqueveloces etiam* esse sectiones nequeunt, nisi æquales admittant medias celeritates; tempore nempe certo eandem aquæ vim evomant, quæ velocitate fluere inæquali. *Secundo* æqueveloces sectiones quum sunt, sed non æquales, volumina aquæ per illa decurrunt rationem tuentur sectionum. Velocitates namque mediz æquales dum sunt, ab ostiorum, seu sectionum, amplitudine major pendet, minorque, prodeuntis fluidi massa. *Æquales tertio* sectiones si ex-  
tent, minime vero æqueveloces, moles aquæ per illas emigrantis celeritatis medijs sunt proportionales. Quævis enim sit quantitas, quæ utraque a sectione inæqualiter egreditur, redigitur ad velocitatem mediam; hujus idcirco proportionem aqua retinet, quæ certo tempore dilabitur utrinque. *Quarto* inæquales sectiones, & non æqueveloces, ubi sint, copia aquæ rationem compositam sequitur velocitatum mediarum, & sectionum. Prolixiore lex non eget explanatione; constat enim, quo latior sectio, vel altior, est, potiorque media celeritas, uberiora demitti aquæ volumina. Velocitates propterea sectionum medias 1 & 2 si nuncupes, earum perimetrum 3 & 1, & aquæ quantitates Q & q, tempore eodem erit  $Q : q = 1 : 3$ .  $3 : 2$ .  $1 = 3 : 2$ . Tres nimirum aquæ cados prior efferet, intereadum pariet duos sectio posterior.

45. Quod ad aquæ fluvialis percussionem spectat, a plano, cui impingit, regitur, & a celeritate. Aquarum videlicet, quæ planis inæqualibus æquali velocitate irruant, percussiones rationem servant illorum. Quo enim superficies idæi corporis amplior est, eo majus in eam impetum facit aquæ volumen; eadem vero manente celeritate, si materies suecrescat, augetur motus, validiorque evadit ipsa percussio. Verum  
æqualia

(1) Vid. Wolf. elem. hydraul. num. 243. & seq.



æqualia plana, quæ feriuntur, ubi sint, & velocitates inæquales, percussio a quadrato non differt celeritatum. Superius quidem pronuntiavimus (1), resistentiam, quam fluida solidis per illa deductis offerunt, esse ut celeritates; cumque eodem redeat, alidi fluidum firmæ superficiæ, sentiendum non esset hic aliter. Vires sane fluidorum, quæ solidis irrumpunt, esse velocitati pares Vallisius censuit, quadrato autem Hugenius; Newtonus vero utramque hypothesein cum expendisset, neutri consensit, sed velocitati una & quadrato, secit æquales (2); nec rei disceptationem præterit Riccatus (3). Compertum quo fiat, gravissime non peccari, si opinionum alterutra admittatur, percussioinum quantitatem petimus a quadrato; nec ignoramus demonstrationem. Impactionum quippe momenta a celeritate non modo pendet, verum etiam a massa; exploratius autem, quam ostendi debeat, est, eo grandius aquæ volumen eodem tempore decurrere, & impetere, quo velocitas est insignior. Ratio propterea celeritatum, & molium, eadem cum sit, aquæ percussiones duplicatam tuentur velocitatum proportionem; quod eodem vertitur, ac consonare illas quadratis celeritatum. Inæqualia demum plana quum sunt, & dispares celeritates, compositam rationem percussiones obtrinent quadratorum velocitatis, & planorum. Necessaria consecutione illud profluit, ut operosiores respuat elucidationem.

46. Occurrit postremo fluvialium aquarum *libellatio*. Utilis nimirum est ad erundam aquæ in flumine decurrentis altitudinem; docuimus enim, in locum quempiam erigi illam non posse, nisi delabatur ab æque alto. *Libella* machinula est ad ~~horizontalem~~ lineam inveniendam accommodata; formarum plane singularium multas exhibuere Picardus (4), Coupletus (5), & Hartsockerus (6); duas tantum hic describimus. *Prima* est semicirculus  $EFC$  \* uncis A & B instructus; cuius a centro funiculus  $CP$  cum adjecto pondusculo  $P$  tenditur concinne adjacens circumferentiæ. Ubi uncorum præsidio sani suspendatur, filumque  $CP$  peripheriam  $ECF$  mediam in  $C$  dividat, indicatur, rectam  $EF$  horizonti esse parallelam. *Alter*a tubus vitreus  $BC$  \*\* est aqua ferme repletus; inferiore autem sui parte sphaeram  $D$  metallicam gerit concavæ inferendam; idoneus enim eo pacto evadit ad omnem directionem. Aquæ bullula ubi mediam  $A$  tubi partem obtineat, designabitur, lineam  $BC$  esse horizontalem; dioptris vero puncta  $B$  &  $C$  non delitruuntur, quarum ope collineare oculus potest in res objectas. Ad evincendum, an accurata sit libella, admoto oculo referes utrumque illius extremum ad duo corpora; tum ea conversâ observes, an eadem in loca veniat

Tom. III. Physicæ.

Iii

linea

\* Tab. XXI. fig. 14. \*\* Tab. XXI. fig. 15. (1) Par. 4. cap. 2. paragr. 4.  
(2) Princip. lib. 2. sect. 2. 3. (3) Vid. supplem. diar. Italic. vol. 2. artic. 8.  
(4) Traët. de libellat. cap. 2. (5) Vid. mon. Accad. reg. Paris. ann. 1699.  
(6) Ap. æt. Lips. ann. 1712.

linea per dioptras traducta. Mendosa quippe libella quum est, ut curvaturam aliquam admittat, in puncta alia visualis linea fertur, aberratque penitus a situ priore. Verum si producenda horizontalis recta sit, punctum, quod primam complet, libellæ præsidio proferatur in secundam.

47. Explicatur itaque ars satis impedita libellationum. Erandum nimirum sit, quanta fluminis  $QTV$  sit altitudo  $QT$ ; quævis autem fundi  $TV$  inæqualitas sit, parum confert, vel officit supputationi. Bolidis, seu plumbi a funiculo pendens, ope investigentur riparum summities  $LQ$  &  $GV$ ; quarum illa ad aquarum calculo subjiendarum initium exeat, hæc ad exitum. In  $L$  & in  $N$  erigantur baculi  $AL$  &  $BN$ ; his vero scopi  $\epsilon$  &  $\kappa$  adnectantur colore aliquo infecti, & mobiles, quo demitti commodè possint, vel attolli, pro rei opportunitate. Libella  $GH$  eas inter virgas collocetur in  $M$ ; oculusque per dioptras ita dirigatur, ut eadem in linea puncta quatuor existant  $E$ ,  $G$ ,  $H$ , &  $K$ ; altitudines vero  $EL$  &  $KN$  scribantur in pagella. Baculus  $AL$  ex  $L$  transferatur in  $G$ ; delataque pariter libella ex  $M$  in  $O$  unam in rectam conjiciantur ab oculo puncta quatuor  $B$ ,  $C$ ,  $D$ , &  $E$ ; eodem autem, quo prius, consilio adscribantur seorsim altitudines  $BN$  &  $EG$ . Eadem virgarum, & libellæ, deportatio, quæ bis hic obtinuit, iteretur, quoad collustrata longitudo omnis fuerit alvei ad observationem præstituti. In summam unicam redigantur lineæ  $EL$  &  $BN$ , prima nimirum & tertia, eisque addatur ripa  $LQ$ ; in alteram vero colligantur rectæ  $KN$  &  $EG$ , secunda nempe, & quarta, quibus adjungatur ripa alia  $GV$ . Posteriori summæ prior ubi auferatur, declivitas aquæ prodibit, seu altitudo  $QT$ ; nec deest præscriptioni demonstratio. Etenim  $EG + GV = KN + EL + LQ + QT$  est, & consequenter  $EG + GV + KN = KN + BN$  seu  $BN + EL + LQ$  seu  $EQ + QT$ . Arithmeticis autem ex legibus æquatio  $EG + GV + KN = BN + EQ + QT$  in aliam vertitur  $EG + GV + KN - BN - EQ = QT$ ; altitudo proinde  $QT$  a subtractione provenit summæ prioris a secunda. Exploratus illud erit, si lineis numeri sufficiantur, puteturque proferri  $EG$  pedibus 12,  $GV$  3,  $KN$  6,  $BN$  10, &  $EQ$  7; his quippe in earum locum deductis obtinebitur  $12 + 3 + 6 = 10 + 7 + QT$ , seu  $21 = 17 + QT$ , vel  $21 - 17 = QT$ , hoc est  $4 = QT$ . Constat itaque pedum 4 esse altitudinem  $QT$ .

## F I N I S.

IN.

# INDEX RERUM

*Quas Volumen complectitur.*

## A

**A**TRACTIO quid sit. *par. 2. cap. 4. num. 2.* Qui primum invenit. *num. 3.* Leges adtractionis. & repulsionis dedere multi. *num. 4. 5. & 6.* Negari adtractio non potest, quia fluida reapse trabuntur a fluidis. *num. 7.* Fluida corpora contendunt ad solida. *num. 8.* Solidis accedunt solida alia. *num. 9.* Substantiæ simplices coeunt ex adtractione. *num. 10.* Vis synpeta, seu adtractionis, confert mundi incolumitati. *num. 11.*

**AD**TRACTIONEM. eliminarunt Philosophi complures. *par. 2. cap. 4. num. 12.* Newtoniana adtractio differt omnino occultis a qualitatibus Peripateticorum. *num. 12. & 13.* Leges adtractionis, quæ fortasse eadem ubique sunt, perturbantur a corporum situ, figura, superficie, densitate, & textura. *num. 14. & 15.* Tum in distantia qualibet, cum in contactu, finita est adtractio. *num. 16. & 17.* Multorum adtractio corporum non est conspicua, quia temperatur a causis aliis. *num. 18. & 19.* Ex adtractione omnia in corpus unicum non coalescunt, quia vires illius inæquales sunt, & obtinet etiam repulsio. *num. 20. & 21.* Oriri motus corporum potest, quin, quod movetur, sibi proponat finem ullum. *num. 22. & 23.*

**AFFECTIONES** corporum quæ sint. *par. 2. cap. 1. num. 2.* Esse illas accidentia absoluta probant Peripatetici quinque rationibus. *num. 3.* Momentis quinque offendunt Atomistæ non esse illas accidentia. *num. 4.* Separationem affectionum a substantia explicant in Eucharistia Cartesius, Gabezius, Moraschini, & Maignanus. *num. 5. & 6.*

**AFFECTIONES** a substantia discrepare non præcipit Fides. *par. 2. cap. 1. num.*

*8.* Concilium Tridentinum, & Patres, affectiones vocant species, apparentias, & formas. *ibid.* Proponuntur a Fide multa, sed modus, quo sunt, relinquatur hominum disputationi. *num. 9.* Conversio in Eucharistia peragitur, quin superesse debeant accidentia absoluta. *num. 10.* Accidentia, quæ persisterent, nullum promererentur cultum. *num. 11.* Si Ecclesia diversitatem affectionum a substantia definiisset, anam Hæreticis dedisset cavillandi. *num. 12.*

**AFFECTIONES** ex Fidei præscripto deferre a substantia opinati sunt plures. *par. 2. cap. 1. num. 13.* Concilium Constantiense permanere accidentia sine substantia non sanxit, sed non persisterent substantiam cum accidentibus. *num. 13. & 14.* Causa affectionum post consecrationem non remanet, sed supersunt affectiones. *num. 15. & 16.* Accademix, & Cathedres, affectiones nuncupant accidentia, quia substantiæ accident omnino. *num. 17. & 18.* Deus non decipit, cum minime affirmet, affectiones esse accidentia. *num. 19. & 20.* Sensibiles sunt affectiones Eucharistiæ, quod sensationes pariant ceteris persimiles. *num. 21. & 22.*

**ARISTOTELIS** scripta physica quæ sint. *Isag. cap. 2. num. 1. 2. 3. 4. 5. 6. & 7.* Physice Aristotelis non est prorsus inutilis. *num. 8.* In effectus illa non annuitur sed in causas. *ibid.* Causas obscuras docet, quia impossibiles interdum sunt illustiores. *num. 9.* Consentit sæpe numero cum Philosophis recentioribus. *num. 10.*

**ARISTOTELIS** Physicen referunt multi inter inania. *Isag. cap. 2. num. 11.* Methodum non modo idealem tuitus Aristoteles fuit, verum etiam realem. *num. 11. & 12.* Non rariocinatur in epre de æentro. *systematis mændani. num. 13. & 14.* quæ de rebus physica

statuit, non sunt mutila, & detruncata. *num.* 15. & 16. Dum erravit, conditionem subiit hominum uniuersorum. *num.* 17. & 18. Illius errores triplicis sunt generis. *num.* 19. Falso illi adscribuntur aliqui. *num.* 20. Alii sunt dubii. *num.* 21. Omnino certi sunt alii. *num.* 22.

ARISTOTELIS principia corporum tria erant. *par.* 1. *cap.* 1. *num.* 3. Materia. *ibid.* Forma. *num.* 4. Privatio. *num.* 5. Non consentiunt illa veritati. *num.* 6. Materia continua non est, sed constat ex moleculis. *ibid.* Quæ ad materiam spectant, omnibus conveniunt hypothesibus. *num.* 7. Forma esse potest ipsa particularum textura. *num.* 8. Cum contineatur forma in materia, nequit ab illa differre. *num.* 9. Privatio est nihil, & propterea impar ad omnia. *num.* 10.

ARISTOTELIS principia physica non earent patronis. *par.* 1. *cap.* 1. *num.* 11. A textibus liquet, Aristotelis principia non esse elementa. *num.* 11. & 12. Licet moleculis corpora atroxantur, esse possunt veræ substantiæ. *num.* 13. & 14. Corporum generatio ab alteratione differt ex ipsa eorum coagmentatione. *num.* 15. & 16. Falsum est, texturam nihil efficacitatis habere ad producendas corporum proprietates. *num.* 17. & 18. Quovis pacto explicetur privatio, est nihil, nec quidquam valet physicos ad effectus. *num.* 19. & 20.

AUDITUS organum quid sit. *par.* 3. *cap.* 5. *num.* 2. Describitur auricula. *num.* 3. Meatus auditorius. *num.* 4. Capsula tympani. *num.* 5. Labyrinthus. *num.* 6. Nervi exponuntur auditorii. *num.* 7. Qua potissimum in parte degat vis audiendi. *num.* 8.

AXIS in peritrochio quid sit. *par.* 4. *cap.* 6. *num.* 20. Redigendus ad vectem est generis primi. *num.* 21. Tria præsertim observantur ad usum axis ampliore. *num.* 22.

## C

CARTESII principia corporum quæ sunt. *par.* 1. *cap.* 3. *num.* 2. & 3. Elementum illius primum exponi-

tur. *num.* 4. Secundum. *num.* 5. Tertium. *num.* 6. Principia Cartesii sunt penitus simulata. *num.* 7. Ex motu rotundæ æqualiter non sunt elementares particule. *ibid.* Materia subtilis complere omnes nequit vacuitates. *num.* 8. In centrum vorticum abire non potest primum elementum. *num.* 9. Aeri confarciendo ineptum omnino est elementum secundum. *num.* 10. Tertio ex elemento non proveniunt solida corpora & fluida. *num.* 11.

CARTESII principia multos habent adimplatores. *par.* 1. *cap.* 3. *num.* 13. Idea clara, quam Cartesii elementa exhibent, est falsa. *num.* 13. & 14. Quæ Cartesius induxit, præstantiora non sunt principiis aliorum. *num.* 15. & 16. Materia striata deferri in centrum vorticis non potest ad efficiendum novos planetas. *num.* 17. & 18. Subtilis materia, quæ ab igne non differt, alia est a Cartesiana. *num.* 19. & 20. Cartesius licet floruerit, cessit demum fati omnium Philosophorum. *num.* 21. & 22.

CELERITAS corporum quid sit. *par.* 4. *cap.* 2. *num.* 2. Tribus rationibus ostenditur, celeritatum inæqualitatem sitam esse in morulis. *ibid.*

CENTRA magnitudinis, & gravitatis, quid sint. *par.* 4. *cap.* 6. *num.* 2. Quid sit linea directionis. *ibid.* Corpora, quorum superficies planum contingunt, non decidunt, si linea directionis cadat in basim illorum. *num.* 3. Ubi corpora planum tangant in puncto, consistunt, si directionis linea transit per contactum. *num.* 4. Quid sit centrum motus, jugum, & æquilibrium. *num.* 5. Poriontur æqualia corpora æquilibrio, quum pares a centro motus afferunt distantias. *num.* 6. Corpora ut inæqualia invicem librentur, distantias oportet habeant ponderibus reciproce proportionales. *num.* 7. Ratio traditur ad centrum motus erudendum corporum uniuersorum. *num.* 8.

CHYMICORUM principia ad corpora quæ sunt. *par.* 1. *cap.* 4. *num.* 2. Mercurius exponitur. *num.* 3. Sulphur. *num.* 4. Sal. *num.* 5. Aqua. *num.* 6. Terra.

Terra. *num.* 7. Principia chymica non sunt omnino prima. *num.* 9. Quæ Chymici memorant non insunt corporibus universis. *ibid.* Ignis non separat, sed conficit quinque illas substantias. *num.* 10. Aqua in sal, sulphurque, vertitur, & in alia. *num.* 11. Chymicorum principia non sunt pura. *num.* 12. Sunt innumera. *num.* 13.

CHYMICORUM principia placent non paucis. *par.* 1. *cap.* 4. *num.* 14. Pronuntiare sensus non valent de chymicis principiis. *num.* 14. & 15. Corpus quodque forma, & subiecto, constat, sed ea non sunt, qualia exhibentur a Chymicis. *num.* 16. & 17. Substantiæ aliquæ a corporibus exprimuntur, sed aliæ conficiuntur ab igne. *num.* 18. & 19. Incertum est, corporum proprietates oriri chymicis a principiis. *num.* 20. & 21. Elementa æque, ac substantiæ chymicæ, nequeunt esse prima principia. *num.* 22. & 23.

COHERENTIA corporum opponitur fluiditati. *par.* 3. *cap.* 1. *num.* 2. Corporum coherentium alia sunt dura; horum vero aliqua dicuntur fragilia, & aliqua fissilia. *num.* 3. Alia sunt mollia, quorum nonnulla nuncupantur flexilia, nonnulla tenacia. *num.* 4. Fibrarum, quæ cohesioni inserviunt, aliæ sunt longitudinales, & aliæ transversales. *num.* 5. Cohæsiō alia extat, qua corpora agglutinantur invicem præsidio alterius. *num.* 6. Peti ab adtractione potest corporum coherentia. *num.* 8. Firmitas corporum a plexu provenit molecularum; corum vero illæ ope adtractionis. *ibid.* Repulsione, & adtractione expeditur facile discrimen solidorum corporum a fluidis. *num.* 9. Corporum partes separantur ex ponderum appositione; resiliunt propterea ope adtractionis. *num.* 10. Fortius corporum partes hærent, quo se contingunt intimius; illud autem promovet adtractionem. *num.* 11. Cohærere corpora ex adtractione a sebo constat, quod plus æquo interponatur cylindris marmoreis. *num.* 12.

COHERENTIAM corporum causæ alteri tribuunt multi quam adtractioni. *par.* 3. *cap.* 1. *num.* 13. A vi inertiz

progredi cohæsiō non potest, quia molecule sunt perexiguæ. *num.* 13. & 14. Uncinatz particulari causâ esse nequeunt cohæsiōis; durissimæ enim cum sint, diffrumpi non possent a pondere appposito. *num.* 15. & 16. Aëris pondus, licet corpora premat, non valet omnem efficere partium cohæsiōem. *num.* 17. & 18. Ex adtractione, & aëris gravitate, explicari commodè una solent hemisphæriorum Magdeburgensium phænomena. *num.* 19. & 20. Cylindri invicem impositi cedunt facile motui horizontali, quia bases illorum non inserruntur invicem, ut cetera corporum molecule. *num.* 21. & 22. Experimentum funium parum proficit adversus cohæsiōem, quæ ducitur ab adtractione. *num.* 23. & 24. Batavica gutta, & ampulla Bononiensis, cohæsiōem amittunt ex igne, qui, quum erumpit, contextum solvit particularum. *num.* 25. & 26.

COCHLEA quid sit. *par.* 4. *cap.* 6. *num.* 41. Non differt a plano inclinato. *num.* 42. Potentia ad pondus attollendum validior sit, quo cochleæ spiræ sunt frequentiores. *ibid.* Nonnulla observantur ad cochlearum usum; præsertimque exponitur cochleæ perpetua. *num.* 43.

COLLISIO inertium corporum directâ perfolvitur legibus multis. *par.* 4. *cap.* 7. *num.* 8. Exponitur lex prima. *ibid.* Secunda. *num.* 9. Tertia. *num.* 10. Quarta. *num.* 11. Quinta. *num.* 12. Impingentium corporum inertium vires eadem superant, & pares sunt post idum celeritates. *num.* 13. Collisio corporum elasticorum suis quoque regitur præscriptionibus. *num.* 14. Explicatur prima. *ibid.* Secunda. *num.* 15. Tertia. *num.* 16. Quarta. *num.* 17. Quinta. *num.* 18. Sexta. *num.* 19. Septima. *num.* 20. Octava. *num.* 21. Nonna. *num.* 22. Decima. *num.* 23. Corporum elasticorum proprietates sunt, eandem virum quantitatem perire, eandemque celeritatem summam, vel differentiam. *num.* 24.

COLLISIO corporum obliqua quomodo differat a directâ. *par.* 4. *cap.* 3. *num.*

*num.* 25. Via designatur, quam corpora servant, ubi se collidunt non ex adversis partibus. *num.* 26. 27. & 28. Quod, si ex adversis partibus sibi invicem occurrant, describunt semitam aliam. *num.* 29. & 30.

COLORUM alii sunt primitivi, & alii derivati. *par.* 3. *cap.* 10. *num.* 2. Tres sunt albi coloris proprietates. *num.* 3. In nigro tres reperiuntur illis oppositæ. *num.* 4. Colores immutantur, ubi corpora locum alium nanciscantur, vel compactiora fiant, vel misceantur cum aliis. *num.* 5. A primæ cui lux incidat, dividitur illa in septem colores. *num.* 6. Secreti a prismate colores eandem continenter servant naturam. *num.* 7. Confunduntur colores a prismate egressi, si excipiantur lente vitrea. *num.* 8. In affectione absoluta colores posuit Aristoteles. *num.* 9. Cartesius jubet, colores esse motuum compositionem. *num.* 10. A radiorum quantitate colores reperit Gassendus. *num.* 11. Mallebranchius discrimina colorum tribuit corporum oscillationi. *num.* 12. Umbroso velo, & lucido, colores adjudicat Rizzetus. *num.* 13. Newtonus colores ducit ab ipsis lucidis moleculis. *num.* 14. Colores sunt particulæ lucis coloratæ. *num.* 16. Mutantur colores ex loco, densitate, & permixtione, ob varias refractiones, quas subeunt ex particularum luminis diversitate. *ibid.* Corpora alba oculis offiunt, & agre concipiunt calorem, quia permixtos regunt omnes colores. *num.* 17. Colores, qui a prismate separantur, indicant inæqualitatem refractionum a varietate molecularum exportant. *num.* 18. Non servarent colores naturam, nisi eam afferrent a semetipsis. *num.* 19. Confunduntur colores in lente, quia lux est illorum omnium complexio. *num.* 20.

COLORS lucidis particulis non inesse statuant oïores Newtoni. *par.* 3. *cap.* 10. *num.* 21. Colorum experimenta ab iis in suspicionem vocantur, qui industria carent, & diligentia. *num.* 21. & 22. Violaceus color in rubrum, & ceruleum, non dispecitur, si lux extranea abigatur, & prisma non sit impurum. *num.* 23. & 24. Circulos colora-

tos Newtonus ita discrevit, ut alius minime indideretur super alium. *num.* 25. & 26. Colorum a prismate secretorum constantia ex artificialibus non comperitur, sed ex prismaticis, & præsertim ex albo Newtoni. *num.* 27. & 28. Minium, quod rubrum est, flavescit ex colore flavo, cui supponitur, quia a corpore non remittuntur omnes moleculæ generis nnius. *num.* 29. & 30. Colorum diversitas a textura corporum minus pendet, quam a situ pororum. *num.* 31. & 32. Vitrum viride utraque in superficie viret, quia duplex in eo contingit viuidum, particularum reflexio. *num.* 33. & 34.

COMMUNICATIO motus directo impulsu peragitur & obliquo. *par.* 4. *cap.* 3. *num.* 2. Corporum, quæ collidi possunt, alia sunt mollia, dura alia, & alia sunt elastica. *num.* 3. Dura corpora, & mollia, quæ plano cuspia aliduntur, non admittunt reflexionem. *ibid.* Reflectuntur vero corpora elastica. *num.* 4. Corpus, quod alteri mobili impingit, motum communicat, & amittit virium portionem. *num.* 5. Machina describitur ad eruendas vires, quæ in corporum collisione distribuuntur, accommodata. *num.* 6.

COMPOSITIO motuum quid sit. *par.* 4. *cap.* 4. *num.* 2. Determinationes ad motum alia conspirantes sunt, oppositæ alia, & alia sunt mediæ. *num.* 2. 3. & 4. Motus compositus in rectilineum dividitur, & curvilineum. *num.* 5. Rectilineus motus, qui a vi duplici progreditur, describit diagonalem. *num.* 6. & 7. Celeritas, qua corpus a vi duplici delatum fruatur, constat a diagonalis longitudine. *num.* 8. Innotescit pariter tempus, quo percurritur diagonalis. *num.* 9. Leges alia non obtinent, ubi a tribus potentiis corpus nrgeatur, vel a pluribus. *num.* 10. Negotium majus non facessit, ubi vires, a quibus corpus afficitur, sunt oppositæ. *num.* 11.

CONTINUA res quid sit. *par.* 2. *cap.* 3. *num.* 1. Quomodo differat a contrigua. *ibid.* Nonnullorum sententia continuum efficitur ex punctis. *num.* 3. Existere continuum duntaxat ex punctis

probant quinque rationibus. *num.* 4. Adversus continuum solis ex punctis constatum extant septem argumenta. *num.* 5. Hæc eliduntur a vindicibus punctorum. *num.* 6. Alii existimant compingi continuum ex partibus. *num.* 7. Quinque momenta afferuntur contra partes continui. *num.* 8. Putant alii coalescere continuum ex punctis, & ex partibus. *num.* 9.

CORPORUM essentia apud aliquos est divisibilitas. *par.* 2. *cap.* 2. *num.* 3. Impenetrabilitas. *num.* 4. Extensio. *num.* 5. Vis inertie & extensio. *num.* 6. Existentia impenetrabilitatis. *num.* 7.

CORPORUM particule sunt perexiguæ. *par.* 2. *cap.* 3. *num.* 25. Constat illud ab odoribus. *num.* 26. A dissolutionibus. *num.* 27. A luce. *num.* 28. A microscopiis. *num.* 29. A ductibilitate metallorum. *num.* 30.

CUNÆUS quid sit. *par.* 4. *cap.* 6. *num.* 44. Machina exponitur ad experiendum in cuneis idonea. *num.* 45. Ratio expeditur, qua a cuneo amplificatur vis potentiarum. *num.* 46. Evincitur, non pertinere cuneum ad planum inclinatum. *num.* 47. Ad cunei usum triplex affertur consecutio. *num.* 48.

## D

DENSITAS corporum quid sit. *par.* 2. *cap.* 7. *num.* 2. & 3. Causa densitatis sunt spatiosa corporibus interposita. *num.* 4. & 5. Densa corpora æqualiter essent, ubi non penderet densitas a numero vacuitatum. *num.* 5. Figuræ molecularum, quibus corpora farciantur, admittunt interstitia. *num.* 6. Fluida corporibus per illa delatis non obsterent pro ratione densitatum, si hæc non progredierentur a spatiis. *num.* 7. Intercideret motus corporum omnis. *num.* 8. In igne saltem non differt densitas a copia inanitatum. *num.* 9.

DENSITATEM spatii auferunt, qui insensum habent Epicurum. *par.* 2. *cap.* 7. *num.* 10. Repugnat corpus omnino tene, quod cuncta repleat corporum spatia. *num.* 10. & 11. Vacua corporibus interjecta non respondere creduntur den-

sitati, quia inductæ ideæ falsæ fueræ, & nature legibus adverſæ. *num.* 12. & 13. Aqua dicitur vacuitatibus abundet, non comprimitur peculiarem ob figuram molecularum. *num.* 14. & 15. Mercurius ab aere attollitur, quia hujus raritas pensatur ab altitudine prementium columnarum. *num.* 16. & 17. Spatiola, quæ densitatem pariunt, verè substantiæ non sunt, sed materiæ potius deflectiones. *num.* 18. & 19.

DIRECTÆ lucis phenomena patent ex capsula obscura. *par.* 3. *cap.* 7. *num.* 2. Ad imaginum descriptionem confert omnino situs retinæ. *num.* 3. Depingere nulla in oculo potest, quin obtineat locum inversum. *num.* 4. Exhibentur nonnullæ ad visionem definitiones. *num.* 5.

DIVISIBILE non est corpus infinite. *par.* 2. *cap.* 3. *num.* 10. Partes, quæ ab aliis differunt, efficient numerum infinitum. *ibid.* Exigua corporis particula materiem suppeditaret ad constituenda infinita mundorum systemata. *num.* 11. Moleculæ corporum distarent invicem spatiis infinitis. *num.* 12. Penetratio particularum contingeret ex vi naturali. *num.* 13. Divisibilitas finita anteferenda infinitæ est, quod minus adversetur sensibus & rationi. *num.* 14.

DIVISIBILE infinite corpus esse ostendunt Geometrix. *par.* 2. *cap.* 3. *num.* 15. Linea cum recta omnino non sit, admittere partes non potest infinitas. *num.* 15. & 16. Coalescere triangula nequeunt ex minoribus aliis infinite. *num.* 17. & 18. Partes, quæ soliditatem corporum efficiunt, sunt numero definitæ. *num.* 19. & 20. Moraliæ, quas motus admittit, sunt in causa, qua celeritate dupla percutitur duplex spatium. *num.* 21. & 22. Quæ ad calculum differentialem spectant, commentitiam exhibent infinitatem. *num.* 23. & 24.

## E

ELASTICITATIS numerantur effectus. *par.* 3. *cap.* 1. *num.* 27. Cartesius elasticitatem tribuit subtili æternæ materiæ. *num.* 28. Materiæ, quæ intra corpora degat, elasticitatem adjucat

dicat Mazierius. *num.* 29. Orlandus elasticitatem petit ab adtractione. *num.* 30. Explicanda elasticitas est ex ignis repulsione. *num.* 31. Ignem esse elasticitatis causam negant, qui derivant illam ab aere. *num.* 32.

ELECTRICITAS duplex est, primitiva & derivata. *par.* 2. *cap.* 8. *num.* 2. Quo pacto excitetur electricitas a frictione, & a communicatione. *num.* 3. Exponitur illius adtractio. *num.* 4. Repulsio. *num.* 5. Inflammatio. *num.* 6. Crepitus. *num.* 7. Concussio. *num.* 8. Corporum trajectio. *num.* 29. Velocitas excursuum. *num.* 30. Densitatum præ superficiebus electio. *num.* 31. Studium figurarum. *num.* 32. Corporum diminutio. *num.* 33. Depulsio morborum. *num.* 34. Fulminum effectio. *num.* 35.

ELECTRICITAS ab igne provenit, qui effluit a corporibus. *par.* 2. *cap.* 8. *num.* 10. Ex luce, & odore, corporum electricorum constat, illa repleti ignea substantia. *ibid.* Adtractio, & repulsio, ab igne progrediuntur, qui congregitur cum aere. *num.* 11. Tribui igni tantum potest ea, quam electricitas parit, inflammatio. *num.* 12. A conflictu substantiarum igneæ cum aere proficiscitur crepitus. *num.* 13. Concussio a duplici directione oritur, quam subit ignea substantia. *num.* 14.

ELECTRICITATEM igni adjudicant non pauci. *par.* 2. *cap.* 8. *num.* 15. Falsum est, nullam affinitatem inter ignem esse, & electricitatem. *num.* 15. & 16. Corporum primo & secundo electricorum discrimen ab inæqualitate provenit ignearum atmospherarum. *num.* 17. & 18. Tum corpora primo electrica, cum non electrica, atmospheris electricis refragantur, sed diversimode. *num.* 19. & 20. Electricitati primitivæ, & derivatæ, originem faciunt variae corporum texture. *num.* 21. & 22. Adtractio causæ effectuum electricorum non est, sed ignis repulsio. *num.* 23. & 24. Effluit ignis e corporibus, & affluit; sed qui effluit, conficit electrica prodigia. *num.* 25. & 26. Redigi ad effluentem ignem valet hypothesi Fraankliniana. *num.* 27.

EXTENSIO duplex est, formalis & virtualis. *par.* 2. *cap.* 2. *num.* 5. Formalis est corporum essentia. *num.* 8. Triplex dimensio est primum, quod apprehenditur in corpore. *ibid.* Ad corpus inepta funditas est extensio virtualis. *num.* 9. Impenetrabilitas, cui essentiam corporis quidam tribuunt, non differt ab extensione. *num.* 10. Exigentia impenetrabilitatis nihil proficit ad corporis constitutionem. *num.* 11. Divisibilitas, vis inertie, & alia, obire nequeunt munus essentiarum. *num.* 12.

EXTENSIONEM esse corporum essentiam, vocarunt multi in dubitationem. *par.* 2. *cap.* 2. *num.* 13. Licet incompete rerum proprietates sint, dignoscitur tamen, quæ firmæ sint, & quæ sint fluxæ. *num.* 13. & 14. Quæ de vi inertie, & de vi activa, ad corporum essentiam memorantur, sunt nimium remota, & veritati parum affinia. *num.* 15. & 16. Ab extensione egrediuntur attributa multa corporum essentialia. *num.* 17. & 18. Extensio modum substantialem exhibet, cujus gratia corpus sustinet proprietates. *num.* 19. & 20. Corporis Christi extensione vera potitur in Eucharistia, quin ulla suboriatur contradictio. *num.* 22. & 23.

## F

FLUIDITAS corporum quid sit. *par.* 3. *cap.* 2. *num.* 2. Parvis in moleculis, sphericis, & dissolutis, sitam fluiditatem esse, ait Musschenbroekius. *num.* 3. Fromondus in re continua, & flexibili, collocat fluiditatem. *num.* 4. Fluiditatem quibusdam a vorticibus derivat Scarellius. *num.* 5. Corporum fluiditas provenit a vi repellente. *num.* 7. Ex igne, qui corporum moleculas rejicit, discrimen explicatur fluidorum a solidis. *ibid.* Exponi pressio fluidorum, quæ omnes ad partes exeritur, non potest sine ignis repulsione. *num.* 8. Metalla igni admota liquefunt; indurantur vero, ubi recedant ab illo. *num.* 9. FLUIDITATEM repulsioni ignis adiungunt, qui invicem habent adtractionem. *par.* 3. *cap.* 2. *num.* 10. A motu adju-



tu adjuvatur ignis, ut impertiat corpori fluiditatem. *num.* 10. & 11. Molecularum a figura oriri fluiditas non valet, quia fluida corpora fiunt sine mutatione particularum. *num.* 12. & 13. Lateres clybano inducti obdurantur, propterea quod egrediatur cum aqua ignis, unde expectanda erat fluiditas. *num.* 14. & 15. Corporum, quæ liquefiunt, gravitas non immutatur ob æqualem ignis in particulas omnes actionem. *num.* 16. & 17. Ignis, qui fluidus est, igne alio non indiget ex corporum, quibus interponitur, concretionem: *num.* 18. & 19.

FLUIDA quoquoquevis gravitate ostenditur triplici experimento. *par.* 4. *cap.* 7. *num.* 2. Quinque rationibus probant nonnulli, fluida reapse non gravitare. *num.* 3. Expediuntur facile quinque illæ exceptiones. *num.* 4. Ad pressionem, quæ fluidis conveniunt, theoriam præmittuntur definitiones. *num.* 5. Vasorum, in quibus pressiones consciuntur, alia sunt uniformia, & alia difformia; hæc vero in convergentia dividuntur, & divergentia. *num.* 6. Describitur machina ad sumenda de fluidorum pressionibus experimenta comparata. *num.* 7. Quævis sit forma vasorum, pressiones, quæ in illis fiunt, respondent basi, & altitudini. *num.* 8. & 9. Ubi fluida sint eterogenea, capiendum pressionum momentum est a basi, altitudine, & densitate. *num.* 10. Quod de vasorum rectorum pressionibus fancitur, convenit etiam in obliqua. *num.* 11. Quid sit fluidorum libella, & æquilibrium. *num.* 12. Tuborum communicantium congeneres liquores ferunt æquilibrium, si æquali donentur altitudinæ. *num.* 13. Liquoribus in degeneribus æquilibrium obvenit, ubi altitudines sint reciproce ut densitates. *num.* 14.

FLUMINUM cursus exponitur. *par.* 4. *cap.* 7. *num.* 42. Quid sit alveus, & sectio velocior, tardior, & æquevelox. *ibid.* Horizontali in alveo inferioris æque cursus acceleratur a pressione superioris. *num.* 43. In alveo declivi celeritas aquæ a proclivitate oritur, non a pressione. *ibid.* Definuntur aquarum volumen, quod certo tempore defluit pro  
*Tom. III. Physic.*

varietate sectionum. *num.* 44. Aquarum fluvialium percussio a plano, quod feriunt, pendet, & a celeritate. *num.* 45. Ad fluminum libellationem duplex exponitur genus libellarum. *num.* 46. Methodus docetur libellationum. *num.* 47.

FLUXUS liquorum quomodo peragatur. *par.* 4. *cap.* 7. *num.* 32. Quantitates liquorum a vale dum effluunt, sunt ut celeritates. *ibid.* Ad liquorum fluxum dux afferuntur animadversiones. *num.* 33. Celeritates liquorum executionum sunt ut radices altitudinum, quas obtinent supra foramen. *num.* 34. Ervuncuntur quantitates fluidorum, quæ pro foraminum, & altitudinum, discrimine egrediuntur tempore definito. *num.* 35. 36. 37. & 38. Liquoris cylinder æquali tempore duplo longior altitudinæ vel, a qua decideret motu perpendiculari. *num.* 39. Quid fonticuli sint horizontalis, & verticalis. *num.* 40. Horizontalis parabolice inflectitur, & longitudinem explicat radici altitudinis æqualem. *ibid.* Verticalis ad altitudinem ei æqualem se effert, a qua decedit in tubo. *ibid.* Enarrantur aliqua huius vitia. *ibid.* Fluidorum exitus insignior est, si ad fundum vasis foramen extet, non ad latus. *num.* 41. Egreditur liquor copiosius, si adplicitur tubus foramini. *ibid.*

GASSENDI principia corporum quæ sint. *par.* 1. *cap.* 2. *num.* 2. Atomis sunt insectiles, & figuratæ. *num.* 4. & 5. Non sunt corporum principia. *num.* 6. Principium simplex est; atomi autem redigi possunt in alia. *ibid.* Congeneres esse non possunt, nec degeneres. *num.* 7. Corpora attexere nequeunt ob exiguitatem. *num.* 8. Servandus illarum motus esset, & perimendus. *num.* 9. Ob soliditatem impedirent omnem corporum dissolutionem. *num.* 10.

GASSENDI atomis concedita a multis fuit ratio principiorum. *par.* 1. *cap.* 2. *num.* 11. Corporum effluvia probant, ex moleculis corpora constare, sed non ex atomis. *num.* 11. & 12. Particulæ, quibus salia compinguntur, revocari possunt in alia corpuscula. *num.* 13. & 14. Rerum proprietates explicari atomis æque valent, ac re alia. *num.* 15. & 16.

K k k

Vatix

Variae corporum densitates ostendunt extate inter moleculas spatiosa. *num.* 17. & 18. Ridiculum est, visas atomos fuisse ope microscopii. *num.* 19. & 20.

GRAVITAS corporum quid sit. *par.* 2. *cap.* 5. *num.* 2. Pertinet illa ad corpora univēsa. *num.* 3. Non est ubique gravitas aequalis. *num.* 4. Proportione respondet corporum densitati. *num.* 5. Corporibus confert motum acceleratum. *num.* 6. Motus ille redigitur, demum ad uniformem. *num.* 7. Gravitationem posuit Aristoteles in propensione corporum ad tellurem. *num.* 8. Egrementibus tellure effluvis tribuit Gassendus. *num.* 9. Cartesius collocavit in vortice, qui tellurem complectitur. *num.* 10. Materię a telluris centro propulsatę adjudicavit Leibnitiū. *num.* 11. Varignonius in aere constituit nifum exercentem in tellurem. *num.* 12. Adtractioni dedit gravitatem Newtonus. *num.* 13. Illius causa est adtractio. *num.* 14. Cum corpora se adtrahant, adduci ea possunt a tellure. *ibid.* Motus, qui a gravitate provenit, est accelesatus, uti esse deberet, si profuēret ab adtractione. *num.* 15. Gravitas sequitur corporum densitatem; a causa autem externa si oriretur, rationem servaret superficiēi. *num.* 16. Si ab impulsione gravitas procederet, non esset variis in locis inaequalis. *num.* 17. Impulsio, quę causa gravitatis esset, postularēt seriem moventium infinitam. *num.* 18.

GRAVITATEM accerere multi reſpondent ab adtractione. *par.* 2. *cap.* 5. *num.* 19. Directionum determinatio progreditur a presentia telluris. *num.* 19. & 20. Aequę gravia ad quamque altitudinem corpora sunt, quia differentię sunt exiguę ad semidiametrum telluris. *num.* 21. & 22. Uniformis motus corporum evadit ex volumine aeris, & elasticitate. *num.* 23. & 24. Inaequalis est gravitas ob varias telluris densitates & figuram illius. *num.* 25. & 26.

GUSTATUS organum quid sit. *par.* 3. *cap.* 3. *num.* 4. Musculi describuntur, qui deserviunt gustui. *ibid.* Explicantur membranae. *num.* 5. Glandulae exponantur. *num.* 6.

IMMERSIO solidorum corporum in fluidis quomodo peragatur. *par.* 4. *cap.* 7. *num.* 19. Exponitur libra hydrostatica ad ercendum pondus corporum immerforum. *num.* 20. Corpus, quod in fluidum minus grave demittitur, mergitur, tantumque sui ponderis amittit, quantum inest aquali fluidi volumini. *num.* 21. Solidorum pondere aequalium quod levius specificis est, majorem fert virium jacturam. *num.* 22. Evinci eo pacto putant, posse metallorum depravationem. *ibid.* Ex ponderibus, quę solida corpora dimittunt, dignoscuntur gravitates specificę fluidorum. *num.* 23. Ponderibus corruptis respondent gravitates etiam specificę corporum solidorum. *num.* 24. Ubi fluido aque gravi solidum immittatur, demergitur, nihilque ponderis retinet, quo potiebatur ante immersionem. *num.* 25. Solidum, quod graviiori fluido injicitur, descendit unica sui parte; tanta autem vi sursum effertur, quanta differentia est gravitatum utriusque specificarum. *num.* 26. Portio solidi immersa ad volumen totum est, ut gravitas illius specificā ad fluidi gravitatem. *num.* 27. Gravitates specificę illinc eruuntur solidorum corporum, & fluidorum. *num.* 28. & 29. Ratio traditur, qua conficiatur areometrum. *num.* 30. Phaenomena explanantur hydrostatica, præstantiora. *num.* 31.

INERTIE vis existit reapse. *par.* 2. *cap.* 6. *num.* 2. Opinati multi fuere, discrepare illam a ceteris corporum proprietatibus. *num.* 3. Posita a nonnullis fuit in negatione, seu indifferentia ad motum, & ad quietem. *num.* 4. A corporum soliditate non discriminari affirmarunt alii. *num.* 5. Collocata fuit in mediis, per quę corpora ferantur. *num.* 6. Inertiam probabile est eodem redire, ac corporum gravitatem. *num.* 8. Determinatio, quam corpus a gravitate obtinet, adversatur aliis universis. *ibid.* Si aliud a gravitate inertia esset, penderet in aere corpus sine motu. *num.* 9. Proprietas unica refragari non potest.

potest motui & quieti. *num.* 10. Quum corpus verticaliter erigitur, resistentiam offerret in ratione duplicata densitatis, si a gravitate differret inertia. *num.* 11. Peculiari sine ratione invehenda non est causa nova. *num.* 12.

INERTIAM cum gravitate confundi nolunt viri minime indocti. *par.* 2. *cap.* 6. *num.* 13. Motus perpendicularis, qui a gravitate provenit, motibus opponitur universis. *num.* 13. & 14. Sphæra a filo suspensa, quæ attollatur, resistentia æqualis omnino est gravitati. *num.* 15. & 16. Fluidorum inertia a gravitate si non procederet, obliterent aliter corporibus per illa deductis. *num.* 17. & 18. Dum motus corporum horizontaliter augetur, inertia renititur pro ratione gravitatis. *num.* 19. & 20. Sphæra, quæ, dum cadunt, malleolo percutiuntur, separantur ex certa gravitatis determinatione. *num.* 21. & 22. Corpora, dum a motu ad quietem transiunt, sustinentur a gravitate. *num.* 23. & 24.

INTESTINUS fluidorum motus impugnat quinq; rationibus. *par.* 3. *cap.* 2. *num.* 21. Hæ tamen infirmantur omnino. *num.* 22. Admittendus motus intestinus non est, quia nulla suppetit ad illum necessitas. *num.* 23.

LEGES, quas ad Physicæ adhibent, sunt septem. *Isag.* *cap.* 3. *num.* 19. Rationis sufficientis prima est. *num.* 20. Intenitatis indiscernibilium. *num.* 21. Continuitatis. *num.* 22. Conservationis motus. *num.* 23. Durationis virium. *num.* 24. Minimæ actionis. *num.* 25. Newtonianæ. *num.* 26. 27. 28. 29.

LEIBNITII principia corporum quæ sunt. *par.* 1. *cap.* 5. *num.* 2. Simplicia sunt. *num.* 3. Dissimilia. *num.* 4. Activa. *num.* 5. Principia Leibnitiana sunt veritatis ceteris proximiora. *num.* 8. Corpora, cum composita sint, redigenda sunt ad res simplices. *ibid.* A Leibnitii principis compingi corpora possunt, quia carent figura. *num.* 9. Dissimilia esse corpora non valeret, nisi efformarentur disparibus e principis. *num.* 10. Actiones corporum revocandæ sunt in activa principia. *num.* 11. Ex Leibni-

tianis principis explicatur facile corporum extensio. *num.* 12.

LEIBNITII principia displicent compluribus. *par.* 1. *cap.* 5. *num.* 13. Nulla est ratio, quæ inter se differant simplices substantiæ. *num.* 13. & 14. Proprietatum in corporibus extensum alia a figura proveniunt, alia ab ipsis principis. *num.* 15. & 16. Corpora licet substantiarum simplicium concrectiones sint, non amittunt rationem substantiæ. *num.* 17. & 18. Inextensio principiorum non officit, sed. prodest corporum extensioni. *num.* 19. & 20. Principia Leibnitii media sunt inter corpus & spiritum. *num.* 21. & 22.

Lux duplex est, primitiva nimirum, & derivata. *par.* 3. *cap.* 6. *num.* 10. Conjungitur illa cum motu particularum. *num.* 11. Non est compos intentionis. *num.* 12. Incedit recta corporum instar ceterorum. *num.* 13. Celeritatem obtinet ferme incredibilem. *num.* 14. Decrescere inverse dicitur ut quadrata distantiarum a puncto lucido. *num.* 15. Sita est in lucidi corporis oscillatione. *num.* 17. Summa exat lucem inter & sonum analogia. *ibid.* Sine corporis motu nulla fit lucis propagatio. *num.* 18. Occulta qualitas si lux esset, cereretur, tamen abesset lucidum corpus. *num.* 19. Reflexitur lux, & refrangitur; fieri autem illud non potest, quin degat in corpore moto. *num.* 20. Celeritas, quæ lux gaudet, explicari non valet effluvis. *num.* 21.

LUCEM non esse materiæ lucidæ vibrationem contendunt non pauci. *par.* 3. *cap.* 6. *num.* 22. Lucis phenomena oriri a qualitate absoluta est hallucinatio Peripateticorum. *num.* 22. & 23. Imparia effluvia sunt lucis propagationi. *num.* 24. & 25. Motus particularum sibi lux exposulat, sed omni motu destituitur pressio. *num.* 26. & 27. Progredditur rectam per lineam lux ob insignem, quæ donatur, subtilitatem & celeritatem. *num.* 28. & 29. Corpora omnia, quæ lucent, potiuntur aliqua elasticitate. *num.* 30. & 31.

LIBRA quid sit. *par.* 4. *cap.* 6. *num.* 16. Afferuntur nomella ad libræ usum.

pernecessaria. *num.* 17. Quid sit statera. *num.* 18. In statera usum proponuntur aliquæ animadversiones. *num.* 19.

## M

**M**ACHINARUM compositarum exponitur usus. *par.* 4. *cap.* 6. *num.* 49. Quæ sint machinarum pondera. *num.* 50. Quas admittant potentias. *num.* 51. Quibus vitiis laborent funes machinarum. *num.* 52.

MICROSCOPIMUM duplex est, simplex videlicet & compositum. *par.* 3. *cap.* 9. *num.* 35. Simplex describitur. *num.* 36. Delineatur compositum. *num.* 37. Expeditur, quod illorum sit utilis. *num.* 38.

MOTUS triplex est, absolutus, relativus communis, & relativus proprius. *par.* 4. *cap.* 1. *num.* 2. & 3. Tribus interdu motibus affici potest unicum corpus. *num.* 4. Motus est successiva corporis de loco in locum translatio. *num.* 19. Præter res, quæ a semetipsis moventur, præcipua motus causa est ignis. *num.* 20. Motus perseverantia peti ab impetu potest, qui superest in re mota. *num.* 21. Exitur motus reapte. *num.* 6. Motus nequit esse præjudicium, quia illius evidentia locis cunctis innotuit, & temporibus. *ibid.* Supervacanea prorsus esset materia, si motus non extaret. *num.* 7. Immutabiles motuum præscriptiones sunt, quo evincitur, non esse motum idealem. *num.* 8.

MOTUM non existere affirmarunt Veterum nonnulli. *par.* 4. *cap.* 1. *num.* 9. Locus duplex polluitur ad motus existentiam. *num.* 9. & 10. Tabula, quæ super aliam gradiatur, spatium duplum percurrit tempore tantum duplo. *num.* 11. & 12. Testitudinem esse Achille tardiozem, summa ostendit ex progressione geometricæ terminis confecta. *num.* 13. & 14. Infinitus non est motus, quia infinita materiæ divisibilitas commentum est phantasia. *num.* 15. & 16. Motus quidem materiæ inest, sed non coextenditur illi. *num.* 17. & 18.

MOTUS uniformis qui sit. *par.* 4.

*cap.* 2. *num.* 4. Spatium, quod motu uniformi conficitur, exponi potest re-ctangulo. *num.* 5. Quæ duobus a corporibus celeritate, æquali peragratur, spatia sunt ut tempora. *num.* 6. Celeritates corporum, quæ tempore inæquali per æqualia spatia feruntur, inversam sequuntur temporum rationem. *num.* 7. Tempora, quibus celeritate inæquali per æqualia spatia corpora progrediuntur, sunt celeritatibus inverse proportionalia. *num.* 8. Quantitates motuum, quæ massis æqualibus insunt, tuerentur proportionem celeritatum. *num.* 9.

MOTUS acceleratus qui sit. *par.* 4. *cap.* 2. *num.* 10. Tempora, quibus ille perficitur, designantur a latere trianguli. *ibid.* Area trianguli spatium exhibet, quod perculatur motu accelerato. *num.* 11. Spatia, quæ ex motu acceleratione conficiuntur, feriem tuerentur numerorum imparium. *num.* 12. Eodem ex triangulo constat, spatia esse quadratis temporum proportionalia. *num.* 13. Quæ de motu accelerato statuuntur, consentiunt omnino in gravium corporum descensum. *num.* 14.

## O

**O**DORATUS organum quid sit. *par.* 3. *cap.* 4. *num.* 2. Exponitur os ethmoides. *ibid.* Membrana pituitaria. *num.* 3. Processus mamillares. *num.* 4. Facultatem olfaciendi in processibus mamillaribus degere censet Vieussenius. *num.* 5.

ODORES non sentiuntur, nisi versentur in aere. *par.* 3. *cap.* 4. *num.* 6. Calor maxime prodest odoribus. *num.* 7. Odores corpora acquirunt, dum permiscuntur cum aliis. *num.* 8. Symptomata in hominibus multa creantur ab odoribus. *num.* 9. Attinguntur generatim discrimina odorum. *num.* 26. Gignantur odores a corporum particulis. *num.* 11. A Veteribus nuncupati odores fuerunt & caligo. *ibid.* Odorum moleculæ si vase concludantur, nullam pariunt sensationem. *num.* 12. Calor odores promovet, quia corporum particulas asserit in libertatem. *num.* 13.

Quum

Quum corpora permiscetur, ebullitio evenit, & fermentatio, in qua particulæ motum assecutæ edunt odores. *num.* 14. Synopes, & convulsiones, quæ ab odoribus enascuntur, tribuendæ imperii sunt molecularum. *num.* 15.

ODORES in particulis reperiri negant Peripatetici. *par.* 3. *cap.* 4. *num.* 16. Odores non sunt affectiones in molecularis receptæ, quia postulat ad motum substantia. *num.* 16. & 17. Corpora multa odore non emittunt ex particularum ad illud idonearum inopia, vel ex alia causa. *num.* 18. & 19. Olendo corpora reapse cum inquantur, prodeunt odores ab effluviis. *num.* 20. & 21. Ex affinitate, quæ odoratum inter, & gustum invenitur, non evincitur uti sensum utrumque iisdem particulis. *num.* 22. & 23. Corpora procul posita olent, quia molecularis tensiones separantur a concretioribus. *num.* 24. & 25.

OPACA corpora alia sunt, & alia sunt diaphana. *par.* 3. *cap.* 6. *num.* 33. Tres occurrunt observationes de corporum opacitate. *num.* 34. Opaca ex pororum directione corpora esse constat a quinque rationibus. *num.* 35. Tribus de causis in particularum dissimilitudine opacitatem collocat Newtonus. *num.* 36. Ex tamen infirmantur haud ægre. *num.* 37.

## P

PENDULI, quod simplex, & compositum, est, proponuntur definitiones. *par.* 4. *cap.* 4. *num.* 40. Prima pendulorum proprietas est, in medio non resistente ad eandem, a qua descendunt, ascendere altitudinem. *num.* 41. Eruntur hinc quatuor consecutiones. *num.* 42. Proprietas pendulorum altera est, oscillationes illorum inæquales, si exiguæ sint, esse isochronas. *num.* 43. Profluunt inde duæ consecutiones. *num.* 44. Tertia pendulorum proprietas est, tempora, quibus oscillationes faciunt, esse ut radices longitudinum. *num.* 45. Enascitur illinc unica consecutio. *num.* 46. Ratio do-

Tom. III. Physic.

cetur redigendi compositum pendulum ad simplex. *num.* 47.

PHYSICI Scriptores qui sint. *Isag.* *cap.* 1. *num.* 1. Orientales. *num.* 2. Australes. *num.* 3. Occidentales. *num.* 4. Boreales. *num.* 5. Græci. *num.* 6. Arabes. *num.* 7. Scholastici. *num.* 8. Tomeus, Pomponatius, & Niphus. *num.* 9. Piccolomineus, & Barbarus. *num.* 10. Telebins, Cardanus, & Brunus. *num.* 11. Baconus, & Campanella. *num.* 12. Galileus & Keplerus. *num.* 13. Gassendus. *num.* 14. Bernierius, & Nevreus. *num.* 15. Charleonnus, & Senguerdus. *num.* 16. Cartesius. *num.* 17. Andala, & Rohaultius. *num.* 18. Regisius, & Legrandius. *num.* 19. Leibnizius. *num.* 20. Wolfius, & Hanschius. *num.* 21. Newtonus. *num.* 22. Cotesius, & Gravesandus. *num.* 23. Duncius, & Gehringius. *num.* 24. Academia Florentina. *num.* 26. Londinensis. *num.* 27. Parisiensis. *num.* 28. Berolinenfis. *num.* 29. Petropolitana. *num.* 30. Bononiensis. *num.* 31.

PHYSICE quid sit. *Isag.* *cap.* 3. *num.* 1. Circa corpus versatur, quæ est mobile. *num.* 3. Adjumenta illius sunt Arithmetica, & Geometria. *num.* 4. In priorem dividitur, & posteriorem. *num.* 30. Auxiliatur Physice Theologiz. *num.* 6. Ex rerum naturalium meditatione profluit Dei cognitio. *ibid.* Theogoniz Veterum docebantur a Physice. *num.* 7. Voces innumeras ab ea capit Theologia. *num.* 8. Intellectum conformat Arithmetice usui, & Geometrie. *num.* 9. Chronologia Theologo necessaria est quæ docetur a Physice. *num.* 10.

PHYSICEN Theologiz non prodesse, opinati sunt multi. *Isag.* *cap.* 3. *num.* 11. Concilia, & Pontifices improbantur Physicen superstitiosam. *num.* 11. & 12. Vocabula, & alia, quæ Physice adpat, non sunt aliena a Theologia. *num.* 13. & 14. Apud Theologos Fides obinet, sed locum in multis habet probabilitas & conjectura. *num.* 15. & 16. Nonnulli extiterunt, qui Physicen excoluere, & Theologiam. *num.* 17. & 18.

PLANUM inclinatum quid sit. *par.* 4. *num.* 3. *cap.*

Kkk 3

cap. 6. num. 35. Gravitas, qua corpus descendit, est ad totam, ut altitudo plani est ad longitudinem illius. num. 36. Evincitur spatium, quod per planum conficitur tempore definito. num. 37. Tempore eodem percurrunt omnes circuli chordæ. num. 38. Exponitur modus, quo a plano inclinato succrescunt vires potentiarum. num. 39. Ad plani inclinationis nsum prætereunda non est unica consecutio. num. 40.

Poros corporibus inesse, constat innumeris ab experimentis. par. 2. cap. 7. num. 20. Differunt pori magnitudine. num. 21. Inæquales etiam sunt numero. num. 22.

PRINCIPIMUM quid sit. par. 5. cap. 3. num. 2. Quæ ad corpora pertinebant, erant multa apud Philosophos. *ibid.* Principia sunt Aristotelis, Galilei, Cartesii, Paracelsi, & Leibnitii. *ibid.*

PROJECTORIUS motus nonnullas sibi vindicat definitiones. par. 4. cap. 4. num. 12. Quam directio perpendicularis est, describit corpus parabolam. num. 13. Parabolicum esse curvam, quam projectum corpus attingit, ostenditur duplici experimento. num. 14. Eruitur tempus, quo certa vi projectili corpus percurrit parabolam. num. 15. Arduum non est, amplitudinem parabolæ dignoscere, & altitudinem. num. 16. Quæ traduntur, verissima sunt, quivis sit angulus elevationis. num. 17. Ex aliis virium complexionibus oriri possunt circulus, & ellipses. num. 18. Ubi motus a mota causa proveniat, corpus tantum recedit, quantum distaret, si quiesceret locus projectionis. num. 19. Demonstratur, eam legem esse veram, ubi projectio sit perpendicularis. num. 20. Falsa etiam non est, quum horizontalis est projectio. num. 21. & 22.

## Q

QVIES duplex est, relativa scilicet, & absoluta. par. 4. cap. 1. num. 22. Licet Cartesius in re positiva quietem statuerit, in negatione tamen motus posuit Mallebrachius. *ibid.*

REFLEXIO lucis quid sit. par. 3. cap. 8. num. 2. Angulum incidentiæ æqualem esse angulo reflexionis liquet ab experimento. *ibid.* Ostenditur res eadem a virium compositione. num. 3. Catheti explicantur incidentiæ, reflexionis, & obliquisitionis. num. 4. Lucis reflexio fit in corporum superficie. num. 6. Mutari lucis directio tantum potest a corpore objecto. *ibid.* Remittitur lux a stanno, quod apponitur posteriori speculi superfici. num. 7. Lux, dum prismati impingit, regreditur ex contactu molecularum vitri solidarum. num. 8. Color corporum non perciperetur, si lucis reflexio perageretur extra illa. num. 9.

REFLEXIONEM lucis extra corpus effici, dogma est nonnullorum. par. 3. cap. 8. num. 10. Lux in prisma refracta regreditur ab aere, quia hujus in poris reperit ignis resistentiam. num. 10. & 11. Ab inæquali speculi superficie non dispergitur lucida tota radii in illud cadentis materia. num. 12. & 13. A vacuo petenda refractionum & reflexionum differentia non est, sed ab igne corporum poris intercepto. num. 14. & 15. Corpora, quum densiora sunt, maiorem lucis copiam remittunt ob pororum, per quos lux transit, directionem. num. 16. & 17. Atmosphæra lucida, quæ causa reflexionis extra corpus sit, laborat vitiis non levibus. num. 18. & 19.

REFRACTIO lucis quid sit. par. 3. cap. 9. num. 2. Nonnullæ afferuntur definitiones. *ibid.* A medio raro in densum ubi lux veniat, accedere perpendiculari, ab ea autem recedere, si a denso transeat in rarum, ostenditur experimentis. num. 3. Machina describitur ad eruendam refractionum quantitatem instituta. num. 4. Lucis refractione progreditur ab adtractione. num. 6. Adtractionem causam refractionis esse liquet ex virium compositione. *ibid.* Densiora corpora a lumine celerius trajiciuntur, quia fortior est vis adtractionis. num. 7. Lux, quæ in cultri, aut vitri,

tri, aciem cadat, inflectitur; & sol adtrahit planetas. *num.* 8.

REFRACTIONEM lucis derivare ab adtractione inficiantur hostes Newtoni. *par.* 3. *cap.* 9. *num.* 9. A celeritatum unione non oritur refraction, quia nulla esset causa auctæ velocitatis. *num.* 9. & 10. Proficisci refractionem ab obliquo particularum lucidarum incurfu, vetat exiguitas illarum. *num.* 11. & 12. Fieri non potest, ut ad gignendam refractionem angulus radii perveniat ad planum prius alio. *num.* 13. & 14. Densitatum proportionem refraction non sequitur, quia temperatur hæc ab ignis resistentia. *num.* 15. & 16. Lux effluviu licet non sit, motum tamen admittit, cujus a directione deflectit ope adtractionis. *num.* 17. & 18.

RESISTENTIA mediorum ab illorum densitate oritur, a corporum superficie, & a celeritate. *par.* 4. *cap.* 2. *num.* 15. Fluidorum corporum cum aliis, quæ per illa deferuntur, lucem ostendit Nolletus experimentis. *num.* 16. Ad fluidorum homogeneorum resistentias evincendas adhibetur regula duplex. *num.* 17. Præceptio triplex prætereunda non est ad resistentias fluidorum eterogeneorum. *num.* 18. Resistentia, quam solida corpora solidis obijciunt, dicitur affrictus. *num.* 19. Momenta frictionum a superficie corporum pendent, pressione, & celeritate. *num.* 20. Constat impossibile esse motum perpetuum. *n.* 21.

ROTÆ dentatæ quid sint. *par.* 4. *cap.* 6. *num.* 30. Celeritas primæ ad postremæ velocitatem est in ratione composita denticulorum omnium singulis interpositorum. *num.* 31. In duplici glossocomo demonstratur, ex ea lege augeri maxime potestas. *num.* 32. Confirmatur illa triplici etiam in glossocomo. *num.* 33. Ad rectum rotarum densitarum usum afferuntur duæ animadvertiones. *num.* 34.

S

SAPORES quibus in corporibus degant. *par.* 3. *cap.* 3. *num.* 7. Salsia potissimum sunt causa saporum.

*num.* 8. Saporibus confert multum humiditas. *num.* 9. A calore magis vivi di evadent sapor. *num.* 10. Saporum genera sunt septem. *num.* 24. Acidus. *num.* 25. Acer. *num.* 26. Amarus. *num.* 27. Salsus. *n.* 28. Dulcis. *n.* 29. Austerus. *n.* 30. Acerbus. *n.* 31. Proveniunt sapor a figuris molecularum. *num.* 12. Gustatus structura pendere sapor. *num.* 13. Saporum humiditas juvat, quia laxando fibras viam sternit particulis. *num.* 14. Calor saporibus prodest ob moleculas, quæ patentioribus linguæ poris immittuntur expeditius. *num.* 15.

SAPORES moleculis adiuvant Peripatetici. *par.* 3. *cap.* 3. *num.* 16. Corpora, quæ aliis adjunguntur, sapor. *num.* 16. & 17. Saporum varietas obvenit diversam ob structuram organorum. *num.* 18. & 19. Tamest corpus sapidum idem sit, nec differat organum, sapor. *num.* 20. & 21. Sensus omnes raspe tangunt, sed peculiarem sibi quique vendicat contingendi rationem. *num.* 22. & 23.

SONUS duplex est, primitivus nimirum, & derivatus. *par.* 3. *cap.* 5. *num.* 9. Corpora sonora, quum pulsantur, tremorem præferunt, & oscillationes. *num.* 10. Aeris densitas suffragatur sonorum perceptioni. *num.* 11. Quo pacto fiat sonorum propagatio. *num.* 12. Celeritas sonorum omnium est æqualis. *num.* 13. A copia molecularum pendet quantitas sonorum. *num.* 14. Quid sonus gravis sit, & acutus. *num.* 31. Consonantiæ quinque sunt, & duæ dissonantiæ. *num.* 32. & 33. Explicatur usus sonometri. *num.* 34. In tibus creatur sonus ratione peculiari. *num.* 35. Sonus est aeris trepidatio. *num.* 16. Aristoteles sonum tribuit aeris oscillationi. *ibid.* Sonus emittitur, quum edit sonorum corpus vibrationes. *num.* 17. Non diffunderetur sonus, nisi esset aeris agitatio. *num.* 18. Celeritas indicat, sonum esse

esse aerem commotum. *num. 19.* Soni intensio a motuarum pendet multitudine particularum. *num. 20.*

SONUM esse aeris tremorem negant, qui sequuntur Aristotelem. *par. 3. cap. 5. num. 21.* Motum, qui sonoro corpori inest, admittunt particulæ insensibiles. *num. 21. & 22.* Sonorum inæqualitas in eorum magnitudine reperitur, non in celeritate. *num. 23. & 24.* Creduntur soni perturbari, quia ignoratur modus propagationis. *num. 25. & 26.* Ab auricula inæqualitas sonorum percipitur ex diversitate fibrarum spiralem laminam compingentium. *num. 27. & 28.* Sonus a piscibus exauditur, quia non deest aer in lacubus. *num. 29. & 30.*

SONUS reflexus explicatur. *par. 3. cap. 5. num. 36.* Ex reflexione cogit sonas potest in foco ellipseos. *num. 37.* Nec repugnat redigi illum in focum parabolæ. *num. 38.* Parabolica, & elliptica, ex figura conficitur tuba stentorea. *num. 39.* Elaborari præterea valent tubæ venaticæ, & militares. *num. 40.* Echo exponitur, seu soni repetitio. *num. 41.*

SPECULA duplicis generis sunt, vitrea nimirum, & metallica. *par. 3. cap. 8. num. 20.* Imagines, quæ plano a speculo exhibentur, parum differunt ab objectis. *num. 21.* Licet magnitudine, & distantia, imagines in speculo plano visæ ab objectis non discrepent, dissident tamen loco. *num. 22.* Ubi duorum speculorum invicem inclinatorum angulus sit obtusus, duplex cernitur objecti unici imago. *num. 23.* Tres spectantur imagines, si angulus speculorum sit rectus. *num. 24.* Angulus, quem specula efficiunt, acutus quum est, major evadit numerus imaginum. *num. 25.*

SPECULA convexa multa sunt, sed explorantur tantum sphaerica. *par. 3. cap. 8. num. 26.* Ubi angulus a cathetis incidentiæ, & obliquationis, ad centrum speculi effectus duplex sit anguli reflexionis, imago objecti apparet in speculi superficie. *ibid.* Extra speculi superficiem imago spectatur, si an-

gulus ille major sit duplo reflexionis. *num. 27.* Reflexionis duplo minor angulus quum est, cernitur imago intra speculi superficiem. *num. 28.* Imago in speculo descripta minor est objecto. *num. 29.* Quo proximius objectum est, eo major ceditur imago. *num. 30.* Minor imago est, quo speculum est convexius. *num. 31.*

SPECULA concava licet multa sint, proponuntur tamen phenomena sphaericorum. *par. 3. cap. 8. num. 32.* Puncti lucidi, quod situm in foco speculi sit, radius egreditur axi parallelus. *ibid.* Divergit ab axe radius puncti, quod inter speculi superficiem est, & focum. *num. 33.* Puncti, quod inter speculi focum, & centrum, existit, radius ad axem convergit ultra centrum. *num. 34.* Objecta, quæ in foco speculi extant, vel in centro, fieri nequeunt conspicua. *num. 35.* Imago objecti, quod inter focum, & superficiem, moratur, cernitur post speculum, major apparet, & est erecta. *num. 36.* Ultra speculi centrum imago inverfa conspicitur objecti, quod inter focum versatur, & centrum. *num. 37.* Objecti, quod ultra centrum degit, imago spectatur inter focum speculi, & centrum. *num. 38.*

SPECULA alia extant, cylindricum præsertim, conicum, & pyramidale. *par. 3. cap. 8. num. 39.* Ratio docetur, qua objecta deformantur ad speculum cylindricum. *ibid.* Anamorphoses exponuntur speculi conici. *num. 40.* Formarum restitutio indicatur, quæ obtineri potest a speculo pyramidalis. *num. 41.* Modus describitur, quo funduntur specula generum omnium. *num. 42.*

## T

ACTUS organum quid sit. *par. 3. cap. 3. num. 3.* Ad illud explicatur corpus reticulare, vasculosum rete, & epidermis. *ibid.*

TELESCOPIUM quid sit. *par. 3. cap. 2. num. 29.* Duplex est, dioptricum nempe, & catadioptricum. *ibid.* Telescopium describitur Galileanum. *num. 40.* Altranomicum. *num. 41.* Terrestre. *num. 42.*



NUM. 42. Newtonianum. NUM. 43. Gregorianum. NUM. 44. Alia extant inventa catadioptrica. NUM. 45. Camera obscura describitur. IBID. Lampas megalographica. NUM. 46. Microscopium soliare. NUM. 47. Mentio fit polemoscopii. NUM. 48.

TROCHLEA quid sit. PAR. 4. CAP. 6. NUM. 23. Simplex & immobilis eotantum consistit, ut pondus eleveetur commodius. NUM. 24. Mobilis autem vires adauget potentiarum. IBID. Trochlea duplex eundem effectum præstat, ac simplex, & mobilis. NUM. 25. Triplex, quæ ad vestem generis secundi redigi non potest, vires potentia amplificat pro numero sonium. NUM. 26. Lex eadem universis in trochleis valet, ubi sint conjunctæ. NUM. 27. Separatæ trochlex ubi sint, obtinet alia præceptio. NUM. 28. Observantur nonnulla tutiorem ad usum trochlearum. NUM. 29.

TUBI capillares qui sint. PAR. 4. CAP. 7. NUM. 15. Quibus legibus fluida se efferant in illis. IBID. Ab æris pressione adscensum liquorum in tubos capillares derivant Fabryus & Bernoullii. NUM. 16. Elationem fluidorum Borellius, & Carreus, ducunt a fluidi ad latera tubi capillaris adhesionem. NUM. 17. Ex adtractione elevari in tubis capillaribus fluida, affirmant Jurinus, & Bulfingerus. NUM. 18.

## V

VACUUM an fuerit veteres apud Philosophos corporum principium. PAR. 1. CAP. 2. NUM. 3.

VECTIUM sunt genera tria. PAR. 4. CAP. 6. NUM. 9. Machina describitur ad capienda omnia de vectibus experimenta satis opportuna. NUM. 10. In primi generis vecte potentia vires adaugentur pro incremento distantiarum a fulcro. NUM. 11. Generis secundi vectis potentiam non confirmat aliter a primo. NUM. 12. Vectis generis tertii potentiam roborat minus alii. NUM. 13. Ubi potentia in vectem agant oblique, vires sunt ut rectæ perpendiculares ductæ in directiones illarum. NUM. 14. Legem

illam veram, ostenditur, cunctis in vectibus esse, dum trahuntur etiam a multiplici potentia. NUM. 16.

VISUS organum describitur PAR. 3. CAP. 6. NUM. 2. Palpebræ quid sint. IBID. Musculi. NUM. 3. Membranae. NUM. 4. Humores. NUM. 5. Nervus opticus. NUM. 6. In choroide facultatem videndi statuit Le Cat. NUM. 7. Probabilius est degere illam in retina. NUM. 8. & 9.

VISIONUM regula non est experientia. PAR. 3. CAP. 7. NUM. 2. Leges non conficit, sed sibi supponit quævis experientia. IBID. Ab angulis magnitudinem rerum visarum determinari, constat, ex proportionem distantiarum. NUM. 8. Sensus alii, a quibus capi experientia possent, discrepant penitus a visu. NUM. 9. Si ab usu visiones provenirent, non differrent invicem ullatenus. NUM. 10. Experientia interdum opponitur judiciis oculorum. NUM. 11.

VISIONUM regulam ab experientia petunt nonnulli. PAR. 3. CAP. 7. NUM. 12. Anguli non modo comitantur, verum etiam determinant, objectorum corporum visionem. NUM. 12. & 13. Ex rationum ingenio, non ab usu, competunt sunt rerum distantia. NUM. 14. & 15. Duplici ab oculo objectum duplex non cernitur, quia axes visuales coeunt in punctum unicum. NUM. 16. & 17. Imagines, quæ in oculo pinguntur inverse, probant, visionum judicia progredi ab ipsis radiis. NUM. 18. & 19. Cheseldenii puer de rebus visis ita judicabat, ut liqueret, angulos esse causam omnium visionum. NUM. 20. & 21.

VISTO linearum explicatur. PAR. 3. CAP. 7. NUM. 22. Lineæ nonnullæ, tamet si curvæ sunt, videntur esse rectæ. IBID. Longiores esse lineæ creduntur, quo angulus a radiis effectus est major. NUM. 23. Aequales censentur esse lineæ inæquales, ubi spectentur sub angulo æquali. NUM. 24. Modus indigitatur, quo erri facile possunt turrim altitudines. NUM. 25. Angulus ubi parvus omnino sit, disperit omnis linearum longitudo. NUM. 26.

VISTO exponitur superficierum. PAR. 3. CAP. 7.

*cap. 7. num. 27.* Expansior corporum superficies adspicitur, quo angulus opticus est amplior. *ibid.* Ex angulorum magnitudine perspecta quoque est figura superficierum. *num. 28.* Contextum oculis alium res exhibent ob inaequalitatem angulorum. *num. 29.* Ex optici superficierum conformationibus originem duxit Perspectiva ichnographica, & scenographica. *num. 30.* Duplex communistratur methodus perspectivae ad descriptiones. *ibid.* Explicatur modus, quod donanda: umbris sunt figure scenographicae. *num. 31.* Preceptiones traduntur ad delineandas anamorphosis. *num. 32.*

Visto corporum aperitur. *par. 3. cap. 7. num. 33.* Corpus quietum moveri creditur, si motum habeat reticularis. *ibid.* Quiescere corpus motum censetur ex maxima illius ab oculo distantia. *num. 34.* Si corpora. inaequaliter distent, & moveantur aequaliter, ferri celerius creditur, quod est oculo proximius. *num. 35.* Ubi distantiae celeritates sunt proportionales, existimantur corpora moveri aequaliter. *num. 36.*

Virium centralium *alia* centripeta est, & alia centrifuga. *par. 4. cap. 4. num. 23.* Machina proponitur, qua comperta sit centralium virium theoria. *num. 24.* Modus exponitur, quo ex centralibus viribus percurritur curva. *num. 25. & 26.* *Arcus* triangulorum, quae centralibus viribus percultrantur, servant temporum rationem. *num. 27.* Celeritas enitur, qua curva a corpore perfolvitur centralium virium ex complexione. *num. 28. & 29.* Quantitas virium exploratur, quibus deferuntur corpora per circulos. *num. 30. 31. 32. 33. & 34.* Quadrata temporum, quibus circuli peraguntur, cubis distantiarum a centro motus sunt aequalia. *num. 35.* Lex statuitur ad curvas omnes, quovis in puncto extet centrum motionum. *num. 36.* A veritate legem illam non declinare, ostenditur in circulo, & in ellipsi. *num. 37. & 38.* Ex viribus, quae inverse sint ut quadrata distantiarum a centro, suboriuntur conica sectiones. *num. 39.*

Vires corporum duplices sunt generis, vivae nimirum, & mortuae. *par. 4.*

*cap. 5. num. 2.* *Effectus* omnes, qui a viribus progrediuntur, sunt pure pressionis, vel spatia confecta, vel victae resilientiae. *num. 3.* Causa ignobilior esse non potest suo effectui. *num. 4.* In effectuum supputatione praeterenda non est temporis, quo sunt, ratio. *num. 5.* Vis mortua a rectangulo non differt celeritatis, & massae. *num. 6.* Aestimatio virium vivarum ducenda pariter a producto est massae in celeritate. *num. 7.* Motus, qui est virium effectus, rectangulum aequat massae, & celeritatis. *ibid.* A viribus, quae ut quadrata velocitatum in massam sint, leges evertuntur collisionis corporum inertium. *num. 8.* Si vires ut quadrata celeritatum essent, augetur corporum velocitas sine causa. *num. 9.* Motus acceleratus docet, tueri vires proportionem celeritatum. *num. 10.* Eam esse virium mensuram liquet ex motu etiam retardato. *num. 11.*

Virium estimationem a quadrato celeritatis in massam ducunt Leibnitiani. *par. 4. cap. 5. num. 12.* Ex motu retardato Leibnitiana regula non evincitur, si habeatur temporis ratio. *num. 12. & 13.* In corpore cadente error admittitur, quia eadem virium quantitas accipitur multoties. *num. 14. & 15.* Spatia, quae percurruntur, respondent quadratis celeritatum, sed illud provenit a temporum duratione. *num. 16. & 17.* Corporum elasticorum collisio in mensuram Cartesianam consonat, si in calculum vires redigantur ortae ab elasticitate. *num. 18. & 19.* Quae de motuum compositione memorantur, consinguntur ad arbitrium, nec illustrant virium mensuram. *num. 20. & 21.* Elastorum actio, si recte expendatur, probat, accersendam virium estimationem esse ab ipsa celeritate. *num. 22. & 23.* Effectus a quatuor elastis genitus est quadruplus unius, quia corpori impertit quadruplam celeritatem. *num. 24. & 25.* In foveis, quae a globis excavantur, supputandum est discrimen resilientiarum. *num. 26. & 27.* Funium convolutio, cum nihil a motu retardato discrepens afferat, explicatur ex mensura Car-

Cartesiana . *num.* 28. & 29. *Effectus* , qui unico dicitur tempore obtineri , reapse absolvitur duplici . *num.* 30. &

31.

VITRA plana quæ sint . *par.* 3. *cap.* 9. *num.* 19. In ea paralleli radii si incidant , exeunt paralleli ; sed in egressu coeunt , ubi cadant convergentes . *ibid.* Imago objecti , cujus radii in vitrum paralleli veniant , est illi æqualis , & erecta . *num.* 20. Objectum , quod trans planum vitrum spectatur , apparet proximius , & majus . *num.* 21. & 22. Multiplex objectum evadit , quod trans vitrum cernitur planis multis constat . *num.* 23.


VITRA convexa multas sibi vendicant definitiones . *par.* 3. *cap.* 9. *num.* 24. Lenticularum duplex genus est , nempe plano-convexarum , & convexo-convexarum . *ibid.* Radii quamlibet in lentem convexam incident , & quovis pacto , post egressum copulantur in puncto . *num.* 25. Lentis axi paralleli quam


radii sunt , coeunt in axe ; ab eo autem procul concurrunt , si paralleli invicem sint , sed non axi . *num.* 26. De radiis , qui paralleli lentem invadunt , observanda potissimum sunt tria . *num.* 27. Objectum , quod trans lentem adspicitur , remotius videtur esse , & majus . *num.* 28. Presbytis , hoc est senibus , commendandus usus est lentium convexarum . *num.* 29.


VITRA concava aliquas sibi præire jubent definitiones . *par.* 3. *cap.* 9. *num.* 30. Observandum præsertim est , quid lens sit plano-concava , concavo-concava , & meniscus . *ibid.* Radii quovis pacto in lentem concavam delabantur , egrediuntur divergentes . *num.* 31. Focus imaginarius lentis plano-concavæ ad diametrum concavitationis reperitur , concavo-concavæ autem ad semidiametrum . *num.* 32. Objectum concavam trans lentem inspectum proximius apparet , & minus . *num.* 33. Concavarum lentium usu prospicitur myopibus . *num.* 34.

# F I N I S.

3	20	Anarcharſim	Anarcharſim
8	13	Sorbierius	Sorbierius
14	4	-----	De ACCADEMIA PETROPOLITANA.
18	14	<i>Phyſicorum</i>	<i>De Celo</i>
37	4	fortuita	fortuito
43	2	Jenguerdus	Sengnerdus
59	6	conſperſiones	effectiones
75	9	rei	Dei
93	37	vero L	vero G
93	38	OL	OG
93	40	HOC	HOK
95	8	RE	RC
98	12	100. 314 = 2880. Y	100: 314 = 2880: Y
98	35	1: $\frac{37}{10000}$ = 28534. Y	1: $\frac{37}{10000}$ = 28534: Y
100	17	632. 176000	631. 167000
100	24	36. 150 = 69120. Y	36: 150 = 69120: Y
121	36	quod	quoad
134	19	vecula	voctula
145	3	contineat	conticeat
147	27	adſtractio	adtractio
148	38	ab affluente	ab effluente
156	4	100	500
185	1	diſperſit	diſpertit
200	26	typanum	tympanum
201	28	finem; ubi	finem, ubi
205	10	ſonitus	ſonorus
205	20	diſcretionem	directionem
205	35	induant	inducant
207	23	certe	certæ
208	12	opprimuntur	apprimuntur
208	29	QTQ	RTQ
208	30	TQ	TR
213	16	MKQ	MKR
214	2	GKNM	GHNM
216	17	amphibletoïdes	amphibleſtoïdes
216	21	ex dnobus	ex duabus
221	4	700000	400000
223	13	cuiquam	cuipiam
226	15	quique	quippe
233	1	x & i	x & T
233	3	x & i	x & T
233	4	RQ	RR
233	5	XI	XT
236	16	perſpicilla	perſpicilla
240	5	implicitatem	ſimplicitatem
240	13	ofculum	oculum
240	29	Tactus	Tactui
241	2	intererunt	intereunt
248	17	ob oculo	ab oculo
249	8	& PG	& DC












































\_\_\_\_\_

13






# ABULA II








# ABULA III.






# PLA IV.






# BULA V.






# BULA VI.



















# ABULA IX







# BULA X.












# BVLA XII

Fig. 1.





# PLA XIII

